



BIBLIOTECA NAZ.  
Vittorio Emanuele III

XIV

B

3

NAPOLI


XI  
B  
3











2

D E  
**HORIS CANONICIS**  
TRACTATVS.

In quo non solum de Officiis diuinis, verum etiam  
de Oratione in communi, & de Quotidianis  
distributionibus accuratissime disputatur.

AUCTORE

**R. D. BARTHOLOMÆO A S. FAVSTO,**  
aliàs PIRRO, SICULO, PLATIENSI, Monacho  
Congregationis BEATÆ MARIÆ Fulienfis,  
Ordinis Cisterciensis, & visitatore Ge-  
nerali eiusdem Congregationis.

*OPVS NON SOLVM ECCLESIASTICIS,  
verum etiam cunctis Sacre Theologiæ  
studiosis utilissimum.*

**R. D. IOANNI A SANCTO FRANCISCO**  
Superiori Generali Congregationis B. MARIÆ  
Fulienfis dicatum.



**LVGDVNI,**  
Sumptibus CLAVDII LANDR

**M. DCXXVII.**  
CVM PERMISSV SUPERIORVM.







REVERENDISSIMO  
IN CHRISTO PATRI

D. IOANNI A S. FRANCISCO,  
Superiori Generali Congregationis  
reformatæ BEATÆ MARIÆ  
Fulienfis,

*Domnus Bartholomæus à Sancto Fausto,  
salutem & perpetuam fælicitatem  
à Deo precatur.*



BSOLVI ( Deo  
dante ) non sine  
magno studio , &  
labore , iam diu à  
nostris desideratū  
opus de H O R I S  
CANONICIS , quod est quartus qua-  
liscunque ingenij mei partus : quem  
vt tibi, REVERENDISSIME PRÆSVL,  
vetere consuetudine nostris etiam ap-  
\* 2 pro

probata temporibus cōsecrarem , non  
solūm hoc tibi filius , quamuis indi-  
gnus , & minimus summo iure debe-  
bat , verūm etiam hoc tua merita po-  
stulabant : hoc tua morum integritas,  
vitæ probitas , & officij dignitas exi-  
gebant. Quandoquidem tu es qui ge-  
mino virtutis , & doctrinæ humero  
Congregationem nostram sustentas.  
Tu eius alumnos filios tuos præstan-  
tissimis cūctarum virtutum exem-  
plis semper ad metam perfectionis  
attingendam tacitè cohortaris , viuā-  
que voce sæpissime cūm adhortatio-  
nibus publicè, tum piis consiliis, mo-  
nitis , & præceptis priuatim ex visce-  
ribus paternæ dilectionis indultis, vel  
ignauos, & languidos excitas, vel iam  
currentes impellis. Tu tuis scriptis in  
Molineum insignem nostri temporis  
nouatorem, & translationibus de Græ-  
co in vulgarem sermonem operum  
D. Dionysij Areopagita, Epicteti, &  
Exame



Exameronis D. Basilij, & Ecclesiam  
Gallicanam locupletasti, & Congre-  
gationem fidei tuæ, curæque traditam  
exornasti. Tu denique præclaras res  
gestas, virtutésque eximias fœlicis re-  
cordationis Illustrissimi Domini Frã-  
cisci de Sales Episcopi Geneuæ satis  
amplo volumine in sex libros digesto  
posteritati commendasti. Quapropter  
incredibili afficio gaudio, quòd in  
luce præclari nominis viri adeò Reli-  
giosi, & eruditi appareant opera pie-  
tatem, & doctrinam præ se ferentia,  
quem pietas, & doctrina ad excelsum  
Religionis gradum euexerunt. Hæc  
sunt optime Pastor, quæ me dulci  
quadam violentia impulerūt, vt quas  
Horarum Canonicarum lucubratio-  
nes nunc promulgo, tuo vellem pa-  
trocinio defendi, tuo nomine illu-  
strari. Accipe igitur læta facie, sere-  
nôque vultu, optimarum omnium  
disciplinarum Patrone inclyte, ac

Mœcenas alter, munusculū hoc multis rationibus debitum, etsi exiguum, magna tamen animi propensione oblatum, dum alios meos labores, nonnullos post annos, diuino fauente numine, in lucem emittere præparo. Interim Deum ter optimum Maximum oro, vt te pro Religionis nostræ ornamento, & commodo diutissimè in isto Generalatus officio tueatur, & seruet incolumem. Datum in Monasterio nostro Sancti Ioannis Baptistæ, Congregationis Beatæ Mariæ Fulien- sis, in Augusta Ciuitate Perusiæ fundato, erecto, & dotato ab Illustri Domino Ioanne Baptista Pontano stirpis Hieronymi sui patris extremo, nunc in ætatis suæ anno 90. die 7. mensis Martij 1626.

APPRO

---

## APPROBATIO.

*Facultas Reuerendissimi Patris, Superioris  
Generalis Congregationis Beata  
Mariæ Fuliensis.*

**N**OS FRATER IOANNES A SANCTO FRANCISCO Superior Generalis, facultatem facimus, vt Tractatus de HORIS CANONICIS, à Domno BARTHOLOMÆO A SANCTO FAVSTO nostræ Congregationis Monacho compositus, & Theologorum iudicio examinatus, & approbatus, in lucem edatur, si superioribus quibus id competit, ita placuerit. In quorum fidem has litteras manu nostra subscriptas dedimus, in Monasterio Sanctæ Pudentiænæ de Vrbe. Die 20. mensis Martij 1625.

FR. IOANNES A SANCTO FRANCISCO  
Superior Generalis.

---

**P**IETATEM redolet tractatus, & à  
pio etiam Authore est, utilis est sanè,  
& dignus in plurimorum vtilitatem  
qui in lucem prodeat. Omnia habet ad men-  
tem Ecclesiæ conformia, nihil contra fidem,  
nihil contra mores bonos proponens. Sic  
censco. Actum Lugduni die prima Decem-  
bris 1626.

FR. ROBERTVS BERTHELOT  
Episcopus Damasci.

---

**Q**UOD faustum sit: Tractatum hunc  
de HERRIS CANONICIS à P. BAR-  
THOLOMÆO A SANCITO FAVSTO com-  
positum, ritè & canonicè vt supra laudatum  
& approbatum in lucem edi permittimus.  
Lugduni die quarta Decembris 1626.

MENARD Vicar. Gen. sub.

---

CONSENSVS.

**L**IBRVM hunc qui inscribitur DE  
HORIS CANONICIS TRACTATVS  
Auctore R. D. BARTHOLOMÆO  
A S. FAVSTO Monacho B. MARIÆ Fu-  
liensis Ordinis Cisterciensis à Theologis  
probatum, ego Procurator Regius Typis  
mandari & demum in lucem exponi con-  
sentio. Lugduni 9. Decemb. 1626.

PVGET.

---

**D**E HORIS CANONICIS TRACTA-  
TVM à R. D. BARTHOLOMÆO A  
S. FAVSTO Monacho Congregationis Fu-  
liensis Ordinis Cisterciensis, compositum, à  
CLAUDIO LANDRY Bibliopola Lugdu-  
nensi in lucem dari permittimus, simul ne  
quis citra factam ei potestatem denuo ex-  
cudat, interdicimus. Lugduni 9. Decembris  
1626.

AVSTREIN.

---

# I N D E X

*Auctorum omnium, ex quorum doctrina  
præsens hoc nostrum opus com-  
pactum est.*

## A



VGUSTINVS Sanctus.

Ambrosius Sanctus.

Anselmus Sanctus.

Adrianus Papa.

Albertus Magnus.

Alexander Alensis.

Abulensis.

Almaynus.

Alphonfus à Castro.

Alphonfus Vivaldus.

Archidiaconus.

Andreas Siculus.

Augustinus de Anchoa.

Antonius Gomelius.

Aristoteles.

Auerroës.

## B

Basilius Sanctus.

Benedictus Sanctus.

Bernar

Bernardus Sanctus.  
Bernardinus Sanctus.  
Bonaventura Sanctus.  
Beda venerabilis.  
Bonifacius Papa Octauus.  
Bartolus.  
Baldus.  
Bellamera.  
Bellarminus Cardinalis.  
Bartholomæus Hugolinus.  
Bartholomæus à Medina.  
Bartholomæus Gomesius.  
Bartholomæus Ledesmius.  
Bannes.

C

Cyprianus Sanctus.  
Chrysostomus Sanctus.  
Couarruias.  
Calderinus.  
Cosmus Philarchus.

D

Dionysius Areopagita Sanctus.  
Damascenus Sanctus.  
Dionysius Carthusianus.  
Durandus.

E

Emmanuel Rodericus.  
Emmanuel Sà.

Eusta

Eustachius à Sancto Paulo.

F

Felinus.

Franciscus Toletus Card.

Franciscus à Victoria.

Franciscus Suarez.

G

Gregorius Magnus Sanctus.

Gregorius Nazianzenus Sanctus.

Gerfon.

Gregorius Lopez

Gabriel Biel.

Gregorius Sayrus.

Gregorius de Valentia.

Gabriel Vasquez.

Galenus.

H

Hieronymus Sanctus.

Hugo de Sancto Victore.

Hugo Cardinalis.

Hostiensis.

Henricus Henricus.

Hieronymus à Sorbo.

I

Isidorus Sanctus.

Innocentius Papa.

Ioannes Maioris.

Iason.

Ioannes



Ioannes de Imola.  
Iulius Clarus.  
Ioannes de Medina.  
Iosephus Angles.  
Iacobus de Graffius.  
Ioannes Azorius.  
Ioannes Salas.  
Ioannes Baptista Corradus.

L

**L**eo Papa.  
Lyranus.  
Ludouicus Lopez.  
Leonardus Lessius.  
Ludouicus Molina.

M

**M**artinus Nauarrus.  
Martinus Ledesmius.  
Maiolus.  
Mercatus.  
Melchior Canus.  
Michaël de Palatio.  
Michaël Salon.  
Michaël Medina.  
Michaël Vasquez.  
Molfesius.  
Marcellus Francolinus.

Nico

N

**N**icoläus de Lyra.

O

**O**Kam.

**O**rigenes.

Ouidius.

P

**P**Aulus Apostolus.

Pius Quintus.

Petrus Lombardus.

Petrus Paludanus.

Petrus de Palude.

Petrus à Soto.

Petrus de Castro.

Petrus Damianus.

Petrus de Ledesma.

Petrus de Aragon.

Petrus Nauarra

Palacios.

R

**R**icardus de Sancto Victore.

Ricardus de Media Villa.

Raimundus.

Rebellus.

Reginaldus.

S

**S**Cotus Doctor subtilis.

Sotus.

Stepha

Stephanus Durantus.  
Stephanus Quaranta.  
Speculum Confessariorum.  
Supplementum Gabrieli.  
Sanchez.

Summa Caietana.  
Summa Sylvestrina.  
Summa Antonina.  
Summa Tabiena.  
Summa Angelica.  
Summa Confessorum.  
Summa Armilla.  
Summa Astensis.  
Summa Pisanelle.

T

Thomas Aquinas Doctor Angelicus.  
Tertullianus.

Turrecremata.

Thomas Caietanus.

V

Viguerius.  
Vega.

Vincentius Filiucius.

Z

Zabarella.

INDEX

---

# INDEX

Librorum totius operis.

*Tractatus de Horis Canonicis continet libros tres, & sexcentas triginta quatuor quaestiones.*

**P**RIMVS liber agit de Oratione in communi.

Secundus de Horis Canonicis.

Tertius & vltimus de Quotidianis distributionibus.

*V*  
*LIBER*



LIBER PRIMVS.  
DE  
ORATIONE  
IN COMMUNI.

**C**um rectus docendi ordo postulet, ut ea primo loco differantur, quæ ad aliorum cognitionem, viam, & adiutum parant: commodum esse duxi de oratione in vniuersum in primis disputare, cum illa veluti luce, permonstratur via ad dignoscendam illam orationis formam, quæ Hora Canonica nuncupantur.

Scribunt de hoc argumento plurimi tum veteres tum recentiores Theologi in 4. dist. 15. D. Thomas 2. 2. q. 83. art. 1. & seqq. & Caietanus ibidem. Sotus, lib. 10. de iust. q. 5. Medina C. de oratione. Gabr. Biel in Can. Missæ lect. 61. Arrag. 2. 2. q. 83. art. 1. Bellar. lib. 1. de bonis operibus. Less. lib. 2. de iust. cap. 37. dub. 2. Valent. 2. 2. disp. 6. q. 2. p. 1. Azor. p. 1. lib. 9. Ban. de iust. q. 83. dub. 2. Suar. to. 2. de Relig. tract. 4. lib. 1. Reginald. lib. 4. cap. 6. & lib. 18. cap. 11. Angles tractatu de oratione. Vincentius Filiucius tom. 2. de Ecclesiasticis officiis tract. 23. cap. 2. D. Eustachius à Sancto Paulo in 2. p. Theologia

A tract. 1.

## 2 DE ORATIONE IN COMMUNI.

tract. 1. quest. 8. Nauarr. in Manuali cap. 25. & in Enchirid. de oratione, & horis canonicis. Summiſta verò ut Angelus, Tabiena, Roſella, Piſanella, Sylueſter, Armilla, & multi alij verbo oratio, ex quorum dictis, ( ut Sanctus faciebat Antonius ex ſuorum Monachorum virtutum floribus ) librum hunc noſtrum de oratione componemus, quem credimus (Deo dante) omnibus odorem ſuauiſſimum, vberriſſimumque fructum ſimul præſtūrum.

Et ut à nomine eius exordiamur, obſeruandum eſt primò, orationem trifariam ſumi poſſe. ſ. generaliffimè, generaliter, & ſpecialiter. Oratio generaliffimè ſumpta comprehendit omnem bonam aſſionem. In qua ſignificatione videtur ſumi illud 1. ad Theſſ. 5. Sine intermiſſione orate. Et illud Luc. 18. Oportet ſemper orare, & nunquam deficere. Que loca Gloſſa ordinaria exponit, id eſt ſemper iuſtè viuere: nam iuſtus nunquam deſinit orare, niſi deſinat eſſe iuſtus: ſemper ergo orat, qui ſemper bene operatur.

Oratio generaliter ſumpta comprehendit omnem aſſum contemplationis, meditationis, & laudis Dei, & Sanctorum, vel gratiarum aſſionis ipſi facta, & quamcunque petitionem, qua à Deo, vel à Sanctis eius aliquid poſtulamur, iuxta illud Matth. 26. Vigilate & orate, ne intretis in tentationem. Vbi orare ſignificat non ſolum petere vel rogare, verumetiam res diuinas meditari, & contempleri, iuxta illud etiam Luca 18. Pharifeus hac orabat, &c. qui tamen nil in eis petebat: ſolum enim gratias agebat, ob quadam ſibi collata beneficia, que narrabat. Et illud Matth. 14. & Marc. 6. Abiit in montem orare, id eſt, ad cœleſtem gloriam contemplandam: non enim Chriſtus Dominus in montem ad petendum ſolummodo aſcendebat.

Oratio

*Oratio autem specialiter sumpta est petitio Deo facta. Et in hoc tertio modo loquimur nos de oratione. Vnde secundum Hieronymum in epistola 139. ad Cyprianum, dicitur oratio quasi oris ratio, nam ex suo nomine oratio significat expressionem alicuius actus rationis per effectum oris, id est, per vocem. Vnde & sermones Rhetorici, orationes dicuntur, & Rhetorici Oratores. Translatum est autem ulterius hoc nomen orationis ad significandum petitionem, quam Deo aliquis facit, ut Matth. 5. Orate pro persequentibus, & calumniantibus vos, hoc est, rogate, & petite.*

## QVÆSTIO PRIMA.

*Quid sit oratio specialiter, & propriè sumpta?*



ESPONDEO eam variè, & exactè à Sacris Doctoribus definiri.

Ex D. Augustino in libro de Spiritu, & litera. Oratio est pius mentis affectus in Deum directus. Et in sermone 230. de tempore. Oratio est ascensio animæ de terrestribus ad cælestia, inquisitio supernorum, inuisibilium desiderium. Et alibi. Oratio est animæ sanctæ præsidium, Angelo bono solatium, diabolo supplicium, gratum Deo obsequium, & pœnitentiæ Religionis laus tota, perfecta gloria, spes certa, sanitas incorrupta.

Ex D. Basilio in oratione ad Iulitam martyrem. Oratio est boni cuiusdam petitio, quæ à piis ad

#### 4 DE ORATIONE IN COMMUNI.

Deum effunditur. Et iterum. Oratio est ostensio voluntatis nostræ ei à quo impetrare speramus id; quod desideramus.

Ex Gregorio Nissenso oratione prima de oratione Dominica. Oratio est conuersatio, & sermocinatio cum Deo. Et oratione secunda. Oratio est petitio bonorum, quæ Deo, cum supplicatione offertur.

Ex D. Ambrosio. Oratio est cibus mentis, præclaraque alimonia suauitatis, quæ membra non onerat, sed in ornamenta conuertit.

Ex D. Chrysostomo homilia 30. in Genesim. Oratio est colloquium cum Deo.

Ex Hugone de Sancto Victore in libro de virtute orandi. Oratio est conuersio mentis in Deum per piū, & humilem affectum fide, & spe, & charitate subnixa. Et alibi. Oratio est deuotio ex cordis compunctione profecta.

Et ex D. Bernardo in quadam sua epistola. Oratio est hominis Deo adhærentis affectio, & familiaris quædam, ac pia alloquutio, & statio illuminatæ mentis ad fruendum Deo, quamdiu licet. Et rursus. Oratio est unio cum Deo. Et iterum. Oratio est desiderij coram Deo explicatio, vt aliquid ab ipso impetremus.

Quæ omnes potius descriptiones, quàm veræ definitiones sunt dicendæ. Quare his omnibus omissis, ea quæ est D. Damasceni lib. 3. de fide Orthod. cap. 24. poniturque à D. Thom. 2. 2. q. 83. art. 1. nempe oratio est petitio rerum decentium à Deo: est optima, vtpote quæ magis quidditatem, & essentiam orationis patefacit. In qua definitione tres sunt particulæ.

Prima



Prima est (*petitio*) quæ ponitur pro genere, quod omnis bona definitio requirit, nam omnis oratio est petitio, non tamen omnis petitio est oratio, ut quæ hominì viuo fit, non est oratio, est tamen petitio.

Secunda est (*rerum decentium*) quæ ponitur ad reiiciendas petitiones turpes, aut salutì nostræ obnoxias, quæ non sunt actus Religionis, Deus enim non est mali author, sed odio prosequitur impium, & impietatem eius, & oratio qua aliquid mali à Deo petitur, non est oratio, sed execratio, ut rectè docet Illustrissimus Caietanus 2.2.q.83.art.4. Non sunt igitur petenda à Deo, nisi honesta, & salutì animæ utilia.

Tertia est (*à Deo*) quæ etiam ponitur pro differentia, ad excludendas omnes petitiones, quæ hominibus sunt, quæ licet Summo Pontifici fiant, non dicuntur orationes.

Hinc non est oratio illa, qua quis petit aliquid à Rege, vel Summo Pontifice, quia non est petitio quæ fit Deo, quæ tamen necessaria est ad orationem.

Hinc, ad orationis perfectionem non requiritur, ut petitio ore, vel scripto exprimatur, sed sufficit quòd sola mente fiat. Quia cum oratio fiat Deo, qui scrutatur cor 1. Reg. 16. nihil refert, aut verbis, aut sola mentis cogitatione fiat.

Est autem hîc obseruandum, quòd quando dicimus, quod oratio fit Deo, intelligendum est primò immediatè, vel mediatè: immediatè, ut quando sine vlllo medio oramus Deum: vel mediatè, ut quando oramus sanctos: tunc enim Deum oramus, tanquam primarium bonorum, quæ deside-

## 6 DE ORATIONE IN COMMUNI.

ramus largitorem : Sanctos autem tanquam mediatōres , & intercessores.

Secundò intelligendum est, expressè, vel tacitè, quia ad naturam orationis sufficit, non modò si expressè, sed etiam si tacitè fiat. Unde oratio propriè fuit petitio illa tacita sanationis Lazari, quam Ioan. 11. sorores ipsius à Christo petierunt dicentes : Ecce , quem amas infirmatur.

## QVÆSTIO II.

*Quotuplex sit oratio?*

**R**ESPONDEO triplex. s. mentalis tantum, vocalis tantum, & mixta. Oratio mentalis tantum, dicitur illa, quæ mente tantum fit, qualis fuit oratio Annæ ad Deum pro suscipienda prole 1. Reg. 1. vbi legitur, quod Anna loquebatur in corde suo. De hac etiam dicitur Psal. 26. Tibi dixit cor meum, exquisiuit te facies mea.

Oratio vocalis tantum, est illa, quæ fit solis verbis, nihil animo concipiendo, nec quid dicamus, cogitando. De qua dicitur in Isai. 29. Populus hic labiis me honorat, cor autem eius, longè est à me. Et hæc oratio potius hypocrisis, quàm oratio dicenda est.

Oratio verò mixta, id est mentalis, & vocalis simul, est illa quæ ex utrâque constat. Et de ea dicitur psal. 15. Exultatum est cor meum, & exultauit lingua mea. Et psalm. 16. Intende voci orationis meæ. Et psalm. 83. Cor meum, & caro mea exultaue-

runt

runt in Deum meum. Et psalm. 141. Voce mea ad Dominum clamaui, voce mea ad Dominum deprecatus sum. Et Christus Dominus non solum in cruce voce magna orauit, verum etiam tradidit Matth. 6. formulam precandi tum vocaliter, tum mentaliter, sine multiloquio. Vox enim in oratione utilis est, non qua Deum, de iis, quibus indigemus, doceamus, aut commoneamus, sed ut nos ipsos verbis ad deuotionem excitemus, iuxta illud Apostoli ad Col. 3. Docentes, & commonentes nos ipsos psalmis, hymnis, & canticis spiritualibus.

Oratio autem mixta est duplex. scilicet publica, & priuata. Oratio publica seu communis est illa, quæ per ministros Ecclesiæ pro communi populi salute celebratur, iuxta illud Pauli ad Hebræos 5. Omnis Pontifex ex hominibus assumptus, pro hominibus constituitur in iis quæ sunt ad Deum, ut offerat dona, & sacrificia pro peccatis: quæ necessarium debet esse vocalis.

Oratio verò priuata, seu particularis est illa, quam offert aliquis non ut minister Ecclesiæ, sed ut priuata persona pro se, vel pro alio priuato. De qua dicit Apostolus 1. ad Timoth. 2. Volo viros orare in omni loco, leuantes puras manus: similiter & mulieres, &c. Vnde prior illa publica est, etiamsi intra cubiculum clauso ostio solitariè, & submissa voce fiat. Hæc verò posterior priuata est, etiamsi in templo, vel in platea fiat.

Ex quo colligitur quod ut oratio sit publica, necesse est, ut fiat à persona, quæ sit Ecclesiæ minister deputatus ad orandum nomine totius populi, & quòd ipse hac intentione oret, ut expleat munus

suum, & consequenter necesse est, vt oret modo præscripto ab Ecclesia ad orandum Deum nomine ipsius: omnis autem alia oratio, quæ his conditi-  
onibus caret, priuata est.

Hinc, qui recitat horas canonicas ab Ecclesia institutas, id tamen facit tantum vt priuata perso-  
na, illa erit oratio priuata, & non publica.

Rursus Oratio mentalis diuiditur in meditatio-  
nem, & contemplationem. Meditatio consistit in  
consideratione mediorum vitæ spiritualis, id est,  
eorum, ex quorum cognitione dirigimur in viam  
salutis æternæ: & est secundum D. Thom. 2. 2.  
quæst. 184. art. 3. processus, siue discursus intelle-  
ctus, in veritatis inquisitione occupati. Et idem est  
(secundum D. Bernardum in libro de considera-  
tione ad Eugenium) ac consideratio.

Contemplatio autem consistit in consideratio-  
ne finis vitæ spiritualis, putà Dei, & diuinorum  
attributorum ipsius, nimirum bonitatis, omnipo-  
tentiae, &c.

Oratio diuiditur rursus in obsecrationem, &  
orationem, & postulationem, & gratiarum actio-  
nem, vt constat ex Apostolo 1. ad Timoth. 2. vbi  
quatuor constituit quasi species, siue partes inte-  
grales orationis, cum ait: Obsecro igitur primum  
fieri obsecrationes, orationes, postulationes, &  
gratiarum actiones pro omnibus hominibus. Et  
ratio huius est, quia vt oratio sit integra, & perfe-  
cta, necessariò quatuor debent concurrere. Primum,  
vt orans oculos mentis eleuet in Deum, quem orat,  
contemplans eius bonitatem, &c. Quod fit per  
orationem, quæ vt diximus est ascensio mentis in  
Deum. Secundò, vt simul gratias illi pro omnibus  
benefi

beneficiis exhibeat, quo dignior reddatur accipere potiora, quod intelligitur per gratiarum actiones. Tertiò, vt statim petat, quod cupit, quod fit per postulationem. Quartò, & vltimò est, vt ad impetrandum quod petit, dicat, vt id ei concedere dignetur, vel propter eius bonitatem, secundùm illud Daniel. 9. Propter te metipsum inclina Deus meus, vel propter Christi merita. Et hoc significatur nomine obsecrationis, quæ est per sacra contestatio, sicut cum dicimus: Per natiuitatem tuam libera nos Domine. Illustrat hoc D. Thom. 2. 2. quæst. 83. artic. 17. exemplo collectæ festi Sanctissimæ Trinitatis. Nam cum dicimus: Omnipotens sempiterne Deus; oratio est. Cum addimus: Qui dedisti famulis tuis veræ fidei æternæ Trinitatis gloriam agnoscere: gratiarum actio est. Cum adiungimus: Tribue quæsumus, vt eiusdem fidei firmitate ab omnibus semper muniamur aduersis, postulatio est. Cum concludimus: Per Dominum nostrum Iesum Christum, obsecratio est.

Oratio rursus alia est bona, & alia mala. Bona oratio est, quæ fit seruatis omnibus conditionibus debitis, vt illa Publicani: Deus propitius esto mihi peccatori. Mala vero, cui aliqua ex debitis conditionibus deest, vt illa Pharisei: Gratias tibi ago, quia non sum, &c.

Nam bonum vt habetur ex D. Dionysio Areopagita c. 4. de diuin. nomin. constat ex integra causa, malum autem ex defectu vnius circumstantiæ. Duplex autem est oratio mala, vna quæ dicitur mala per se, quia nimirum quod malum est, petitur, vt vindicta priuata de iniinico. Altera dicitur mala ex circumstantiis, qualis est illa, qua etsi petatur bo-

10 DE ORATIONE IN COMMUNI.

num, non tamen bene petitur, iuxta illud Iacobi 4. Petitis, & non accipitis, eo quòd malè petatis. s. negligenter, remissè, absque attentione, vel quòd nobis non expedit, immò fortè superuacaneum, aut noxium futurum est.

Tandem oratio diuiditur in viuam, mortuam, & mortiferam. Viua est oratio iusti, cui nulla circumstantia deest, de qua dicitur psal. 13. Oculi Domini super iustos, & aures eius in preces eorum: & hæc de rigore iustitiæ semper meretur augmentum gratiæ, & æternam gloriam: & satisficit pro peccatis, & est quoque impetratoria eorum quæ in ea petuntur, concurrentibus tamen conditionibus necessariis.

Mortua est oratio quæ ex sua natura est bona, & debitis circumstantiis ornata, fit tamen ab existente in peccato mortali, & hæc non meretur de rigore iustitiæ, gratiam, aut gloriam, nec est satisfactoria, vt communis opinio docet, cum D. Thom. in 4. dist. 16. impetrat tamen de congruo, vt oratio Publicani Lucæ 16.

Mortifera denique oratio est illa, quæ est mala, siue vitiosa, & peccatum, ob defectum alicuius circumstantiæ necessariæ, & hæc nihil horum habet, cum sit Dei offensiuæ, & punitione digna, licet in malum eam facientis sæpius audiat à Deo, quemadmodum in malum Iudeorum Regem petentium, datus est illis Rex. Vnde & Dominus mala quæ sub Rege passuri erant, illis prædixit, vt habetur 1. Reg. 8. Similiter in malum eorum datæ sunt illis coturnices, quando carnes petierunt: siquidem in earum comestione multi perierunt. Sub qua specie ncludo etiam illam, quæ tantum est peccatum veniale,

niale, non quia mortem inferat, sed quia ad illam disponit, vel vitam æternam differt, eò quòd apta nata est priuare aliquo tempore gloria.

Ex quo sequitur nullam orationem factam cum aliquo defectu mortali, vel veniali alicuius circumstantiæ esse fructuosam, nisi ad summum ad satisfaciendum de iustitia præcepto orandi, quod etiam non impletur, si defectus sit mortalis, ratione attentionis, vel deuotionis.

### QVÆSTIO III.

*Cuiusnam facultatis oratio sit actus?*

**I**N qua re conuenit inter omnes, eam esse actum facultatis prædictæ intelligentia, vt rectè monet D. Tho. 2. 2. q. 83. ar. 1.

Sed dubium est, an voluntatis actus sit, an intellectus?

In qua quæstione etiam certum est, ad orationem intellectum, & voluntatem concurrere, nam in primis necessarium est, vt intellectus habeat aliquam actualem considerationem Dei, quia nemo potest petere nisi ab eo, quem per cognitionem aliquo modo habet præsentem. Secundò ex parte voluntatis, saltem necessarium est desiderium rei petitiæ, nemo enim verè aliquid petit, nisi quod ex corde desiderat, desiderium autem est actus voluntatis.

Tum quia qui aliquid à Deo petit, oportet in primis vt cognoscat indigentiam illius rei, quam petit,

petit, & quoddam illam habere cupiat. Deinde necesse est, ut iudicet Deum esse autorem eius, & posse illam concedere, ob idque ab ipso esse cupiendam, & petendam, ac proinde constar, in oratione intellectum, & voluntatem concurrere.

## QVÆSTIO IV.

*Totum igitur controuersie dissidium versatur:  
An oratio sit potius actus intellectus,  
quàm voluntatis?*

**I**OANNES Medina C. de pœnitentia tract. de oratione cap. 2. contendit orationem esse potius actum voluntatis.

At constans est, & firma, ac certa D. Thomæ sententia in 2. 2. q. 83. art. 1. orationem esse potius actum intellectus. Probatur: Orare nihil aliud est, quàm exprimere cordis desiderium, illudque Deo dicere, atque manifestare: sed hæc pertinent ad intellectum, & non ad voluntatem, ergo oratio est potius actus intellectus, quàm voluntatis.

Tum quia oratio mentalis est locutio mentis, sicut oratio vocalis est locutio oris, sed locutio mentis ad intellectum pertinet, & non ad voluntatem, ergo.

Tum quia sæpe orans suadet, ut rem desideratam impetret, suadere autem rationis est, non voluntatis, cuius est desiderare, ergo.

Tum demum, si oratio esset actus voluntatis,  
maximè



maximè esset desiderium obtinendi rem postulata-  
tam: at constat desiderium non esse orationem,  
quia non est petitio, multa enim desideramus ab  
aliis fieri, quæ interdum nolumus ab eis petere,  
ergo oratio propriè non est actus voluntatis, sed  
intellectus.

Dices, oratio est Religionis actus: at Religio  
est virtus, quæ in voluntate sedem habet, ergo.

Respondeo, nihil referre, quòd oratio sit Reli-  
gionis actus, & Religio sit virtus in voluntate se-  
dem habens, quia virtus quæ in vna potentia in-  
sidet, non solùm functiones illius potentia, in qua  
inhæret, sed etiam aliarum potentiarum opera  
præstat.

## QVÆSTIO V.

*Vtrum oratio sit virtus?*

**N**ON NVLLI propter eius excellentiam, &  
vim qua pollet, & præstat aliis, vsúmque ne-  
cessarium ad salutem, censent eam esse virtutem.

At D. Thomas communiter receptus in 2. 2.  
q. 83. art. 3. affirmat eam esse virtutis actum, &  
officium, non virtutem, quia à nobilissimis virtu-  
tibus. s. fide, spe, & charitate elicitur, vt author est  
D. August. ad Probam, de orando Deo. Quare om-  
nia Sanctorum dicta, quibus eam appellant virtu-  
tem, intelligenda sunt per figuram metonymiam,  
qua effectus pro causa, vel contra, causa pro effectu  
sumitur.

QVÆ

## QVÆSTIO VI.

*Vtrum oratio sit proprius, & elicited actus  
Religionis?*

**R**ESPONDEO affirmatiuè. Et ratio est, quia ad Religionem pertinet reuerentiam, & honorem Deo exhibere, ergo omnia illa ad Religionem spectant, per quæ Dei honor, & reuerentia exhibetur, talis autem est oratio, qua homo subiicit se Deo, testaturque orando ipsum esse supremum rerum omnium authorem, qui omnia creauit, & creata conseruat, & regit: immo etiam credit esse veracem, & fidelem in implendo quod promisit: ideo enim in omnibus eius auxilium implorat, quia ex eius nutu cuncta dependent, quæ extra ipsum existunt. Nam qui ab alio aliquid petit, eo ipso ostendit se inopem, & illius ope indigere, & illi tanquam superiori, & potentiori se submittit.

Deinde testatur ipsum omnia scire in particulari, omnium habere prouidentiam, omnia posse, omnium misereri, &c. Ex quo fit, vt qui orat Deum, eo ipso patriæ cultum, & honorem tribuat: nam ab eo precatur, & petit veniam peccatorum, omnis mali depulsionem, cœlestia, sempiterna, ac demum omnia bona, ergo Deum agnoscit omnium bonorum authorem, & largitorem, cum profiteatur cum supremum omnium dominium habere. Ita D. Thom. 2. 2. q. 83. art. 3.

Obiicies, Religionis est honorem, & cultum  
Deo

Deo debitum exhibere, sed qui orat, sæpenuerò non recordatur gloriæ, aut cultus diuini, ergo oratio non est actus Religionis.

Respondeo, vt oratio sit actus Religionis satis est, quòd actus orationis, quantum est ex se respiciat gloriam diuinam, ita vt si quis recordaretur, per illam posset excitari ad recognoscendam diuinam Maiestatem, atque adeò ad retribuendum Deo gloriam.

Deinde qui orat, eo ipso habet voluntatem petendi à Deo rem decentem, & hoc satis est, vt ille actus sit Religionis, etiam si ille nihil actu cogitet tunc de cultu Dei in actu signato, quia satis est, quòd in actu exercito velit verum cultum de quo cogitat, prudenter iudicando Deum esse orandum.

Dices, oratio est actus spei, ergo non est actus Religionis. Probo consequentiam, quia idem actus non potest esse plurium virtutum.

Respondeo primò, quòd licet idem actus non possit immediatè elici à pluribus virtutibus, quia non potest habere plures rationes formales específicas, potest tamen à pluribus virtutibus imperari.

Secundò respondeo, quòd oratio explicite, & formaliter est actus spei, implicite tamen est actus Religionis, quia qui orat expressè non intendit Deum honorare, sed gratiam impetrare, implicite tamen Deo maximum honorem impendit, quia per orationem homo se subiicit Deo, profiteturque orando se eo indigere, sicut authore suorum bonorum.

---

 QVÆSTIO VII.

*Utrum oratio quæ ex aliquo timore proficitur, sit actus Religionis? v. g. nauigantes timentes naufragium orant Deum, magnaque ei munera promittunt, dubium est, an talis oratio sit actus Religionis?*

**E**T quidem certum est orationem, quæ ex metu filiali proficitur esse actum Religionis, ut rectè monet D. Thom. 2. 2. q. 19. art. 2.

---

## QVÆSTIO VIII.

*Sed dubium est, quando oratio proficitur ex timore seruili.*

**S**VNT qui negant, quia talis oratio non proficitur ex pietate, qua orans vult honorem Deo exhibere, ergo non est actus Religionis. Verùm hæc sententia non mihi placet, quia talis oratio ex genere suo pertinet ad Religionem, cum sit protestatiua ex sua natura excellentiæ, & virtutis existentis in eo, cui fit oratio, nec timor adiunctus mutat conditionem ipsius, ut habetur ex Concil. Trid. sess. 6. c. 8. ergo si talis actus sublato metu, est actus Religionis, similiter erit existente metu.

QVÆ

## QVÆSTIO IX.

*Vtrum oratio sit actus supernaturalis.*

**R**ESPONDEO quòd sic. Et ratio est, quia vt oratio fiat, sicut oportet, necessariò requirit supernaturale auxilium gratiæ. Ergo est actus supernaturalis. Antecedens patet, primò, ex illo Io. 15. Sine me nihil potestis facere. Et ex illo Paul. 2. Cor. 3. Non sumus sufficientes cogitare aliquid ex nobis, &c. Quæ loca maximè comprehendunt orationem, quæ non solum magni momenti est, sed etiam necessaria est ad salutem.

Secundò patet ex illo eiusdem ad Rom. 8. Spiritus adiuuat infirmitatem nostram, nam quid oremus sicut oportet nescimus, sed ipse Spiritus postulat pro nobis, gemitibus inenarrabilibus, id est, postulare nos facit, & docet, nimirum tribuendo postulandi vim. Qui autem scrutatur corda, id est Deus, ad quem oramus, scit, id est, approbat vt D. Th. exponit, quid desideret Spiritus, id est, quòd desiderare nos facit, quia secundùm Deum postulat pro sanctis, id est, facit sanctos, seu fideles postulare iuxta diuinum beneplacitum, quod est orare sicut oportet. Vnde D. Chryl. hom. 38. in Gen. ait, quòd gratia preces nostras semper præuenit. Et lib. 2. de orando Deum. Illud, inquit, ausculta, super vires hominis est, miscere cum Deo colloquium, nisi adsit vis, & actus Spiritus sancti, sed oportet illo præsentem, sanctisque conatibus auxiliante, ita domum ingredi, & flectere genua, postremò orare, ac depre-

cari. Et mellifluus Doctor Bernardus, Tepida est oratio, nisi eam præcedat inspiratio. Ergo ut oratio fiat sicut oportet, necessarium est supernaturale auxilium Spiritus sancti. Consequentia verò est D. Thomæ, & omnium Theologorum sententia, qui ex hoc fundamento colligunt actus fidei, spei, & charitatis esse supernaturales, quia sine Spiritus sancti motione, & adiutorio fieri non possunt sicut oportet.

---

## QVÆSTIO X.

*An ut oratio sit actus supernaturalis, gratia iustificans requiratur.*

**R**ESPONDEO non requiri. Ratio est, quia virtus orationis ad impetrandum non fundatur in gratia hominis sicut virtus merendi, sed in misericordia diuina, & verbo eius; sed misericordia diuinā maximè ad peccatores respicit, licèt ex iustitia quidem nihil Deus illis debeat, ut rectè monet D. Thomas 2. 2. q. 83. ar. 16.

Tum quia oratio est vnum ex potentissimis, & præstantissimis mediis ad impetrandum à Deo gratiam iustificantem.

Tum quia licèt Deus libentiùs audiat iustos quàm peccatores, tamen si peccatores petant bona conducibilia ad salutem, semper exaudiuntur à Deo dummodo aliqua ex conditionibus necessariò requisitis ad impetrandum non deficiat, ut optimè docet D. Thom. loco suprà citato. Vnde D. Chrysostomus super illa verba Matt. 7. Omnis enim qui petit, accipit,

accipit, expresse dicit illam promissionem non solum ad iustos sed etiam ad peccatores pertinere, quod colligit ex illa particula, *omnis*, quæ vniuersalis est.

Huic etiam fauet illud Lucæ 18. vbi de publicano peccatore dicitur, quod descendit iustificatus in domum suam: ergo vt oratio sit actus supernaturalis, sufficit actualis motio Spiritus sancti, etiam si habitus gratiæ iustificantis non interueniat.

## QVÆSTIO XI.

*Vtrum oratio sit actus nobilissimus.*

**R**ESPONDEO affirmatiuè. Et ratio huius est, quia oratio est maxima participatio æternæ felicitatis, quæ in hac vita esse potest, vnde non immerito beatitudo huius vitæ censi possit. Quare D. August. in Psal. 148. præsentem vitam ait debere esse præparationem quandam ad æternam, vt sicut illa consistit in perpetua visione, & laude Dei, ita hæc quoad fieri possit illam imitetur. Et in libro de moribus Eccles. cap. 31. beatissimos vocat eos, qui perfectum hunc orationis gradum consequuntur.

Tum quia oratio est diuturnum, & familiare colloquium cum Deo, quod est omnium maximum, quod de oratione dici potest. Vnde D. Chrysost. in quadam homilia ait. Considera quanta est tibi concessa felicitas, quanta gloria attributa, orationibus fabulari cum Deo, cum Christo miscere colloquia. Et in libro de orando Deum. Per orationem An-

gelis copulamur, & societatem quam cum animantibus habemus, procul effugere videmur. Angelorum est deprecatio interim eorum superans dignitatem, siquidem maius est Angelorum dignitate, colloquium miscere cum Deo. Et rursus quis non obstupescat, & admiretur tantam benignitatem, & benivolentiam, quam in nos homines declarat Deus, qui nobis tantum honoris largiatur, ut dignos nos habuerit, qui cum ipso colloquamur, nostraque vota apud ipsum deponamus: nam verè cum Deo confabulamur, quoties vacamus deprecationi. Et D. August. in quodam sermone. Grande miraculum, ut homo terra, & cinis, in sua purissima oratione cum Deo fabuletur. Et in tract. de oratione. Quid est oratione præclarius? quid vitæ nostræ utilius? quid animæ dulcius? quid in nostra religione sublimius? Oratio est quæ cælum penetrat, nubes trāsīt, Dei aures attingit. Oratio est, qua vniuersa desideria nostra in conspectu maiestatis eius effundimus. Et in quodam sermone ait. Oratio est animæ sanctæ præsidium, Angelo bono solatium, diabolo supplicium, gratum Deo obsequium.

Tum demum, quia oratio supremum Dei cultum interiorem continet, & exercitium optimarum virtutum iuxta illud Isaaci apud Cassian. collat. nona. Sicut ad orationis perfectionem omnium tendit structura virtutum, ita nisi huius culmine omnia fuerint colligata, atque compacta, nullo modo firma poterunt, vel stabilia permanere. Vnde D. Augustinus. O oratio sancta, columba sanctarum virtutum, deitatis scala, Angelorum cognata, fundamentum fidei, beatus qui te amat, sed beatior qui te frequentat.



## QVÆSTIO XII.

*Vtrum oratio sit commendabilis.*

**R**ESPONDEO affirmatiuè, vt constat ex multis Sacrae scripturae locis. Eccles. 18. dicitur, Non impediarius orare semper. Ierem. 33. Clama ad me, ego exaudiam te, dicit Dominus, & annuntiabo tibi grandia, quæ nescis. Et Psalmo 144. Voluntatem tuentium se faciet, & deprecationem eorum exaudiet, & saluos faciet eos. Et Psal. 5. Quoniam ad te orabo Domine, manè exaudies vocem meam. Et Psal. 33. Exquisiui Dominum, & exaudiuit me, & ex omnibus tribulationibus meis eripuit me. Et Psal. 37. Subditus esto Domino, & ora eum. Et 1. Mach. 5. Et nunc clamemus in cælum. Et Tob. 12. Bona est oratio cum ieiunio. Et Lucæ 11. Petite, & dabitur vobis. Et Matth. 26. Vigilate, & orate. Vnde D. August. Non tamen hortaretur, vt peteremus, nisi dare vellet: erubescat humanâ pigrizia, plus vult ille dare, quàm nos accipere: plus vult ille miseri, quàm nos à miseria liberari. Item ad Rom. 12. Orationi instantes. Ad Colos. Orationi instate, vigilantes in ea. 1. ad Thess. 5. Sine intermissione orate. Iacobi 5. Orate pro inuicem vt saluemini. Et 1. Petr. 4. Vigilate in orationibus.

Huic fauet exemplum Christi, qui licet oratione non indigeret, cum per se omnia posset, tamen vt daret nobis exemplum orandi, sæpissime orasse legitur, & vitam suam non solum in cæna, & in horto, sed etiam in cruce orando consummasse. De

eius oratione habetur Matth. 14. Dimissa turba ascendit in montem solus orare. Et cap. 26. Sedete hîc, donec vadam illuc, & orem: progressus pusillum, procidit in faciem suam, orans, & dicens: Pater mi. Et paulo post. Iterum secundò abiit, & orauit dicens: Pater mi, &c. Et subditur. Et orauit tertio eundem sermonem dicens. Item Marc. 1. Diluculò valdè surgens egressus abiit in desertum locum, ibique orabat. Item Lucæ 4. Iesu baptizato, & orante apertum est cælum. Et cap. 6. Factum est in diebus illis, exiit in montem orare, & erat pernoctans in oratione Dei. Et cap. 9. Facta est species vultus eius altera, dum oraret. Et cap. 11. Factum est, cum esset in loco quodam orans, vt cessauit, dixit vnus ex discipulis eius ad eum: Domine doce nos orare. Et cap. 22. Et factus in agonia prolixius orabat. Et cap. 23. Pater dimitte illis, quia nesciunt, quid faciunt. Item Ioannis 12. Pater saluifica me ex hac hora. Et eiusdem cap. 17. Et subleuatis oculis in cælum dixit: Pater venit hora, clarifica filium tuum, vt filius tuus clarificet te.

Huius etiam fauent exempla sanctorum: Legitur Luc. 2. de Anna quòd non discedebat de templo ieiuniis, & obsecrationibus seruiens die, ac nocte. Et Act. 1. Erant omnes perseuerantes in oratione vnanimiter cum mulieribus, & Maria matre Iesu & fratribus eius. Et cap. 10. Ascendit Petrus in superiora domus, vt oraret. Et de beato Martino legitur quòd etiam moriens inuictum ab oratione spiritum non relaxabat. Et de Paulo primo Eremita legitur, quòd mortuus quasi orabat, vnde habuit signum orantis, ore, & manibus in cælum erectis, cum inueniretur sanctum cadauer eius appodiatum

arbori

arbori à beato Antonio, qui de eo ait. Pater quàm assiduè, quantùmque oraret Deum viuus, qui non desinit orare mortuus. Et Iacobus Alphæi ex assiduitate orandi contraxerat in genibus suis duritiam calemorum. Et S. Bartholomæus Apostolus centies in die, & centies in nocte ante Deum genua flectebat.

## QVÆSTIO XIII.

*Vtrum oratio sit fructifera.*

**R**ESPONDEO esse fructiferam, quod aded est certum ex scripturis, vt superuacaneum sit illud probare, nam vtrumque testamentum plenum est fructibus, quos Spiritus sanctus proponit orationis, cuius tanta est vis, & efficacia, vt vllū huius vitæ malum extet: tam grande, quod orationis virtute profligari non possit: neque vllum rursus tam illustre bonum, quod eius ope, & Dei bonitate impetrare, & assequi non possimus, iuxta illam celebrem Christi promissionem Ioannis 15. Quodcumque volueritis, petetis, & fiet vobis. Et iterum, Amē dico vobis, siquid petieritis Patrem, in nomine meo, dabit vobis. Immo oratio est medium, quo Deus hominibus beneficia in vniuersum conferre decreuit, siue spiritualia illa sint, siue corporalia. Quare semper quando Deus promittit bonū aliquod hominibus dare, subintelligitur conditio, modò ipsi illud petant: quod est aded verum, vt notat D. Gregorius super cap. 4. Ioannis: quod promittit Deus filio suo homini daturum se gentes,

modo eius oratio præcedat, vt patet Psalm. 2. Postula à me, & dabo tibi gentes hæreditatem tuam, &c. Quod & Christus significauit Ioânis 4. quando dixit Samaritanæ: Si scires donum Dei, & quis est qui loquitur tecum, tu forsitan petiisses ab eo, & dedisset tibi aquam viuam. Vnde meritò à Chrysostomo lib. 1. De orando Deum, Oratio basis, & radix omnis virtutis appellatur. & lib. 2. illam vocat omnis virtutis caput. Et iterum. Nequaquam inquit, aberrabit à vero, si quis affirmet deprecationem esse causam omnis iustitiæ, & virtutis. Et Cassianus collat. 9. cap. 1. dicit orationem esse cum omnibus virtutibus connexam. Et D. Bernardus in quodam sermone inquit. Noli vilipendere orationem tuam, quoniam ille quem oras, non vilipendit eam, sed antequam egrediatur de ore tuo, ipse eam scribit in libro suo. Et in libro medit. Vnum indubitanter sperare debemus: aut dabit nobis quod perimus, aut quod nouit esse utilius. Et D. Bonauentura de processu Religionis lib. 7. cap. 11. Valde dicit delectari Deum in oratione propter multiplicem orantis utilitatem, scilicet, Vt Deo indefinenter inhæreat, vt beneficia Dei multipliciùs experiatur, vt abundanti deuotione in amorem Dei crescat. Glossa etiam super illud Psalm. Intret postulatio mea in conspectu tuo Domine, inquit. Virtus magna puræ orationis hic experitur, quæ quasi quædam persona ad Deum intrat, & mandatum peragit, quò caro nequit peruenire. Et D. Augustinus, Magna virtus orationis, quæ effusa in terra, operatur in cælo. Et D. Hieronymus in cap. Importunè. de pœnit. dist. 1. ait, Deus ipse, qui nullius extra se superari viribus potest, publicani precibus vincitur.

vincitur. Per hanc populus Israeliticus orante Moyse, vicit, sicut & eo orationem remittente, vincebatur.

Obijcies, oramus aliquem, vt voluntatem eius ad id agendum, quod petimus flectamus; at voluntas Dei est immutabilis, & inflexibilis iuxta illud Zach. 1. Ego Deus, & non mutor. Et illud Num. 21. Non enim Deus homo est, vt mentiat, nec filius hominis vt mutetur, ergo oratio est inutilis, & infructifera.

Respondeo, quod oratio homini prodest, non quidem immutando diuinam voluntatem; nam hoc est impossibile, sed impetrando à Deo, quod ipse media oratione adimplendum esse ab æterno disposuit. Multa enim disposuit Deus facere media oratione, sicut etiam medijs alijs secundis, vt constat. 3. Reg. 3. vbi dixit Deus Salomoni. Quia postulasti tibi sapientiam, ecce dedi tibi cor sapiens, & intelligens. Et Isai. 38. dicitur, Deum Ezechiae propter suam orationem vitæ tempus produxisse. Et Ionæ 3. Niniuitis propter eandem causam impunitatem concessisse. Et ideo Christus noster monebat Matth. 7. Petite, & accipietis, querite, & inuenietis, quod non diceret, nisi oratio esset aliquo modo causa obtinendi, quod petimus. Et Iacobi 4. dicitur. Non habetis propter quod non postulatis, petitis, & non accipitis, ed quod malè petatis; ergo non obstante æterno decreto, potest esse oratio vna ex causis ad effectum. Vnde D. Aug. serm. 1. de Sancto Stephano ait, quod si Stephanus non orasset, Ecclesia Paulum non haberet. Et D. Prosper lib. 2. de vocatione gentium inquit. Quamuis quod statuit Deus, nulla

possit ratione non fieri, studia tamen non tolluntur orandi, nec per electionis propositum liberi arbitrij deuotio relaxatur, cum implendæ voluntatis Dei ita sit præordinatus effectus, vt per laborem operum, per instantiam supplicationum, per exercitia virtutum fiant incrementa meritum. Quod confirmat testimonio Angelij Tob. 6. qui prius dixit Tobia, & Sata. Surgite, & deprecamini Deum, vt detur vobis misericordia, & sanitas. & postea rationem reddit, tibi enim destinata est ante sæcula, & tu sanabis eam.

Verum vt res hæc melius intelligatur, obseruandum est, quod duobus modis vult Deus aliquid facere: vno modo simpliciter, & absolutè, ita vt ad id volendum, non determinetur ab operibus nostris, & hanc voluntatem nos non possumus mutare, nec in aliam flectere, de quo procedit illud Iacobi 1. Apud quem non est transmutatio, nec vicissitudinis obumbratio. Et illud quod dixit Samuel: Porro triumphator in Israel non parces, & pœnitudine non flectetur, nec vt homo, vt agat pœnitentiam.

Alio modo vult Deus aliquid facere conditionatè iuxta exigentiam nostrorum operum, vt si bona sint, dabit præmiũ, & contra, si mala, poenam. & hanc voluntatem dicitur mutare secundum nostram mutationem, si enim heri ob peccatum eram in ira Dei ad gehennam ordinatus, & tamen per pœnitentiam hodie resipisco, mutat Deus sententiam, iuxta illud Hierem. 16. Noli subtrahere verbum, si fortè audiat, & conuertatur vnusquisque à via sua mala, & pœniteat in malis quod cogito facere eis propter malitiam studiorum

diorum suorum. Et illud eiusdem cap. 18. Si pœnitentiam egerit gens illa à malo suo, agam & ego pœnitentiam à malo, quod cogitavi, vt facerem eis. Vnde D. Gregorius à Gratiano relatus in cap. Noui. de pœnit. dist. 2. Nouit Deus mutare sententiam, si tu noueris emendare delictum. Sicut igitur per opera pœnitentiæ sumus causa, vt Deus det, quod optamus, quod nobis non orantibus non daret. Quod fit absque omni mutatione reali ipsius Dei.

## QVÆSTIO XIV.

*Dices, si Deus ab æternò, & ante orationem, prauisam habuit voluntatem dandi, & illa est per se sufficiens, cur postulet orationem, vt necessariam ad effectum?*

**R**ESPONDEO id facere Deum ob generalem rationem, qua vult operari per causas secundas, quantum commodè potest: & in operibus gratiæ vult cooperationem hominīs; vbi locum habere potest, nam vbi non potest, ipse solus operatur. Vnde D. Augustinus in libro de bono perseuerantiæ cap. 17. ait. Deum alia danda etiam non orantibus, sicut initium fidei; alia non nisi orantibus præparasse, sicut vsque in finem perseuerantiam. Et D. Prosper lib. 2. de vocatōne gentium cap. vltimo docet Deum hoc ordinasse propter commodum nostrum, nimirum, vt non solum  
secundum



28 DE ORATIONE IN COMMUNI  
secundum propositum Dei, sed etiam secundum  
merita nostra coronemur.

---

## QVÆSTIO XV.

*Quot, & quinam sint fructus orationis.*

**R**ESPONDEO, 30. Primus orationis fructus, est  
insigne Religionis argumentum, oratione enim  
homo se unit Deo, seipsum ei subiicit, authorem  
bonorum agnoscit, in omni necessitate vulcum  
esse refugium profiteretur. Vnde incenso compara-  
tur, quo Religiosus actus Deo exhibetur.

2. Orationis fructus est, quod à iusto facta, me-  
ritoria est maioris gratiæ, & gloriæ.

3. Est satisfactio pro peccatis. Vnde D. August.  
in lib. de oratione Dominica inquit. Necessaria  
est nobis quotidiana oratio, ut qui quotidie de-  
linquimus, assidua orationis satisfactione purge-  
mus.

4. Est impetratio secundum promissiones à  
Christo factas, Matth. 18. Si duo ex vobis con-  
senserint super terram, de omni re, quamcumque  
petierint, fiet illis à Patre meo. Et eiusdem cap. 21.  
Omnia quæcumque petieritis in oratione, creden-  
tes accipietis. Et Luc. 11. Petite, & dabitur vobis.  
Item Ioannis 16. Petite, & accipietis.

5. Oratio ad amorem Dei inflamat, maiorum-  
que bonorum animam capaciore reddit, iuxta  
illud 4. Reg. 1. Descendit ignis de cælo ad oratio-  
nem Eliæ. Et illud Psal. 38. Et in meditatione mea  
exardescet ignis.

6. Oratio



6. Oratio mentem illuminat iuxta illud Pſal. 33. Accedite ad eum, & illuminamini. Et illud 3. Reg. 3. vbi Salomoni oranti datum eſt cor ſapiens, & intelligens. In cuius rei typum Moyſes à colloquio Domini facie reſplendente rediit: & Chriſtus orans tranſfiguratus eſt, Luc. 9. & Apoſtoli quoque orantes inflammati ſunt Spiritu Sancto. Act. 2. Vnde Auguſt. ſuper illud, Erat Petrus in Ioppe orans, Act. 11. ait, Oratione, melius ſoluuntur dubia, quàm inquiſitione alia. Et D. Bernardus ( vt ipſe dicebat) in ſiluis, & locis deſertis, orando plus didicit, quàm ſtudento.

7. Oratio animam ad Deum eleuat, ita vt terrenis contemptis, quærat cæleſtia: immo quò alitè attollitur, eò minora videntur terrena, ac viliora.

8. Oratio maximam dignitatem animæ conciliat, quæ ad familiare Dei colloquium orando admittitur. Nam ſi qui cum ſapientibus viris colloqui ſolent, propter aſſiduam conſuetudinem breui ſic tranſmutantur, vt illorum prudentiam referant, quid dicere conuenit de his, qui cum Deo colloquia miſcent.

9. Oratio cor hominis tranquillat, iuxta illud 1. Timoth. 1. Obſecro primùm omnium fieri obſecrationes, &c. vt quietam, & tranquillam vitam agamus.

10. Oratio cor hominis confortat ſecundùm illud Lucæ 22. Poſitis genibus orabat dicens: Pater mi, &c. & ſubditur: apparuit autem illi Angelus de cælo confortans eum.

11. Oratio fiduciam accedendi ad Deum tribuit. Nam quò frequentius ad Deum accedimus, eò confidentius

cari. Et mellifluus Doctor Bernardus, Tepida est oratio, nisi eam præcedat inspiratio. Ergo ut oratio fiat sicut oportet, necessarium est supernaturale auxilium Spiritus sancti. Consequentia verò est D. Thomæ, & omnium Theologorum sententia, qui ex hoc fundamento colligunt actus fidei, spei, & charitatis esse supernaturales, quia sine Spiritus sancti motione, & adiutorio fieri non possunt sicut oportet.

---

## QVÆSTIO X.

*An ut oratio sit actus supernaturalis, gratia iustificans requiratur.*

**R**ESPONDEO non requiri. Ratio est, quia virtus orationis ad impetrandum non fundatur in gratia hominis sicut virtus merendi, sed in misericordia diuina, & verbo eius; sed misericordia diuina maxime ad peccatores respicit, licet ex iustitia quidem nihil Deus illis debeat, ut rectè monet D. Thomas 2. 2. q. 83. ar. 16.

Tum quia oratio est vnum ex potentissimis, & præstantissimis mediis ad impetrandum à Deo gratiam iustificantem.

Tum quia licet Deus libentiùs audiat iustos quàm peccatores, tamen si peccatores petant bona conducibilia ad salutem, semper exaudiuntur à Deo dummodo aliqua ex conditionibus necessariò requisitis ad impetrandum non deficiat, ut optimè docet D. Thom. loco suprà citato. Vnde D. Chrysostomus super illa verba Matt. 7. Omnis enim qui petit, accipit,

accipit, expresse dicit illam promissionem non solum ad iustos sed etiam ad peccatores pertinere, quod colligit ex illa particula, *omnis*, quæ vniuersalis est.

Huic etiam fauet illud Lucæ 18. vbi de publicano peccatore dicitur, quodd descendit iustificatus in domum suam: ergo vt oratio sit actus supernaturalis, sufficit actualis motio Spiritus sancti, etiam si habitus gratiæ iustificantis non interueniat.

## QVÆSTIO XI.

*Vtrum oratio sit actus nobilissimus.*

**R**ESPONDEO affirmatiuè. Et ratio huius est, quia oratio est maxima participatio æternæ fœlicitatis, quæ in hac vita esse potest, vnde non immeritò beatitudo huius vitæ centri possit. Quare D. August. in Psal. 148. præsentem vitam ait debere esse præparationem quandam ad æternam, vt sicut illa consistit in perpetua visione, & laude Dei, ita hæc quoad fieri possit illam imitetur. Et in libro de moribus Eccles. cap. 31. beatissimos vocat eos, qui perfectum hunc orationis gradum consequuntur.

Tum quia oratio est diuturnum, & familiare colloquium cum Deo, quod est omnium maximum, quod de oratione dici potest. Vnde D. Chrysost. in quadam homilia ait. Considera quanta est tibi concessa fœlicitas, quanta gloria attributa, orationibus fabulari cum Deo, cum Christo miscere colloquia. Et in libro de orando Deum. Per orationem An-

gelis copulamur, & societatem quam cum animantibus habemus, procul effugere videmur. Angelorum est deprecatio interim eorum superans dignitatem, si quidem maius est Angelorum dignitate, colloquium miscere cum Deo. Et rursus quis non obstupescat, & admiretur tantam benignitatem, & benevolentiam, quam in nos homines declarat Deus, qui nobis tantum honoris largiatur, ut dignos nos habuerit, qui cum ipso colloquamur, nostraque vota apud ipsum deponamus: nam verè cum Deo confabulamur, quoties vacamus deprecationi. Et D. August. in quodam sermone. Grande miraculum, ut homo terra, & cinis, in sua purissima oratione cum Deo fabuletur. Et in tract. de oratione. Quid est oratione præclarius? quid vitæ nostræ utilius? quid animæ dulcius? quid in nostra religione sublimius? Oratio est quæ cælum penetrat, nubes trāsit, Dei aures attingit. Oratio est, qua vniuersa desideria nostra in conspectu maiestatis eius effundimus. Et in quodam sermone ait. Oratio est animæ sanctæ præsidium, Angelo bono solatium, diabolo supplicium, gratum Deo obsequium.

Tum demum, quia oratio supremum Dei cultum interiorem continet, & exercitium optimarum virtutum iuxta illud Isaaci apud Cassian. collat. nona. Sicut ad orationis perfectionem omnium tendit structura virtutum, ita nissi huius culmine omnia fuerint colligata, atque compacta, nullo modo firma poterunt, vel stabilia permanere. Vnde D. Augustinus. O oratio sancta, columba sanctarum virtutum, deitatis scala, Angelorum cognata, fundamentum fidei, beatus qui te amat, sed beator qui te frequentat.

## QVÆSTIO XII.

*Vtrum oratio sit commendabilis.*

**R**ESPONDEO affirmatiuè, vt constat ex multis Sacræ scripturæ locis. Eccles. 18. dicitur, Non impediarius orare semper. Ierem. 33. Clama ad me, ego exaudiam te, dicit Dominus, & annuntiabo tibi grandia, quæ nescis. Et Psalmo 144. Voluntatem timentium se faciet, & deprecationem eorum exaudiet, & saluos faciet eos. Et Psal. 5. Quoniam ad te orabo Domine, manè exaudies vocem meam. Et Psal. 33. Exquisiui Dominum, & exaudiuit me, & ex omnibus tribulationibus meis eripuit me. Et Psal. 37. Subditus esto Domino, & ora eum. Et 1 Mach. 5. Et nunc clamemus in cælum. Et Tob. 12. Bona est oratio cum ieiunio. Et Lucæ 11. Petite, & dabitur vobis. Et Matth. 26. Vigilate, & orate. Vnde D. August. Non tamen hortaretur, vt peteremus, nisi dare vellet: erubescat humanâ pigritia, plus vult ille dare, quàm nos accipere: plus vult ille miseri, quàm nos à miseria liberari. Item ad Rom. 12. Orationi instantes. Ad Colos. Orationi instate, vigilantes in ea. 1. ad Thess. 5. Sine intermissione orate. Iacobi 5. Orate pro inuicem vt saluemini. Et 1. Petr. 4. Vigilate in orationibus.

Huic fauet exemplum Christi, qui licet oratione non indigeret, cum per se omnia posset, tamen vt daret nobis exemplum orandi, sæpissime orasse legitur, & vitam suam non solum in cæna, & in horto, sed etiam in cruce orando consummasse. De

eius oratione habetur Matth. 14. Dimissa turba ascendit in montem solus orare. Et cap. 26. Sedete hîc, donec vadam illuc, & orem: progressus pusillum, procidit in faciem suam, orans, & dicens: Pater mi. Et paulo pòst. Iterum secundò abiit, & orauit dicens: Pater mi, &c. Et subditur. Et orauit tertio eundem sermonem dicens. Item Marc. 1. Diluculò valdè surgens egressus abiit in desertum locum, ibique orabat. Item Lucæ 4. Iesu baptizato, & orante apertum est cœlum. Et cap. 6. Factum est in diebus illis, exiit in montem orare, & erat pernoctans in oratione Dei. Et cap. 9. Facta est species vultus eius altera, dum oraret. Et cap. 11. Factum est, cùm esset in loco quodam orans, vt cessauit, dixit vnus ex discipulis eius ad eum: Domine doce nos orare. Et cap. 22. Et factus in agonia prolixius orabat. Et cap. 23. Pater dimitte illis, quia nesciunt, quid faciunt. Item Ioannis 12. Pater saluifica me ex hac hora. Et eiusdem cap. 17. Et subleuatis oculis in cœlum dixit: Pater venit hora, clarifica filium tuum, vt filius tuus clarificetur.

Huius etiam fauent exempla sanctorum: Legitur Luc. 2. de Anna quòd non discedebat de templo ieiuniis, & obsecrationibus seruiens die, ac nocte. Et Act. 1. Erant omnes perseverantes in oratione vnanimiter cum mulieribus, & Maria matre Iesu & fratribus eius. Et cap. 10. Ascendit Petrus in superiora domus, vt oraret. Et de beato Martino legitur, quòd etiam moriens inuictum ab oratione spiritum non relaxabat. Et de Paulo primo Eremita legitur, quòd mortuus quasi orabat, vnde habuit signum orantis, ore, & manibus in cœlum erectis, cùm inueniretur sanctum cadauer eius appodiatum arbori.

arbori à beato Antonio, qui de eo ait. Patet quàm assidue, quântumque oraret Deum viuus, qui non definit orare mortuus. Et Iacobus Alphæi ex assiduitate orandi contraxerat in genibus suis duritiam calemorum. Et S. Bartholomæus Apostolus centies in die, & centies in nocte ante Deum genua flectebat.

## QVÆSTIO XIII.

*Vtrum oratio sit fructifera.*

**R**ESPONDEO esse fructiferam, quod aded est certum ex scripturis, vt superuacaneum sit illud probare, nam vtrumque testamentum plenum est fructibus, quos Spiritus sanctus proponit orationis, cuius tanta est vis, & efficacia, vt vllū huius vitæ malum extet tam grande, quod orationis virtute profligari non possit: neque vllum rursus tam illustre bonum, quod eius ope, & Dei bonitate impetrare, & assequi non possimus, iuxta illam celebrem Christi promissionem Ioannis 15. Quodcunque volueritis, petetis, & fiet vobis. Et iterum, Amē dico vobis, si quid petieritis Patrem, in nomine meo, dabit vobis. Immo oratio est medium, quo Deus hominibus beneficia in vniuersum conferre decreuit, siue spiritualia illa sint, siue corporalia. Quare semper quando Deus promittit bonū aliquod hominibus dare, subintelligitur conditio, modò ipsi illud petant: quod est aded verum, vt notat D. Gregorius super cap. 4. Ioannis quod promittit Deus filio suo homini daturum se gentes,



modò eius oratio præcedat, vt patet Psalm. 2. Postula à me, & dabo tibi gentes hæreditatem tuam, &c. Quod & Christus significauit Ioãnis 4. quando dixit Samaritanæ: Si scires donum Dei, & quis est qui loquitur tecum, tu forsitan petiisses ab eo, & dedisset tibi aquam viuam. Vnde meritò à Chrysostomo lib. 1. De orando Deum, Oratio basis, & radix omnis virtutis appellatur. & lib. 2. illam vocat omnis virtutis caput. Et iterum. Nequaquam inquit, aberrabit à vero, si quis affirmet deprecationem esse causam omnis iustitiæ, & virtutis. Et Cassianus collat. 9. cap. 1. dicit orationem esse cum omnibus virtutibus connexam. Et D. Bernardus in quodam sermone inquit. Noli vilipendere orationem tuam, quoniam ille quem oras, non vilipendit eam, sed antequam egrediatur de ore tuo, ipse eam scribit in libro suo. Et in libro medit. Vnum indubitanter sperare debemus: aut dabit nobis quod petimus, aut quod nouit esse utilius. Et D. Bonauentura de processu Religionis lib. 7. cap. 11. Valde dicit delectari Deum in oratione propter multiplicem orantis utilitatem, scilicet, Vt Deo indefinenter inhæreat, vt beneficia Dei multipliciùs experiatur, vt abundanti deuotione in amorem Dei crescat. Glossa etiam super illud Psal. Intret postulatio mea in conspectu tuo Domine, inquit. Virtus magnæ puræ orationis hic experitur, quæ quasi quædam persona ad Deum intrat, & mandatum peragit, quò caro nequit peruenire. Et D. Augustinus, Magna virtus orationis, quæ effusa in terra, operatur in cælo. Et D. Hieronymus in cap. Importunè. de pœnit. dist. 1. ait, Deus ipse, qui nullius extra se superari viribus potest, publicani precibus vincitur.



vincitur. Per hanc populus Israeliticus orante Moyse, vicit, sicut & eo orationem remittente, vincebatur.

Obijcies, oramus aliquem, vt voluntatem eius ad id agendum, quod petimus flectamus; at voluntas Dei est immutabilis, & inflexibilis iuxta illud Zach. 1. Ego Deus, & non mutor. Et illud Num. 21. Non enim Deus homo est, vt mentiatur, nec filius hominis vt mutetur, ergo oratio est inutilis, & infructifera.

Respondeo, quodd oratio homini prodest, non quidem immutando diuinam voluntatem, nam hoc est impossibile, sed impetrando à Deo, quod ipse media oratione adimplendum esse ab æterno disposuit. Multa enim disposuit Deus facere media oratione, sicut etiam medijs alijs secundis, vt constat. 3. Reg. 3. vbi dixit Deus Salomoni. Quia postulasti tibi sapientiam, ecce dedi tibi cor sapiens, & intelligens. Et Isai. 38. dicitur, Deum Ezechiz propter suam orationem vitæ tempus produxisse. Et Ionæ 3. Niniuitis propter eandem causam impunitatem concessisse. Et ideo Christus noster monebat Matth. 7. Pætere, & accipietis, querite, & inuenietis, quod non diceret, nisi oratio esset aliquo modo causa obtinendi, quod petimus. Et Iacobi 4. dicitur: Non habetis propter quod non postulatis, petitis, & non accipitis, ed quodd malè petatis; ergo non obstante æterno decreto, potest esse oratio vna ex causis ad effectum. Vnde D. Aug. serm. 1. de Sancto Stephano ait, quodd si Stephanus non orasset, Ecclesia Paulum non haberet. Et D. Prosper lib. 2. de vocatione gentium inquit. Quamuis quodd statuit Deus, nulla

possit ratione non fieri, studia tamen non tolluntur orandi, nec per electionis propositum liberi arbitrij deuotio relaxatur, cùm implendæ voluntatis Dei ita sit præordinatus effectus, vt per laborem operum, per instantiam supplicationum, per exercitia virtutum fiant incrementa meritum. Quod confirmat testimonio Angelî Tob. 6. qui prius dixit Tobia, & Saræ. Surgite, & deprecamini Deum, vt detur vobis misericordia, & sanitas. & postea rationem reddit, tibi enim destinata est ante sæcula, & tu sanabis eam.

Verùm vt res hæc melius intelligatur, obseruandum est, quòd duobus modis vult Deus aliquid facere: vno modo simpliciter, & absolute, ita vt ad id volendum, non determinetur ab operibus nostris, & hanc voluntatem nos non possumus mutare, nec in aliam flectere, de quo procedit illud Iacobi 1. Apud quem non est transmutatio, nec vicissitudinis obumbratio. Et illud quod dixit Samuel: Porro triumphator in Israel non parces, & pœnitentia non flectetur, nec vt homo, vt agat pœnitentiam.

Alio modo vult Deus aliquid facere conditionate iuxta exigentiam nostrorum operum, vt si bona sint, dabit præmium, & contra, si mala, pœnam. & hanc voluntatem dicitur mutare secundum nostram mutationem, si enim heri ob peccatum eram in ira Dei ad gehennam ordinatus, & tamen per pœnitentiam hodie resipisco, mutat Deus sententiam, iuxta illud Hierem. 16. Noli subtrahere verbum, si forte audiat, & conuertatur vnusquisque à via sua mala, & pœniteat ne mali, quod cogito facere eis propter malitiam studiorum

diorum suorum. Et illud eiusdem cap. 18. Si pœnitentiam egerit gens illa à malo suo, agam & ego pœnitentiam à malo, quod cogitavi, vt facerem eis. Vnde D. Gregorius à Gratiano relatus in cap. Noui. de pœnit. dist. 2. Nouit Deus mutare sententiam, si tu noueris emendare delictum. Sicut igitur per opera pœnitentiæ sumus causa, vt Deus det, quod optamus, quod nobis non orantibus non daret. Quod fit absque omni mutatione reali ipsius Dei.

## QVÆSTIO XIV.

*Dices, si Deus ab aeterno, & ante orationem, prauisam habuit voluntatem dandi, & illa est per se sufficiens, cur postulet orationem, vt necessariam ad effectum?*

**R**ESPONDEO id facere Deum ob generalem rationem, qua vult operari per causas secundas, quantum commodè potest: & in operibus gratiæ vult cooperationem hominis, vbi locum habere potest, nam vbi non potest, ipse solus operatur. Vnde D. Augustinus in libro de bono persecutantiæ cap. 17. ait. Deum alia danda etiam non orantibus, sicut initium fidei; alia non nisi orantibus præparasse, sicut vsque in finem perseuerantiam. Et D. Prosper lib. 2. de vocatone gentium. cap. vltimo docet Deum hoc ordinasse propter commodum nostrum, nimirum, vt non solum  
secundum

28 DE ORATIONE IN COMMUNI  
secundum propositum Dei, sed etiam secundum  
merita nostra coronemur.

---

## QVÆSTIO XV.

*Quot, & quinam sint fructus orationis.*

**R**ESPONDEO, 30. Primus orationis fructus, est  
insigne Religionis argumentum, oratione enim  
homo se unit Deo, seipsum ei subiicit, authorem  
bonorum agnoscit, in omni necessitate vulcum  
esse refugium profiteretur. Vnde incenso comparatur,  
quo Religiosus actus Deo exhibetur.

2. Orationis fructus est, quod à iusto facta, meritatoria est maioris gratiæ, & gloriæ.

3. Est satisfactio pro peccatis. Vnde D. August.  
in lib. de oratione Dominica inquit. Necessaria  
est nobis quotidiana oratio, ut qui quotidie delinquimus,  
assidua orationis satisfactione purgemur.

4. Est impetratio secundum promissiones à  
Christo factas, Matth. 18. Si duo ex vobis consenserint super terram, de omni re, quamcumque  
petierint, fiet illis à Patre meo. Et eiusdem cap. 21.  
Omnia quæcumque petieritis in oratione, credentes accipietis. Et Luc. 11. Petite, & dabitur vobis.  
Item Ioannis 16. Petite, & accipietis.

5. Oratio ad amorem Dei inflamat, maiorumque bonorum animam capaciorem reddit, iuxta  
illud 4. Reg. 1. Descendit ignis de cælo ad orationem Eliæ. Et illud Psal. 38. Et in meditatione mea  
exardescet ignis.

6. Oratio

6. Oratio mentem illuminat iuxta illud Pſal. 33. Accedite ad eum, & illuminamini. Et illud 3. Reg. 3. vbi Salomoni oranti datum eſt cor ſapiens, & intelligens. In cuius rei typum Moyſes à colloquio Domini facie reſplendente rediit: & Chriſtus orans tranſfiguratus eſt, Luc. 9. & Apoſtoli quoque orantes inflammati ſunt Spiritu Sancto. Act. 2. Vnde Auguſt. ſuper illud, Erat Petrus in Ioppe orans, Act. 11. ait, Oratione, melius ſoluuntur dubia, quàm inquiſitione alia. Et D. Bernardus ( vt ipſe dicebat) in ſiluis, & locis deſertis, orando plus didicit, quàm ſtudento.

7. Oratio animam ad Deum eleuat, ita vt terrenis contemptis, quærat cæleſtia: immo quò altiùs attollitur, eò minora videntur terrena, ac viliora.

8. Oratio maximam dignitatem animæ conciliat, quæ ad familiare Dei colloquium orando admittitur. Nam ſi qui cum ſapientibus viris colloqui ſolent, propter aſſiduam conſuetudinem breui ſic tranſmutantur, vt illorum prudentiam referant, quid dicere conuenit de his, qui cum Deo colloquia miſcent.

9. Oratio cor hominis tranquillat, iuxta illud 1. Timoth. 1. Obſecro primùm omnium fieri obſecrationes, &c. vt quietam, & tranquillam vitam agamus.

10. Oratio cor hominis confortat ſecundùm illud Lucæ 22. Poſitis genibus orabat dicens: Pater mi, &c. & ſubditur: apparuit autem illi Angelus de cælo confortans eum.

11. Oratio fiduciam accedendi ad Deum tribuit. Nam quò frequentiùs ad Deum accedimus, eò confidentiùs

30 DE ORATIONE IN COMMUNI  
confidentiùs ad eum recurrimus.

12. Oratio humilitatem. Deique timorem conseruat. Nam eum non esse offendendum admonet, à cuius ope, ac benignitate homines in omnibus dependent.

13. Orando exercemus fidem, iuxta illud Pauli ad Roman. 10. Quomodo inuocabunt, in quem non crediderunt.

14. Oratio rerum terrenarum contemptū parit. Facile namque vilescunt omnia transitoria, quærenti, & anhelanti cælestia, vt docet D. Aug. lib. 9. confess. cap. 10.

15. Oratio gignit incredibilem animi voluptatem, gaudium, delectationem: facit enim vt homo gustare incipiat, quàm suauis Dominus sit: qua suauitate permoti nonnulli non solum in oratione pernoctarunt, sed etiam dies noctibus iungentes in oratione lati perdurarunt.

16. Oratio cælestem curiam quasi quadam redolentia delectat iuxta illud Ioannis in Apocal. 5. Habebant phialas aureas plenas odoramentorum, quæ sunt orationes sanctorum.

17. Oratio vitam prolongat, iuxta illud Isai. 38. Audiui orationem tuam: ecce ego adiiciam super dies tuos quindecim annos.

18. Oratio infirmitatem corporis sanat, iuxta illud Eccles. 38. Fili in infirmitate tua ne despicias temetipsum, sed ora Dominum, & ipse curabit te. & illud Iacobi vltimo. Oratio fidei sanabit infirmum. De hoc habetur exemplum Num. 12. vbi dicitur quòd per orationem Moysis Maria soror eius sanata est à lepra.

19. Oratio sanat morbos spirituales, iuxta illud Psal. 31.

Pfal. 31. Dixi confitebor aduersum me iniustitiam meam Domino : & tu remisisti impietatem peccati mei : pro hac orabit ad te omnis sanctus in tempore opportuno.

20. Oratio in bello corporali triumphat, iuxta illud Exod. 17. Cùm leuaret manus Moyſes, vincebat Iſrael. Vnde Gloſſa. Plus valet vnus homo orando; quàm innumeri homines præliando. Plus vetula vna acquirit de cælo vna hora orando, quàm mille milites armati acquirunt de terra longo tempore præliando.

21. Oratio de hostibus ſpiritualibus triumphat iuxta illud Matth. 26. Vigilate, & orate, ne intretis in tentationem. Vbi ait Gloſſa. Ille ſolus ſuperatur à tentatione, qui nescit orare. Vnde S. Iſidorus lib. 3. de ſummo bono cap. 7. Hoc eſt remedium eius qui vitiorum tentamentis eſtuat, vt quoties quolibet tangitur vitio, toties ſe ad orationem ſubdat : quia frequens oratio vitiorum impugnationem extinguit.

22. Oratio dæmones fugat iuxta illud Matth. 17. & Marc. 9. Hoc genus dæmoniorum non eicitur niſi per orationem, & ieium.

23. Oratio dæmones cruciat. Vnde in legenda S. Bartholomæi Apoſtoli legitur, quòd quidam dæmon exiſtens in corpore hominis clamabat, Bartholomæe incedunt me orationes tuæ.

24. Oratio ab opprobrio liberat. Vnde Sara filia Raguelis per orationem liberata eſt opprobrio. Tob. 3.

25. Oratio liberat etiam à mortis periculo, vt Suſannam Daniel. 12.

26. Oratio cælum aperit iuxta illud Lucæ 4. Ieſu



Iesu baptizato & orante apertum est cælum.

27. Oratio cælum claudit, vt patet in oratione Eliæ 3. Reg. 18. & Iacob. vltimo. Multum valet deprecatio iusti assidua, Elias homo erat similis nobis passibilis, & oratione orauit, vt non plueret super terram, & non pluit annos tres, & menses sex.

28. Oratio Deum placat. Vnde super illud Tob. 3. vbi dicitur quòd tribus diebus, & tribus noctibus non manducauit, neque bibit, sed in oratione persistens cum lachrymis deprecabatur Deum. Dicit Glossa, Oratio Deum lenit, lachryma cogit: hæc vngit, illa pungit. Et Horatius in quadam Epistola ad Cæsarem ait:

*Carmine Dii superi placantur.*

29. Oratio velut quoddam scutum ab ira Dei protegit, iuxta illud Sap. 18. Properans homo sine querela deprecari pro populis, proferens seruitutis suæ scutum orationem, & per incensum, deprecationem allegans, restitit iræ. Et ideo Ouidius in lib. 5. de tristitia inquit:

*Sape Iouem vidi, cum iam sua mittere vellet*

*Fulmina, thure dato sustinuisse manum.*

30. Oratio quodammodo tenet Deum, & habet in potestate sua, iuxta illud Exod. 32. Dimitte me, vt irascatur furor meus contra eos. O sancta oratio, tu es illa, quæ vt ita loquar, Deum inuincibilem vincis, & quem totus mundus superare non valet, tu ad tua vota inclinas. Et ideo conqueritur Propheta de negligentibus orare dicens Deo Isai. 64. Non est, qui inuocet nomen tuum: qui consurgat, & teneat te.

QVÆST.



## QVÆSTIO XVI.

*Vtrum oratio sit ad salutem necessaria.*

**R**ESPONDEO affirmatiuè. Et ratio est, quia vt bene viuamus, fieri non potest sine auxilio Dei, cum scriptum sit Ioan. 15. Sine me nihil potestis facere. Et 2. Cor. 3. Non sumus sufficientes cogitare aliquid ex nobis, tanquam ex nobis, sed sufficientia nostra ex Deo est. At auxilium Dei per orationem necesse habemus, si bene viuere desideramus: ergo oratio est ad salutem necessaria.

Hoc ipsum colligitur ex multis sacræ Scripturæ locis, quibus monemur semper orare. Eccles. 18. dicitur. Non impediatis orare semper. Et Matth. 6. Sic vos orabitis, Pater noster, &c. Et cap. 7. Petite, & accipietis, quærite, & inuenietis, pulsate, & aperietur vobis. Et 26. Vigilate, & orate. Et Lucæ 18. Oportet semper orare, & nunquam deficere. Et cap. 21. Vigilate, omni tempore orantes. Et ad Colos. 4. Orationi instate, vigilantes in ea. Et 1. ad Thess. 5. Sine intermissione orate. Et ad Rom. 12. Orationi instantes. Et Iacobi. Orate pro inuicem vt saluemini. Hæc enim, & alia, quibus plena est Scriptura sacra, apertissime docent, omnino necessariam esse orationem. Vnde Greg. in dialog. & habetur 23. q. 4. Obtineri nequaquam possunt, quæ prædestinata non sunt. Sed ea quæ Sancti viri orando efficiunt, ita prædestinata sunt, vt precibus obtineantur. Nani ipsa quoque perennis Regni prædestinatio ita est ab omnipotenti

Deo disposita, ut ad hoc electi ex labore perueniant, quatenus postulando, mereantur accipere, quod eis omnipotens Deus ante saecula disposuit donare. Et D. Bonavent. opusc. de perfect. vitae cap. 5. Reuera, inquit, Christianus orationem non frequentans non solum est miser & inutilis, quinimo coram Deo fert animam mortuam in vivo corpore. Et in opusc. de processu relig. Vata hominis ait, sine studio deuotionis internæ, sicut fauus sine melle, sicut murus absque temperamento, & sicut cibus absque condimento. Et infra, Omnis Religio arida, & imperfecta est, & ad summam promptior, quæ Spiritum diuinæ suauitatis non querit; & præcipuum conamen ad cordis studium, & internæ puritatis non impendit. Et Illustrissimus Caiet. 2. 2. q. 82. ait, dixit non posse vocari Religiosum, qui saltem semel in die ad huiusmodi exercitium se non transfert. Quomodo namque inquit, effectus sine causa, finis absque medio, & infularis portus absque nauigatione haberi nequit; sic nec Religio in actu, absque exercitio orationis.

¶ *De orationis officio, & de eius necessitate.*

### QVÆSTIO XVII.

*Utrum oratio sit ad salutem necessaria, necessitate medij. Perinde est ac si quæreretur, An oratio sit medium simpliciter necessarium ad salutem, sicut est pœnitentia post peccatum commissum, & notum Baptismi in adultis.*

**A**D hanc quæstionem non minùs arduam, quàm vtilem respondeo, orationem esse ad salutem necessariam, necessitate mediij. Et ratio est, quia constans est omnium sententia, orationem æquè esse necessariam ad salutem, atque bonam, & sanctam vitam, neque hæc abinuicem sciungi possunt, aut debent. Atqui bona, & sancta vita est ad salutem necessaria necessitate mediij, ergo eodem modo est necessaria oratio.

Tum quia Diuus Augustinus in lib. de Ecclesiasticis dogmatibus cap. 56. docet tam necessariam esse orationem ad salutem, quàm est necessarium diuinum auxilium: est autem de fide certum, auxilium Dei esse necessarium ad salutem necessitate mediij, ergo pari modo est necessaria oratio. Verba autem Diui Augustini sunt ista. Nullum credimus ad salutem venire, nisi Deo iuuante, nullum iuuatum, nisi Deo auxiliante, suam salutem operari, nullum nisi orantem auxilium sibi promereri. Ergo à primo ad vltimum nullus salutem consequitur sine oratione.

Tum quia idem Diuus Augustinus lib. de bono perseverantiæ cap. 16. sentit, tam esse necessariam orationem ad salutem, quàm est necessarium perseverantiæ donum. Atqui omnes fatentur, perseverantiæ donum esse ad salutem necessarium necessitate mediij, ergo eodem modo necessaria est oratio. Verba Diui Augustini sunt quæ sequuntur. Deum alia dare non orantibus, sicut initium fidei: alia non nisi orantibus preparasse, sicut usquè in nem perseverantiæ.

Pro hoc etiam facit Diuus Chrysostomus lib. 1. de orando Deum, vbi sic ait. Quemadmodum

36 DE ORATIONE IN COMMUNI  
corpus hoc nostrum, si non adsit anima, profectò  
mortuum est, ac fœtidum: sic anima nisi seipsam  
incitet ad orandum, mortua est, ac misera ac gra-  
uiter olens.

---

## QVÆSTIO XVIII.

*Utrum oratio cadat sub præcepto diuino.*

**N**ONNULLI, teste Ioanne Medina tractatu de  
oratione, quæstione de necessitate orandi, ne-  
gant dari tale præceptum diuinum speciale de ora-  
tione.

Alij verò affirmant orationem non cadere sub  
præcepto diuino, nisi tantum ex suppositione, tunc  
scilicet quando res quæ postulatur cadit sub præ-  
cepto, nec aliter quam media oratione potest ob-  
rineri.

Sed cæteri communi consensu censent oratio-  
nem positam esse sub præcepto diuino. Ratio huius  
est, quia media ad æternam salutem necessaria, sunt  
nobis iure diuino præcepta: atqui oratio ut di-  
ctum est, est medium ad salutem necessarium, ergo  
de oratione datur præceptum iuris diuini.

Maior propositio est illius omniscij, & omni  
pietate insignis Diui Thomæ Aquinatis 2. 2. q. 2.  
ar. 5. & q. 3. ar. 7. & 3. parte q. 68. ar. 1.

Minor verò propositio ex eo constat, quia om-  
nes tenemur æternæ salutis nostræ curam gerere,  
quod satis ostendit Christus Dominus Matthæi 6.  
Cum docens nos non esse de rebus ad huius vitæ  
sustenta

sustentationem necessarijs sollicitos, præcepit ut  
 primùm quæramus Regnum Dei, & iustitiam  
 eius, ac proinde necessaria ad æternam salutem:  
 pro quibus sine dubio recurrendum est ad Deum:  
 quandoquidem aliunde haberi non possunt, iuxta  
 illud Ioannis 15. Sine me nihil potestis facere. Ut  
 autem à Deo hæc omnia obtineantur, necessaria est  
 oratio, de qua præceptum diuinum habetur ex  
 multis sacrę Scripturæ locis, ut ex illo Matth. 7.  
 Perite & accipietis. Quæ verba D. Tho. sentit,  
 continere præceptum. Et hunc etiam sensum ha-  
 bet illud Luc. 18. Oportet semper orare. Vnde D.  
 Chryl. to. 1. ser. de Moyf. ait, Dum, *oportet*, dicit,  
 necessitatem inducit. Et infrà. Optat, inquit, dare  
 qui præcipit petere. Et Matth. 26. dicit Christus,  
 Vigilate, & orate, ut non intretis in tentationem.  
 Super quo dicit Diuus Hieronymus, in tentatio-  
 nem intrat qui orare negligit. Et Iacobi 5. Orate  
 pro inuicem ut saluemini. Et Matth. 8. Orate pro  
 persequentibus, & calumniantibus vos. Ex quo lo-  
 co sic argumentor. Si pro inimicis tenemur ora-  
 re, ut saluentur, à fortiori pro nobis, quos ex cha-  
 ritate magis tenemur diligere. Atque ex conse-  
 quenti Oratio est sub præcepto diuino. Vnde  
 D. Chrysost. ait. Pro se orare necessitas cogit,  
 pro altero autem charitas fraternitatis hortatur.

Tum quia vnusquisque de iure diuino tenetur  
 efficaciter desiderare bona spiritualia, ergo & illa  
 petere ab eo qui solus potest ea præstare, promittat-  
 que se illa daturum petentibus iuxta illud Ioan. 16.  
 Perite, & accipietis.

Et confirmatur, homo ægrotus ex charitate  
 tenetur corporis medicinam à medico petere, ergo

38 DE ORATIONE IN COMMUNI  
& à fortiori tenebitur auxilia gratiæ petere à Deo,  
quibus animæ vitiis medeatur, ergo oratio cadit  
sub diuino præcepto.

Tum demum, ipsa recta ratio præscribit Deum  
esse colendum: At præstantissimus cultus, qui Deo  
potest exhiberi, est cultus orationis, ergo hic cadit  
sub præcepto naturali, & diuino. Maior propo-  
sitiō est per se nota. Minor verò probatur. In ora-  
tione reipsa profiteamur Deum esse principium, &  
fontem omnium bonorum, nōsque ab ipso totali-  
ter pendere, ex quo maximus honor Deo resultat,  
ergo hic est præstantissimus cultus, maximèque  
gratus, qui Deo potest exhiberi.

Ex quo colligitur hoc præceptum non esse diui-  
num positium à Christo Domino datum, sed esse  
naturale, ac proinde semper, & in omni lege obli-  
gasse. Vnde in veteri Testamento vsus, & necessi-  
tas orationis satis declaratur, & specialiter Ec-  
cles. 16. redarguuntur antiqui Gigantes, quia non  
exorauerunt pro peccatis suis. Et Genes. 4. Enos  
nepos Adæ cœpit, vt ibi dicitur, inuocare nomen  
Domini. nam inuocatio, seu oratio absolutè sum-  
pta, etiam in Adamo erat in præcepto.

---

## QVÆSTIO XIX.

*Quando nam obliget istud orationis  
præceptum.*

**V**N A est omnium opinio, præceptum orandi,  
vt omnia alia præcepta affirmatiua, certam  
temporis determinationem non habere. Ratio est,  
quia

quia si spectemus præceptum ex sola naturali ratione, non dicit, ut oremus semel in die, vel in hebdomada, vel in mense, vel in anno, & Christus Dominus Matth. 7. indeterminatè dixit, Petite, & accipietis. Quæ verba ut omniscius D. Thomas testatur, continent præceptum, & alia præcepta affirmatiua indicant necessitatem, & si obligant semper, non tamen pro semper, sed solum pro articulo necessitatis. In hoc ergo articulo præscribendo, quod necessarium est ad moralem vsum præcepti, laborant Doctores.

D. Thomas in 4. dist. 15. qu. 4. ar. 1. q. 3. Angel. verbo oratio. qu. 20. Medina C. de oratione q. 1. Nauar. de oratione cap. 3. nu. 14. Suar. tom. 2. de Religione, lib. 1. cap. 30. & plerique alij, assignant plures casus, in quibus homines iure naturali, & diuino tenentur pro se, & pro aliis orare.

Primus est, quando homo tenetur se ad Deum conuertere debito modo, ad honestè, & sanctè vitam instituendam, qui secundùm D. Tho. 1. 2. q. 89. ar. 6. est primum instans vsus rationis, & extremum vitæ tempus. Et ratio huius est, quia ista conuersio propter suam difficultatem fieri non potest, sine speciali Dei auxilio, ad quod impetrandum est necessaria oratio.

Secundus casus est, quando homo est in graui aliquo periculo corporis, vel animæ constitutus, ut cum quis sentit grauem, & periculosam tentationem. Et ratio est, quia graues tentationes vix, aut nunquã vitari possunt sine diuino auxilio, ad quod impetrandum oratio est necessaria tanquam medium ad id ordinatum. Sicut tenet D. Thomas 2. 2. q. 147. ar. 3. iure naturæ esse ieiunium sub præ-



cepto, quando vel ad resistendum tentationi carnis, vel ad eleuandam mentem in Deum, est necessarium ieiunium, præceptum enim obligans ad finem, obligat etiam ad media necessaria.

Hinc, si alicui sit notum, se per diem in graue aliquod vel corporis, vel animæ periculum casurum, sicut fuit notum Apostolis, quando dixit illis Christus Matth. 26. Vigilate, & orate, vt non intretis in tentationem; & is negligat orare, quamuis tale periculum postea non sequatur, eo ipso quodd neglexit orare, peccauit mortaliter. Et ratio est, quia eo tempore obligabat speciale præceptum de oratione facienda, cuius violatio in re tam graui, sine speciali peccato mortali esse non potuit.

Tertius casus est, quando proximus in graui aliquo periculo, vel corporis, vel animæ versatur, vt si quis videat aliquos ad duellum descendere, in quo se inuicem occidant, nec possit eos aliter adiuuare, nisi sua oratione, saltem tenetur ex charitate pro eis orare.

Hinc, qui videt à longè aliquem velle se suspendere, tenetur sub mortali pro eo orare, vt Deus liberet illum ab eo periculo spirituali, cum hæc sit mors iniusta, non tenetur tamen orare pro illo qui suspenditur iustè pro suis delictis, ne moriatur.

Similiter, quando Ecclesia aliqua graui necessitate pulsatur, tenetur Christiani orare pro ea. Nam si quilibet pro quolibet, vt dictum est, tenetur, quanto magis pro tota Christiana republica obligatus erit. Vnde Actuum 12. dicitur, quod victo Petro in carcere, oratio fiebat ab Ecclesia pro eo, periculum enim capitis, totius Ecclesiæ periculum erat censendum.



Quartus casus est, quando ex præcepto tenemur audire Missam, quia tunc tenemur orare, idest, orantibus assistere, vt eis mediantibus oremus.

Quintus casus est, quoties peccator se ad gratiam disponere tenetur, vt quando ipse Sacramentum aliquod administrare, vel sumere vult: tunc vt vi-  
ret, & expellat peccata, tenetur petere veniam peccatorum, & auxilium, vt Deo reconcilietur. Quod maximè locum habet quando deest copia Sacramenti pœnitentiæ.

Sextus, & vltimus casus quo tenetur homo ad orandum est, quoties vult periculosum iter ingredi, aut aliquod aliud negotium magni ponderis, ac momenti suscipere. In his enim casibus necessariò tenemur nos Deo commendare, & formaliter, vel virtualiter orare, & Dei gratiam, & fauorem petere.

Hinc, qui est in peccato mortali, & non orat, seu non petit à Deo gratiam vt ab eo liberetur, non peccat mortaliter, dummodo verisimiliter credat sibi tempus petendi, & pœnitendi non defuturum. Nec in eo casu peccat mortaliter non pœnitendo, vt omnes fatentur, dummodo tamen ei peccatum non placeat. Nauar. de Oratione cap. 3. num. 12. Nec etiam peccat mortaliter, qui pro proximo in mortali existente negligit orare Deum, vt ab eo liberetur: quantumuis sciat oratione sua iuuandum, vt docet Nauar. de Oratione cap. 3. num. 15. Dummodo aduertat aliud esse remedium tum pœnitentiæ, cuius nullum sufficiens impedimentum ipsum habere apparet: tum admonitionis, & curæ, quæ de eo ab aliis geritur. Et ratio huius est, quia in hoc casu est aliud remedium, vt à peccatis liberetur præ-

ter orationem. Quæ resolutio facit ad solatium conscientiarum timoratarum, ad quod solatium etiam facit, quod docet Valentia 2, 2, d. 6, q. 2, p. 3. & non peccari per omissionem orationis, nisi quis tempore quo oportet orare, aduertat, vel aduertere possit ex præcedente alia præcognitione: (qualis fuit, quam Matth. 26, acceperunt Apostoli à Christo dicente illis, Vigilate, & orate, &c.) quod necessesse sit tunc orare: quia si id nullo modo veniat in mentem, sicut omissio illius non erit voluntaria, ita nec erit peccatum, quia nullum est peccatum, nisi voluntarium.

Sed quid si iuravit, vel vouit orare? Respondeo, si quis vouit, vel iuravit, orare, vel acceptauit orationem à confessario loco pœnitentiæ iniunctam, iure diuino tenetur tempore quo vouit, vel iuravit, vel acceptauit orationem, orare, nisi ut in fauorem vel creditoris, vel debitoris, vel alicuius tertij. Redditio enim voti est de iure diuino iuxta illud Psalmi 75. Vouete, & reddite Domino Deo vestro, &c.

Hinc ille, cui iniuncta est pœnitentia recitandi septem psalmos pœnitentiales omnibus diebus festis vnius anni, ut minori cum labore illam adimpleat, vel qui medio iuramenti, vel voti ad idem est obligatus, poterit tempus præuenire. Et ratio est, quia temporis protractio fuit facta in suum fauorem. Verum si talis dilatio temporis, fuit determinata, ut diutius duraret memoria, & dolor peccatorum, vel passionis Christi, vel causæ, quæ ad vouendum, siue iurandum mouit, non satisfaciet, si non suis diebus & temporibus recitet.

Hinc, sacerdos cui iniuncta est pœnitentia post  
Mullam

Missam adimplēda, satisfaciēt, si ante Missam illam adimpleat, quia tempus in suum fauorem determinatum esse videtur.

At Durand. in 4. dist. 13. q. 12. Palud. ibidem q. 5. ar. 1. Azor 1. p. inst. Mor. lib. 9. q. 34. q. 2. Suar. to. 2. de Relig. lib. 1. c. 30. & plerique alij dicunt, nullam esse rationem, quæ conuincat in huiusmodi temporibus teneri nos ad orandum. Nam in primis non constat de tali præcepto affirmatiuo, quod pro primo instanti vsus rationis obliget ad propriam conuersionem in Deum, sed satis est ad salutem consequendam, si omne tunc temporis peccatum deuictet, & id boni præstet, quod ei tunc prius occurrit.

Tum quia aliud est, deliberare de se, & de suo fine, quod ait D. Thomas, & aliud orare Deum, vt præbeat sibi auxilium: perueniendi ad eum, quod ait Syluester verbo oratio q. 8. & à diuersis non fit illatio.

Nec item si Dæmon aliqua graui, & dura tentatione nostram virtutem pulset, & à Dei gratia, & charitate dimouere non studeat, continuè sequitur, vt ad orationem confugere compellamur, cum sint etiam in promptu alia remedia, quibus Dæmonum & aliorum hostium incursus propulsare possimus. Nec præceptum audiendi Missam, adstringit nos ad orandum.

Mihi probabile videtur vnumquemque vi præcepti diuini naturalis debere iis temporibus quæ suprà D. Thom. Syluest. Med. Nauar. Azor & Suar. expresserunt. Nihilominus censeo huiusmodi præceptum sapius, & per se obligare in decursu vitæ, etiam si non occurrant extraordinarij casus particulares,

culares, in quibus necessitas charitatis ad orandum adstringat, quia vita humana tota est vnum continuum bellum, & consequenter vnum continuum periculum, quod scimus sine continuo Dei auxilio, & protectione superari non posse. Scimus etiam ordinarium medium à Deo constitutum ad dandum hoc continuum auxilium esse orationem, ergo recta ratio naturalis dicat, non esse expectandum extremum periculum ad orandum, essetque contra propriam salutem ad illas angustias orationem restringere; obligat oratio sapius, ac per se ratione præsentis status.

Hinc peccat mortaliter, qui totam vitam, aut magnam partem eius sine oratione traducit. Et ratio est, quia cum post baptismum remaneat adhuc fomes peccati, quo vnusquisque interiùs ad peccandum prouocatur, necessaria est continua oratio, vt ab eo possit liberari.

Tum quia moraliter loquendo est planè impossibile huiusmodi hominem negligentem in innumera peccata non ruere, cum sit omnino impossibile, quòd per multum tempus viuat, quia grauissimæ tentationes occurrunt, ad quas repellendas orare oportet ex diuino præcepto. Quamquam ij qui sunt timoratae conscientia, rarò peccent in hoc genere, quoniam frequenter orant, etiam si fortè non recordentur, nec aduertant se ad id teneri. Hæc est expressa sententia D. Thom. communiter recepti in 4. distinct. 15. q. 4. ar. 1. & 3. p. q. 39. ar. 5. vbi sic dicit: Post baptismum necessaria est homini iugis oratio, ad hoc vt in cælum introeat. Licet enim per baptismum remittantur peccata, remanet tamen fomes peccati nos impugnās interiùs, & mundus,

LIBER I. QVÆST. XX. &c. 45  
& Dæmones, qui impugnant exteriùs. Hoc idem  
docuit D. Chrysost. lib. 1. de Oratione, vbi ait quòd  
quisquis non orat, aut assiduò colloquio non ha-  
bet orationem cum Deo, ille mortuus est. Eandem  
sequitur Petr. Arrag. 2. 2. q. 83. ar. 3.

---

## QVÆSTIO XX.

*Vtrum hoc præceptum obliget ad mortale.*

**R**ESPONDEO quòd sic. Et ratio est, quia tale  
præceptum cùm sit de re ex se grauissima, vt-  
pote necessaria ad æternam salutem, obligat ad  
mortale.

---

## QVÆSTIO XXI.

*Ad quam virtutem pertineat hoc  
præceptum orandi.*

**A**LEXAND. Alenf. 4. p. q. 26. m. 3. ar. 1. ad 2.  
& plerique alij fatentur præceptum hoc per-  
tinere ad charitatē Dei, vel proximi, vel propriam:  
quia hoc præceptum in tantum obligat ad oratio-  
nem, quatenus est medium necessarium, ad aliquem  
finem, ergo obligatio vtendi tali medio oritur ab  
illa virtutē, ad quam spectat obligatio habendi il-  
lum finem, nam tota obligatio medij est propter  
finem. Sed obligatio quærendi talem finem pertinet  
ad charitatem. Nam si oratio est necessaria ad ob-  
tinen

tinendum diuinum auxilium, ad consequendam vitam beatam, illa obligatio ex propria charitate procedit: si verò est necessaria ad repellendum proximi malum, erit obligatio nascens ex charitate proximi. Si verò oratio est necessaria ad euitandum peccatum, obligatio erit ex charitate Dei.

Ex quo inferunt omissionem orationis nunquam esse speciale peccatum distinctum ab aliis, sed esse illud ipsum, quod committitur, deficiendo ab illo fine, propter quem est necessaria oratio.

Hinc, qui instante tentatione non orat, sed ei succumbit, non peccat duplex peccatum, sed vnum tantum. Et ratio est, quia quòd tali tempore teneatur orare, id non est ex vi specialis præcepti, sed ex vi eius, circa quod exurgit tentatio, vt si v.g. inducor in fornicationem ex tentatione, eodem præcepto, quo teneor vitare fornicationem, teneor etiam adhibere omnia media ad id necessaria, inter quæ præstantissimum est oratio. Quare in tali casu tantum erit violatio vnius præcepti, scilicet continentie, atque ex consequenti, & vnicum peccatum.

At D. Thom. 2. 2. quæst. 83. ar. 3. ad 2. censet præceptum hoc orandi ad duo distincta præcepta pertinere. Nam desiderare bonum illud, propter quod orandum est, cadit sub præcepto charitatis, petere autem sub præcepto Religionis: ponit ergo proprium, & peculiare præceptum, quod licet non obliget, nisi pulsante necessitate, nihilominus tunc obligat ex vi Religionis. Ex quo fit, vt qui tunc orationem negligit, duplex peccatum committat, primò contra charitatem, quia non efficaciter procurat bonum proprium. Secundò contra

Reli

Religionem, quia non defert Deo cultum orationis, quando debet.

Tum quia recta ratio dicat, esse Deo exhibendum cultum patriæ, sed præstantissimus cultus Dei consistit in oratione, ergo præceptum orandi ex vi cultus debiti Deo, ac proinde est peculiare præceptum Religionis. Hoc idem videtur sentire Ar- milla verbo Oratio nimis. 2. cum ait: Orationem esse necessariam, ut reuerentiam Deo exhibeamus, & ut impetremus.

Cæterum quamuis utraque sententia probabilis esse videatur, prima tamen multo verior, & probabilior apparet. Quare ad fundamentum D. Thomæ respōdeo, præceptum de diuino cultu ex natura rei non determinare ad particularem actum, vel modum cultus, sed hoc depēdet ab ipso homine quoad priuatum cultum. Vnde posset quis Deum colere, gratias agendo, vel laudando, vel adorando, & per hoc impleret naturale præceptū diuini cultus, ergo licet nunquam peteret diuinum auxilium, non violaret naturale præceptum colendi Deum, esto aliàs peccaret contra charitatem.

## QVÆSTIO XXII

*• Vtrum per solam orationem mentalem possit hoc præceptum adimpleri.*

**R**ESPONDEO posse. Et ratio est, quia oratio mentalis est per se sufficiens ad obtinendum à Deo quidquid est necessarium ad salutem, sed totum fundamentum huius præcepti est illa necessitas, ergo



48 DE ORATIONE IN COMMUNI  
ergo per solam orationem mentalem potest hoc  
præceptum adimpleri.

Et confirmatur, nam oratio ad hoc deseruit, vt  
mens in Deum eleuetur, Deoque nostra desideria  
aperiamus, quæ largitate suæ misericordiæ expleat:  
ad hoc autem nulla opus est voce, cum Deo nostra  
patentia sint corda, ergo non opus est vocali ora-  
tione, sed satis est, vti Christus docuit Ioan. 4.  
adorare Deum in spiritu, & veritate, & vt ait A-  
postolus, Orate spiritu, orate & mente. Ita tenet  
D. Thom. communiter receptus 2. 2. q. 83. ar. 12.  
vbi ait non esse de necessitate orationis priuatæ,  
quodd sit vocalis.

---

### QVÆSTIO XXIII.

*Vtrum oratio mentalis sit necessaria sub  
præcepto.*

**R**ESPONDEO non esse necessariam, nisi quando  
vocalis est quoque sub præcepto propter eas-  
dem rationes, quibus oratio vocalis obligat sub  
præcepto obligante ad mortale.

---

### QVÆSTIO XXIV.

*Vtrum oratio vocalis sit necessaria sub  
præcepto.*

**E**T quidem certum est, orationem publicam esse  
necessariam ex præcepto, quia debet innoscere  
populo, pro quo offertur, vt ad deuotionem excitetur.

QVÆST.



## QVÆSTIO XXV.

*Sed dubium est de oratione priuata.*

**I**N qua re etiam est certum, orationem vocalem non esse necessariam ex præcepto diuino & naturali. Et ratio est, quia præceptum orandi diuinum, & naturale sufficienter impletur per orationem mentalem, nec vlla ratio cogit, vel ostendit, obligationem explicandi voce mentalem petitionem, iuxta illud psalmi 26. Tibi dixit cor meum, exquisiuit te facies mea.

## QVÆSTIO XXVI.

*Controuersum autem est, de præcepto diuino positum.*

**R**ESPONDEO nullum extare tale præceptum, quia nec in veteri lege, nec in noua reperitur, neque ex traditione constat.

Dices, in psalmo 50. dicitur: Domine labia mea aperies. Et psalm. 141. Voce mea ad Dominum clamari. Et Ecclesiast. 39. Confitemini illi in voce labiorum vestrorum.

Respondeo, hæc omnia, & similia sacre Scripturæ loca nil de necessitate vocaliter orandi sonant; nec tale præceptum inde colligitur. Sed sola orationis vocalis commendatio, quod Deo placeat, & à Deo sæpe exaudiatur.

D

Dices

Dices, Christus non solum mente, sed etiam voce voluit, ut ipsum oremus, ut constat Matth. 6. ubi formulam orandi vocaliter discipulis suis tradens dixit. Sic orabitur: *Pater noster.*

Respondeo, ex illo loco non posse colligi hoc praeceptum diuinum, quia Christus illam formulam non precipiendo, sed docendo tradidit, & Ecclesia non dicit *praeceptis salutaribus iussi*, vel coacti, sed *maniti*.

## QVÆSTIO XXVII.

*Controuersia igitur tota est, An saltem ex praecepto Ecclesiae teneamur vocaliter orare secundum formulam à Christo nobis datam in oratione Dominica.*

**P**ALVD. in 4. dist. 1. q. 1. Durant. lib. 2. de ritibus Eccles. cap. 46. & Nauar. de oratione cap. 3. num. 20. & cap. 20. nu. 20. & in Manual. cap. 11. num. 22. affirmant nos ad id teneri, saltem sub culpa veniali.

Alij verò rectius docent, etsi salutare sit Dominicam orationem secundum seriem & ordinem quo tradita est, scire, & secundum eundem ordinem, & formulam orare, non tamen videtur id positum sub praecepto Ecclesiae, etiam sub poena peccati venialis obligante. Et ratio est, quia nullibi tale praeceptum reperitur.

Tum quia si Ecclesia praecepisset, etiam determinasset tempus illius recitandæ, quod non facit:

LIBER K QVÆST: XXVII. si  
vnde alij quotidie, alij vno tempore, alij alio ex  
deuotione recitant.

Tum quia sicut non est ad salutem necessarium  
symbolum memoriter retinere, cum satis sit ad  
singulos articulos etiam sine ordine propositos, re-  
spondere: ita quoque sat erit, vt interrogatus quis  
de singulis petitionibus illic contentis, sciat illa es-  
se petenda, nempe quòd fiat voluntas Dei, quòd det  
nobis panem quotidianum, &c. Vnde Clemens lib.  
6. constit. cap. 25. solum monet fideles, vt ter in die  
orationem Dominicam persoluant.

Dices, hoc præceptum esse in Ecclesia consue-  
tudine introductum.

Respondeo, vt consuetudo vim habeat obligan-  
di, necessaria est aliqua vniformitas, vt materia ob-  
ligationis sit certa: hîc autem nulla est vniformi-  
tas, vnus enim orat hoc tempore, alius alio, vnus  
rariùs, alius frequentius, vnde constare non potest,  
quando obliget talis consuetudo.

Tum. quia si talis obligatio in Ecclesia extaret,  
sciretur ab omnibus, at in particulari nullus dicit  
orationem Dominicam vt obligatus, nisi qui te-  
nentur eam dicere ex præcepto Ecclesiæ, vt mini-  
stri eius; vel si dicant ex voto, vel ex præcepto con-  
fessarij, ergo reliqua consuetudo est solum indirecta  
ex deuotione, ac proinde non potuit inducere præ-  
ceptum.

Obiicies Concilium Fioroculense sub Carolo  
& Pipino, in quo ordinatur, vt omnis Christianus  
memoriter teneat Symbolum, & orationem Domi-  
nicam, quia sine hac benedictione nullus poterit in  
cælesti Regno percipere portionem. Et Concilium  
Remense, cap. 2. in quo præcipitur omnibus, vt sciant

orationem Dominicam, quia eam ignorare, nulli Christiano licitum est. Vnde D. August. serm. 215. de tempore ait: Symbolum, vel orationem Dominicam, & ipsi tenete, & filiis vestris ostendite, nam nescio qua fronte se Christianum dicat, qui paucos versus in Symbolo, vel in oratione Dominica parare dissimulat. Et in serm. sequenti. Ille (inquit) bonus Christianus est, qui Symbolum, & orationem Dominicam memoriter tenet, & filios, vel filias, ut ipsi teneant, fideliter docet. Et D. Cyprianus; Aliter (inquit) orare quam Christus docuit, non solum ignorantia est, sed etiam culpa.

Ad hanc obiectionem dico primò, loca citata solum probate, fuisse olim huiusmodi præceptum, ut singuli discerent articulos fidei, & orationem Dominicam, sed nunc non extat, sed per usum contrarium esse abrogatum: quia satis est, ac sufficit, si prædicta sciantur, licet non memoriter teneantur.

Secundò dico, quòd in Concilio Remensi non accipitur præceptum strictè, ut sit id, quod sub pœna peccati obligat, sed largè, sicut multa dicitur Deus mandasse, ad quæ noluit nos sub pœna peccati obligare.

Illam autem verba, *Nulli Christiano licitum est, &c.* & illa D. Augustini, & Cypriani intelliguntur de ignorantia, qua non solum series, & ordo petendorum ignorantur, sed etiam de ignorantia qua quid à Deo petendum sit, nescitur. Quare satisfacimus, si illa petamus quæ Christus docuit esse petenda, etiam si non ordine petantur.

Ex quo inferitur primò, nihil referre, quibus verbis quis oret, modò piè, & attentè oret, & non peccat,

tat nisi quæ necessaria, vel vtilia sunt ad salutem, atque adeò reuocari possint ad aliquam petitionem orationis Dominicæ.

Secundò infertur, quòd quamuis omnes teneantur scire illas septem petitiones secundum substantiam illarum, vt cùm opus sit, possint petere necessaria à Deo, non tamen tenentur scire eas illis verbis, & ordine quo traduntur in oratione Dominica: sicut etiam solet dici de articulis fidei. Ità expressè D. August. epist. 89. ad Hilarium. Med. tract. de oratione quæst. 10. & Syluest. verb. scientia 9. 2. vbi sic ait. Videtur tamen sufficere, si quis sciat, quod debemus à Deo petere omnia bona corporis, & animæ, licet nesciat *Pater noster*. Eandem sententiam sequitur Angelus ibidem, & alij communiter.

Tertiò, & vltimò infertur, errasse hæreticos Bogomiles, qui vt refert Euthymius in Panoplia tit. 23. p. 2. asseriebant omnes alias orationes præter orationem Dominicam esse reiciendas. Nam Christus Dominus orationem quidem illam præscripsit quoad sententiam quidem, & res significatas, non autem quoad verba, & modum, nam ipse Christus, & Apostoli ab eo edocti, non solum Dominicæ orationis formula vti sunt inter orandum, sed etiam alia, vt patet in Euangelio. *Pater mi*, ait Christus, *si possibile est, transeat à me calix iste*. Rufus, *Pater sancte serua eos in nomine tuo, quos dedisti mihi*. Item *Pater dimitte illis, non enim sciunt, quid faciunt*. Apostoli verò sic etiam Deum precabantur. Actor. 2. Tu Domine qui nosti corda omnium, ostende quem elegeris ex his duobus. Ecclesia item pro rerum ac temporum varietate variis de mōte

54 DE ORATIONE IN COMMUNI  
precationibus vti consequitur. Quare cum Dominus  
ait. Sic ergo vos orabitis, aduerbium sic ad rerum  
potius petendarum, quam ad verborum similitu-  
dinem referendum est; vt sic orabitis, perinde sit, ac  
si diceretur, orantes similia petetis, siue his, siue  
aliis verbis, quia Cyprianus, & Augustinus docue-  
runt quidquid pie iusteque peti potest, hoc totum  
Christum Dominum, in sua illa oratione comple-  
xum fuisse, ita vt nihil desiderari, aut peti queat,  
quod ad aliquam Dominicæ orationis partem re-  
uocari non possit.

---

### QVÆSTIO XXVIII.

*An clerici teneantur saltem sub veniali voca-  
liter orare ante prandium.*

**N**AVAR. ybi supra, & multi alij tuentur partem  
affirmatiuam, & probât ex cap. Nō liceat. dist.  
44. ybi dicitur, non oportere clericos nisi hymno  
dicto comedere panem, & post cibos gratias Deo  
referre. Vnde Hieronymus epist. 21. ad Eustochium.  
Nec cibi sumantur nisi oratione præmissa: nec re-  
cedatur à mensa, nisi referantur creatori gratiæ, e-  
gredientes de hospitio armet oratio, regredienti-  
bus de platea oratio occurrat antequam sessio, nec  
prius corpusculum requiescat, quam anima pa-  
sceatur.

Sed omnino dicendum est, nullum esse præce-  
ptum Ecclesiasticum obligans clericos ad oran-  
dum ante, vel post prandium. Ex ratio est, quia in

cap. citato nullum est verbum præceptum, solum enim dicitur, non oportere clericos, &c. Nam ibidem etiam dicitur, non oportere clericos vel Religiosos prædare ante tertiam, & tamen non est peccatum veniale id facere.

Tum quia illud caput non est Martini Papæ, sed habetur inter canones Martini Braccarensis Episcopi. Quare dicendum est, hoc esse optimum consilium à multis, & grauissimis Patribus traditum.

---

## QVÆSTIO XXIX.

*An saluatio Angelica sit de præcepto.*

**N**A. V. A. R. vbi supra tuctur partem affirmantem.

At communis Theologorum sententia ait licet sit salutare, vt omnes hanc orationem addiscant, & sæpius recitent, non tamen esse id impossibile sub præcepto, & sub pœnâ peccati etiam venialis. Si quis autem sit aded induentus, vt hanc orationem ignoret, vel nunquam recitet, magnum iudicium est, ipsum non rectè vitare, etiam si omissio illa specialis peccatum non sit. Secus verò esset, si is alia orationibus assuefactus hanc non diceret, quia in hoc talis omissio non esset peccatum, vel signum obliuionis salutis suæ.



## QVÆSTIO XXX.

*An sit præceptum saltem sub veniali salutare  
Virginem, quando datur publicum  
signum in aurore, meridie,  
& hora vespertina.*

**I**N qua re certum est in primis, tunc non esse obligationem orandi vocaliter. Et ratio est, quia hæc priuata est oratio, & potest quis satisfacere orando mente.

Secundò est etiam certum, cum qui voce orat, et si teneatur tunc orare, nulla ratione tamen cogitur ad certam formam orandi, verbi gratia, per salutationem Angelicam; vel *Salve Regina*, sed potest dicto aliquo psalmo huic obligationi satisfacere.

Tertiò est etiam certum, hunc per se, & absolute non teneri tunc salutare Beata[m] virginem. Et ratio est, quia illa consuetudo generaliter recepta est sub ratione deuotionis, non obligationis.

Dixi autem, *per se*, quia ex accidenti potest talis omissio esse peccatum veniale. Quia si quis illam publice omittat, aliquod scandalum præbet, & alios perturbat. Si autem omittat priuare, & sine aliqua causa, non fiet sine aliqua otiositate, vel ex nimio affectu ad aliquam commoditatem, vel quid simile.



## QVÆSTIO XXXI.

*An fideles teneantur ad orandum vocaliter  
quando tenentur audire Missam.*

**P**ALVD. in 4. dist. 15. q. 5. nu. 7. & nonnulli alij  
respondent eos ad id teneri.

In contrarium tamen est verus, & communis,  
& vera sententia, quā defendit D. Thom. in 4. dist.  
15. q. 4. art. 1. quæstiunc. 3. Et ratio huius est, quia  
licet in diebus festis teneamur audire Missam, nihi-  
lominus in rigore non tenemur ad aliquid reci-  
tandum vocaliter, sed solum ministris orantibus  
assistere, ut eis mediantibus oremus. Immo per se  
loquendo melius facerent attendendo, & mente  
orando, ergo ex hoc capite nullum reperitur præ-  
ceptum vocalis orationis privatae. Verba autem D.  
Thom. sunt ista. Omnibus etiam, qui Ecclesiae mi-  
nisteriis non funguntur, videtur ab Ecclesia deter-  
minatum tempus orandi statutum esse, cum ex ca-  
nonum statuto teneantur diebus festis diuinis offi-  
ciis interesse, ut ministris pro populo orantibus  
sua intentionem conforment. Hæc ille.

## QVÆSTIO XXXII.

*Utrum oratio debeat esse continua.*

**M**ESSALIANI ut refert D. Augustinus libro  
primo de hæresibus, dicebant orationem  
debere esse continuam, periphoti ex illo Lucæ 18.  
Oportet semper orare, & nunquam deficere. Et

D 5 eius

eiusdem 21. Vigilate utique omni tempore orantes. Et 1. Thessal. 5. Sine intermissione orate. Et Eccles. 18. Ne impediatis orare semper. Et psalmo 33. Benedicam Dominum in omni tempore, semper laus eius in ore meo. Cui mirè consonat illud Diui Hieronymi in cap. Nunquam. de consecrat. distinct. 4. Nunquam de manu tua psalterium cadat. Et illud eiusdem in cap. Si quis vult. distinct. 36. Oret in Ecclesia Sacerdos, indefinenter. Et iterum, Sicut militi sine armis, ad bellum ire non conuenit, ita homini Christiano procedere non licet quolibet sine oratione. Et in epistola ad Eustochium, inquit. Nec cibus antè sumatur, nisi oratione præmissa, nec recedatur à mensa, nisi referantur gratiæ Creatori. Egredientes hospitium armet oratio, regredientibus de platea oratio occurrat, antequam sessio, nec prius corpusculum, quàm anima pascatur. Ad omnem actum incessumque manus pingant crucem.

Tum quia homo semper indiget auxilio Dei, vel ut resurgat, si in peccato est, vel ut stet si est in gratia Dei: & semper homo est in malo, pro quo repellendo, orandum est iuxta illud Ioannis in Canonica: Si dixerimus, quòd peccatum non habemus, veritas in nobis non est. Semper etiam sumus in periculo succumbendi Dæmonis tentationi, iuxta illud Petri: Vigilate, quia aduersarius vester diabolus, tanquam leo rugiens, circuit, querens quem deuoret, ergo semper orandum.

Tum quia non debet miles Christi securum pactionis mouere, dum bellum durat, bellum autem durat, quantum durat vita hominis, militia enim est vita hominis super terram, ut habetur Job. 7. 10

Tum

Tum demum quia pericula nunquam desunt, ideo cōtinuè indigemus Dei adiutorio. Nunquā deest miseria, ideo cōtinuè indigemus Dei misericordia.

At verò constans est, & firma, ac certa Catholicorum sententia non esse necessarium semper in oratione actu perseverare, nā Eccles. 3. dicitur, Omnia tempus habent, & suis spatiis transeunt vniuersa, tempus loquendi, & tempus tacendi, ergo & oratio habet tempus determinatum sicut & reliqua.

Tum quia certum, & indubitatum est, hominem aliis rebus, & operibus sæpe intendere, quæ interdum ad ipsum, interdum ad proximum, interdum ad Rempublicam, & necessaria esse dignoscuntur, oportet igitur orare, sed cum temporis interuallo.

Origenes cum Glossa, & Diuus Pater Augustinus epistola 121. ad Probam sic prædicta testimonia tacite Scripturæ interpretantur. Ideo est semper orandum, quia nunquam est à bono opere cessandum, dici enim solet, non cessat orare, qui non cessat bene agere, seu semper orat, qui semper bene agit.

Gerson in 3. p. cap. 77. Diuus Anselmus in cap. 5. epist. 1. ad Thess. & plerique alij dicunt orationem debere esse continuam potestate, vel habitu, quatenus is semper orat, qui vbi semel orare cœpit, nunquam ab oratione per contrariam voluntatem recedit ita ut amplius orare recuset.

Dōctor Angelicus 2. 2. quæst. 83. artic. 14. docet orationem debere esse continuam, quia nunquam est ab eius causa cessandum: causa autem orationis est gratia, & vitæ æternæ desiderium, illud autem desiderium, dicit, debere esse continuum, actu, vel virtute, prout manet in omni actu, quem ex charitate facimus. Vnde quia omnia debe

debemus ad gloriam Dei facere 1. Cor. 10. ideo secundum hoc debet esse oratio continua. Vnde Dignus Ambrosius sermone 19. in psalm. 118. Qui rogat, inquit, semper roget, & si non semper precatur, paratum semper habeat precantis affectum. Et Glossa super illud 1. Thessal. ultim. Sine intermissione orate; dicit, Ipsum desiderium bonum oratio est, & si continuum est desiderium, continua est oratio. Et D. August. in psal. 37. in illa verba: Domine ante te omne desiderium meum, sic ait. Ipsum desiderium tuum, oratio tua est, & sit continuum desiderium, contemplatiua oratio: non enim dicit frustra Apostolus, sine intermissione orantes. Nūquid sine intermissione genua flectimus, aut manus leuamus? Orare hoc pacto sine intermissione, nō possumus facere. Est alia interior oratio sine intermissione, oratio quæ est desiderium. Si non vis intermittere orare, noli intermittere desiderare. Continuum desiderium tuum, cōtinua vox est. Tacebis, si amare desistas. Flagrantia charitatis clamor cordis est: si semper manet charitas, semper clamas: si semper clamas, semper desideras. Hæc D. Aug. A quibus nec dissentire videtur Magnus Basilus in oratione ad Iuliam, quo loco ostendit non esse impossibile hoc præceptum, Oportet semper orare, quoniā impossibile non est, rem vehementer dilectam semper desiderare. Nā & amatores huius sæculi siue comedant, siue bibant, rem amatam cum desiderio cogitant, & etiam inter dormiendum cum eadem somnians versantur.

D. Bonaventura in Lucam quem refert, & sequitur Castro verb. oratio, hæresi 2. dicit illum loquendi modum solum continere quandam exaggeratio

gerationem ad demonstrandam necessitatē orationis: est enim hic loquendi modus per exaggerationem vsitatus in scripturis, quæ sicut impossibile dicunt: quod est valde difficile, vel rarò fit, ita semper dicunt fieri oportere, quod frequenter faciendum est. Sic enim communi, & vsitato loquendi modo, semper facere dicimur id, cui magno affectu incumbimus, ita vt quoties possumus, & quando-cunque vacat illud faciamus. Sic de homine studioso dicimus, semper studet, de puero intemperato, semper comedit, semper ludit.

Medina C. de oratione q. 11. de tempore orandi dicit quod mens Christi Domini est docere nos, oportere etiam si semel & iterum petendo, non obtineamus quod optamus, non ideo desistere, sed instanter orare, donec obtineamus quod petimus.

At verò D. Chrysost. & Theophyl. in illa verba Apostoli Sine intermissione orate. Et D. Aug. in lib. de hæresibus cap. 57. & Beda in comment. ad cap. 18. Lucæ. Et D. Anselm. in comment. ad cap. 5. 1. ad Thell. & plerique alij dicunt mentem Christi Domini, & Apostoli solùm fuisse monere nos, vt crebrò, ac frequenter Deum precemur. Est enim mos vsitatus in sacra Scriptura, vt ea dicantur semper fieri, quæ sunt crebrò, & statutis diei temporibus, etiam si intermedio tempore aliud agatur. Nam sicut Apostolus dixit semper orandum, sic etiam dixit semper gaudendum, & tamen Salomon ait, suo tempore ridendum, & sup tempore plangendum. Et Lucæ 2. dicitur quod Anna vidua sine intermissione rogabat Deum, & à templo non recedebat die ac nocte, & tamò constat eam extra templum dormisse, cibum sumpsisse, & cætera vitæ  
anima

animalis officia egisse. Quæ expositio est valde conformis intentioni Christi, quam exemplo Iudicis declarauit, qui remanebat facere iustitiam viduæ petenti, quæ cum importuna esset, & frequenter ad eum iustitiam petitura veniret, dicit Iudex. Quia molesta est mihi hæc vidua vindicabo illam. Et tamen certum est, quòd illa vidua non orabat Iudicem illum continuè, sed frequenter, transibant enim dies inter orationem, & orationem. Sic etiam Act. 12. legitur de Petro in carcerem incluso, quòd in Ecclesia fiebat oratio sine intermissione ad Deum pro eo: & tamen constat aliquatemporis interualla fuisse ad dormiendum, ad comedendum, & ad alia charitatis aut naturæ munia obeunda.

Similiter verè dicitur nunc, quòd in Ecclesia Dei semper, & sine intermissione officia diuina persoluuntur. Quod saluatur per hoc, quòd singulis diebus, & certis diei temporibus ordinariè talia officia dicuntur. Quo sensu dictum est Miphiboseth 2. Reg. 9. Tu comedes panem in mensa mea semper, id est, omni tempore constituto refectioni corporis ad vitæ corporalis refectionem.

Similes sunt in Scripturis permultæ aliæ sententiæ, quæ per vocem, *semper*, nihil aliud, nisi assiduitatem significant vt Psalm. 1. Sed in lege Domini voluntas eius, & in lege eius meditabitur die, ac nocte. Psalm. 24. Oculi mei semper ad Dominum. Psalm. 33. Semper laus eius in ore meo. Et Luc. vltimo, Erant semper in templo laudantes & benedicentes Dominum. Vnde illud, Oportet semper orare, & sine intermissione: hunc habet sensum, vt statim videlicet ad certis temporibus quotidie diuinam

uinam opem inuocemus, siue id mane, siue vespere, siue alio quolibet diei tempore faciamus.

Ex quo sequitur orationem debere esse continuam, continuatione, & perpetuitate morali, in eo sensu quo loquuntur Chrysostomus & Theophyl. August. Anselm. & Beda, non autem mathematica, & physica continuatione.

Huic doctrinæ obstare videtur illud Matthæi 6. Orantes nolite multum loqui, sicut ethnici faciunt, putant enim quoddam multiloquio suo exaudiantur. Nolite ergo assimilari eis, scit enim Pater vester quid opus sit vobis antequam petatis eum.

Huius obiectionis meminit D. August. in epist. 121. cap. 10. Respondendum est ergo iuxta mentem eius, non prohiberi à Domino longam orationem, sed inanem verborum multiplicationem. Absit, inquit, ab oratione multa loquutio, sed non desit multa precatio, si serpens perseueret intentio. Nam & Dominus qui prohibuit multum loqui, pernôctabat in oratione Dei Luc. 6. Et iussit nos semper orare eiusdem 18. Et factus in agonia prolixius orabat.

Tandem ad rationem contrariæ opinionis respondendo, quoddam licet semper homo sit in periculo, vel indigentia diuini auxilij, ex hoc tamen non sequitur, quoddam semper & pro semper homo oret: satis enim est, si in hoc non sit notabiliter negligens, sed vigilet, & pro tempore oret, est enim præceptum affirmatiuum, ac proinde non pro semper obligat.

QVÆ



## QVÆSTIO XXXIII.

*Quibusnam conueniat orare.*

**R**ESPONDEO, his omnibus, qui ratione, & intelligentia sunt præditi, vt Angelorum, & hominum, qui sunt rationis, & intelligentiæ participes, ac proinde loqui, ac loquendo petere aliquid possunt, & Deum superiorem, & potentiorum, & opulentiorem agnoscunt, reuerentur, & colunt, à quo aliquid boni sibi, vel alteri expectare possunt. Ratio huius est, quia oratio est loquutio quædam, qua cum subiectione petitur à superiore, quod desideratur, omnis autem locutio est naturæ ratione, & intelligentia prædita, ergo. Et ita tenet D. Thomas 2.2.q.83.art.10.

## QVÆSTIO XXXIV.

*Vtrum Deo conueniat orare.*

**R**ESPONDEO, quòd non. Et ratio est, quia Deus superiorem non agnoscit, à quo aliquid cum subiectione petere possit, nec est alicuius rei indigens, quam imploreret, cum sit fons omnium bonorum, quippe cui omnes creaturæ dicunt, Deus meus es tu, quoniam bonorum nostrorum non indiges.

Obiiciēs, in Scriptura dicitur, Deum petere, aut rogare aliquid ab homine, vt Exodi 32. Dimitte me, aurora est.

Respon



RESPONDEO hunc locum intelligendum esse hyperbolicè, vt ostendat quantum valeat oratio iusti apud Deum, vt bene explicat Card. Bellarmin. lib. 1. de bonis oper. cap. 8.

Hinc impia, & blasphemata censetur deliratio illa Iudeorum Thalmudistarum, qui dicunt Deum quotidie certas orationes deuoto animo fundere: & illa Pseudoprophetae Mahometi qui in suo Alcarano cap. 43. affirmat, Deum, & Angelos pro se orare.

## QVÆSTIO XXXV.

*Vtrum uni personæ diuinæ conueniat  
orare aliam.*

RESPONDEO, quòd non. Et ratio est, quia Orare est actus inferioris ad superiorem, & requirit distinctam voluntatem inter eum qui orat, & ad quem orat: personæ autem diuinæ neque habent superiorem extra se, neque inter se vna est inferior alia, & vnicam tantum habent voluntatem, & ideo neque vna potest orare ad aliam, neque omnes ad quempiam alium.

Nec refert, quòd vna persona diuina ab alia originem trahat, nam omnes tres ipsæ personæ sibi sunt coæternæ, & coequales, nec vna est altera maior, aut natura prior, aut perfectione præstantior, quamuis verè sit inter eas ordo originis, quâ vna est ab altera, non e contra.

Neque obstat illud ad Rom. 8. Quid oremus, sicut oportet nescimus: sed ipse Spiritus postulat pro nobis gemitibus inenarrabilibus. Quia intelligitur ab

E effectu

66 DE ORATIONE IN COMMUNI  
effectu, propterea quòd postulare nos facit, aut docet nimirum tribuendo postulandi vim, auxiliũ, & gratiam : Sicut & eius quod Mat. 10. dicitur. Non estis vos, qui loquimini, sed Spiritus Patris vestri, qui loquitur in vobis; sensus non est; quòd Spiritus sanctus per se verba proferat, sed quòd ad verum loquendum vim, facultatem, auxilium, & gratiã largiatur. Et sicut ipse in se non gemit, sed gemere nos intus facit, ita in se non orat, sed orare nos facit.

At D. Chrysostomus in eum locum appellatione Spiritus intelligit Spiritum hominis donatum beneficio & munere precationis, & orationis per Spiritum sanctum, Quoniam sicut in primitiua Ecclesia multis tribuebatur donum linguarũ, ac etiam quia nescimus orare, & interdum nociua, & inutilia petimus, confertur quibusdam donum precationis. Et ideo teste Chrysostom. ait Apostolus. Quid oremus, sicut oportet, nescimus, sed ipse Spiritus, nimirum hominis per Spiritum sanctum munere precationis illustrati postulat pro nobis,

---

## QVÆSTIO XXXVI.

*An Christo orare conueniat.*

**I**N hac graui, & perdifficili quæstione conuenit inter omnes, Christo in quantum Deus est, non conuenire orationem, quia, vt diximus, oratio est inferioris ad superiorem, at Christus in quantum Deus, nullum superiorem agnoscit, sed est omnino Patri æqualis, ergo Christo in quantum Deus est, non competit orare.

Secundò etiam conuenit, olim in terris cum pro nobis

nobis sapius orasse. Primò, quia sua oratione merebatur nobis, vt digni efficeremur ad susceptionem diuinorum beneficiorum.

2. Vt discipulos, & nos suo exemplo inuitaret, & commoueret ad pietatem, honorem, cultumque, & reuerentiam aduersus maiestatem diuinam.

3. Vt humanæ naturæ susceptæ veritatem ostenderet.

4. Et vltimò, quia quatenus homo, erat summus Sacerdos, & Pontifex, & sibi ex officio compete-  
bat orare pro peccatoribus, sicut, & pro peccatis sacrificium offerre, iuxta illud Hebr. 5. Omnis Pontifex ex hominibus assumptus, &c.

## QVÆSTIO XXXVII.

*Sed quod habet difficultatem est, vtrum Christo secundum humanā naturam sedeti in dextera Patris in excelsis conueniat orare.*

**I**N qua re etiam conuenit inter Doctores, quòd Christus Dominus etiam postquam ascendit in cælum, & sedet ad dexteram Patris, est eiusdem naturæ nobiscum, quamuis alterius gloriæ, ita quòd non solùm est verus Deus, sed etiam verus homo, vt fides docet. Ex quo fit, vt etiam in dextera Dei sedens sit minor Patre, ab eoque in omni sua operatione dependens.

Secundò etiā cōuenit, quòd si quæ in Christo esset oratio in cælis, illa esset sine aliqua anxietate, & sollicitudine. Christus enim Dominus passione consummata, liber fuit quacūque anxietate, & sollicitudine. Hæc igitur certa sūt, & in cōfesso apud omnes.

## QVÆSTIO XXXVIII.

*Tota igitur huius controuersie difficultas in eo consistit, An propriè sit dicendum, quòd nunc Christus in dextera Dei sedens interpellat pro nobis.*

**A** IUNT quidam Christum Dominum in cælo regnantem non orare pro nobis, neque hoc munus mediatoris pro nobis nunc magis exercere, quàm munus satisfactoris, vel merentis, quia in hac vita degens perfecit negotium redemptionis, & omnia quæ ad illam pertinent.

Alij verò docent etiam nunc in dextera Dei sedentem exercere Christum mediatoris munus, verè & propriè pro nobis orando, & intercedendo. Et ratio est, quia id non dedecet ipsum, cùm in terris sæpissime id fecerit, & statui beatitudinis non repugnet vt patet in alijs sanctis.

Tum quia id vertitur in Dei laudem, & cultum: sicut enim summa charitate, ita etiam summa humilitate erga Deum est præditus, cur etiam non vtatur oratione?

Tum quia, etsi data sit illi omnis potestas in cælo, & in terra Mat. 28. tamen executio huius potestatis non potest fieri virtute naturæ humanæ, sed Dei, vt patet in iustificatione, & glorificatione, ergo decet vt id petat à Deo.

Tum demum, quia Ioann. 14. ipsemet Christus dixit: Ego rogabo Patrem, & alium Paracletum dabit

bit vobis, vt maneat vobiscum in æternum. Quasi dicat, nolite ob meum discessum ad Patrem, esse inæsti, quia cum ad Patrem venero, rogabo eum, vt alium meo loco mittat, qui nunquam discedat. Hoc idem patet 1. Ioan. 2. Sed & si quis peccauerit, aduocatum habemus apud Patrem, Iesum Christum iustum: quod propriè dici nequit, nisi aliquid pro nobis à Patre petat. Ad Roman. 8. Qui est ad dexteram Dei, qui etiam interpellat pro nobis. Et ad Hebræ. 7. Semper viuēs ad interpellandum pro nobis. Vnde D. Aug. Habes, inquit, maiestatem, ad quam ores, habes humanitatem, quæ pro te oret. Et Amb. Christus resurgens, semper causas nostras agit apud Patrem, cuius postulatio contemni non potest, quia in dextera Dei est, hoc est, in honore, quodd Deus est. Et infra. Interpellat pro nobis ne inimicus aliquid violenter præsumat contra nos, vt arceatur. Et ideo huius sententiæ sunt Greg. Nazianzenus oratione 4. Aug. tract. 102. in Ioan. Cyril. lib. 11. in Ioan. c. 9. D. Th. 2. 2. q. 83. ar. 11. & c. 7. ad Hebr. lect. 4. D. Bonau. de vita Christi c. 98. Tolet. in c. 16. in Ioan. Valent. 2. 2. d. 6. q. 2. p. 1. Suar. in 3. p. d. 45. q. 2. sect. 2. & Azor. 1. p. inst. mor. lib. 9. cap. 29. q. 7. Pro quo

Primò dico, quodd Christus in cælis regnās, nunc Patrem non orat supplicum hominū more, qui corpus inclinant, caput demittunt, sese humi prosterunt, & expansas in cælum manus attollunt: hæc enim & similia Christus dū in terris nobiscū versabatur. faciebat, tū vt se ostenderet verū hominem, & verè à Deo missum, tum vt discipulis, & nobis exemplum orandi daret, nunc verò ei ad Patris dexteram confidenti hæc minimè conueniunt. Ita D. Hier. c. 8. epist. Pauli ad Rom. D. Ambr. D. Chryf. & Nicolaus

de Lyra, cum Glossa interlineari ibidem. Eandem sententiam tenet Rupert. Abb. lib. 9. de diuinis off. cap. 3. ubi ait oppositum esse contra fidem.

Secundò dico, quòd Christus in cælis pro nobis orat, aut petendo aliquid à Patre, aut ostendendo illi sua vulnera, & cicatrices, quibus nobis bona plurima, & maxima promeruit: aut repræsentando illi suam naturam humanam assumptam, & quæ in ea, causa nostri sustinuit: quemadmodum pauperum plagæ, nuditas, vulnera, morbi, & miserix, ipsis etiam tacentibus, orare dicuntur.

Ex quo colligitur Christum dici Aduocaturn, & interpellare pro nobis, non quia orationes fundat ad Deum pro nobis, sed quia repræsentatio vulnerum & sanguinis ipsius veniam, & misericordiam nobis imprecatur. Possumusque huius sententiæ nonnullas congruentias adducere, quarum prima est, quia fortè hic honor eius passioni debetur, vt iam deinceps diademate coronatus, nihil amplius à Patre peteret, aut precaretur.

Secunda, quia non sine causa post resurrectionem suam dixit: Data est mihi omnis potestas in cælo, & in terra.

Tertia, quia videmus, quòd Ecclesia modò non orat Christum, vt pro nobis intercedat, sed vt miseretur nostri, vel nobis opem ferat.

---

### QVÆSTIO XXXIX.

*An nobis liceat Christum Dominum precari,  
vt pro nobis intercedat.*

**E**T quidem certum est apud omnes, nobis nullo modo fas esse Christum rogare, vt ipse quatenus

nus Deus est, pro nobis oret. Quia Christus, qua ratione Deus est, Patri est per omnia æqualis.

## QVÆSTIO XL

*Sed questio tota est, An Christum iure orare possimus, ut ipse quatenus homo est, pro nobis intercedat.*

**R**ESPONDEO nobis non licere uti aliqua orationis formula contra morem Ecclesiæ receptum: Ecclesia autem nunquam Christum publicè orat, ut pro nobis intercedat, sed ut nostri misereatur, vel beneficiat nobis.

Tum quia cùm in carne mortali Christus commorabatur, eum cuncti inuocabant, Christe adiua nos. Iesu fili Dauid miserere nostri. Christe præceptor, vel Domine salua nos.

Tum quia licèt Christus secundùm naturam humanam spectatus, possit adoratione hyperduliz adorari, tamen sicut semper decet, dum aliquem alloquimur, summo honoris titulo compellare, ita in praxi expedit Christum honore patriæ honorare, ad ipsum orationes dirigere, non ut pro nobis precetur, sed ut tribuat, & conferat.

Tum quia post resurrectionem ei data est omnis potestas in cælo, & in terra, ergo eius magis est imperare, statuere, & dare, quàm orare.

Tum demum quia licèt vtrumque in c. 14. Ioannis ipse Christus promiserit, Si quid petieritis in



72 DE ORATIONE IN COMMUNI  
nomine meo, hoc faciã. Et infrã. Ego rogabo Patrẽ.  
Tamen primum conuenit illi, vt Deus est: secundum  
vt est homo. Nos autem loquentes cum Christo, & colentes illum, semper respicimus non ad  
naturam humanam, sed ad personam in natura  
subsistentem, quæ sua potestate dare, & conferre  
potest, & ideo loquimur cum illo tanquam cum  
vero Deo, ac proinde non loquimur cum eo tan-  
quam cum intercessore, sed tanquam cum authore  
omnium bonorum.

---

QVÆSTIO XLI.

*An Christus orans semper fuerit  
exauditus.*

**A**D hoc dico primò, quòd oratio Christi pro-  
cedens à voluntate rationis, semper in om-  
nibus fuit exaudita. Ratio est, quia semper illa vo-  
luntas fuit conformis diuinæ voluntati, & dignè,  
ac sanctè petebat, & ideo de eo dicit Apostolus  
ad Hebræos 5. Exauditus est pro sua reuerentia.

Secundò dico, quòd oratio Christi à voluntate  
pietatis, & à voluntate carnis procedens, non sem-  
per impetrauit. Ratio est, quia huiusmodi volunta-  
tes non erant in omni voluto diuinæ voluntati  
conformes. Vnde quando orauit voluntate pie-  
tatis pro crucifixoribus, non omnes salui facti  
sunt: nec quando voluntate carnis orauit dicens:  
Transcat à me calix iste, impetrauit. Idque Chri-  
stus fecit, non tam ad suam exauditionem, quàm  
ad nostram instructionem, vt se ostenderet ve-  
rum



rum hominem, & vt tempore tribulationis ad orationem confugeremus, & fiduciam in Deo haberemus.

## QVÆSTIO XLII.

*Vtrum brutis animalibus, & reliquis creaturis inanimatis orare conueniat.*

ET videtur quodd sic, nam in Psalmo 146. dicitur: Qui dat iumentis escam ipsorum, & pul-  
lis coruorum inuocantibus eum. Et Psalm. 103.  
Catuli leonum rugientes, vt rapiant, & quærant à  
Deo escam sibi.

At communis, ac verissima sententia est in con-  
trarium. Et ratio est, quia sicut bruta animalia, &  
reliquæ creaturæ inanimatæ non sunt capaces ra-  
tionis, ita nec sunt orationis. Et ideo quodd in me-  
moratis locis dicuntur bestię Deum inuocare, no-  
mine inuocationis nõ propriè intelligi orationem,  
sed naturalem instinctum, quo bestię siue rugien-  
do, siue crocitando exprimunt famem suam, cui  
Deus secundum ordinem providentiæ suæ prospici-  
cit, aperiens manum suam, & implens omne ani-  
mal benedictione: sicut & per similitudinem om-  
nia Deo obedire dicuntur, eo quodd insito naturæ  
impulsu à Deo rerum omnium authore mouen-  
tur ad fines, quos illis ipse præscripsit, per-  
inde ac si præcepto accepto, illud implere stu-  
derent.

Ex quo fit orationem esse actum proprium  
creaturæ rationalis. Quia sola creatura rationalis

E s            habet

74 DE ORATIONE IN COMMUNI  
habet & superiorem se, quem orat, & rationem seu  
mentem qua orant.

---

## QVÆSTIO XLIII.

*Vtrum sancti Angeli pro nobis orant.*

**R**ESPONDEO quòd sic, vt pater Tob. 12. vbi dicitur ei Angelus. Quando orabas cum lachrymis, & sepeliebas mortuos, ego obtuli orationem tuam Domino, id est, supplicavi illi vt eam adimplere dignaretur. Et Danielis 10. super illa verba: Et ego veni propter sermones. Ait Glossa: Postquàm cœpisti lachrymis, ieiunio & orationibus inuocare manum Dei, ego occasionem accepi, vt pro te oraturus ingrederer in conspectu Dei. Et Zach. 1. dicitur Angelum sic rogasse pro populo Dei; Domine exercituum, vsquequò tu non misereberis Hierusalē, & vrbium Iuda, quibus tu iratus es. Vnde, & obtinuit à Domino clemens, & consolatorium responsum, quod ipsi populo annuntiaret. Et Apoc. 8. dicitur, Ascendit fumus incensorum de orationibus Sanctorum de manu Angeli coram Deo. Intercedunt igitur Sancti Angeli pro nobis, & sæpe vel in toto, vel in parte exaudiuntur.

Et confirmatur ex perpetuo Ecclesię vsu, quæ in Litanis ita Angelos precatur. Sancte Michaël ora pro nobis. Sancte Gabriel ora pro nobis. Sancte Raphaël ora pro nobis. Omnes sancti Angeli, & Archangeli Dei orate pro nobis. Ergo supponit ipsos orare pro nobis.

QVÆ

## QVÆSTIO XLIV.

*An spiritus hominum beatorum pro  
nobis orent?*

**R**ESPONDEO quodd sic. Et ratio est, quia vt rectè monet D. Thomas 2.2.q.83.ar.7. & 8. oratio pro aliis facta, ex charitate illius qui orat, prouenit: ergo quantò aliquis magis est in charitate, tantò magis Deum precatur. Sed Spiritus beatorum hominum qui sunt in patria, sunt perfectioris charitatis, ergo magis orant pro nobis: & quia sunt Deo coniunctiores, eorum orationes sunt efficaciores.

Tum quia Angeli pro nobis orant vt ex dictis constat, ergo multò magis id spiritus hominum beatorum faciunt, nam in primis nihil eis deest eorum, quæ Angeli habent, quantum ad hoc munus spectat, cum sint præditi intelligentia, & voluntate, & adsint semper Deo, & nos vehementer diligant, ac demum sint æquales Angelis, vt dicitur Luc. 20. Immò aliquid habent præ Angelis, quodd sunt membra corporis Ecclesiæ nobis magis coniuncta, quā sint Angeli, & experti sunt miseras, & pericula nostra, quæ Angeli non sunt experti.

Tum quia, si quid obstaret, maximè, quia vel orationes nostras, vel necessitates in particulari non cognoscunt. Sed hoc est falsissimum vt inferiùs ostendam, ergo.

Tum quia 2. Petri 1. Petrus Apostolus ait: Dabo autem operam, & frequenter habere vos,  
nimi

nimirum commendatos, siue in animo post obitum meum, vt horum memoriam faciatis. Et Apocalyp. 5. describuntur 24. Seniores in celo procidisse coram throno Dei, habentes singuli phialas aureas plenas odoramentorum, quæ sunt orationes sanctorum.

Tum quia Lucæ 16. diues epulo orabat pro fratribus suis, ergo multo magis orant Sancti pro nobis.

Tum quia si quando Spiritus hominum iustorum non videbant Deum, sed erant in sinu Abrahamæ, orabant pro viatoribus, vt de Onia Pontifice, & Hieremia legitur 2. Machab. ultimo, & de Samuele, & Moyse Ierem. 15. Ergo multo magis nunc Spiritus hominum beatorum pro nobis orabunt, qui non ignorant in quibus periculis versemur, & maiori charitate nos diligant.

Et confirmatur; nam sancta mater Ecclesia à Spiritu sancto edocta, sanctos in celo cum Christo regnantes precatur, vt pro nobis orent, ergo pro certo, & explorato habet, eos pro nobis orare. Vnde Diuus Hieronymus in Epistola ad Paulam de obitu Blecidæ, Pro te, inquit, Dominum rogat, mihi que impetrat peccatorum veniam. Et Diuus Augustinus lib. 7. de Baptismo contra Donatistas cap. 1. Adiuuet, inquit, nos Cyprianus orationibus suis in istius carnis mortalitate, tanquam in caliginosa nube laborantes, vt donante Domino quantum possumus, bona eius imitemur.

Dices, sancti Angeli, & Beati in celo existentes nihil sibi mereri, vel demereri possunt, ergo multo minus nobis.

Respondeo,

Respondeo; quòd licèt sancti Angeli, & Beati in cælo existentes, non possint mereri nec sibi, nec alijs, possunt tamen ex præteritis meritis, & orationibus præsentibus, quæ ex præcedentibus meritis, & ex diuina acceptatione, efficaciam impetrandi habent, sibi, & alijs multa à Deo impetrare.

---

## QVÆSTIO XLV.

*An sancti qui sunt in patria, orent pro his qui sunt in purgatorio.*

**M**AGISTER Sotus in 4. dist. 45. q. 3. ar. 2. negat.

Sed constans est omnium Theologorum sententia, sanctos cæli ciues frequenter rogare Deum pro his qui pœnis purgatorij expiantur. Id enim constat ex generali vsu totius Ecclesiæ, quæ in suis publicis supplicationibus sic sanctos precatur. Sancte Michael ora pro eo. Sancte Petre ora pro eo. Et in illa oratione, Deus veniæ largitor, &c. supplicat Deo, vt Beata Maria intercedente, & omnibus sanctis, animas defunctorum ad perpetuæ beatitudinis consortium petuenire concedat. Vnde Diuus Augustinus lib. de cura pro mortuis cap. 4. ad hoc dicit prodesse mortuis sepulturam in Basilicis Martyrum, vt qui recordatur mortui, simul recordetur Martyris, & eius precibus mortui animam commendet.

Nihilominus arbitror Sotum eo in loco solum dicere voluisse, Sanctos in cælo non orare pro mortuis

78 DE ORATIONE IN COMMUNI  
mortuis satisfaciendo, sed impetrando, quod ante  
illum docuit omniscius Diuus Thomas in 4. dist.  
45. q. 3. ar. 3. ad 6. ubi ait aliter orare pro his qui  
sunt in purgatorio Ecclesiam militantem, aliter  
triumphantem, quia Ecclesia militans orat pro il-  
lis satisfaciendo, & impetrando, Ecclesia verò  
triumphans orat impetrando, non satisfaciendo.

---

## QVÆSTIO XLVI.

*An Angeli, & Animæ Beatæ cū Deum  
deprecantur pro nobis, prænoscant  
effectum talis orationis.*

**R**A T I O dubij est, quia si vident orationem  
non habituram effectum, non postulabunt  
id quod sibi à Deo denegandum esse cognoscunt,  
non enim discordem habent cum Deo volunta-  
tem. Si autem præsciunt effectum esse futurum,  
non est cur illud postulent, quia iam sciunt suam  
orationem esse superfluum. Si denique neutrum  
sciunt, scilicet, An Deus sit, aut non sit id concef-  
surus, videntur aliquo ignorantix defectu laborare  
statui beatifico repugnante.

His tamen non obstantibus respondeo omni-  
bus his tribus modis posse contingere, vt sancti in  
cælo regnantes Deum deprecantur. Et de primis  
quidem duobus modis habemus certum exem-  
plum in anima Christi, illa enim videt in Verbo  
omnia quæ futura sunt, ergo quando deprecabatur,  
pro certo sciebat euentum suæ orationis,  
82

& nihilominus rogauit pro Petro, ne deficeret fides eius, & rogauit vt mitteret Spiritum sanctum, quæ omnia sciebat infallibiliter fuisse futura. Deprecatus est etiam, vt à se transferret calicem passionis, cùm certò sciret, illud non fuisse à Patre concedendum. Idem ergo nunc accidere potest sanctis in cælo orantibus iuxta statum suum. Et ratio huius est, quia neutra præscientia excludit orationem. Nam si Beati vident orationem suam habituram effectum, tunc libentiori animo, & maiori affectu orant, quia simul etiam præsciunt effectum illum suis precibus obtinendum. Si autem Beati prænoscent effectum non esse futurum, licet orare non possint voluntate, & affectu absoluto, ne à Dei voluntate discordare videantur, nihilominus orare possunt saltem ex effectum, & amore talis personæ, subiiciendo suam voluntatem absolutæ, & efficaci voluntati Dei, quod in honorem, & cultum Dei cedit. De tertio autem modo habemus exemplum in Daniele cap. 10. vbi Angelus Gabriel orauit pro liberatione Iudæorum, & Princeps Regni Persarum, idest, Angelus Præfectus illius Regni dicitur ei restitisse viginti vno diebus, orando s. ne Iudæi liberarentur. Quia nesciebant, quid Deus disposuisset, & procurabant commodum Regni sibi commissi, donec de diuino beneplacito sibi constaret, ergo interdum sancti orant, ignorando quem effectum sua oratio sit habitura, donec illum postea per reuelationem cognoscant. Non igitur implicat aliquem sanctum orare pro re aliqua, cuius euentum ignorat iuxta suum statum. Et ideo huius sententiæ sunt D. Tho. 1. p. q. 113. ar. 8. & in 4. dist. 45.



80 DE ORATIONE IN COMMUNI  
q. 3. art. 3. & Caiet. 2. 2. q. 83. art. 4. & 3. p.  
q. 10. ar. 2.

At ego arbitror, Beatos in Verbo videre futuros  
euentus pro qualitate status cuiusque, quò enim  
quis perfectiorem beatitudinis gratiam assequutus  
est, maiora videt in Verbo, quamobrem anima  
Christi, vtpote perfectissima videt omnia futura  
contingentia. Similiter anima Beatissime Virgi-  
nis omnia nouit, quæ Deus in Ecclesia facit: reli-  
qui verò sancti plus, vel minus vident pro ratio-  
ne status.

Nec obstat illud Ecclef. 9. Mortui nil cogno-  
scunt ampliùs. Quia illud intelligitur de cognitio-  
ne naturali, vel de statu legis antiquæ, in qua ani-  
mæ ex hac vita migrantes, non in cælum euola-  
bant, sed ad limbum descendebant.

---

## QVÆSTIO XLVII.

*Quomodo Angeli; vel Sancti orant  
pro nobis.*

**R**ESPONDEO eos orare per desiderium signo,  
vel mentali nutu expressum. Sic D. Aug. in  
lib. de cura pro mortuis agenda, vbi ait, Sanctos  
orare pro nobis in voto, idest, in desiderio. Et  
Glossa super illud Iob cap. 1. Satan vbi venis, ait:  
Sancti loquuntur Deo per desideria.

QVÆST.



## QVÆSTIO XLVIII.

*Quid sibi vult, cū dicimus Angelos, vel  
Sanctos Deo præsentrare orationem  
nostram?*

**R**ESPONDEO Sanctos offerre, vel præsentrare Deo orationem nostram, nihil aliud esse, quàm narrare apud Deum, quod nos desideramus, ac petimus. Quod contingit dupliciter. Primo, quando nos deprecamur sanctos, vt hoc, vel illud nobis beneficium impetrent à Deo, & postea sancti hoc ipsum repræsentrant, seu narrant, & tunc ipsi non solum repræsentrant orationem nostram, verùm etiā pro nobis intercedunt, vt desideria nostra compleantur. Alio verò modo quando nos cupimus quidem petere ab ipsomet Deo, sed non audemus per nos ipsos accedere, & ideo deprecamur sanctos, vt orationem nostram repræsentrant Deo. Tunc enim Sancti per se primo præsentrant Deo petitionem, quam nos ab ipsomet Deo immediate postulamus, sed in signum humilitatis volumus per digniores personas præsentrare.

## QVÆSTIO XLIX.

*Vtrum Sancti orent non solum pro alijs,  
sed etiam pro seipsis.*

**D**I V S Thom. 2. 2. q. 83. art. 1. ad 1. tenet animas mortuorum hominum in cælo solum

F orare

orare pro corporum suorum resurrectione, quia solum gloria corporum illis deest.

Ex quo videtur inferre, Angelos, qui sunt corporum expertes, nihil orare pro seip[s]is.

At Alex. Alenf. 4. p. q. 26. m. 3. ait. 42. §. 2. docet Angelos, & sanctorum animas etiam orare pro bono habito, ut continuetur, & pro complemento numeri electorum, & pro iustitia in reprobis exequenda. Pro quo

Primo dico, quod sancti in celo non orant, ut a malis, periculis, & miseriis eripiantur, quibus se solutos, ac liberos esse, ob certam beatitudinem, quam sunt adepti, cognoscunt.

Secundo dico, quod sancti in celo non orant pro his, quae spectant ad beatitudinem essentiali suam. Ratio est, quia illam iam habent, ergo ut sic illam postulare non possunt.

Tercio dico, quod sancti in celo non orant pro augmento suae beatitudinis essentialis, quia huiusmodi augmentum secundum ordinariam Dei providentiam obtinere nequeunt. Tum quia hoc desiderium statui beatitudinis repugnat.

Quarto dico, quod sancti in celo non petunt conservationem, seu perpetuitatem suae beatitudinis, quia neque talem conservationem, seu perpetuitatem habent in desiderio, sed reipsa iam illam possident, & illa fruuntur, sanctorum enim gloria mensuratur aeternitate, quae est tota simul, & non considerant illam ut futuram, sed ut praesentem, & immutabilem.

Quinto dico, quod sancti in celo orant pro his, quae spectant ad accidentalem gloriam, quia non totam gloriam accidentalem simul habent, sed

sed in illa mutationem, & augmentum recipiunt. Vnde Christus in nocte cœnæ orauit ad Patrem Ioan. 17. Clarifica filium tuum. Vbi claritatem sui nominis per notitiam credentium postulauit, quæ pertinet ad gloriam accidentalem Christi, vt homo est.

Ex quo sequitur primò animas mortuorum hominum in cælo, postulare à Deo suorum corporum resurrectionem. Quia gloria corporis accidentaria est respectu status beatifici.

Secundò sequitur, eas orare pro complemento numeri prædestinatorum, nam licet hæc oratio videatur esse pro aliis, tamen etiam redundat in ipsos orantes, quatenus ex complemento illius numeri mirum in modum augebitur accidentalis gloria singulorum. Vnde Apoc. 6. narratur vidiſſe Ioannem subtus altare Dei animas interfectorum propter verbum Dei, clamantes ad Deum: Vsq̃e- quò Domine non iudicas, & non vindicas sanguinem nostrum.

Tertiò, & vltimò sequitur, Angelos, & mortuorum hominum Spiritus posse orare pro aliquo dono accidentali gloriæ, puta reuelatione aliquarum rerum quas ignorant.

Dices, desiderium non impletum quantum est ex se, affligit animam, ergo repugnat beatitudini Sanctorum quæ est status omnium bonorum aggregatione perfectus.

Respondeo, circa bona non habita potest esse in sanctis simplex desiderium sine imperfectione suo statui repugnante. Quia semper habent quidquid eis conuenit secundum suum statum, & in futurum nihil petunt nisi iuxta beneplacitum diuinæ

84 DE ORATIONE IN COMMUNI  
voluntatis, & sunt plusquam certi, quòd semper  
habitura sunt quod suo statui conuenit, per media  
diuinæ dispositioni conuenientia, inter quæ vnum  
est oratio ad Deum.

---

## QVÆSTIO L.

*Vtrum Dæmones, & damnati orare possint.*

**M**EDINA C. de oratione q. 6. tenet non posse  
propriè orare.

Nauar. de oratione cap. 20. nu. 13. defendit eos  
posse propriè orare, sed non bene.

Alij verò non posse omnino orare contendunt.  
Pro quo

Primò dico, quòd Dæmones, & damnati pos-  
sunt aliquid petere à Deo. Paret exemplo diaboli  
qui postulauit à Domino sibi facultatem dari ten-  
tandi Iobi patientiam, & virtutem, & obtinuit  
Iob 1. & 2. Vnde Glossa 2. Cor. 12. super illa ver-  
ba. Ter Dominum rogavi, &c. ait. Exauditur dia-  
bolus Iob petens tentandum: & non exauditur  
Apostolus petens stimulum amouendum. Item  
Matth. 8. Dæmones rogauerunt Christum, vt mit-  
teret eos in porcos, & obtinuerunt. Et Epulo se-  
pultus in inferno petijt ab Abrahamo iusto, vt  
mitteret Lazarum, &c. & non obtinuit, Luc. 16.

Secundò dico, quòd cùm Deus concedit aliquid  
damnatis, id facit nō propter illorū vtilitatem, sed  
vel in ipsorum confusione, aut propter aliquem  
aliquem bonū finem, à Deo intentū, s. vt Christi po-  
restas ostenderetur, sicut accidit, quando Dæmoni-  
bus concessit, vt in gregem porcorum intrarent.

Tertiò

Tertiò dico, quòd Dæmones, & damnati propriè orare non possunt. Ratio est, quia oratio est actus de se bonus, proficiscens ex virtute Religionis, & ideo ex bono piòque erga Deum affectu, quem damnati non habent, nec habere possunt, quia Deum ipsum odio summo incessanter prosequuntur.

Tum quia eorum petitio cùm non sit rerum decentium, & salutarium à Deo, quod tamen est de ratione orationis propriè sumptæ, non meretur nomen orationis, nisi largè accipiatur oratio, prout importat petitionem vtcunque. Ita Valent. 2.2. disp. 6. q. 2. puncto 7.

## QVÆSTIO LI.

*Vtrum animæ purgatorij pro seipsis orent.*

**R**ESPONDEO affirmatiuè. Et ratio est, quia illæ animæ sunt iustæ, & gratæ Deo, & carent multis bonis, & ex pio affectu petere possunt, ergo orant pro seipsis.

Tum quia si animæ teste D. Gregorio lib. 4. dialog. petunt à viatoribus, vt adiuuentur, multò magis à Deo petent, & orabunt.

## QVÆSTIO LII.

*An animæ purgatorij possint impetrare.*

**R**ESPONDEO posse. Et ratio est, quia illæ animæ charitate sunt præditæ, ergo si aliquid

86 DE ORATIONE IN COMMUNI  
deens, & salutare petunt, dignæ sunt exaudiri,  
quia licet non sint in statu merendi, hoc necessa-  
rium non est ad impetrandum.

---

QVÆSTIO LIII.

*Major autem difficultas est, quid illæ animæ  
sibi petant.*

**R**ESPONDEO eas orare pro summa fœlicitate  
obtinenda, nam licet pro cõpertsõ habeant,  
post solutionem pœnæ, illâ sibi superesse, nihilo-  
minus rectè faciunt, desiderando illam, & deside-  
rium suum Deo pandendo. Item humiliter à Deo  
petere, vt per medium aliquod à diuina prouiden-  
tia constitutum, quàm citiùs ab illis pœnis libe-  
rentur, siue hoc sit immediatè condonando sibi  
aliquam partem pœnæ propter Christum, siue in-  
spirando fideles, qui pro eis satisfaciant.

---

QVÆSTIO LIV.

*An animæ purgatorij pro nobis orent.*

**E**T quidem certum est apud omnes, illas non  
posse orare pro nobis in particulari, s. vt hoc,  
vel illud desiderium nostrum impleatur, vel vt in  
hac, aut illa necessitate nobis subueniatur, quia  
ignorant desideria, aut necessitates nostras in par-  
ticulari.

QVÆST.

## QVÆSTIO LV.

*Quæstio ergo, quam hic inquirimus est, An  
orent pro nobis in generali.*

**D**IVVS Tho. 2. 2. q. 83. att. 11. & Nauar. de  
oratione in prælud. n. 26. negant, quia nec  
beatae sunt, nec sunt in statu merendi, aut deme-  
rendi, sed in carcere, in quo magis alienis orationi-  
bus indigent, quàm vt ipsi pro alijs orent.

Alij tamen probabilius, & verius esse oppositum  
arbitrantur, nimirum animas Purgatorii orare vel  
pro omnibus viatoribus, vel pro Ecclesia militan-  
te, vel in specie pro his, qui ipsis peculiariter  
in hac vita chari fuerunt, vel qui ipsis suffragan-  
tur, & curam habent orandi, vel aliqua opera fa-  
ciendi pro sua liberatione. Et ratio est, quia illæ  
animæ sunt charæ Deo, & quamuis ab illo pro-  
tunc affligantur, non tamen vt ab inimico, sed vt  
a iusto iudice, & parente optimo, qui eas beatas  
efficere cupit, & ideo illas purgat, quam pœnam  
pœ æquissimo animo suscipiunt, & patiuntur, vt  
filij, non vt serui, ergo non repugnat illi statui, vt  
Deo aliquid petant pro fratribus, & amicis, ac  
benefactoribus suis.

Tum quia si animæ illæ non orant pro nobis,  
vel causa est, quia non vident Deum, vel quia sunt  
in maximis tormentis, vel quia sunt nobis inferio-  
res, sed nihil horum dici potest. Non primum,  
quia ante aduentum Christi, animæ existentes in  
limbo orabant Deum pro viuentibus, vt patet ex 2.



Mach. ultimo de Ieremia defuncto, qui assidue pro populo Dei orabat, Et ex cap. 15. Ierem. & 14. Ezech. de Moÿse, Samuele, & Daniele, qui soliti erant Dominum orare pro populo Dei, & tamen tunc temporis illi nondum videbant Deum.

Non secundū, quia Epulo in inferno sepultus orabat Deū pro quinque fratribus suis quos in sæculo reliquerat, Luc. 16. cū esset tamen in maioribus tormētis, quā sint animæ in Purgatorio.

Tum quia martyres in hoc mundo in tormētis constituti, orabant pro se, & alijs vt patet de sancto Stephano Act. 7. Tum quia dolor animabus non perturbat vllō modo iudicium rationis, nec impedit effectum bonum voluntatis.

Nec etiā tertium, quia in hoc mūdo nos oramus pro summis Pontificibus, & Episcopis, qui sunt nobis superiores.

Tum quia animæ Purgatorij, etiā si nobis sint inferiores ratione pœnarum, sunt superiores ratione gratiæ, & charitatis, in qua iam confirmatæ sunt.

Tandem anima Palschafij, & Sancti Seuerini miracula operabantur, etiā si in Purgatorio degerent, vt patet ex D. Gregorio lib. 4. dialog. cap. 40. & Petro Damiano in Epistola de miraculis sui temporis, ergo signum est euident, animas Purgatorij orare pro viuētibz.

## QVÆSTIO LVI.

*An Sancti Patres veteris testamenti possint obitum suum orauerint.*

RESPONDEO



**R**ESPONDEO eos orasse, vt patet 2. Mach. vltimo, vbi legitur, Oniam, & Ieremiam iam dudum defunctos visos fuisse orare pro populo Iudeorum viuentium. In quo aperte docemur, sanctos defunctos, & Dei amicos pro nobis orare, & eorum orationes quas pro nobis ad Deum fundunt exaudiri. Hoc idem habetur ex Ierem. 15. Si steterint Moyses, & Samuel coram me, non est anima mea ad populum istum. Et ex Ezech. 14. Si Noë, & Daniel orassent pro eis, non eos saluarent. Et tamen cōstat sanctos illos prophetas defunctos esse, & nondum erant in cœlis beati, & tamen soliti erant Deum orare pro viatoribus, & à Deo exaudiri.

---

## QVÆSTIO LVII.

*An viatoribus tam bonis, quàm malis conueniat orare.*

**R**ESPONDEO conuenire. Et ratio est, quia omnes indigent grātia Dei, iusti quidem ne cadant, & mali vt à peccato resurgant, non enim est homo, qui non peccet, vt ait Scriptura. Vnde Ioan. 1. c. 1. Si dixerimus quodd peccatum non habemus, nosmetipsos seducimus, atque ita omnibus conuenit quotidie dicere: Dimitte nobis debita nostra: &, Libera nos à malo. Et in hoc omnes Doctores conueniunt.

## QVÆSTIO LVIII.

*Sed difficultas est, An peccatoribus existentibus in statu peccati mortalis conueniat orare.*

**I**N qua re certum est, peccatoribus non deesse facultatem orandi, nam ad orandum ex parte intellectus sufficit fides, & ex parte voluntatis desiderium bonum, quod ex auxilio Dei sine gratia iustificante, haberi potest.

## CAPVT LIX.

*Sed quod in dubium vertitur est, An peccatoribus in peccato mortali persistentibus, conueniat Deum orare.*

**E**T quidem si loquamur de peccatoribus pœnitentibus, certum est etiam non solum petere, verum etiam orationem quæ est Religionis actus, emittere, eis conuenire. Et ratio est, quia isti peccatores qui sua peccata recognoscentes pœnitent, & humiliter ad Deum confugiunt, veniam postulantes, sine dubio à Domino exaudiuntur, & in eius gratiam admittuntur, prout in sua lege sapissime promissit, exemploque monstrauit. Sic petiuit & impetravit Publicanus Luc. 18. dicens, Deus pro

propitius esto mihi peccatori. Item David, Zachæus, Latro, Magdalena, &c. Qui frustra orassent, si peccatores Deus non exaudit, vt rectè annotauit D. Pater Augustin. in tract. 44. Vbi idcirco affirmat illud dictum cæci apud Ioan. cap. 7. Scimus quodd peccatores Deus non exaudit, fuisse dictum cæci nondum pænitus illuminati in fide.

## QVÆSTIO LX.

*Tota igitur questio versatur de peccatoribus obstinatis.*

**M**EDINA C. de Oratione quæst. 5. tenet peccatoribus obstinatis non competere orationem, citatque D. August. in sermone quodam dicentem; Qua fronte postulas, quod promissit Deus, si non facis, quod iussit Deus? Prius audi monitionem, & sic exige promissionem. Et D. Chryl. super Mat. Qui orat, & peccat, non orat, sed Deum deludit. Et D. Gregor. in pastoral: Cum is qui displicet, ad intercedendum mittitur, irati animus ad deteriora prouocatur. Item adducit illud Psalm. 49. Quare tu enarras iustitias meas, &c. Et illud Ecclesiast. 15. Non est speciosa laus in ore peccatorum. Et illud Prouerbior. 28. Qui declinat aures suas, ne audiat legem, s. vt eam impleat, oratio eius erit execrabilis. Ex quibus, & multis aliis concludit lethali peccato obstrictos peccare, si in tali statu precentur.

At

At verò constans, & firma, ac certa Theologorum sententia est, eos non peccare. Et ratio est, quia obstinati dum sunt in via, possunt ad Deum mentem eleuare per piam cogitationem, & desiderium, ergo etiam possunt petere à Deo complementum illius desiderij nullam addendo circumstantiam malam.

Tum quia isti obstinati possunt facere multa opera moraliter bona, quia non habent voluntatem obstinatam in omni malo, neque sunt semper in actuali obstinatione, sicut damnati, ergo eadem ratione poterunt aliquam orationem facere, quæ sit moraliter bona. Vidde Chrysost. cap. Quid ergo. de pœnit. dist. 3. Non potest malus in omnibus esse malus, sed habet aliqua bona. Et Hieronym. cap. Omnes. 24. q. 1. ait, Virtutibus Romani meruerunt imperium. Et D. Thom. 2. 2. q. 10. ar. 4. communiter receptus concludit, non solum infideles non peccare in omnibus quæ faciunt, aut dicunt, sed etiam nonnulla opera moraliter bona exercere, quando magis fideles, licet sint obstinati, possunt eadem, immò maiori ratione bene orare, quia non sunt aded mali, ac infideles.

Tum quia expedit, vt obstinati aliquam orationem fundant, tum vt saltem, dum Deum orant, non peccent.

Tum etiam quia fortasse Deus ad misericordiam prouocabitur, vt auferat cor lapideum, & det eis cor carneum, nunquam enim obstinatio huius vitæ tanta est, quin mutari valeat per diuinam gratiam sine mira culo.

Hinc, peccatores etiam obstinati tenentur recitare, & orare Deum, eo prorsus modo quo tenebantur

tur ante peccatum. Quia non liberantur eo onere propter suum prauum statum, aliàs commodum ex sua prauitate reportarent, & essent melioris conditionis, quàm iusti, maximè quia, vt dixi, in ea obstinatione possunt implere obligationem suam sine nouo peccato.

Et ad fundamentum contrariæ opinionis respõdeo, ex illis sacræ Scripturæ locis, & sanctorum Patrum autoritatibus, non colligi peccatoribus orationem non conuenire, sed illorum orationem in mortali factam, non esse Deo gratam, & meritoriam vitæ æternæ; vel solum reprehendi orationem peccatoris formaliter, videlicet posituè nōlentis conuerti, aut orationem ad prauum finem dirigentis, & hanc orationem Deus non exaudit, nisi ad vindictam iuxta illud D. August. tract. 73. in Ioan. Multa Deus concedit iratus, quæ negat propitius. Sicut exaudiuit petitionem Iudzorum cum petierunt carnes in deserto. Et per Samuelem petierunt Regem 1. Reg. 8. Constat enim vtrumque cessisse in illorum perniciem: & tunc ipsa oratio est peccatum, & veluti quædam illusio Dei.

## QVÆSTIO LXL

*Vtrum Deus sit à nobis orandus.*

CONSTANS est omnium Theologorum Catholicorum sententia Deum esse à nobis orandum. Et ratio est, quia est de necessitate salutis ad Deum per orationem confugere, vt nobis suum diuinum

94 DE ORATIONE IN COMMUNI  
diuinum præsidium ad perpetuam felicitatem con-  
sequendam largiatur; quoniam ipse dixit, Sine me  
nihil potestis facere.

## QVÆSTIO LXII.

*An solus Deus sit à nobis orandus.*

**R**ESPONDEO affirmatipè. Et ratio est, quia vt  
diximus & probat D. Tho. 2. 2. q. 83. ar. 3. Ora-  
tio est actus patriæ, sed cultus patriæ soli Deo déb-  
etur iuxta illud Pauli, Soli Deo honor, & gloria in  
sæcula sæculorum. Et illud Matth. 4. à Domino  
nostro citatum, Dominum Deum tuum adorabis;  
ergo solus Deus est orandus.

Tum quia solus Deus est alpha, & omega, idest  
principium, & finis omnium bonorum, ergo so-  
li Deo est porrigenda oratio, quasi per ipsum im-  
plenda, quamuis etiam Angelis, & sanctis homi-  
nibus cæli ciuibus porrigi possit, tanquam his, per  
quos oratio sit impetranda. Hoc discrimen in-  
uocationis Dei, & sanctorum insinuasle videtur  
David Psalm. 120. Vbi postquam dixerat: Leua-  
ui oculos meos ad montes, idest sanctos, vnde ve-  
niet auxilium mihi. (Vel intelligereimus à sanctis  
peti auxilium, non vt ab authoribus, sed vt ab  
intercessoribus, statim subiunxit: Auxilium meum  
à Domino, qui fecit cælum & terram. Vbi D. Pa-  
ter Augustinus, Noli, inquit, putare, quia montes  
tibi dabunt auxilium, accipiunt enim quod dent,  
non de suo dant. Quod clarè patet ex modo quo  
Ecclesià vititur in orando, quæ quidem à Deo petit,

vt nostri misceatur. & ab aliis sanctis vt orent pro nobis. Et ideo dicitur Apoc. 8. Ascendit fumus incensorum de orationibus sanctorum de manu Angeli coram Deo.

Hinc, malè orat beatam Virginem, qui eam tanquam principalem auctorem vitæ, & salutis inuocat: est enim mediatrix, & aduocata inter Angelos, & sanctos præcipua, & quamuis ab Ecclesia, vita, dulcedo, & ipse nostra, & salus appelletur, non hoc fit, ed quod ipsa sit salus, &c. Sed quia ex ipsa natus est Christus, salus, vita, & resurrectio nostra.

Hinc errat qui à sancto Antonio suis orationibus petit ab igne liberari, putans ex se ipso tanquam principalem causam id efficere posse.

Hinc etiam errat, qui tanquam mediatores sanctos orat, sed cum vanis ceremoniis, & certis quibusdam superstitionibus, vt s. faciendo orationem tali die, aut tali loco, aut tali modo, fortunatus erit in contrahendo matrimonium, aut prosperum habebit successum in suscepto negotio, aut non morietur subito, aut eiusmodi aliud quod operat, necessario obtinebit.

Hinc, qui orat, & offert sanctis *Pater noster*, & *Aue Maria*, non errat, quia non offert verba sanctis, sed *Pater noster* Deo, & *Aue Maria* Beatæ Virgini ad honorem sanctorum, quorum patrocinium postulat, & quamuis personæ idiotæ actua- liter non referant hæc verba, vt diximus, virtua- liter tamen offerunt, quia intendunt se conformare vniuersæ sanctæ Ecclesiæ.

QVÆSTIO



## QVÆSTIO LXIII.

*An vna Persona diuina sine alia  
orari possit.*

**V**IDETUR quodd non, quia ratio ex parte Dei, ob quam ad illum singulariter orationem dirigimus, est eius omnipotentia, & bonitas, quæ vna est communis omnibus personis, ergo & oratio necessariò esse debet omnibus communis.

Pro huius tamen quæstionis resolutione dico primò, quodd nunquam est ita orandum ad vnâ personam, vt excludantur reliquæ. Et ratio est, quia nihil potest dare vna persona sine aliis, nam opera Trinitatis ad extra sunt indiuisa.

Secundò dico, quodd licitum est loqui specialiter in oratione cum vna persona, non dirigendo colloquium ad alias ex propria, & formali intentione orantis. Et ratio est, quia hoc probat vsus Ecclesiæ Romanæ, quæ in Litaniis singulas personas separatim orat, dicens: Pater de cælis Deus miserere nobis. Fili Redemptor mundi Deus miserere nobis. Spiritus sancte Deus miserere nobis. Sunt enim æquales, & ita omnibus, & singulis oratio fieri potest.

Tum quia illæ personæ verè sunt distinctæ, ergo possumus cogitare de vna, non cogitando actu de aliis.

Tum quia vnaquaque per se spectata est verus Deus, ergo possumus ab vnaquaque sigillatim petere tanquam à vero Deo, & hoc facit Ecclesia in Litaniis



Litaniis ad profitendum hanc fidem de distinctione personarum, & quòd singulæ sint verus Deus: Vt autem profiteatur omnes esse eundem Deum, subiungit. Sancta Trinitas vnus Deus miserere nobis.

Tertiò dico, quòd possumus nos orare ad totam Trinitatem vt sic, quod est frequens in hymnis Ecclesiæ, & apud sanctos Patres. Immò nulla est collecta, in qua non fiat trium personarum mentio, nam si ad Patrem dirigitur, in fine. *Per Dominum nostrum Iesum Christum*, &c. *Et in unitate Spiritus sancti* collocatur. Si autem Filio in fine. *Qui vivis, & regnas cum Deo Patre in unitate Spiritus sancti Deus*, &c. ponitur.

Dices, hoc est contra formam orandi nobis à Christo datam Matth. 6. & Ioan. 16. *Pater noster*, &c. Si quid petieritis à Patre in nomine meo, dabit vobis.

Respondeo, in his locis nomen Patris sumi essentialiter, ac proinde dirigi ad totam Trinitatem, quæ nos creauit, & per gratiam in filios adoptauit. Est tamen probabile nomen Patris ibi accipi personaliter, & sic dirigi ad solam personam Patris, per hoc tamen non excluduntur aliæ personæ diuinæ vt diximus.

## QVÆSTIO LXIV.

*An Deitas in abstracto possit orari.*

**R**ESPONDEO posse, vt constat ex vsu Ecclesiæ, nam in hymnis dicit. *Te summa Deitas*, vna-

G quo

98 DE ORATIONE IN COMMUNI  
*que poscimus. Et rursus, Præstet hoc nobis Deus  
beata.*

---

QVÆSTIO LXV,

*An diuina essentia possit orare.*

**R**ESPONDEO posse. Et ratio est, quia cum  
Deus optimus maximus sit orandus, & Deus  
sit ipsamet essentia diuina, poterit quoque diuina  
essentia orari.

---

QVÆSTIO LXVI.

*Cur in collectis, in fine dicitur: Per Do-  
minum nostrum Iesum Christum,  
& non per Dominum Patrem, vel  
Dominum Spiritum Sanctum.*

**R**ESPONDEO quia per Christum omnia quæ  
poscimus, à Deo obtinemus.

Tum quia Christus est mediator Dei, & ho-  
minum, & per merita ipsius preces nostræ exau-  
diuntur, quæ ratio, nec Patri, nec Spiritui san-  
cto competit.

QVÆSTIO

## QVÆSTIO LXVII.

*Cur multò plures sunt collectæ, quæ ad  
Patrem quàm quæ ad Filium  
diriguntur.*

**R**ESPONDEO rectissimè hoc Ecclesia facit, quia Christus Dominus hanc formam orandi ei tradidit, quando dixit: Quodcunque petieritis Patrem in nomine meo, dabit vobis, & ideo Ecclesia Patrem deprecatur, & in fine orationis, Christi nomen inuocat dicens, *Per Dominum nostrum Iesum Christum, &c.*

Tum quia Ecclesia non solet dirigere orationes suas ad Spiritum, non quia putat Spiritum sanctum orandum non esse, sicut aliæ personæ, sed proprietatem Spiritus sancti attendens, congruentiam quandam in orando obseruat. Proprium enim est Spiritui sancto esse donum Patris, & Filij, & congruit magis donum à largitore doni petere, quàm ab ipsomet dono. Ideo congruentiam hanc seruans à Patre, & Filio donum sibi elargiri petit, & ipsum donum quod Spiritus sanctus est, promereri curat.

Tum quia Ecclesiæ orationes regulariter diriguntur ad primam personam tanquam ad primum principium, & fontem diuinitatis. Quia sicut omnipotentia ob hanc causam appropriatur Patri, ita ob eam eandem rationem ad illam dirigit Ecclesia orationes suas.

Tum quia solus Pater propriè dicitur misisse Filium, licet tam Filius, quàm Spiritus, incarnationem

100 DE ORATIONE IN COMMUNI  
etiam operati fuerint. Vnde quia Ecclesia conue-  
nit petere per Christum, ideo ad Patrem, qui illum  
misit, orationes dirigit. Dum autem Patrem orat,  
non excludit alias personas, sed potius virtute in-  
cludit, & ad hoc significandum addere solet in fi-  
ne orationum verba illa. *Qui tecum vivis, & regnas  
in unitate Spiritus sancti Deus, &c.*

Verum nonnullæ orationes Ecclesiæ diriguntur  
specialiter ad personam Filij, quales sunt oratio-  
nes de sanctissimo Eucharistiæ sacramento, in vi-  
gilia sancti Ioannis Baptistæ, &c. Sed quia non so-  
lus Pater, & Filius dant Spiritum sanctum nobis,  
sed ipsemet Spiritus sanctus dat seipsum nobis,  
cum sit hoc opus ad extra, quod omnibus tribus  
commune est, ideo veritatem sequendo dimissa  
præfata congruentia, dicimus Spiritum sanctum  
cum Patre, & Filio adorandum, & cum Patre, &  
Filio orandum.

---

### QVÆSTIO LXVIII.

*Vtrum Angeli, & beati hominum Spiritus in  
cælo regnantes sint à nobis orandi,*

**R**ESPONDEO esse à nobis orandos, tanquam  
mediatores, & intercessores, vt suis precibus,  
quæ petimus, assequamur. Et ratio huius est, quia ex  
multis sacræ Scripturæ testimoniis constat Ange-  
los, & beatos hominum Spiritus pro nobis orare:  
ergo rectè eos inuocamus, vt id crebrò, & efficaci-  
ter præstent. De Angelis habetur Tob. 12. vbi An-  
gelus

gelus dicit se obtulisse Deo orationes Tobiaë, quæ oblatio non fiebat nuda tantùm exhibitione coram Deo, cum ipsi omnia sint nuda, & aperta, sed cum deprecatione, ut Deus illas exaudiret. Item Iob 5. Voca, si quis est, qui tibi respondeat, & ad aliquem sanctorum conuertere. Vbi nomine sanctorum, intelligit Angelos, ut D. August. exponit in annotat. ad Iob. qui etiam illud cap. 19. Misere mini mei, misere mini mei saltem vos amici mei, ad Angelos dici existimat. Et Zach. 1. Angelus orat Deum pro populo Iudaico, dicens: Domine exercituum usquequò tu non misereberis Ierusalem, & urbium Iudæ quibus iratus es?

De beatis hominum Spiritibus patet 2. Machab. ultimo, ubi Iudas per visionem vidit Oniam Pontificem, & Ieremiam, qui iam obierant, pro populo Iudæorum orantes. Et Ierem. 15. Dixit Dominus ad me, Si stererint Moyses, & Samuel coram me, non est anima mea ad populum istum: ergo Moyses, & Samuel iam mortui poterant, & solebant orare pro populo Iudæorum, & tamen nondum erant beati, quantò magis nunc cum Christo regnantes orabunt, ubi charitas illorum longè est feruentior?

Hoc ipsum comprobatur ex generali totius Ecclesiæ consuetudine, quæ in orationibus, quæ leguntur in Missis, vel in Officio, nihil aliud petit, quàm ut sanctorum precibus à Deo nobis beneficia concedantur, & in Litaniis ita ait: Sancta Maria ora pro nobis. Omnes sancti beatorum Spirituum ordines orate pro nobis; & tandem, Omnes sancti, & sanctæ Dei intercedite pro nobis. Arqui de eo quod tota per orbem frequentat Ecclesia disputare, an ita faciendum sit, insolentissima insania est, ut ait D.

Augustinus, epist. 148. ad Ianuarium. Vnde Hieronymus in lib. contra Vigilantium cap. 3. Si Apostoli, & martyres adhuc in corpore constituti possunt orare pro cæteris, quando pro se adhuc debent esse solliciti: quædò magis post coronas, victorias, & triumpfos. Idem in epitaphio Paulæ: Vale (inquit) ô Paula, & cultoris tui senectutē, orationibus adiuua. Et Theodoretus q. 67. in Exod. 32. super illa verba, Recordare Domine Abraham, Isaac, & Israël seruatorum tuorum: sic ait: Sanctum Moysen cū se non existimaret sufficientem ad placandum Deum, adhibuisse etiam patrocinium Patriarcharum. Et Sanctus Athanasius in serm. de Virg. Mariæ, Inclina (inquit) aurem tuam, Maria, in preces nostras, & ne obliuiscaris populi tui. Et infra. Intercede Hera, & Domina, & Regina, & Mater Dei pro nobis Et D. Bernardus serm. 2. super Euang. Missus est. In periculis, (inquit) in angustiis, in rebus dubiis Mariam cogita, Mariam inuoca, non recedat ab ore, non recedat à corde, & ut impetres eius orationis suffragium, non deferas conuersationis exemplum.

Tandem est conclusio, definita in sacro Conc. Trid. sess. 25. in principio, vbi dicitur. Eos qui negant sanctos, æterna felicitate in cælo fruētes, inuocandos esse, aut qui asserunt, vel illos pro hominibus non orare, impiè agere.

Dices, vnus est mediator Dei, & hominum homo Christus Iesus, per quem habemus accessum ad Patrem, ergo non est recurrendum ad Sanctos, alioqui plures essent nostri mediatores apud Deum, quod est contra Paulum 1. ad Timoth. 2. Immo id videretur Christo iniurium, tanquam ipsius reconciliatio sit insufficiens, aut egeat auxilio sanctorum.

Respon

Respondeo, Christum esse vnicum mediatorem, quia est præcipuus, & hoc ob quatuor causas.

Primò, quia non tantum officio, sed etiam natura est mediator, seu medius inter Deum, & hominem, cum ipse & Deus, & homo sit, atque vtriusque naturæ particeps.

Secundò, quia nos reconciliauit Deo Patri non deprecando, sed condignum pretium exhibendo & satisfaciendo.

Tertid, sua virtute, suisque meritis, habebat enim vim illam ex intrinseco, idest ex dignitate sui suppositi.

Quartò, quia est mediator omnium, quia pro omnibus omnino hominibus præteritis, præsentibus, & futuris satisfecit. His itaque quatuor modis nullus præter Christum est mediator. Sancti verò sunt tantum mediatores secundarij, quia nec ex propriis meritis reconciliant nos Deo, neque omnes reconciliant, neque per modum solutionis, sed deprecationis, vt fructus meritorum Christi nobis applicentur.

Neque hæc intercessio vlllo modo cedit in iniuriam mediatoris Christi.

Primò, quia Angeli intercedunt pro nobis orando vt constat ex Scriptura, & tamen hæc intercessio non obscurat officium mediatoris Christi.

Secundò, quia sancti adhibentur, non vt vice Christi fungantur, vel Christum adiuuent, sed vt adiuuent nos, quò facilius à Deo per Christum impetremus quæ petimus, quod non potest in iniuriâ Christi cedere.

Tertid, quia omnē vim intercedēdi, & impetrādi quā habēt Sācti, acceperūt ex meritis Christi, eiusq; oratione. Vnde potius ad honorem eius cedit, quodd



possint esse secundarij mediatores, sicut ad gloriam primæ causæ cedit, quod creaturæ sint causæ secundæ. Vnde omnes orationes quæ in Missis, & Officiis dicuntur, illam formam habent: *Concede nobis Deus intercessionem huius sancti tale beneficium, per Christum Dominum nostrum.*

Hinc, non licet à sanctis petere, vt nobis tanquam auctores primarij diuinorum beneficiorum, gratiam, & gloriam, aliâque ad beatitudinē media concedant, quia hæc omnia superant vires totius naturæ creatæ, ergo nihil debemus à Sanctis petere, nisi vt intercedant apud Deum, quod nobis Christi merita applicentur, & per Christum gratiā, & gloriam consequamur. Vnde Aug. lib. 8. De Ciuit. Dei cap. vlt. clarè docet, Sanctos nō esse inuocādos vt Deū, sed vt qui à Deo impetrāre possunt, quod volunt. Vnde quando dicimus, Sancte Petre miserere mei, salua me, da mihi sanitatem, &c. intelliguntur hæc verba hoc modo: Salua me, & miserere mei, intercedendo pro me, da mihi hoc vel illud tuis precibus, & meritis. Sicut Apost. de se dicit 1. Cor. 9. Vt omnes facerem saluos, non vt Deus, sed iuuando concionibus. precibus &c. Vnde ad hanc differentiam orationum accommodari solent verba illa Pl. 120. Leuaui oculos meos in montes, vnde veniet auxilium mihi, auxilium meum à Domino qui fecit cælum & terram. Montes sunt homines sancti, vt exponit D. Aug. tract. 1. in Io iubemur ergo fenare oculos ad montes, id est ad sanctos, & ab eis auxilium expectare: sed vt intelligamus ab eis auxilium expectandum esse, non vt ab auctoribus, sed vt ab impetratoribus, idēo statim subiungitur, auxilium meum à Domino, qui fecit cælum, & terram.

Dices,



Dices, qui ad sanctos confugit, videtur diffidere de Dei dilectione, & Christi meritis, ergo.

Respondeo, minimè diffidere, sicut nec diffidit Ecclesia quando pro nobis, & pro defunctis orat. Etsi enim sciamus Deum esse paratissimum ad dandum, & Christi merita sufficientissima, tamen iudicamus nos indignos, qui soli coram tanta Maiestate compareamus. Vnde confugimus ad sanctos, ut nos veluti comitentur, nostrisque precibus suas iungant, qua in re primò reueremur Dei Maiestatem. Secundò honoramus sanctos. Tertio illa submissione nos disponimur ad faciliùs impetrandum.

Tum quia, licet Deus sit paratus audire nos, & magis nos diligat, quàm ullus Sanctorum, tamen magis paratus est audire Sanctos, quàm nos, & magis diligit Sanctos, quàm nos, quia oratio ut sit impetratoria, requirit dispositionem in orante, quam non habemus semper, ideo melius est, ut ad Deum cum Sanctis eamus, quàm soli. Vnde Iob ultimo, dixit Deus. Ite ad seruum meum Iob, ut oret pro vobis: nec enim cum oramus Sanctos, nihil à Deo petimus, vel non petimus cum fiducia, immo ideo Sanctorum preces imploramus, ut cum maiori fiducia ad Deum accedere possimus, & faciliùs impetremus quòd cupimus.

Et confirmatur, nam si hec ratio valeret, probaret non debere nos à viuentibus petere, ut pro nobis intercedant, quia sufficit interpellatio Christi in cælo, quod est contra expressa testimonia Scripturarum, in quibus exhortantur fideles, ut alij pro alijs orent. 1. ad Timoth. 2. Obsecro vos fieri orationes, postulationes, &c. pro omnibus, &c.

106 DE ORATIONE IN COMMUNI  
Iacobi 5. Orate pro inuicem, vt saluemini. Et  
Apostolus à fidelibus petit, vt pro ipso orent, ad  
Colof. 4. 2. ad Thessal. 3. & ad Hebr. 3. Immo  
probaretur illo modo orationes nostras pro nobis  
ipsis superfluas, quia Deus promptior est ad dan-  
dum, quàm nos petere possumus.

---

### QVÆSTIO LXIX.

*Queres, per quæ merita Sancti cælestis patrie  
ciues, orent pro nobis.*

**R**ESPONDEO per merita Christi. Et ratio est,  
quia quidquid nobis datur, principaliter da-  
tur propter merita Christi, vt colligitur ex cap. 1.  
ad Ephes. Qui benedixit nos omni benedictione  
spirituali in cælestibus in Christo. Secundariò  
etiam per merita sua, quæ etsi ex condigno com-  
pensata sint, tamen ex amicitia, multa eis debentur.  
Vnde Deus applicat se ad benefaciendum nobis  
propter merita Christi orationibus Sanctorum in-  
ductus.

Dices, oratio pertinet ad cultum latriz, sed cul-  
tus latriz soli Deo debetur, ergo oratio soli Deo  
fieri debet, non autem Sanctis.

Respondeo, oratio quatenus dirigitur ad Deum  
mediatè, vel immediatè in recognitionem supremi  
dominij, pertinet ad cultum latriz, qui soli Deo de-  
betur; & qui hoc modo aliquem Sanctum oraret,  
nimirum vt supremum omnium honorum autho-  
rem, idololatrarer. At nos Sanctos inuocamus,  
non tanquam diuinorum beneficiorum autores,

sed

sed tanquam intercessores, & aduocatos.

Secundò respondeo, quòd oratio non dirigitur ad Sanctos tanquam ad eos, quorum sit omni ex parte præstare id omne, quod rogamus: sed tanquam ad patronos, & aduocatos, qui à Deo impetrent gratiam, & gloriam: oratio igitur propriè dirigitur ad Deum, per ipsum, hoc est, tanquam ad eum, cuius est petita plenè & cumulatè concedere: ad Sanctos verò non propter ipsos, sed propter Deum, apud quem pro nobis precentur, & à quo impetrâr, quæ postulamus. Deum igitur oramus, vt nostri misereatur, gratiam, & gloriam largiatur: Sanctos verò vt apud ipsum pro nobis intercedant.

Hinc fas est dicere, Sancte Bernarde miserere mei, salua me, aperi mihi aditum cæli, da mihi sanitatem corporis, da patientiam, da mihi fortitudinem, &c. dummodo intelligamus, salua me, & miserere mei, orando pro me, da mihi hoc, & illud tuis precibus & meritis.

Obiicies, 1. Ioan. 2. dicitur. Aduocatum habemus apud Patrem Christum Iesum, qui propitiatur pro nobis. Si igitur Christus pro nobis propitiatur, superflua sunt aliorum Sanctorum preces.

Respondeo, etsi Christus pro nobis intercedat, ob id non excluduntur alij intercessores, immo potius sequitur, debere Sanctos ad imitationem sui capitis, similiter pro nobis intercedere.

Deinde in dicta Canonica, vbi Christus dicitur Aduocatus noster, non additur particula exclusiua, s. quòd solus ipse sit aduocatus: & ad Rom. 8. cum dicitur Christus interpellare pro nobis, non additur, solum ipsum interpellare, & ita sine iniuria Christi,

108 DE ORATIONE IN COMMUNI  
Christi, possunt sancti pro nobis interpellare, &  
vt tales possunt à nobis inuocari.

Ex quo fit orationes Sanctorum, quas pro nobis  
faciunt, non esse superfluas, sicut non sunt super-  
flue orationes Ecclesie, quas pro nobis, vel pro  
defunctis ad Deum fundit.

Dices, Sancti nequeunt postulata concedere, er-  
go non sunt à nobis orandi.

Respondeo, sanctos inuocamus tanquam eos,  
quorum precibus, & meritis impetramus à Deo,  
quæ postulamus: Deum verò oramus, vt præci-  
pium auctorem eorum bonorum, quæ petimus.

Deinde possunt Sancti in cælis regnantes coo-  
perari Deo ad aliquod donum nobis præstandum,  
non solum orando, sed etiam ministerium aliquod  
sibi à Deo collatum exhibendo: & tunc licet etiam  
petere à Sanctis, vt ipsi nobis illud beneficium lar-  
giantur, non solum intercedendo, sed etiam mini-  
sterium aliquod sibi à Deo collatum exhibendo.  
Sic potest vnusquisque orare Angelum suum cu-  
stodem, vt eum illuminet, custodiat, & gubernet,  
quia hoc munus commissum est Angelis à Deo,  
iuxta illud Psal. 90. Quoniam Angelis suis man-  
dauit de te, vt custodiant te in omnibus viis tuis.  
Vnde D. August. lib. 22. de Ciuit. Dei, loquens  
de miraculis, quæ ad memoriam Sanctorum fiunt,  
ait; Faciunt autem ista martyres, vel potius Deus,  
vel orantibus, aut cooperantibus eis.

Iterum obiiicies, Sancti in cælo cum Christo  
regnantes sunt extra statum metendi, & deimeren-  
di, ergo nihil impetrare possunt, atque ex conse-  
quenti non est, cur ipsos oremus.

Respondeo, quod licet Sancti non possint me-  
reri,

teri, nec sibi, nec aliis, possunt tamen ex vi præcedentium meritorum impetrare & sibi, & alijs id quod orando petunt : petunt enim sibi gloriam corporis, nobis autem omnia quibus indigemus.

Dices, Sancti in cælo præmium acceperunt meritorum suorum, ergo nihil amplius eis debetur.

Respondeo, eos quidem accepisse præmium, sed ad præmium eorum hoc etiam pertinere, ut semper sint amici Dei, & ut amici impetrent à Deo quidquid ab illo petunt.

Sed rursus dices, Sancti ignorant preces nostras, frustra igitur inuocantur.

Respondeo, negando Sanctos ignorare orationes nostras, quoniâ si Angeli eas vident, ut qui eas Deo offerunt, ut constat ex Tob. 12. & Apocalyp. 8. cur non etiam Sancti? Item si Angeli qui in cælo sunt, sciunt omnes peccatorum conuersiones, de quæ illis gaudent, Luc. 15. cur non etiam Sancti, qui in statu beatifico sunt Angelis æquales? ut colligitur ex Luc. 20. & Apoc. 21. Et in hoc omnes auctores conueniunt.

## QVÆSTIO LXX.

*Sed tota concertatio consistit de modo quo Sancti cognoscunt orationes nostras.*

**D**IVVS August. in libro de cura pro mortuis agenda, videtur tenere, eos cognoscere ex reuelatione Angelorum, qui nunc ad cælos ascendant, nunc inde ad nos descendunt.

Hæc

Hæc tamen sententia, pace tanti viri sit dictum, non placet, quia neque Angeli, neque beatorum hominum Spiritus, etiam si præsentés sint, possunt cognoscere naturaliter preces nostras, quando sola mente oramus.

Diuus Hieronymus in lib. contra Vigilantium tenet, tam Angelos, quàm Sanctorum hominum Spiritus mira quadam celeritatè naturæ, quodammodo esse vbique, & per se audire preces viuentium.

Sed nec ista sententia satisfacit, quia ad cognoscendas orationes, quæ eodem instanti fiunt in remotissimis locis, non sufficit celeritas, sed requiritur vera vbiquitas, quæ soli Deo competit.

Diuus Gregor. lib. 12. moral. cap. 13. D. Thomas 3. p. q. 10. ar. 2. & 2.2. q. 83. ar. 4. & Caiet. ibidem, quamuis postea 3. p. q. 10. ar. 2. id neget, docent Sanctos videre formaliter in Deo omnia à principio suæ beatitudinis, quæ ad ipsos aliquo modo pertinent, & proinde etiam orationes nostras ad se directas.

Diuus August. in lib. de cura pro mortuis cap. 15. dicit Sanctos non videre formaliter in Verbo orationes nostras à principio suæ beatitudinis, sed causaliter per nouas, & quotidianas reuelationes. Sic enim multi Sancti etiam in hac vita occultissima cognouerunt, vt colligitur 1. Reg. 9. & 4. Reg. 5. & Act. 5. quantò magis credendum est, Sanctos in cælo hoc dono pollere.

Alij verò, vt Less. lib. 2. de iust. cap. 37. dub. 6. nu. 33. putat Sanctos cognoscere preces nostras, dum ad ipsos diriguntur, instar loquutionis Angelorum,

lorum, qui seipſos intelligunt, dum vnus mentis ſuæ cogitatus ad alterum dirigit.

Obiiciēs, Scriptura ſoli Deo tribuit ſcrutari re-  
nes, & corda, & ſcire cogitationes hominum, 3.  
Reg. 8. Tu noſti ſolus cor omnium filiorum ho-  
minum.

Reſpondeo, ſolum Deum cognoscere cogita-  
tiones omnium cordium, idque naturaliter, & pro-  
pria virtute: Sanctos autem, aut ſolū cognoscere  
eas, vel in Verbo, vel per nouas, & quotidianas  
reuelationes.

Dices, Eccleſ. 9. habetur: Viuentes ſciunt ſe  
morituros, mortui verò nihil nouerunt am-  
pliùs.

Reſpondeo, Iob voluiſſe dicere, naturaliter non  
cognoscere defunctos, quid agant viui, ſicut nec  
viui cognoscunt, quid agant mortui: tamen San-  
ctos qui Dei claritate fruuntur, omnia in Deo vi-  
dere, quæ nimirum ad eos pertinent. Ita D. Greg.  
lib. 12. mor. c. 13.

Rurſus obiiciēs illud Iſai. 63. Tu es enim Pater  
noſter, & Abraham neſciuit nos, & Iſrael ignora-  
uit nos.

Reſpondeo, Hieronymus in eum locum expo-  
nit de cognitione approbationis, vt ſit ſenſus.  
Abraham neſciuit nos, ideſt, non habet nos pro fi-  
liis, non diligit nos, contemnit nos, quia intelli-  
git nos à te reſceſſiſſe. Vel intelligitur de cogniti-  
one, quam habebant toto tempore veteris Testa-  
menti, tunc enim erant in limbo, nec fruebantur  
conſpectu Dei, nec habebant illud admirabile lu-  
men, quo modò fruuntur in czlo.



## QVÆSTIO LXXI.

*An liceat colere, & inuocare eum, quem credimus saluatum, licet non sit in numero Sanctorum relatus.*

**R**ESPONDEO licere priuato cultu, non publico, vt habetur ex cap. 1. & 2. de reliquiis, & veneratione Sanctorum. Vbi summus Pontifex prohibet publicum cultum, ergo tacite priuatum cultum indulget. Sic Nau. de orat. cap. 19. nu. 69.

## QVÆSTIO LXXII.

*Sed quæres, quid nomine publici cultus intelligatur.*

**Q**UIDAM intelligunt eum, qui coram aliis exhibetur.

Sed verius est, intelligi eum, qui nomine totius Ecclesiæ, & tanquam ab Ecclesia institutus exhibetur.

Ex quo sequitur primò, licere non canonizarum, credere, & vocare Sanctum, non tamen prædicare eum tanquam ab Ecclesia inscriptum Sanctorum catalogo.

Secundò sequitur, licere inuocare non canonizatum etiam aliis audientibus, vt patet ex Diuo Hieronymo in vita Paulæ.

Tertiò



Tertiò sequitur, uon licere publicum festum celebrare: liceret tamen in die natalis sancti non canonizati peculiariter latari, & Deo vacare in memoriam eius.

Quartò sequitur, licere imaginem habere, & venerari, non tamen in templo collocare, eo modo quo aliorum Sanctorum.

Quintò, & vltimò sequitur, non licere reliquias non canonizati hominis in templo collocare publicè honorandas: liceret tamen eas habere, & venerari etiam aliis videntibus, id enim habet vsus totius Ecclesiæ, mox enim ac Martyres defuncti erant, currebant fideles ad reliquias recipiendas, & similiter quando moriuntur homines clari sanctitate, multi deuotè osculantur manus, & pedes, & de vestibus eorum pro reliquiis seruant; si enim licet honorare, & inuocare, viuentes, quos credimus Sanctos, cur non mortuos.

## QVÆSTIO LXXIII.

*Ad singulos eorum qui in cælis cum Christo regnant, iure possimus orare, etiam paruulos, qui Baptismate abluti statim ad cælum euolarunt.*

**R**ESPONDEO, Ecclesiam solere ad singulos Angelos beatos orationes dirigere, at non singulos beatorum hominum Spiritus, qui sunt in cælum recepti, orare consuevit, sed eos tantùm, qui sunt in Sanctorum numero conscripti. Priua-

H tim

114 DE ORATIONE IN COMMUNI  
tim tamen, cuique fas est, ad eos preces dirigere,  
quos piè credere potest, in beatorum supernæ pa-  
triæ ciuium numero esse conscriptos. Azor 1. p.  
instit. mor. libro 9. cap. 10. & Naldus verbo ora-  
tio num. 6.

---

## QVÆSTIO LXXIII.

*An qui sunt in Purgatorio, sint à nobis  
orandi.*

**D**iuus Thomas 2. 2. q. 83. art. 4. ad 3. & art. 11.  
ad 3. Abulensis tom. 3. super Matt. q. 93. Syl-  
uest. verbo oratio §. 3. Nauar. de oratione cap. 1. nu.  
11. & plerique alij negant, quia non sunt adhuc in  
statu, ut possint cognoscere petitiones nostras, quia  
nec in proprio genere, ut suppono ob distantiam,  
nec in Verbo, quandoquidem non sunt cælestem  
patriam consequuti, & ideo non sunt à nobis o-  
randi.

Cæterum, quamuis hoc satis probabile sit, at pro-  
babilius existimo contrarium; Ducor, quia Sancti  
in sæculo viuentes possunt à nobis conuenienter  
orari, ut ex infrà dicendis constabit, ergo & qui  
sunt in Purgatorio, qui non sunt minùs Deo gra-  
ti, quàm qui in hoc sæculo viuunt.

Tum quia illi qui sunt in purgatorio, possunt  
suis precibus nobis prodesse, nam si aliquid ob-  
staret, quominus posset, id esset, quia sunt in pœ-  
nis, sed hoc non obstat, quoniam Sancti Martyres  
dum sæuissimè torquebantur, pro suis persecu-  
toribus orabant.

Tum

Tum quia licet isti sint in pœnis, sufficit quod sint in gratia Dei.

Nec obstat quod non sint in statu merendi; nam sancti in cælo regnantes, non sunt in statu merendi, tamen eos vtiliter oramus, & ipsi nobis sæpe succurrunt.

Et ad fundamentum contrariæ opinionis respondeo, quod licet illi qui sunt in Purgatorio, in particulari nesciant, quis & quomodo eos oret, possunt tamen intelligere, aut verisimiliter saltem in genere coniectari, quod miseri viuentes Sanctorum precibus cupiunt in suis necessitatibus adiuuari, sicut e contra ipsi similiter per viuentes adiuuari desiderant. Et hæc generalis cognitio sufficit mouere eos, vt orent pro his, qui se illis commendant.

Tum quia possibile est, vt in particulari sciant, quis se illis commendet, licet non in proprio genere, nec in Verbo, sed per reuelationem Angelorum id scire possint.

## QVÆSTIO LXXIV.

*An possint iusti adhuc viuentes à nobis orari,  
vt pro nobis viatoribus intercedant.*

**D**iuus Thomas 2. 2. quæstione 83. artic. 4. ad vltimum negat, quia per orationem principaliter petitur beatitudo, quam illi nondum habent, & non debet peti ab aliquo id quo ipse caret.

Sed hæc ratio, ( pace tanti viri sit dictum ) non mihi placet, quia nulla petimus à multis, quæ ipsi non habent, non quidem vt ea ipsi præstent, sed vt ab aliis impetrent.

Tum quia qua ratione oratio facta Sancto, vt oret Deum pro nobis, censetur etiam facta Deo saltem tacitè: eadem ratione oratio facta viuo iusto, censetur tacitè facta Deo.

Tum deum, quia ante Christum passum poterant orari existentes in limbo patrum, qui tamen nondum erant beati vt constat. Quare dicendum est, iustos adhuc viuentes à nobis orari posse, vt pro nobis, aut aliis apud Deum intercedant. Ratio huius est, quia iusti viuentes possunt pro nobis suis precibus multa impetrare, ergo conuenienter poterunt, vt impetrent, orari. Consequentia est per se nota. Antecedens verò probatur ex multis sacræ Scripturæ locis, Ioannis 12. ad preces Philippi, & Andreæ, Gentiles quidam cupientes videre Christum, ad ipsum Christum adducti sunt. Et Ioannis 20. ad preces Virginis, Christus aquam in vinum conuertit, & ad preces Apostolorum Chananea vt à Christo audiretur, & veniam consequeretur, rogauerunt enim Christum dicentes, Dimitte illam, quia clamat post nos. Et Gen. 20. dixit Dominus ad Abimelech, qui vxorem Abrahæ acceperat. Nunc redde vxorem viro suo, & orabit pro te, & viues. Et libro 1. Reg. cap. 7. dicunt filij Israël ad Samuelem: Ne cesses pro nobis clamare ad Dominum Deum nostrum, vt saluet nos de manu Philistinorum. Item Iob vltimo, dixit Dominus ad eos qui Iob increpauerant: Iratus est furor meus in vos, quoniam, &c. Et paulò inferiùs: Iob ser-

uus meus orabit pro vobis : faciem eius suscipiam, vt non vobis imputerur stultitia vestra. Et subsequitur : Dominus autem conuersus est ad pœnitentiam Iob, cùm oraret ille pro amicis suis. Et Paulus ad Roman. 15. ait: Obsecro vos, fratres, vt adiuuetis me in orationibus pro me ad Deum. Idem repetit Ephes. 6. 1. Thess. 5. 2. Thess. 3. Coloss. 4. & Hebr. 13. ergo iusti viuentes possunt nobis suis precibus prodesse, atque ex consequenti conueniens, & vtile est, ipsos orare, vt pro nobis intercedant.

Dices, quomodo possumus nos, viuentes inuocare, cùm non simus certi de eorum sanctitate.

Respondeo, in hoc casu sufficere probabilem fidem de alterius sanctitate. Vnde etiam quoad homines defunctos, vt priuatim nos eorum orationibus commendemus, sufficit humana fides de eorum sancta vita, licet quoad publicum cultum, & orationem, Ecclesiæ authoritas necessaria sit. Immo inter viatores sufficit generalis ratio præsumendi, vnumquemque bonum esse, quem non constar esse malum. Immo etiam si mihi constet aliquem esse in peccato mortali, dummodo sit fidelis, possum ergo illius preces postulare, quia oratio etiam peccatoris potest esse impetratoria, vt diximus.

---

## QVÆSTIO LXXV.

*An possimus nos viatores orare pro beatis celestis patriæ ciuibus, qui æterna  
fælicitate potiuntur.*

**I**N qua re certum est, nos non teneri pro Beatis orare. Et ratio est, quia ipsi ab omni prorsus miseria tum culpæ, tum pœnæ sunt liberi, nec nostro adiutorio indigent.

---

## QVÆSTIO LXXVI.

*Sed quod in dubium vertitur est, An nos possimus honestè, & conuenienter pro Beatis orare.*

**N**ONnulli absolutè negant, quia Beati ut sic nulla re indigent, & si quæ opus habent, ipsi per se conuenientiùs illa suis precibus obtinere possunt, ergo superflua, & præsumptuosa erit talis oratio vergens in ipsorum iniuriam, iuxta illud vulgatum D. Augustini serm. 17. de verbis Apost. Iniuriam facit martyri, qui orat pro martyre.

Alij verò rectiùs affirmant. Pro quo dico primò, quòd possumus nos Deo gratias agere pro gloria essentiali Sanctorum, quam iam habent, ut patet primò ex usu Ecclesiæ. Secundò, quia ille affectus & erga Deum, & erga Sanctos est per se bonus, ergo possumus illis desiderare gloriam, quam non habent, sed aliquando habituri sunt, ergo possumus Deo hoc desiderium pandere, & illius complementum postulare. Et in hoc sensu intelligenda venit illa collecta, qua qui celebrat, offert sacrificium ut prosit Sanctis ad gloriam, sicut prodest nobis ad medelam.

Secundò dico, quòd eodem modo possumus  
nos

nos orare pro Deo ipso, quatenus Deus est capax alicuius gloriæ extrinsecæ, vel honoris, quoniam si admittimus nos posse orare pro sanctis, quia possumus aliquod augmentum accidentalis gloriæ illis postulare, etiam admitti debet, nos pro Deo orare, quando petimus ab ipso, ut suam gloriam procuret, & augeat, & hoc est illud quod in primis in oratione Dominica petimus, quando dicimus, Sanctificetur nomen tuum. ut rectè D. August. exponit lib. 2. de serm. Domini in monte cap. 10. & D. Bernard. serm. 6. quadrag.

Et confirmatur, nam Christus Dominus verè pro se oravit, quando Ioan. 17. petiit claritatem sui nominis, quæ tantùm erat quædam extrinseca gloria per notitiam, & fidem aliorum. Immodò multi Auctores dicunt, Christum tunc non tantùm sibi ut homini, sed etiam ut Deo claritatem illam à Patre postulasse. Quod probabilitate non caret.

Et ad fundamentum contrariæ opinionis respondeo, talem orationem non fieri ex præsumptione plus valendi apud Deum, quàm valeant ipsi Beati, sed solùm ex affectu charitatis, & quia scimus Deum gaudere multorum intercessione. Nec etiam fit tali existimatione, ut eorum gloria quasi in dubium reuocetur, quo sensu intelligitur illud vulgatum D. Augustini, Iniuriam facit Martyri, qui orat pro eo.

Ex quo sequitur, orationem nostram non prodesse Beatis quoad meritum, neque quoad impetrationem, vel satisfactionem, sed solùm quoad honorem, & cultum.

## QVÆSTIO LXXVII.

*An liceat orare Deum pro his, qui ad inferos detrusi, perpetua gehennæ supplicia patiuntur, ut restituantur ad vitam, & per viam fidem, & veram cordis pœnitentiam ad celestem gloriam perueniant.*

**E**T videtur quòd sic. Nam D. Damascenus in serm. de dormientibus ait, quòd Beatus Gregorius pro Traiani impij, & infidelis Principis anima orauit, & vocem ad se diuinitus delatam audiuit vocem tuam audiui, & Traiano veniam do. Cuius rei (ait Damascenus) testis est Oriens & Occidens. Sed constat Traianum in inferno fuisse damnatum, quia crudelem mortem multorum martyrum instituit, ut ibidem Damascenus dicit, ergo pro damnatis licitum est Deum orare, ut saluentur.

Deinde in vita Sanctæ Agnetis, descripta à B. Ambrosio habemus, ab ea filium Præfecti è morte excitatum, qui tamen ob scelus suum perierat.

Item ex Dialogis B. Gregorij refertur de quodam Monacho qui contra votum paupertatis furtum commiserat, quo per B. Gregorium cognito, præcepit fratribus ut illum mortuum cum pecunia in sterquilinio sepelirent, clamantes omnes; Pecunia tua tecum sit in perditionem. Ex quo apparet  
Mona



Monachum illum æternis suppliciis addictum fuisse, & tamen postea per triginta sacrificia, quæ pro illo fecerunt, fuit B. Gregorij, & aliorum precibus saluatus.

Ex historia Palladij item probatur Macharij Monachi precibus ad vitam reuocatum quemdam, qui fuerat ad supplicia æterna damnatus.

Item Iudas 2. Machab. 12. iussit decem milia drachmas argenti offerri pro his, qui in bello ceciderunt, & tamen ibidem constat eos ob lethale peccatum in conflictu victos obiisse.

Sulpitius quoque in vita Sancti Martini refert eius oratione mortuum catechumenum reuixisse, ac suscepisse Baptismum.

Beatus etiam Apostolus Petrus fertur, suscitasse affinem quendam Cæsaris ethnicum, & impium, quem postea creditur, cum fide viua, & vera cordis pœnitentia discessisse, & vitam æternam fuisse adeptum.

Tandem Ecclesia generatim orat pro animabus omnium fidelium defunctorum: vt fidelium aliqui cum Epulone æterno igni damnantur. Petit item à Deo, vt liberet eas de profundo lacu, & à pœnis inferni, & eis det requiem, & gloriam æternam.

His tamen minimè suffragantibus veritas est indubitata, non licere orare Deum pro illis, quos certò nouimus æternis ignibus cruciari, vt reuocentur ad vitam, & pœnitentiam agentes, saluentur, nisi ex speciali reuelatione, vel motione diuina id fiat. Ratio est, quia regulariter loquendo non licet petere à Deo, nisi quod non est contra legem positum, vel quod secundum illam ab

ipſo poſſumus impetrare, vt ex communi omnium ſententia probat Sotus in 4. diſt. 45. quæſt. 2. artic. 2. Sed non eſt tale, quòd perpetuis ſuppliciis ad- dicti reſtituantur ad vitam, vt pœnitentiam agen- tes ad cœli gloriam perueniant, ergo id à Deo poſtulare non eſt licitum, niſi ex ſpeciali re- uelatione, vel motione Spiritus ſancti id fiat.

Tum quia fide tenemus in inferno nullam eſ- ſe redemptionem vt patet ex libr. Iob. Et ex illo Eccleſiaſt. 11. Vbi ceciderit lignum ſiue ad Au- ſtrum, ſiue ad Aquilonem, ibi ſemper erit. Quod ad ſtatum gratiæ, vel mortalis peccati re- ferendum eſt.

Et confirmatur, nam certa, & determinata vo- luntas Dei eſt, vt qui in mortali culpa vitam fi- niunt, ad infernum ſine ſpe vlla redemptionis æ- ternaliter puniendi deſcendant. Et certè ſi de qui- buſdam intelligi poteſt illud 1. Ioan. 5. Eſt pec- catum ad mortem, non dico, vt pro illo roget quis, maximè poteſt intelligi de his, qui in pec- cato mortali deceſſerunt, atque adedò in inferno cum Epulone ſepulti probabiliter creduntur. Et in capit. Obeuntibus. 13. quæſt. 2. dicitur: Pro impiis, quamuis Chriſtiani fuerint, oblationes, & ſacrificia facere, non licere. Et hoc idem iuſ- ſum fuit in Concil. Brachar. vt ſ. pro his, qui in peccatis impœnitentes deceſſerunt, nulla proſ- ſus fiat commemoratio. Idem ſignificatur cap. Placuit. 23. quæſt. 5. cap. Quicumque. & cap. Au- diuimus. de reliquiis, & veneratione Sanctorum. Vnde D. Gregor. libro 34. moral. capite 12. ait, Orant iuſti pro inimicis ſuis eo tempore, quo poſ- ſunt ad fructuoſam pœnitentiam eorum corda  
con

conuertere, atque ipsa conuersione saluare. At pro illis tunc non orabitur, quando iam nullatenus possunt ad iustitiæ opera ab iniquitate commutari. Et libro 4. dialogorum capite 44. Eadem (inquit) causa est, cur non oretur pro hominibus æterno igni damnatis, quæ est, vt non oretur pro diabolo, Angelisque eius æterno supplicio deputatis: Et quæ nunc etiam causa est, cur non orent Sancti homines pro infidelibus, impiisque defunctis. Quia pro his utique, quos æterno deputatos supplicio iam noverunt, ante illum iusti Iudicis conspectum orationis suæ meritum cassari refugunt.

Dices, quamuis oratio quæ fit pro damnatis, non eis prosit, vt ab æternis suppliciis liberentur, valet tamen, vt à temporali pœna liberentur, cui obnoxij sunt ob peccata, de quibus hîc doluerunt, non tamen satisfecerunt, nam illa pœna in inferno temporalis est.

Respondeo, communem esse Theologorum sententiam, nullam orationem nec priuatam, nec communem damnatis prodesse, etiam ad temporalis pœnæ remissionem. Legimus enim de eo qui in Spiritum Sanctum peccauit, hoc est, qui in finali impœnitentia decessit, prout multi Sancti exponunt, quòd non remittetur ei, nec in hoc sæculo, nec in futuro. Quod exponens B. Gregorius dicit, quòd taliter peccantes in inferno sine misericordia punientur, quia soluent ad vnguem, quod pro hîc commissis debebant. Legimus etiam de illo seruo, qui suo conseruo misericordiam non fecit, quòd traditus est tórtoribus sine misericordia cruciandus, cui dictum est: Non exibis inde,

inde, donec soluas nouissimum quadrantem. Huic etiam fauet historia Epulonis, qui cū in inferno esset, & ab Abraham uiam guttulam aquæ, qua mitius torqueretur, exigeret, nullum misericordiæ verbum audiuit. Vnde & Iacob in sua canonica. Iudicium sine misericordia fiet ei, qui non fecit misericordiam. Qui autem sine pœnitentia in peccato mortali ex hac vita migravit, misericordiam sibi ipsi denegauit; non minùs ergo debet in inferno torqueri, quàm si proximo misericordiam non fecisset, quandoquidem misericordia à seipso incipere debet, iuxta illud Eccles. 30. Misere animæ tuæ placens Deus.

Obijcies Augustinum in Enchir. cap. 109. dicentem, Ecclesiæ sacrificiis, & suffragiis mortuos iuari, vt vel plena sit eorum remissio, vel tolerabilior eorum damnatio.

Respondeo, Augustinum damnationis nomine tantū intellexisse ignis purgatorij pœnam: sic enim vsitato more dicimus, improbos damnari ad carcerem, ad metalla, ad bestias, ad exilium, quamuis condemnatio perpetua non sit.

Hinc, si Papa vellet indulgētiās etiam pro damnatis per modum suffragij concedere, illis nullatenus prodesse, quia indulgentiæ valent ex meritis Christi, & Sanctorum: At verò Christus, & Sancti nunquam sua merita damnatis applicuerunt.

Hinc, summopere cauendum est, ne oremus Deum pro salute, vel refrigerio vllō eorum, quos scimas, vel firmiter credimus esse perpetuo supplicio damnatos. Tum quia id prohibitum est cap. Pro obeuntibus. 13. quæst. 2. & cap. Placuit. 23. q. 5.

Tum

Tum quia non licet aliquid horum facere pro diabolo, & quoad hoc damnati pares sunt diabolis iuxta illud D. Augustini: Si scirem patrem meum esse in inferno, non magis rogarem pro eo, quàm pro diabolo. Tum quia non minùs illi odio nos habent, quàm diaboli, quia vtrique omni charitate carent, & odio redundant, iuxta illud Iob 10. In eis nullus ordo, sed sempiternus horror inhabitat.

Reliquum est iam ut argumentis initio positis satisficiamus, & ad primum de Traiano Imperatore dicit Abulensis 4. Reg. quæst. 57. quòd B. Gregorius peccauit mortaliter petendo Traiani restitutionem ad vitam.

Alij verò existimant historiam illam non esse omnino certam, quod ego vehementer suspicor, sicut de ea dubitant Abulensis, Bellarminus, Baronius, & Sotus in 4. dist. 45. q. 2. art. 2. & Melch. Cano libro 11. de locis Theolog. planè & audacter negauit, cùm id non extet in vita S. Gregor. nec est verisimile, quòd D. Gregorius illam, si vera esset, literis non mandasset in dialogis, in quibus multa alia minora scripsit. Vel si admittamus historiam, dicendum est, vel quòd Traianus in morte egerit pœnitentiam, cuius indicia nonnulla monstrauit, vnde motus fuit Gregorius ad orandum pro illo, nesciens an in peccato mortali decessisset. Nec credendum est, quòd pro illo preces Deo obtulisset, si in peccato mortali finalis impœnitentiæ illum decessisse putaret, quia ut paulò antè dixi, planè docuit non esse pro infidelibus, & impiis vita functis orandum. Vel quòd Beatus Gregorius, & omnes alij Sancti,  
qui

qui infideles ad vitam resuscitauerunt, id ex peculiari aliquo instinctu Dei, qui potest nimirum in aliquo casu facere quidpiam præter ordinarias suas leges, fecerunt. Nec tunc illi erant finaliter, & irrevocabiliter damnati, sicut sunt alij de lege communi, sed certo quodam loco ad tempus detenti, & Beati Gregorij & aliorum precibus ad hanc vitam reuocati, & per fidem viuam, ac veram cordis pœnitentiam, salutem fuerunt adepti.

Alij totum illud opusculum Damasceni esse inficiantur, eo quòd in eo Auctor referat multos ab inferis liberatos, qui in Christum Dominum eò descendentem crediderant. Sed hoc non satis concludit id opus non esse Damasceni, cùm ex Græcis Patribus nonnulli eiusdem quoque sententiæ fuerint.

At Diuus Thomas in 4. distin. 45. q. 1. art. 2. ad 5. quem communiter sequuntur Theologi, historiam illam recipit quidem, at Traianum negat fuisse ad inferos damnatum, sed certo quodam loco ad tempus detentum, & B. Gregorij precibus ad hanc vitam reuocatum, & per veram cordis pœnitentiam vitam æternam consequutum.

Verùm, quidquid sit de veritate, & fide huius historiæ, dicendum arbitror, ea quæ præter ordinariam legem ex speciali Dei motione, & potestate fiunt, non esse in exemplum trahenda. Valent. 2. 2. dist. 6. q. 2. p. 8.

Hinc, non est audiendus Abulensis, qui dixit B. Gregorium in orando pro Traiano, quem credebatur esse damnatum, mortiferè peccasse. Tum quia non est verisimile Deum iustissimum concessu-  
rum

rum fuisse tam insignem gratiam, tam insigniter in ea petenda peccanti. Tum quia tam facile saluari potest ipse, ac alij Prophetæ, & Apostoli, & alij Sancti, qui rogauerunt Deum pro resurrectione illorum, quos credebant esse damnatos, eò quòd sciebant illos in sua infidelitate obiisse.

Tum quia Gregorius non rogauit, vt Traianus recto tramite ex inferno in paradisum duceretur, sed vt ad vitam temporalem reuocaret, & postea si faceret ea quæ saluti æternæ consequendæ sufficerent, saluaretur.

Tum quia par est credere, Deum optimum inspirasse Gregorio voluntatem id petendi, sicut & aliis Sanctis inspirauit voluntatem petendi aliorum damnatorum resurrectionem: & licet regulariter mortaliter peccet, qui violat præceptum, non tamen peccat, immò bene meretur, quando inspirante, vel iubente Domino, facit id, quod aliàs esset contra diuinum præceptum, vt Abraham qui voluit filium suum occidere, & Samson occidit se, & Philistæos demoliendo domum, quos nullatenus peccasse, sed bene meritos fuisse defendit D. Aug. relatus à Gratiano in cap. Si non licet. 23. q. 5.

Hinc, non est audiendus idem Abulensis, qui addit ob hanc petitionem fuisse Gregorium à Deo punitum dolore stomachi, & pedum. Tum quia historia verior (quæ est Diaconorum Ioannis, & Petri) non habet, quòd in pœnam peccati pro Traiani anima orando admissi fuerit stomachi, & pedum dolore punitus, sed quòd non esset liberandus ab illo, eò quòd pro anima illa orauerit, quorum verba non habent eum peccasse, neque punitum

tum fuisse, sed potius voluisse Dominum per illum dolorem, ipsum in humilitatis virtute continere, contra tentationes superbiæ, quæ de tam magnæ petitionis concessione nasci poterant, iuxta illud Pauli 2. Cor. 12. Ne magnitudo reuelationum extollat me, datus est mihi stimulus carnis, &c.

Ad secundum patet solutio ex dictis.

Ad tertium respondeo, credendum esse Religiosum illum sui peccati in morte pœnituisse, quamuis Beatus Gregorius ad aliorum terrorem, & exemplum illum in sterquilinio sepeliri fecerit: & tam Gregorij, & aliorum precibus non de inferno, sed de purgatorio fuit liberatus.

Ad quartum patet etiam ex dictis.

Ad quintum respondeo primò, Iudam Machabæum illas drachmas argenti obtulisse pro his, qui in bello perierant, neque enim constabat eos in inferno esse sepultos, aut sine pœnitentia obiisse.

Secundò respondeo, eos ob sua peccata in bello deuictos periisse, sed in vitæ fine de suis illi peccatis doluerunt, ac pro illis sacrificatum est ad pœnarum, non autem culparum remissionem.

Ad sextum, & septimum respondeo eodem prorsus modo quo ad quartum.

Ad octauum respondeo, Ecclesiam generatim quidem orationem fundere pro omnibus fidelibus defunctis, sed pro his, quos piè credit in purgatorio peccatorum pœnas exoluere, quibus dum viuerent non plenè satisfecerunt.

Dices, Ecclesia in oratione pro defunctis petit, ut eos à pœnis inferni eripiat.

Respon



Respondeo, Ecclesiam hoc non petere, pro damnatis, sed pro existentibus in purgatorio.

Obiicies, Ecclesia in Missa funebri pro mortuis precari solet, videlicet vt mortui liberentur de profundo lacu, de pœnis inferni, & de ore leonis, &c. Hæc enim nequeunt intelligi commodè, nisi de ijs qui damnantur ad inferos perpetuò cruciandi.

Respondeo primò, ea Ecclesiæ verba intelligi possunt de Missis, quas Ecclesia offerre solebat pro agonizantibus, quibus prædicta verba non ineptè conueniunt.

Secundò respondeo, prædicta verba, si pro iis, qui iam ex hac vita migrarunt, dicuntur, per metaphoram accipienda sunt. Vnde per profundum lacum & pœnas inferni intelligit locum subterraneum, vbi igne purgatorij expiantur.

## QVÆSTIO LXXVIII.

*An liceat orare pro his, qui cum solo originali ex hac vita migrarunt.*

**R**ESPONDEO non licere, cùm pro certo habeamus eorum animas hac vita functas in limbo perpetuò permansuras. Nauar. de oratione cap. 19. nu. 64.

Hinc errant, qui celebrant, aut curant celebrari Missas, & officia defunctorum pro infantibus, qui ante vsum rationis moriuntur, existimantes eos illis indigere. Quoniam si ritè baptizati obierunt, recto in cælum tramite euolarunt: sin minùs,

130 DE ORATIONE IN COMMUNI  
in tenebris sempiternis permanfuri. Exiftimo ta-  
men poffe caufa mortis eorum peragi eiusmodi  
officia ad agendum Deo gratias vt poft D. Tho.  
docet Palud. in 4. d. 15. q. 1. col. 5. Et ideo nulla  
oratio fingulariter eft eis applicanda, dicendo ani-  
mam eius, aut pro animabus eorum, vel alia fi-  
milis.

---

## QVÆSTIO LXXIX.

*An fit orandum pro his, qui funt in  
Purgatorio.*

**R**ESPONDEO quòd fic, vt pater tum ex eo  
quod habetur 1. Machab. 12. Sancta, & falu-  
bris eft cogitatio pro defunctis exorare, vt peccatis  
foluantur.

Tum ex illo Tob. 4. Panem tuum, & vinum  
tuum, pone fuper fepulturam iufti. Quod certè fu-  
peruacaneum effer, fi fuffragia noftra pro defunctis  
facta illis non prodeffent.

Tum etiam ex communi omnium Theologo-  
rum doctrina, qui tenent, quòd fuffragia, quæ vi-  
ui pro defunctis faciunt, valent illis vt vel indeto-  
taliter liberentur, vel citius, vel faltem vt mitius tor-  
queantur. Vnde B. Gregorius vt habetur 13. q. 2.  
cap. animæ, ait. Animæ defunctorum quatuor  
modis foluantur, aut oblationibus facerdotum,  
aut precibus Sanctorum, aut charorum eleemo-  
synis, aut ieiunio cognatorum, & Diuus Auguft.  
in enchirid. loquens de orationibus, & fuffra-  
giis quæ pro defunctis in purgatorio exiftenti-  
bus

bus fiunt, dicit. Quibus autem profunt, aut hæc profunt, vt illis plena fiat remissio, aut certè, vt tolerabilior fiat ipsa damnatio.

Ex quo sequitur orationem alienam posse prodesse animabus in purgatorio existentibus, dummodo orans sit in gratia, vel eius oratio sit Missa, quæ vt omnes fatentur, ex opere operato efficaciam habet: vel sit Pater noster, & Ave Maria, vel alia oratio Ecclesiæ, quæ secundum quorundam probabilem opinionem, habet virtutem, & efficaciam ex opere operato, eò quòd sit à Christo composita, vel ab Ecclesia sua dilectissima sponsa, aut eam dicit iussu, vel rogatu alicuius existentis in gratia, vel sicut minister Ecclesiæ vniuersalis, quæ semper est iusta, & sancta, vt Diuus Thomas in 4. dist. 45. q. 1. art. 1.

## QVÆSTIO LXXX.

*Dices, Ad quid prodest oratio aliena existentibus in Purgatorio.*

**R**ESPONDEO eis prodesse primò, quoad consolationem, quam recipiunt, quando sciunt suos amicos & cognatos pro eis orare. Secundò ad satisfaciendum in totum, vel in partem pro pœna, ad quam ibi satisfaciendam sunt damnati. Non autem potest prodesse, vt ibi augeatur eis gratia, vel gloria in paradiso.

## QVÆSTIO LXXXI.

*Queres, Qua via oratio aliena prodest alteri viuo, vel mortuo, an via iustitiæ, & obligationis, an verò via liberalitatis, & decentiæ.*

**R**ESPONDEO quoad vnum solum via iustitiæ, ad alia verò via liberalitatis.

## QVÆSTIO LXXXII.

*Sed dices, Quod est illud vnum?*

**R**ESPONDEO quodd est satisfactio pro pœna temporali sufferenda in purgatorio ob peccatum veniale, vel mortale condonatum debita.

## QVÆSTIO LXXXIII.

*An debeamus pro nobis orare.*

**R**ESPONDEO debere. Et ratio est, quia cùm ratione & ordine charitatis debeamus nobis ipsis bona præcipuè desiderare, debemus, & illa per orationem à Deo pro nobis ipsis petere.

QVÆST.

## QVÆSTIO LXXXIV.

*An debeamus pro omnibus orare, petendo illis beatitudinem.*

**E**T quidem certum est apud omnes, nos licitè posse pro quibuscunque aliis orare, petendo illis beatitudinem. Et ratio est, quia quod licitè omnibus optamus, possumus illud à Deo petere: atqui omnibus licitè optamus beatitudinem, & alia bona tum temporalia, tum etiam spiritualia, ergo etiam illa petere.

## QVÆSTIO LXXXV.

*Sed quod in dubium vertitur est, An debeamus pro omnibus hominibus indifferenter orare, petendo illam summam fœlicitatem.*

**R**ESPONDEO debere. Nam vt rectè D. Tho. 2.2. q. 83. ar. 7. argumentatur, id quod debemus aliis optare, debemus pro aliis petere. Sed ex charitate non solum nobis, sed etiam aliis debemus multa bona optare, ergo etiam petere.

Tum quia ex charitate tenemur diligere omnes sicut nos ipsos, & omnes sunt in graui necessitate, indigèntque auxilio Dei, cuius sunt capaces, quandiu viuunt, & Deus de se paratus est ad dandum omnibus.

Tum quia Ecclesia pro omnibus orat peccatoribus, siue schismatici sint, siue hæretici, siue Iudæi, siue gentiles, vt patet ex officio Veneris sancti. Vnde Apostolus 1. ad Timoth. 2. Obsecro primum omnium fieri obsecrationes, orationes, postulationes, gratiarum actiones pro omnibus hominibus. Et Iacobus cap. 5. suæ Canonice dicit: Orate pro inuicem, vt saluemini. Quod ad omnes vniuersaliter nemine excepto dictum esse constat, cum omnes Dei iussu diligere teneamur, & idcirco pro eis precari, vt saluentur, vt conformes simus voluntati Dei, de quo Apostolus, quod vult omnes homines saluos fieri. Christus etiam pro omnibus venit, & pro omnibus passus est, quantumuis per peccatum, peccatores sint, prout ipse dixit. Non veni vocare iustos, sed peccatores ad pœnitentiam. Omnium igitur salutem procurauit, & pro omnium salute, quod in se fuit, fecit. Nos igitur Christum imitati, similiter debemus omnibus salutem optare, & pro omnibus orare.

Hinc, non licet ab oratione vniuersali, qua absolute petitur, vt homines beatitudinem consequantur, aliquem in particulari absolute excludere, quasi desperando de eius salute. Ratio est, quia nullus quantumuis peccator, est iudicandus reprobus, quandiu hîc viuit, & compos est sui, & excitatio- nis ad pœnitentiam, ergo ita à nobis iuuandus est, quantum est ex parte nostra, sicut is qui esse potest in numero prædestinatorum.

Obiicies, inter omnes viuentes multi sunt reprobi, qui secundum legem ordinariam Dei non sunt adepturi beatitudinem, ergo præsumptuosè, & cōtra legem ordinariam facit, qui pro omnibus omnino

quinnino viuentibus beatitudinem petit. Nam est talis certus, se pro aliquibus reprobis eam petere.

Respondeo, non debere orare nos, vt absolutè, & reipsa omnes viatores salutem consequantur, sed tantum, vt illi eam consequantur, qui ex sua parte præstiterint, quod Deus secundum legem ordinariam requirit. Nec enim Christus orauit, vt omnes consequerentur beatitudinem, sed tantum, vt illi qui sibi non essent defecturi in consequenda æterna fœlicitate. Ego inquit, Ioan. 17. pro eis rogo, hoc est, Apostolis, non pro mundo rogo, sed pro illis, qui credituri sunt per verbum illorum in me. Hoc tamen non obstat, quominus possimus aliter orare pro prædestinatis, & aliter pro reprobis: illis efficaciter postulando, vt cum effectu beatitudinem obtineant, his solum conditionatè, scilicet quantum est ex parte Dei, seu si illi non resistent. Quæ intentio interdum haberi potest explicitè, non tamen est necessarium, satis est enim habere illam habitu, seu virtutè.

Ex quo sequitur, licitum esse in oratione generali pro prædestinatis, excludere præscitos, non tamen materialiter hunc vel illum hominem.

Dices, interdum sunt in aliquo tot signa reprobationis, vt magna moralis probabilitate iudicetur illum esse reprobum, ergo hoc satis erit ad excludendum illum ab oratione, nam ad bene operandum, sufficit iudicium probabile.

Respondeo, nulla indicia esse sufficientia ad iudicandum practicè, & moraliter, posse desperari de salute alicuius, quantumuis peccatoris, quandiu viuit. Nam vt quis reneatur pro alio orare, satis est iudicium, quo iudicet omnibus

136 DE ORATIONE IN COMMUNI  
consideratis possibile esse moraliter, ut talis sal-  
uetur, & sit prædestinatus. Sed non obstantibus qui-  
buscunque coniecturis de reprobatione alterius,  
adhuc potest quis iudicare possibile esse moraliter,  
ut talis saluetur, & sit prædestinatus, ergo adhuc te-  
nebitur pro illo orare.

---

## QVÆSTIO LXXXVI.

*An possimus licitè pro inimicis orare.*

**R**ESPONDEO posse, uti fecit Dominus Lu-  
cæ 23. in cruce, & Sanctus Stephanus cum  
lapidum grandinibus obrueretur, secundum diui-  
nam illam Euangelij doctrinam Matth. 5. Orate  
pro persequentibus, & calumniantibus vos. Et  
ratio huius est, quia orare pro inimicis est opus  
charitatis, nam quod inimici sint peccatores, non  
obstat, quominus ex charitate diligi possint, &  
consequenter quod possimus pro illis apud Deum  
intercedere.

---

## QVÆSTIO LXXXVII.

*An teneamur pro inimicis orare.*

**E**T quidem, quod teneamur pro inimicis ora-  
re, certum est, cum teneamur illos diligere.  
Vnde Christus Dominus Matth. 5. ait. Diligite  
inimicos vestros, benefacite his, qui oderunt vos:  
& orate pro persequentibus, & calumniantibus  
vos.

QVÆST.



## QVÆSTIO LXXXVIII.

*Sed difficultas est, qualiter teneamur pro  
illis orare.*

**R**ESPONDEO, pro inimicis ita debemus orare, sicut illos ex charitate diligere: tenemur autem diligere inimicos saltem in generali, quæ generalis dilectio consistit in hoc, ut quando proximos generatim diligimus, ab illa dilectione non excludamus inimicos, ergo eadem ratione tenemur pro inimicis orare in communi, non reiiciendo videlicet illos à generalibus orationibus, quas pro illis generatim facimus. In particulari autem sicut non tenemur præcepto charitatis illos diligere speciali motu dilectionis, cum nec etiam hoc sit necessarium respectu aliorum hominum, qui non sunt inimici, nisi interueniente graui necessitate, ita neque orare. Ita D. Th. 2. 2. q. 83. ar. 8.

Ex quo sequitur, quod licet non teneamur ordinariè actu orare pro inimicis in particulari, tenemur nihilominus ad habendum animi præparationem ad orandum in particulari, si id fuerit necessarium, sicut de dilectione inimicorum docet D. Th. 2. 2. q. 25. ar. 8. & alij communiter.

Quam doctrinam D. Thomæ arbitror esse veram in primis in orationibus publicis, idest, quæ fiunt nomine totius Ecclesiæ, quia debemus conformari intentioni Ecclesiæ, & illos excludere, quos ipsa excludit. v. g. excommunicatos, & non excludere quos ipsa non excludit, nempe inimicos, quia hoc

I 5      esset

138 DE ORATIONE IN COMMUNI  
esset discordare ab intentione eius, quod non licet;  
essetque manifestum indicium odij.

Hinc ; qui dicit *Pater noster*, & , *Panem nostrum  
quotidianum da nobis hodie* , & eximere vellet suos  
inimicos , peccaret.

Secundò cenſeo eſſe veram in orationibus com-  
munibus, quæ fiunt ex obligatione communis cha-  
ritatis, quomodo tenemur interdum orare pro Ec-  
cleſia, vel pro patria, aut ſimili alia communitate;  
quia tunc non poſſumus excludere inimicos , quia  
ſunt partes illius communitatis , ratione cuius eis  
orationes illæ debentur.

Tertiò cenſeo eſſe verum in orationibus etiam  
voluntariis, quæ fiunt pro aliqua communitate, ſub  
aliqua ratione communi , quæ de ſe æquè compre-  
hendit amicos, & inimicos, quia tunc non licet ab  
hiſ orationibus excludere inimicos , quia illa eſſet  
quædam irrationabilis acceptio perſonarum con-  
tinens virtuale odium. Vnde licet abſolutè non te-  
neamur orare pro tali communitate , ſuppoſito  
quòd oramus, tenemur ſine tali iniqua exceptione  
orare.

Hinc , ſi ego pro congregatione mea oro, & in  
ea excipiam Ioannem, & Andream mihi inimicos,  
pecco. Et ſic de ſimilibus.

---

### QVÆSTIO LXXXIX.

*Tota igitur lis eſt de orationibus priuatis, quæ  
ſine obligatione fiunt.*

**S**ED reſpondeo, quòd per ſe loquendo, & ſeclu-  
ſo ſcandalo, non videtur intrinſecè malum ex-  
cludere

cludere inimicos à quacunque oratione, in qua pro aliis oramus. Nam sicut possumus pro iustis, & non pro iniustis, pro prædestinatis, & non pro reprobis, pro cognatis, aut benefactoribus, & non pro aliis, ita pari modo possumus orare pro amicis, & non pro inimicis, quia in his orandi modis nulla apparet intrinseca malitia per se loquendo, quia nullum est præceptum, quod obliget tunc ad faciendam communissimam orationem. Verùm cauendus est talis orandi modus tanquam periculosus, includit enim affectum adedò auersum ab inimicis, ut ad odium accedere videatur.

## QVÆSTIO XC.

*An pro infidelibus, Iudæis, Mauris, & paganis sit orandum.*

**R**ESPONDEO quòd sic, dicente Apostolo 1. ad Timoth. 2. Obsecro fieri orationes pro omnibus, pro Regibus, & omnibus qui in sublimitate constituti sunt. Certum est autem tempore Pauli omnes Reges, quibus orationes fundendas esse dicit, fuisse infideles. Vnde D. Aug. in epist. 107. ad Vitalem. Consuetudinem esse, inquit, ab Apostolis acceptam, qua preces Deo fundimus pro his, qui sunt ab Ecclesia alieni, ut infidelibus detur fides, ut idolorum cultores ab impietatis errore auocentur, ut Iudæi lumen veritatis accipiant, ut catechumeni salutaris baptismatis aqua renati, in fide confirmantur, ac bonis operibus studeant.

Dices, Prophetæ, & alij sancti improbis, ac per-

ditis

140 DE ORATIONE IN COMMUNI  
ditis hominibus frequenter mala imprecantur, & interdum damnationem æternam, ait enim David Psalm. 54. Veniat mors super illos, & descendant in infernum viuentes. Et infra: Exaudiet Deus, & humiliabit illos, qui est ante sæcula. Et Psalm. 68. Intende ad visitandas omnes gentes, non misereberis omnibus qui operantur iniquitatem. Et Psalm. 68. Deleantur de libro viuentium.

Respondeo, eas preces potius esse quasdam futurorum euentuum prænuntiationes, quàm absolutas imprecationes, idest, id dicunt non orando, sed quod futurum in illis est, pronunciando. Vel vt dicit D. Aug. Sancti imprecantur mala inimicis, non prout homines sunt, sed prout impij, & inimici, s. vt quatenus tales sunt, pereant, idest vt tales esse desinant, & amici fiant, & suum peccatū agnoscant. Vel in illis significatur conformatio voluntatis cum decreto iustitiæ diuinæ circa damnationem impiorum. Vel sub ea tandem conditione, si perseverent, nam perinde est, ac si dicerent, erubescant, deleantur de libro viuentium, si perseverare in malis velint.

---

### Q V Æ S T I O X C I.

*An liceat Missæ sacrificium offerre pro Turcis, & aliis qui sunt Christianæ fidei expertes, vt conuertantur ad Christum.*

**I**N qua re certum est primò, non licere pro eis Missæ sacrificium offerre, vt est satisfactorium. Et ratio est, quia improbis pœnæ debitæ non condonantur,

donantur, dum in sua improbitate persistunt.

Secundò etiam est certum, non licere offerre pro ipsis Missæ sacrificium, vt Deus eis bona temporalia concedat, quin potius Ecclesia preces in Missa contra infideles instituit, in quibus orat diuinam clementiam, vt dexteræ ipsius potentia contendantur.

## QVÆSTIO XCII.

*Difficultas ergo, quam hîc inquirimus est, An pro huiusmodi hominibus fas sit Sacerdoti, Missæ sacrificium offerre, vt ipsi Christi fidem suscipiant.*

**D**. Thomas 3. p. q. 79. ar. 7, ad 2. negat. ibi enim sic ait: Corpus Christi non offertur nisi pro iis, qui sunt membra Christi, vnde & in Canone Missæ non oratur pro iis qui sunt extra Ecclesiam. Hoc idem tenet Sotus lib. 9. q. 2. ar. 2. ad 3. vbi dicit errorem esse Capellaniam instituere, aut Missas, pro infidelibus.

At verò alij, vt Ledesm. in 4. p. 2. q. 23. ar. 1. rectius affirmant id esse licitum. Pro quo facit primò, quia fas est sacerdotibus Missæ sacrificium offerre pro incremento fidei, & Christianæ Religionis propagatione, & amplificatione Ecclesiæ in toto terrarum orbe, sed hoc nihil aliud est, quàm offerre pro conuersione paganorum, & infidelium, ergo.

Secundò facit, quia in Missæ sacrificio oramus, vt  
calix

142 DE ORATIONE IN COMMUNI  
calix salutaris in conspectu diuinæ Maiestatis ascendat pro nostra, & totius mundi salute, ergo licet Missam offerre pro totius Ecclesiæ, & omnium salute.

Tertiò facit, quia Ecclesia in die parasceue publicam orationem fundit, ut Turcæ, Saraceni, & pagani à suis erroribus reuocentur, & ad fidei, & Religionis Christianæ veritatem conuertantur.

Quartò, & ultimò facit, quia nullibi est interdictum, ne sacerdos offerat pro infidelium conuersione: neque enim extat ius, vel lex Ecclesiæ id prohibens, cum tamen vetuerit pro hæreticis, schismaticis, vel excommunicatis, atque interdictis Missam offerre.

---

### QVÆSTIO XCIII.

*An pro hæreticis, & schismaticis, & cæteris excommunicatione affectis sit orandum.*

**R**ATIO dubij est, quia Ecclesia pro his non orat, & eos arcet à communibus piorum suffragiis, & precibus.

Sed hoc non obstante, tenendum est, unicuique fas esse pro his priuatim, & suo nomine Deum precari, ut depositis, & abiectis erroribus ad Ecclesiæ gremium reuertantur. At verò Ecclesia prohibet pro his orare oratione publica, quæ dicitur pro membris Ecclesiæ, secundum D. Th. in 4. distin. 18.

q. 2. ar. 1. q. 2. Quales modò sunt omnes orationes Missarum, & horarum canonicarum, quæ nomine Ecclesiæ dicuntur.

Hinc, si Rex, vel Prælatus esset excommunicatus, non posset in canone nominari.

Nec obstat, quòd sacerdos, vt minister Ecclesiæ in die parasceue specialiter orat pro hæreticis, & schismaticis, qui sunt excommunicati in Bulla Cœnæ Domini. Quia hoc facit ex imitatione Christi, qui in illo die pro omnibus sine exceptione mortuus est. Non tamen orat pro istis sub nomine excommunicationis, quia illo tempore, quo Ecclesia orat pro illis, quantum ad id, censentur absoluti ab excommunicatione.

Tum quia licet Ecclesia oret publicè pro hæreticis, & schismaticis, non tamen hoc facit orationibus compositis pro suis membris, sed aliis institutis pro iis, qui tales non sunt.

---

## QVÆSTIO XCIV.

*An Sacerdos in Memento possit pro excommunicatis orare.*

**R**ESPONDEO, tanquam publicam personam, & ministrum Ecclesiæ non posse pro excommunicatis denominatim denunciatis, vel publicis clericis percussoribus orare, quia id est ei interdictum cap. Sacris. & cap. A vobis. 2. de sent. excomm. Et ratio huius est, quia eos Ecclesia suis communibus piorum suffragiis priuat, & arcet ab omni consortio, & conuictu hominum. Secus, vt persona priuata,

144 DE ORATIONE IN COMMUNI  
priuata, quia tunc in canone Missæ, dum submissa  
voce occultam cōmemorationem facit amicorum,  
etiam pro excommunicatis poterit Deum precari,  
non tamen ipsum sacrificium ipsis applicando. Et  
ratio est, quia huiusmodi precatio fit priuato no-  
mine, & Ecclesia solum vetat Missam, aut publicas  
preces, & quæ nomine ipsius funduntur, offerri pro  
excommunicatis, nunquam tamen iubet, ne in Mis-  
sa priuato suo nomine sacerdos pro excommuni-  
catis precetur. Sic Syluest. verb. excommunicatio.  
1. num. 2. & verb. Missa. 1. num. 8. Nauar. De orat.  
cap. 19. num. 71. Couarr. cap. Alma mater. p. 1. §.  
6. num. 4. Tolet. lib. 1. cap. 12. num. 2. Maiol. De  
irreg. lib. 3. cap. 25. num. 3. & multi alij.

---

## QVÆSTIO XCV.

*An peccet mortaliter, qui pro iis qui sunt de-  
nominatim excommunicati, & denun-  
ciati, vel publici clericorum percussores,  
Missæ sacrificium offert, non quidem pu-  
blicè, id enim omnino est interdictum,  
sed priuatim, itaut sacerdos dum gene-  
ratim pro omnibus fidelibus celebrat,  
voluntatem suam ad excommunicatos ex-  
tendat.*

Syluest. verb. excommunicatio. 1. n. 2. Tab. ibi-  
dem num. 5. & Armilla n. 9. absolutè negant.

Alij



Alij verò Doctores non minoris nominis rectius affirmant. Quia Ecclesiæ præceptū, quo vetatur pro excommunicatis Missæ sacrificium offerri violat, & hoc in re graui, ergo peccat mortaliter.

---

## QVÆSTIO XCVI.

*An liceat Sacerdoti Missæ sacrificium offerre pro excommunicatis occultis, qui non sunt denunciati, nec publici clericorum percussores.*

**R**ESPONDEO licere. Et ratio est, quia huiusmodi excommunicatos vitare non cogimur. Nauar. in Man. cap. 27. nu. 36.

---

## QVÆSTIO XCVII.

*An fas sit Sacerdoti Missam facere pro excommunicatis, quos credit pænitere peccati, ob quod fuerunt excommunicati, nondum tamen ab excommunicationis vinculo absolutis.*

**L**EDES M, in 4. q. 23. art. 1. affirmat non licere: sed sacrificium oblatum esse eis fructuosum, cum illi iam sint gratiæ diuinæ restituti.

Sotus in 4. dist. 22. q. 3. ar. 1. putat eis sacrificium vt satisfactorium non prodesse ad remissionem

K

pœna

pœnarum, quæ peccatis debentur. Quia etsi in Dei gratiam redierint, adhuc tamen sunt vinculo excommunicationis ligati, in qua quandiu persistunt, communium piorum operum capaces non sunt.

Mihi verò videtur licere orare, & eis applicare Missam, eiusque valorem saltem sub conditione, si eos verè pœnitet, modò publicè non fiat, nec expressim, & nominatim pro iis excommunicatis offeratur sacrificium Missæ. Et ratio huius est, quia Ecclesiæ mens non est ut excommunicati qui sunt per veram cordis pœnitentiam ad Deum conuersi, communium Ecclesiæ suffragiorum capaces non sint, quandiu per ipsos non stat, quominus ab excommunicationis vinculo absoluantur. Et idem arbitror dicendum de inualidè, siue nullitè excommunicatis, quos iure Sacerdos non reputat excommunicatos excommunicatione valida. Nauar. De oratione cap. 19. nu. 68.

## QVÆSTIO XCVIII.

*An sit orandum pro his, quorum peccatum est ad mortem.*

ET videtur quòd non. Nam Ioannes in prima sua canonica cap. 5. dicit: Est peccatum ad mortem, non pro illo dico, ut roget quis. Ergo pro huiusmodi qui peccant ad mortem, ex sententiâ Ioannis non est orandum.

Decisio huius quæstionis dependet ex intelligentiâ huius loci apud Ioannem, de quo Doctores sunt varij.

Glossa

Glossa. super illum locum Matth. 12. Qui dixerit verbum contra Filium, &c. affirmat peccatum ad mortem vocari solum finalem impenitentiam.

Alij verò communiter dicunt, vocari à Ioanne peccatum ad mortem illud, quod Christus Matth. 12. alio nomine appellat peccatum in Spiritum sanctum cum dicit: Qui dixerit verbum contra Filium, remittetur ei, qui autem dixerit verbum in Spiritum sanctum, non remittetur ei, &c. Sed quia non omnes eodem modo explicant, quid à Christo intelligatur per peccatum in Spiritum sanctum, idcirco variae sunt auctorum sententiae.

D. Hieronymus. super Matth. 12. dicit verbum *in Filium hominis* esse blasphemiam in Christi humanitatem iactatam. Quales fuerunt illae, quibus dixerunt, Christum esse voracem, potatorem, &c. Verbum autem *in Spiritum sanctum*, esse blasphemiam in Christi diuinitatem prolatam. Quales fuit illa, In Beelzebuc Principe daemoniorum, eiecit daemones, quae opera diuina virtute facta, virtuti Daemoum tribuebant.

D. Augustinus. in Enchir. cap. 83. docet blasphemiam in Spiritum sanctum esse finalem impenitentiam, quia excludit remissionem, quae specialiter Spiritui sancto tribuitur: blasphemiam autem in Filium esse quodcumque aliud peccatum.

D. Tho. in addit. ad 3. p. qu. 14. ar. 1. dicit, quod peccata, quae committuntur per fragilitatem, sunt in Patrem, cui attribuitur potentia. Quae vero per ignorantiam, sunt in Filium, cui tribuitur sapientia. Quae autem procedunt ex certa malitia, illa sunt in Spiritum sanctum, cui tribuitur bonitas. Et

hæc à Christo dicuntur non remitti nec in hoc sæculo, nec in futuro, non quia simpliciter, aut secundum legem remitti non possint, sed propter difficultatem remissionis ut dicunt, vel quia taliter ex malitia pura peccantes, non sunt pœnitui, ut dicit Aristoteles, raro enim pœnitent, cum non habeant in se causam pœnitendi, sicut homines, qui ex ignorantia, aut passione peccant.

Dices, si huiusmodi peccata in Spiritum sanctum, aliquando sunt remissibilia, quare in dicta epistola canonica dicitur: Pro huiusmodi peccatis non esse orandum?

Respondeo, illa verba esse posita solum ad deterrendum homines ab huiusmodi peccatis, non ad prohibendum homini orationem. Immo ut existimo, non sunt scripta ad remittendum affectum orandi pro huiusmodi peccantibus, sed ad exaggerandum, non quamcunque orationem, sed valde feruentem, vel hominis multum Deo grati, esse necessariam pro huiusmodi peccatis.

Alij verò sic hunc locum interpretantur. Quando Ioannes in sua canonica dicit: Qui scit fratrem suum peccare non ad mortem, petat, & dabitur ei vita peccanti non ad mortem. Loquitur de peccatis venialibus, quæ per orationem Dominicam remitti posse dicit: est enim oratio Dominica in remissionem venialium peccatorum à Christo instituta, ut D. Augustinus testatur. Quando autem dicit: est peccatum ad mortem, non pro illo dico, ut roget quis: loquitur de peccatis mortalibus, ad quorum remissionem orationem Dominicam non sufficere affirmat, quia necesse est illa sacramentaliter confiteri, & pro illis ieiuniis, & lachrymis satisfacere.

Nec

Nec ex hoc sequitur, esse aliquos peccatores ab oratione excludendos, vt locus citatus probare videbatur, sed tantum, quod oratio Dominica de qua solum ibi fit mentio, non est efficax remedium ad remittenda peccata mortalia.

## QVÆSTIO XCIX.

*An liceat orare pro obstinatis.*

**R**ESPONDEO licere. Ratio est, quia de nullo homine quantumlibet obstinato quandiu vivit, desperandum est, quin possit in momento Deo aspirante conuerti, vt rectè D. Augustinus monet. Vnde Apostolus 1. Timoth. 2. pro omnibus hominibus iubet fieri obsecrationes, orationes, & postulationes, quia Deus vult omnes homines saluos fieri, & ad agnitionē veritatis venire. Quare nihil obstat, quin pro eis orandum sit, vt sanctę fidei lumen recipiant, & ab impietatis errore, improbitatēque conuersi, ad sanam mentem, bonāque frugem reuocentur.

## QVÆSTIO C.

*An liceat orare pro reprobis.*

**E**T videtur quod non, quia non est licitum petere vt absolutum decretum diuinę voluntatis mutetur, sed petere vitam perpetuam reprobis, est petere aliquid contra decretum absolutum diuinę voluntatis, ergo non licet orando petere reprobis æternam vitam.

Tum quia reprobis sunt à Deo proiecti; superfluum autem omnino videtur velle reducere, quos Deus proiecit iuxta illud Eccles. 7. Nemo potest corrigere, quem Deus despexerit. Ergo pro reprobis orandum non est.

Et confirmatur, nam oratio pro talibus fusa, esset omnino, superflua, cum impossibile sit, præscitos à Deo saluari, ergo.

Tum quia Christus non legitur pro reprobis orasse sed pro electis, & aliis qui in eum erant credituri, ut habetur Ioan. 17.

Hinc, si Deus reuelet mihi quod pater meus uiuens sit præscitus, non possum pro illo orare. Similiter si Deus reuelet mihi meam damnationem, quia præscitus sum, non debco pro me orare, ne videar diuinæ voluntati contrauihere. Huius opinionis videtur esse D. Tho. 2. 2. q. 83. ar. 7. ad 3. ubi ait, Ideo non possumus hos aliter negare orationis beneficium, quia non possumus distinguere prædestinatos à reprobis, ergo è conuerso, si per specialem reuelationem possemus hos à prædestinatis distinguere, non possemus orare pro illis. Hæc ille.

—Medina G. de oratione q. 6. & Cordub. l. 1. q. q. 51. ut respondeant, supponunt Deum duobus modis reprobare homines. Vno modo absolutè, & simpliciter nullius omnino humani operis habita ratione ex parte reprobati. Alio modo ex causa penes reprobatum adherente, nempe propter scelera, quæ in reprobo ad finem usque vite future prænotant. Quia distinctione supposita, dicit quod pro eo, de quo constat esse reprobum primo modo, non licet pro eo orare, quia talis oratio esset omnino superflua, cum sit omnino impossibile, reprobum à Deo saluari.

saluari. At verò pro eo de quo constat esse reprobum secundo modo, est orandum, quia tunc illius damnatio ex libero eius arbitrio pendet, ita ut possit, si velit oblatam Dei gratiam admittere, & de malefactis per veram cordis pœnitentiam dolere.

Sed hic dicendi modus non placet, quia præsupponit non esse in Deo vnâ, & eandem rationem reprobandi hominès, sed illum quosdam reprobasse ex se, & ex sua sola voluntate, nulla præiusta culpa, alios autem culpa præiusta, quod est omnino falsum, ut ex D. Thom. colligunt Doctores 1. part. quæst. 23. art. 3. Quia Deus nullum prædestinat ad malum, neque vllum vult eiicere à Regno ex suprêmo dominio, & absoluta potestate, sed solum iuxta exigentiam vindictivæ iustitiæ.

Ut in hac autem gravi, & perdifficili quæstione dicam, quod sentio, observandum est primò, quod diuina reuelatio de malo, quod sibi vel alteri est euenturum, est duplex, scilicet, absoluta, & conditionata. Absoluta est illa, quæ fertur in res, respectu quarum diuina voluntas ita est determinata, ut ab ipsis nunquam flectatur. Quod regulariter contingit in punitione damnatorum in inferno, vbi nulla est redemptio. Et idem inuenitur interdum in aliquibus punitionibus temporalibus propter crimina quædam, quas sine vlla reuocatione Deus facere decreuit, etiam si pro misericordia oretur iuxta illud 1. Reg. 15. Scidit Dominus Regnum Israël à te hodie, & tradidit illud proximo tuo meliori te. Porro triumphator Israël non parcat, & pœnitudine non flectetur, &c.



Et Ierem. 7. Tu ergo noli orare pro populo hoc, quia non exaudiam.

Conditionata verò seu comminatoria reuelatio est illa, quæ fertur in res pendentes ex nostro libero arbitrio, cuiusmodi est illa Isa. 38. vbi dicitur Ezechia, Morieris, & non viues. Et illa Ionæ 3. vbi dicitur de Niniuitis: Adhuc quadraginta dies, & Niniue subuertetur.

Secundò est obseruandum, quòd Deus potentia ordinaria potest reuelare alicui viatori reuelatione conditionata, seu comminatoria suam, vel aliorum damnationem, quia hæc reuelatio non repugnat legi, & ordinationi diuinæ. Et sic intelligenda est illa reuelatio facta à Christo Pharisæis Ioannis 8. Et in peccato vestro moriemini.

Absoluta autem reuelatione non potest Deus de potentia ordinaria reuelare alicui suam damnationem. Et ratio est, quia hæc reuelatio repugnat legi diuinæ, qua Deus statuit, vt omnes sperent beatitudinem.

Tum quia ille homo induceretur in desperationem, & fieret negligens in obseruatione præceptorum, immo incitaretur ad peccandum, quæ omnia sunt cõtra legem diuinam. Vnde quoties alicui fit reuelatio de sua, vel aliorum damnatione, etiã si nulla apponatur cõditio, tenetur credere talem reuelationem non esse prophetiam præscientiæ, sed comminationis, quæ reuelatio includit conditionem, vt docet D. Th. in 3. dist. 38. q. vnica ar. 4. & de veritate q. 23. ar. 8.

Hinc, non est audiendus D. Bonauentura in 1. dist. 38. qn. 1. Qui asserit fieri non posse, etiam de potentia Dei absoluta, quòd alicui viatori, manente



nente viatore, fiat absoluta reuelatio à Deo de sua æterna damnatione. Quia talis homo non posset sperare, nec consequi beatitudinem, quod rationi viatoris repugnat. Non est igitur audiendus, quia non magis repugnat statui viatorum certa, & absoluta reuelatio de sua condemnatione, quàm de æterna beatitudine, sed Deus alicui de facto reuelauit suam prædestinationem, s. Beatissimæ Virgini, Beatis Apostolis, Sanctæ Mariæ Magdalenzæ, & S. Francisco, ergo etiam poterit reuelare æternam damnationem. His itaque iactis fundamentis

Primò dico, quòd licitè possumus nominatim rogare Deum pro prædestinatis, nulla facta mentione de reprobis. Tum quia non semper quòd orationem fundimus ad Deum, tenemur orare pro omnibus.

Tum etiam quia mos est Ecclesiæ interdum pro solis prædestinatis orare, vt constat ex illa oratione, quæ incipit, *Deus, cui soli cognitus est numerus electorum*, &c.

Secundò dico, quòd nulla ratione cogimur reprobos nec in genere, nec in particulari à nostris orationibus excipere. Quod patet exemplo Christi, qui cùm esset in cruce, pro crucifixoribus Patrem rogauit, quorum aliquos, certū est fuisse reprobos.

Tum quia licet nostra oratio pro reprobis fusa pro gloria obtinenda prodesse non possit, vt minùs tamen peccent, atque ex consequenti, vt minùs puniantur, poterit prodesse, & sic erit vtile etiam pro reprobis orare.

Tertiò dico, quòd si Deus mihi reuelet Petrum esse reprobum, regulariter loquendo possum, & debeo pro illius salute æterna orare. Et ratio est,

K s quia

quia talis reuelatio regulariter loquendo est intelligenda fieri conditionaliter, etiamsi conditio non exprimatur, sed reuelatio conditionalis non tollit, quominus speremus propriam, vel aliorum salutem, ergo nec quoddam pro illius consequutione oremus.

Quartò dico, quoddam si per reuelationem certò mihi constat, aliquem esse reprobum, possum pro illo orare ex affectu simplici, desiderando, quantum est ex parte nostra, salutem eius, & petendo ut Deus det illi sufficiens auxilium, quo saluus esse possit, si velit, quia talis petitio est consentanea charitati proximi, & non est repugnans voluntati Dei, qui vult omnes homines saluos fieri.

Quintò, & ultimò dico, quoddam si per reuelationem certò mihi constat Caium esse præscitum, non mihi licet orare pro illo petendo vitam æternam, ex absoluta, & efficaci voluntate, idest absolute petendo, ut reipsa salutem consequatur. Ratio est, quia cum in hoc casu voluntas Dei sit absoluta, esset superflua, & temeraria oratio.

Hinc, non possum in hoc casu desiderare reprobo auxilium efficax. Et ratio est, quia ex tali reuelatione constat, Deum ex se, & absolute decreuisse non dare tali reprobo huiusmodi auxilium, sed non licet desiderare, etiam simplici affectu, ut fiat oppositum eius, quod Deus sic decreuit, ergo.

Dices, Caius in eo casu teneretur pro se orare, & de sua salute æterna sperare, ergo & nos similiter possumus de sua salute sperare, & consequenter pro eo orare.

Huic obiectioni Magister Victoria respondet dicens, quod Caius in tali casu simpliciter, & absolute potest, & tenetur sperare. Et probat, quia si in casu posito non teneretur sperare, sequeretur, quod nec etiam teneretur seruare præcepta diuina, atque ex consequenti, quod ea violans non peccaret. Consequens est falsum, ergo. Probatur sequela, nam si non posset sperare beatitudinem, nec etiam posset velle efficaciter illam consequi, & consequenter nec ponere media necessaria ad illam obtinendam.

Cæterum solidum huius sententiæ fundamentum non video, & ideo non placeo sed existimo in eo casu, Caium non posse, nec teneri sperare beatitudinem. Et ratio est, quia deest illi obiectum spei, quod sperare non potest. Probo antecedens, obiectum spei est bonum arduum possibile, sed ille non apprehendit beatitudinem vt bonum sibi possibile: certò enim credit se fore damnandum, ergo non habet obiectum spei.

Et confirmatur, nam Dñs Tho. suprà q. 18. art. 3. probat damnatos non posse habere spem, quia non apprehendunt beatitudinem vt possibilem: sed eadem est ratio de Cajo, cui, vt suppono, facta est reuelatio absoluta de sua æterna damnatione, ergo.

Tum quia spes est certa expectatio futuræ beatitudinis, sed Caius in hoc casu non potest habere certitudinem de sua beatitudine, sed potius de opposito, ergo nec potest, nec debet illam sperare, cum impossibile nulla sit obligatio.

Ex quo sequitur, cum, cui facta est talis absoluta  
reuelatio

reuelatio de sua æterna damnatione, nec debere, nec posse efficaciter intendere, aut petere beatitudinem, cùm hæc oratio tunc non minùs frustra fieret, quàm si Deus absolutè reuelasset quoduis aliud malum temporale euenturum, vt diximus. Posset tamen & deberet petere auxilium Dei ad non peccandum. Similiter posset, & deberet conari ad vtendum illo auxilio cum effectu, quia hoc totum est simpliciter possibile, non obstante diuina præscientia. Posset tandem, & deberet petere auxilium ad minuenda peccata, & ad bene operandum, quod per se honestum est.

Et ad fundamentum Victoriz respondeo negando consequentiam. Et ratio negationis est, quia licèt sit verum, quòd Caius in casu posito non teneatur seruare præcepta diuina, inquantum sunt media ordinata ad beatitudinem; tenetur tamen illa seruare ad vitandam nouam culpam, & maiorem pœnam.

## QVÆSTIO CI.

*Quenam petenda sint in oratione.*

**P**RO huius quæstionis intelligentia, obseruandum est, primò, quòd bona, quæ possunt à Deo postulari, sunt in duplici differentia. Quædam enim sunt, quæ absolutè. & simpliciter, & per se bona sunt, & secùdum se appetibilia, quibus homo malè vtì non potest, qualia sunt, peccatorum venia, vita æterna, fides, spes, charitas, gratia, ac cæteræ virtutes morum, & Spiritus sancti dona, quæ charitatem comitantur.

Alia

Alia autem sunt bona, quadam tantum ex parte, quibus homo potest bene, & malè uti. Qualia sunt, aut bona interna animi, ut ingenij perspicuitas, artes, disciplinæ: aut bona corporis, ut vita, salus, integritas membrorum, pulchritudo, agilitas; aut sunt bona externa, ut sunt amicitia, opes, vxor speciosa, pulchræ proles, dignitates, honores, potentia, & similia, ad quæ reducuntur quædam supernaturalia dona iustis, & iniustis communia, quales sunt gratia gratis data, ut donum linguarum, interpretatio sermonum, gratia sanitarum, &c. Quo posito certum est apud omnes, hæc omnia supradicta posse licitè à Deo peti: & ratio est, quia licitum est in oratione petere id quod licitum est desiderare, ut ait D. Aug. ad Probam. Atqui licitum est hæc omnia desiderare, ergo licitum est ea in oratione petere.

## QVÆSTIO CII.

*Sed quod in dubium vertitur est, An hæc bona possint absolutè, & determinatè à Deo peti.*

**R**ESPONDEO, & dico primò, quòd prioris generis bona possunt absolutè, & determinatè à Deo peti. Et ratio est; quia hæc bona sunt maxime per se honesta, & amabilia & præcipuè à Deo intenta, & in gloriam suam, ac bonum nostrum desiderata, ergo absolutè, & determinatè à nobis peti possunt.

Tum quia illa sunt absolutè petenda, quibus  
non

158 DE ORATIONE IN COMMUNI  
non possumus malè uti; & quæ ex se conducunt,  
vel necessaria sunt ad æternam vitam: talia autem  
sunt bona primi generis, ergo.

Hoc idem constat ex oratione Dominica, in qua  
simpliciter petimus: Sanctificetur nomen tuum:  
Adueniat regnum tuum: Fiat voluntas tua, sicut in  
cælo, & in terra.

Patet etiam exemplo Christi, qui ut exemplum  
nobis daret, rogauit absolutè pro fide Petri, & pro  
remissione peccati crucifigentium ipsum. Hoc ip-  
sum fecerunt sancti, ut constat ex illo Psal. 26. Di-  
rige me in semita recta propter inimicos meos. Et  
ex illo Psal. Ostende faciem tuam, & salui eri-  
mus. Item Ecclesia absolutè petit: Omnipotens,  
sempiternus Deus, da nobis fidei, spei & charitatis  
augmentum.

Dices, etsi hæc bona secundùm se sint maxime  
appetibilia, nihilominus possumus ex illis super-  
bire, & ita illis aliquo modo abuti, & ideo non  
obstante qualitate talium bonorum, respiciendo  
ad nostram miseram conditionem, debemus ea sub  
conditione petere.

Respondéo, hanc occasionem malè esse omnino  
per accidens, & extraneam respectu talium bonorum.

Secundò dico, quòd bona secundi generis non  
sunt absolutè, & determinatè à Deo petenda, nisi  
quatenus vel necessaria sunt, vel utilia, aut conue-  
nientia ad æternam vitam, seu quatenus Deus plas-  
tuerit ea conferre, & prout ipse viderit expedire.  
Patet primò, exemplo Christi, qui cum Patrem  
oraret, ut talicem eis transferret, rem totam re-  
iecit in Patris voluntatem, dicens: Veruntamen  
non mea, sed tua voluntas fiat.

Secundò

Secundò patet ex Dominica oratione, in qua petimus: Fiat voluntas tua, sicut in cælo, & in terra. Cui petitioni contrariè videtur, qui absolute, & determinatè aliquid horum petit. Vnde filij Zebedæi à Christo repulsi sunt, cum absolute ab eo peterent, vt vnum poneret à dextris, & alterum à sinistris in Regno suo. Nescitis, inquit Christus, quid petatis.

Tertiò patet ratione, quia iis possumus malè vti, & sapè sunt nobis exitio, de quo cèrti esse non possumus, vt ait Apostolus ad Rom. 8. Quid oremus, sicut oportet nescimus: ergo temeritas quædam est illa absolute petere, sed cum remissione ad Dei beneplacitum, si ipsa profutura cognouerit ad æternæ beatitudinis consequutionem. Vnde Glossa 2. Cor. 12. ait, "quando temporalia petitis, cum modo petite, & cum timore ei committite, vt si proficiat, derisi scit obesse, non derisio quid enim proficit, vel obstat: medius nouit, non agrotus. Hec Glossa Augustini. Quare tenenda est Regula, quam tradit D. Augustinus, quem citat, & sequitur Nauar. de oratione cap. 19. num. 162. nimirum nos sanctè petere posse à Deo bona temporalia, tum in genere, tum in specie, non quidem propter se, & tanquam finem, sed propter aliud, & tanquam instrumenta virtutum, vt sic melius Deo seruiamus, & castius, iustius, temperantiùs, studiosius, & sanctius viuamus: adiecta tacite, vel expresse conditione, *si placuerit sua Maiestati.*

Ex quo inferatur, in istis optimam orandi formam esse rogare Deum, vt nobiscum agat, sicut nouit expedire ad suam gloriam, & salutem nostram.

Hinc, qui à Deo in oratione petit bona temporalia



160 DE ORATIONE IN COMMUNI  
ralia tanquam vltimum finem, peccat mortaliter.  
Et ratio est, quia affectus ad temporale bonum, vt  
ad vltimum finem, est peccatum mortale, contra-  
rium dilectioni Dei super omnia.

Tum quia postulare à Deo complementum hu-  
ius desiderij, seu affectus, speciale peccatum est  
contra Religionem, quia est petere à Deo com-  
plementum prauī desiderij.

---

## QVÆSTIO CII.

*An semper sit necessarium, quòd talis conditio  
in oratione exprimatur, an verò satis sit,  
quòd virtute in petitione subintelligatur.*

**R**ESPONDEO satis esse illam virtute subintel-  
ligi: nec est opus, vt verbis explicetur, vt  
constat ex illo Prouerb. 30. vbi Salomon sine ali-  
qua conditione bona temporalia postulabat, di-  
cens: Diuitias, & paupertatem ne dederis mihi, sed  
tantum victui meo tribue necessaria. Item ex illa  
petitione orationis Dominicę: Panem nostrum  
quotidianum da nobis hodie. Per quam suppono  
peti sine conditione panem etiam corporalem, vt  
Chrysostomus, & alij exponunt.

Consonat etiam illud Gen. 28. Si fuerit Domi-  
nus mecum, & dederit mihi panem ad vescen-  
dum, & vestimentum ad induendum, &c. erit mi-  
hi Dominus in Deum. Vbi petitio talium bono-  
rum non solum absoluta est, sed etiam voto con-  
firmata.

Pateet



Patet etiam ex vsu Ecclesiæ, quæ in litanis, & collectis sæpe absolutè postulat, vt Deus pluuiam, vel serenitatem, vel fructus terræ dare, & conseruare dignetur.

## QVÆSTIO CIII.

*Vtrum sit peccatum bona temporalia per se desiderare & petere à Deo.*

**V**ALENTIA 2.2. disp. 6. q. 2. p. 5. affirmat. Putat enim petitionem istam, vt sic non posse pertinere ad diuinum cultum, quia continet petitionem rei indecentis à Deo.

Mihitamen placet opinio aliorum asserentium, quòd si is qui orat, ita ea desiderat, ac petit, vt non curet, sintne ipsi futura salutaria, an non, peccat. Et ratio est, quia illa plus amat, quàm propriam salutem. Si tamen speret non futura nociua saluti, non videtur desiderium, quo illa per se appetuntur, esse malum, modò ea cum moderatone appetantur, quia sunt bona indifferentia. Vnde si quis ea sic petit à Deo, non videtur peccare, nam Iudæi talia à Deo petebant, & talium bonorum in veteri testamento promissiones pro legis obseruatione acceperant, si tamen desiderium, & sollicitudo modum excedant, peccatum est.

Tum quia huiusmodi bona conferuntur à Deo in præmium, & remunerationem bonorum operum, quæ in statu lethalis peccati fiunt, iuxta illud, Quæ cum mortali bona fiunt, dant bona ter-

162 DE ORATIONE IN COMMUNI  
ræ, ergo peti possunt absque peccato, præmium enim ex peti potest.

Tum quia huiusmodi oratio licet proficiatur à desiderio habendi rem indifferentem, nihilominus petitio, seu desiderium habendi rem indifferentem, si ex bono motivo eliciatur, vel si res illa consentanea sit naturæ, non est indifferens, nec malum.

Tum quia actus circa rem indifferentem, si iuxta dictamen rectæ rationis fiat, bonus est in indiuiduo, ut docui in nostro speculo confessoriorum. Dum autem huiusmodi res in oratione petuntur, regulariter petuntur iuxta dictamen rectæ rationis, præscribens non solum ea peti posse, quæ ad Dei cultum referuntur, verum etiam quæ ad vitam nostram traducendam conducunt: sicut enim cuique à natura datum est, ut seipsum tueatur, & seruetur: ita etiam tributum est, ut debitis utatur medijs ad hunc finem obtinendum.

Tum demum, quia res indifferens non tollit bonitatem, quam actus ex sua natura, & ex obiecto habet: oratio autem est actus ex sua natura bonus, respiciens Deum tanquam obiectum.

Et ad fundamentum Valentis respondeo, negando huiusmodi petitionem non pertinere ad Dei cultum, si fiat iuxta rationis dictamen, & sine immoderato affectu, vel sine periculo abutendi temporalibus bonis.

---

### QVÆSTIO CIV.

*An petere à Deo huiusmodi bona temporalia  
sit opus imperfectionis.*

SVNT;

**S**VNT, qui affirmant. Quia consilij Euangelici est, bona temporalia contemnere, iuxta illud Matth. 19. Si vis perfectus esse, vade, vende quæ habes, & da pauperibus. Et illud Matth. 6. Nolite solliciti esse animæ vestræ, quid manducetis: ergo opus imperfectionis est, hæc omnia postulare.

Ego autem in primis existimo, quod non est opus imperfectionis ea bona temporalia petere à Deo, quæ ad huius vitæ conseruationem sunt necessaria. Ratio est, quia vnusquisque ex charitate tenetur seipsum diligere, ac proinde ea bona quærere, quæ necessaria sunt ad sui conseruationem, ergo si illa petat à Deo, non erit opus hominis imperfecti.

Secundò existimo, quod opus imperfectionis est, ea bona à Deo postulare, quæ superflua sunt, etiamsi ad bonum finem ordinentur Ratio est, quia horum bonorum petitio, quamuis licita sit, si id fiat ob bonum finem, semper tamen est valde periculosa, iuxta illud psalm. 36. Melius est modicum iusto, super diuitias peccatorum multas. Et illud Prouerb. 30. Mendicitatem & diuitias ne dederis mihi. Sed fieri non potest, vt sit opus perfectionis ea bona petere à Deo, quorum possessio sine periculo animæ non inuenitur, ergo illa petere, erit opus imperfectionis.

Et ad fundamentum contrariæ opinionis respondendo, falsum est, esse opus hominis perfecti ea bona temporalia contemnere, quæ ad vitæ conseruationem sunt necessaria. Nec obstat illud Matthæi 19. Si vis perfectus esse, &c. quia Christus eo in loco solum consuluit, vt solum abiiciamus rerum te-

164 DE ORATIONE IN COMMUNI  
potatum dominium, non autem usum facti.

Ad illud verb. Matth. 6. responderetur, ibi solum prohiberi de huiusmodi bonis nimiam, & anxiam sollicitudinem, quæ perturbat animum; qui autem illa petit à Deo, non est anxius.

Dices, Matth. 6. Christus dixit. Primum querite Regnum Dei, & hæc omnia adicientur vobis. Super quo Diuus Augustinus ait bona temporalia non esse querenda.

Respondeo, Christum eos tantum damnare, qui principaliter de crastino solliciti sunt, quid scilicet comedent, quid induent, non tamen prohibet, quin minus principaliter possint queri & appeti.

Iterum obiicies illud Psalmi 61. Diuitiæ si affluant, nolite cor apponere. Vbi videtur prohiberi affectus, & desiderium diuitiarum.

Respondeo, Christum contra eos loqui, qui diuitias cor apponunt, quales sunt, qui eas appetunt, & querunt ut eis fruantur, finem suum ultimum in illis collocantes; non tamen damnat eos, qui diuitias possident, & petunt, ut eas in pias causas, & gloriam Dei expendant.

---

## QVÆSTIO CV.

*An liceat absolute petere in oratione omnes  
virtutes morales.*

MEDINA C. de oratione negat. Quia multæ sunt virtutes in specie, quæ sine bonis temporalibus haberi non possunt: sed hæc non sunt absolute, & determinate petenda, ergo neque præ-

fatæ

fatæ virtutes. Minor propositio patet ex dictis. Maior verò probatur, de liberalitate, & magnificentia, quæ citra bona fortunæ comparari non possunt: & de fortitudine bellica, quam dicit citra arma, & vires haberi non posse.

Sed hæc opinio mihi non probatur, quia vè egregiè monet D. Thom. cum Magistro in 3. dist. 31. quæst. 2. art. 4. & 1. 2. quæst. 67. ar. 1. virtutes morales manent in patria, & tamen certum est, ibi nulla futura bona temporalia, quæ per liberalitatem, & magnificentiam distribuuntur. Quare dicendum est in vniuersum omnes virtutes morales esse absolute petendas. Et ratio est, quia omnis virtus ex se est bonum honestum, bonum autem honestum nulla ratione fieri potest, vt sit periculosum, & sic non est, cur sub conditione petatur.

Argumentum autem Medinæ solum concludit, quantum ad exteriorem actum, seu exercitium virtutum moralium: quia licet ille vsus simpliciter bonus sit, nihilominus propter periculum non est absolute, & determinate petendus, sed adhibita conditione: hoc tamen non obstante, quoad substantiam earum, desiderari, & peti possunt, immò & exerceri, quoad affectum, & internum animi propositum; nam per se honestæ sunt. Vnde vt aliquis sit magnificus, aut liberalis, sufficit voluntas efficax magnificè, & liberaliter operandi, quod autem in ipsis plus, aut minus possit, est per accidens.

Ex quo sequitur, multos non habentes diuitias, posse, & solere sæpius habere voluntatem dandi; si eis abundarent, & multos debiles, & infirmos posse, & solere velle iuste pugnare, occidere, &

mori ob defensionem Reipublicæ, si possent: Et hi actus sunt proprii liberalitatis, & fortitudinis, ac proinde possunt eas gignere, quia illæ sunt habitus, & habitus ex frequentatis actibus generantur.

Dices quandoque contingit, ut virtutibus abutamur, ergo etiam virtutes sunt petendæ sub conditione, si nobis profuturæ sint ad salutem animæ.

Répondeo, hoc esse valde per accidens: non enim tunc ipsæ sunt directè instrumenta peccati, sed occasionaliter, & remotè. At bona temporalia quia sunt in se indifferentia, æquè possunt directè conferre ad æternam mortem, atque ad æternam vitam, & propterea cùm petuntur, opus est peculiari eorum relatione ad æternam vitam.

## QVÆSTIO CVI.

*Vtrum auxilium sufficiens sit à Deo petendum.*

**E**T videtur quòd non, quia superfluum est petere id quod scimus Deum ex se statuisse omnibus dare, atqui tale est auxilium sufficiens, ergo non est à Deo petendum.

Hoc tamen minimè suffragante, est contrarium dicendum. Ducor, quia licet Deus paratus sit ad dandum auxilium sufficiens, tamen hanc ipsam voluntatem vult habere suum effectum, media oratione nostra.

QVÆ

## QVÆSTIO CVII.

*An liceat absolute petere auxilium efficax.*

**I**N qua re, in primis certum est, auxilium sufficiens absolute esse petendum. Et ratio est, quia hoc semper est conforme diuinæ voluntati.

## QVÆSTIO CVIII.

*Sed totum controuersia diffidium versatur, de auxilio efficaci, An scilicet sit absolute petendum.*

**N**ONnulli negant, quia huiusmodi auxilium omnino pendet ex diuinâ præordinatione, & ideo non videtur licite illud petere nisi adhibitâ conditione.

Contraria tamen sententia vera est, & tenenda, nempe, absolute esse desiderandum, & petendum, sicut etiam perseuerantia in gratia, & æterna vita absolute desideranda est, nulla quoad hoc habita ratione illius diuinæ voluntatis, qua quosdam elegit, & efficaciter ordinauit ad gloriam per media congrua, quosdam verò non ita elegit, aut ordinauit, quia nos non tenemur conformari huic voluntati diuinæ, sed illius, qua vult nos procurare salutem nostram; nam hoc est, quod ad nos spectat.



## QVÆSTIO CIX.

*An liceat absolute petere à Deo, tantam gratiæ perfectionem, quantam Beata Virgo habuit.*

**Q**UIDAM absolute negant, quia videtur temerarium, cum sit hoc omnino miraculosum, & extra legem ordinariam providentiæ diuinæ.

Alij vero affirmant, quia tota illa sanctitas secundum se maximè appetibilis est, & quantum est ex parte nostra, unicuique esset maximè conueniens, si ei daretur, ergo.

Tum quia Deus ex se paratus est ad dandum nobis quamcunque perfectionem, aliàs quòd simus minus sancti ex Deo esset, & non ex nobis, quod dici non potest. Pro quo

Dico primò, quòd loquendo de quodam affectu simplici, vel voluntate conditionata, quæ interdum exercetur ad excitandum affectum erga Deum, sic non est illicitum desiderare gratiam, & sanctitatem, quam habuit Beatissima Virgo, quia hoc solum est complacere in excellentia illius sanctitatis, & in habenda illa, si nobis conferre Deo placuisset.

Secundò dico, quòd per modum intentionis efficacis, velle consequi puritatem Beatæ Virginis, vel illam petere, animo, & fiducia eam obtinendi, temerarium est, quia est omnino miraculosum, & contra legem ordinariam providentiæ diuinæ, etiam supernaturalis. Vnde quoad similes effectus,

non



non est absurdum concedere Deum ex se non esse paratum ad præstandos, neque dedisse media secundum legem ordinariam ad obtinendam tantam gratiæ puritatem. Potest autem peti absolute tota illa sanctitatis perfectio, quæ secundum legem ordinariam comparari potest per media præstituta à Deo, quæ sine miraculo conferri solent.

## QVÆSTIO CX.

*An liceat orando petere à Deo absolute, ut nos à malis eripiat.*

**S**VPPOSITO, quodd mala, à quibus petimus liberari, sunt in duplici differentia, quædam enim sunt, quæ simpliciter per se, & omnino mala sunt, qualia sunt mala culpæ. Alia verò sunt mala quadam tantum ex parte, qualia sunt mala pænæ. Nunc ad propositam quæstionem respondeo, quodd à malis quidem culpæ simpliciter, & absolute à Deo petimus, ut nos eripiat, ut patet ex oratione Dominica, ubi absolute petimus, Dimitte nobis debita nostra. Et, Libera nos à malo. A malis verò pænæ adhibita conditione petimus liberari, exemplo Christi, qui cum postularet, ut à se calix transiret, rem totam Patris voluntati subiecit, dicens: Veruntamen, non mea, sed tua voluntas fiat.

## QVÆSTIO CXI.

*An liceat in oratione petere à Deo aliqua  
mala, sibi, vel aliis.*

**E**T quidem certum est, nullo modo licere mala culpæ, vel sibi, vel aliis quantumcunque inimicis imprecari, aut illa petere à Deo. Ratio est, quia hoc est contra charitatem, qua nos, & proximos diligere debemus.

## QVÆSTIO CXII.

*Sed tota difficultas est de malis pœnæ.*

**S**ED respondeo, & dico primò, quòd non est de malo, petere huiusmodi mala, vel sibi, vel aliis. Ratio est, quia huiusmodi mala, non sunt mala simpliciter, sed indifferentia, eruntque bona, si ob finem bonum, & honestum appetantur, ergo ex tali intentione licitè etiam peti possunt à Deo.

Secundò dico, quòd nullo modo possumus nos hæc mala nobis inferre. Ratio est, quia non quid-  
quid licet desiderare, licet facere, quia potest desiderari, ut ab alio fiat, à quo licitè fieri potest. Sic Iob, & Paulus mortem desiderabant, quam inferre sibi non poterant.

Tertiò dico, quòd nō licet petere hæc mala proximis, ut à nobis orantibus inferenda, ut petenda à Deo vires, & auxilium, quo possimus

de

de inimicis vindicare. Et ratio est, quia hoc est petere id quod facere nobis non licet, & ideo talis oratio non solum Deo non placet, sed etiam fit nobis in peccatum, iuxta illud Psalmi 108. Et oratio eius fiat in peccatum.

Quartò dico, quòd non licet petere malum proximo, in malum eius, ibi sistendo, quia hoc esset petere ex odio proximi, quod intrinsecè malum est.

Quintò dico, quòd non licet petere hæc mala proximo in vindictam iniuriæ, aut damni nobis illati. Ratio est, quia hoc nullam habet rationem honesti, immò est contra præceptum de dilectione inimicorum.

Hinc malè orant, qui cùm non possint de inimicis vindictam aliunde sumere, vel non audent, petunt à Deo, Domine vindica me.

Sextò dico, quòd licitum est in oratione petere inimicis mortem, exilium, paupertatem, &c. non solum vt peccatum agnoscant, & conuertantur, aut vt non tam grauiter peccent, sed etiam in omnibus illis casibus, in quibus licitum est nobis illis malum inferre, immò & illos interficere. Ratio est, quia quando inimici nos oppugnant, aut nostra bona iniuste inuadunt, licitè possumus seruata iuris forma illa mala eis inferre, habemus enim tunc bellum iustum, in quò omnia illa mala inferre licitum est, vt in nostro Speculo cōfessionum latè diximus, ergo etiam est licitum tunc illa mala eis optare, peteréque à Deo, vt ipse ea inferat, nulla habita ratione conuersionis eorum.

Hinc licitum est petere à Deo, vt è vita tollat

Tur.

Turcam, aut tyrannum aliquem, vt cessent eorum peccata, & hæresiarcham, vt finem eius hæreses habeant, si aliter illud malum vitari non potest. Quia in tali casu præferimus commune bonum priuato incommodo, vel postponimus corporale detrimentum spirituali, quod est officium charitatis. Vnde Cyrillus in quadam epistol. ad Augustinum orabat Deum, vt hæreticum quemdam, resipiscere nolentem occideret. Et Sancta Anastasia rogabat Deum vt suum maritum Publium de medio tolleretur, vt daret locum Sanctis, si non erat finaliter corrigendus.

Septimò dico, quodd licet petere mortem homini peccatori non absolute, sed conditionaliter, si tandem se non sit emendaturus. Et ratio est, quia qui perseueraturus est in peccato usque ad mortem, bonum est, vt quàm citissime moriatur, cum quantò citius obierit, tantò minùs peccabit, & tantò minùs in inferno cruciabitur: sed omne id, quod habet rationem boni respectu aliorum, potest licitè peti, ergo & quodd ille moriatur.

Octauò dico, quodd homini iusto licitum est mortem optare, illamque petere à Deo, si probabiliter timetur, ne diutius viuens damnandus sit. Et ratio est, quia maximum Dei beneficium est, quodd iusti eripiantur ab hoc sæculo nequam, iuxta illud Sap. 7. Raptus est, ne malitia mutaret intellectum illius, aut fictio deciperet animam eius. Sed quodcunque Dei beneficium est semper licitum petere ab illo, ergo & quodd iusto mortem inferat, quando est timor quodd longior vita allatura est occasionem peccandi.

Nonò

Nonò dico, quòd licitum est optare hæc incommoda temporalia proximo propter maiorem profectum eius spiritualem, nam hoc etiam est officium charitatis.

Decimò, & ultimò dico, quòd non solum propter culpam vitandam, sed etiam ut vitemus alias huius vitæ calamitates, quæ nobis inferunt molestiam, licitum est, nobis mortem optare, illamque petere à Deo. Quia ut dicit Sapiens Eccles. 30. Melior est mors, quàm vita amara. Sed è duobus malis minus licitè eligitur. Vnde Iob graui illa sua miseria oppressus, dicitur mortem optasse, pro illaque Deum orasse, nec in eo peccauit, vt Scriptura eo in loco affirmat. Et Helias 3. Reg. 19. huius vitæ, atque laborum, quos à Iezabella impia Regina perferebat, tædio affectus mortem optabat.

---

### QVÆSTIO CXIII.

*An bona temporalia per Christum peti possint, aut debeant.*

**E**T quidem certum est, spiritualia omnia per Christum peti posse, ac debere, vt ex infra dicendis constabit.

Sed tota difficultas consistit, de bonis temporalibus.

In qua re etiam est certum, bona temporalia quatenus sunt adminicula virtutum, peti posse per Christum. Et ratio est, quia talia bona sub ea ratione considerata spiritualia censentur. Vnde sub merito

merito cadere possunt, & ideo etiam Christus illa nobis promeruit. Unde Ecclesia quando salutem corporalem, pluuiam, serenitatem, victoriam contra inimicos, & alia huiusmodi petit, concludit orationem, *Per Dominum nostrum Iesum Christum*. Quia semper postulat hæc bona in ordine ad spiritualem salutem, ut in oratione pro infirmis ait: ut reddita sibi sanitate, gratiarum tibi in Ecclesia tunc referant actiones. In oratione pluuiæ: Ut præsentibus subsidiis sufficienter adiuti sempiterna fiducialius appetamus. Et sic de aliis.

### QVÆSTIO CXIV.

*Totum ergo huius controuersie dissidium est, quando hæc bona postulantur à Deo tantum propter commoditatem naturæ, recta ratione regulatam.*

SUNT qui negant, quoniam petere aliquid per Christum est propter eius merita postulare, ac Christus non meruit nobis temporalia bona sub ea oratione spectata, quia non venit, ut hæc temporalia commoda nobis mereretur, sed ut salutem æternam, & media ad illam obtinendam, nobis obtineret; ergo non possumus nos temporalia bona hoc modo considerata per ipsum postulare. Quod etiam voluit significare D. Augustinus tract. 73. & 102. in Ioannem, quando dixit: Non petitur

in nomine Saluatoris, quidquid petitur contra rationem salutis.

Mihi tamen placet opinio aliorum asserentium, quacunque ratione boni honesti hæc bona petantur, posse peti per Christum. Et ratio est, quia quidquid ipse Christus in oratione sua petere docuit, potest per ipsum postulari: atqui ipse docuit petere etiam subsidium temporale dicens: Panem nostrum quotidianum, ergo.

Tum quia, quidquid petitur sub ratione boni honesti, etiamsi à petente non referatur ad altiorē finem, ex se est aptum referri, & est quoddam adminiculum quo adiuvemur ad obtinendam beatitudinem, & ex parte Dei semper datur propter hunc finem, ergo iuste potest peti per Christum.

Tum quia qui prudenter, & ex vera fide, & Religione huiusmodi bona à Deo petit, non absolute, sed tacite sub remissione ad ipsius beneplacitum, si ipse profutura cognoverit ad æternæ salutis consequutionem ea postulat, ergo hoc satis est, ac sufficit, ut talia possimus per Christum postulare. Unde arbitror Christum nobis meruisse hæc bona temporalia, quatenus sunt instrumenta virtutum, & quamvis à nobis quando illa petuntur, ad hunc finem non referantur, semper de se conferunt ad illum finem, & à Deo sub ea ratione semper traduntur.

Pater etiam hoc ex usu Ecclesiæ, quæ semper per Christum petit, etiamsi interdum temporalia perat, non facta expressa mentione profectus spiritualis, ut in multis orationibus contra persecutores, vel pro peste animalium, &c.



## QVÆSTIO CXV.

*An Deus orari possit non solum in virtute  
meritorum Christi, verum etiam  
Sanctorum.*

**R**ESPONDEO affirmatiuè, vt constat ex illo psal.  
131. Memento Domine Dauid, & omnis mā-  
suetudinis eius. Et ex illo Dan̄elis cap. 30. Ne aufe-  
ras misericordiam tuam à nobis propter Abraham  
seruum tuum.

## QVÆSTIO CXVI.

*An qui à Deo petit aliquid, quod est peccatum  
mortale, peccet mortaliter.*

**R**ESPONDEO, cum peccare mortaliter du-  
plici ratione. Primò propter malam volunta-  
tem quam habet committendi illud peccatum. Se-  
cundò propter contumeliam quam per talem pe-  
titionem Deo irrogat, faciendo eum authorem  
peccati. Vnde vtramque hanc malitiam necessariò  
tenetur in confessione explicare.

## QVÆSTIO CXVII.

*An qui à Deo petit aliquid, quod est peccatum  
veniale, peccet mortaliter.*

**E**T videtur quòd non, cum sit de re leui.  
Contrarium tamen arbitror esse dicendum,  
quo



quoniam si is qui ita Deum precatur, scit esse peccatum, quod petit, & nihilominus à Deo id petit, grauem ei infert iniuriam, quia quantum in se est, destruit infinitam Dei bonitatem, quæ non patitur secum approbationem alicuius peccati: & est peccatum blasphemix, quia dum sciens, & prudens petit à Deo quod scit esse peccatum, insinuat Deo placere tale peccatum, atque ex consequenti Deum non esse summè bonum. Vnde in hoc casu respectu Dei non potest dari materia leuis, sed tota est grauis, sicut in iuramento assertorio, semper est peccatum mortale, etiam si mendacium, quod iuratur, sit de re leuissima, quia facere Deum testem falsi, ingens blasphemia est, ita ergo petere ab illo, vt sit author peccati, etiam minimi, valde est illi iniuriosum, ac proinde peccatum mortale.

## QVÆSTIO CXVIII.

*An qui à Deo petit rem indifferentem, id est, nec turpem, neque honestam, nec relatam ad honestatem, aliquod peccatum committat. Vt si quis dum ludit, petit à Deo felicem exitum, & lucrum, nihil aliud quàm lucrum respiciendo.*

**R**ESPONDEO cum peccare. Et ratio est, quia petit rem indecentem à Deo. Et in hoc omnes Auctores conueniunt.

## QVÆSTIO CXIX.

*Sed dubium est, An peccet mortaliter.*

**A**I V N T quidam cum peccare mortaliter. Mihi autem videtur dicendum, cum peccare solum venialiter. Ducor, quia qui sic Deum precatur, non petit rem, quæ sine peccato fieri non potest, nam cum sit indifferens, quantum est ex se, potest sine peccato desiderari, aut fieri, & quamuis peccet, qui sine fine honesto id desiderat, aut petit, tamen qui sic orat, non petit ipsam carentiam honesti finis, sed solum rem indifferenter, & licet ipse in modo petendi, peccet, tamen quia ipse non petit modum, sed rem, quæ potest haberi sine peccato, ideo non petit à Deo peccatum: ac proinde licet illa oratio bona non sit, non est tamen mortalis.

Ex his omnibus infertur primò, cum peccare mortaliter contra virtutem Religionis, qui iniuria affectus rogat Deum, ut opem ei conferat ad vindictam suæ iniuriæ autoritate priuata faciendam: & qui prouocatus ad singulare certamen, antequàm ad locum descendat, orat Deum, ut victoriam obtineat: vel rogat Deum ut ipse citra matrimonium aliqua muliere potiatur: vel iniuste litigans, petit opem à Deo, ne causa cadat, sed vincat: vel tandem rogat Deum, ut frater suus maior moriatur, quò succedat in eius hæreditatem, vel primogenituram. Ratio horum omnium est, quia his omnibus petitur, quod non licet, quòdque peccatum est.

Secundò

Secundò infertur, peccasse matrem filiorum Zebedæi, quæ petiit à Domino vt eos collocaret in suo Regno, vnum ad dexteram, alterum verò ad sinistram. Et ratio est, quia petiit quod non debebat, nimirum sedes gloriæ temporalis in Regno temporali, & quia etiam si petisset sedes gloriæ spiritualis, eas nec dum merebantur, secundùm Be- dam super cap. 10. Marci. Et quia petebat primos accubitus, postpositis cæteris Apostolis, secundùm Caietanum super cap. 20. Matthæi.

Tertiò, & vltimò infertur, eos peccare, qui ali- quid postulant à Deo ob honorem, vel gloriam vanam. Ratio est, quia licet postulent quod de- bent, non tamen petunt in finem debitum, & con- sequenter deficit circumstantia boni finis.

## QVÆSTIO CXX.

*An quæ oratione vocali petuntur debeant  
semper voce exprimi.*

**R**ESPONDEO minime. Ratio est, quia Deus intrinsecus cor, & scit, antequam petamus, quibus rebus indigemus, est enim signum maioris fidei, & spei, necessitatem in genere Deo proponere. Vnde à sanctis Patribus oratio Marthæ, & Magdalenzæ, quæ dixerunt, Ecce quem amas, infirmatur, nihil ampliùs addendo. Et oratio Cananæ, Filia mea male à Dæmonio vexatur: & Centurionis ora- tio: Domine puer meus facet in domo paralyticus, maximè commendatur.

## QVÆSTIO CXXI.

*Quenam sint, quæ desiderantur ad hoc, ut oratio infallibiliter sit impetratoria.*

**E**T quidem, ut oratio sit meritoria, vel satisfactoria pro peccatis, satis est, si ex charitate fiat, ut habetur 1. Cor. 13.

## QVÆSTIO CXXII.

*Sed dubium est, Quotnam requirantur, ut oratio sit infallibiliter impetratoria.*

**I**N qua re etiam est certum, dari aliquam orationem infallibiliter impetratoriam. Patet ex multis sacræ Scripturæ locis. Et primò ex testamento veteri, ut Psal. 49. Inuoca me in die tribulationis, eruam te, & honorificabis me. Et Psal. 65. Benedictus Deus, qui non amouit orationem meam, & misericordiam suam à me. Vnde D. Augustinus. Securi, inquit, de pollicitatione ipsius, non deficiamus orando, & hoc ex beneficio ipsius est, propterea dixit, Benedictus Deus, qui non amouit orationem meam, & misericordiam suam à me. Cùm videris non à te amotam deprecationem suam, securus es, quia non est à te amota misericordia eius. Et in testamento nouo constat ex illa promissione facta à Christo Matth. 7. & Lucæ 11. Petite, & accipietis; & Omnis qui petit, accipit. Et Ioannis 16. Si quid petieritis

LIBER I. QVÆST. CXXIII. 181  
petieritis Patrem in nomine meo, dabit vobis. Et  
alibi. Quodcunque volueritis, petetis, & fiet vobis.

---

QVÆSTIO CXXIII.

*Sed quod in dubium vertitur, est scire, quot, &  
quenam conditiones requirantur, ut ora-  
tio sit efficax ad impetrandum.*

**R**ESPONDEO decem. Prima conditio est fides,  
de hac enim scribit Apostolus ad Rom. 10.  
Quomodo inuocabunt, in quem non crediderunt?  
Et Sanctus Iacobus in sua canonica prima: si quis  
indiget sapientia, postulet eam à Domino. Et se-  
quitur: Postulet autem in fide, nihil hæsitans. Non  
ergo existimet homo ille qui hæsitat, quòd  
accipiet aliquid à Domino. Et ipse Dominus  
Matth. 9. Creditis, quia hoc possum facere vobis.  
Et eiusdem cap. 21. Si habueritis fidem, & non hæ-  
sitaueritis, non solum de ficulnea facietis, sed & si  
huic monti dixeritis, Tolle, & iacta te in mare, fiet.  
Et sequitur: Et omnia quæcunque petieritis in  
oratione, credentes, accipietis. Et rursus: Quod-  
cunque volueritis, petetis, & fiet vobis. Et Marci 9.  
vbi cuidam petenti liberationem filij sui à Dæ-  
mone, dixit Dominus: Si potes credere, omnia pos-  
sibilia sunt credenti. Et eiusdem cap. 11. Quidquid  
orantes petitis, credite, quia accipietis, & eueniet  
vobis. Et Ioannis 14. Amen dico vobis, qui credit  
in me, opera quæ ego facio, & ipse faciet, &  
quodcunque petieritis Patrem in nomine meo, hoc  
faciam. Vnde Apostolus qui precibus à Domino

impetrauerat, vt pedibus super aquam adueniret, cum venti procellam inter ambulandum animaduertisset, statim animo concidit, morique cepit, ac proinde audire meruit eam vocem, Modicæ fidei quare dubitasti? Vnde D. Augustinus. Si fides deficit, oratio perit. Et Diuus Bernardus, Cælesti benedictione indignus conuincitur, qui Deum dubio quærit affectu. Ex quibus apertè colligitur fidem esse necessariam ad efficaciam orationis. Cuius ratio ea esse potest, quia orationis promissio per se primò ordinatur ad assequutionem salutis æternæ, iuxta illud Matth. 7. Quærite primùm Regnum Dei, & iustitiam eius, & hæc omnia adiicientur vobis. Fides autem est principium, & fundamentum salutis, secundùm illud Pauli Heb. 11. Accedentem ad Deum, oportet credere. Et ideo promissio non fit orationi, nisi ex fide procedat.

---

### QVÆSTIO CXXIV.

*Sed quæres, de quo obiecto, vel de qua materia oportet esse talem fidem.*

**E**T quidem certum est, hoc non de absoluta fide esse intelligendum, quia non tenemur dum oramus, nobis persuadere, obrenturos nos esse quod petimus. Nam Paulus cum 2. Cor. 12. petebat sibi auferri stimulum carnis, ex fide profectò orabat, & tamen non erat certus, se accepturum, quod petebat, sed contrarium potius illi reuelatum est. Eodem modo hæsitasse videtur Dauid

uid 2. Reg. 12. quando orans Deum, pro salute filij dicebat: Quis scit, si fortè donet eum mihi Dominus? sicut & Niniuitæ dicebant Ionæ 3. Quis scit, si conuertatur & ignoscat Deus? Quos tamen ex fide orasse, effectus monstrauit. Sed solum de fide, qua certò credamus Deum esse potentissimum, sapientissimum, clementissimum, iustissimū, ac in suis promissis fidelissimum: ideòque posse, & scire, ac etiam velle facere, quod petimus, si & nobis expediat, & ex parte nostra non sit impedimentum, de quo tamen certi esse non possumus: nec consequenter scire certò possumus Deum esse absolutè facturum, quod petimus. Vnde nulla est absoluta promissio Dei, qua certi efficiamur, nos absolutè, quidquid petierimus impetraturos, cum semper intelligatur subintellecta conditio, si debito modo petierimus.

Secunda conditio est spes, seu fiducia, qua diuinæ benignitati firmiter innixi, certò confidamus Deum concessurum esse quod petimus, iuxta illud Psalm. 50. Quoniam in me sperauit, liberabo eum, clamaui ad me, & ego exaudiam eum. Et illud 1. Timoth. 5. Quæ autem verè vidua est, & desolata, speret in Deum, & instet obsecrationibus, & orationibus nocte, & die. Et illud Daniel. 3. Non est confusio confidentibus in te. Et cap. 13. Exclamauit omnis cætus voce magna, & benedixerunt Deum, qui saluat sperantes in se. Hanc fiduciam quæsiuit Dominus in paralytico, cui dixit Matth. 9. Confide fili, remittuntur tibi peccata tua. Eandem quærit Apostolus ad Hebr. 4. cum ait: Adeamus ergo cum fiducia ad Thronum gratiæ, vt misericordiam consequamur, & gratiam inueniamus,



in auxilio opportuno. Huic autem fiduciæ opponitur hæsitatio : nam qui hæsitat, quasi hæret, & non audet petere : fiducia verò impellit ad opus, & si vehemens sit, facit postulare magno affectu, & efficacitate, quod bene explicat similitudo, quam adducit Iacobus in sua canonica dicens. Qui enim hæsitat, similis est fluctui maris, qui à vento mouetur, & circumfertur. Quia qui hanc fiduciam non habet, neque in desiderando, neque in petendo, habet stabilitatem. Hoc etiam optimè declarant verba Pauli ad Rom. 4. ubi de Abraham dicit, quòd contra spem in spe credidit. Et infrà. In repromissione Dei non hæsitauit diffidentia, sed confortatus est fide.

Ad obtinendam autem hanc impetrandi spem, atque fiduciam, multa faciunt. Primò ipsa propensa in nos Dei voluntas, summa eiusdem in omnibus dictis, & promissis exoluendis constantia : numerus eorum qui Deum exorauerunt pænè infinitus : tum verò summus ille precator, qui nobis semper præsto adest Christus Dominus, de quo Ioannis 1. 2. ait. Si quis peccauerit, Aduocatum habemus apud Patrem Iesum Christum iustum, & ipse est propitiatio pro peccatis nostris. Paulus quoque Rom. 8. Christus Iesus, qui mortuus est, immò qui resurrexit, qui est ad dexteram Dei, qui etiam interpellat pro nobis.

Tandem spem nostram roborat ipse Spiritus sanctus, qui est nostræ orationis author. Accepimus enim Spiritum adoptionis filiorum Dei, in quo clamamus Abba Pater. Vnde Cassian. collat. 9. c. 32. Signum certum, inquit, impetrationis est, cum



cùm quis in oratione sentit magnam impetrandi fiduciam: Deo s. in corde orantis quandam lætitiæ suauitatem infundente. Deus enim quando non exaudit, non infundit fiduciam, cùm verò exaudire decernit, fiduciam, & lætitiā ingentem in corde orantis infundit.

Est autem circa hanc conditionem cauendum, ne fiducia transeat in præsumptionem, & ideo dicit D. Bernardus, orationē ita debere esse cum fiducia, vt tamen simul sit cum humilitate, quia fiducia illa debet principaliter fundari in Deo; & non in se, vnde dicitur Psalm. 101. Respexit in orationem humilium, & non spreuit preces eorum. Et Eccl. 35. Oratio humiliantis se, nubes penetrat.

Dices, ergo qui orat, non potest ponere fiduciam aliquam in propriis meritis, consequens est falsum, ergo, & id, vnde sequitur. Sequela probatur ex multis sacræ Scripturæ locis, vbi constat bona opera multum conferre ad dandam vim orationi, vt sit impetratoria, vt ex illo Tob. 4. & Isai. 58. vbi petuntur opera misericordiæ, & postea subiungitur: Tunc inuocabis, & Dominus exaudiet. Et ex illo Psalm. 33. Oculi Domini super iustos, & aures eius in preces eorum.

Respondeo, non dicimus nos merita propriā nihil valere ad hoc vt oratio sit impetratoria, sed quod non debet principaliter fiduciam impetrandi ponere in suis meritis, ita vt credat ratione meritorum sibi esse debitum, quod petit, quia in hoc magnum est periculum superbix, & deceptionis, quod declarauit Christus Dominus in parabola de Pharisæo, & publicano Lucæ 18. Possunt tamen interdum considerari opera nostra ad expellendam ni-

186 DE ORATIONE IN COMMVNĒ  
miam pusillanimitatem,recognoscendo semper illa  
tanquam beneficia Dei,& concipiendo spem, non  
in nobis, sed in ipso, qui illa contulit: & hoc modo  
legimus interdum sanctos in oratione sua comme-  
morasse præcedentia merita, vt Ezechias Isa. 38. Ob-  
secro Domine, memento, quomodo ambulaue-  
rim coram te in corde perfecto. Et Dauid Psal. 118.  
In toto corde meo exquisiui te, ne repellas me à  
mandatis tuis.

Tertia conditio est charitas, qua bene affecti ad  
Deum obsequamur mandatis eius. Hæc conditio  
peti, vt inquiramus.

---

### QVÆSTIO CXXV.

*An charitas sit omnino necessaria ad effica-  
cem impetrationem orationis.*

**S**Vnt, qui affirmant esse necessariam, & probant  
per illud Ioannis 15. Si vos manseritis in me,  
& verba mea in vobis manserint, quodcunque vo-  
lueritis, peteris, & fiet vobis. Et per illud eiusdem  
Ioannis in prima sua canonica, cap. 3. Charissimi si  
cor nostrum non reprehenderit nos, fiduciam ha-  
beamus ad Deum, & quidquid petierimus, acci-  
piemus ab eo, quoniam mandata eius custodimus,  
& ea quæ sunt placita coram eo facimus. Et illud  
Psal. 33. Oculi Domini super iustos, & aures eius  
in preces eorum. Et rursus: Voluntatem timen-  
tium se faciet, & deprecationem eorum exaudiet, &  
saluos faciet eos. Cui à contrariio consonat illud  
psalmi 65. Iniquitatem si aspexi in corde meo, non  
exaudiet

exaudiet Dominus. Et illud Prouerb. 21. Qui declinat aures suas, ne exaudiat legem, oratio eius erit execrabilis. Et illud Ioannis 9. Scimus, quia Deus peccatores non audit. Et illud Isa 1. Cùm multiplicaueritis orationem, non exaudiam, manus enim vestrae sanguine plenae sunt. Quem locum D. Basilii præclara similitudine illustrat, velut si quis (inquit) filium alicuius vnicè dilectum neci tradiderit, isque manus sanguine filij cruentatas supplex prece porrigat ad patrem: an non responderemus filij sanguinem in manibus filicidij, acrius exacerbare patrem tali iniuria affectum? Itaque vt oratio certò impetret, oportet eam procedere ex radice charitatis. Quòd si peccatores interdū à Deo exaudiantur, id non est tribuendum virtuti orationis ipsorum, sed vel virtuti fidei in Christum, iuxta illud Act. 3. Fides quæ per eum est, dedit integram sanitatem istam. Sicut & perpetratio miraculorum de qua Domino dicturi sunt reprobi, Matth. 7. Nōne in nomine tuo dæmonia eiecimus, & in nomine tuo virtutes multas fecimus? Aut certè iræ Dei, vt quòd Israelitæ in deserto impetrarunt carnes, Numeror. 11. De quo in Psalm. 77. Adhuc escæ eorum erant in ore ipsorum, & ira Dei ascendit super eos. Vnde August. tract. 73. in Ioannem: Metuendum est, inquit, ne id, quod posset non dare propitijs, det iratus. Aut demum extraordinariæ cuidam benignitati, qua Deus vult peccatorem beneficijs ad suum amorem allicere. Vnde Gregorius super Iob: Sunt nonnulli intra Ecclesiam, qui prolixas ad Deum preces habent, sed vitam deprecantium non habent. Et in dialogis: Quid mirum, si postulantes tardè à Domino exaudi

exaudimur, qui præcipientem Dominum tardè, aut etiam nullo modo audimus. Et in Moralibus: Clamorem angustiarum tempore Dominus non audit, qui tranquillitatis tempore in præceptis suis ipse clamantem Dominum non audiuit. Et Isidorus: Non potest habere precum certam fiduciam, qui adhuc in præceptis Dei pigritat, & quem peccandi recordatio delectat. Qui à præceptis Dei auertitur, quod in oratione postulat, non meretur: nec impetrat ab illo bonum, quod poscit, cuius legi non obedit. Et iterum: Si id quod Deus præcepit facimus: id quod petimus sine dubio obtinemus. Et D. Aug. in libro de opere Monachi. Citius exauditur vna obediens oratio, quàm decem millia contemptoris.

Alij contra negant, charitatem esse simpliciter necessariam ad impetrandum. Pro quo

Primò dico, quòd in hoc cauendum est, ne quis putet peccatorem nunquam exaudiri à Deo, hoc enim sentire, erroneum est, cum Luc. 18. publicanus qui erat peccator, & ideo extra charitatem, indulgentiam impetrauerit, orans: Deus propitius esto mihi peccatori. Est etiam cauendum, ne quispiam existimet peccatorem semper exaudiri à Deo, quod est adeò clarum ex diuinis Scripturis, vt vix videatur probatione huius rei opus esse, clarissima namque sunt testimonia illa Ioannis 1. suæ canon. c. 3. Psalm. 65. Prouerb. 21. Isa. 1. &c.

Secundò dico, quòd licet Deus libentiùs audiat iustos, quàm peccatores, tamen si peccator petat bona conducibilia ad salutem, semper exauditur à Deo, dummodo aliqua ex conditionibus necessariò requisitis ad impetrandum,  
non

non deficiat. Et ratio huius est, quia promissiones Christi generales sunt, & non limitatæ, ergo oratio siue sit iusti, siue iniusti impetratoria est.

Tum quia orationis vis in impetrando, non fundatur in dignitate personæ, sed in misericordia diuina, & verbo eius, ergo indignitas peccatoris non obstat impetrationi etiam infallibili, si alia necessaria concurrant.

Tum quia Lucæ 18. Publicanus peccator erat, & tamen descendit iustificatus in domum suam. Quo exemplo adductus D. Augustinus tract. 44. in Ioannem dicit, cæcum illum non fuisse adhuc illuminatum, cum dixit: Scimus quia peccatores Deus non exaudit. Si peccatores, inquit, Deus non exaudiret, frustra publicanus oculos in terram demittens, & pectus suum percutiens diceret: Deus propitius esto mihi peccatori.

Tum quia nunquam Deus hortaretur peccatores ad petenda sua dona, nisi illa esset petentibus concessurus, Deus enim, & natura nihil faciunt frustra: Sed Deus hortatur, ut constat ex illo Matth. 7. Petite, & dabitur vobis. Omnis enim qui petit accipit, & qui quærit inuenit, & pulsanti aperietur, ergo. Vnde D. Chrysostom. in imperfecta Matth. homil. 28. expressè docet hanc promissionem non solum ad iustos, sed etiam ad peccatores pertinere. Quod colligit ex illa particula, *Omnis*, quæ vniuersalis est. Hoc idem tenent D. August. tract. 44. in Ioannem. Et lib. 2. contra Epistol. Parmeniani cap. 8. Diuus Basilii in constitut. Monast. capit. 1. & D. Thomas 2. 2. quæst. 83. artic. 16. loquens de oratione  
pecca

peccatoris, simpliciter ait, eam fore exaudiendam, si habeat omnia necessaria ad efficaciam orationis.

Et ad fundamentum contrariæ opinionis respondeo, illa testimonia sacræ Scripturæ, quæ dicunt Deum non exaudire orationes peccatorum, intelligenda esse, quando scilicet peccatores petunt prauum aliquod opus, vel temporalia bona ex desiderio peccandi, tunc enim Deus eos non exaudit, iuxta illud Iacobi in sua can. cap. 4. Petitis, & non accipitis, eò quòd malè petatis. Vel dic, quòd Deus non audit orationem peccatoris ab eo ut tali, hoc est, peccando factam, etiamsi veniali duntaxat peccato sit irretita, saltem in utilitatem eius. Nulla enim actio, quæ aliquo respectu est peccatum, saltem veniale, est Deo accepta, & oratio peccatoris facta ab eo uti tali, hoc est peccando, est peccatum, saltem veniale.

Dixi *saltem in utilitatem eius*, quia in eius damnum sapius audit Deus, & concedit postulata in punitionem malæ petitionis, iuxta illud S. August. in serm. 55. de verbis Domini: Deus quædam negat propitius, quæ concedit iratus.

Nec obstat sententia illa: Scimus quia peccatores Deus non exaudit; quia intelligenda est de oratione postulante miracula, quibus confirmetur simulata sanctitas, eam enim non exaudit, quia non potest testificari falsum: vel ut dicit D. Augustinus, fuit sententia cæci non adhuc illuminati. Vnde quando dicunt Doctores ad efficacitatem orationis necessariam esse charitatem, intelligendi sunt de charitate, actu vel virtualiter, nimirum, ex bono naturæ desiderio, ita petendo, ut possit



possit talis petendi actus tanquam omnino bonus, & per se ad gloriam Dei pertinens, proficisci ex charitate. Quod sit, si is qui petit, non habeat animum peccandi, sed potius placendi Deo, & observandi mandata eius, ut eleganter exponit ille omniscius D. Thom. 2. 2. quæst. 83. ar. 16. ad 2.

Quarta conditio est, ut oratio sit de re bona, & honesta, ut patet ex definitione orationis superius tradita. Oratio est petitio decentium à Deo. Unde oratio de re mala non meretur nomen orationis, quia licet sic interdum appelletur propter generalem rationem petitionis, iuxta illud Psalmi 108. Oratio eius fiat in peccatum: tamen ut nunc de oratione agimus, prout est actus virtutis Religionis, nomen orationis, non meretur. Unde promissiones Christi ad talem orationem non spectant.

Quinta conditio est, ut id quod petitur, necessarium sit ad salutem, vel ad illam conducat, minusque animæ bonum non impediat, iuxta illud 1. Ioan. 5. Hæc est fiducia, quam habemus ad eum, quia quodcumque petierimus secundum voluntatem eius, audit nos. Quid autem secundum voluntatem eius petendum sit, indicatur per illud Matt. 6. Primum querite Regnum Dei, & iustitiam eius, &c. Unde in oratione Dominica præmittitur petitio beatitudinis, cum dicitur: Adueniat regnum tuum. Et Iacob 4. Petitis, & non accipitis, eo quod malè petatis, ut in concupiscētiis vestris insumatis. Et ratio huius ea esse potest, quia ut ab æterno Patre aliquid impetremus, illud perendū est in nomine Christi filij sui, qui nobis illud meruit. At Christus Dominus

Dominus nobis non meruit, nisi quæ ad salutem nostram conducunt, ergo. Vnde D. Augustin. in tractat. 102. in Ioan. super illud eiusdem cap. 16. Si quid petieritis Patrem in nomine meo dabit vobis: sic ait: Non petitur in nomine Saluatoris, quidquid petitur contra rationem salutis. Ergo ut oratio sit efficax ad impetrandum, opus est, ut quod petitur, necessarium sit, vel utile ad salutem. Et quia interdum nescimus, an quod petimus, ad beatitudinem conducatur, scit autem Deus: ideo opus est, ut omnia nostra vota Deo committamus. Nam quid oremus, sicut oportet, inquit Paulus, nescimus. Vnde si sæpe iusti oratio non exauditur, ideo est, quia id quod petitur, ipsi oranti non expedit. Sicut non expediebat Paulo, quod Deus exaudiret illum, quando ut auferret ab eo stimulum carnis à Domino petebat, etiam si instanter id petierit, ut ipse dicit 2. Cor. 12.

Illud tamen est hinc obseruandum, quod quando dicimus id quod petimus debere esse utile ad salutem, non intelligitur solum de utilitate, quam potest res ex se habere, sed quam de facto, & re ipsa habitura est; multa enim possunt esse ex se utilia, quæ nouit Deus futura esse noxia petenti, & hoc satis est, ut misericorditer non concedantur, ac proinde ut oratio ea parte non sit infallibilis, ut patet ex oratione Pauli. Vnde Chrysostom. hom. 30. in Gen. rectè monet agendas esse Deo gratias, non minus cum negat, quam cum tribuit id quod petimus. Et D. Aug. tract. 73. in Ioannem dicit, inter alia, quæ petimus, cum bene petimus, illud & esse debere, ut petamus nobis non dari, quod ignorantes non bene petimus. Et alibi: Nos in oratione audiri,

non



non tamen semper ad voluntatem nostram, sed ad vtilitatem quæ est salus nostra, & gloria Dei, quod hoc exemplo declarat. Medicus (inquit) secat, scindit, vrit vulnus, clamat ægrotus, nec Medicus tollit manum, nisi secuerit, quantum putat expedire: non propterea crudelis est Medicus, aut clamantem infirmum non exaudit, quia à secando non cessat. Si enim vulneri parceret, capite, & vita periclitaretur ægrotus. Sic Deus tanquam Medicus salutaris, & tanquam benignus Pater, petita non concedit, vt sanet, vt in perpetuum ignoscat, vt erudiat, & vt merita nostra auctiora, & copiosiora reddat. Secat, & vrit hîc, vt in futuro parcat: denegar postulata, vt longè vtiliora, maiora, & meliora concedat. Putant orantes se non exaudiri, quia petita non impetrant: nesciunt tamen se fructuosiora, magisque salutaria recipere.

Sexta conditio quæ requiritur ad infallibiliter impetrandum, est perseverantia, vt ostendit Dominus Luc. 11. exemplo illius, qui panes necessarios accommodauit, improbitate amici deprecantis deuictus. Et exemplo iudicis iniqui Deum non timentis, & homines non reuerentis, qui improbitate viduæ victus, vindictam fecit ei de aduersario suo, Lucæ 18. In quibus locis aperte docemur, non satis esse Deum orare, etiamsi amici eius simus, nisi in oratione perseveremus, vt certa sit nostræ petitionis impetratio. Atque in hoc sensu dicitur Luc. 21. Vigilate omni tempore. Et Ecclesiast. 18. Ne impediatis orare semper. Et ad Rom. 12. Orationi insistate. Et 1. ad Thessal. ultimo, Sine intermissione orate. Quæ quidem perseverantia consistit, non quidem in eo, vt ab oratione nunquam cessemus

(quod est nobis impossibile in hac vita) sed ut nullas orandi occasiones, siue noctu, siue interdiu oblatas negligamus. Vel dicitur, quòd oportet semper orare, & non deficere, id est, non desistere quousque fiat, quod in oratione petitur. Vnde D. Chrysostom. in libro de compunctione cordis ait: Ab oratione non recedas, donec accipias finem postulati. Et B. Gregor. in moralibus ait: Virtutis pondus oratio non habet, quam nequaquam perseverantia continui amoris tenet. Ratio autem huius conditionis ea esse potest, quia expedit sæpe, ut Deus non statim concedat quod postulamus, vel quia non sumus pro tunc ritè dispositi ad illud recipiendum: vel quia tunc non erit nobis utile, quod petimus, erit autem postea: vel ut res postulata in maiori habeatur æstimatione, & desiderium eius crescat: vel denique ut fides nostra exerceatur. Vnde D. Aug. serm. 5. de verbis Domini ait: Si aliquando Dominus tardius dat, commendat dona, non negat ea, quoniam diu desiderata dulcius obtinentur: citò autem data vilescunt, petendo, & querendo crescis, ut capias, servat tibi Deus, quod non vult citò dare, ut & tu discas magna magnè desiderare. Et Nilus lib. de oratione cap. 32. Ne petas à Deo imperiosè, quod statim velis impetrare, vult enim te beneficiis afficere in oratione perseverantem. Quid enim excellentius, quàm cum Deo colloqui, & vñ eius detineri: & hæc est vis Deo grata. Vnde non abs re dixit Beatus Iacobus in sua canonica: Multùm valet deprecatio iusti assidua.

Septima conditio est, ut qui orat, pro se oret, & non pro alio. Hæc conditio petit, ut inquire-

## QVÆSTIO CXXVI.

*An hæc conditio sit simpliciter necessaria.*

**D**iuus Thomas 2. 2. quæst. 83. artic. 15. & 16. quem communiter sequuntur Scholastici, docet hanc conditionem esse simpliciter necessariam. Quod colligit ex verbis illis: Si quid petieritis Patrem in nomine meo dabit vobis. Ioan. 16. Et iterum Quæcunque petieritis in nomine meo, accipietis. Et alibi: Omnis qui petit, accipit, & qui quærit, inuenit. Vnde D. Aug. tract. 102. in Ioannē. Sanē (inquit) intelligendum est, quod ait: Dabit vobis: vt ea beneficia significata intelligantur his verbis, quæ ad eos qui petunt, propriè pertinent. Exaudiuntur omnes Sancti pro seipsis, non autem pro omnibus exaudiuntur, vel amicis vel inimicis suis, vel quibuscumque aliis: quia non vtcunque dictum est, dabit, sed dabit vobis.

Ego verò contrarium verius puto, nimirum hanc conditionem non esse simpliciter necessariam, sed promissionem esse vniuersalem, siue vnus pro se, siue pro aliis oret, modò ex parte aliorū non adsit incapacitas, nec cæteræ conditiones desint. Et ratio huius est, quia aliis in locis fit absoluta promissio, et Ioannis 14. Quodcunque petieritis in nomine meo, hoc faciam. Et alibi Omnis qui petit, accipit, & qui quærit, inuenit. Et eiisdē in sua canonica c. 5. Hæc est fiducia, quā habemus ad Deū, quia quodcunque petierimus: secundū voluntatem eius audit nos. Et iterum. Qui scit fratrem suum peccare peccatū non

196 DE ORATIONE IN COMMUNI  
ad mortem, petat, & dabitur ei vita peccanti non  
ad mortem.

Et confirmatur, nam quando pro aliis oramus,  
postulamus secundum voluntatem Dei, qui hoc  
nobis in Scriptura summopere commendat, iuxta  
illud eiusdem: Orate pro inuicem ut saluemini.  
Ex quibus omnibus clarè patet generalem esse pro-  
missionem, non solum pro nobis, sed etiam quan-  
do pro aliis precamur.

Dices, qui orat pro alio, non potest eius oratio  
esse infallibilis, quia non semper ille, pro quo orat,  
est ad recipiendum idoneus.

Respondeo, si hæc ratio concluderet, etiam pro-  
barer orationem vniuscuiusque pro seipso non esse  
pro certo impetratoriam, quia non semper qui pro  
se orat, est dispositus ad recipiendum, quod postu-  
lat. Vnde oratio etiam pro seipso habet subintelle-  
ctam illam conditionem, si sit ad recipiendum ido-  
neus, & sic oratio vnius pro alio debita fusa ex par-  
te orantis semper exauditur, si alter non ponat im-  
pedimentum. Vnde cum dicit D. Thomas, ad ef-  
ficaciam orationis necessariò requiri, ut oratio fiat  
pro ipso met orante, est, ac si diceret, oportere, ut  
is pro quo petitur, sit ad accipiendum dispo-  
situs.

Octaua conditio est humilitas, qua is qui orat,  
non in suis meritis, sed in Dei benignitate confi-  
dat, iuxta illud Danielis 9. Neque in iustificationi-  
bus nostris, prosternimus preces nostras ante fa-  
ciem tuam, sed in miserationibus tuis multis. Et  
illud psalm. 101. Respexit in orationem humilium,  
& non spreuit preces eorum. Et Ecclesiast. 35. O-  
ratio humiliantis se, nubes penetrabit, & donec  
pro

propinquet, non consolabitur, & non discedet, donec Altissimus aspiat. Et Iudith. 9. Humilium, & mansuetorum semper tibi placuit deprecatio. Et Iacob. 4. Deus superbis resistit, humilibus autem dat gratiam. Et psalm. 50. Cor contritum, & humiliatum Deus non despiciet. Et Genes. 18. Loquar ad Dominum, cum sim pulvis, & cinis. Vnde D. Bernardus serm. 5. de quadragesima, fortassis aliqui non in humilitate quærunt, sed tanquam in fiducia suorum meritorum. Nec hoc dico, quin accepta gratia, fiduciam doceat orandi, sed nõ oportet, ut in ea constituat quisquam fiduciam impetrandi. Et infra. Sit (inquit) oratio in omni humilitate, præsumens de sola, ut dignum est, misericordine diuina. Et D. Gregor. in moralibus. Ille Deo veram orationem exhibet, qui semetipsum cognoscit, quia pulvis sit humiliter videt, qui nihil sibi virtutis tribuit; qui bonam quæ agit, esse de misericordia conditoris agnoscit. Vnde ut huius humilitatis necessitatem Dominus commendaret, parabolam illam Publicani, & Pharisæi narrauit Luc. 18. Dixerit enim eam parabolam ad quosdam, qui in se confidebant, tanquam iusti; & aspernabantur ceteros, ut ipse Euangelista testatur. Humilitate obtinuit Cananæa à Christo, quod voluit, catello se comparans, cum Christus eam cani comparasset Matth. 15. & Marc. 7. & Matth. 8. post illud verbum humile Centurionis, Domine non sum dignus, ut intres, &c. dictum est ei à Christo, Sicut credidisti, fiat tibi. Et Lucæ 15. postquam filius prodigis dixit: Non sum dignus vocari filius tuus: pater occurrens cecidit super collum eius.

Nona conditio est deuotio, id est, studium ar-

tentè, diligenter, & cum feruore orandi, vt constat  
 Mai. 29. citato à Domino nostro Matth. 15. Popu-  
 lus hic labijs me honorat, cor autem eorum lon-  
 ge est à me. Et ex illo Iere. 48. vbi maledictus pro-  
 nunciatur, qui facit opus Dei negligenter. Oritur  
 autem hæc deuotio ex fide. Qui enim attentè &  
 firmissimè fide cogitat, quanta sit Maiestas Dei,  
 quanta vilitas nostra, quàm magna res, quàm peti-  
 mus, vix fieri potest, vt non humiliter, reuerenter,  
 & ardentè ad orandum accedat. Vnde D. Bernar-  
 dus in serm. de 4. modis orandi. Omnino oportet  
 nos, orationis tempore curiam intrare cælestem, il-  
 lā, vtiq; curiam, in qua Rex Regum stellato sedet  
 folio, circumdante innumerabili, & ineffabili bea-  
 torum spirituum exercitu. Quanta ergo cum reue-  
 rentia, quanto timore, quanta illuc humilitate ac-  
 cedere debet à palude sua procedens, & repens ra-  
 nuncula vilis: quàm tremebundus, quàm supplex,  
 quàm denique humilis, & sollicitus, & toto inten-  
 tus animo; Maiestati gloriæ, in præsentia Ange-  
 lorum, in Concilio iustorum, & congregatione as-  
 sistere poterit miser homuncio. In cunctis igitur a-  
 ctionibus nostris multa est opus animi vigilantia,  
 sed præcipuè in oratione.

Decima, & postrema conditio est, vt qui orat  
 non prætermittat media congrua sibi possibilia, ad  
 acquirendum quod petit. Et ratio est, quia qui ali-  
 quid à Deo petit, ad cuius executionem ipse hu-  
 mana remedia conuenientia habet, per quæ illud  
 acquiri potest, & solet, & ea negligens à solo Deo  
 illud sperat, hic non videtur Deum orare, sed ten-  
 tare, secundum D. Thom. 2. 2. q. 97. ar. 1. ad 3.

Hinc qui nititur sola oratione bona tempora-  
 lia à



lia à Deo impetrare prætermisſis mediis naturali-  
bus: aut ſi à Deo remiſſionem peccatorum petat, &  
medium ad eam ordinatum dimittat, ſ. pœniren-  
tiam: aut ſi ſcientiam petat, & ipſe lectioni vacare  
nolit: aut ſi ſanitatē petat, & ipſe medicos, ac me-  
dicinam negligat, indignus eſt, vt à Deo exaudi-  
tur, quia, vel irridet, vel tentat Deum. Vnde Chri-  
ſtus reprehendit duos diſcipulos filios Zebedæi, qui  
cū peterent cū Chriſto in Regnō eius ſedere,  
& medium ad id eſſet, tollere crucem & ſequi  
Chriſtum, de medio tamen non cogitabant. Et i-  
deo meritō Chriſtus eos interrogauit dicens: Po-  
teſtis bibere calicē, quē ego bibiturus ſum. Va-  
lene. 2. 2. diſp. 6. q. 14. punct. 1.

His igitur conditionibus concurrentibus, nulli  
debet eſſe dubium, quin eius oratio à Deo exau-  
diatur, ſitque impetratoria; quandoquidem Chri-  
ſtus ad id ſua ſe promiſſione obligauit, & quan-  
quam non ſtatim vota orantis Deus compleat, non  
propter hoc diffidendum eſt, quia nobis perſeue-  
rantibus adimplebit. Differt enim aliquando vota  
compleere prout ipſe ſcit ad gloriam ſuam, aut ſa-  
lutem noſtram magis expedire. Vnde D. Auguſt.  
Ipſe Dominus, qui dare vult, differt dare, vt am-  
pliùs deſideres, quod differtur, & vt deſiderando  
capax inueniaris, vt cū venerit, ampliùs implea-  
ris. Et iterum ait: Qui nos hortatur, vt petamus, &  
cui diſplicet, ſi non petimus, ſi aliquando tardiùs  
dat, commendat dona, non negat.

Hic tamen vnum notare oportet, hæc omnia  
ſupradicta non eſſe omnino neceſſaria, vt oratio ſit  
impetratoria, quia multis ex his deficientibus ſo-  
let Dominus poſtulata concedere, non ex vi

promissionis, sed ex sua gratia, & liberalitate. Tamen si hæc omnia adsint, ex debito promissionis ad votum condescendet orantis.

Obiices, si positis his conditionibus, oratio est omnino impetratoria, cur sacra Scriptura addit particulam illam *forte*, cum agit de oratione peccatoris.

Respondeo, quod hoc facit, vel quia incertum est, an is qui orat, habeat dispositionem sufficientem ad obtinendum quod petit. Quo sensu dixit Apostolus ad Simonem Magum Act. 8. Pœnitentiam age, & roga Deum, si forte remittatur tibi hæc cogitatio cordis tui. Et Daniel 4. Forsitan ignoscet Deus delictis tuis. Vel quia non solum postulatur, quod ad salutem æternam necessarium est, sed etiam remissio alicuius pœnæ temporalis huius vitæ, quæ per se non habet infallibilem impetrationem, sicut orauerunt Niniitæ Ion. 3.

Dices, interdum fit, ut quamvis homo in oratione adhibeat omnia ad illam requisita, tamen non statim exauditur, ergo oratio tunc non est infallibilis.

Huic obiectioni respondet D. Aug. tract. 102. in Ioannem sic. Qui (inquit) in nomine Christi petit, accipit, quod petit, accipit autem quando debet accipere: quædam enim non negantur, sed ut congruo dentur tempore, differuntur. Et iterum super psalm. 65. Ne deficias in oratione, Deus quod concessurus est, etsi differt, non aufert: non leuitate utitur: qui promissit, non facile de sententia mouetur, quod promissit, est fixum: fallere non potest, habet unde faciat.



## QVÆSTIO CXXVII.

*An positis his conditionibus oratio sit impetratoria ex iustitiæ debito.*

**M**ED IN. C. de orat. q. 17. censet concurrentibus his omnibus conditionibus, impetrationem orationis esse ex iustitia, quia est veluti præmium debitum ex condigno ratione promissionis sub talibus conditionibus, quas ut suppono, implet is, qui orat. Quius opinionis videtur fuisse D. August. qui super cap. 5. ad Rom. ait: Si Deus confugientes ad se, non reciperet, esset in eo iniquitas, aut iniustitia.

Sed verius, ac probabilius multò est, orationem esse impetratoriam ex fidelitate, non autem ex iustitia. Ducor: nam ad rationem debiti ex iustitia requiritur æqualitas ex parte operationis, oratio autem remuneratur æqualiter per augmentum gratiæ, & gloriæ, ergo res alia quæ iusto datur, est ultra æqualitatem, & ideo non debetur ex iustitia.

Tum quia meritum de iustitia non est necessarium ad efficacitatem orationis, nam Beati non sunt capaces meriti, & tamen sunt capaces impetrationis etiam infallibilis.

Tum quia iustus dum orat, non fundatur in suis meritis, sed in infinita Dei misericordia, iuxta illud Danielis 9. Non in iustificationibus nostris prosterminimus preces ante faciem tuam, sed

in miserationibus tuis multis.

Tum etiam quia peccator nulla iustitiæ lege potest obligare Deum, cum ipse possit eum de iustitia damnare, & tamen habet in eo locum infallibilis impetratio, ut rectè docet D. Thom. 2. 2. q. 83, art. 1. 6. ubi ait, peccatorem posse impetrare, licet non possit mereri, quia meritum innititur iustitiæ, impetratio autem innititur gratiæ.

Tum denique, quia non quævis promissio sufficit ad inducendum debitum iustitiæ diuinæ, sed opus est, ut sit promissio conferendi aliquid in compensationem operis. In hoc autem casu non est talis promissio, nam oratio non compensatur, sed exauditur. Vnde Deus tantum promisit se infallibiliter daturum postulata, si adsint prædictæ conditiones, non quidem ex iustitiæ debito, in compensationem ipsius orationis, sed solum ex fidelitate, & misericordia. Ut si v. g. aliquis promitteret se semper daturum eleemosynam pauperibus, is daret quidem semper ex promissione, sed tamen solum ex fidelitate & misericordia.

---

### QVÆSTIO CXXVIII.

*Sed quæres, Quare Deus non statim concedit quod petimus.*

**R**ESPONDEO, quòd hoc facit primò ut crescat in nobis desiderium talis rei. Vnde D. Aug. inquit, Seruat tibi Deus, quòd non citò vult dare, ut tu discas desiderare. Quia iuxta D. Greg. desideria dilatione crescunt: ideo inquit Ovidius,

*Niti*

*Nitimur in veritatem semper, cupimusque negata.*

Secundò, ut melius custodiatur donatum, & charius habeatur, iuxta illud Prosperi:

*Gravior est fructus, quem spes productior edit.*

Et illud Cassiodori lib. 9. epist. 44. Habet hoc humana conditio, ut celeriter adepta fastidio sint.

Quando ergo Deus aliquid rarò concedit, illud hominibus gratius esse solet, iuxta illud Senecæ.

Quod gratiosum vis habere, rarò effice: omne enim rarum charum, ut dicitur in Auth. de consult. §. 1.

Et in cap. legimus §. sed dices. 93. dist. dicitur, quòd omne rarum est pretiosum.

## QVÆSTIO CXXIX.

*Quot, & quænam sint causæ, ob quas interdum in oratione Deus postulata non concedit.*

**R**ESPONDEO, decem. Prima est peccatum orantis iuxta illud Isai. 1. Cum multiplicaueritis orationes vestras, non exaudiam: manus enim vestre sanguine plenæ sunt. Et eiusdem 59. Peccata vestra absconderunt faciem eius à vobis ne exaudiret. Et illud Thren. 3. Nos iniquè egimus, & ad iracundiam prouocauimus, idcirco inexorabilis es. Et illud psalm. 65. Iniquitatem si aspexi in corde meo non exaudiet Dominus.

Secunda est orantis dubitas, iuxta illud Iacobi 1. Postulet in fidè, nihil hæsitans: non enim existimet homo ille quòd accipiat aliquid à Domino. Vnde D. Bernar. Indignus cælesti benedictione esse conuin

(quod est nobis impossibile in hac vita) sed ut nullas orandi occasiones, siue noctu, siue interdiu oblatas negligamus. Vel dicitur, quòd oportet semper orare, & non deficere, id est, non desistere quousque fiat, quod in oratione petitur. Vnde D. Chrysostom. in libro de compunctione cordis ait: Ab oratione non recedas, donec accipias finem postulati. Et B. Gregor. in moralibus ait: Virtutis pondus oratio non habet, quam nequaquam perseverantia continui amoris tenet. Ratio autem huius conditionis ea esse potest, quia expedit sæpe, ut Deus non statim concedat quod postulamus, vel quia non sumus pro tunc ritè dispositi ad illud recipiendum: vel quia tunc non erit nobis utile, quod petimus, erit autem postea: vel ut res postulata in maiori habeatur æstimatione, & desiderium eius crescat: vel denique ut fides nostra exerceatur. Vnde D. Aug. serm. 5. de verbis Domini ait: Si aliquando Dominus tardius dat, commendat dona, non negat ea, quoniam diu desiderata dulcius obtinentur: citò autem data vilescunt, petendo, & querendo crescis, ut capias, servat tibi Deus, quod non vult citò dare, ut & tu discas magna magnè desiderare. Et Nilus lib. de oratione cap. 32. Ne petas à Deo imperiosè, quod statim velis impetrare, vult enim te beneficiis afficere in oratione perseverantem. Quid enim excellentius, quàm cum Deo colloqui, & usu eius detineri: & hæc est vis Deo grata. Vnde non abs re dixit Beatus Iacobus in sua canonica: Multum valet deprecatio iusti assidua.

Septima conditio est, ut qui orat, pro se oret, & non pro alio. Hæc conditio petit, ut inquire-

## QVÆSTIO CXXVI.

*An hæc conditio sit simpliciter necessaria.*

**D**iuus Thomas 2. 2. quæst. 83. artic. 15. & 16. quem communiter sequuntur Scholastici, docet hanc conditionem esse simpliciter necessariam. Quod colligit ex verbis illis: Si quid petieritis Patrem in nomine meo dabit vobis. Ioan. 16. Et iterum Quæcunque petieritis in nomine meo, accipietis. Et alibi: Omnis qui petit, accipit, & qui quærit, inuenit. Vnde D. Aug. tract. 102. in Ioannē. Sanē (inquit) intelligendum est, quod ait: Dabit vobis: ut ea beneficia significata intelligantur his verbis, quæ ad eos qui petunt, propriè pertinent. Exaudiuntur omnes Sancti pro seipſis, non autem pro omnibus exaudiuntur, vel amicis vel inimicis suis, vel quibuscumque aliis: quia non vtrunque dictum est, dabit, sed dabit vobis.

Ego verò contrarium verius puto, nimirum hanc conditionem non esse simpliciter necessariam, sed promissionem esse vniuersalem, siue vnus pro se, siue pro aliis oret, modò ex parte aliorum non adsit incapacitas, nec cæteræ conditiones desint. Et ratio huius est, quia aliis in locis fit absoluta promissio, & Ioannis 14. Quodcunque petieritis in nomine meo, hoc faciam. Et alibi. Omnis qui petit, accipit, & qui quærit, inuenit. Et eiusdē in sua canonica c. 5. Hæc est fiducia, quā habemus ad Deū, quia quodcunque petierimus: secundū voluntatem eius audit nos. Et iterum. Qui scit fratrem suum peccare peccatū non

196 DE ORATIONE IN COMMUNI  
ad mortem, petat, & dabitur ei vita peccanti non  
ad mortem.

Et confirmatur, nam quando pro aliis oramus,  
postulamus secundum voluntatem Dei, qui hoc  
nobis in Scriptura summo opere commendat, iuxta  
illud eiusdem: Orate pro inuicem ut saluemini.  
Ex quibus omnibus clarè patet generalem esse pro-  
missionem, non solum pro nobis, sed etiam quan-  
do pro aliis precamur.

Dices, qui orat pro alio, non potest eius oratio  
esse infallibilis, quia non semper ille, pro quo orat,  
est ad recipiendum idoneus.

Respondeo, si hæc ratio concluderet, etiam pro-  
baret orationem vniuscuiusque pro seipso non esse  
pro certo impetratoriam, quia non semper qui pro  
se orat, est dispositus ad recipiendum, quod postu-  
lat. Vnde oratio etiam pro seipso habet subintelle-  
ctam illam conditionem, si sit ad recipiendum ido-  
neus, & sic oratio vnius pro alio debita fusa ex par-  
te orantis semper exauditur, si alter non ponat im-  
pedimentum. Vnde cum dicit D. Thomas, ad ef-  
ficaciam orationis necessariò requiri, ut oratio fiat  
pro ipso met orante, est, ac si diceret, oportere, ut  
is pro quo petitur, sit ad accipiendum dispo-  
situs.

Octaua conditio est humilitas, qua is qui orat,  
non in suis meritis, sed in Dei benignitate confi-  
dat, iuxta illud Danielis 9. Neque in iustificationi-  
bus nostris, prosternimus preces nostras ante fa-  
ciem tuam, sed in miserationibus tuis multis. Et  
illud psalmi. 101. Respexit in orationem humilium,  
& non spreuit preces eorum. Et Ecclesiast. 35. O-  
ratio humiliantis se, nubes penetrabit, & donec  
pro

propinquet, non consolabitur, & non discedet, donec Altissimus aspiciat. Et Iudith 9. Humilium, & mansuetorum semper tibi placuit deprecatio. Et Iacob. 4. Deus superbis resistit, humilibus autem dat gratiam. Et psalm. 50. Cor contritum, & humiliatum Deus non despiciet. Et Genes. 18. Loquar ad Dominum, cum sim pulvis, & cinis. Vnde D. Bernardus serm. 5. de quadragesima, fortassis aliqui non in humilitate quærunt, sed tanquam in fiducia suorum meritorum. Nec hoc dico, quin accepta gratia, fiduciam doceat orandi, sed nõ oportet, vt in ea constituat quisquam fiduciam inpetrandi. Et infra. Sit (inquit) oratio in omni humilitate, præsumens de sola, vt dignum est, misericordie diuina. Et D. Gregor. in moralibus. Ille Deo veram orationem exhibet, qui semetipsum cognoscit, quia pulvis se humiliter videt, qui nihil sibi virtutis tribuit, qui bona quæ agit, esse de misericordia conditoris agnoscit. Vnde vt huius humilitatis necessitatem Dominus commendaret, parabolam illam Publicani, & Pharisæi narrauit Luc. 18. Direxit enim eam parabolam ad quosdam, qui in se confidebant, tanquam iusti, & aspernabantur ceteros, vt ipse Euangelista testatur. Humilitate obtinuit Cananæa à Christo, quod voluit, catello se comparans, cum Christus eam cani comparasset. Match. 15. & Marc. 7. & Matth. 8. post illud verbum humile Centurionis, Domine non sum dignus, vt intres, &c. dictum est ei à Christo, Sicut credidisti, fiat tibi. Et Lucæ 15. postquam filius prodigis dixit: Non sum dignus vocari filius tuus: pater occurrens cecidit super collum eius.

Nona conditio est deuotio, id est, studium ar-



tentè, diligenter, & cum feruore orandi, vt constat  
 Mai. 29. citato à Domino nostro Matth. 15. Popu-  
 lus hic labijs me honorat, cor autem eorum lon-  
 ge est à me. Et ex illo Iere. 48. vbi maledictus pro-  
 nunciatur, qui facit opus Dei negligenter. Oritur  
 autem hæc deuotio ex fide. Qui enim attentè &  
 firmissima fide cogitat, quanta sit Maiestas Dei,  
 quanta vilitas nostra, quàm magna res, quam peti-  
 mus, vix fieri potest, vt non humiliter, reuerenter,  
 & ardentè ad orandum accedat. Vnde D. Bernar-  
 dus in serm. de 4. modis orandi. Omnino oportet  
 nos orationis tempore curiam intrare celestem, il-  
 lā vtiq; curiam, in qua Rex Regū stellato sedet  
 folio, circumdante innumerabili, & ineffabili bea-  
 torum spirituum exercitu. Quanta ergo cum reue-  
 rentia, quanto timore, quanta illuc humilitate ac-  
 cedere debet à palude sua procedens, & repens ra-  
 nuncula vilis: quàm tremebundus, quàm supplex,  
 quàm denique humilis, & sollicitus, & toto inten-  
 tus animo, Maiestati gloriæ, in præsentia Ange-  
 lorum, in Concilio iustorum, & congregatione as-  
 sistere poterit miser homuncio. In cunctis igitur ac-  
 tionibus nostris multa est opus animi vigilantia,  
 sed præcipuè in oratione.

Decima, & postrema conditio est, vt qui orat  
 non prætermittat media congrua sibi possibilia, ad  
 acquirendum quod petit. Et ratio est, quia qui ali-  
 quid à Deo petit, ad cuius exequutionem ipse hu-  
 mana remedia conuenientia habet, per quæ illud  
 acquiri potest, & solet, & ea negligens à solo Deo  
 illud sperat, hic non videtur Deum orare, sed ten-  
 tare, secundum D. Thom. 2. 2. q. 97. ar. 1. ad 3.

Hinc qui nititur sola oratione bona tempora-  
 lia à



lia à Deo impetrare prætermiſſis mediis naturalibus: aut ſi à Deo remiſſionem peccatorum petat, & medium ad eam ordinatum dimittat, ſ. pœnitentiam: aut ſi ſcientiam petat, & ipſe lectioni vacare nolit: aut ſi ſanitatē petat, & ipſe medicos, ac medicinam negligat, indignus eſt, vt à Deo exaudiat, quia, vel irridet, vel tentat Deum. Vnde Chriſtus reprehendit duos diſcipulos filios Zebedæ, qui cū peterent cum Chriſto in Regnō eius ſedere, & medium ad id eſſet, tollere crucem & ſequi Chriſtum, de medio tamen non cogitabant. Et idē meritō Chriſtus eos interrogauit dicens: Potestis bibere calicem, quem ego bibiturus ſum. Valent. 2. 2. diſp. 6. q. 14. punct. 1.

His igitur conditionibus concurrentibus, nulli debet eſſe dubium, quin eius oratio à Deo exaudiat, ſitque impetratoria; quandoquidem Chriſtus ad id ſua ſe promiſſione obligauit, & quam non ſtatim vota orantis Deus compleat, non propter hoc diffidendum eſt, quia nobis perſeuerantibus adimplebit. Differt enim aliquando vota complere prout ipſe ſcit ad gloriam ſuam, aut ſalutem noſtram magis expedire. Vnde D. Auguſt. Ipſe Dominus, qui dare vult, differt dare, vt ampliùs deſideres, quod differtur, & vt deſiderando capax inueniaris, vt cū venerit, ampliùs implearis. Et iterum ait: Qui nos hortatur, vt petamus, & cui diſplicet, ſi non petimus, ſi aliquando tardiùs dat, commendat dona, non negat.

Hic tamen vnum notare oportet, hæc omnia ſupradicta non eſſe omnino neceſſaria, vt oratio ſit impetratoria, quia multis ex his deficientibus ſolent Dominus poſtulata concedere, non ex vi

100 DE ORATIONE IN COMMUNI  
promissionis, sed ex sua gratia, & liberalitate. Ta-  
men si hæc omnia adsint, ex debito promissionis  
ad votum condescendet orantis.

Obiicies, si positis his conditionibus, oratio est  
omnino impetratoria, cur sacra Scriptura addit  
particulam illam *forte*, cum agit de oratione pec-  
catoris.

Respondet, quod hoc facit, vel quia incertum  
est, an is qui orat, habeat dispositionem sufficien-  
tem ad obtinendum quod petit. Quo sensu dixit  
Apostolus ad Simonem Magum Act. 8. Pœniten-  
tiam age, & roga Deum, si forte remittatur tibi  
hæc cogitatio cordis tui. Et Daniel 4. Forsitan i-  
gnoscet Deus delictis tuis. Vel quia non solum po-  
stulatur, quod ad salutem æternam necessarium est,  
sed etiam remissio alicuius pœnæ temporalis huius  
vitæ, quæ per se non habet infallibilem impetra-  
tionem, sicut orauerunt Niniuitæ Ion. 3.

Dices, interdum fit, ut quamvis homo in oratio-  
ne adhibeat omnia ad illam requisita, tamen non  
statim exauditur, ergo oratio tunc non est infal-  
libilis.

Huic obiectioni respondet D. Aug. tract. 102. in  
Ioannem sic. Qui (inquit) in nomine Christi petit,  
accipit, quod petit, accipit autem quando debet ac-  
cipere: quædam enim non negantur, sed ut con-  
gruo dentur tempore, differuntur. Et iterum super  
psalm. 65. Ne deficias in oratione, Deus quod con-  
cessurus est, etsi differt, non aufert: non leuitate  
vitur: qui promisit, non facile de sententia moue-  
tur, quod promisit, est fixum: fallere non potest,  
habet unde faciat.

Q V Æ

## QVÆSTIO CXXVII.

*An positis his conditionibus oratio sit impetratoria ex iustitiæ debito.*

**M**ED IN. C. de orat. q. 17. censet concurrentibus his omnibus conditionibus, impetrationem orationis esse ex iustitia, quia est veluti præmium debitum ex condigno ratione promissionis sub talibus conditionibus, quas ut suppono, implet is, qui orat. Maius opinionis videtur fuisse D. August. qui super cap. 5. ad Rom. ait: Si Deus confugientes ad se, non reciperet, esset in eo iniquitas, aut iniustitia.

Sed verius, ac probabilius multò est, orationem esse impetratoriam ex fidelitate, non autem ex iustitia. Ducor: nam ad rationem debiti ex iustitia requiritur æqualitas ex parte operationis, oratio autem remuneratur æqualiter per augmentum gratiæ, & gloriæ, ergo res alia quæ iusto datur, est ultra æqualitatem, & ideo non debetur ex iustitia.

Tum quia meritum de iustitia non est necessarium ad efficacitatem orationis, nam Beati non sunt capaces meriti, & tamen sunt capaces impetrationis etiam infallibilis.

Tum quia iustus dum orat, non fundatur in suis meritis, sed in infinita Dei misericordia, iuxta illud Danielis 9. Non in iustificationibus nostris prosterneamus preces ante faciem tuam, sed

in miserationibus iuis multis.

Tum etiam quia peccator nulla iustitiæ lege potest obligare Deum, cum ipse possit eum de iustitia damnare, & tamen habet in eo locum infallibilis impetratio, ut rectè docet D. Thom. 2.2. q. 83. art. 16. ubi ait, peccatorem posse impetrare, licet non possit mereri, quia meritum innititur iustitiæ, impetratio autem innititur gratiæ.

Tum denique, quia non quævis promissio sufficit ad inducendum debitum iustitiæ diuinæ, sed opus est, ut sit promissio conferendi aliquid in compensationem operis. In hoc autem casu non est talis promissio, nam oratio non compensatur, sed exauditur. Vnde Deus tantum promissit se infallibiliter daturum postulata, si adsint prædictæ conditiones, non quidem ex iustitiæ debito, in compensationem ipsius orationis, sed solum ex fidelitate, & misericordia. Ut si v. g. aliquis promitteret se semper daturum eleemosynam pauperibus, is daret quidem semper ex promissione, sed tamen solum ex fidelitate & misericordia.

## QVÆSTIO CXXVIII.

*Sed quæres, Quare Deus non statim concedit quod petimus.*

**R**ESPONDEO, quòd hoc facit primò ut crescat in nobis desiderium talis rei. Vnde D. Aug. inquit, Seruat tibi Deus, quòd non cirò vult dare, ut tu discas desiderare. Quia iuxta D. Greg. desideria dilatione crescunt: ideo inquit Ouidius,

*Nitimur in ventum semper, cupimusque negata.*

Secundò, vt meliùs custodiatùr donatù, & charius habeatur, iuxta illud Prosperi:

*Giùior est fructus, quem spes productior edit.*

Et illud Cassiodori lib. 9. epist. epist. 44. Habet hoc humana conditio, vt celeriter adepta fastidio sint. Quando ergo Deus aliquid rarò concedit, illud hominibus grarius esse solet, iuxta illud Senecæ. Quod gratiosum vis habere, rarò effice: omne enim rarum charum, vt dicitur in Auth. de consult. §. 1. Et in cap. legimus §. sed dices. 93. dist. dicitur, quòd omne rarum est pretiosum.

## QVÆSTIO CXXIX.

*Quor, & quanam sint cause, ob quas interdum in oratione Deus postulata non concedit.*

**R**ESPONDEO, decem. Prima est peccatum orantis iuxta illud Isai. 1. Cum multiplicaueritis orationes vestras, non exaudiam: manus enim vestre sanguine plenæ sunt. Et eiusdem 59. Peccata vestra absconderunt faciem eius à vobis ne exaudiret. Et illud Thren. 3. Nos iniquè egimus, & ad iracundiam prouocauimus, idcirco inexorabilis es. Et illud psalm. 65. Iniquitatem si aspexi in corde meo non exaudiet Dominus.

Secunda est orantis dubietas, iuxta illud Iacobi 1. Postulet in fide, nihil hæsitans: non enim existimet homo ille quòd accipiat aliquid à Domino. Vnde D. Bernar. Indignus cælesti benedictione esse conuin

(quod est nobis impossibile in hac vita) sed ut nullas orandi occasiones, siue noctu, siue interdiu oblatas negligamus. Vel dicitur, quòd oportet semper orare, & non deficere, id est, non desistere quousque fiat, quod in oratione petitur. Vnde D. Chrysostom. in libro de compunctione cordis ait: Ab oratione non recedas, donec accipias finem postulari. Et B. Gregor. in moralibus ait: Virtutis pondus oratio non habet, quam nequaquam perseverantia continui amoris tenet. Ratio autem huius conditionis ea esse potest, quia expedit scire, ut Deus non statim concedat quod postulamus, vel quia non sumus pro tunc ritè dispositi ad illud recipiendum: vel quia tunc non erit nobis utile, quod petimus, erit autem postea: vel ut res postulata in maiori habeatur æstimatione, & desiderium eius crescat: vel denique ut fides nostra exerceatur. Vnde D. Aug. serm. 5. de verbis Domini ait: Si aliquando Dominus tardius dat, commendat dona, non negat ea, quoniam diu desiderata dulcius obtinentur: citò autem data vilescunt, petendo, & querendo crescis, ut capias, servat tibi Deus, quod non vult citò dare, ut & tu discas magna magnè desiderare. Et Nilus lib. de oratione cap. 32. Ne petas à Deo imperiosè, quod statim velis impetrare, vult enim te beneficiis afficere in oratione perseverantem. Quid enim excellentius, quàm cum Deo colloqui, & usu eius detineri: & hæc est vis Deo grata. Vnde non abs re dixit Beatus Iacobus in sua canonica: Multum valet deprecatio iusti assidua.

Septima conditio est, ut qui orat, pro se oret, & non pro alio. Hæc conditio petit, ut inquiremus,

## QVÆSTIO CXXVI.

*An hæc conditio sit simpliciter necessaria.*

**D**ivus Thomas 2. 2. quæst. 83. artic. 1. §. & 16. quem communiter sequuntur Scholaſtici, docet hanc conditionem eſſe ſimpliciter neceſſariam. Quod colligit ex verbis illis: Si quid petieritis Patrem in nomine meo dabit vobis. Ioan. 16. Et iterum Quæcunque petieritis in nomine meo, accipietis. Et alibi: Omnis qui petit, accipit, & qui quærit, inuenit. Vnde D. Aug. tract. 102. in Ioannē. Sanē (inquit) intelligendum eſt, quod ait: Dabit vobis: vt ea beneficia ſignificata intelligantur his verbis, quæ ad eos qui petunt, propriè pertinent. Exaudiuntur omnes Sancti pro ſeipſis, non autem pro omnibus exaudiuntur, vel amicis vel inimicis ſuis, vel quibuſlibet aliis: quia non vtunque dictum eſt, dabit, ſed dabit vobis.

Ego verò contrarium verius puto, nimirum hanc conditionem non eſſe ſimpliciter neceſſariam, ſed promiſſionem eſſe vniuerſalem, ſiue vnus pro ſe, ſiue pro aliis oret, modò ex parte aliorū non adſit incapacitas, nec cæteræ conditiones deſint. Et ratio huius eſt, quia aliis in locis ſit abſoluta promiſſio, & Ioannis 14. Quodcunque petieritis in nomine meo, hoc faciam. Et alibi. Omnis qui petit, accipit, & qui quærit, inuenit. Et eiufdē in ſua canonica c. 5. Hæc eſt fiducia, quā habemus ad Deū, quia quodcunque petierimus: ſecundū voluntatem eius audit nos. Et iterum. Qui ſcit fratrem ſuum peccare peccatū non



ad mortem, petat, & dabitur ei vita peccanti non ad mortem,

Et confirmatur, nam quando pro aliis oramus, postulamus secundum voluntatem Dei, qui hoc nobis in Scriptura summopere commendat, iuxta illud eiusdem: Orate pro inuicem ut saluemini. Ex quibus omnibus clarè patet generalem esse promissionem, non solum pro nobis, sed etiam quando pro aliis precamur.

Dices, qui orat pro alio, non potest eius oratio esse infallibilis, quia non semper ille, pro quo orat, est ad recipiendum idoneus.

Respondeo, si hæc ratio concluderet, etiam probaret orationem vniuscuiusque pro seipso non esse pro certo impetratoriam, quia non semper qui pro se orat, est dispositus ad recipiendum, quod postulat. Vnde oratio etiam pro seipso habet subintellectam illam conditionem, si sit ad recipiendum idoneus, & sic oratio vnius pro alio debita fusa ex parte orantis semper exauditur, si alter non ponat impedimentum. Vnde cum dicit D. Thomas, ad efficaciam orationis necessariò requiri, ut oratio fiat pro ipsomet orante, est, ac si diceret, oportere, ut is pro quo petitur, sit ad accipiendum dispositus.

Octaua conditio est humilitas, qua is qui orat, non in suis meritis, sed in Dei benignitate confidat, iuxta illud Danielis 9. Neque in iustificationibus nostris, prosternimus preces nostras ante faciem tuam, sed in miserationibus tuis multis. Et illud psalm. 101. Respexit in orationem humilium, & non spreuit preces eorum. Et Ecclesiast. 35. Oratio humiliantis se, nubes penetrabit, & donec pro



propinquet, non consolabitur, & non discedet, donec Altissimus aspiciat. Et Iudith 9. Humilium, & mansuetorum semper tibi placuit deprecatio. Et Iacob. 4. Deus superbis resistit, humilibus autem dat gratiam. Et psalm. 50. Cor contritum, & humiliatum Deus non despiciet Et Genes. 18. Loquar ad Dominum, cum sim pulvis, & cinis. Vnde D. Bernardus serm. 5. de quadragesima, fortassis aliqui non in humilitate quærunt, sed tanquam in fiducia suorum meritorum. Nec hoc dico, quin accepta gratia, fiduciam doceat orandi, sed nõ oportet, vt in ea constituat quisquam fiduciam inpetrandi. Et infra. Sit (inquit) oratio in omni humilitate, præsumens de sola, vt dignum est, misericordine diuina. Et D. Gregor. in moralibus. Ille Deo veram orationem exhibet, qui semetipsum cognoscit, quia pulvis sit humiliter videt, qui nihil sibi virtutis tribuit, qui bonâ quæ agit, esse de misericordia conditoris agnoscit. Vnde vt huius humilitatis necessitatem Dominus commendaret, parabolam illam Publicani, & Pharisæi narravit Luc. 18. Dixerit enim eam parabolam ad quosdam, qui in se confidebant, tanquam iusti, & asperhabantur ceteros, vt ipse Euangelista testatur. Humilitate obriuit Cananæa à Christo, quod voluit, catello se comparans, cum Christus eam cani comparasset Matth. 15. & Marc. 7. & Matth. 8. post illud verbum humile Centurionis, Domine non sum dignus, vt intres, &c. dictum est ei à Christo, Sicut credidisti, fiat tibi. Et Lucæ 15. postquam filius prodigus dixit: Non sum dignus vocari filius tuus: pater occurrens cecidit super collum eius.

Nona conditio est deuotio, id est, studium at-

tentè, diligenter, & cum feruore orandi, vt constat Mai. 29. citato à Domino nostro Matth. 15. Populus hic labijs me honorat, cor autem eorum longè est à me. Et ex illo Iere. 48. vbi maledictus pronuntiatur, qui facit opus Dei negligenter. Oritur autem hæc deuotio ex fide. Qui enim attentè & firmissima fide cogitat, quanta sit Maiestas Dei, quanta vilitas nostra, quàm magna res, quam petimus, vix fieri potest, vt non humiliter, reuerenter, & ardentè ad orandum accedat. Vnde D. Bernardus in serm. de 4. modis orandi. Omnino oportet nos, orationis tempore curiam intrare celestem, illà vtiq; curiam, in qua Rex Regum stellato sedet solio, circundante innumerabili, & ineffabili beatorum spirituum exercitu. Quanta ergo cum reuerentia, quanto timore, quanta illuc humilitate accedere debet à palude sua procedens, & repens ranuncula vilis: quàm tremebundus, quàm supplex, quàm denique humilis, & sollicitus, & toto intentus animo, Maiestati gloriæ, in præsentia Angelorum, in Concilio iustorum, & congregatione assistere poterit miser homuncio. In cunctis igitur actionibus nostris multa est opus animi vigilantia, sed præcipuè in oratione.

Decima, & postrema conditio est, vt qui orat non prætermittat media congrua sibi possibilia, ad acquirendum quod petit. Et ratio est, quia qui aliquid à Deo petit, ad cuius executionem ipse humana remedia conuenientia habet, per quæ illud acquiri potest, & solet, & ea negligens à solo Deo illud sperat, hic non videtur Deum orare, sed tentare, secundum D. Thom. 2. 2. q. 97. ar. 1. ad 3.

Hinc qui nititur sola oratione bona temporalia à

lia a Deo impetrare prætermisſis mediis naturalibus: aut ſi à Deo remiſſionem peccatorum petat, & medium ad eam ordinatum dimittat, ſ. penitentiã: aut ſi ſcientiam petat, & ipſe lectioni vacare nolit: aut ſi ſanitatẽ petat, & ipſe medicos, ac medicinam negligat, indignus eſt, vt à Deo exaudiatur, quia, vel irridet, vel tentat Deum. Vnde Chriſtus reprehendit duos diſcipulos filios Zebedæi, qui cum peterent cum Chriſto in Regno eius ſedere, & medium ad id eſſet, tollere cruceĩ & ſequi Chriſtum, de medio tamen non cogitabant. Et indeo merito Chriſtus eos interrogauit dicens: Potteſtis bibere calicem, quem ego bibiturus ſum. Valent. 2. 2. diſp. 6. q. 14. punct. 1.

His igitur conditionibus concurrentibus, nulli debet eſſe dubium, quin eius oratio à Deo exaudiatur, ſitque impetratoria, quandoquidem Chriſtus ad id ſua ſe promiſſione obligauit, & quamquam non ſtatim vota orantis Deus compleat, non propter hoc diffidendum eſt, quia nobis perſeuerantibus adimplebit. Differt enim aliquando vota complere prout ipſe ſcit ad gloriam ſuam, aut ſalutẽ noſtram magis expedire. Vnde D. Auguſt. Ipſe Dominus, qui dare vult, differt dare, vt ampliùs deſideres, quod differtur, & vt deſiderando capax inueniaris, vt cum venerit, ampliùs implearis. Et iterum ait: Qui nos hortatur, vt petamus, & cui diſplicet, ſi non petimus, ſi aliquando tardiùs dat, commendat dona, non negat.

Hic tamen vnum notare oportet, hæc omnia ſupradicta non eſſe omnino neceſſaria, vt oratio ſit impetratoria, quia multis ex his deficientibus ſolet Dominus poſtulata concedere, non ex vi

200 DE ORATIONE IN COMMUNI  
promissionis, sed ex sua gratia, & liberalitate. Ta-  
men si hæc omnia adsint, ex debito promissionis  
ad votum condescendet orantis.

Obiicies, si positis his conditionibus, oratio est  
omnino, impetratoria, cur sacra Scriptura addit  
particulam illam *forte*, cum agit de oratione pec-  
catoris.

Respondeo, quod hoc facit, vel quia incertum  
est, an is qui orat, habeat dispositionem sufficien-  
tem ad obtinendum quod petit. Quo sensu dixit  
Apostolus ad Simonem Magum Act. 8. Pœnitentiam  
age, & roga Deum, si forte remittatur tibi  
hæc cogitatio cordis tui. Et Daniel 4. Forsitan i-  
gnoscet Deus delictis tuis. Vel quia non solum po-  
stulatur, quod ad salutem æternam necessarium est,  
sed etiam remissio alicuius pœnæ temporalis huius  
vitæ, quæ per se non habet infallibilem impetra-  
tionem, sicut orauerunt Niniuitæ Ion. 3.

Dices, interdum fit, ut quamvis homo in oratio-  
ne adhibeat omnia ad illam requisita, tamen non  
statim exauditur, ergo oratio tunc non est infal-  
libilis.

Huic obiectioni respondet D. Aug. tract. 102. in  
Ioannem sic. Qui (inquit) in nomine Christi petit,  
accipit, quod petit, accipit autem quando debet ac-  
cipere: quædam enim non negantur, sed ut con-  
gruo dentur tempore, differuntur. Et iterum super  
psalm. 65. Ne deficias in oratione, Deus quod con-  
cessurus est, etsi differt, non aufert: non leuitate  
vitur: qui promissit, non facile de sententia moue-  
tur, quod promissit, est fixum: fallere non potest,  
habet unde faciat.

Q V Æ

## QVÆSTIO CXXVII.

*An positis his conditionibus oratio sit impetratoria ex iustitiæ debito.*

**M**ED IN. C. de orat. q. 17. censet concurrentibus his omnibus conditionibus, impetrationem orationis esse ex iustitia, quia est veluti præmium debitum ex condigno ratione promissionis sub talibus conditionibus, quas ut suppono, implet is, qui orat. Nuius opinionis videtur fuisse D. August. qui super cap. 5. ad Rom. ait: Si Deus confugientes ad se, non reciperet, esset in eo iniquitas, aut iniustitia.

Sed verius, ac probabilius multò est, orationem esse impetratoriam ex fidelitate, non autem ex iustitia. Ducor: nam ad rationem debiti ex iustitia requiritur æqualitas ex parte operationis, oratio autem remuneratur æqualiter per augmentum gratiæ, & gloriæ, ergo res alia quæ iusto datur, est ultra æqualitatem, & ideo non debetur ex iustitia.

Tum quia meritum de iustitia non est necessarium ad efficacitatem orationis, nam Beati non sunt capaces meriti, & tamen sunt capaces impetrationis etiam infallibilis.

Tum quia iustus dum orat, non fundatur in suis meritis, sed in infinita Dei misericordia, iuxta illud Danielis 9. Non in iustificationibus nostris prosternimus preces ante faciem tuam, sed

Tum etiam quia peccator nulla iustitiæ lege potest obligare Deum, cum ipse possit eum de iustitia damnare, & tamen habet in eo locum infallibilis impetratio, ut rectè docet D. Thom. 2. 2. q. 83, art. 16. ubi ait, peccatorem posse impetrare, licet non possit mereri, quia meritum innititur iustitiæ, impetratio autem innititur gratiæ.

Tum denique, quia non quævis promissio sufficit ad inducendum debitum iustitiæ diuinæ, sed opus est, ut sit promissio confetendi aliquid in compensationem operis. In hoc autem casu non est talis promissio, nam oratio non compensatur, sed exauditur. Vnde Deus tantum promisit se infallibiliter daturum postulata, si ad sint prædictæ conditiones, non quidem ex iustitiæ debito, in compensationem ipsius orationis, sed solum ex fidelitate, & misericordia. Ut si v. g. aliquis promitteret se semper daturum eleemolynam pauperibus, is daret quidem semper ex promissione, sed tamen solum ex fidelitate & misericordia.

## QVÆSTIO CXXVIII.

*Sed quæres, Quare Deus non statim concedit  
quod petimus.*

**R**ESPONDEO, quòd hoc facit primò ut crescat in nobis desiderium talis rei. Vnde D. Aug. inquit, Seruat tibi Deus, quòd non citò vult dare, ut tu discas desiderare. Quia iuxta D. Greg. desideria dilatione crescunt: ideo inquit Ouidius:

*Niti*



*Nititur in vetitum semper, cupimusque negata.*

Secundò, vt melius custodiat<sup>ur</sup> donatum, & charius habeatur, iuxta illud Prosperi:

*G. auor est fructum, quem spes productior edit.*

Et illud Cassiodori lib. 9. epist. epist. 44. Habet hoc humana conditio, vt celeriter adepta fastidio sint.

Quando ergo Deus aliquid rarò concedit, illud hominibus gratius esse solet, iuxta illud Senecæ.

Quod gratiosum vis habere, rarò effice: omne enim rarum charum, vt dicitur in Auth. de consult. §. 1.

Et in cap. legimus §. sed dices. 93. dist. dicitur, quòd omne rarum est pretiosum.

## QVÆSTIO CXXIX.

*Quot, & quænam sint causæ, ob quas interdum in oratione Deus postulata non concedit.*

**R**ESPONDEO, decem. Prima est peccatum orantis iuxta illud Isai. 1. Cum multiplicaueritis orationes vestras, non exaudiam: manus enim vestre sanguine plenæ sunt. Et eiusdem 59. Peccata vestra absconderunt faciem eius à vobis ne exaudiret. Et illud Thren. 3. Nos iniquè egimus, & ad iracundiam prouocauimus, idcirco inexorabilis es. Et illud psalm. 65. Iniquitatem si aspexi in corde meo non exaudiet Dominus.

Secunda est orantis dubitas, iuxta illud Iacobi 1. Postulet in fidè, nihil hæsitans: non enim existimet homo ille quòd accipiat aliquid à Domino. Vnde D. Bernar. Indignus cælesti benedictione esse conuin



204 DE ORATIONE IN COMMUNI  
conuincitur, qui Deum dubio quærit affectu.

Tertia est indignitas eius, pro quo oratur, iuxta illud Ierem. 7. & 11. Noli orare pro populo isto, neque assumes pro eis laudem, & orationem, quia non exaudiam. Et illud eiusdem 15. Si steterint Moyses, & Samuël coram me, non est anima mea ad populum istum.

Quarta est, quod non petitur, quod petendum est, quia s. vile est, quod petitur, vel fortè superuacaneum, aut noxium petenti, iuxta illud Iacobi 4. Petitis, & non accipitis, eò quod malè petatis. Quedam enim Deus negat propitiùs, & tóccedit iratus, prout B. Paulum petentem liberari à stimulo carnis non exaudiuit: Israëlitæ verò ardentes concupiscentia carniū exaudiuit quidem, sed confestim eorum concupiscentiam castigauit. Magna itaque Dei benignitate vota nostra non exaudiuntur, quia multò ampliora dona nobis exinde proueniunt.

Quinta est superbia, iuxta illud psal. 101. Respexit in orationem humilium, & non spreuit preces eorum. Et illud Iudith: Humilium, & mansuetorum semper tibi placuit deprecatio.

Sexta est diuinæ legis contemptus, iuxta illud Prouerb. 28. Qui declinat aurem suam, ne audiat legem, eius oratio erit execrabilis Vnde D. Greg. in Mor. Omnipotens Deus sæpe eius preces in perturbatione deserit, qui præcepta illius in tranquillitate contemnit. Et iterum. Dignum profectò est, ut ab eius beneficiis sit quisque extraneus, cuius iussionibus non vult esse subiectus.

Septima est implacabilitas in iniuriis, iuxta illud Matth. 6. Cum stabitis ad orandum, dimitte, si quid habebiris aduersum aliquem, & si non dimiseris

seritis hominibus, nec Pater meus dimittet vobis peccata vestra. Et illud Eccles. 18. Relinque proximo tuo nocente te: & tunc deprecanti tibi peccata soluentur. Vnde Iſid. Duobus modis oratio impeditur, ne impetrare quisque valeat postulata, hoc est: si aut quisque adhuc mala committit: aut si delinquenti sibi debita non dimittit.

Octaua est durities, & inhumanitas erga pauperes, iuxta illud Prouerb. 21. Qui obturat aurem suam ad clamorem pauperis, clamabit ipse, & non exaudietur.

Nona causa est prauitas desiderij. Vnde D. Aug. Seruat tibi Deus, quod non vult tibi cito dare, vt discas magna magnè desiderare. Et Greg. in Moral. Æternam vitam si ore petimus, nec tamen corde desideramus, clamantes tacemus, iuxta illud psalm. 31. Tacui, dum clamarem tota die.

Decima, & vltima causa est, defectus perseuerantiæ in orando, iuxta illud Luc. 11. Si perseuerauerit pulsans. Et illud Psalm. 65. Benedictus Deus qui non amouit orationem meam à me. Vnde D. August. Si non est amota oratio securus esto, quòd nec misericordia.

## QVÆSTIO. CXXX.

*Vtrum intentio, seu propositum orandi, seu petendi aliquid à Deo, sit de substantia orationis.*

**R**ESPONDEO affirmatiuè. Et ratio est, quia oratio ex suo genere est actus Religionis, Religio autem

autem est virtus voluntaria, ergo vt oratio sit actus Religionis, debet proficisci ex intentione ex suo genere pertinente ad Religionem, quæ saltem esse debet intentio orandi, & petendi aliquid à Deo.

Tum quia oratio est locutio cum Deo, non loquitur autem cum Deo, nisi qui dirigit sermonem ad ipsum per intentionem suam: sicut etiam inter homines non loquitur vnus cum alio, nec vnus Angelus cum alio, nisi per voluntatem, ordinando ad alterum cogitationem suam, vt post, & ante multos alios tradit Nauar. de oratione cap. 13. nu. 14.

Hinc, qui recreationis gratia, vel studij, diuinum officium recitat, munus orandi non implet, nec Ecclesiæ præcepto satisfacit, ac proinde peccat mortaliter, quia non orat, nec laudat Deum, quod tamen ei præceptum est, oratio enim sine animo orandi, non est oratio. Vnde non satis est verba petitionis exterius proferre, nisi cum affectu orandi, & petendi id fiat, nam dormiens, amens, aut infans similia verba proferentes, non orant.

## QVÆSTIO CXXXI.

*Vtrum intentio orandi, ex obiecto debeat esse bona.*

**R**ESPONDEO affirmatiuè. Et ratio est, quia oratio debet esse de re decenti, & consentanea diuinæ bonitati, talis autem petitio ex obiecto bona est, nam desiderium obtinendi à Deo aliquid decens, & honestum ex obiecto bonum est.

Dices,

Dices, interdum oratio est petitio rerum temporalium, quæ non sunt bona ex obiecto, sed in-differentia, ergo.

Respondeo, vt talia bona temporalia licitè à Deo petantur, oportet vt saltem virtute in tali oratione subintelligatur conditio, si expedit, vel est utilis ad salutem, & sic petitio illa ex obiecto bona est, & honesta.

## QVÆSTIO CXXXII.

*An intentio orandi necessariò debeat esse  
bona simpliciter.*

**R**ESPONDEO, quodd' non. Et ratio est, quia qui habet intentionem orandi, & ex ea profert verba de se apta ad orandum, quamuis id agat ex intentione laudis humanæ, verè orat, quamuis non bene oret, nam non omnes circumstantiæ orationis sunt de substantia orationis.

Tum quia talis oratio est sufficiens ad implendum præceptum Ecclesiasticum de recitando diuinum officium, vt de se constat, ergo est verè, & propriè oratio, quia ad implendum præceptum vera oratio requiritur.

## QVÆSTIO CXXXIII.

*An huiusmodi intentio debeat esse expressa,  
& formalis.*

RESPON

**R**ESPONDEO, sufficere implicitam, & virtutalem. Et ratio est, quia similis intentio sufficit ad quemcunque actum moralem. Talis est in eo, qui habet voluntatem satisfaciendi suæ obligationi, vel implendi suum munus, vel in eo, qui si interrogaretur, quid faciat, responderet, se id facere ad recitandum. Ita Nauar. de oratione cap. 13. num. 15. & Suar. lib. 3. cap. 3. num. 6.

---

### QVÆSTIO CXXXIV.

*An ad satisfaciendum præcepto, satis sit voluntas, qua clericus breuiarium manu capit, aut Ecclesiam petit, ibi recitaturus, quamuis postea recitet inuoluntariè distractus.*

**R**ESPONDEO sufficere, nam eo ipso, quo quis voluntariè aliquid istorum, more solito facit, animum habet persoluendi munus suum, ac proinde intentionem habet attendendi, cum intentio non subsistat, sine attentione, & attentio quasi necessariò consequatur intentionem orandi.

---

### QVÆSTIO CXXXV.

*Quidnam sit attentio.*

**R**ESPONDEO, quòd est intellectus aduertentia ad id, in quod voluntas tendit. Vnde attendere nihil

nihil aliud est, quàm animum habere præsentem ad id, quod dicit, nèpe, vt quod lingua foris personat, mens simul intus concipiendo loquatur, iuxta illud D. Augustini in sua Regula. Hoc versetur in corde, quod profertur in ore.

---

## QVÆSTIO CXXXVI.

*Quotuplex sit attentio.*

**R**ESPONDEO duplex, scilicet interna, & externa. Attentio interna est illa, qua quis attendit animo ad Deum vel res diuinas, excitâtque in se erga Deum reuerentiam.

Externa verò est, quæ est circa externam pronuntiationem, & totius corporis compositionem, qua quis exterius se gerit in speciem orantis, abstinêtque ab illis actionibus externis cum quibus attentio interna esse nequit.

Rursus attentio est triplex, scilicet superficialis, literalis, & spiritualis. Prima est, qua attenditur ad verba tantum nempe, vt ea rectè, & integrè dicantur.

Secunda est, qua attenditur ad sensum literalem verborum, non quidem secundum grammaticam ipsorum interpretationem, sed secundum etiam sensum, quem docti habere possunt.

Tertia verò est, qua attenditur ad finem orationis, nempe ad Deum, cum quo loquimur: vel Christi passionem per quam mens nostra erigitur ad contemplandam diuinam bonitatem, potentiam, sapientiam, & iustitiam, &c. aut Virginem sanctissi-

210 DE ORATIONE IN COMMUNI  
nam, & alios Sanctos, aut ad id, quod precibus à  
Deo impetrare intendimus, s. gratiam, fidem, spem,  
charitatem, peccatorum remissionem, cælestem pa-  
triam, & alia huiusmodi peti solita.

Prima igitur attentio ad verborum prolationem  
infimum gradum tenet inter attentionum genera,  
nec illam secundum Sotum lib. 10. q. 5. ar. 5. & Ara.  
2. 2. q. 83. ar. 13. habere potest, nisi qui linguam La-  
tinam nouit.

Ex quo inferunt clericos omnes esse debere La-  
tinos, aliàs rectè, & integrè verba proferre nequi-  
bunt. Sed non placet, quia attentio illa principaliter  
consistit in aduertendo, ut verba rectè, suoque or-  
dine pronuncientur, quod etiam idiotæ possunt fa-  
cere, & passim faciunt. Quare dicendum est, hanc  
attentionem communem esse doctis, & indoctis,  
maribus, & fœminis, nisi quodd idiotæ possunt ma-  
terialiter errare, articulatè non proferendo, quod  
non refert, modò id non intendant, sed studeant, ne  
labantur.

Secunda attentio, quæ est ad verborum sensum,  
propriè non omnibus Latinis congruit, sed tantùm  
Theologiæ peritis. Et hæc secunda attentio est me-  
lior prima.

Tertia verò, & vltima attentio omnibus spiri-  
tualibus hominibus est familiaris, etiam si sint idio-  
tæ. Isti enim alia mysteria non callent, attendunt,  
dum orant, tum ad diuinam Maiestatem, cum qua  
loquuntur, tum ad suam exiguitatem, qui loquun-  
tur, tum ad eorum necessitatem, quæ postulant. Su-  
premus autem scopus orandi esse debet, cor, & men-  
tem, quàm maximè fieri queat, deificare. Quòd si vel  
in alios sanctos, vel in sacram Virginem, vel ad ali-  
quod



quod passionis Christi mysterium attendatur, non sic debet illic mens gradum figere, ac si vltimus esset scopus, sed debet id tanquam medium accipi, per quod ad diuinitatem, quantum Deus dederit, ascendatur. Et hæc attentio est omnium præstantissima, vt egregiè monet D. Th. 2. 2. q. 83. ar. 13. Caier. ibidem. Nauar. de oratione c. 13. nu. 35. & communis.

Tandem, quauis ex his attentionibus potest esse triplex, scilicet formalis, virtualis, & habitualis.

Attentio formalis est illa, qua quis actualiter attendit ad id, quod pronunciat.

Attentio virtualis est, cum quis aliquod opus aggredditur, animò attento illud perficiendi, & dum in opere versatur, mens eius ad alia rapitur, non tamen sua sponte, nec ex proposito, v. g. qui ad Domum Lauretanam proficiscitur, non semper per viam de Domo Lauretana cogitat, & tamen totus ille accessus fit virtute primæ intentionis, vt ad illam perueniat.

Hinc, qui psalmum incipit recitare, animo quidem attendendi, deinde verò nolens, variis cogitationibus huc, & illuc distrahitur, totus tamen psalmus attentè recitatur, vi, & virtute primæ illius voluntatis, qua voluit attento animo psalmum recitare.

Habitualis autem attentio est, cum quis facit aliquid ex habitu, & vsu, nihil ad illud aduertens, vel nulla præcedente aduertentia, vt si quis canat in somnis ex habitu, iuxta quem in vigilia canere consuevit.

## QVÆSTIO CXXXVII.

*Vtrum in omni oratione necessaria sit attentio.*

**E**T quidem loquendo de oratione mentali, certum est, attentionem esse necessariam. Et ratio est, quia oratio mentalis tota consistit in attentione, cum sit merè actus internus, & attentione cessante, cessat oratio, unde repugnat, mente orare, & non attendere, & ista nunquam est peccatum non attendere in oratione mentali.

## QVÆSTIO CXXXVIII.

*Tota igitur difficultas est, de oratione vocali.*

**I**N qua re etiam est certum, aliquam attentionem esse necessariam in oratione vocali, quæ est ex præcepto, non solum ut sit bona, sed etiam ut oratio sit. Ratio huius est, quia oratio vocalis est quædam adoratio, hoc est, cultus Dei externus, ergo debet fieri in Spiritu, & in veritate, ergo requirit attentionem mentis, aliàs fiet in solo corpore, & non in Spiritu. Idèd 1. Cor. 14. dicitur, Orabo Spiritu, orabo & mente, psallam Spiritu, psallam & mente. Et 2. Cor. 14. Si orem lingua, mens mea sine fructu est. Et ad Eph. 5. Cantantes, & psallentes in cordibus vestris Domino. Super quibus verbis dixit D. Hieronym. Audiant hi, quibus in Ecclesia est psallendi officium Deo, non voce, sed corde cantandum. Vbi glossa in cap. Cantantes, adijcit versus illos dignos continua memoria.

*Non musica cordula, sed cor,*

*Non clamor, sed amor clamat in aure Dei.*

QVÆSTIO

## QVÆSTIO CXXXIX.

*Totum igitur controuersie diffidium est de oratione, quæ omnino est voluntaria.*

**G**ABRIEL in Can. Missæ lect. 62. negat aliquam attentionem esse necessariam, ita ut peccet orans, si attentionem non habeat. Et probat, quia cum oratio in casu posito non sit necessitatis, sed voluntatis, ideo sicut sine peccato potest omitti talis oratio, sic & sine peccato potest abesse attentio.

Hoc tamen minimè suffragante, est contrarium omnino dicendum. Ducor, quia licet aliquis non teneatur orare, tamen si orare vult, tenetur debito modo orare, sicut qui hospitio excipit aliquem virum quem non tenetur præcepto excipere, peccat, si eum sordidè, & immodestè tractet, vt constat ex cap. 2. Malach. vbi habetur, peccare eum, qui offert Deo, vel Principi hædum cæcum, vel abominabilem, etiam si offeratur ab eo qui nullum tenetur eis offerre. Debet enim aut non excipere, aut non offerre, aut bene cum debitis circumstantiis id facere. Quare etsi non teneatur orare, si tamen velit, & oret, tenetur debitam reuerentiam, & attentionem adhibere, ne irrisor, & contemptor apud Deum esse videatur.

Tum quia licet homo non teneatur operari, tamen dum operatur, tenetur sine aliquo honesto id facere, aliàs nonnihil peccatum committit.

Tum quia vocalis loquutio ad Deum sine vlla prorsus attentione non est oratio, nam oratio est

ascensus mentis ad Deum, sed qui profert verba sine vlla attentione, nullo modo ascendit ad Deum de ergo reuera non orat.

Tum quia de ratione orationis est aliquod desideratum à Deo petere, velle autem petere à Deo aliquod desideratum, præsupponit attentionem, quæ est mentis aduertentia ad id, quod voluntas intendit, siquidem nil volitum, quin præcognitum, & ita omnis oratio prærequirit aliquam attentionem.

Tum quia qui orat sine vlla attentione, non implet præceptum orandi: ergo signum est, illam vocalem prolationem tunc non esse orationem.

Tum etiam, quia qui habet genua flexa, & nullo modo ad Deum attēdit, nullo modo adorat Deum, quia licet habeat externam corporis positionem aptam ad significandum cultum, tamen actu non significat, quia in mente nullus est cultus; ergo similiter qui profert verba sine vlla attētionē non orat, quia reuera orationem non indicat, vel falsè indicat. De qua Matth. 15. Populus hic labiis me honorat, cor autem eorum longè est à me. Vnde D. Aug. Psal. 39. Dicant labia, quod habet cor. & in epist. 109. Psalmis, & hymnis dum oratis Deum, hoc versetur in corde quod profertur in ore. Et alibi. Quid prodest strepitus labiorum, si mutum est cor. Et rursus. Sicut vox sine modulatione quasi vox picarum: sic oratio sine attentione, quasi mugitus boum. Et iterum: Plus Deo placet latratus canum, mugitus boum, grunnitus porcorum, quàm cantus clericorum mente vagantium. Et D. Greg. in quadam homilia. Illam orationem Deus non exaudit, cui homo, quando psallit, non attendit. Et Isid. lib. 3. de summo bono cap. 8. Oratio cordis est, non labiorum:

biorum: neque enim verba deprecantis Deus intendit: sed orantis cor aspiciet, melius est cum silentio orare corde, sine sono vocis, quàm solis verbis sine intuitu mentis. Et D. Basil. dixit. Diuinum auxilium est implorandum, non remissiuè, nec mente huc, vel illuc euagante, eò quòd talis non solum non impetrabit, quod petit, sed etiam magis Deum irritabit. Et D. Bernardus in serm. c. 3. super Cant. Immolantes hostias laudis, iungamus verbis sensum, sensui affectum, affectui exultationem, & exultationi grauitatem, grauitati humilitatem, & humilitati libertatem.

Hinc, non peccat, qui scienter animo minimè attento recitat aliquos psalmos, vel hymnos, non animo quidem orandi, sed vt mentem abstrahat à molestis cogitationibus, vel vt memoriæ mandet, vel vt alium doceat modum recitandi officium, vel vt se recreet. Et ratio est, quia non illos per modum orationis, sed tanquam mentis retinaculum eligit.

### QVÆSTIO CXL.

*Verum attentio formalis, seu actualis sit orationi vocali necessaria.*

**R**ESPONDEO non esse necessariam. Et ratio est, quia non est in potestate nostra, quin distrahamur aliquando, iuxta illud Psalm. 39. Cor meum dereliquit me.

Tum quia non obstante hac distractione inuoluntaria, oratio vocalis vera oratio est, & per illam abundè adimpletur præceptum orationis, ergo talis attentio formalis non est orationi vocali necessaria. Ita D. Th. 2. 2. q. 83. ar. 13. ad 3.

## QVÆSTIO CXLI.

*Utrum attentio habitualis ad orationem  
vocalem sufficiat.*

**R**ESPONDEO non sufficere. Et ratio est, quia hæc non est vera attentio, & cum ea non subsistit oratio.

## QVÆSTIO CXLII.

*Utrum attentio virtualis sit orationi vocali  
necessaria.*

**R**ESPONDEO esse necessariam. Et ratio est, quia ad satisfaciendum præcepto orationis, illa attentio requiritur, sine qua non subsistit oratio, sed oratio non subsistit sine attentione saltem virtuali, ergo attentio virtualis est ad orationem vocalem necessaria.

Et confirmatur, nam qui voluntariè distrahitur, vel deprehendens se orare sine actuali attentione mentis non curat mentem suam retrahere à distractione, hic non orat, nec implet præceptum orandi, ergo ad orandum validè, & sine peccato, necesse est, accedere ad orationem cum proposito attendendi, & in ea perduret absque proposito directè, vel indirectè diuertendi mentem ad aliena, & impossibilia interiori attentioni, & deuotioni. Quandiu autem homo ita perseverat orando, dicitur esse attentus virtualiter, quia licet velle attendere, non sit attendere in re, ut optimè dicit illustr. Caiet. 2.2. q. 83. art.



art. 13. est tamen attendere in virtute primæ intentionis, ergo virtualis attentio necessaria est ad salutem, sufficitque ad vitandum omnem culpam, & ad implendum præceptum.

Hinc, non censetur quis mutare propositum attendendi, eo solo nomine, quod non attendat, nisi etiam aduertat se non attendere, sed neque tunc, si procurat saltem mediocriter retrahere animum ab euagatione. Ratio est, quia donec quis totum illud aduertat, nondum habet sufficiens principium in cogitatione, ut sit illi liberum, retrahere mentem à distrahentibus.

Dixi notanter, *mediocriter*, quia secundum D. Tho. in 4. dist. 15. q. 4. ar. 2. q. 4. si ad eam repellendam adhibeatur magna, aut saltem mediocris diligentia, etiam si non retrahatur, cuitatur culpa mortalis, & venialis, verum si non adhibetur ad minus mediocris, peccatur venialiter.

## QVÆSTIO CXLIII.

*An peccet, qui voluntariè sine attentione orat.*

**E**T quidem loquendo de oratione, quæ est obligatoria, aut publica, certum est, cum qui sponte sine attentione orat, peccare mortaliter. Et ratio est, quia per illam orationem præceptum orandi non implet, ut post Diuum Tho. Caiet. Palud. Diuum Ant. & alios tenet Nauar. de oratione cap. 13. num. 46. ergo peccat mortaliter.



## QVÆSTIO CXLIV.

*Sed dubium est de eo, qui privatim orat eo tempore, quo non tenetur orare.*

**I**N quâ re etiam est certum, cum qui non vult orare, sed tantum psallere, vel usurpare verba orationis materialiter, ut mentem ab aliis cogitationibus molestis abstrahat, non peccare, non adhibendo attentionem. Et ratio huius est, quia hic formaliter non orat.

## QVÆSTIO CXLV.

*Tota igitur lis est de eo, qui formaliter vult orare.*

**G**ABRIEL in Canon. Missæ lect. 62. negat ex suo fundamento, quia hic non tenetur orare, ergo neque tenetur ad orationem attendere.

Contrarium tamen est proculdubio affirmandum. Ducor, quia oratio est ascensus mentis in Deum, quo à Deo aliquid decens petitur; qui igitur dum orat, mentem ad alia diuertit, talis non propriè orat, sed potius Deum irridet, quia cum ad Deum loquatur, & à Deo aliquid beneficium petat, faciem mentis retrorsum auertit.

Tum quia etiam inter homines, non parva irreuerentia est, loqui cum Principe, ad ipsum non atten

attendendo, neque ad verba, quæ ipsi dicuntur, maxime quando ex modo, & signis alter potest cognoscere incogitantiam loquentis. Deus autem intuetur cor, & videt indebitum modum loquendi ad ipsum, ergo talis oratio non sit sine peccato irreuerentiæ contra virtutem Religionis.

Tum quia si quis non ex præcepto, sed ex libera sua voluntate vult confiteri, vel celebrare, aut communicare, tenetur prius se disponere, ne Sacramento irreuerentiam faciat, ergo & qui vult orare Deum, & ab eo aliquid petere, etiam extracausam necessitatis, tenetur attentione adhibere, ut vitet irreuerentiam, quam Deo, ad quem loquitur, faceret, si ad Deum loquendo, mentis faciem retrorsum auerteret. Vnde D. Chryf. hom. 1. super illa verba Isa. 6. Vidi Dominum. Qui cum Rege, inquit, terreno loquitur, de iis tantum verba facit, de quibus ille voluerit audire, &c. tu verò cum Rege Regum colloquens, cui cum honore seruiunt Angeli, omisso cum illo sermone, de luto, de puluere, de telis araneorum loqueris. Nihil enim aliud sunt huius vitæ negotia, & quomodo sustinebis istius contemptus pœnam? Quis te liberabit ab hac vindicta? Et D. Hier. aduersus Luciferianos: Ad orationem, inquit, assisto, non orarem, si non crederem: Sed si verè crederem, illud cor, quo Deus videtur, mundarem, manibus tunderem peccatus, genas lachrymis rigarem, corpore inhorrescerem, ore pallerem, iacerem ad Domini mei pedes, eosque fletu perfunderem, crine tergerem, hærerem certò trunco crucis, nec prius amitterem, quàm misericordiam impetrarem. Nunc verò ereberrimè in oratione mea, aut per porticus deambulò,

bulo, aut de fœnore computo, aut abductus turpi cogitatione: etiam quæ dictu erubescenda sunt, gero. Vbi est fides? Sicne putamus orasse Ionam? sic tres pueros? sic Danielem inter leones? sic certè Iatronem in cruce. Et D. Bonauent. lib. de perfect. vitæ cap. 5. Valdè indecens est, vt quis cum Deo loquatur ore, & aliud meditetur corde. Et subdit. Talis oratio nunquam exauditur à Deo. Et Diuus Cyprianus libro de oratione ait: segnitia est, alienari, & capi inieptis, & prophænis cogitationibus, dum Deum deprecaris. Quasi sit aliud, quod debeas magis cogitare, quàm quod cum Deo loquaris? Quomodo te audiri à Deo postulas, cùm te ipsum non audias? Vis esse Deum memorem tui, cùm rogas, quando tu ipse memor tui non sis. Et addit. Hoc est, cùm Dominum oras, Maiestatem eius offendere. Tandem Hugo de S. Victore loquens de oratione dicit. Si cùm orationem fundimus, quodlibet aliud in corde versamur, etiam si illud bonum sit, à culpa liberi non sumus. Quam doctrinam arbitror esse verissimam, si quis sponte ab oratione voluntaria distrahatur, nam si non aduertenter, nec ex proposito, sed vel contra voluntatem, vel præter, alia diuersa considerat, excusationem habet, quia vt præclare omniscius, & omni pietate resplendens D. Thomas dicit, mens humana propter infirmitatem naturæ, diu in alto stare non potest, pondere enim infirmitatis humanæ, anima ad inferiora deprimitur, & ideo contingit, quodd sæpe mens subito ex quadam infirmitate sine aliquo proposito vagatur: quando ergo orans omni qua valet diligentia cum Abraham abigit volucres, id est, volatiles cogitationes à sacrificio

sacrificio orationis, & cùm inuenit cor suum in oratione, quod fugituum pergit per varias cogitationes, festinat intrare cubiculum, id est, secretum mentis arcanum occultæ intentionis, quæ soli Deo per orationem placere desiderat, tunc si mens distrahatur, nulla videtur esse culpa, quia vt dicit D. Hieronymus, Deus non præcipit, quod homo non potest facere.

Reliquum est iam argumento Gabriëlis initio posito satisfacere, dicendo, quod quamuis hic non teneatur tunc orare ex præcepto affirmatiuo orationis, tenetur tamen tunc attentè orare ex præcepto negatiuo virtutis Religionis, quo prohibentur omnes irreuerentiæ contra Deum. Nam supposito quod velit orare, tenetur vitare irreuerentiam.

## QVÆSTIO CXLVI.

*Sed dubitabis. An id sit peccatum mortale?*

**R**ESPONDEO esse duntaxat peccatum veniale. Et ratio est, quia non aded grauis fit Deo irreuerentia, si vocetenus quis proferat verba orationis, quando aliàs oratio non erat sub præcepto.

Ex quibus omnibus colligitur multos interdum peccare taliter orando, quia non peccarent, non orando. Similiter peccare, dicendo, aut audiendo Missas, aut diuina officia, qui proculdubio non peccarent, non dicendo, aut non audiendo illa, cùm nullo præcepto, vt suppono, ad illa teneantur.

QVÆST.

## QVÆSTIO CXLVII.

*An sint omnes tres attentiones necessariae simul, ut præcepto orandi satisfaciamus?*

**R**ESPONDEO non esse omnes tres necessariò habendas, cum quolibet illarum sit sufficiens ad satisfaciendum præcepto, quia, ut diximus, idiotæ secundum habere nequeunt, & confirmatur communi Doctorum sententia.

## QVÆSTIO CXLVIII.

*An prima attentio, qua orans attendit ad verba duntaxat, ne s. dicat unum pro alio, sit omnino necessaria ad implendum præceptum orationis,*

**M**EDINA C. de oratio. q. 14. Tolet. lib. 2. cap. 13. nu. 9. Angles in 1. p. tract. de oratione, & plerique alij affirmant esse simpliciter necessariam, quia est veluti fundamentum, & substantia cæterarum attentionum.

Tum quia eo ipso quòd quis orationem vocalem profert, præcepto quoque tenetur rectè proferre. At id facere non potest, nisi aliquo modo procurret, ne in recitando erret.

Ex quo inferunt, secundam, & tertiam animi attentionem non sufficere, si reuera prima desit.

Sed

Sed cæteri communi consensu negant, & incertò quidem, quia oratio quæ ad Deum funditur, magis in sententia verborum, quàm in sono ipso, & voce consistit, & Deus potius attendit ad id, quod dicere volumus, quàm ad id, quod ore proferitur. Et ideo hanc partem sustinet D. Thomas 2. 2. q. 83. ar. 3. ubi ait: Satis esse, si ad verba, vel sensum verborum attendamus.

Et ad fundamentum contrariæ opinionis respondeo, quòd si quis experimento nouit, se male proferre, curare aliquo modo debet, ne in pronuntiando labatur. Qui tamen expertus est, se in proferendo non errare, satis est, si ad sensum verborum, vel ad finem orationis, vel ad Deum, ad quem oratio dirigitur, attendat.

## QVÆSTIO CXLIX.

*An secunda attentio sit omnino necessaria.*

RESPONDEO minimè. Ratio est, quia multi Clerici, & Religiosi, & Moniales obligatæ ad recitationem diuini officij, Græcè, vel Latine orantes, nec sensum verborum intelligunt, nec intelligere possunt, nec tamen ideo damnatur ipsorum oratio, quia satis illis est, si ad verba vt rectè pronuntient, vel ad Deum cum quo loquuntur, attentionem habeant.

Ex quo infertur, quòd ad satisfaciendum Ecclesiæ præcepto sufficit vt quis sacra verba præscripta ab Ecclesia recitet animo orandi, laudandique Deum, ea reuerenter dirigendo ad ipsum, atque

224 DE ORATIONE IN COMMUNI  
atque intendendo singula accipere in eo sensu, quo  
Ecclesia accipit, & petere eadem, quæ ipsa in illis  
petit, ut illum iis laudibus celebrare, quibus ipsa  
celebrat.

---

## QVÆSTIO CL.

*Sed quæret aliquis hoc loco, cur cùm à Deo  
aliquid in oratione petimus, multa inter-  
dum recitamus, in quibus nullum est ver-  
bum, quod ad petitionem nostram facere  
videatur? Ut cùm petentes remissionem  
peccatorum nostrorum, recitamus Psal-  
mum. Quare fremuerunt gentes, &c. vel  
alium similem?*

**R**ESPONDEO hæc à nobis recitari, non  
quia continent illud quod cupimus, & peti-  
mus, sed quia nos bene afficiunt erga Deum,  
continent enim, vel laudes Dei, vel rerum ge-  
starum narrationem, quibus excitamur ad affe-  
ctum diuini amoris, & timoris, vel ad sensum  
propriæ infirmitatis, quibus accendimur ad hu-  
militatem, aut ad alterius virtutis Deo gratæ stu-  
dium, & timorem, ut sic digniores efficiamur ad id,  
quod petimus.

QVÆST.



## QVÆSTIO CLI.

*An qui in oratione primum, vel secundum  
attentionis modum eligit, animo non  
transcundi ad tertium, peccet.*

ET quidem, qui in oratione infirmam atten-  
tionem habet, caret tamen cæteris omninò  
intoluntariè, non peccat. Et ratio est, quia in hoc  
casu facit homo quod in se est, & adhibet atten-  
tionem necessariam ad veritatem orationis, & ca-  
rentia melioris attentionis non est voluntaria, er-  
go qui hoc modo orat, non peccat, sed præcepto  
orationis abundè satisfacit.

## QVÆSTIO CLII.

*Sed quod habet difficultatem est, de eo qui pri-  
mum, vel secundum orandi modum eli-  
git cum exclusionè voluntaria melioris.*

CARIETANVS vir aliqui sui ordinis eruditissi-  
mus 2. 2. q. 83. ar. 13. censet eum peccare  
mortakter, nec satisfacere præcepto orationis.  
Eiusdem opinionis est Nauar. de oratione cap. 13.  
num. 33.

Ex quo inferunt, eum qui dum orat, aliquod  
mysterium passionis Christi meditatur, non debere  
p illic

illic ultimatè mentem suam sistere, tanquam in fine, sed tanquam medio vii, per quod ad Dei amorem ascendat. Cuius quidem rei nos Ecclesia admonet in præfatione Natiuitatis. Per incarnati enim, inquit, verbi mysterium, noua mentis nostræ oculis lux tuæ claritatis insulsi, vt dum visibiliter Deum cognoscimus, per hunc inuisibilem amorem rapiamur.

Arbitror tamen contrarium esse affirmandum. Ducor, quia homo non tenetur orare meliori modo, quo potest, ergo nec tenetur non impedire meliorem attentionem, ergo adhibendo attentionem infimam, licet aliàs meliores excludat, non peccabit.

Tum quia nullum præceptum obligat ad attendendum cum maximo conatu, vel intentione, ergo nec obligat ad attendendum ad præstantissimum obiectum.

Tum quia, si non tenetur meliorem attentionem adhibere, ergo nec tenetur illam non impedire, quia nulla est maior ratio obligationis.

Tum quia, si non tenetur non impedire meliorem attentionem, non posset sine peccato orare, dum se induit, vel aliam similem actionem exercet, quia licet talis actio secum admittat infimam attentionem, impedit tamen perfectiorem, consequens est falsum, & contra communem praxim omnium piorum hominum, ergo.

---

### QVÆSTIO CLIII.

*An sit necessarium, vt attentio totam orationem comitetur.*

**P**RO huius quæstionis intelligentia, obseruandum est primò, bifariam aliquid esse necessariũ, vt s. Metaph. Philosophus est author. s. simpliciter, & secundũ quid. Necessarium simpliciter est illud sine q̃to res suum finem attingere nequit, vt ci- bus ad vitam hominis. Necessarium verò secũdũ quid, est illud, quo res commodius, & melius ad finem peruenitur, vt equus ad iter peragendum.

Secundò est obseruandum, quatuor esse orationis effectus. Primus est, vt actus sit ex se moraliter bonus, etsi in gratia fiat, meritorius de condigno. Secundus orationis effectus est impetratio. Tertius satisfactio. Quartus, & vltimus effectus est specialis quædam mentis resectio, dulcissimæque recreatio, quæ ab eloquio cum Deo inito instillat. Quibus iactis fundamentis:

Primò dico, quòd ad tres primos effectus consequendos, non est necessarium, quòd attentio toti orationi assistat. Et ratio est, quia habere semper æqualem attentionem, non est in nostra potestate, de qua re conquerebatur Dauid dicens. Cor meum dereliquit me. Quamobrem diuagatio quæ non est voluntaria, non imputatur ad culpam. Vnde vt oratio sit moraliter bona, & impetratoria, ac satisfactoria, satis est, vt oraturus in principio proponat attendere, quia tunc vis, & robur attentionis actualis in principio habet, virtute per totam orationem durat, & vocatur virtualis.

Secundò dico, quòd attentio actualis per totam orationem perdurans ad dictos tres effectus, est secundũ quid necessaria. Et ratio est, quia est splendidissimum orationis ornamentum, & decus singularis verbis attendere.

Tertiò, & vltimò dico, quòd attentio actualis. nō tantum ad verba, sed aliqua perfectior, vt illa, quæ est circa piam aliquam cogitationem practicam, est simpliciter necessaria, vt orans quantum orationis effectum consequatur. Et ratio est, quia huiusmodi mentis recreatio non in habitu, sed in actu vitæ spiritualis consistit, quare nisi attentione præfenti, extare nequit, iuxta illud Apostoli 1. Cor. 14. Si orem lingua, s. sola, mens mea sine fructu est. Ita D. Tho. 2. 2. q. 83. art. 13.

## QVÆSTIO CLIV.

*An qui dum vocalem orationem profert, applicat animum ad pias meditationes non pertinentes ad verba quæ dicuntur, satisfaciat præcepto?*

**E**T quidem si hic non voluntariè applicat intellectum ad pias meditationes non fundatas in verbis quæ profert, certum est hunc satisfacere præcepto orandi, quia manet virtualis intentio attendendi ad quamcunque attentionem ex suprà positis.

## QVÆSTIO CLV.

*Quæstio ergo tantum est, de eo, qui voluntariè non vult attendere ad verba, sed animum suum applicat ad alia non pertinentia ad verba.*

**H**VGO de sancto Victore in lib. annot. ad Psal.  
17. Gerson 3. p. tract. de oratione, Gabr. in  
Canone Missæ. & Medina C. de oratione, negant.

Communjs tamen, & vera opinio est in contra-  
rium. Tum quia tunc licet non attendat ad verba,  
nihilominus voluntariè illa profert ad orandû, vel  
laudandum Deum cum sufficienti aduertètia, quia  
licet homo nõ habeat attentionem quasi reflexam  
ad verba, semper tamen profert illa humano mo-  
do, & vigilando circa illa aliquo modo, ne erret.

Deinde, non est de ratione orationis, vt cogitet  
orans de ipsa locutione, sed satis est, si cogitet de  
Deo cum quo loquitur, vel de re, pro qua orat, li-  
cèt talis consideratio non nascatur ex sensu verbo-  
rum, id enim non est opus. Quod intelligitur modò  
periculum nõ sit omittendi aliquid in oratione,  
quia, vt suppono, ad hoc tenetur sub præcepto. Et  
ideo ita tenet Caiët. 2. 2. q. 83. ar. 13. vbi sic ait: Lici-  
tum est, dum sacra verba pronunciãtur, meditari ali-  
quid pium, cum non sit necesse ad verba attendere,  
nisi quantum sufficit, vt in illis non erretur.

Obiicies D. Bernardum serm. 47. super Cant. di-  
centem. Nihil aliud, dum psallitis, præter id, quod  
psallitis, cogitetis, nec solas dico vitandas cogita-  
tiones vanas, & otiosas, sed, & illæ aliæ vitandæ  
sunt illa hora, & loco quo s. horæ dicuntur. Et  
postea subdit. Salubria sunt, sed minimè salubriter  
inter psallendum ea reuoluitis: Spiritus sanctus  
enim illa hora gratum non recipit, quidquid aliud,  
quàm habes, neglecto eo, quod debes, obruleris.

Respondeo D. Bernardum loqui de cogitatio-  
nibus bonis, non tamen pertinentibus ad oratio-  
nem, nam illæ admittendæ non sunt tempore ora-

230 DE ORATIONE IN COMMUNI  
tionis. Huiusmodi est cura, & sollicitudo de aliquo  
negotio etiam pio postea afficiendo, non ut Deo  
commendetur (sic enim iam esset orationis mate-  
ria) sed ut de humanis mediis circa illud providea-  
tur, vel aliquid simile.

Hinc, qui ex proposito inter orandum medita-  
tur aliquod mysterium diuinum, vel Christi Do-  
mini, suæ obligationi recitandi satisfacit. Ratio est,  
quia quodlibet mysterium nostræ fidei est aptum  
ad excitandam deuotionem eam interiorem, & at-  
tentionem ad Deum, quæ requiritur.

Hinc, potest quis simul satisfacere præcepto au-  
diendi sacrum, & recitandi officium diuinum. Quia  
attendendo Mysterio Missæ, satisfacit attentioni  
requisitæ in oratione, ut cogitando de humanitate  
Christi, &c.

---

## QVÆSTIO CLVI.

*An oratio in loco certo fundi debeat.*

ET quidem, quando communes, & publicæ  
preces in communi, & publicè dicuntur, in  
Ecclesia celebrari debent sub mortali, ad hoc  
enim Ecclesiæ extructæ, & destinatæ sunt, ut ibi  
orationes communes, sicut & Missarum solemnia  
celebrentur. Et in hoc omnes Doctores cōueniunt.

---

## QVÆSTIO CLVII.

*Sed dubium est de oratione priuata, vel pu-  
blica, priuatim tamen dicenda.*

**I**N qua re etiam est certum, orationem mentalem, quæ nullo verbo prolato sit, nullum peculiarem locum requirere, sed ubique locorum, siue in domo, siue in agro, siue in foro, mensa, vel lecto facta placet Deo. Nec esse aliquem locum, quamuis immundum & obscœnum, in quo non liceat orare mentaliter. Ratio est, quia oratio mentalis per se spiritualis est, ergo, quoad suam honestatem, à conditione corporalis loci non dependet.

Tum quia ubique optimum est Deum amare, colere, reuereri, & gratias ei agere, ut constat ex præfatione Missæ, ubi Ecclesia dicit: Verè dignum, & iustū est, æquum, & salutare, nos tibi Domine semper, & ubique gratias agere, ergo & orare, dicente Apostolo 1. Timoth. 2. Volo viros orare in omni loco, leuantes puras manus, &c. Similiter, & mulieres in habitu ornato, &c. Vbi Glossa. In omni loco, ubicunque sunt, non solum in Ecclesia. Et Ioan. 4. Spiritus est Deus, & eos qui adorant eum, in Spiritu, & veritate oportet adorare. Vbi Glossa. Non in tēplo, non in monte hoc, sed in intimo cordis tēplo, Dei præsētia à nullo loco excluditur. Vnde D. Chrysost. hom. 79. ad populum. In foro etiam, & in medio strepitu, & clamore hominum, orādum esse mentaliter Deum. Et concludit: Templū es, ne locum quæras. Et D. Bernard. in lib. medit. Ubicunque fueris, intra te ipsum ora, si longè fueris ab oratorio, ne quæras locum, quoniam ipse locus es. Quod arbitror verissimū, loquendo de oratione mentali, quæ fit per breues, & frequentes ascensiones cordis ad Deū, quas iaculatorias orationes vocamus, quia cū hæ orationes non requirant permanentē attentionem, nō solum ex parte sua, sed etiam ex parte



232 DE ORATIONE IN COMMUNI  
nostra cōmodè fieri possunt in omni loco : at diu-  
turna, & quæta oratio licèt ex parte sua nullū spe-  
ciale locū sibi determinet, ex parte tamen nostra  
requirit locum solitarium, & quietum, iuxta illud  
Matth. 6. Cū oraueris, intra in cubiculum tuū, &  
clauso ostio, ora Patrem tuum. Vnde Isid. lib. 3. sent.  
cap. 6. Oratio priuatis in locis opportuniū fun-  
ditur, maiūque obtentum impetrat, dum Deo tan-  
tū teste depromitur.

---

### QVÆSTIO CLVIII.

*Sed quod in dubium vertitur est de oratione  
vocali. An videlicet in omni loco  
fieri possit?*

**Q**VÆ difficultas non habet locum in oratio-  
nibus voluntariis, immò nec in obligatoriis,  
quādo necessitas, vel sufficiens ratio cogit ad re-  
citandum in sordido loco, quoniam nulla est lex,  
quæ id prohibet, aut saltem non nisi humana, quæ  
superueniente necessitate in id sufficiente, cessat.  
cap. Sicut. de consecrat. dist. 1.

Tum quia tunc, licèt impedimenta attentionis  
interueniant, non est omnino orandi officium  
omittendum, quia ex duobus malis, minus est eli-  
gendum, minus autem malum est sic orare, quàm  
præceptum non seruare.

Tum quia illa distractio non est voluntaria, &  
ideo non excludit attentionem virtuale, quam  
habere aliquis censebitur, proponendo attendere  
in tali loco, quantum poterit.

Tum etiā, quia vix potest attentio adeo impediri,  
quin

quin saltem ad verba adhibeatur, licet frequenter interrumpatur.

Hinc non peccant, qui necessitate compulsi extra chorum ad naturæ necessaria proficiscuntur, pronupciando in itinere partem diuini officij, quam chorus recitat tempore, quo vadunt, & redeunt, dummodo aliæ circumstantiæ debitæ non desint.

## QVÆSTIO CLIX.

*Totum igitur controuersie diffidium consistit,  
quando necessitas non urget ad oran-  
dum in tali loco.*

**G**ERARDVS Carthusianus in lib. de assiduit. orandi negat. Ibi enim sic ait: Nonnullos loqui cum Deo, vbi verecundaretur loqui cum suis canibus, & pro re horrenda refert, se audiuisse sacerdotem quendam recitantem vespervas in latrina, qui licet in suum fauorem neminem alleget, potuit tamen allegare Ambrosium, & Augustinum qui super illud Apostoli 1. ad Timoth. 2. Volo, & c. dicunt, hoc intelligendum esse de loco decente, & non obscuro.

Cæterum solidum huius sententiæ fundamentum non video: & ideo non placet, sed existimo orationem vocalem per se, siue priuatam, siue publicam, priuatim tamen recitandam, quæ non est præcepta fieri in certo loco, nullam certam loci conditionem postulare, sed in quouis loco quantumvis vili, & sordido, fieri posse, dummodo aliæ

circumstantiæ concurrant. Probat, Deus est ubique, & ubique audit, ac videt, ergo etiam ubique orari potest, quia nulla est ratio, cur specialis loci conditio postuletur.

Tum quia oratio mentalis non requirit certam loci conditionem, ergo nec vocalis priuata, quia solum addit externam significationem interni desiderij, & immediatè dirigitur ad Deum sine vlllo speciali respectu ad locum.

Tum quia specialis loci conditio iure naturæ non est ad orationem requisita, quia nulla ratione hoc ostendi potest, neque iure positiuo, quia nullum scriptum inuenitur, neque consuetudine introductum. Vnde & Iob in sterquilinio, Ionas in ventre ceti, Daniel inter leones, tres pueri in fornace ignis, Paulus in carcere, Christus autem in cruce orauit.

Huic etiam consonat illud prophetæ in psalmo 102. In omni loco dominationis eius, benedic anima mea Domino. Vbi dicit Glossa. Vbi non dominatur, ibi non benedicatur, ubique dominatur, ubique benedicatur. Nullus excusatur. Sicut ergo nulla creatura, sic nullus locus à laude Dei excipitur. Hæc ibi.

Ex quo infertur, posse fieri etiam vocalem orationem in loco ubi, vel dum venter exoneratur, propterea quod nullibi id video vetitum.

Tum quia melius est ibi Deum mente, & lingua laudare, quàm oriosum esse, & posset talis locus corporalibus immunditiis infectus esse occasio, vt orans humiliaret se, considerando humanam immunditiam, & Dei infinitam pulchritudinem, & munditiam, attamen de honestate semper oportet  
tunior

tunior locus esset querendus.

Dixi primo, *per se*, quia in loco, in quo daretur impedimentum attentioni, quod dant qui in locis publicis sine vlla causa recitant publicè, esset peccatum ibi orare. Et in hoc sensu D. Ambrosius, & D. Augustinus explicantes prædictum locum Pauli, aiunt non esse in foro orandum, & ubi est hominum, & sæcularium negotiorum concursus. Et D. Thomas in eundem locum Pauli etiam dixit, orationem mentalem, ubique posse fieri, sed signa orationis exterius non debere fieri omni in loco.

Dixi secundò, *qua non est præcepta*, quoniam si voto, pœnitentia iniuncta, lege, consuetudine rationabili vel fundatoris statuto aliqua Missa, vel oratio dici, vel fieri debeat, pro viuis aut defunctis certo in loco, non sufficit, si dicatur in alio.

## QVÆSTIO CLX.

*An cæteris paribus melius sit privatim orare  
in templo, quàm alibi.*

**R**ESPONDEO per se loquendo, esse melius, uti sensit Concilium Gangrense cap. parçimonia, vnà cum Oecumenico Lugdunensi capit. Decet. de immunitate Ecclesiæ. Et probat Thomas Vvaldensis lib. de sacramentis capit. 147. Cuius tres causas recenset omniscius, & omni pietate resplendens Aquinas 2. 2. quæstio. 89. articúl. 3.

Prima est virtus consecrationis, cuius ratione Deus, citius exaudit, ut patet 3. Reg. 9. & 2. Paral.

Parali. 7. vnde & Angeli ipsi creduntur peculiari-  
ter ibi adesse, & Deum cum psallentibus collauda-  
re, eorūque orationes iuuare iuxta illud psalmi  
67. Præuenerunt, idest, Angeli, coniuncti psallenti-  
bus, idest, orantibus, in medio iuencularum tym-  
panistrarum, idest, animarum sanctarum orantium,  
vel etiam sanctarum virginum, vbique cum eis ad-  
uenientium. Quare Chryl. hom. 24. in Act. Apost.  
ait: Nescis, quod cum Angelis stas, cum illis cantas,  
cum illis hymnos dicis. Et hom. 15. ad Hebr. Ple-  
nas dicit esse Ecclesias incorporeis virtutibus.

Secunda, propter mysteria, & res sacras, quæ in eo  
reperiuntur, ob quas homines ad orationem exci-  
tantur, iuxta illud Isai. vsurpatum à Domino Luc.  
19. Domus mea, domus orationis vocabitur.

Tertia, propter concursum plurium ibi orantium,  
ex quo fit oratio magis exaudibilis, iuxta illud Do-  
mini, Mat. 18. Vbi sunt duo, vel tres congregati in  
nomine meo, ibi ego sum in medio eorum.

Dixi notanter, *per se*, quia ex accidenti potest  
contingere, vt alius locus commodior sit, quia si  
templum sit publicum, potest accidere, vt in eo sit  
ocasio, aut distractionis, aut inanis gloriæ, ideoque  
utilius sit iuxta Christi consilium ingredi cubicu-  
lum ad orandum. Vnde S. Isidorus lib. 3. sent. cap. 7.  
Oratio, inquit, priuatis locis opportuniùs fundi-  
tur, maiùsque obtentum impetrat, dum Deo tantum  
teste, deprocuratur.

Similiter etiam iuuare potest priuatus locus ad  
liberiùs exhibenda exteriora signa, quæ attentio-  
nem excitare solent, vel ad loquendum aliùs, vel  
summissiùs, iuxta vniuscuiusque deuotionem, vt re-  
ctè monet D. Tho. 1. ad Timoth. 2. lectio 2.

QVÆST.

## QVÆSTIO CLXI.

*Quandiu in oratione perseverandum sit.*

**N**ON intelligitur quæstio de oratione obligatoria, cuius mensura temporis est sub præcepto, sed de oratione voluntaria.

Respondeo tandiu perseverandum, quandiu est utile ad excitandum interioris desiderij feruorem, ita quòd si absque tædio durare non possit, non est ulterius protendenda. Vnde D. August. epist. 121. cap. 10. ad Probam. Absit ab oratione multa loquutio, sed non absit multa præcatio, si feruens perseveret intentio.

Hinc, si multiloquium fit ad fastidium, vel otium tollendum, vel ad deuotionem excitandam, licitum est, ut patet ex D. Hieronymo ad Rusticum Monachum, & ex D. Augustino in lib. de virtute orandi cap. 11.

Hinc damnatur multiloquium infidelium existimantium Deum multiloquio inclinari, vel si absens est, vocari, vel si nescit, doceri, non autem condemnatur multitudo lachrymarum, & preces multæ continuæ cum cordis puritate & intentionis sinceritate fusæ.

## QVÆSTIO CLXII.

*An in oratione certus aliquis corporis habitus requiratur?*

**R**ESPONDEO in oratione illum corporis habitum requiri, qui reuerentiam, subiectionem,  
&

& humilitatem animi significare solet. Vnde de Christo legimus Lucæ 22. flexis genibus orasse. Et Marci 14. adhuc etiam prostratum in terra orasse. De S. Stephano refertur Act. 7. positis genibus orasse pro inimicis. Et de Petro cap. 9. flexis genibus orasse ad resuscitandam Tabitham. Quod autem de genuflexione dictum est, intelligendum est etiam de aliis gestibus, vel signis corporeis, humilitatem, vel summisionem animi indicantibus, ut sunt eleuatio, vel extensio manuum, nudatio capitis, & similia.

### QVÆSTIO CLXIII.

*Sed quæres, cum variae, & multiplices esse possint corporis ad orandum aptæ compositiones, ut stando, genu flectendo, prostrando in terra totum corpus, & similes, quænam istarum sit præferenda.*

**R**ESPONDEO, ad breues orationes, quamcunque positionem assumi posse, & interdum esse viles quæ profundiorē humilitatem indicant, vel corpus magis exercent. Ad orationes verò diurnas, & longas, vel stationem, vel genuflexionem adhibendam esse. Regulariter tamen consulenda est genuflexio, tum quia est magis usitata à sanctis, tum quia maiorem reuerentiam, & animi summisionem indicat, ac proinde magis mouet, & componit interiorem affectum.

Dixi *regulariter*, quia interdum pro diuersitate affectu



affectionum, vel dispositionum, potest vni personæ vnus modus magis conuenire, quàm alius, & vnusquisque potest eligere modum illum, quo videbitur ad quietem internam, & deuotionem iuari.

---

## QVÆSTIO. CLXIV.

*Vtrum oratio sit facienda versus Orientem.*

**N**ONNULLI putant hanc cæremoniam esse à Christianis omnibus obseruandam ex Apostolica traditione, sed in huius rei probationem nullum speciale adducunt fundamentum. Quare dicendum est, hanc circumstantiam non esse de necessitate orationis vt post D. Tho. 2. 2. quæst. 84. ar. 3. ad 3. docet Durantus lib. 1. de ritibus capit. 3. Quod arbitror verissimum in priuatis orationibus: non tenemur enim cum priuatim oramus, de situ ad orientem sollicitos esse, quia nullum est de hoc præceptum, nec consuetudo fuit in hoc sensu introducta, sed solum de orationibus publicis, quæ in Ecclesiis fieri debent, quia iuxta hanc traditionem consuetudine introductum est, vt Ecclesiæ Christianorum Orientem respiciant. Immo hoc ipsum non arbitror esse aded necessarium, vt si non seruetur bona fide, sit graue peccatum.

Ex quo colligitur hanc cæremoniam solum esse de decentia orationis. Primò quidem propter diuinæ Maiestatis indicium, quod nobis manifestatur in motu cæli qui est ab Oriente,

Secundo,

Secundo, quia paradĭsus in Oriente positus erat, vt legitur Gen. 2. & sic in oratione ad Orientem conuertimus, quasi quærentes ad paradĭsum redire.

Tertiò, quia Christus in Scripturis oriens, & lux mundi appellatur, iuxta illud Zach. 6. Et qui ascendit super cœlum cœli ad Orientem: & ab Oriente etiam expectatur venturus, secundum illud Mat. 24. Sicut fulgur exit ab Oriente, & patet vsque ad Occidentem, ita erit aduentus filij hominis.

Quartò, quia vt ait D. Damascen. lib. 4. De fide cap. 13. Christus Dominus in Oriente crucifixus est, facie ad Occidentem, vnde cū ad Orientem oramus, quasi in Christi faciem intuemur.

Quintò, vt Christiani discernerentur à Iudæis, qui ad Occidentem orare solebant, nam tabernaculum templi erat versùs Occidentem dispositum.

Sextò, & vltimò, quia per istam cæremoniam significatur orationem nostram esse ad Deum super omnes creaturas excellentissimum dirigendam, propterea quòd in ea parte sol omnium creaturarum corporalium nobilissimus oritur. Ita D. August. in sermone de monte lib. 2.

## QVÆSTIO CLXV.

*Vtrum oratio vocalis sit licita, & honesta.*

**R**ATIO dubij est, quia oratio, vt ex dictis cōstat, principaliter Deo porrigitur; Deus autem non

non indiget voce ad audienda hominis desideria, ergo superfluum, & vanum est voce Deum orare. Vnde Elias 3. Reg. 18. deridebat prophetas Baal, dicens: Clamate voce maiori, Deus enim vester forsitan cum alio loquitur, aut in diuersorio est, aut in itinere, aut certè dormit, vt excitetur. Et Ambros. in libr. de sacram. Quando oras, noli verbis clamare. Et Glossa super Matth. cap. 6. inquit, in fide interiori oratur Deus, non in strepitu labiorum. Et ideo Anna mater Samuëlis orando Deum sine oratione vocali, meruit impetrare ipsum filium tam Sanctum. 1. Reg. 1. Talis autem oratio mentalis facta cū deuotione, clamat in aure Dei, & ideo Moyse corde Deum deprecanti, ait ipse Dominus Exod. 14. Quid clamas ad me?

His tamen minimè suffragantibus, certa, & indubitata fide tenendum est, orationem vocalem esse licitam, & honestam, vt patet ex communi vsu, & traditione Ecclesiæ, vnde Dauid psalm. 141. dicebat: Voce mea ad Dominum clamaui, voce mea ad Dominum deprecatus sum. Et psalm. 76. Voce mea ad Deum, & intendit mihi. Et psal. 5. Intende voci orationis meæ. Et de Christo Matth. 26. dicitur, quòd hymno dicto exiuit in montem Oliueti. Et 1. Corinth. 14. Paulus omnes Christi fideles ad orationem vocalem hortatur, cū ait: Cū conuenitis vnusquisque vestrū psalmum haber, &c.

Et ad rationem dubij respondeo, nos non orare voce sensibili ad excitandum Deum, vel quia putemus Deum indigere nostris signis sensibilibus, ad nostra desideria cognoscenda, sed id facimus.

Primò, vt nos ipsos ad deuotionem excitemus.

Secundò, quia corpore, & Spiritu constamus, oramus non solum Spiritu, sed etiam corpore, vt vtroque Deum colamus, iuxta illud Osee 14. Omnem auferit iniquitatem, accipe bonum, & reddemus vitulos labiorum vestrorum. Vbi Hieronymus. Reddituros se esse dicunt labiorum vitulos, & Dei laudes perpeti voce cantaturos. Huic etiam fauet illud Psalmi 50. Domine labia mea aperies, & os meum annuntiabit laudem tuam. Et illud Eccles. 39. Confitemini illi, in voce labiorum vestrorum. Et illud Hebr. 13. Offeramus hostiam laudis semper Deo, idest, fructum labiorum consentientium nominis eius.

## Q V Æ S T I O C L X V I.

*Quot modis possit oratio deprauari, & Deo ingrata esse.*

**R**ESPONDEO quinque. Primò ex parte obiecti, vt cum quis orando aliquid illicitum petit.

Hinc, non meretur, sed peccat mortaliter, quia iniuria affectus à Deo petit, vt ei opem tribuat ad vindictam faciendam propria auctoritate, aut ad vincendum in duello, aut ne cadat causa litigans iniuste, aut vt possit puella potiri extra matrimonium, aut vt impetret victoriam iniustam, &c.

Secundò vitatur, quando quis orando, etsi aliquid decens petat, illud tamen immoderatè, & ultra iustam mensuram petit, est enim, vt ait Diuus

Ambro

Ambrosius, superba, & stulta petitio, dum non sua sorte contentus, pes ambit quæ sunt oculi, qualis fuit petitio Apostolorum Iacobi, & Ioannis, quibus Christus respondit: Nescitis quid petatis.

Tertiò vitiatur ex fine, vt cùm quis orando, honorem, & gloriam vanam quærit.

Hinc, non meretur, sed peccat, qui Deum orat, vt largiatur ei ingenium, memoriam, vocem claram, & artium liberalium scientiam, vt sibi quærat honorem vanum, & vanam laudem in scholis, pulpitis, & auditoriis.

Hinc peccat, qui horas canonicas recitat, vel sacrificat non ob Deum, sed solum ob stipendium, quod sperat, aut certè ob Deum, sed magis, aut æquè ob stipendium. Et ratio est, quia finis eius principalis totus aut ex parte est bonum temporale, & ideo indebitus.

Hinc Religiosus qui ad matutinum surgit, vel celebrat principaliter ob pudorem, aut metum disciplinae, aut amissionis vini, aut obsonij peccat: secus si minùs principaliter.

Hinc peccat, qui audit Missam, aut Rosarium, aliàsve orationes persolvit, principaliter ob bona temporalia, non referendò ea in altiore finem actum, vel virtute, sed persistendo in eis tanquam in fine principali.

## QVÆSTIO CLXVII.

*Sed quæres, quomodo cognosci possit, an quis plus aut æquè ob lucrum, quàm ob Deum bonum opus faciat.*

Q. 2

RESPON

**R**ESPONDEO hoc modo, debet enim hic apud se expendere, an plurius, vel tanti æstimet lucrum quàm Deum in ordine ad illud opus. Si enim plus, aut tanti ad illud exequendum moueatur, æstimatione, & amore lucri, quàm Dei, lucrum censeretur finis illius principalis totalis, aut partialis, atque adeò opus ipsius vitiari ex indebito fine.

Hinc qui diuinum officium persoluit plus ob Deum, quàm ob lucrum, etiamsi non recitaret, nisi lucrum ipsum speraret, non peccat, quia bonum opus facere minùs principaliter propter lucrum, non est illicitum, quando principaliter fit propter Deum, qui est debitus finis primarius omnium bonorum operum.

Hinc non peccat, qui sacrificat principaliter propter Deum, plurius æstimans seruitium Dei, quàm stipendium, quamuis si non tribueretur illud, non sacrificaret.

Hinc, qui ad chorum accedit ob Deum, obque distributiones, si actu vel virtute plurius æstimet inservire Deo, & facere quod sui officij, & muneris est, quàm illas, quamuis si eas non speraret, non adiret.

Quartò vitiatur ex parte personæ, & loci, ut cum publicus peccator publicè in Ecclesia orationes fundit tanquam minister illius, nam inde scandalum solet oriri. De tali enim procedit quod dicitur in psalm. 49. Peccatori autem dixit Deus. Quare tu enarras iustitias meas per os tuum, &c.

Quintò, & vltimò ex ignavia orantis, ut si in oratione petat à Deo aliquod bonum, & cum possit ipse per humana remedia illud obtinere, negligit,

LIBER I. QVÆST. CLXVIII. 245  
git, & à solo Deo illud contendit. Talis enim qui  
media conuenientia sibi possibilia ad comparan-  
dum quod petit prætermittit, siue gloria sit, siue  
scientia, siue sanitas, magis videtur Deum irridere,  
& tentare quàm orare.

---

QVÆSTIO CLXVIII.

*An oratio vitietur ex hoc, quòd orans est  
in peccato mortali.*

SUNT, qui tenent quòd sic. Pro quo facit pri-  
mò quòd habetur Prouerb. 28. Qui declinat au-  
res suas ne audiat legem, scilicet vt eam impleat,  
oratio eius erit execrabilis.

Secundò facit quòd habetur Psalm. 49. vbi Do-  
minus dicit peccatori. Quare tu enarras iustitias  
meas, & assumis testamentum meum per os tuum?  
Vbi videtur reprehendere peccatorem, qui oratio-  
nes & laudes Deo fundit.

Tertiò facit quòd habetur Isai. 1. vbi Dominus  
sacrificia, orationes, & alia huiusmodi, quæ Iu-  
dæi faciebant in cultum, & honorem ipsius, ap-  
pellat abominationes. Et rationem reddens ait:  
Quia manus vestræ sanguine plenæ sunt, id est, pec-  
caminosæ.

Quartò facit, quod ait D. Gregorius in Pasto-  
rali: Cùm is qui displicet, ad intercedendum mit-  
titur, irati animus ad deteriora prouocatur.

Quintò facit illud D. Chrysostomi homil. 52.  
in Matth. Si quis (inquit) pedes, stercore sordidatis  
manibus supplicando tangeret, non modò non



exaudires, verùm etiã calcibus expelleres: quomodo igitur audes tu hoc modo Deum orare? Nam qui orat, quasi manu lingua vtitur, qua genua Dei supplicando attingit.

Sextò, & vltimò facit quod ait Beda in quadam homilia, vbi exponens illud Psalmi, Voluntatem timentium te faciet, sic loquitur. Sed illi malè petunt, qui vocem Domini iubentis audire obtemperando contemnunt, & nihilominus Domini sui vocem exaudire miserando deposcunt, quos ipse repellens in Euangelio dicit: Quid vocatis me Domine, & non facitis quæ dico.

Contrarium tamen est procudio affirmandum, quia alioqui nulla peccatoris oratio Deo placeret, cuius oppositum patet, quia peccator orans pro remissione peccatorum non peccat, immò sæpe à Deo exauditur, vt patet Luc. 18. De publicano orate, & petente à Deo, Propitius esto mihi peccatori, & veniam obtinuit, non igitur oratio vitatur per hoc, quòd orans est in peccato mortali.

Tum quia ieiunium, & eleemosyna, & multa alia virtutum opera, non vitantur per hoc quòd in peccato mortali fiant, vt per se constat, ergo idem dicendum est de oratione.

Tum quia peccator adhuc in peccato mortali existens, potest, & debet suam salutem desiderare, ergo potest hanc à Deo humiliter petere, nam vt D. Aug. docet, Pro omni eo licitum est orare, quòd licitum est desiderare, & ita oratio non ex hoc deprauatur, quòd in peccato fit. Et hæc certa sunt, loquendo de oratione priuata.

QVÆST.

## QVÆSTIO CLXIX.

*Sed totum controuersie dissidium est de oratione publica, qua quis ut Ecclesiæ minister ad Deum fundit: An uidelicet talis oratio vitietur, per hoc quòd orans est in peccato mortali.*

**E**T videtur quòd sic. nam Dionysius Arcopagita ad Demophilum loquens de Ecclesiæ ministris, qui in mortali existentes sacra Dei mysteria tractant, ait: Immundis nefas est sacra tractare, & suas ibidem orationes intermiscere. Et D. Hieronymus ait. Talium ministrorum omnia opera esse polluta.

Tum quia, ut D. Tho. in 4. dist. 5. q. 2. art. 3. qu. 3. inonet, qui in mortali existens, actum sui ordinis exercet, peccat mortaliter, iuxta illud Deuter. 16. Iuste quod iustum est, exequaris.

His tamen minimè suffragantibus, contrarium est dicendum. Pro quo dico, quòd non per hoc deprauatur oratio siue publica sit, siue priuata, quòd scilicet orans est in peccato mortali secundum reatum, quia in illo statu potest homo multa opera moraliter bona, & Deo grata facere, licet non meritoria uitæ æternæ, quia non habet voluntatem obstinatam in omni malo, ergo eadem ratione poterit aliquam orationem facere, quæ sit moraliter bona.

Tum quia, qui sic orat, non fundatur in dignitate sua, sed in Dei bonitate, qui etiam peccatores ad se vocat & ad colloquendum secum admittit. Secus si orans sit in mortali secundum actum, idest

in actu peccando, vel actu proponendo peccare, & Deum offendere, quia tunc siue oret ut minister, siue ut priuatus, peccat sic orando, quia magnam irreuerentiam Deo irrogat, petendo beneficium, & gratiam ab illo, quem actu offendit, & offendere proponit, id enim non est orare, sed Deū illudere, petens à Deo audiri, cui tamen ipse non vult obedire. Et de tali peccatore intelliguntur loca sacræ Scripturæ allegata, & sacri Doctores. Secus si peccator scit se Deum offendisse, proponens tamen debito tempore pœnitere, & satisfacere, humiliter aliquid à Deo petit, quia tunc talem huius orationem Deus non abominatur ut prauam, et si non semper eam exaudiat.

Satisfaciendum superest argumentis initio huius quæstionis propositis. Et ad primum respõdeo, D. Dionysium loqui de improbo Sacerdote, qui pollutis manibus, & polluto ore sacra Dei mysteria tractat, s. cum vel celebrat, vel sacramenta ministrat, & suas ibidem orationes intermiscet, quod est Deo abominabile. Quod autem D. Hieronymus ait, talium ministrorum omnia opera esse polluta, intelligitur de his, quæ ex polluta voluntate procedunt: Vel ut omniscius D. Thomas exponit super epist. ad Titum 1. dicuntur omnia polluta, quia sunt defectuosa, quia in finem vltimum qui Deus est, non referuntur.

Et ad secundum, s. quod qui in peccato mortali existens exercet actum ordinis peccet, respondeo quod id locum habet de actu proprio sacri ordinis, qualis est Missam celebrare, sacramenta conferre, aut aliud officium sacrum cum solemnitate exercere; fundere autem orationes non est actus

QVÆSTIO CLXX.

*Vtrum oratio sit actus vite æternæ  
meritorius.*

ET quidem certum est in primis orationem  
Beatorum non esse meritoriam. Et ratio est,  
quia Beati licet sint in gratia , non sunt tamen in  
statu merendi, & ideo licet orare possint, & impe-  
trare, non tamen mereri.

---

QVÆSTIO CLXXI.

*Sed dubium est de oratione viatoris.*

IN qua re etiam est certum , orationem impio-  
rum hominum non esse meritoriam de condi-  
gno , quia sine gratia iustificante nullum est tale  
meritum, vt constat ex illo Ioannis 15. Sicut pal-  
mes non potest ferre fructum à semetipso, nisi mā-  
serit in vite: sic nec vos nisi in me manseritis. Ille  
autem in Christo tanquam palmēs in vite, manere  
dicitur , qui Christo vnitus est per gratiam habi-  
tualem: hac enim sanctificamur, & Christo cōiun-  
gimur , atque vnimur. Et ex illo Pauli 1. Cor. 13. Si  
distribuero in cibos pauperum omnes facultates  
meas : & si tradidero corpus meum , ita vt ardeam,  
charitatem autē non habuero, nihil mihi prodest.

Dixi notanter, *de condigno*, quia ad meritum de congruo non est necessaria gratia iustificans, sed sufficit motio Spiritus sancti, seu auxilium gratiæ, ex qua oratio manat. Nam congruum est, Deum sic petenti aliquod beneficium conferre ratione illius bonæ operationis, quæ habet adiunctam fidem, & submissionem ad Deum. D. Thom. 2. 2. quæst. 83. art. 15.

---

## QVÆSTIO CLXXII.

*Sed quæstio tota est de oratione iustorum.*

**R**ESPONDEO, communem esse omnium sententiam, orationem esse vitæ æternæ meritoriam, ut constat ex illo Psalmi 34. Oratio mea in sinu meo conuertetur. Vbi dicit Glossa. Et si eis non profuit, ego tamen non sum mea mercede frustratus: merces autem non debetur nisi merito, ergo oratio est actus gratiæ, & gloriæ meritorius. Habet autem oratio quoddam sit meritoria, non ex natura sua, sed ex charitate, & gratia Dei, quæ dat ei vitæ & pondus, & valorem apud Deum, non quod charitas illa creata id habeat à natura sua, s. facere orationem ex ea procedentem meritoriam de condigno, sed ex Dei acceptatione, aut ordinatione, qui in lege sua promisit opera nostra bona ex charitate facta remunerare.

---

## QVÆSTIO CLXXIII.

*Utrum oratio sit satisfactoria pænæ pro peccatis debita.*

RESPONDEO

**R**ESPONDEO esse satisfactoriam. Et ratio est, quia oratio est actus bonus procedens ex gratia, & pœnalis; ergo est satisfactoria. Consequentia per se constat. Antecedens verò probatur, quia oratio fatigat, & humiliat orantem, iuxta illud Eccles. 12. Frequens meditatio carnis est afflictio. Et illud Eccles. 31. Vigilia honestatis tabefaciet carnem, & cogitatus illius auferet somnum.

Tum quia sicut promisit Deus pro bonis operibus remunerationem, ita & pro pœnalibus operibus, quæ sunt fructus digni pœnitentiæ, relaxationem pœnæ pro peccatis debitæ vel in toto, vel in parte, secundum exigentiam orationis.

## QVÆSTIO CLXXIV.

*Sed quæres, quanta pœna deleatur per orationem.*

**R**ESPONDEO tantam pœnam tolli, quantus est eorum effectus, quo orationem fundunt, videlicet, maiorem, aut minorem, ut est maior, aut minor eorum effectus.

## QVÆSTIO CLXXV.

*Utrum oratio sit impetratoria.*

**R**ESPONDEO esse impetratoriam. Et ratio est, quia cum oratio sit petitio, peculiarem impetrandi modum habet, nam petitio natura sua ad hoc ordinatur, ut animum eius qui rogatur, inducat ad dandum id quod petitur.

Tum

Tum quia oratio peculiarem Dei promissionem habet, ratione cuius hæc impetratio est suo modo certa, & infallibilis, ut patet ex illo Matth. 7. & Lucæ 11. Petite, & accipietis. Et, Omnis qui petit, accipit. & ex illo Ioannis 16. Si quid petieritis Patrem in nomine meo, dabit vobis.

---

## QVÆSTIO CLXXVI.

*Vtrum impetratio sit absolutè infallibilis.*

**R**ESPONDEO quòd non. Et ratio est, quia Dei promissio non est omnino absoluta, sed sub aliquibus conditionibus, quibus positus erit infallibilis impetratio, non autem absque illis. Et ratio est, quia quod Deus promittit, eo modo quo promittit, infallibiliter implet, quia, ut ait Apostolus 2. Timoth. 2. Fidelis est Deus. Vnde si oratio non habet omnia requisita necessaria, orans ex vi promissionis non impetrat, quia promissio conditionata, non impleta conditione, non inducit obligationem, posset tamen impetrare ex benignitate Dei, sicut posset impetrare, quamvis Deus nihil promississet.

Est autem hîc considerandum, quòd non omnis oratio quæ vim habet impetrandi, habet vim merendi, & satisfaciendi. Nam Beati in cælo multa propter nos impetrant, & tamen non petunt viam meriti, quia Deus non ex iustitia, sed ex gratia sua illos exaudire dignatur. Iniusti item, & peccatores sæpe impetrant quod petunt, quia tamen sunt charitate destituti, nec merentur, nec pro suis peccatis



tis satisfaciunt. Oratio itidem vim habet merendi, & satisfaciendi, non tamen semper impetrat, quod petit, quia fortè non est petitio rei expedientis ad salutem. Vt cùm Paulus ter rogauit, vt auferretur à se stimulus carnis, meruit quidem ex charitate orādo, non tamen quod petebat impetrauit, 2. ad Cor. 12. Non potest autem oratio habere vim merendi, & non satisfaciendi, cùm tunc procedat ex charitate, & ex se sit opus pœnale.

Ex quo sequitur, orationem interdum esse meritariam, impetratoriam, & satisfactoriam: vt cùm iusti in terris cum omnibus requisitis conditionibus orant.

## QVÆSTIO CLXXVII.

*Vtrum oratio quæ ob respectum aliquem, aut defectum circumstantiæ est mala saltem venialiter, etiamsi aliis omnibus sit optima, & fiat in statu gratiæ, quicquam prodesse possit.*

SUNT, qui putant eam prodesse in bonum temporale ipsius orantis, ob admixtam bonitatem. Quod probant primò ex eo, quòd hoc modo meruerunt secundùm D. Gregorium obstetrices Ægyptiæ domos, quas eis ædificauit Deus propter mendacia, quibus liberauerunt filios Hebræorum.

Secundò probant ex eo, quòd Romani suum imperium obtinuerunt à Deo secundùm D. August.

gust. lib. 5. de Ciuitate Dei cap. 15. ob iustitiam, quam faciebant ob vanam gloriam, quæ mala est, utpote malo sine facta.

Sed contraria sententia est communis, & tenenda. Pro qua facit primò, quia secundum Diuum Tho. in 2. dist. 4. q. 1. art. 4. nullus actus, siue opus potest esse bonum, & malum, meritorium, & demeritorium simul.

Secundò facit, quia non videtur iustitiam diuinam decere largiri cuiquam mercedem ob opera mala, punitione digna. Tertio facit, quia Deus non ædificauit domos obstetricibus ob mendacia, quibus se excusauerunt, ne occiderent filios Hebræorum, ob quæ merebantur puniri, sed ob metum, & reuerentiam, quam erga suam Maiestatem habuerunt, quæ erant opera bona.

Quartò, & vltimò facit, quia Romani non meruerunt suum imperium ob opera, quæ ob inanem gloriam faciebant, sed ob illa, quæ vnà cum illis virtuosè faciebant, qualia infideles agere posse, asserit D. Tho. 2. 2. q. 10. art. 4.

## QVÆSTIO CLXXVIII.

*Utrum oratio peccatoris sit aliquo modo fructuosa.*

**N**ONnulli negant, & probant ex illo Psalmi 65. Iniquitatem si aspexi in corde meo, non exaudiet Dominus. Et ex illo 1. Ioan. 3. Si cor nostrum non reprehendit nos, &c. Et ex illo Isai. 1. Cum multiplicaueritis orationes, non exaudiam, manus enim vestræ sanguine plenæ sunt. Et ex illo Ioan. 9.

Ioan. 9. Scimus quia Deus peccatores non exaudit.

Sed communis, & verior sententia est, orationem peccatoris esse fructuosam. Et ratio est, quia etsi peccator orando non mereatur de condigno gratiam, & gloriam, cum sit charitatis expers, disponit tamen seipsum ad gratiam, & peccati remissionem obtinendam, iuxta illud D. August. Nullus ad veram salutem venit, nisi vocatus à Deo, & nullus vocatus, sicut oportet, operatur, nisi ab eodem adiutus, & nullus adiutorium recipit, nisi qui oratione illud impetrat à Deo. Quod etiam docuit Christus Dominus Luc. 11. quando dixit. Si vos cum sitis mali, nostis bona data dare filiis vestris, quantò magis Pater vester cælestis dabit de cælo Spiritum bonum petentibus se.

Secundò, oratio peccatoris valet ad promerendum temporalia bona. Sic remuneravit Nabuchodonosor, dando ei Regnum Ægypti, eò quòd bellum strenuè gesserat contra inimicos Dei, & tamen infidelis erat. Ex quo D. Hieronymus infert, etiam Ethnicos, si quid boni fecerint, absque mercede non præteriri.

Tertiò valet ad euitandum peccatum, vt si fortè tenebatur ex præcepto, vel voto orare, orando euitat peccatum, quod non orando committeret.

Quartò valet ad resistendum vitiis, præsertim superbix ob humilitatem, quam oratio habet annexam.

Quintò valet ad generandum bonos mores in mente.

Sextò, & vltimò valet ad impetrandum preces Sanctorum pro se: Sancti enim videntes in Verbo quòd homo se illis commendat, ipsi

excitantur ad interpellandum pro illo. Itaque quāvis non semper oratio à Deo exaudiat, ut conferrat, quod orans petit, non inde ab oratione cessandum est, tanquam à re inutili; quandoquidem hæc prædicta, & multa alia commoda oratio ipsa potest oranti afferre: maximè quia quemadmodum ait Gerson in libro de valore orationis, sunt aliquæ orationes, quæ suam vim ex opere operato ad aliquos salutares effectus habent, & exemplificat de oratione Dominica, cui vim contulit ipsa Dei institutio. Et de orationibus factis ab Ecclesia, quibus etiam fides formata ipsius Ecclesiæ nonnullam confert vim, Deo eas ut decet approbante, quæ quidem, etsi in orante meritum desit, suam vim aliunde habitam non amittunt.

Ea verò quæ pro contraria opinione adducta sunt, intelliguntur formaliter de orationibus, quas homines ut peccatores faciunt, id est, quæ peccatum eorum per pravam intentionem, vel aliam malam circumstantiam participant. Quo sensu videtur loquutus cæcus ille cum dixit: Scimus quia peccatores Deus non exaudit. Volebat enim ostendere Christum non esse peccatorem, quia Deus non exaudit peccatores utique ad facienda miracula in confirmationem sui mendacij, quia tunc faceret se authorem, vel confirmatorem mendacij, hoc igitur modo Deus peccatores orantes non exaudit. Vel dic quod illa verba non sunt Euangelistæ, sed illius cæci, quem Deus sanauit, & ut ait D. Aug. tr. 44. in Ioānem, loquitur homo ille adhuc inunctus, hoc est, nondum satis à spiritu sancto illustratus. Nam peccatores Deum colentes, & humiliter ab ipso aliquid petentes, Deus exaudit. Cuius exem-  
plum

plum clarum est de Maria Magdalena, de Publicano, de Zachæo, de latrone, de aliisque pluribus; quos nobis Scriptura in exemplum proponit. Vnde idem August. Si Deus non audiret peccatores, frustra publicanus diall., Deus propitius esto mihi peccatori.

## QVÆSTIO CLXXIX.

*Vtrum oratio viatoris prosit alteri existenti in paradiso.*

**R**ESPONDEO non prodesse quoad essentialem gloriam, quia illam iam habet, neque quoad satisfactionem pro suis peccatis, pro quibus abundè satisfecit: immò peccaret qui quoad hæc pro eis Deum oraret, iuxta illud vulgatum Augustini. Iniuriam facit Martyri, qui orat pro ipso.

Dixi notanter, *quoad essentialem gloriam*, quia quoad augmentum accidentalis gloriæ euenientis Sancto, ex eo, quòd videt in Verbo diuino cognatos, & amicos eius sui meminisse, & quoad honorem, & cultum ipsius ad homines amplificandum prodesse potest, iuxta illam orationem, qua qui celebrat, offert sacrificium, vt prosit Sanctis ad honorem, nobis autem ad salutem.

## QVÆSTIO CLXX.

*An oratio iusti pro altero fusa prosit ad satisfaciendum pro illius peccatis.*

R

Et

**E**T quidem certum est, eam non prodesse, si alter pro quo oratur sit in peccato mortali, quia cum sit Dei gratia, & charitate destitutus, vis orationis ad satisfaciendum impeditur.

---

### QVÆSTIO CLXXXI.

*Sed dubium est, quando alter pro quo fit oratio, similiter est in gratia.*

**I**N qua re etiam est certum, orationem vnus iusti fusam pro alio iusto prodesse ad satisfaciendum pro illius peccatis. Et ratio est, quia iusti sunt inuicem vnus corporis mystici membra, ac proinde mutuis sese officiis, studiis, & suffragiis iuuant.

---

### QVÆSTIO CLXXXII.

*Tota igitur lis est; An oratio iusti ex iustitia, ac certa promissione, & lege Dei pro alio iusto vim habeat satisfaciendi, an verò per viam liberalis impetrationis.*

**S**VNT qui affirmant habere vim satisfaciendi pro alio ex iustitia. Et probant, quia cum oratio, eod quod pœnalis est, sit satisfactoria, & solutiua pœnæ debitæ ei qui orat, & in potestate eius est, vim satisfactionis in alterum transferre, sequitur quod illi alteri cedat in solutum.

Et confirmatur, nam si Ioannes v. g. id totum soluit nomine Petri, quod Petrus Andreae debebat, Andreas iure nihil amplius potest exigere à Petro.

At communis, ac verissima sententia est, orationem vnus iusti non esse satisfactoriam pro altero de iustitia, sed solum ex benignitate. Et ratio huius est, quia nullus dicitur satisfacere Deo de iustitia, nisi quando Deus ex lege, ac certa promissione astrictus est, illam satisfactionem loco debiti acceptare. Nam si acceptat merè liberaliter, non acceptat ex iustitia. Atqui nullibi reperitur, se per legem obligasse ad acceptandam orationem vnus pro alio, etiam si congruum sit, vt acceptet, vt amicis condescendat, ergo oratio vnus non est satisfactoria pro altero de iustitia.

Et confirmatur, nam si secundum legem civilem Titius ob sua crimina deberet Iudici centum flagella, & Caius volens illum à flagellis liberare in seipso sponte illa centum flagella susciperet, proculdubio hic non satisfaceret Iudici de iustitia pro Titio, quia hoc non obstante iuste posset Index procedere contra Titium. Ita igitur hîc, cum peccator ob culpam etiam dimissam, sit Deo debitor pœnæ per ipsum, vel per Angelos suos malos sumendæ, si vnus velit pro alio satisfacere, non tenetur Deus ex iustitia id loco debiti acceptare.

Nec exemplum allatum est simile. Quia aliud est debitum reale, quod homo homini debet, & aliud debitum pœnæ, quod homo ob crimen Deo debet. Primum est talis conditionis, quodd per quemcunque nomine debitoris solvatur,



260 DE ORATIONE IN COMMUNI  
manet solutum. Debitum verò pœnale ob crimē  
non sic manet de rigore per alium solutum nisi per  
ipsum, qui peccauit solvatur. Quod si Deus offen-  
sus, alterius solutionem velit acceptare, erit hoc ex  
benignitate, & non ex iustitia.

---

### QVÆSTIO CLXXXIII.

*An Sanctus aliquis Ecclesie triumphantis,  
aut militantis possit de condigno, & iusti-  
tie lege alteri mereri vitam eternam, &  
augmentum gratiae.*

SUNT quidam qui tenent partem affirmatiuam.  
Et probāt ex eo quod dicitur 1. Ioan. 5. Qui scit  
fratrem suum peccare peccatum, non ad mortem,  
petat & dabitur ei vita. Et iterum. Infirmatur quis  
in vobis, inducat presbyteros, &c. & postea sub-  
iungit. Et oratio fidei saluabit infirmum, & si in  
peccatis sit, dimittentur ei. Ergo per aliorum preces  
vita, & remissio peccatorum quæ sit per gratiam  
peccantibus promittitur. Et ex illo Matth. 9. Vidēs  
Iesus fidem illorum, dixit paralytico. Confide fili,  
remittuntur tibi peccata tua. Super quo Gregorius.  
Quantum valet apud Deum fides propria; apud  
quem tantum valuit aliena, vt intus, & extra sa-  
naret hominem: sed interior sanatio hominis est  
per primam gratiam, ergo homo potest alteri me-  
reri primam gratiam.

Contrarium tamen est proculdubio affirmandū.  
Pro quo facit illud Ierem. 15. Si steterit Moyses, &  
Samuël

Samuël coram me, non est anima mea ad populum istum: qui tamen fuerunt maximi meriti apud Deū, ergo nullus potest alteri mereri de condigno gloriam, & gratiæ augmentum. Cui etiam consonat illud Ezech. 18. Filius non portabit iniquitatem patris, nec iustitiam, nec e contra, & iustitia iusti super eum erit, & impietas impij similiter erit super eum. Ex quibus verbis satis apertè colligitur, quod vnus non reportabit gratiam, nec gloriam propter iustitiam alterius. Sicut nec vnus portabit supplicium alterius, sed si vnus posset alteri immediatè impetrare primam gratiam, aut augmentum eius, atque ex consequenti gloriam correspondentem, falsa esset præfata sententia. Facit etiam illud Pauli 2. Cor. 5. Omnes stabimus ante tribunal Christi, & reportabit vnusquisque prout gessit in corpore suo, non secundum ea, quæ per alium facta sunt.

Ex quo colligitur, quod merito condigni nullus iustus potest suis precibus mereri alteri iusto vitam æternam, aut gratiæ incrementum: nec item iniusto primam reconciliationis gratiam: Solus enim Christus de condigno, & iustitiæ lege alteri gratiam, gloriam, ac peccatorum remissionem promeruit, ob rationem quam in id adducit S. Thom. 1. 2. quæst. 114. art. 6. Sed merito congrui potest aliquis alteri mereri gratiam, & gloriam. Quia enim homo in gratia constitutus implet Dei voluntatem, congruum est secundum amicitiae proportionem, vt Deus impleat hominis voluntatem in saluatione alterius. Ex quo fit, vt oratio vnus pro altero facta, non valeat ei immediatè ad primam gratiam, nec ad augmentum eius, sed tantum mediatè, quia scilicet tali oratione inclinatur Deus

ad mouendum eum , pro quo. oratur , vt se disponat ad suscipiendam gratiam , non tamen de lege, vltra gratiam propriæ dispositioni respondentem, aliam ob merita , vel orationem alterius impetrabit.

Ex qua doctrina colligitur orationem propriam esse maioris virtutis via iustitiæ , quàm alienam, propria enim viuæ secundum D.Thom. 1.2.quæst. 114.artic.1. gloriam , & gratiæ augmentum , immo etiam mortua , quæ non est mala , vel vitiosa de iustitia quadam , nitente promissioni Dei ex misericordia facta de præstando à se postulata, impetrat concurrentibus conditionibus necessario requisitis.

Dices, quomodo stare potest, Deum nobis debere, & obligari, cum dominus seruo non possit obligari aut ei quicquam debere.

Respondeo, Deum vera obligatione non obligari nobis nec quicquam de iustitia nobis debere, sibi tamen sic, ita vt ex sua diuina bonitate, & veritate adimpleat quod promissit, vt quæ procedunt de labiis suis non faciat irrita. Deut.32. Ita D.Tho. 1.2.q.114.art.1.ad 3.

His omnibus explicatis, facili iam negotio dissoluuntur illa quæ pro prima opinione facere videbantur. Et ad primum dicimus, quòd ex illo loco non colligitur , quòd ad orationem alterius, dabitur peccanti vita sine pœnitentia ipsius.

Ad secundum respondeo, quòd ille locus intelligitur de sacramento extremæ vnctionis , quod valet ex opere operato ad salutem. Et oratio illa fidei, &c. potest accipi pro oratione, quam Sacerdos dicit , dum vngit infirmum , scilicet , Per hanc vnctio

LIBER I. QVÆST. CLXXXIV. 263  
vnctionem, & Dei piissimam misericordiam, indulgeat tibi Deus, &c. Quod si de oratione multorum presbyterorum illic pro salute infirmi orantium intelligatur, dicendum quodd talis oratio saluabit infirmum mediatè, vt dictum est, mediante scilicet eius pœnitentia, illi per orationem impetrata.

Ad tertium, & vltimum respondeo, quod ex illo loco non sequitur quod sola fides offerentium suffecerit ad obtinendam primam gratiam, quod patet quia Christus ei dixit. Confide fili, remittuntur tibi peccata tua. Vnde præmisit, Confide. Et adiunxit, Remittuntur. Ex quo apparet illum paralyticum fiduciam habuisse in Christo, idèoque veniam peccatorum obtinuisse. Et ad illud Greg. fautor quod aliena fides valuit illi paralytico ad remissionem peccatorum, sed mediante illius contritione, per orationem presbyterorum impetrata.

---

## QVÆSTIO CLXXXIV.

*An oratio unius valeat alteri ad alia bona citra gratiam, & gloriam.*

ET quidem loquendo de oratione, quæ fit à iusto pro iusto, siue viuo, siue defuncto, certum est eam valere iuxta illud Gen. 19. Recordatus est Dominus Abraham, & liberauit Loth de subuersione vrbium, in quibus morabatur. Et illud Exodi 17. Quandiu manus leuabat Moyse, vincebat Israël: quoties verò remittebat, vincebat Amalech.

## QVÆSTIO CLXXXV.

*Sed totum controuersia diffidium est de oratione iusti pro iniustis, An videlicet aliquid valeat.*

**R**ESPONDEO valere, vt constat Gen. 18. vbi orante Abraham Deum, ne vrbes Sodomitarum succenderet, dixit Deus : Si aliquot iustos, etiam si decem tantum ibi reperero, non delebo illas. Vnde Ambros. lib. de Abrahamo cap. 6. ait : Hic discamus quantus amicus patriæ sit iustus, & quemadmodum non debemus inuidere Sanctis, neque temerè derogare: illorum enim nos fides saluat, illorum iustitia ab excidio defendit. Patet etiam ex eo quod dixit Dominus Abimelech. Redde vxorem viro suo, & orabit pro te, quia Propheta est, & viuës. Et ex illo Psalin. 105. Dixit, vt disperderet eos, si non Moyses electus eius sterisset in confectione in conspectu eius.

## QVÆSTIO CLXXXVI.

*Vtrum oratio iniusti fusa pro iustis, vel pro iniustis aliquid valeat.*

**R**ESPONDEO per distinctionem, nam vel ille iniustus orat pro iustis, vel iniustis nomine Ecclesiæ tanquam minister ipsius, orationes fundens ab ipsa Ecclesia institutas: vel nomine alterius

rius iusti, qui orationem sibi cōmendauit, & sic oratio eius illis prodest, quia quamuis non habeat valorem ex opere operantis, habet tamen ex parte illius, in cuius persona dicitur oratio. Vel iniustus orat pro iniustis, vel pro iustis priuatim suo nomine, & sic eius oratio nihil valet, quia cū sit opus hominis mortui, hoc est vita gratiæ destituti, nec ex opere operato, nec operantis habet valorem saltem ex iustitia, quamquam ex liberalitate ipsius Dei possit à Deo acceptari ad bonum aliquod temporale præstandum alteri pro quo fit.

Ex quo infertur orationem quam improbus sacerdos nomine Ecclesiæ fundit in Missa, esse fructuosam iis pro quibus oratur. Et ratio est, quia hic orationis fructus respondet merito Ecclesiæ, non sacerdotis.

## QVÆSTIO CLXXXVII.

*Utrum oratio, quam hæreticus, vel schismaticus Sacerdos, vel Catholicus maiori tamen excommunicatione affectus offert, sit fructuosa.*

**D**iuus Thomas 3.p.q.82.ar.7.ad 3. & Sotus in 4.dist.13.q.1.ar.7.negant esse fructuosam. Et probant, quia Sacerdos orationem fundit nomine, & auctoritate Ecclesiæ, sed Ecclesia per talem Sacerdotem non orat, quia cum à suo gremio, & consortio excludit.

Alij verò rectius docent eam esse fructuosam, quia eam fundit Sacerdos, quamvis aliqui hæreticus, vel schismaticus, aut excommunicatus, ratione publici muneris, & officij, quo fungitur: sed huius muneris potestatem Ecclesia non tollit, ergo valet eius oratio.

### QVÆSTIO CLXXXVIII.

*An oratio fusa pro aliis proficit eam facienti.*

**R**ESPONDEO sibi prodesse quantum ad lucrum totius gratiæ, & gloriæ, quam de condigno, & obligatione iustitiæ ob bonum opus suum mereatur, neque eam licet velit, potest alteri communicare.

### QVÆSTIO CLXXXIX.

*Quid igitur alteri proficit.*

**R**ESPONDEO quòd prodest primo, quia ei applicatur via liberalitatis valor impetrandi à Deo postulata quam sua oratio habet.

Secundò applicatur valor satisfaciendi pro suis peccatis.

### QVÆSTIO CXC.

*Utrum oratio facta pro multis, tantum singulis valeat, quoad vim impetrandi, quantum valeret, si pro uno solo funderetur.*

SVNT



SUNT, qui censent impetrationem orationis nō minui in singulis, eò quòd pro pluribus fiat, quia non innititur in meritis orantis, sed in misericordia, & liberalitate Dei, quæ infinita est, & æquè propensa ad benefaciendum omnibus, ac singulis, ergo cū oramus, non minùs exaudimur si pro pluribus precemur, quàm si pro vno tantūm oremus.

Tum quia videtur oratio fusa pro multis esse ex maiori charitate, & hac ratione etiam efficacior ad impetrandum, & sic crescere crescente multitudine eorum, pro quibus oratur, ac subinde vnicuique tantum prodesse, quantum si solūm pro vno fieret.

Tum quia bonum spirituale comparatur spiritui, sed spiritus totus, & non per partes communicatur, nō enim minus habet de anima caput, quàm manus, cū sit tota in toto, & tota in qualibet parte corporis, ergo etiam bonum spirituale totum absque sui diuisione communicatur, cuicunque communicatur.

Tum etiam, quia candela coram multis accensa æquè illuminat omnes, ergo & oratio omnibus pro quibus fit, æquè valet.

Sed constans est omnium Theologorum sententia, orationem non tantum valere vni pro multis fusam, quantum valeret illi, si pro illo duntaxat funderetur. Ratio huius est, quia licet impetratio orationis præcipuè fundetur in benignitate, & promissione, nihilominus etiam fundatur in ipsa oratione, nam oratio est causa in suo genere efficiens impetranti, & Deus recipit ipsam orationem, vt illud  
con

concedat, ergo verisimilius est, observari etiam, ad impetrandum valorem moralem ipsius orationis, & proportionem ad rem postulatam, & hac ratione ad impetrandum maiorem effectum excellentior oratio utilior est, ita ergo eadem oratio facta pro pluribus non tantam habet proportionem ad impetrandum pro vno in particulari, ac si pro illo speciatim fieret.

Tum quia oratio est finitæ virtutis, & efficaciz, at finitum in plures homines diuisum, fit in singulis minus.

Tum quia, si oratio tantum valeret unicuique eorum, pro quibus fit, quantum si pro eo solo diceretur, magna videretur incuria, & negligentia Sacerdotis, si cum pro vno orat, non id pro omnibus facit, cum per hoc quod pro omnibus id faceret, nec ille vnum quidquam fructus orationis perderet, & cæteri alij tantundem lucrarentur.

Ex quo infertur, Sacerdotem non posse vna Missa satisfacere vni, vel pluribus, quibus debet singulas citra suum consensum.

Reliquum iam est, ut argumenta, quibus prima opinio corroborari videbatur, dissoluamus. Et ad primum, nego impetrationem solum fundari in Dei benignitate, nam, ut dixi, licet sit principalis causa, etiam oratio aliquid cooperatur.

Ad secundum respondeo, orationem pro multis fieri ex maiori charitate, consequenter nobiliorem, & excellentiorem esse, consequenter dignam quæ magis exaudiatur. Non tamen hinc sequitur, ita dignam esse, ut æquè pro pluribus exaudiatur, ac pro vno.

Ad

Ad tertium respondeo , magnam esse differentiam inter spiritum , & bonum spirituale , nam spiritus quia indiuisibilis est , ideo non potest per partes communicari , at bonum spirituale quod per orationem alicui impetratur , diuisibile est , vt constat.

Ad quartum , & vltimum respondeo , esse magnam dissimilitudinem , nam candela à natura sua efficit effectum in passum æquè appropinquatum : oratio autem non nisi ex intentione orantis , & voluntate Dei orationem acceptantis , ergo stat , quòd oratio non æquè profit pluribus , quantum si pro vno solo diceretur.

## QVÆSTIO CXCI.

*An oratio pro pluribus oblata sit æquè satisfactoria pro singulis , quàm facta pro vno.*

**S**VNT nonnulli qui censent , absolutè orationem factam pro pluribus , æquè satisfacere pro singulis , ac si pro vno duntaxat fieret. Et probant ex Diuo Hieronymo in cap. Non mediocriter. de consecr. dist. 5. vbi dicitur nihil minus accipi dum psalmus pro multis recitatur , quàm dum pro vno solo decantatur.

Sed reuera oppositum est longè verius , & probabilius. Ducor , quia omnis orationis fructus , ( quod attinet ad satisfactionem ) certus , & finitus est. At quod finitum est , si diuidatur in multos , minus in singulis est , quàm  
si in

270 DE ORATIONE IN COMMUNI  
si in vnum tantummodo conferretur.

Tum quia Ecclesia sæpe pro priuatis hominibus speciatim orat, & pro rebus peculiaribus obtinendis nominatim orat, cum tamen deberet pro omnibus Deum precari, si tantum prodesset oratio singulis, dum pro multis offertur, quantum si pro vno solo funderetur.

Nec obstat dictum D. Hieronymi, quia loquitur duntaxat de merito, quod oratio cuiuslibet habet: Vnde mens eius est, non minus meretur is qui pro pluribus orat, quam si pro vno solum oraret.

---

## QVÆSTIO CXCII.

*An oratio facta pro multis, sit magis grata Deo, & magis gratia, & gloria meritoria, quàm facta pro paucis, vel vno.*

**R**ESPONDEO, quòd cæteris paribus illa oratio gratiores Deo, & magis meritoria, quæ pro pluribus fit. Et ratio est, quia quantò charitas fraterna magis dilatatur, & extenditur, cæteris paribus magis grata est Deo.

Tum quia Christus in oratione Dominica nos docuit orare eo modo, quo Deo magis placeremus. Docuit autem non pro vno, aut pro paucis orare, sed pro omnibus, ergo illa est gratior oratio, in qua pro pluribus oratur.

Dixi, *cæteris paribus*, quia interdum melior est ea, quæ fit pro paucis, vel quia fit maiore cum  
feruo

LIBER I. QVÆST. CXCI. 271  
feruore, vel maiore difficultate, quæ meritum  
augent.

Ex quo infert Medina de oratione quæstio. 20.  
cæteris paribus gratiorem esse Deo orationem pro  
inimicis factam, quàm quæ pro amicis fit. Quia  
primum maioris difficultatis est, & maioris cha-  
ritatis, quàm secundum. Cuius oppositum alij  
putant probabilius sequuti D. Thom. 2. 2. quæst.  
27. art. 7. qui ait, melius esse amare amicum, quàm  
inimicum: & per consequens melius esse, orare  
Deum pro suo bono Rege, quàm pro Turca cæ-  
teris paribus.

---

## QVÆSTIO CXCI.

*Quotuplex sit orationis valor.*

**R**ESPONDEO triplex, scilicet specialis, commu-  
nis, & medius. Et ratio est, quia sicut quodlibet  
pium opus primum omnium suo prodest auctori,  
mox omnibus totius Ecclesiæ membris. Postremò  
illi in cuius gratiam fit. Sic etiam orationis specia-  
lis valor est, quo iustus gratiam, & gloriam me-  
retur. Communis verò effectus est, qui ex Ec-  
clesiæ intentione omnibus fidelibus applicatur.  
Medius autem is est, quem participant hi, pro  
quibus orans specialiter orare intendit. Et pri-  
mum scilicet speciale non potest ipse orans al-  
teri à se applicare, nam contra charitatem age-  
ret, quæ à se incipit, & contra Dei institutionem,  
qui unicuique oranti, aut benè merenti suum  
pro

promisit præmium quandoquidem vnusquisque  
sui operis fructum reportabit. Secundum valo-  
rem scil. communem, etiam orans non potest à  
tota Ecclesia amouere, & particulariter cui velit  
applicare: esset enim hoc etiam contra charita-  
tem, quæ omnia amicorum communia facit, &  
omnis iustus est particeps omnium bonorum o-  
perum, quæ in Ecclesia fiunt, iuxta illud Psalm.  
118. Particeps ego sum omnium timentium te,  
& custodientium mandata tua. Tertium autem  
valorem medium, potest ipse orans, seu opus me-  
ritorium faciens applicare sibi, aut aliis, quibus ve-  
lit. Nauar. de oratione cap. 13. num. 12. & Bonac. de  
horis Canon. disp. 1. q. 4. p. 2.

## QVÆSTIO CXCV.

*Breuis, & simplex explicatio orationis  
Dominicæ.*

**Q**VAMVIS multi Patres, & viri doctissimi,  
tum veteres, tum iuniores hanc orationem  
accuratissimè explicauerint, vixque possimus eo-  
rum pictati, & eruditioni aliquid quamuis mini-  
mum adiungere, nihilominus ad huius tractatus  
complementum, commodum visum fuit non om-  
nino hanc expositionem omittere.

## QVÆSTIO CXCV.

*An oratio Dominica sit omnibus aliis ora-  
tionibus excellentior.*

RESPON

**R**ESPONDEO esse excellentiorem, authoritate, breuitate, perfectione, ordine, efficacitate, & necessitate.

Primò authoritate, quoniam ab ipso Christo, qui est Dei Filius, & sapientia Patris, condita est. Quod agnoscens Ecclesia canit: Præceptis salutaribus moniti, & diuina institutione formati audemus dicere, *Pater noster*.

Secundò breuitate, quia paucis verbis multa complectitur. Huius autem breuitatis quinque assignantur causæ à Doctoribus.

Prima vt sic Christus præberet fidelibus fiduciam impetrandi, quod breuibus verbis postulandum esse demonstrauit.

Secunda, vt eò faciliùs posset memoriæ mandari.

Tertia, vt prudentia etiam ingeniorum miraretur de profunditate mysteriorum, & multiplicitate sententiarum in tanta verborum paucitate comprehensorum.

Quarta, vt quantò breuior, & quantò facilior est oratio, tanto frequentius, & maiori cum attentione ac deuotione repetatur.

Quinta, & vltima, vt sic destrueret Ethnicorum errorem, qui in persuasibilibus humanæ sapientiæ verbis Deum orandum esse putabant, quasi vel vocibus absens vocandus esset, vel verborum multiplicatione docendus, quod ante ignorabat. Vnde D. Aug. in epistola ad Probam. Absit in oratione multa loquutio, sed non desit multa precatio, si seruens perseuerat intentio.

Tertiò oratio Dominica est excellentior omnibus aliis formis orandi in perfectione, quia omnia comprehendit quæ à Deo nos petere, vel necessa-

S rium,



274 DE ORATIONE IN COMMUNI  
rium, vel vtile est, vt rectè monet D. Aug. epist. 121.  
cap. 12. Vnde Tertull. in lib. de oratione ait, ora-  
tionem Dominicam esse quasi breuiarium Euan-  
gelij, quia dum hanc orationem fundimus, simul  
admonemur, quid credere, quid sperare, quid ama-  
re, quem colere, quid agere, quid fugere, quid ap-  
petere, quid contemnere debeamus.

Quartò, ordine, quoniam mirabili dispositio-  
ne, ac ordine omnes partes orationis, & vniuer-  
sam orandi materiam complectitur. Et ratio est,  
quia oratio interpret est desiderij, desiderium au-  
tem actus est charitatis, qua diligimus Deum in se,  
& nos in Deo. Ideo primò petimus bonorum lar-  
gitionem.

Secundò malorum remotionem: & in bonis  
primò bonum diuinum: *Sanctificetur nomen tuum:*  
quæ petitio oritur ex amore, quo diligimus Deum  
in se. Secundò nostram æternam beatitudinem.  
*Adueniat regnum tuum.* Et hæc petitio oritur ex  
amore, quo diligimus nos in Deo.

Tertiò, rationem ad eam perueniendi principa-  
lem, idest, gratiam seruandi præcepta: *Fiat voluntas*  
*tua.*

Quartò, rationem minùs principalem, idest,  
bona temporalia: *Panem nostrum quotidianum da*  
*nobis hodie.*

In malis primò petimus remotionem mali præ-  
teriti quod propriè impedit summam nostram fœ-  
licitatem: *Dimitte nobis debita nostra.*

Secundò mali futuri, quod impedit ne Dei  
præcepta seruemus: *Et ne nos inducas in tenta-*  
*tionem.*

Tertiò mali præsentis omnium videlicet huius  
vitæ

vitiæ miseriarum, quatenus impediunt sufficientiam temporalium bonorum, quæ suo modo ad vitam æternam consequendam, vel necessaria, vel vtilia sunt. *Sed libera nos à malo.* D. Thom. 2. 2. q. 83. art. 9.

Quintò efficacitate, quia nihil potest Deum Patrem magis mouere, quàm oratio Filij eius. Neque vllus melius nouit, quæ sit oratio efficacior apud Deum, & quibus bonis nos potissimum egeamus, quàm is quem Deus Aduocatum nostrum, Patronumque constituit. Quoniam filij Dei verbis loquentes faciliùs exaudimur à Patre: gratissima enim Patri vox est Filij, quam vti suo proprio ore dictauit, ita & Spiritu suo quodammodo animauit, vt singulari priuilegio in cælum ascendat. Denique si quidquid petitur in nomine Christi, faciliè impetratur, vt dicitur Ioan. 16. quantò faciliùs impetrabitur, quod non solum in nomine Christi, sed etiam verbis Christi postulabitur.

Sextò necessitate, quoniam quotidie ea uti oportet, cum quidquid est nobis ad salutem: necessarium, vel vtile, in ea petatur. Vnde in constitutionibus Apostolicis lib. 7. capitul. 25. monentur Christiani omnes, ut quolibet die orationem hanc fundere. Item in Concil. Toletan. 4. capitul. 9. iubemur nullo vnquam die orationem hanc intermittere, quam non sine ratione Diuus Augustinus in Ench. capitul. 71. & Diuus Cyprianus sermone 6. quotidianam vocauerunt. Denique in Concil. Remensi capitulo 2. docemur non licere homini Christiano Dominican orationem, aut non tenere

276 DE ORATIONE IN COMMUNI  
memoria, aut non intelligere, aut non frequen-  
tare,

---

## QVÆSTIO CXCVI.

*In quot partes hæc oratio Dominica  
diuidatur.*

**R**ESPONDEO, in tres partes principales, scili-  
cet proœmium, tractatum, & cōclusionem. In  
quarum prima, eius qui petitur, captatur beneuo-  
lencia, cūm dicitur, *Pater noster qui es in cœlis*. In  
secunda, petitionum, quas fundimus, subiungitur se-  
ries. Ibi. *Sanctificetur*, &c. Et tandem earundem pe-  
titionum optatur confirmatio, cūm concluditur,  
*Amen*.

Circa primum est obseruandum, semper apud ho-  
mines positum fuisse in more, eos qui aliquid im-  
petrare cupiunt, à laudibus ipsius, quem rogaturi  
sunt, suam exordiri orationem, quatenus eum bene-  
uolum, & attentum reddant. Vnde Moyſes rogatu-  
rus Deum, vt populum Israëliticum non desereret,  
ab eius laudibus incepit dicens: Dominator Deus,  
misericors, & clemens, patiens, & multæ misericor-  
diæ, & verax. Et postea subdit. Si inueni gratiam in  
conſpectu tuo Domine, obsecro, vt gradiaris no-  
biscum.

Iudith quoque volens orare Deū pro contritione  
hostium, eius laudes suæ petitioni præmiſit dicens:  
Deus cœlorum, creator aquarum, & Dominus to-  
tius creaturæ, exaudi me miseram, &c.

Eandem orandi formulam Christus Dominus

pro sua infinita misericordia nos habituros esse docuit, dum orationem instituens laudis exordium præmisit dicens: sic autem orabitis: *Pater noster*, &c. Nam cum dicitur, *Pater noster*, laudamus primò bonitatem Dei, qui appellari dignatur Pater à vilissimis seruulis: cum addimus: *Qui es in cælis*, laudamus eius potentiam, & excellentiam, qui in cælo, id est, in altissimo solio præsidet.

Secundò admonemur tum nostræ adoptionis cælestis, dum dicimus: *Pater noster*: tum nostræ peregrinationis terrenæ, dum addimus: *Qui es in cælis*, ut simul intelligamus nos egere auxilio, quia peregrini sumus, & fiduciam petendi concipimus, quia filij Dei sumus.

Tertiò excitamur ad Dei amorem, & timorem, quæ sunt optimæ ad bene orandum dispositiones. Ad amorem quidem, cum cogitamus nos Patrem adire, ut cum eo de rebus nobis necessariis colloquamur. Ad timorem verò cum consideramus Patrem illum in cælo sedere, & terrena simul ac cælestia moderari.

Quartò, admonemur, ut meminerimus nos Patri terreno renunciaſſe, & Patrem in cælis habere cœpiſſe, & ideo deinceps non terrenam, sed cœlestem vitam nobis agendam, & non in terris, sed in cælo patriam & hæreditatem esse querendam.

Prima particula exordij orationis Dominicæ est, *Pater*, quæ probabiliter potest accipi personaliter pro prima persona sanctissimæ Trinitatis, quia illa sola est, quæ ab æterno Filium suum æternum generat. Quo sensu accipitur in multis collectis, quæ diriguntur ad Patrem, & concluduntur

tur per Filium, qui cum eodem Patre, & Spiritu sancto viuit, & regnat in sæcula sæculorum. Sed verius, ac probabilius multò est, accipi essentialiter, prout est nomen commune toti gloriosissimæ Trinitati, idest, pro Deo, iuxta illud Malach. 2. Nunquid non Pater est vnus omnium nostrum? Nunquid non Deus vnus creauit nos? Est enim hæc oratio propria noui Testamenti, quia licet ante Christi aduentum omnes iusti adoptarentur in filios Dei, & ita etiam potuissent dicere, *Pater noster*, nihilominus proprium fuit legis gratiæ hanc generalem formam habere omnibus maioribus, & minoribus propositam, & ad Christum specialiter pertinuit illam tribuere. Nam, vt D. Augustinus ait per ipsum hæc fiducia præstita est, quotquot enim receperunt eum, dedit illis potestatem filios Dei fieri. Per hanc enim particulam, *Pater*, differt initium huius orationis ab initio orationum veteris Testamenti. In illis enim communiter exordium sumebatur à Dei dominatione, & maiestate. At verò in hac oratione exordium sumitur à Dei beneuolentia, cum dicitur *Pater*. Et ratio huius est, quia habitudo hominum veteris Testamenti ad Deum erat seruorum ad Dominum. Illius enim temporis homines magis seruebant Deo timore, quàm amore: quod est proprium seruorū. Vnde lex illa ab Apostolo lex timoris dicta est. In nouo verò Testamento habitudo fidelium ad Deum est filiorum ad Patrem. Per Christi enim merita, tantum Deus humano generi condescendere dignatus est, vt eos per adoptionis gratiam, filios suos constituerit. Quare cum dicimus, *Pater noster*, non tam quod

Pater

Pater sit ratione creationis, iuxta illud Deut. 32. Nunquid non ipse est Pater tuus, qui fecit, & creauit te? sed magis ratione adoptionis, de qua dicit Apostolus ad Rom. 8. Accepistis Spiritum adoptionis filiorum, in quo clamamus Abba Pater.

Dicimus *Pater noster*, potius, quam *Deus noster*; quia Patris nomen magis est idoneum ad excitandum in nobis amorem filialem, & fiduciam impetrandi, & ad Deum intuitu adoptionis per Christum factæ ad misericordiā flectendam.

Ex quo colligit S. Gregorius Nyssenus oratione secunda de oratione Domini, eos qui filij Dei non sunt, nec esse volunt, quia nimirum volētiē in peccato mortali persistunt, mendaciter dicunt, *Pater noster*, &c. Nam cum Patrem inuocant, non Deum, sed diabolum inuocant, siquidem ex Patre diabolus sunt. Diabolus autem non est in cœlis, sed in inferno. Ac proinde de tali oratione non ineptè intelligi potest illud Proverb. 24. Oratio eius erit execrabilis. Tamen si peccator poenitentiam agere incipiat, & iam spe, ac desiderio filius Dei sit, non absurdè dicere poterit, *Pater noster*. Nam & filius prodigus nondum reconciliatus, Patrem appellat Deum, cum ait: Pater peccaui in cœlum, & coram te, Lucæ 15.

Secunda particula est, *noster*, qua similiter Dei beneuolentiam captamus, per commendationem amplitudinis liberalitatis ipsius, dicendo enim *noster*, quod generalitatem, seu vniuersalitatem importat, suæ bonitatis liberalem quandam diffusionem significamus. Magna quippe Dei dignatio fuit, quod ipse creaturas aliquas rationales

270 DE ORATIONE IN COMMUNI  
si in vnum tantummodo conferretur.

Tum quia Ecclesia sæpe pro priuatis hominibus speciatim orat, & pro rebus peculiaribus obtinendis nominatim orat, cum tamen deberet pro omnibus Deum precari, si tantum prodesset oratio singulis, dum pro multis offertur, quantum si pro vno solo funderetur.

Nec obstat dictum D. Hieronymi, quia loquitur duntaxat de merito, quod oratio cuiuslibet habet: Vnde mens eius est, non minus meretur is qui pro pluribus orat, quam si pro vno solum oraret.

---

## QVÆSTIO CXCII.

*An oratio facta pro multis, sit magis grata Deo, & magis gratia, & glorie meritoria, quàm facta pro paucis, vel vno.*

**R**ESPONDEO, quòd cæteris paribus illa oratio gratiores Deo, & magis meritoria, quæ pro pluribus fit. Et ratio est, quia quantò charitas fraterna magis dilatatur, & extenditur, cæteris paribus magis grata est Deo.

Tum quia Christus in oratione Dominica nos docuit orare eo modo, quo Deo magis placere-mus. Docuit autem non pro vno, aut pro paucis orare, sed pro omnibus, ergo illa est gratiores oratio, in qua pro pluribus oratur.

Dixi, *cæteris paribus*, quia interdum melior est ea, quæ fit pro paucis, vel quia fit maiore cum feruo



LIBER I. QVÆST. CXCI. 271  
feruore, vel maiore difficultate, quæ meritum  
augent.

Ex quo infert Medina de oratione quæstio. 20.  
cæteris paribus gratiorem esse Deo orationem pro  
inimicis factam, quàm quæ pro amicis fit. Quia  
primum maioris difficultatis est, & maioris cha-  
ritatis, quàm secundum. Cuius oppositum alij  
putant probabilius sequuti D. Thom. 2. 2. quæst.  
27. art. 7. qui ait, melius esse amare amicum, quàm  
inimicum: & per consequens melius esse, orare  
Deum pro suo bono Rege, quàm pro Turca cæ-  
teris paribus.

---

## QVÆSTIO CXCI.

*Quotuplex sit orationis valor.*

**R**ESPONDEO triplex, scilicet specialis, commu-  
nis, & medius. Et ratio est, quia sicut quodlibet  
pium opus primum omnium suo prodest auctori,  
mox omnibus totius Ecclesiæ membris. Postremò  
illi in cuius gratiam fit. Sic etiam orationis specia-  
lis valor est, quo iustus gratiam, & gloriam me-  
retur. Communis verò effectus est, qui ex Ec-  
clesiæ intentione omnibus fidelibus applicatur.  
Medius autem is est, quem participant hi, pro  
quibus orans specialiter orare intendit. Et pri-  
mum scilicet specialem non potest ipse orans al-  
teri à se applicare, nam contra charitatem age-  
ret, quæ à se incipit, & contra Dei institutionem,  
qui vnique oranti, aut benè merenti suum  
pro

272 DE ORATIONE IN COMMUNI  
promisit præmium quandoquidem vnusquisque  
sui operis fructum reportabit. Secundum valo-  
rem scil. communem, etiam orans non potest à  
tota Ecclesia amouere, & particulariter cui velit  
applicare: esset enim hoc etiam contra charita-  
tem, quæ omnia amicorum communia facit, &  
omnis iustus est particeps omnium bonorum o-  
perum, quæ in Ecclesia fiunt, iuxta illud Psalm.  
118. Particeps ego sum omnium timentium te,  
& custodientium mandata tua. Tertium autem  
valorem medium, potest ipse orans, seu opus me-  
ritorium faciens applicare sibi, aut aliis, quibus ve-  
lit. Nauar. de oratione cap. 13. num. 12. & Bonac. de  
horis Canon. disp. 1. q. 4. p. 2.

---

## QVÆSTIO CXCIV.

*Breuis, & simplex explicatio orationis  
Dominicæ.*

QVAMVIS multi Patres, & viri doctissimi,  
tum veteres, tum iuniores hanc orationem  
accuratissimè explicauerint, vixque possimus eo-  
rum pietati, & eruditioni aliquid quamuis mini-  
mum adiungere, nihilominus ad huius tractatus  
complementum, commodum visum fuit non om-  
nino hanc expositionem omittere.

---

## QVÆSTIO CXCV.

*An oratio Dominica sit omnibus aliis ora-  
tionibus excellentior.*

RESPON

**R**ESPONDEO esse excellentiorem, autoritate, breuitate, perfectione, ordine, efficacitate, & necessitate.

Primò autoritate, quoniam ab ipso Christo, qui est Dei Filius, & sapientia Patris, condita est. Quod agnoscens Ecclesia canit: Præceptis salutaribus moniti, & diuina institutione formati audemus dicere, *Pater noster*.

Secundò breuitate, quia paucis verbis multa complectitur. Huius autem breuitatis quinque assignantur causæ à Doctoribus.

Prima vt sic Christus præberet fidelibus fiduciam impetrandi, quod breuibus verbis postulandum esse demonstrauit.

Secunda, vt eò faciliùs posset memoriæ mandari.

Tertia, vt prudentia etiam ingeniorum miraretur de profunditate mysteriorum, & multiplicitate sententiarum in tanta verborum paucitate comprehensorum.

Quarta, vt quantò breuior, & quantò facilior est oratio, tanto frequentius, & maiori cum attentione ac deuotione repetatur.

Quinta, & vltima, vt sic destrueret Ethnicorum errorem, qui in persuasibilibus humanæ sapientiæ verbis Deum orandum esse putabant, quasi vel vocibus absens vocandus esset, vel verborum multiplicatione docendus, quod ante ignorabat. Vnde D. Aug. in epistola ad Probam. Absit in oratione multa loquutio, sed non desit multa precatio, si feruens perseuerat intentio.

Tertiò oratio Dominica est excellentior omnibus aliis formis orandi in perfectione, quia omnia comprehendit quæ à Deo nos petere, vel necessa-

S rium,

274 DE ORATIONE IN COMMUNI  
rium, vel vtile est, vt rectè monet D. Aug. epist. 121.  
cap. 12. Vnde Tertull. in lib. de oratione ait, ora-  
tionem Dominicam esse quasi breuiarium Euan-  
gelij, quia dum hanc orationem fundimus, simul  
admonemur, quid credere, quid sperare, quid ama-  
re, quem colere, quid agere, quid fugere, quid ap-  
petere, quid contemnere debeamus.

Quartò, ordine, quoniam mirabili dispositio-  
ne, ac ordine omnes partes orationis, & vniuer-  
sam orandi materiam complectitur. Et ratio est,  
quia oratio interpret est desiderij, desiderium au-  
tem actus est charitatis, qua diligimus Deum in se,  
& nos in Deo. Idco primò petimus bonorum lar-  
gitionem.

Secundò malorum remotionem: & in bonis  
primò bonum diuinum: *Sanctificetur nomen tuum:*  
quæ petitio oritur ex amore, quo diligimus Deum  
in se. Secundò nostram æternam beatitudinem.  
*Adueniat regnum tuum.* Et hæc petitio oritur ex  
amore, quo diligimus nos in Deo.

Tertiò, rationem ad eam perueniendi principa-  
lem, idest, gratiam seruandi præcepta: *Fiat voluntas*  
*tua.*

Quartò, rationem minus principalem, idest,  
bona temporalia: *Panem nostrum quotidianum da*  
*nobis hodie.*

In malis primò petimus remotionem mali præ-  
teriti quod propriè impedit summam nostram fœ-  
licitatem: *Dimitte nobis debita nostra.*

Secundò mali futuri, quod impedit ne Dei  
præcepta seruemus: *Et ne nos inducas in tenta-*  
*tionem.*

Tertiò mali præsentis omnium videlicet huius  
vitæ

vicia miseriarum, quatenus impediunt sufficientiam temporalium bonorum, quæ suo modo ad vitam æternam consequendam, vel necessaria, vel vtilia sunt. *Sed libera nos à malo.* D. Thom. 2. 2. q. 83. art. 9.

Quintò efficacitate, quia nihil potest Deum Patrem magis mouere, quàm oratio Filij eius. Neque vllus meliùs nouit, quæ sit oratio efficacior apud Deum, & quibus bonis nos potissimum egeamus, quàm is quem Deus Aduocatum nostrum, Patronumque constituit. Quoniam filij Dei verbis loquentes faciliùs exaudimur à Patre: gratissima enim Patri vox est Filij, quam vti suo proprio ore dictauit, ita & Spiritu suo quodammòdo animauit, vt singulari priuilegio in cælum ascendat. Denique si quidquid petitur in nomine Christi, faciliè impetratur, vt dicitur Ioan. 16. quantò faciliùs impetrabitur, quod non solum in nomine Christi, sed etiam verbis Christi postulabitur.

Sextò necessitate, quoniam quotidie ea vti oportet, cum quidquid est nobis ad salutem necessarium, vel vtile, in ea petatur. Vnde in constitutionibus Apostolicis lib. 7. capitul. 25. monentur Christiani omnes, ter quolibet die orationem hanc fundere. Item in Concil. Toletan. 4. capitul. 9. iubemur nullo vnquam die orationem hanc intermittere, quam non sine ratione Diuus Augustinus in Ench. capitul. 71. & Diuus Cyprianus sermone 6. quotidianam vocauerunt. Denique in Concil. Remensi capitulo 2. docemur non licere homini Christiano Dominicam orationem, aut non tenere

276 DE ORATIONE IN COMMUNI  
memoria, aut non intelligere, aut non frequen-  
tare,

---

## QVÆSTIO CXCVI.

*In quot partes hæc oratio Dominica  
diuidatur.*

**R**ESPONDEO, in tres partes principales, scili-  
cet præmium, tractatum, & cōclusionem. In  
quarum prima, eius qui petitur, captatur beneuo-  
lencia, cū dicitur, *Pater noster qui es in cœlis*. In  
secunda, petitionum, quas fundimus, subiungitur se-  
ries. Ibi. *Sanctificetur, &c.* Et tandem earundem pe-  
titionum optatur confirmatio, cū concluditur,  
*Amen.*

Circa primum est obseruandum, semper apud ho-  
mines positum fuisse in more, eos qui aliquid im-  
petrare cupiunt, à laudibus ipsius, quem rogaturi  
sunt, suam exordiri orationem, quatenus eum bene-  
uolum, & attentum reddant. Vnde Moyseſ rogatu-  
rus Deum, vt populum Israëliticum non desereret,  
ab eius laudibus incepit dicens: Dominator Deus,  
misericors, & clemens, patiens, & multæ misericor-  
diæ, & verax. Et postea subdit. Si inueni gratiam in  
conspectu tuo Domine, obsecro, vt gradiaris no-  
biscum.

Iudith quoque volens orare Deū pro contritione  
hostium, eius laudes suæ petitioni præmisit dicens:  
Deus cælorum, creator aquarum, & Dominus to-  
tius creaturæ, exaudi me miseram, &c.

Eandem orandi formulam Christus Dominus

pro sua infinita misericordia nos habituros esse docuit, dum orationem instituens laudis exordium præmisit dicens: sic autem orabitis: *Pater noster*, &c. Nam cum dicitur, *Pater noster*, laudamus primò bonitatem Dei, qui appellari dignatur Pater à vilissimis seruulis: cum addimus: *Qui es in cælis*, laudamus eius potentiam, & excellentiam, qui in cælo, id est, in altissimo solio præsidet.

Secundò admonemur tum nostræ adoptionis cælestis, dum dicimus: *Pater noster*: tum nostræ peregrinationis terrenæ, dum addimus: *Qui es in cælis*, ut simul intelligamus nos egere auxilio, quia peregrini sumus, & fiduciam petendi concipimus, quia filij Dei sumus.

Tertiò excitamur ad Dei amorem, & timorem, quæ sunt optimæ ad bene orandum dispositiones. Ad amorem quidem, cum cogitamus nos Patrem adire, ut cum eo de rebus nobis necessariis colloquamur. Ad timorem verò cum consideramus Patrem illum in cælo sedere, & terrena simul ac cælestia moderari.

Quartò, admonemur, ut meminerimus nos Patri terreno renunciaſſe, & Patrem in cælis habere cœpiſſe, & ideo deinceps non terrenam, sed cœlestem vitam nobis agenda, & non in terris, sed in cælo patriam & hæreditatem esse querendam.

Prima particula exordij orationis Dominicæ est, *Pater*, quæ probabiliter potest accipi personaliter pro prima persona sanctissimæ Trinitatis, quia illa sola est, quæ ab æterno Filium suum æternum generat. Quo sensu accipitur in multis collectis, quæ diriguntur ad Patrem, & concludun-



tur per Filium, qui cum eodem Patre, & Spiritu sancto vivit, & regnat in sæcula sæculorum. Sed verius, ac probabilius multò est, accipi essentialiter, prout est nomen commune toti gloriosissimæ Trinitati, idest, pro Deo, iuxta illud Malach. 2. Nunquid non Pater est vnus omnium nostrum? Nunquid non Deus vnus creauit nos? Est enim hæc oratio propria noui Testamenti, quia licet ante Christi aduentum omnes iusti adoptarentur in filios Dei, & ita etiam potuissent dicere, *Pater noster*, nihilominus proprium fuit legis gratiæ hanc generalem formam habere omnibus maioribus, & minoribus propositam, & ad Christum specialiter pertinuit illam tribuere. Nam, vt D. Augustinus ait per ipsum hæc fiducia præstita est, quotquot enim receperunt eum, dedit illis potestatem filios Dei fieri. Per hanc enim particulam, *Pater*, differt initium huius orationis ab initio orationum veteris Testamenti. In illis enim communiter exordium sumebatur à Dei dominatione, & maiestate. At verò in hac oratione exordium sumitur à Dei beneuolentia, cum dicitur *Pater*. Et ratio huius est, quia habitudo hominum veteris Testamenti ad Deum erat seruorum ad Dominum. Illius enim temporis homines magis seruebant Deo timore, quàm amore: quod est proprium seruorū. Vnde lex illa ab Apostolo lex timoris dicta est. In nouo verò Testamento habitudo fidelium ad Deum est filiorum ad Patrem. Per Christi enim merita, tantum Deus humano generi condescendere dignatus est, vt eos per adoptionis gratiam, filios suos constituerit. Quare cum dicimus, *Pater noster*, non tam quod

Pater

Pater sit ratione creationis, iuxta illud Deut. 32. Nunquid non ipse est Pater tuus, qui fecit, & creauit te? sed magis ratione adoptionis, de qua dicit Apostolus ad Rom. 8. Accepistis Spiritum adoptionis filiorum, in quo clamamus Abba Pater.

Dicimus *Pater noster*, potius, quam *Deus noster*; quia Patris nomen magis est idoneum ad excitandum in nobis amorem filialem, & fiduciam impetrandi, & ad Deum intuitu adoptionis per Christum factæ ad misericordiam flectendam.

Ex quo colligit S. Gregorius Nyssenus oratione secunda de oratione Domini, eos qui filij Dei non sunt, nec esse volunt, quia nimirum volens riè in peccato mortali persistunt, mendaciter dicunt, *Pater noster*, &c. Nam cum Patrem inuocant, non Deum, sed diabolum inuocant, siquidem ex Patre diabolus sunt. Diabolus autem non est in cœlis, sed in inferno. Ac proinde de tali oratione non ineptè intelligi potest illud Proverb. 24. Oratio eius erit execrabilis. Tamen si peccator penitentiam agere incipiat, & iam spe, ac desiderio filius Dei sit, non absurdè dicere poterit, *Pater noster*. Nam & filius prodigus nondum reconciliatus, Patrem appellat Deum, cum ait: Pater peccavi in cœlum, & coram te, Lucæ 15.

Secunda particula est, *noster*, qua similiter Dei beneuolentiam captamus, per commendationem amplitudinis liberalitatis ipsius, dicendo enim *noster*, quod generalitatem, seu vniuersalitatem importat, suæ bonitatis liberalem quandam diffusionem significamus. Magna quippe Dei dignatio fuit, quod ipse creaturas aliquas rationales

ad beatitudinem ordinauerit, illarumque Pater non tam creatione, quam adoptione extiterit.

Ex quo verbo admonentur diuites, & nobiles, ut non se extollant supra ceteros, neque pauperes, vel ignobiles despiciant, cum in hac oratione fateantur se pro fratribus Christianos omnes agnoscere, iuxta illud Matth. 23. Omnes vos fratres estis, & Patrem nolite vocare vobis super terram, vnus est enim Pater vester, qui in cælis est. Ex quo etiam efficitur, ut ipsius Christi fratres nominemur, & simus. Non confunditur, ait Apostolus Hebræor. 1. fratres eos vocare dicens: Narrabo nomen tuum fratribus meis. Et ipse Christus suscitatus a mortuis, dixit mulieribus. Ite nunciate fratribus in eis.

Item admonemur fideles, ut S. Cyprianus docet, vnitatis, & pacis, quam cum omnibus habere debemus, si exaudiri cupimus. Debent enim qui vnum Patrem communiter inuocant esse cor vnum, & anima vna, & quasi vno ore dicere: *Pater noster*.

Item admonemur illo pronomine, vnumquemque debere orare non pro se tantum, sed etiam pro aliis, & pro vniuersa Ecclesia. Et ideo in omnibus etiam petitionibus, quibus nobis aliquid petimus, idem pluralis numerus in idem pronomen referendus est.

Deinde ex hac voce colligit D. Chrysost. meliorem esse orationem generalem, quam specialem. Ideo enim orare docemur: *Pater noster*, non *Pater mi*. Quia dum singuli orant pro omnibus, ergo omnes orant pro singulis.

Ex quo etiam constat, cur *Pater noster*, & nō *Pater*

*mi*

*mi* dicamus: hunc enim posteriorem modum sibi reſeruaui Chriſtus tanquam ſibi proprium. Matth. 26. Pater mi, ſi poſſibile eſt. Aliter enim Chriſtus eſt filius, quàm nos; ille ſpecialiter, nos communiter. Vnde D. Ambroſ. Noli tibi ſpecialiter vendicare, ſolius Chriſti ſpecialis eſt Pater, nobis omnibus in communi eſt. Et D. Chryſoſtom. ſuper Matth. Dicitur Pater noſter: quod commune eſt omnibus: non Pater meus: quod ſoli Chriſto conuenit, qui eſt filius per naturam.

## QVÆSTIO CXCVII.

*Quinam filij ſub pronomine illo, noſter, comprehendantur.*

**D**I V V S Auguſtinus loco citato cenſet ſolùm comprehendendi fideles credentes in Chriſtum, quia illi ſoli poſſunt hanc orationem dicere.

Sed verius, ac probabilius multò eſt, comprehendendi omnes viatores, nam pro omnibus orandum eſt, vt dicitur 1. ad Timoth. 2. & Deus omnium ſaluator eſt, licèt maximè fidelium. Et ita etiam vnus Deus Pater eſt omnium, vt dicitur ad Ephes. 4. Et vt talis poteſt ab omnibus inuocari, ſi per eos non ſtet. Et hoc ſatis eſt, vt ſub illo pronomine comprehendantur.

Tertia particula eſt, *Qui es*, ex qua pari modo captamus Dei beneuolentiam ex commendatione immutabilitatis, & perpetuitatis ipſius. Hæc enim verba, *Qui es*, ſi propriè ſumantur, ſoli Deo conueniunt, ipſiusque inuariabilem, & immuta-

S s      bilem

282 DE ORATIONE IN COMMUNI  
bilem naturam, in qua nec præteritum, nec futurum, sed nunc æternitatis semper stans sine fluxu inuariatum inuenitur, propriè significant. Quare Christus Dominus volens ostendere Iudæis se esse Deum, dixit, Amen, Amen dico vobis, antequam Abraham fieret, ego sum. Et Ioannis 8. Nisi credideritis quia ego sum: moriemini in peccatis vestris. Vnde Moyse ad liberandum populum Israël misso, ac quærenti: Si dixerit mihi populus, quod est nomen eius, qui misit te; quid dicam eis? Respondit Dominus: ego sum, qui sum. Et statim subiungit, sic dices filiis Israël: Qui est, misit me ad vos. Et Sap. 13. dicitur de impiis. Non potuerunt cognoscere eum qui est.

Quarta particula est, *in cælis*, in qua etiam captamus Dei benevolentiam ex manifestatione sublimitatis mansionis eius: vt sic Dei potentiam profiteamur.

---

### QVÆSTIO CXCVIII.

*Sed quæres, quid hoc loco per cælos intelligatur.*

**D**IVVS Augustinus lib. 2. de serm. Domini in monte cap. 9. Diuus Ambrosius lib. 5. de Sacramentis cap. 4. & Cyrillus Ierosolymitanus catech. 5. per *cælos*, intelligunt montes sanctorum, in quibus Deus per gratiam inhabitat, sicut scriptum est. Anima iusti sedes est sapientiæ, quod habetur Sap. 9.

At D. Bernardus serm. 1. in Psalm. Qui habitat

in adiutorio, intelligit cælos corporales, ac propriè dictos. Nam in scripturis passim cælum hoc corporale, quod spectamus, sedes Dei nominatur, iuxta illud Isaïæ, cælum mihi sedes est, terra autem scabellum pedum meorum. Et illud Matth. 5. Nolite iurare per cælum, quia thronus Dei est, neque per terram, quia scabellum est pedum eius.

Dicitur autè Deus esse in cælo, non quia non sit etiam in terra, & vbique, cùm scriptū sit Ierem. 23. Cælum, & terram ego impleo: sed quoniam in eam gloriam Maiestatis suæ singulari modo ostēdit, vel in creatione, conseruatione, & gubernatione ipsius cæli, quod inter corpora nobilissimum est: vel quia in illo loco Sanctos homines, & Angelos beatificat: & ita locum illum quasi curiam Regiam designauit, ibique thronum Regni sui collocauit.

Posuit autem Dominus particulam illam in exordio orationis suæ, primò vt admoneamur sursum cor habere, & nihil nisi cælestia cogitare debemus, cùm ad orandum accedimus, vt D. Aug. docet lib. 2. de serm. Domini in monte.

Secundò, vt subleuemus mentem ad considerationem diuinæ Maiestatis, vt non solum tanquam ad Patrem, sed tanquam ad Regem, & Dominum cæli, & terræ cum amore, & timore accedamus.

Tertiò vt intelligamus, magno clamore opus esse, vt S. Bernardus notat in serm. 16. in Psalm. Qui habitat in adiutorio, si à Deo exaudiri volumus, cùm nos in profundo terrarum, ille in summo cælo sedem habeat. Quod rectè intelligebat, qui dicebat, De profundis, &c. Clamor autem iste non corporis, sed cordis, non vocis, sed desiderij accipiendus est.

Quartò

Quartò vt discamus discernere Patrem cælestem à terreno, quem in mundo habemus. Terrenus enim Pater multis rationibus egens, & imbecillis est. At cùm Patrem cælestem appellamus, Patrem agnoscimus longè meliorem, & præstantiorem.

Quintò, & vltimò, vt sciamus proprium orationis munus esse, vt per eam nostra conuersatio in cælis sit, ex D. Augustino in serm. 182. de tempore. Et fortasse hinc manauit antiqua consuetudo Christianorum orantium, suspiciendò in cælum manibus expansis, & capite nudo, vt author est Tertullianus in Apost. cap. 30.

Explicato iam præambulo orationis Dominicæ, nunc operæ pretium est, vt ad tractatum petitionum, quas ad Deum fundimus, seriem, & ordinem continentem, accedamus: sed primò videntum est:

## QVÆSTIO CXCI.

*An oratio Dominica septem petitiones  
contineat.*

**T**ERTULLIANVS lib. de oratione, sex tantùm continere contendit, reuocans ad vnã petitionem omnia illa verba. *Et ne os inducas in tentationem, sed libera nos à malo.* Quod & significare videtur Lucas Euangelista, qui solum habet, & *ne nos inducas in tentationem.*

At D. August. lib. 50. homiliarum, homil. 42. & lib. 2. de Sermone Domini in monte cap. 16.

rectius



rectiùs docet in oratione Dominica apud Matth. 7. petitiones contineri, in quarum tribus primis æterna, in reliquis quatuor temporalia postulantur. Et ratio est, quia nisi petitiones sint septem, non erit oratio Dominica plenissima, nam si idem prorsus sint : *Ne nos inducas in tentationem*. Et, *libera nos à malo*. non possemus liberari à malo præterito, sed solùm à futuro, nec à malo pœnæ, sed solùm à malo culpæ. Tentatio enim in quam petimus non induci, non est malum præteritum, sed futurum, nec malum pœnæ, sed culpæ.

Tum quia congruit, vt tot sint petitiones Dominicæ orationis, quot sunt dona Spiritus sancti, quandoquidem his petitionibus illa dona respondent vt D. Augustinus demonstrat 2. lib. de serm. Domini in monte.

Neque obstat, quod Euangelista Lucas cap. 11. quinque tantùm petitiones memorauit, omissa tertia, & septima. Non enim ille petitiones omisit, quia in aliis subintelliguntur, vt adnotauit D. August. in Ench. cap. 115. & 116. Nam tertia, scilicet, *Fiat voluntas tua*, &c. subintelligitur in secunda illa, *sanctificetur nomen tuum*. Cùm sit necesse facere voluntatem Dei, ad hoc, vt sanctificetur nomen Dei in nobis. Septima autem, scilicet, *Sed libera nos à malo*. subintelligitur in sexta illa, *Ne nos inducas in tentationem*, cùm liberatio à malo con-ducatur ad hoc, vt non inducamur in tentationem.

Deinde fieri etiam potest, vt in latinis codicibus incuria librariorum defint duæ illæ petitiones, scilicet, *Fiat voluntas tua*. & *libera nos à malo*, quæ integrè habentur in codicibus Græcis, & Syriacis,

&

286 DE ORATIONE IN COMMUNI  
& exponuntur ab Euthymio, & Theophylacto in  
comment. Lucę.

Est autem prima petitio: *Sanctificetur nomen tuum.*  
Quam Tertullianus in lib. de oratione, & Cy-  
prian. in serm. 6. de oratione Dominica, D. Aug.  
lib. 2. de serm. Domini, & Greg. Nyss. hom. 3.  
de oratione Dominica referunt ad sanctitatem  
Dei in nobis, vel inchoandam, vel perficiendam,  
vt videlicet petere intelligamus, vt ea nobis sancti-  
tas tribuatur, quę conueniens sit, Dei sanctitatem,  
atque bonitatem manifestare, eique testimonium  
reddere: seruientes ei in sanctitate, & iustitia om-  
nibus diebus nostris. Ita vt luceat lux vestra co-  
ram hominibus, hique videntes opera no-  
stra glorificent Patrem nostrum, qui in cęlis est.  
Matth. 5.

Diuis Hieronymus, Chrysost. & Rupertus in  
cap. 6. Matth. & Cyprianus in sermone 6. de  
oratione Dominica referunt ad Deum, seu ad di-  
uini nominis sanctificationem in se. Verum, quia  
Deus nullam in se nouam potest recipere sanctita-  
tem, nomen Dei sanctificari, nihil aliud est, quàm  
diuinam Maiestatem & sanctitatem ab hominibus  
cognosci, & pro illius dignitate æstimari, & lau-  
dari. Vnde D. Aug. lib. 2. de sermone Domini cap. 5.  
Petimus vt nomen Dei sanctum habeatur ab homini-  
bus, & ita illis innotescat Deus, vt non existi-  
ment aliquid sanctius, quod magis offendere ti-  
meant.

Sed optima est explicatio D. Bernardi serm. 6. in  
quadragesima, qui dicit simpliciter peti gloriam  
Dei, id est, vt eius Maiestas, potentia, sapientia, be-  
nignitas, prouidentia, iustitia, misericordia ab  
omnibus

omnibus cognoscatur. Quod fit, quando homines relictis idolis, vel peccatis agnoscunt Deum viuum, & verum, illi credunt, in eum sperant, eum toto corde diligunt, laudant, prædicant, venerantur. Atque ita impletur quod Malachias futurum aliquando prædixit; Ab ortu solis. vsque ad occasum magnum est nomen meum in gentibus.

Ex quibus clarè constat, qua ratione per peccata nomen Dei polluitur, iuxta illud Apostoli ad Rom. 2. Nomen Dei per vos blasphematur inter gentes: & illud Ezech. 36. Ingressi sunt ad gentes, & polluerunt nomen sanctum meum, cùm diceretur eis: Populus Domini iste est, & de terra eius egressi sunt. Qualis enim est vita, & eorum mores, qui Religionem profitentur, sic de Religione ipsa, deque eius authore multitudo imperita iudicare consuevit. Vnde dicebat Christus Matth. 5. Sic luceat lux vestra coram hominibus, vt videant opera vestra bona, & glorificent Patrem vestrum, qui in cælis est.

Secunda petitio est, *Adueniat Regnum tuum.* In qua recto ordine petimus summum bonum nostrum, quod est beatitudo, qua fruemur ipso Deo, tanquam nostro vltimo fine. Sed sciendum est, quòd Regnum Dei in scripturis triplex inuenitur. Regnum naturæ, Regnum gratiæ, & Regnum gloriæ.

Regnum naturæ, vel naturale est supremum illud dominium, quod naturaliter Deus habet in omnes creaturas, quas pro arbitrio regit, & gubernat, iuxta illud Psalm. 144. Regnum tuum, Regnum omnium sæculorum. Et de hoc Regno non loquitur Dominus hîc, quia non est opus petere,

ut fiat id quod semper fit, nec potest non fieri. Hoc autem Regnum, inseparabile est à diuina Maiestate, ex quo mundum creauit, & conseruat, & quamuis improbi nihil magis moliantur, quàm Regnum Dei, id est ordinem diuinæ prouidentię perturbare, tamen semper fit, quod Deus vult fieri, iuxta illud Psalmi 118. Omnia seruiunt ei. Et illud Hester 13. in ditioe tua cuncta sunt posita, neque est, qui possit tuæ resistere voluntati.

Regnum gratiæ est illud, quo Deus regnat in Ecclesia militanti in cordibus fidelium, cuius Regni acquisitio pendet ex hominum libertate, & per Dei auxilium perficienda est, & ideo à Deo postulatur, ut adueniat Regnum eius. De quo dicitur Matth. 13. Colligent de Regno eius omnia scandala. Hoc autem Regnum incipit in hac vita per gratiam, nam sicut peccatum regnare dicitur in iniustis ad Hebr. 6. ita Deus regnat per gratiam in iustis, iuxta illud Luc. 17. Regnum Dei intra vos est. Et de isto Regno exponunt hanc petitionem Ambrosius lib. 5. de Sacramentis cap. 4. Rupert. in comment. cap. 6. Matth. & alij.

At verò Regnum glorię est æterna beatitudo, quæ inchoatur nunc in spiritibus beatorum, & perficietur in fine mundi, quando beati accepta gloria etiam corporum, cum Deo perfectè, fœlicitérque regnabunt, iuxta illud Lucæ 14. Beatus qui manducabit panem in Regno Dei. Et Matthei 4. Pœnitentiam agite, appropinquabit enim Regnum cælorum. Et cap. 6. Primum querite Regnum Dei, & iustitiam eius. Et cap. 7. Non omnis qui dicit mihi, Domine, Domine, intrabit in Regnum cælorum. Et illud 1. Cor. 7. Iniqui Regnum Dei non

non possidebunt. Et illud Ioan. 3. Nisi quis renatus fuerit ex aqua, & Spiritu sancto, non intrabit in Regnum cælorum. Tunc enim tolletur omnis potestas dæmonum, & improborum hominum, & solus Deus, & filij eius sine resistentia vbique regnabunt. Et ita de Regno gloriæ. hanc petitionem Tertullianus, Cyrillus, & Hieronymus intellexerunt. Vnde Cyprianus: Regnum petimus aduenire nobis à Deo repromissum, & Christi sanguine acquisitum, vt qui in hoc sæculo ei seruimus, postmodum cum ipso regnante regnemus, iuxta illud Matth. 25. Venite benedicti Patris mei, possidere paratum vobis Regnum à constitutione mundi. Petimus ergo, vt adueniat Regnum Dei, id est, vt veniat tempus, quo sit terra cælum, vita Deus, tempus æternitas, patria, requies, diuitiæ, sanctitas, salus immortalitas, pax pulchritudo, honor æqualitas Angelorum, Deus omnia in omnibus in illa regione viuorum.

Tertia petitio est, *Fiat voluntas tua sicut in calo, & in terra.* In qua post petitum Regnum gloriæ, quo in patria beatificamur, cōsequenter petimus id omne, quod ad assequendam beatitudinem per se, & proximè conducit, videlicet vt obediamus voluntati Dei, eo modo quo per gratiam hîc possumus, sicut eidem suo etiam modo perfectè in cælo obeditur.

Ad cuius explicationem est obseruandum, quòd duplex est voluntas Dei, scilicet voluntas beneplaciti, qua Deus cui nemo resistere potest, absolute vult aliquid fieri: & voluntas signi, quo nomine Theologi appellant præcepta, & prohibitiones, quæ voluntas Dei nuncupatur, quia per ea

T                      dum

290 DE ORATIONE IN COMMUNI  
dum opere complemus, Dei voluntas impletur in  
nobis, & dum ea seruamus, Dei voluntati pare-  
mus.

In hac autem petitione multi Sancti Patres  
dicunt, hæc verba non posse intelligi de voluntate  
beneplaciti, quæ est efficax, & absoluta, cui vt  
habetur Esther 13. resisti non potest, & ideo non  
est, quòd petamus vt illa fiat, semper enim fit, &  
tam infallibiliter in terra, sicut in cælo: sed intel-  
ligenda sunt de voluntate signi, quæ nõ ita impletur  
in terra, sicut in cælo, & ideo postulare debemus,  
vt Deus gratiam & auxilium nobis præstet, quo  
possimus diuina implere mandata.

Cæterum, quamuis hæc sententia probabilis sit,  
at probabiliorẽ reputo hanc petitionem posse  
etiam interdum referri ad voluntatem beneplaciti,  
nam voluntas illa, qua Deus statuit Christum mo-  
ri pro nobis, efficax, & beneplaciti fuit, & tamen  
de illa intelligitur, quod Christus ipse orauit  
Matth. 26. Non mea voluntas, sed tua fiat, ergo  
simile quippiam nos postulare possumus, cum di-  
cimus, *Fiat voluntas tua.*

Præterea voluntas, qua Deus elegit prædestina-  
tos, absoluta, & beneplaciti fuit, & tamen rectè  
postulamus à Deo, vt impleatur. Nam id rectè  
desideramus. Quare dicendum arbitror, hæc ver-  
ba intelligenda esse de voluntate diuinæ compla-  
centiæ, qua Deus aliquid fieri intendit, vel cupit,  
siue illa beneplaciti, & omnino absoluta, siue  
sit voluntas signi. Et ratio est, quia id peti-  
mus his verbis, quod optandum maximè à no-  
bis est, vt fiat quidquid placet Deo, quomodocun-  
que placet, si ex se, & ex sola sua bonitate placet,

hoc

hoc enim est proprium beneplaciti Dei, ergo hoc postulamus.

Hoc idem colligitur ex verbis subiunctis, *sicut in calo & in terra*. Nam in cælo Beati appetunt, vt huiusmodi voluntas Dei impleatur, sed in hoc petimus assimilari Angelis, & Beatiss, vt communiter Patres exponunt, ergo. Modus autem diuinæ voluntatis adimplendæ est, *sicut in calo & in terra*. Quæ verba quinque modis explicari possunt, secundum diuersas cæli, & terræ acceptiones. Primò enim per *calum* intelligunt spiritum, & per *terram* carnem, & quia caro concupiscit aduersus Spiritum, Spiritus autem aduersus carnem, dicunt nos petere, vt caro obediat Spiritui, & sicut Spiritus seruat legem Dei, ita & caro non seruiat ampliùs legi peccati, sed legi Dei. Ita exponunt hunc locum Cyprianus, & Tertullianus.

Secundò, per *calum* intelligunt fideles, & iustos, & per *terram* infideles, & peccatores, vnde sensus illorum verborum est, vt sicut fideles, & iusti Deo obediunt, ita infideles, & peccatores conuertantur ad Deum ei que subiiciantur, & seruiant. Ita D. Aug. in serm. de oratione Dei, & D. Cyprianus vt refert idem Aug. in libro de dono perseverantiæ.

Tertiò per *calum* intelligunt Christum, & per *terram* Ecclesiam, ita vt id quod in huiusmodi petitione optamus, sit, vt Ecclesia sponsum suum imitetur in obedientia Deo præstanda, ille enim obediens fuit vsque ad mortem. Ita Diuus Augustinus, libro secundo de sermone Domni in monte.



Quartò per *calum* intelligunt Ecclesiam triumphantem in cælis, & per *terram* Ecclesiam militantem, ac peregrinantem in terris, atque ita peti dicunt, vt sint homines similes Angelis, vt sicut ab illis voluntas Dei promptè, perfectè, atque in omnibus impletur in cælo, ita qui sunt in terra per Dei gratiam similiter faciant: semper dicentes cum Christo, non mea, sed tua voluntas fiat, & cum Machabæo, sicut fuerit voluntas in cælo, sic fiat: Et cum Iob. Dominus dedit, Dominus abstulit, sicut Domino placuit, ita factum est, sit nomen Domini benedictum. Hæc enim resignatio sui in diuinam voluntatem, est opus magnæ in Deum charitatis, & proinde magnæ perfectionis, nam per eam vincit omnes suos affectus, & perfectissimè conformat se voluntati diuinæ. Sic Diuus Augustinus vbi suprà.

Quintò, & vltimò per *calum* intelligunt superiores mundi Sphæras, & per *terram* homines viatores, atque ita peti dicunt, vt sicut illæ quæ sunt in cælo materiali, vt sol, & luna, & stellæ, diuinæ parent voluntati, ita etiam, & homines id ipsum faciant.

Diuus Chrysostomus super Matthæum non ineptè putat ista verba, *sicut in calo & in terra*, posse ad singulas tres petitiones referri in hunc modum: *Sanctificetur nomen tuum, sicut in calo, & in terra. Adueniat Regnum tuum, sicut in calo, & in terra. Fiat voluntas tua, sicut in calo, & in terra.*

QVÆST.

## QVÆSTIO CC.

*Quæres, cur dictum est, Fiat voluntas tua, non autem, fac in nobis voluntatem tuam, vel, faciamus voluntatem tuam.*

**R**ESPONDEO, hoc factum esse, ut intelligamus obedientiam legis, quam Dei ope præstamus, non esse opus solius Dei, nec solius liberi arbitrij, sed vtriusque simul. Vnde Chrysostomus ait. Vide quàm cautè loquutus est, non dixit : Pater sanctifica nomen tuum in nobis : Adueniat Regnum tuum super nos : fac voluntatem tuam in nobis. Nec iterum dicit : Sanctificemus nomen tuum : suscipiamus Regnum tuum : faciamus voluntatem tuam : ne hoc aut Dei tantum, aut hominis tantum esse videatur : sed mediè dixit, & impersonaliter : nam sicut homo non potest facere bonum, nisi habuerit adiutorium Dei : sic nec Deus bonum operatur in homine : nisi homo voluerit.

Quarta petitio est. *Panem nostrum quotidianum da nobis hodie* : quæ diuersimodè à Doctoribus explicatur, iuxta multiplicem significationem, quam illud nomen *panis*, potest habere.

Diuus Chrysostomus in cap. 6. super Marth. exponit hanc petitionem de solo pane corporali, quo nomine, vsitato scripturæ more intelliguntur omnia ad vitam corporis necessaria, siue panis

fit, siue caro, siue piscis, siue quodlibet aliud cibi genus. Iacob enim vouens sic orabat Genes. 28. Si fuerit Dominus mecum, &c. & dederit mihi panem ad vescendum, id est victum. Et Christus Dominus ingressus est in domum cuiusdam Principis Phariseorum Sabbato manducare panem, id est, ad cibum capiendum. Vnde Christus solum panem petendum docuit, vt habentes alimenta, & quibus tegamur, his contenti simus. Et D. Chrysost. Postulanda sunt (inquit) à Deo necessaria vitæ, non ciborum diuersitates, & vina odorifera, & cætera quæ delectant guttur, onerant ventrem, & mentem perturbant.

Diuus Ambrosius lib. 5. de Sacramentis cap. 4. D. Hieronymus in cap. 6. Matth. Cassianus collat. 9. c. 21. & 24. & Petrus Chrysologus in sermone de oratione Dominica existimant hoc loco nihil aliud peti, nisi panem sacramentalem, quia vox *super substantialis*, quæ est apud Matthæum, non potest conuenire nisi pani sacramentali, qui solus est super substantialis, id est, super omnes substantias est, & vniuersas superat creaturas. Vnde Hieronymus: Quod nos super substantialem exprimimus, in Græco habetur *epiusion*: quod verbum septuaginta interpretes *periusion* frequentissimè trāsferunt. Considerauimus ergo in Hebræo, & ubicunque illi *periusion* expresse-  
*Sogolla*: quod Symmachus *exeriton*, id est, præcipuum, vel egregium transtulit: licet in quodā loco peculiarem interpretatus sit. Quando ergo petimus vt peculiarem, vel præcipuum nobis Dominus tribuat panem: illum petimus qui dicit in Euangelio. Ego sum panis viuus, qui de cælo descendi.

At verò D. Augustinus in Ench. cap. 115. & epist. 121. cap. 11. Theoph. Euthym. Beda, Tertull. Cyprian. Greg. Nyssen. & communis, docent nomine *panis* intelligi debere generatim omne subsidium necessarium ad vitam, tum animæ, tum corporis conseruandam. Et quoniam subsidia vitæ spiritualis, vt sacramenta, conciones, & alia id genus, multò magis sunt, & necessaria, & nobilia, quàm subsidia vitæ corporalis, ideo intentio orantis ferri debet ad panem cælestem, quo alimur ad vitam æternam, ad panem autem corporalem, vt ad quoddam externum subsidium, quo prouideatur corporis incolumitati, vt seruiat animæ in procuratione salutis æternæ.

Dicitur, *nostrum*, primò, vt intelligamus neminem debere pro se solùm, sed etiam pro aliis necessaria petere.

Secundò, vt sciamus nos non desiderare panem aliorum, idest furto, rapina, fraudibus, multisque artibus acquisitum, sed nostrum, hoc est proprio labore, & industria, vel ex iustis redditibus partum.

Tertiò, & vltimò, vt etiam intelligamus panem sacramentalem esse nostrum, idest, proprium filiorum, quem alieni habere non possunt, vt Diuus Cyprianus exponit.

Dicitur, *quotidianum*, ad denotandum non esse petenda superuacanea, & curiosa, sed substantialia, simplicia, necessaria, sine quibus nullo die viuere possumus.

Deinde ne de crastino solliciti simus dicentes, quid manducabimus, aut quid bibemus, sed tanquam hospites, & peregrini viuamus in diem.

Dicitur, *Da nobis*, da, hoc est liberaliter tanquam Pater, da gratis, non redde ex iustitia debitum.

Dicitur, *Hodie*, id est, dum in hoc sæculo commoramur.

Obiicies, Christus Matth. 6. prohibet, ne solliciti simus dicentes, quid manducabimus, aut quid bibemus, aut quo operiemur: Et rationem addens, hæc enim omnia gentes inquirunt, scit enim Pater vester, quia his omnibus indigetis.

Respondeo, Christum illic non prohibere bonorum temporalium petitionem à Deo, sed nimiam, & anxiam de illis solitudinem, quæ perturbat animam, & viam munit ad fraudes, dolos, aliâque peccata, ad quæ proclivis est, qui nimis sollicitè opibus congerendis studet.

Dices, vox *super substantialis* quæ est apud Matthæum, non videtur posse convenire pani corporali.

Respondeo, cum vox *super substantialis* idem sit, quod *valdè substantialis*, id est, substantiæ nostræ alendæ, & conservandæ valdè accommodus, optimè pani corporali comperit. Quo sensu idem omnino est panis substantialis, & quotidianus. Ideo enim quotidie necessarius est, quia valdè substantialis est.

Quinta petitio est, *Dimitte nobis debita nostra, sicut & nos dimittimus debitoribus nostris*. In qua petimus aliud quoddam præcipuum medium per accidens conducens ad cōsequutionem beatitudinis, ut scilicet per peccatorum remissionem amoveatur à nobis malum culpæ, obstans consequutioni beatitudinis, in quam nihil coinquinatum intrabit.

Quodd

Quodd per delicta hoc loco intelligantur peccata, constat ex eo, quod expressè dicitur Lucæ 11. Dimitte nobis peccata nostra. Et ex illo Matth. 6. ubi explicans Dominus hanc petitionem ait: si enim dimiseritis hominibus peccata eorum, dimittet vobis Pater vester cœlestis delicta vestra. Et ita sæpe Christus Dominus remissionem peccati declarat per remissionem debiti, Matthæi 18. Omne debitum dimisi tibi quoniam rogasti me.

Cut autem peccata debita vocentur, satis per se manifestum est, quia omnis qui peccat iniuriam facit Deo, ac proinde reum pœnæ se constituit.

Tum quia omnis qui peccat, legem Dei violat, lex autem Dei pœnam habet adiunctam, cuius luendæ fit debitor, qui legem ipsam transgreditur.

Tum demum, quia Deus unicuique nostrum, animam propriam tanquam vineam excolendam commisit, ex qua fructus expectat temporibus suis, deditque nobis talenta naturæ, & gratiæ, ut opereremur in eis, ac proinde qui negligunt bene operari, debitores fiunt lucri non acquisiti, & census non redditi.

Addimus, *Sicut & nos dimittimus debitoribus nostris.* Vbi particula *sicut*, potest duobus modis exponi. Vno modo ut similitudinis vim habeat, & sic petimus à Deo, ut quemadmodum nos iniurias nobis illatas remittimus, sic ipse nobis peccata condonet, non quasi velimus, ut Deus in miserendo imitetur nos, sed tantum testari misericordiam nobis placere: quam petentes à Deo repulsam pateremur, si eam negaremus conseruo nostro.

Altero verò modo, ut sit conditionis nota, in

T s quam

quam sententiam Christus Dominus videtur hæc verba interpretatus, cum dixit Matth. 6. Si dimiseritis hominibus peccata eorum, dimittet & vobis Pater vester cœlestis delicta vestra. Si autem non dimiseritis, nec Pater vester dimittet vobis delicta vestra. Vnde D. Aug. in Ench. cap. 73. ait: Qui roganti peccati sui veniam, & petenti ex corde suo non dimittit, vlllo modo existimet à Domino sua peccata dimittenda. Et Cyprianus: Qui ergo pro peccatis nos orare docuit, paternam misericordiam promisit: sed planè addidit legem certa conditione nos constringens: vt sic nobis debitum dimitti postulemus: secundùm quod & ipsi debitoribus nostris dimittimus, & hoc est, quod dicit: sicut & nos dimittimus debitoribus nostris. Et D. Greg. lib. 10. moral. vt profectò bonum quod à Deo compuncti petimus: hoc primum proximò conuersi faciamus. Et D. Chryl. super Matthæum. Cum qua ergo spe orat, qui inimicitiam seruat aduersus alterum, à quo forsitan læsus est. Sicut enim ipse orans mentitur, dum dicit, remitto, & non remittit: sic & à Deo petit indulgentiam, & non illi indulgetur.

Cæterùm, dimittere debitoribus nostris est, cum his, qui nos læserunt, inimicitias non gerere, sed eos etiam si inimicos diligere, eisque benefacere, iuxta Christi Domini præceptum, Diligite inimicos vestros.

---

## QVÆSTIO CCI.

*Sed dubitabit aliquis hoc loco, An salutare te-  
neamur inimicum, dum nobis occurrit.*



**I**N hac quæstione Gabriel super canon. Missæ lect. 76. Toletus lib. 4. cap. 10. num. 9. & plerique alij, tenent nos ad id iure compelli, quia debemus salutare omnes occurrentes, nisi ex tali salutatione inimicus deterior fieri probabiliter timeretur.

At communis Theologorum sententia docet nos ad id regulariter ex vi præcepti charitatis non teneri. Et ratio est, quia non tenemur specialia benevolentiae signa inimicis exhibere, quæ non tenemur erga alios; sed salutare est speciale signum benevolentiae, quod non tenemur erga alios exhibere, ergo non tenemur inimicos salutare: inimicus enim ob dissolutam amicitiam, & propter offensam nobis factam, non efficitur melioris conditionis, quàm sit ille, qui nullam nobis intulit iniuriam. Ita colligitur ex D. Tho. 2. 2. q. 25. art. 6. & docet Bannes 2. 2. q. 5. d. 1. in commentario, Beia p. 2. fol. 199. casu 1. & alij communiter.

Dixi notanter, *regulariter*, quia aliquando ex accidenti fieri potest, ut teneamur inimicum salutare, aut alloqui, aut familiariter cum ipso versari, ut quando sic postulat ratio vitandi scandali, aut quando nostra salutatione speramus inimicum reconciliare Deo, & nobis, cuilibet enim mandatum est de proximo suo, & quilibet tenetur scandalum, & proximi ruinam euitare, quoties potest absque graui suo detrimento. Ita sentiunt Syluest. verb. charitas q. 6. Caiet. 2. 2. q. 25. ar. 9. Gab. super Can. Missæ lect. 76. Azor. lib. 12. cap. 3. to. 2. Ban. 2. 2. q. 24. ar. 9. Nauar. c. 14. n. 25. Valent. 2. 2. disp. 3. q. 3. p. 2. & alij communiter.

Ex quo colligitur quomodo gerere se debeât confessarij circa pœnitētes, qui nolunt alloqui, vel salutare;

300 DE ORATIONE IN COMMUNI  
tare inimicum: possunt enim ipsos absoluerè, mo-  
dò absit odium, aut scandalum, aut periculum, ut  
inimicus odium, & rancorem ob denegatam sibi  
salutationem concipiat. Verùm, quia ut plurimum  
qui non vult verbo, vel signo suum inimicum oc-  
currentem sibi salutare, est prauè affectus erga il-  
lum, illúmque odio prosequitur, vel saltem ali-  
quam præbere solet scandalì occasionem, opti-  
mum consilium est, ut cum saluter, quoties nullum  
imminet periculum salutanti, & alloquenti.

---

## QVÆSTIO CCII.

*An si inimicus meus occurrens obuiam, me  
salutet, tenear ex vi præcepti charita-  
tis illum resalutare.*

Sylvest. verbo charitas q. 6. Toletus lib. 4.  
Scap. 10. & Reginald. lib. 17. numer. 123. tuentur  
partem affirmatiuam.

At ego existimo sic in hac quæstione distinguen-  
dum, aut qui salutatur ab inimico, est longè supe-  
rioris conditionis, ut pater respectu filij, vir illu-  
stris respectu plebei, vel Prælatus respectu subditis  
aut non est longè superioris conditionis. Si est  
longè superioris conditionis, non videtur pecca-  
tum mortale non resalutare suum inimicum. Et ra-  
tio est, quia denegatio salutationis respectu istius  
non adscribitur contempnui, nec is rationabilem  
causam habet, ut maiori proinde odio, vel ira ad-  
uersus Dominum, aut superiorem, vel patrem, mo-  
ueatur.

Tum

Tum quia sicut ante inimicitiam non tenebatur resalutare, ita neque tenetur post inimicitiam, cum inimicus melioris conditionis non sit effectus ob inimicitiam. Si verò non est longè superioris conditionis, videtur regulariter esse peccatum mortale, non resalutare propter scandalum proximi, quod sequitur, causam videlicet præbendo vel maioris odij aduersum eum, vel maioris iræ, & vindictæ. Vel si secundum loci laudabilem consuetudinem, vel secundum qualitatem temporis, loci, & personarum non resalutare, habeatur pro notabili contemptu saluantis. Ita Malderus 2. 2. q. 25. ar. 9. ad finem. Tolet. lib. 4. cap. 10. Ban. 2. 2. q. 25. ar. 9. Azor. 3. p. lib. 12. cap. 13. & alij.

Ex quo colligitur quid dicendum, quando huiusmodi inter quos inimicitia intercedunt, sub eodem tecto, vel collegio, aut Monasterio, vel vicinia commorantur, tunc enim rarò talia specialia amoris signa denegari licitè possunt: propter scandalum quod inde sequitur.

## QVÆSTIO CCIII.

*An inimico veniam petenti, offensus reconciliari teneatur.*

**A**D cuius explicationem obseruandum est primò, quòd ex inimicitia, vel iniuria tria oriuntur, scilicet in corde odium: in opere subtractio eorum, quæ reipsa amoris significationem habent: & in foro actio contra inimicum ut videlicet iniuriæ offenso illatæ satisfaciat, vel damnum resarciat, & compenset. Quo posito:

Dico

Dico primo, quòd offensus tenetur statim depone-  
 nere odium, & rancorem. Ratio est, quia non licet  
 odio alterum prosequi, aut malum alteri exoptare,  
 absque honesto fine, vt patet ex illo Matth. 18. Sic  
 & Pater meus cœlestis faciet vobis, si non remise-  
 ritis vnusquisque fratri suo de cordibus vestris.  
 Quod procedit etiam si offensus nullatenus offen-  
 so satisfaciatur, vt rectè monet D. Tho. communiter  
 receptus 2.2.q.25.ar.8. Quinimò toties peccat mor-  
 taliter offensus, quoties reuocando iniuriam mēti,  
 de nouo illū odio habet. Ita cōmuniter Doctores.

Secundò dico, quòd offensus iure cogitur ex cha-  
 ritate admittere pœnitentiam inimici, si is ostendit  
 se verè, & ex animo dolere, quòd alterum offende-  
 rit. Et ratio est, quia per illam petitionem, inimicus  
 abundè offenso satisfacit, ergo remittere ei noxam  
 charitatis præcepto compellitur, iuxta illud Lucæ  
 17. si reuersus fuerit ad te dicens, pœnitet me, di-  
 mitte illi. Dixi notanter, *si veraciter, & ex animo do-*  
*let*: quia si fictè, vel frigidè, ac superbè petierit cum  
 eo reconciliari non tenetur. Ita Syluest. verb. cha-  
 ritas q.6. Val. 2.2.d.3.q.3.p.1. & Azor. t.2.l.12. c.3.

Tertidò dico quòd si statim, atque inimicus ali-  
 quem offendit, veniam petat, non tenetur offensus  
 ei reconciliari, siue pacem cum illo componere. Et  
 ratio est, quia recētia vūlnera non statim sanantur,  
 & diffīcile est, ac ferè violentum illicò iniuriam of-  
 fensori remittere, cū adhuc recens sit offensa, &  
 vūlnus acceptum, & animi perturbatio sedata non  
 sit. Ita Azor. tom. 2. lib. 12, cap. 3.

Quartò dico, quòd nemo iure cogitur iniuriam  
 sibi illatam remittere, nisi is qui eam intulit, ido-  
 neam, & legitimam satisfactionem obtulerit, vt ha-  
 betur

betur exc. si quis constitutus, &c. Iure enim peri  
 possunt damna, & expensæ, quæ sibi intulit læsio,  
 quâsque ipse ministrauit causa illati vulneris, non  
 enim tenetur iuri suo cedere. Sylu. verbo charitas. q.  
 6. & Azor. t. 2. l. 12. c. 3. Non tamen potest iniuriam  
 passus petere æstimationem damni sibi imminentis  
 causa cicatricis, quæ ex vulnere faciem deformem  
 efficit, si is sit homo liber, nisi fœmina sit. Quamuis  
 teneatur offensore præter damna, & expensas ali-  
 quid arbitrio boni viri offenso retribuire in com-  
 pensationem iniuriæ illatæ, vt monet D. Th. 2. 2. q.  
 61. 2. ar. 2. ad 1. Caiet. 2. 2. q. 72. ar. 3. Azor. t. 2. instit.  
 moral. lib. 12. cap. 3. & plerique alij.

Quintò dico, quod nec etiam tenetur iniuriam  
 passus, sic iniurianti noxam remittere, vt etiam præ-  
 termittat actionem iniuriarum coram Iudice ad-  
 uersus illum, vt scilicet offensore secundum iura pu-  
 niatur, sicut enim magistratus potest illum punire,  
 & ab eo pœnâ repetere, ita offensus petere, & curare  
 potest, vt puniatur. Moueri tamẽ debet zelo iustitię  
 ad cõprimendâ malitiã, vel pro pace aliorũ, vel pro  
 emẽdatione offensoris ad cohibẽdum eũ ab alijs in-  
 iuriis, non autẽ vt suo appetitui vindictæ satisfaciatur,  
 quia sic mortale crimẽ offensus admitteret, vt rectẽ  
 docet D. Th. 2. 2. q. 108. ar. 1. Verũ si principalis eius  
 intẽtio recta sit, licet humana fragilitate. animus in  
 effectum aliquem aduersum offensore labatur, non  
 statim est peccati lethalis condemnandus, vt rectẽ  
 monet idẽ D. Th. vbi sup. & Syl. verb. accusatio. §. 5.

Sextò, & vltimò dico, quod si is qui læsit non mo-  
 dò humiliter petat veniam, sed offerat etiam suf-  
 ficientem satisfactionem pro illata iniuria, alter  
 non potest tuta cõscientiã instituire contra illum  
 actio

304 DE ORATIONE IN COMMUNI  
actionem iniuriarum coram Iudice. Ita Syluest.  
verb. charitas q. 6. & Bannes egregius Thomista  
2.2.q.2. art.9. ubi sic ait. Difficile est valdè, quod  
quis nolit remittere pœnam corporalem, & quod  
careat odio, & appetitu vindictæ. Admittit tamen  
casum in quo potest id licere, vt si aliqua illustis  
familia offensi maneret infamis, nisi suspenderetur  
inimicus secundum iura. Sed quando nullum, aut  
leue incommodum sequitur ex remissione talis  
pœnæ, putat præfatus Doctor talem hominem  
esse in malo statu, nisi remittat quantum in se est  
huiusmodi pœnam.

Ego verò cum Reginaldo lib.17.cap.12. nu.116.  
Valent. 2.2. disp.3.q.3.p.3. Azorio tom. 2. lib. 12.  
cap.3. & Graffio lib.2 cap.172. arbitror non tene-  
ri iniuriam passum actionem coram iudice omit-  
tere, etiamsi teneatur alioqui deponere odium, &  
rancorem. Et ratio huius est, quia sicut Iudex po-  
test iuridicè pœnam, & compensationem præscri-  
bere, ita offensus petere potest à Iudice, vt sibi com-  
pensatio iuridicè fiat, præciso tamen graui læden-  
tis damno, quod læsus tenebatur ex charitate im-  
pedire.

Cæterum existimo in praxi regulariter loquen-  
do suadendam esse Beiz, 1. part. casu 10. Syluestri  
verb. charitas quæst 6. & aliorum asserentium of-  
fensum teneri actionem iniuriarum coram iudice  
intermittere, offensore veniam petente, aut debi-  
tam satisfactionem offerente, nisi necessaria sit iu-  
dicis actio ad consulendum honori, vel damno  
illius qui offensus fuit. Ratio huius est, quia pau-  
ci actionem iniuriarum prosequuntur, deposito  
omni odio, & vindictæ affectu. Tum quia hoc est  
conforme

QVÆSTIO CCIV.

*Vtrum homo teneatur cum inimico suo collo-  
qui, & amicabiliter conuersari.*

**R**ESPONDEO quod per se, & absolutè non ma-  
gis tenetur homo cum inimico colloqui, &  
conuersari, quàm si esset aliàs amicus: sed cum a-  
mico per se nemo tenetur loqui, aut conuersari, er-  
go nec cum inimico, etiamsi antea fuisset solitus  
conuersari cum illo.

Dixi notanter, *per se*, quia aliquando per acci-  
dens ratione scandali tenetur sub mortali cum eo  
amicabiliter conuersari, multi enim videntes me  
nolle colloqui cum inimico, prout antea faciebam,  
scandalizarentur, præsertim meus inimicus putans  
se à me odio haberi. Vel in casu, quo si huiusmodi  
specialia amoris symbola denegarentur, inimicus  
grauiter periclitaretur corpore, vel animo: vel si  
huiusmodi amoris signa essent maximè utilia, & sa-  
lutaria ad lucrandum inimicum, & in his casibus  
iure cogitur talia ei amoris signa præbere, vt fra-  
trem Christo lucretur. Verùm contingere posset, vt  
ex familiari nostro sermone cum inimico, is vel au-  
dacior, vel insolentior fiat: & tunc præstaret illum  
excludere à nostra conuersatione. Sic Caiet. 2.2. q.  
25. art. 9. Syluest. verb. charitas q. 5. Nauar. in Man.  
cap. 14. nu. 25. Ban. 2.2. q. 25. art. 9. Azor tom. 2. inst.  
Mor. lib. 12. cap. 3. & alij communiter.



---

 QVÆSTIO CCV.

*An si læsus ex colloquio inimici scandalizatur, & ponit se in periculo verisimili peccandi, teneatur in tali casu cum illo conuersari.*

**Q**VÆSTIO est, cuius meminit Bannes 2. 2. q. 25. art. 9. respondet autem ipse negatiuè. Vnde in publico poterit illum breuiter signo, vel facto salutare, & prudenter cauere à frequenti conuersione.

---

 QVÆSTIO CCVI.

*Ex dictis colligitur, quid dicendum sit ad illam celebrem questionem. Vtrum inimico veniam petenti teneatur læsus ostendere signa dilectionis.*

**R**ESPONDEO affirmatiuè. Et ratio est, quia talis petitio veniæ tempus determinat, quo charitas debet necessariò exire in actum manifestationis cordis sui erga inimicum. Nam is qui passus est iniuriam regulariter malam habet voluntatem contra inimicum suum, si huic præsumptioni communi adiungatur in speciali, quòd inimico petenti  
 veniam

veniam non annuit, probabilis, aut violenta opinio fit, quòd odium habet còtra inimicum, ac proinde petenti veniam datur occasio maioris odij, vel iræ, ex quo locum veniæ non inuenit, & aliis scandalum. Et ideo ita sentit D. Thomas 2.2.q.25.ar.9. & alij communiter.

## QVÆSTIO CCVII.

*Quisnam teneatur priùs veniam, & reconciliationem petere, quando duo mutuo se offenderunt.*

**R**ESPONDEO quòd per se loquendo, & cæteris paribus, is qui priùs iniuriam intulit debet reconciliationem petere. Tū quia sic æquitas, & iustitia postulare videtur. Tum quia is qui priùs offensus fuit, acquisiuit ius petendæ satisfactionis, qui autem prior est tempore, potior est iure.

Dixi notanter, *per se loquendo*, nam per accidens fieri potest, ut non teneatur, ut si titulo compensationis iniuriam alteri illatam resarcire nolit, præuidens fore, quòd petita venia, & data satisfactione, alter nolit eam sibi rependere.

Dixi, *cæteris paribus*, nam si posterior offensio sit maior, vel longè inferioris conditionis, is qui posterioriùs læsit, tūc posterior debet priùs illam petere. Quia non sunt cætera paria. Quòd si dubia res est, vter priùs alterum offenderit, standum iudicio prudentis Confessarij. Ita Azor tom.2.lib.12.cap.3.q.10. Reginal.lib.17.num.125. & alij suprà.

## QVÆSTIO CCVIII.

*Vtrum offensus teneatur ex charitate reconciliationem petere.*

**R**ESPONDEO non teneri. Sed etsi petierit prius se humiliando, duplicem coronam obtinebit, vnam quia offensam patiēter sustinuit: alteram, quia prior rogauit. Verum ne peccet, non debet mentiri, dicendo se esse culpabilem, cum non sit: sed rogare, vt odium, & rancorem deponat, protestando se non esse in culpa, sicut ille existimat: debet etiam ad Deum preces fundere, vt se recognoscat, & mittere aliquos, qui inducant illum ad pacificandum, & ipse paratum se exhibeat ad remittendum.

## QVÆSTIO CCIX.-

*An viri sancti, & admodum iusti possint vere in oratione Dominica dicere; dimitte nobis debita nostra.*

**R**ESPONDEO posse, vt docet Concilium Mileuitanum Canone 7. & 8. & Africanum Canone 8. Et ratio huius est, quia omnes sumus peccatores, & egemus gratia Dei.

Tum quia vnusquisque formidare potest, an plenè iustificatus sit. Ecclesiast. 5. & 9. & 2. Cor. 4.

Tum etiam quia non pro se tantum, sed pro omni

omnibus peccatoribus orant, qui tali remissione indigent.

---

QVÆSTIO CCX.

*An qui sunt in peccato obdurati, nec iniurias sibi à proximo illatas ignoscunt, possint hanc orationem dicere.*

CASSIANVS collat. 9. cap. 22. negat.

Alij verò rectiùs affirmant, posse. Et ratio est, quia quamvis verba illa: *Sicut & nos dimittimus debitoribus nostris*, non verificentur in recitante, ad hoc tamen vt non mentiatur, sufficit verificari in persona Ecclesiæ, in cuius nomine orationem Dominicam fundit, & in qua multi sunt, qui iniurias remittunt. Vnde non dicit, *sicut ego dimitto*, sed, *sicut nos dimittimus*, quod vt diximus debet referri ad Ecclesiam, vt rectè monet D. Thom. 2. 2. quæst. 83. art. 16. ad 3.

Tum quia quando Sacerdos dicit, *Sursum corda*, & clericus respondet, *habemus ad Dominum*, non cogitando Deum, non mentitur, quandoquidem respondet nomine Ecclesiæ, in qua nunquam deest aliquis, qui id agat.

Tum quia si non est in peccato obduratus, remissionem peccatorum postulaudo, simul à Deo petit, vt facultatem ei concedat aliorum peccatis ignoscendis, ac propterea quisque verè dicit, sicut & nos dimittimus debitoribus nostris, quantum videlicet ad desiderium remittendi.

Hinc si hæc verba ad priuatam personam oran-

310 DE ORATIONE IN COMMUNI  
tem referantur, qui neque condonat iniurias, nec  
cupit gratiam à Deo sibi donari, qua velle inci-  
piat iniurias remittere, dum Dominicam oratio-  
nem dicit in singulis ferè petitionibus illius men-  
titur. Quomodo enim dicere potest, *Pater no-  
ster, qui es in cælis*, qui non vult esse Dei filius:  
Et *Sanctificetur nomen tuum*, per quem nomen Dei  
assiduè blasphematur: Et *adueniat Regnum tuum*, qui  
nihil magis timet, quàm aduentum eius ad iudi-  
cium, in quo vnique reddet secundùm opera  
sua: Et *Fiat voluntas tua*, qui suam non Dei volun-  
tatem vult facere: nec demum cætera, quæ in ip-  
sa Dominica oratione subiunguntur, qui iis-  
dem à quibus se liberari petit voluntariè se su-  
biicit.

Illud tamen est aduertendum, quòd vt homo ef-  
ficaciter impetrare possit quod petit, non solùm de-  
bet facere in hoc negotio quod de rigore tenetur,  
sed quod etiam est de consilio, nam quò liberalior  
fuerit in remittendis propriis iniuriis, eò Deum  
liberaliorem erga se experietur.

Sexta petitio est, *Et ne nos inducas in tentationem*.  
Quæ profectò non est intelligenda de tentatione,  
qua Deus bonos probat, sicut tentauit Abraham,  
Iob, Tobiam, & alios. Nam illa tentatio, quæ est  
à Deo, bona est, & ideo petere non debemus, ne  
in nobis fiat. Vnde potius orabat David in psalmo  
25. Proba me Domine, & tenta me. Sed est intel-  
ligenda de tentatione, qua Dæmon, vel mundus  
ad peccatum inducit.

Hilarius & Hieronymus in Comment. ad cap.  
26. Matth. Ambrosius lib. 5. de Sacramentis cap. 4.  
Cyrillus catechesi 5. Cassianus collat. 9. cap. 23. &  
D. Au

D. Augustinus in epist. 121. cap. 11. existimant per hæc verba peti à Deo, non quidem, vt non tentemur, sed ne tentationi succumbamus, quod est in tentationem induci. Tanquam si quispiam, cui necesse sit, igne examinari, non oret, vt igne non contingatur, sed vt non exuratur. Vasa enim figuli probat fornax, & homines iustos tentatio tribulatio- nis, Eccles. 27. Sic Matth. 26. Dominus monet. Vigilate, & orate, ne intretis in tentationem, id est, ne tentationi cedatis. Et causam huius addit, quia Spiritus, id est, diabolus promptus est ad tentan- dum, & incitandum ad peccatum, caro autem, id est, homo, infirma ad resistendum sine ope diuina.

Cyprianus in sermone de oratione Dominica. Euthymius in comment. ad cap. 6. Matth. & Gre- gorius Nyssenus oratione 5. de oratione Dominica, volunt his verbis peti, vt simpliciter non tentemur. Et probant, quia secundum modum loquendi Scri- pturarum, non induci in tentationem non videtur esse, non vinci à tentatione sed in tentationem non incidere, iuxta illud psalm. 65. Induxisti nos in la- queum, id est, in tentationem. Et tamen his verbis non significat propheta se Dei permissione tenta- tioni succumbere, sed solum tentari, vexarique permissum.

Tum quia tentatio quamuis interdum sit utilis, est tamen semper periculosa propter ambiguam, in- certamque victoriam, ergo non solum præsum- ptio est illam appetere, sed etiam humilitas, decli- nare, & à Deo petere, vt nos in certamen eiusmodi non inducat.

Alij verò vt Tertullianus, Chrysostomus & ple-  
 V 4 rique

rique alij existimant vtrumque peti. Quia licet tentari non sit malum, est tamen periculosum, & ideo à nobis cauendum, quantum in nobis est, propter nostram infirmitatem, & ideo meritò cupimus, & petimus etiam non tentari. Pro quo

Primò dico, quòd hac petitione non rogamus, vt non tentemur vllò modo. Ratio est, quia nunquam tentari, vel est impossibile, vel præter legem ordinariam Dei, cum vita ista, vt D. Augustinus affirmat, sine tentatione duci non possit, immò adeò est plena tentationibus, vt tentatio meritorij possit appellari, sicut illam Iob vocauit militiam.

Tum quia tentari non est malum, immò potest esse fructuosum, si Deo protegente in tentationibus non deficiamus, iuxta illud 2. Cor. 12. Virtus in infirmitate perficitur.

Et confirmatur, nam si oramus, vt non tentemur, vnde nobis erit virtus constantiæ? Hinc dicebat D. August. Dum huius vitæ infirmitatem gerimus, si tentationes, & passionες omnino nullas habemus non rectè viuimus. Et lib. 2. de sermone cap. 14. verissimè ait, Sine tentatione probatus esse nullus potest.

Secundò dico, quòd per illa verba postulamus ne in noxiam tentationem incidamus, quia hæc petitio, vt constat, est de malo cauendo, talis autem tentatio malum est, quæ verò non est noxia, potius habet rationem boni. Dicitur autem tentatio noxia, quæ nos est superatura, de tali autem verum est, postulare nos, tum ne illa vincamur: tum etiam ne illam patiamur.

Dicitur autem Deus in tentationem inducere,



non quia horretur, vel impellat nos ad malum, cum non sit author peccati, iuxta illud Iacobi 1. Deus intentator malorum est & neminem tentat; sed quia desertus nos deserit, ac superari à tentatione permittit. Quo enim dirigēte stamus, eo manum subtrahente labimur. Indurare autem, excæcare, in sensum reprobum tradere, offendiculum ponere dicitur Deus, non quia hæc actione aliqua in hominibus operetur, sed quia permittit iusto iudicio hæc evenire, in vindictam præcedentium delictorum. Ipse enim neminem tentat, ad seducendum, & ad impellendum in peccatum.

Septima, & vltima petitio est. *Sed libera nos à malo.* Cuius variæ sunt Doctorem explicationes. Tertullianus, Cyrillus, Chrysostomus, Euthymius, Ambrosius, Gregorius Nyssenus, Theophylactus & multi alij, per malum, à quo liberari postulamus, Dæmonem intelligunt, iuxta illud Ioannis 2. Vicistis malignum. & illud Matth. 5. Quod his abundantius est, à malo est.

D. Augustinus suprà, & D. Chrysostomus homilia 14. operis imperfecti, per malum intelligunt peccatum.

D. Bonaventura lib. 7. de processu Relig. cap. 4. exponit de malo damnationis æternæ.

Lessius lib. 2. de iustitia cap. 37. dub. 4. per malum intelligit omnes diaboli, & consequenter etiam impiorum hominum, qui sunt membra eius, insidias.

At verò D. Cyprianus, Rupertus, Beda, D. Thomas 2. 2. quæst. 83. artic. 9. & plerique alij intelligunt per malam omnes pœnalitates, & calamitates

præsentis vitæ, in quas incidimus per peccatum Adæ; propter quod dicebat D. Ambrosius in quodam sermone. Tantis malis hæc vita repleta est, vt comparatione eius, mors remedium esse putetur, non pœna. Ab his igitur liberari petimus, non solum quatenus ad peccatum inducunt, sed etiam quatenus maius bonum, maiorémque cum Deo coniunctionem impediunt. Oportuit enim vt Christus etiam nos doceret à Deo esse sperandam, & petendam liberationem ab omnibus his malis, quia ipse solus potest nos liberare, & rogatus facit, quando expedit nobis.

Non tamen sic orandum est, vt Dominus noster omnes istas pœnalitates, & misérias penitus à nobis amoueat. Quia nec id naturæ nostræ conditio patitur, nec status huius sæculi exigit: nec nobis fructuosum esset: sed quod petere debemus est, vt illarum moderationem faciat, ne occasione earundem per impatientiam, aut aliter ad peccandum pertrahamur.

*Amen.* Ista particula, quam D. Hieronymus vocat signaculum orationis Dominicæ, continet tertiam partem principalem prædictæ orationis, qua petitionum in ea contentarum confirmationem petimus, & optamus, dicentes. *Amen.* Est autem hæc particula secundùm D. Augustinum in libro 2. de doctrina Christiana, non Græca, nec Latina, sed Hebraïca, sicut sunt *Alleluia*, *Osanna*, *Racha*, &c. Et sumitur in sacris literis tripliciter: Vno modo nominaliter, & sic tantum valet, sicut verax, vel veritas. Qua ratione sumitur in Apocal. cap. 3. cùm dicitur: Hæc dicit Amen, testis fidelis, & verus. *Amen*, id est, verax, quod est vnum

vnum ex propriis nominibus Christi.

Secundo modo accipitur verbaliter, & valet tunc tantum, sicut, fiat. Qua ratione sumitur communiter in fine orationum, quibus orantis desiderium exprimitur, ut interpretatus est Diuus Ambrosius in psalm. 40. super illa verba; *fiat, fiat.* Vbi in Hebraico est *Amen, Amen.* In hoc ergo sensu in præsentī sumitur.

Tertio verò modo accipitur aduerbialiter. Cuius acceptionis vsus est frequens in Euangelio, ut cōstat ex illo, *Amen, Amen dico vobis.* quod multoties Christus repetit in suis concionibus, & tantum valet, quantum verè. Quando ergo ea particula in Euangelio ponitur geminata, in primo loco accipitur nominaliter, & in secundo aduerbialiter, ut sit sensus: Ego veritas dico hoc, vel illud verè.

## QVÆSTIO CCXI.

*Sed dubitabit aliquis hoc loco, An per orationem Dominicam peccata venialia deleantur.*

**I**N qua re certum est in primis, per orationem Dominicam peccata venialia non deleri, in his qui peccatis mortalibus sunt ligati. Et ratio est, quia secundum doctrinam D. Thomæ 3. par. quæst. 87. artic. 4. Sine mortali peccato, quando adest in homine, venialia nunquam remittuntur.

Secundò etiam certum est, orationem Dominicam

316 DE ORATIONE IN COMMUNI  
nicam delere in hominibus iustis, qui orationem  
Dominicam recitant, peccata venialia.

---

## QVÆSTIO CCXII.

*Sed totum controuersie diffidium versatur, An  
oratio Dominica hanc vim habeat ex  
opere operato, quamuis qui recitat, nullum  
actum pœnitentiæ eliciat.*

**S**VNT multi qui existimant orationem Domini-  
cam ex opere operato habere vim remittendi  
peccata venialia.

Alij verò non minoris nominis docent, per o-  
rationem Dominicam peccata venialia deleri, quia  
per illam impetratur diuinum auxilium, quo de  
peccatis venialibus expresse, vel tacite dolent.

Et hæc de oratione in communi dixisse suf-  
ficient.

*LIBER*



LIBER SECVNDVS  
DE HORIS  
CANONICIS.



ACTENVS de oratione in  
vniuersum, vt est Religionis  
actus, breuiter egimus: nunc  
reliquum est, vt speciatim de  
his orationibus differamus,  
que Canonice nuncupantur.  
De quibus disputant Scholasti-  
ci cum Magistro in 4. dist.

15. D. Thom. & ipsius interpretes in 2.2.q.83.art.1. &  
seqq. Sotus lib.10. de iust. & iure. q.5. Medina C. de ora-  
tione. Arrag. 2.2.q.83.art.12. & 13. Valent. 2.2. disp.6.  
q.2.p.10. Less. lib.2. de iust. cap.37. Tolet. in summa lib.  
2. cap.10. Azor. p.1. lib.10. cap.1. Card. Bellarm. tom.4.  
controu. lib.1. de bonis operibus cap.10. Steph. Duran.  
de ritibus Eccles. lib.3. Cosm. Philiar. de offic. Sacerd.  
p.1. lib.1. Summa Corona p.1. cap.1. à nu. §2. Lop. p.1.  
instit. Confess. cap.244. & p.2. cap.102. Graff. lib.2. de-  
cis. cap.50. Rodrig. in Summa p.1. cap.140. Vega in  
Summa p.1. cap.28. Franc. Suar. tom.2. de Relig. lib.4.  
Reginal. li.18. Vasq. in opusc. de benef. cap.4. Carol. Ma-  
cig. tract. de Horis Canonicis. Vincent. Filicius tom.2.  
tract.

318 DE HORIS CANONICIS  
tract. 23. *Mofes. in Summa de Horis Canon. & plerique alij. Canonista in titulo de celebr. Missarum. Summista verò vt Nauar. in Manuali c. 25. à nu. 97. & in Enchir. de orat. & Horis Canonicis. Angelus, Tabiena, Rosella, Syluester, Armilla, Supplementum & multi alij verbo, Horæ Canonicæ, & verbo Beneficium.*

### Definitio Horarum Canonicarum.

**E**T ut à nomine ipso exordiamur, obseruandum est primò, quòd *Hora Canonica* sunt oratio publica laudandi, precandique Deum mente simul ac voce sub certo numero psalmorum, lectionum & aliorum huiusmodi authoritate Ecclesiæ instituta, & per septem congruentes horas distributa.

Et dicuntur *Horæ*, non quidè ab oro, oras, quia orando, & cõtemplando persoluuntur, vt putat *Grassius lib. 2. decis. c. 50. n. 1. sequutus Cardinalem, Zabarellā, & alios in Clem. 1. de celeb. Missar. cum prima litera verbi Oro, non aspiretur, prima verò verbi Hora sic: sed ab Hora Horæ, quia iuxta canones, & regulus Sanctorum Patrum certis horis nocturnis, ac diurnis recitari vel decantari debent, à quibus etiam nomina sumpsere.*

Dicuntur autem *Canonicæ*, seu *Regulares* à *Canone* *Gracè*, quod *Latinè* idem est, quod *Regula*, quia à sacris Canonibus sunt inuenta, & canonum traditione, & instituto à clericis sunt persoluenda.

Dicuntur *diuinæ*, quia Deo impenduntur. Vel quia in eis multa recitatur, quæ ex diuinis literis desumpta sunt.

Dicuntur officium diuinum, quasi munus, & obsequium quod clerici Deo præstant. Nihil est ita proprium personis ecclesiasticis quàm Deum verum laudare, nihilque magis durabile, in calo enim sacrificiū cessabit, diuina tamè laus cessare nequaquàm debet. Beati enim qui habitant

*in domo tua Domine, in sacula seculorum laudabunt te. Cuius oppositum facient damnati in sempiternum.*

*Vocantur officium ecclesiasticum, quasi ecclesiasticorum ministeriū, & pensum. Vel quia Ecclesie præcepto persoluantur: & quia ab Ecclesia sunt instituta.*

*Aliquando dicuntur officium de Sanctis, quia celebrantur, & offeruntur in memoriam Sanctorum.*

*Aliquando dicuntur officium mortuorum, quia in defunctorum suffragium recitantur.*

*Vocantur etiam Vigiliæ, quia ut dicit Hostiensis cap. 2. de celebr. Missar. illæ cum sollicitudine vigili recitari & cantari debent,*

## QVÆSTIO I.

*Quotnam sint numero Horæ Canonice.*



**N**ARR. de orat. cap. 3. n. 27. & 28. cum multis aliis octo esse contendit, videlicet Matutinum, Laudes, Primā, Tertiam, Sextam, Nonam, Vesperas, & Completorium. Et probat, nam Horæ Canonice sunt institutæ exemplo & imitatione veteris populi, de quo Esdras lib. 2. c. 9. testatur Iudæos post liberationem à captiuitate Babylo-nica octies in die laudasse Deum, quater in nocte, & quater in die.

Tum quia Dauid in psal. 118. non solum ait septies in die laudem dixi tibi, sed etiam media nocte surgebam ad confitendum tibi, ergo præter septem diurnas horas, ponitur oratio nocturna tanquā hora distincta, ergo nocte, & die octies laudabat Deū.

Tum



Tum quia olim Laudes per se separati à Matutino canebantur, & nostris etiam temporibus in nocte. Nalis Domini diuiduntur, & Missæ sacrificium interponitur.

Tum demum, quia Matutinum, & laudes habent propria initia horarum, scil. *Deus in adiutorium meum intende*, &c. qualia esse solent in horis distinctis: & hymnos distinctos: & laudes habent suum proprium capitulum, & alia omnia, quæ ad integritatem horæ reperiuntur, ergo.

His tamen non obstantibus, communis omnium sententia habet septem esse duntaxat horas canonicas, iuxta illud psalm. 118. Septies in die laudem dixi tibi. Vbi dies pro naturali die 24. horarum accipitur, qui noctem etiam includit. Cum autem dicit: Media nocte surgebam ad confitendum tibi, distinguit ipsas horas in diem artificialem & noctem.

Tum quia horæ canonicæ non sunt plures, quàm ab Ecclesia institutæ sunt: sicut enim ab Ecclesia institutionem habent, ita & numerum. Ecclesia autem Romanâ instituit duntaxat septem horas canonicas, ut patet ex cap. 1. de celebr. Missar. ex Clement. 1. de reliq. & veneratione Sanctorum, & ex Breuiario Romano, vbi septem horæ numerantur.

Tum demum, quia in Concilio Cabilonenſi secundo cap. 59. sub Carolo Magno, septem tantummodo horæ canonicæ dicuntur, videlicet Matutinum, Prima, Tertia, Sexta, Nona, Vespera, & Completorium.

Possunt tamen hæ duæ opiniones inter se diffidentes, & contrariæ fœdere distinctionis cõciliari hoc modo, dicẽdo ex prima institutione & antiqua consue

consuetudine fuisse octo horas canonicas, quando matutinum propria oratione concludebatur, & laudes postea diuerso tempore dicebantur, sicut modò fit diebus feriatis in toto ordine Cisterciensi. At nostris temporibus vsu iam receptum est, & Ecclesiæ Romanæ consuetudine, vt septem tantùm dici debeant horæ canonicæ, ac proinde vt matutinum simul cum laudibus decantetur. Et ideo ita videntur sentire Turrecrem. tract. 73. in Reg. 5. Benedicti. Hugo de sancto Victore lib. 2. de Eccles. off. cap. 2. & 9. & Marcellus Francol. de temp. hor. canon. cap. 6. nu. 15. vbi ait. Apud Monachos octo esse horas canonicas, & non septem, quia separant omnino nocturna à laudibus, & propria oratione illam nocturnam horam concludunt, & aliam faciunt quasi propriam matutinam horam, inchoantes laudes, quando stella matutina oriri solet. At iuxta Romanæ Ecclesiæ morem, horas canonicas esse septem contraria ratione.

Ex qua doctrina infertur primò in die Natalis Domini octo horas canonicas à Romana Ecclesia decantari, quia Matutinum antiquo more à laudibus separatur, & propria concluditur oratione.

Secundò infertur in sacro ordine Cisterciensi & in nostra congregatione Beatæ Mariæ Fulienfis, in quibus iuxta Regulam sanctissimi Patris nostri Benedicti octaua hora noctis psalmi nocturni concinuntur, & deinde sub aurora Matutinæ laudes decantantur, octo esse horas canonicas.

Tertiò, & vltimò infertur, quòd quando inchoantur laudes separatim à nocturnis locis, dicen-

dum esse ante laudum initium *Pater noster*, cum *Aue Maria*, more aliarum horarum, propter eandem rationem, quia inchoantur vt hora distincta, & per se vna. Ita Nauar. de oratione cap. 3. numer. 66.

## QVÆSTIO II.

*Cur Horæ Canonicae sint tantum septem.*

**R**ESPONDEO id factum esse in primis, quia ex sacris literis septem tempora diuinis laudibus apta, & accommodata colliguntur, iuxta illud Dauidis in Psalm. 118. *Septies in die laudem dixi tibi, super iudicia iustitiæ tuæ.*

2. Quia septem existunt dies hebdomadæ, quibus conditus est mundus.

3. Quia septem sunt mundi ætates, quibus duraturus est.

4. Quia ex septem planetis mundus gubernatur.

5. Quia septem sunt ætates hominis, quibus omnibus Deus est laudandus. Infantia, pueritia, adolescentia, iuuentus, virilitas, senectus, & decrepitude.

6. Quia ex septem rebus homo componitur, scilicet, ex quatuor elementis, & tribus potentiis.

7. Quia ex septem etiam virtutibus homo perficitur, scilicet, tribus Theologicis, & quatuor Cardinalibus.

8. Quia septem sunt Spiritus sancti dona, quibus

bus anima sanctificatur, quæque vt impetremus septem horas persoluimus.

9. Quia ex septem sacramentis homo ad perfectum statum reducitur.

10. Quia ex septem beatitudinibus homo beatificatur.

11. Quia septem sunt petitiones orationis Dominicæ, quibus omnia speranda continentur.

12. Quia Prouerbior. 26. Septies in die cadit iustus.

13. Quia Deuter. 7. Septem sunt relictæ gentes quas debellari oportebat à Iudæis, vt terram sibi à Deo promissam possiderent.

14. Quia septem dæmonia sunt per Dominum expulsa à Maria Magdalena. Marc. 16.

15. Quia Prouerb. 26. septem nequitia memorantur, ergo apte sunt septem horæ canonicæ diuinis laudibus destinatae contra septem lapsus, & septem nequitias.

16. Quia septem fuerunt tubæ, quarum sonitu Hiericontini muri corruerunt. Iosue 6.

17. Quia septem sunt candelabra aurea, quæ Ioannes vidit in Apocalyp. 1.

18. Quia Exodi 25. septem fuerunt lampades, siue lucernæ in templo Salomonis.

19. Et vltimò, vt redemptionis nostræ beneficiū ad memoriam reuocemus. Nā septē præcipua passionis Christi mysteria hisce horis consummata esse noscuntur. Nam Matutina significat, cū Christus in horto fuit à Iudæis cōprehensus, & ligatus. Prima, cū in domo Caiphæ fuit alapis cæsus, & sputis fœdatus. Tertia, cū fuit lata mortis sententia. Sexta, cū crucifixus. Nona, cū mortuus, & eius

324 DE HORIS CANONICIS  
latus lancea apertum est. Vespera, cū depositus  
fuit de cruce. Completorium, cū positus fuit in  
sepulchro. Quæ omnia hīs versibus continentur.

*Hæc sunt septenis, propter quæ psallimus horis,  
Matutina ligat Christum, qui crimina purgat.  
Prima replet spiritus : causam dat tertia mortis.  
Sexta cruci neclit : latuseius Nona bipertit.  
Vespera deponit : tumulto Completa reponit.*

---

### QVÆSTIO III.

*An hæc septem horarum institutio sit de  
iure diuino.*

PANORM. cap. 1. de celebrat. Missar. n. 3. D. An-  
ton. 2. p. tit. 9. cap. 12. §. 1. Angel. verb. hora qu. 6.  
Rosell. nu. 13. Tab. q. 15. Armil. num. 11. Nauarr. de  
orat. cap. 7. num. 2. & Graff. l. 2. decis. cap. 50. putant  
eam esse de iure diuino. Et probant, quia in Psalm.  
118. dicitur septies in die laudem dixi tibi. Huius  
etiam sententiæ videtur esse Magister Sotus lib. 10.  
q. 5. art. 3. ad lucens illud Isai. cap. 43. Omnem il-  
lum, qui inuocat nomen meum, in laudem meam  
creaui illum.

Ex quo inferunt, Romanum Pontificem non  
posse in horis canonicis dispensare. Et ratio est,  
quia vt Theologi communiter, ac iuris vtriusque  
Doctores fatentur, Romanus Pontifex potestatem  
non habet dispensandi in iure diuino.

Sed cæteri communi consensu affirmant eam  
esse solū de iure Ecclesiastico. Et ratio est, quia ne-  
que ex Scriptura, neque ex Ecclesiæ traditione, ne-  
que ex sanctorum Patrum testimonio colligi-

tur

tur horas Canonicas iure diuino institutas fuisse.

Tum quia communiter appellantur Horæ Canonicæ, quia per sacros canones præscriptæ, & ab Ecclesia institutæ sunt ad laudandum Deum. Et ideo ita tenent Syluest. verb. hora. quæst. 8. Bellarm. lib. 1. de bonis operib. cap. 19. Tolet. lib. 2. cap. 4. num. 6. Valent. 2. 2. disput. 6. quæst. 2. part. 10. Azor. lib. 10. cap. 1. q. 7. Suar. l. 4. c. 23. num. 16. & cap. 27. num. 38. Filiuc. to. 2. tract. 23. cap. 3. & alij communiter.

Dices, horæ canonicæ appellantur diuinum officium, ergo iure diuino sunt institutæ.

Respondeo horas canonicas appellari diuinum officium, non à causa instituyente, sed potius à materiali, & finali, quia diuinas laudes continent, & ad Deum laudandum diriguntur, & ordinantur.

Ex quo infertur primò, summum Pontificè posse circa obligationè horarum canonicarum dispensare. Et ratio est, quia summus Pontifex potestatè habet dispensandi in iure Ecclesiastico: atqui horæ canonicæ sunt institutæ de iure Ecclesiastico. ergo.

Secundò infertur, Episcopum non posse cum suis subditis in horis canonicis dispensare. Et ratio est, quia vt dictum est, horæ canonicæ sunt de iure communi Ecclesiastico super quod Episcopus regulariter nullam potestatem habet. Ita Sylu. verb. hora. q. 8. Azor. lib. 10. c. 23. & multi alij.

Et idem dicendum est de superioribus Regularibus quoad Religiosos sibi subditos.

An autem aliquando Episcopus dispensare possit constabit ex infrà dicendis, vbi ostēdemus posse.

Et ad fundamentum contrariæ opinionis respōdeo, & dico primò, non esse de iure diuino omnia

326 DE HORIS CANONICIS  
quæ leguntur facta in Scripturis: alioquin teneremur pugnare cum Golia & bestiis, vt fecit Dauid: sed solum ea quæ ibi fieri præcipiuntur præcepto morali, & non iudiciali, vel cæremoniali.

Secundò respondeo, ex illis verbis non ostenditur horas canonicas esse de iure diuino, sed tantummodo exprimitur & continetur factum Dauidis, quod non indicat obligationem, alioquin sequeretur omnes Reges ad horas canonicas obligari.

Tertiò respondeo, illa verba probare quidem Dauid sic orasse, non tamen ad id iure diuino obligatum fuisse, ac proinde minùs nos ad id obligari.

---

#### QVÆSTIO IV.

*An in Ecclesia hæc septem horarum institutio sit antiqua.*

**R**ESPONDEO esse antiquissimam Ecclesiæ consuetudinem dicendi huiusmodi preces. Patet primò de Matutino, testimonio Dauidis in Psalm. 118. Media nocte surgebam ad confitendum tibi. Et Luc. 6. dicitur, Christum pernoctasse in oratione Dei.

De Prima constat Psalm. 91. Ad annunciandum manè misericordiam tuam.

De Tertia patet Act. 1. vbi dicitur Apostolos hora tertia vnanimiter orasse, & quia illa hora Spiritus sanctus illis apparuit, ideo canit Ecclesia hymnum. *Nunc sancte nobis Spiritus.*

De Sexta verò constat Act. 10. vbi habetur D. Petrum circa horam sextam ascendisse, vt oraret.

De



De Nona patet etiam Act. 3. vbi dicitur, Petrum & Ioannem ascendisse in templum ad horam orationis nonam.

De Vespera, & Completorio constat ex illo Psal. mi 54. Vespere, & manè, & meridie.

## QVÆSTIO V.

*Quando primum septem horæ canonice fuerint institutæ.*

**N**ONNVLII hanc horarum canonicarum institutionem Damaso I. tribuunt.

Alij Gregorio I.

Verùm ex historiis Ecclesiasticis, & Patribus clarè constat iam inde ab Apostolorum tempore clericos certis diei, ac noctis temporibus in Ecclesiam conuenire consueuisse vt psalmos, preces, hymnósque Deo decantarent, vt patet ex Clem. l. 8. const. Apost. cap. 30. vbi sic habetur. Precationes facite manè, tertia hora, & sexta, & nona, & vespere vsque ad galli cantum. Hoc idem colligitur ex D. Basilio in Regulis copiosius disputatis interrog. 37. ex D. Hieronymo in epist. 22. ad Eustochium de castitate virginali, ex D. Chrysost. in hom. 59. ad populum Antioch. & ex D. Ambrosio lib. 7. ad Lucam.

Fortassis Pelagius, aut Damasus legem tulit, quæ horas canonicas septies in die persolvere tenerentur, ita vt quod antea vsu, & consuetudine antiquissima seruabatur, lege deinde lata perpetuò in Ecclesia iusserit obseruari.

## QVÆSTIO VI.

*An clerici sacris initiati teneantur ex præcepto horas canonicas quotidie recitare.*

**R**ESPONDEO teneri, vt constat ex communi vfu, & consensu totius Ecclesiæ, qui aperte colligitur ex illis verbis Conc. Basiliens. session. 21. Quoscunque in sacris constitutos, cùm ad horas canonicas teneantur, admonet sancta synodus; &c. Vbi Concilium vt patet, horas canonicas non præcipit, sed obligationem illas recitandi vt antiquam supponit. Et in hoc omnes conueniunt.

## QVÆSTIO VII.

*Sed dubium est, An hoc præceptum in iure canonico habeatur expressum.*

**C**ANONISTÆ tuentur partem affirmatiuam. Et probant primo ex cap. 1. de celebratione Missarum vbi dicitur. Presbyter manè, matutinali officio expleto pensum seruitutis suæ, canendo primam, tertiam, sextam, nonam, vespèralsque persoluat.

Verùm hoc caput nihil probat, quia solùm agit de Presbytero, ergo de Diacono, & Subdiacono nihil concludit.

Panormitanus, & alij canonici iuris interpretes  
respon

respōdent, nomine Presbyteri, cōprehendi ibi Diaconum, & Subdiaconum. Quod probant primò ex cap. 1. 15. q. 5. vbi Diaconus sacerdos appellatur. Et cap. 2. Si quis, de cohabit. clericorum, & mulierum habetur. Si quisquam sacerdotum, idest, Presbyter, Diaconus, & Subdiaconus, &c. ergo appellatione sacerdotis, veniunt Diaconi, & Subdiaconi.

Sed (pace tantorum virorum sit dictum) hæc responsio non satisfacit, quia etsi sacerdotis nomine in iure intelligantur etiam Diaconi, & Subdiaconi, licet Presbyteri non sint, quia is qui sacra docet, vel sacra dat, sacerdos dici potest, quod etiam Diaconis, & Subdiaconis conuenit. Cæterum Presbyterorum nomine canones nunquam accipiunt Diaconos, & Subdiaconos.

Secundò probant ex cap. Si quis Presbyter. dist. 92. Verùm ibi non tantum agitur de clericis Sacrorum ordinum, sed etiam de aliis, quia non solum dicit, si quis Presbyter, aut Diaconus, sed addit, vel quilibet clericus: sub qua voce etiam clericos minorum ordinum comprehendit: tamen quia ibi non solum præcipitur recitare, sed conuenire ad Ecclesiam ad decantandum diuinum officium, ergo non loquitur nisi de clericis alicui Ecclesiæ deputatis, idest de habentibus beneficia.

Tertiò probant ex cap. Dolentes. de celebrat. Missarum, vbi Innocentius III. cum Concilio generali præcipit Prælati, & minoribus clericis in virtute sanctæ obedientiæ, vt diuinum officium nocturnum, pariter & diurnum, quantum eis dederit Deus, studiosè celebrent pariter, & deuotè.

Sed hîc nō exprimitur, qui sint illi minores clerici: & concilium videtur loqui de officiō publico.

Tum quia cū nomine clericorum minorum non minus intelligantur in sacris constituti: quā in minoribus, non est censendum tale præceptum esse de recitandis horis canonicis, sed tantū de modo, imposito iis qui aliunde tenentur recitare, vt Prælati, Presbyteri, Diaconi, & Subdiaconi, ratione ordinis, & reliqui clerici beneficia ecclesiastica obtinentes.

Quare sapientissimus Nauar. de oratione cap. 7. nu. 2. & alij planè fatentur de Diacono, & Subdiacono, non esse hoc præceptū in iure expressū, sed generali totius Ecclesiæ consuetudine introductum, quæ cū sit rationabilis, & legitimè præscripta, vim legis habet, iuxta caput fin. de consuetud. in fine. Esse verò talem cōsuetudinem legitimè præscriptam, negari non potest, cū non modò annis, sed & sæculis multis, atque adeò ab Apostolorum temporibus tanquam pia, sanctaque in Ecclesia vigeat. Ex quo fit, vt Diaconi, & Subdiaconi ex antiquissima sancta Ecclesiæ consuetudine eadē lege teneantur, qua Presbyteri, & Clerici beneficiati: Consuetudo enim immemorialis ad hanc legem inducendam sufficit. Ratio autem huius legis ea esse potest, quia qui maioribus ordinibus initiantur, vitæ suæ statum firmiter mutant in eum, qui diuino cultui est consecratus, & ad Deum collaudandum institutus, laudum ordine, & modo ab Ecclesia præscripto: modus autem præscriptus est is, qui in Breuiario cōtinetur. Igitur tam Subdiaconi & Diaconi, quā Presbyteri ratione status ex sæculo in cultum Dei translati tenentur horas canonicas

nicas persolvere. Et ideo ita sentiūt Vafq. in opusc. de benef. cap. 4. §. 1. ar. 1. Suar. to. 2. de Relig. lib. 4. cap. 16. nu. 9. Azor. lib. 10. cap. 5. q. 1. Reginal. lib. 18. nu. 25. & Macig. cap. 9.

## QVÆSTIO VIII.

*An clerici in minoribus constituti, ratione  
sui gradus ad horas canonicas reci-  
tandas teneantur.*

**P**ANORM. cap. 1. de celebrat. Missarum nu. 6. Glossa in cap. finali eiusdem tituli, & Innocent. ibidem asserunt eos teneri ex vi quidem iuris diuini ad septem horas, iuxta illud Psalmi 118. Septies in die laudem dixi tibi. Sed ad has septem horas, quas sic Ecclesia cum Psalmis, lectionibus, antiphonis, &c. ordinauit, tantum teneri iure humano expresso in cap. Dolentes, de celeb. Missar.

Sed communis est omnium Theologorum opinio, nos ab hoc onere esse immunes. Et ratio est, quia quauis clerici minoribus ordinibus initiati in sortem Domini assumpti sint, nondum tamen sortiti sunt statum inter Ecclesiæ ministros, possunt enim si velint, uxorem ducere. Quo fit, ut nec Ecclesia eis obligationem recitandi horas canonicas imposuerit. Et in his quæ sunt de iure positivo, ubi lex non obligat, nec nos obligare debemus. Ita Arag. 2. 2. q. 83. ar. 12. Tolet. lib. 2. cap. 12. nu. 1. Azor. lib. 10. cap. 5. Nauar. de oratione cap. 7. nu. 12. Valent. 2. 2. d. 6. q. 2. p. 10. Sot. lib. 10. q. 5. ar. 3. Suar. tom. 2. lib. 4. cap. 16. nu. 10. & Vafq. in opusc. de benef. c. 4. §. 1. art. 1.

Dices,

Dices, in cap. Dolentes, de celebr. Missarum, Innocentius III. præcipit Prælati, & minoribus clericis in virtute sanctæ obedientiæ, ut diuinum officium quotidie persoluant.

Respondeo, per particulam illam, *Minores*, intelliguntur clerici in sacris, qui comparatione Prælatorum dicuntur minores. Quod si velimus dictam particulam, *Minores*, extendere etiam ad illos, qui in sacris non sunt, intelligi debet de illis, qui ratione beneficii sunt ad id obligati.

Nec etiam obstat, quod etiam per ordines minores assumantur illi in sortem Domini, & transferant se in cultum Dei. Nam si ministrent in suis propriis officiis, poterunt se exhibere speciali modo cultores Dei, quod satis est.

## Q V Æ S T I O IX.

*An clerici primæ tonsuræ, vel minorum ordinum ea præcisa ratione, qua creati sunt clerici, esto non teneantur ad dicendum horas canonicas, teneantur aliquid aliud ex præcepto recitare.*

**P**ALVD. in 4. dist. 15. q. 5. ar. 2. affirmat eos ad aliquid plus teneri quam laicos, tum quia diuino cultui ascribuntur. Tum quia gaudent priuilegio clericali.

Nanarrus de oratione cap. 7. nu. 14. cum multis aliis docet eos ad id teneri ex vi iuris diuini, non tamen certas, ac statas preces constituit: fundat autem

autem Nauar. hanc obligationem, vel in debito diuini cultus, cui sunt specialiter destinati, vel in gratitudine ad Ecclesiam, quæ eos ad clericorum gradum, & honorem prouexit.

Ex quo infert, clericos primæ tonsuræ, vel ordinum minorum, innumera peccata committere, quia plerunque non plus laudant Deum, nec amplius orant pro populo, quàm si essent laici.

Alij verò eas definiunt, dicentes teneri eos ad horas Beatæ Virginis, vel ad septem Psalmos penitenciales, vel ad canticum graduale, vel ad Psalmum, Misere mei Deus.

Sed communis, & verior sententia est, neque iure diuino, & naturali, neque iure positiuo, eos ad aliquid horum teneri, sed solum ex decentia, & honestate: quæ non obligat ad vllum peccatum. Et ratio est, quia talis obligatio non est imponenda sine cogente ratione, illa verò nulla est, nam communiter ministrando in suis muneribus, poterunt se ostendere, & cultores Dei, & gratos Ecclesiæ, & multis aliis modis potest cultus exhiberi, & gratitudo ostendi, quando eius occasio occurrerit.

## QVÆSTIO X.

*An saltem consuetudine tales clerici ad preces aliquas quotidie recitandas teneantur.*

SOT. V. S. præclarus Thomista lib. 10. de iust. Sq. 1. art. 3. simpliciter negat, esse talem consuetudinem.

Alij

Alij verò vt Medina C. de oratione. Nauar. cap. 7. de horis canonicis nu. 13. Ledesm. in 4. p. 2. q. 16. ar. 4. & Palud. in 4. d. 15. q. 5. ar. 1. rectius docent, vbi fuerit vsu recepta talis consuetudo, eam ab huiusmodi clericis seruari debere: nam sicut iure canonico potest constitui, vt tales preces perfoluere teneantur, sic etiam consuetudine introduci poterit: Non tamen hæc consuetudo obligaret ad mortale, vt monet Nau. de oratione cap. 7. num. 14.

---

### QVÆSTIO XI.

*An Episcopus qui clericos ad primam tonsuram vel ad quatuor ordines minores promouet, possit eis hoc onus præcipere, vt preces aliquas singulis diebus perfoluant.*

**E**T quidem vbi est talis consuetudo eas preces recitandi, certum est, Episcopum posse eos ad illius obseruationem cogere, nam hoc ad illius munus spectat. Ita Med. C. de oratione quæst. 7.

---

### QVÆSTIO XII.

*Tota igitur lis est, quando talis consuetudo non viget, an tunc Episcopus possit suo præcepto, vel statuto id oneris eis iniungere.*



**S**OTVS lib. 10. de iust. q. 5. ar. 3. negat, quia omnes ordines descendunt à summo Pontifice in totam Ecclesiam, ergo ad illum solum pertinet disponere de functionibus, & obligationibus, quæ ratione ordinis imponuntur.

Tum quia quando summus Pontifex relinquit liberum, non potest Episcopus particularis in sua Ecclesia facere præceptum, nisi in ea diœcesi sit particularis ratio, quæ in proposito non apparet.

Tum quia alioquin non posset seruari vniformitas, quæ tamen multum facit ad Ecclesiæ decus.

Hinc, si Episcopus in ordinatione aliquid orandum iniungat ordinatis, non est censendus velle obligare ad culpam, sed tantum ex quadam honestate, & decentiâ. Quo pacto etiam putat Sotus, intelligendum esse, quod ait Palud. in 4. d. 15. q. 5. ar. 1. nimirum huiusmodi ordinatos ad aliquid plus teneri, quàm laicos, videlicet, non ex præcepto, sed ex honestate. Eiusdem opinionis sunt Azor. lib. 10. cap. 5. q. 4. Emmanuel Sà verb. horæ. nu. 5. Less. lib. 2. de iust. cap. 37. dub. 8. nu. 49. Suar. to. 2. de Relig. lib. 4. cap. 16. nu. 14. Filiuc. tract. 23. cap. 5. nu. 148. Molfes. cap. 3. nu. 8. Vasqu. de benef. cap. 4. §. 1. dub. 2. num. 6. Carol. Macig. cap. 9. nu. 23. & plerique alij.

Alij verò vt Bonacina de horis canon. disp. 1. q. 2. p. 3. affirmant posse.

At ego arbitror Episcopum, etsi non possit præcipere ordinato, vt quotidie certas aliquas preces recitet, posse tamen præcipere, vt bis, vel ter illas preces persoluat: sicut ex causa potest aliud quod ieiunium bis, terte in sua diœcesi imponere. Et ideo ita tenent Nauar. de oratione

336 DE HORIS CANONICIS  
cap. 7. num. 14. Azor. lib. 10. cap. 5. q. 4. Less.  
lib. 2. q. 37. dub. 9. nu. 46. Suar. to. 2. de Relig.  
lib. 4. cap. 16. nu. 15. & plerique alij.

---

### QVÆSTIO XIII.

*An clerici excommunicati, suspensi, & inter-  
dicti, seu aliqua irregularitate affecti, vel  
degradati ab ordinibus, teneantur priua-  
tim horas canonicas persolvere.*

**R**ESPONDEO teneri. Et ratio est, quia par non  
est, vt ex delicto commodum reportent,  
presertim cum recitatio horarum tali pœnæ non  
repugnet. Et sua culpa sit, quod non percipiunt  
fructus.

Tum quia tales priuantur honoribus, non one-  
ribus, recitatio verò est onus, non honor. Verùm  
clerici degradati, aut excommunicati, non possunt,  
dum horas canonicas persoluant, dicere, Dominus  
vobiscum, quia hæc est quædam communicatio, &  
functio ordinis. Ita Nau. de oratione cap. 7. nu. 17.  
Rodriq. p. 1. c. 141. nu. 4. Couar. lib. 3. var. c. 13. nu. 8.  
Valen. 2. 2. d. 6. q. 10. Azor. lib. 10. cap. 5. q. 6. Sanch.  
lib. 3. q. 8. nu. 11. Suar. to. 5. de censuris d. 12. sect.  
2. nu. 16. Graff. lib. 2. cap. 50. & Sayrus de cen-  
suris lib. 5. cap. 22. nu. 50.

Dixi notanter, *priuatim*, quia excommunicati  
non possunt cum aliis horas canonicas persolvere,  
quia per excommunicationem participatio cum  
aliis eis interdicitur.

QVÆST.

## QVÆSTIO XIV.

*An clerici in sacris, per iudicis sententiam ad  
triremes damnati, aut à Turcis capti, &  
ad triremes coniecti, teneantur diuinum  
officium persolvere.*

**B**ONACINA de horis canonicis disp. 1. q. 2.  
p. 3. nu. 4. cum multis aliis affirmat.

Alij verò rectius negant, tum quia vsus est in  
contrarium. Tum quia satis habent afflictionis,  
dum vi in illo supplicio detinentur.

Tum quia id cederet in dedecus ordinis Eccle-  
siastici, si in illa hominum colluie ostenderet  
suum statum.

## QVÆSTIO XV.

*An clerici beneficia ecclesiastica curata, aut  
simplicia habentes, horas canonicas reci-  
tare teneantur, etiam si clerici non sint  
sacris initiati.*

**R**ESPONDEO communem esse omnium Theo-  
logorum, & canonistarum iuris interpretum  
sententiam, clericos omnes ad beneficium eccle-  
siasticum siue simplex, siue curatum titulo clericali  
promotos, regulariter ad horas canonicas recitan-  
das teneri.

Y Dixi

Dixi notanter, *titulo clericali*, nam qui titulo seculari decimas, aut pensiones percipiunt vt Reges, & equites, ad huiusmodi canonicarum horarum pensum non obligantur.

Hinc, qui solùm habent expectatiuas beneficij, vt qui dicuntur canonici in spe, non tenentur ad horarum recitationem. Quia beneficium expectare, non est illud habere.

Dixi etiam, *regulariter*, ad denotandum extare aliqua beneficia, quæ ex sua institutione ad diuinum officium non obligant, sed ad alias preces, vt sunt quidam Prioratus, vel simplices Præposituræ, &c. Immo aliqua beneficia reperiuntur, quæ ad nihil recitandum obligant, vt rectè docent Emmanuel Sà verb. Horæ, nu. 4. & Armilla ibidem num. 3.

Hinc qui recipit præbendam, aut portionem ad pulsanda organa, vel ad docendum Theologiam, vel ad aliud officium non ecclesiasticum peragendum, non tenetur horas canonicas recitare. Ratio est, quia beneficiarius solùm tenetur ad id, propter quod datur beneficium, at in hoc casu præbenda non datur cum onere recitandi. Verùm hæc non dicuntur propriè beneficia, sed fructus, qui dantur per modum stipendij ob aliquod opus tēporale. Secùs si beneficium propriè sumptū conferatur clerico cum onere legendi, vel aliquid aliud faciendi, iuxta cap. 1. de magist. hīc enim non solùm tenebitur ad legendum, verùm etiam ad persolvendum horas canonicas, quia verè censetur habere beneficium Ecclesiasticum. Ita Suar. tom. 2. de Relig. lib. 4. cap. 22. num. 2. Less. lib. 2. cap. 34. dub. 31. num. 174. & alij.

QVÆST.

## QVÆSTIO XVI.

*Vndenam constet beneficiarios ad recitationem horarum canonicarum teneri.*

**R**ESPONDEO constare in primis ex cap. Quia per ambitiosam, de rescriptis in 6. vbi Pontifex reprehendit quosdam beneficiarios, quòd officium diuinum, propter quod beneficium datur, omitterent.

Secundò constat ex Concilio Lateranensi à Iulio II. incepto, & à Leone X. continuato sess. 9. de reformat. §. statuimus. Vbi Pontifex priuatè fructibus beneficiorum eos, qui diuinum officium non recitant: supponit ergo obligationem, & quidem sub mortali, ratione pœnæ grauis, quam inducit.

Tertiò constat ex cap. final. dist. 92. vbi dicitur, omnes Presbyteros, Diaconos, & Subdiaconos, & omnes qui sunt Ecclesiæ deputati, debere officium diuinum recitare.

Quartò, & vltimò constat ex Bulla Pij V. relata à Nauarro in Manuali cap. 25. num. 122.

Ex quibus iuribus clarè colligitur, beneficiarios ad persoluendum horas canonicas teneri solum iure Ecclesiastico, quo decretum est, primum officium pro quo datur beneficium, esse horas canonicas.

## QVÆSTIO XVII.

*An qui propter metum cadentem in virum constantem sibi à parente incussum, acceptavit beneficium, teneatur diuinum officium recitare, etiamsi non habeat animum perseverandi in statu Ecclesiastico?*

**R**ESPONDEO eum ad id teneri. Et ratio est, quia hic habet beneficium, cui annexum est onus recitandi, & intendit fructus percipere ut suppono, & potest si vult, se ab hac obligatione eximere, resignando beneficium. ergo.

Et confirmatur, nam qui sentit commodum, par est, ut sentiat onus. Et ideo ita tenet Less. lib. 2. de iust. cap. 34. dub. 31. nū. 174.

## QVÆSTIO XVIII.

*An qui plura beneficia possidet, teneatur tot officia in die recitare, quot sunt beneficia?*

**I**N hac quæstione Guillerm. Paris. in tract. de collat. beneficiorum, Dionysius Carth. opus. contra pluralitatem benef. ar. 1. & Nauarrus in Miscell. 60. de oratione nū. 2. 3. & 4. affirmant teneri beneficiarium toties in die diuinum officiū persolvere, quot beneficia habet. Ducuntur hi auctores in eam sententiam, quia beneficium datur propter

propter officium, cap. fin. de rescriptis in 6. ergo qui plura beneficia habet, tenetur tot officia in die recitare, quot sunt beneficia: sicut qui habet plures capellanas, certum numerum Missarum, aut certum seruitium postulantes, tenetur multiplicatas Missas dicere, vel multiplicatum seruitium exhibere.

Et confirmatur, nam iure naturæ, qui habet commodum, debet ferre illius commodi onus, sed vnumquodque beneficium habet onus dicendi quotidie diuinum officium, ergo.

Ex quo inferunt, eum qui tantam multitudinem beneficiorum acciperet, vt moraliter non posset toties in die diuinum officium recitare, contra iustitiam beneficia illa teneret.

Sed communis est omnium opinio, eum qui plura beneficia possidet, non teneri horas canonicas toties in die recitare quot sunt beneficia, sed satisfacere vnica recitatione. Probatur primò vniuersali toties Ecclesiæ consuetudine scita, & tolerata ab omnibus Ecclesiæ Prælatiis, quæ consequenter habet vim legis.

Secundò probatur, quia licet Ecclesia præcipiat recitare officium habenti beneficium, nullibi tamen præcipit recitare pluries idem officium habenti plura beneficia: & multiplicatio titulorum non multiplicat obligationes, sed auget eandem, vt pluribus rationibus debeat, vt patet in beneficiatio ordinato in sacris, vel Religioso in sacris habenti beneficium. Nam hi ad vnum tantum officium tenentur, & consuetudo sufficiens interpretatur, talem esse mentem Ecclesiæ præcipientis officium habenti beneficium.

Et confirmatur, nam quamvis in vno die concurrat duplex festum, vt Dominica, & aliud de præcepto, non obligat ius ad audiendum duas Missas, sed vnā tantum.

Tertiò probatur, quia recitatio diuini officij, etsi pro pluribus fiat, non minùs valet pro singulis, quàm si pro vno fiat, vt rectè monet D. Hier. in cap. Non mediocriter. de consecrat. dist. 5. dicens. Cùm pro cunctis animabus Psalmus, vel Missa dicitur, tantum prodest cuilibet, quantum si pro qualibet caneretur. Quod intelligitur quoad vim impetrandi, quæ in his orationibus publicis, quæ nomine Ecclesiæ fiunt, præcipuè consideranda est. Nam in eis non per se attenditur meritum recitantis, sed sanctitas, & dignitas Ecclesiæ, cuius nomine orat, quæ non minuitur ex eo quòd pro pluribus intercedat, quàm si pro vno. Sic ergo quūvis aliquis officium diuinum semel dicat pro pluribus Ecclesiis, pro omnibus sufficienter satisfacit. Et ideo hanc partem sustinent omniscius D. Thomas quodlib. 1. ar. 13. Henriq. lib. 5. cap. 5. nu. 6. Azor. lib. 10. cap. 4. q. 10. Garz. 3. p. cap. 1. nu. 115. Philiarch. lib. 1. cap. 8. Suar. to. 2. lib. 4. cap. 18. nu. 7. Macig. de horis canon. cap. 12. Malder. tract. 20. c. 2. dub. 3. q. 8. & plerique alij.

Ex quo sequitur primò, eum qui plura beneficia habet vnum peccatum specie committere, dum diuinum officium prætermittit. Et ratio est, quia facit contra obligationes eiusdem rationis. Ita Henriq. lib. 5. cap. 7. nu. 6. Garz. to. 1. de benef. 3. p. c. 1. nu. 86. & 104. & alij.

Secundò sequitur contra Nauar. vbi suprà, eum qui plura beneficia iniuste, & absque legitima superioris



superioris facultate retinet, non teneri pluries in die officium recitare, nec peccare non recitando quotidie pluries officium, sed solum retinendo illa, sine dispensatione legitima, vt rectè monet Garz. 3. p. cap. 1. nu. 120. Et licèt Doctores citati loquantur in habente plura beneficia licitè, non ideo volunt habentem illa illicitè teneri ad pluries recitandum.

Et ad argumenta contrariæ opinionis respondeo, illa procedere, nisi ex praxi aliter constaret de voluntate Ecclesiæ, quæ onus recitandi beneficiariis imposuit.

## QVÆSTIO XIX.

*An qui plura beneficia possidet, licèt non teneatur pluries in die diuinum officium recitare, teneatur saltem tot commemorationes facere, quot sunt beneficiorum Patroni.*

**I**N hac graui, & perutili quæstione dico primò, quodd beneficiarius illis diebus, quibus in Breuiario commemorationes fiunt, tenetur commemorationem illius sancti facere, in cuius honorem, beneficium erectum est. Ratio est, quia sic communni vsu, & moribus beneficiariorum receptum est.

Tum quia beneficiarius tenetur horas canonicas persolvere iuxta rubricas Breuiarij, in rubricis

autem Breuiarij Romani iniungitur, commemorationem Patroni, vel Titularis fieri. Secus dicendum est de pensionario, hunc enim ad commemorationem Patroni, vel Titularis beneficij, arbitror non obligari, quia ipse beneficij titulum non habet.

Secundò dico, quòd habens plura beneficia, tenetur tot commemorationes facere, quot sunt beneficia, modò id commodè fieri possit. Ratio est, quia par est omnium ratio, nec potest assignari causa, cur beneficiarius vnus Patroni potius, quàm alterius memoriam facere teneatur.

Dixi notanter, *modò id commodè fieri possit*, quia si tot essent beneficia, ita vt Patroni nonnullorum beneficiorum sint Apostoli, nonnullorum sint Martyres, nonnullorum confessores, poterit vnica oratione complecti Apostolos, alia Martyres, alia confessores, expressis in collecta nominibus Patronorum, si collecta illa expressionem commodè patiatur.

Tertiò dico, quòd beneficiarius qui scienter Patroni commemorationem prætermittit, regulariter loquendo non peccat nisi venialiter. Ratio est, quia modicitas materiæ in omni præcepto à mortali excusat.

Dixi notanter, *regulariter*, quia si quis tot beneficia habeat, vt illis respondeant plures commemorationes, quæ simul sumptæ notabilem materiam efficiant, arbitror beneficium huiusmodi commemorationes omittentem mortale peccatum committere. Quia frangit Ecclesiæ præceptum in re graui.

Quartò, & vltimò dico, quòd beneficiarius qui  
scienter

scienter omittit Patroni, vel Titularis commemorationem, non tenerur regulariter ad fructuum restitutionem. Ratio est, quia ex omissione rei parvæ in diuino officio non confurgit restitutionis obligatio, etiam si fructus illi parti respondentes sint magni valoris.

Dixi notanter, *regulariter*, quia si plures commemorationes in vno officio omittantur, constituentes materiam grauem, censeo beneficiarium qui tales commemorationes omittit, obligari ad restitutionem pro rata fructuum respondentium singulis commemorationibus omissis.

## QVÆSTIO XX.

*An qui præstimonium habet ad persoluendas horas canonicas teneatur.*

IOANNES Medina C. de oratione q. 7. Cordub. in quæst. 187. in addit. ad tractatum de casibus conscientiæ. Palat. in 4. dist. 15. disp. 9. Gigas q. 28. de pension. num. 5. Sylua tract. de benef. p. 1. qu. 3. nu. 10. & plerique alij negant. Quia censent præstimonium non esse beneficium Ecclesiasticum, sed pensionem: est enim portio quædam à redditibus beneficiorum abstracta, & designata in subsidium adolescentium, vt illorum opibus adiuti, studio literarum vacent, & postea Ecclesiæ inseruiant.

Ex qua sententia colligitur huiusmodi præstimoniarios teneri ad dicendum officium Beatæ Virginis iuxta motum Pij V. quia præstimonium si

Y 5 non

non est propriè beneficium, saltem erit pensio, & maximè clericalis, quia nemini datur nisi vt clericus, & vt in clericatu proficiat.

At communis, ac verissima sententia est, eum qui præstimonium habet ad persoluendas horas canonicas teneri. Et ratio est, quia præstimonium est verè & propriè beneficium, cùm propter officium detur, & propria collatione, ac spiritali titulo conferatur, ergo talis præstimoniarius ad ea omnia tenetur, ad quæ alij beneficiarij obligantur. Et est conclusio definita in cap. Quoniam. de concessione præbendar. in 6. vbi talia præstimonia inter cætera Ecclesiastica beneficia annumerantur. Et in Concilio Lateranensi sub Pio V. in constitutione, quæ incipit, ex proximo, &c. vbi habetur præstimoniariorum ad horas canonicas persoluendas teneri.

Et ad fundamentum contrariæ opinionis respondeo, quòd etsi huiusmodi præstimonia instituta sint in subsidium adolescentium, vt eo modo commodè erudiri possint, sed non sine onere horas recitandi.

## QVÆSTIO XXI.

*An qui capellaniam habet, teneatur horas canonicas recitare.*

**A**D cuius intelligentiam obseruandum est primò, quòd duplex est capellania, vna collatiua, alia verò non collatiua. Capellania collatiua, seu sacra, est illa, quæ auctoritate Apostolica vel ordinaria

ria erecta est, eo fine, vt iure spirituali, & immunitate Ecclesiæ gaudens, in ea esset ius percipiendi Ecclesiasticos fructus ex bonis Ecclesiæ.

Capellania verò non collatiua, seu profana est illa quæ creata est, vel instituta per solum fundatorem, vel testatorem etiam laicum absque Diocesani, vel Papæ autoritate. Vt cùm quis relinquit bona sua cum hoc onere, vt certa quædam pensio per modum cuiusdam stipendij, & mercedis quorundam alicui clerico detur, vt tot Missas dicat. Additque expressè, se nolle, vt in huiusmodi bona se Episcopus ingerat; aut si nominet, & eligat certum clericum, ac deinde statuit, vt sui posteri absolutè per se ius, & auctoritatem habeant sine auctoritate Ecclesiastica nominandi, & eligendi clericum ad capellaniam. Quo iacto fundamento;

Primò dico, quòd si capellania collatiua est, & sacra, idest instituta auctoritate ordinarij, tunc, etsi de iure patronatus sit, verè beneficij Ecclesiastici rationem habet, ac proinde qui eam possidet, vtpote beneficiatus, iure debet per seipsum diuinum officium persolvere, etiamsi Missas per alios dicat. Nauar. de orat. cap. 20. numero 17.

Secundò dico quòd si capellania collatiua non est, sed profana, idest solum instituta per testatorem sine auctoritate ordinarij, tunc non tenetur Capellanus horas canonicas persolvere, sed solum ad explendum Missarum onus, quod subiit, cùm talis capellania non sit beneficium Ecclesiasticum. Ita Nauacrus vbi suprà, Cord. de casibus consc. quæst. 33. Roder. part. 1. capit. 141. nu. 4. Suar. to. 2. lib. 3,

Hoc tamen in loco est obseruandum, quòd si ille qui habet capellaniam, ipse ex suis bonis eam construxit, sicut potuit sine onere restituendi eam successoribus relinquere, si horas canonicas omiserint, ita potest se immunem ab hac restitutione efficere, si illas non persoluerit, cum nulli faciat iniuriam. Immo nec ratione illius tenebitur recitare. Decretum enim Concilij intelligitur quando beneficium datur propter officium: quod est verum in successoribus, non verò in ipso qui capellaniam ex bonis suis instituit.

Dices, huiusmodi capellaniæ sacræ possunt aliquando pueris ante primam tonsuram conferri. ergo non sunt beneficia, cum beneficia conferri nequeant carentibus prima tonsura.

Respondeo, Capellaniæ, quæ ex voluntate fundatorum conferri possunt pueris ante primam tonsuram, pro tempore, quo ea carent, non esse beneficia Ecclesiastica, quamquam habens huiusmodi capellaniam, Missas per alios exoluere, & debito tempore ad clericalem statum ascendere, diuinumque officium, cum ad illud habilis effectus fuerit, recitare tenetur. Ita Vasq. de benef. cap. 4 §. 1. art. 1. dub. 3. num. 11.

---

## QVÆSTIO XXII.

*An qui habet beneficium in commendam, teneatur horas canonicas recitare.*

**R**ESPONDEO. cum qui habet beneficium integre commendatum quoad totam administrationem

strationem temporalem, & spiritualementius, teneri horas canonicas recitare, etiam si commendatio illa non sit erecta in titulum beneficij, neque in perpetuum conferatur. Et ratio est, quia quamuis hic non habeat titulum beneficij, nihilominus veram habet illius administrationem, & substituitur in locum habentis beneficium cum tota obligatione; ergo ad horas recitandas tenetur, ac si intitulus esset, maxime cum ipse ratione huius administrationis legitimè fructus beneficij percipiat.

Dixi notanter, *integrè commendatum quoad totam administrationem*, quia si solum quoad temporalem administrationem commendaretur, id est, quoad exteriora seruitia Ecclesiæ, tunc ex vi huius commendationis ad diuinum officium persoluendum minimè teneretur, quia solum publicum, & externum ministerium est illi commendatum. Et ideo ita sentiunt Nauarr. de oratione cap. 10. num. 16. Azor. lib. 10. cap. 3. quæst. 6. Suar. to. 2. lib. 3. cap. 22. num. 14. & 16. Cord. in sum. quæst. 186. p. 3. Arag. 2. 2. q. 83. ar. 12. Vega 1. p. cap. 128. casu 13. & plerique alij.

Ex quo infertur, equites sancti Ioannis qui Melitæ vocantur, aut etiam alios gaudentes commendis Ecclesiasticis ad diuinum officium teneri, quia dicuntur habere beneficia Ecclesiastica, ut post Nauarrum, & alios tenet Molfesius cap. 1. num. 20. & Garz. 1. p. cap. 4. num. 6. Quod intelligitur, quando hæc retinentur titulo clericali, quia extant aliquæ commendæ, quæ titulo seculari conferuntur, nec onus recitandi diuinum officium inducunt.

## QVÆSTIO XXIII.

*An coadiutor beneficiati teneatur horas canonicas recitare, sicut & principalis.*

**E**T quidem si coadiutor est ordine sacro insignitus, vel aliud habet beneficium Ecclesiasticum, certum est teneri ad diuinum officium persoluendum.

## QVÆSTIO XXIV.

*Sed tota difficultas est, An coadiutor beneficiati ratione coadiutoriae præcisè teneatur horas canonicas persolvere.*

**R**ESPONDEO nõ teneri. Et ratio est, quia coadiutoria non est beneficium Ecclesiasticum, sed aliquid adiunctum beneficio. ergo coadiutor ex vi talis coadiutoriae ad diuinum officium non tenetur. Consequentia est per se nota. Antecedens verò probatur, nam vnum beneficium non potest simul esse in duobus, sed principalis retinet integrum beneficium, ergo coadiutor ratione coadiutoriae nullum beneficium habet, ergo ad recitandum diuinum officium non tenetur.

Tum quia obligatio recitandi semper residet apud proprietarium, ergo non afficit coadiutorem, alioquin duo ex vno beneficio obligarentur ad recitandum diuinum officium.



Et confirmatur, nam principalis, & coadiutor non obligantur ad Missas, & alia onera duplicata, sed vno satisfaciente, alter non tenetur, ergo si obligatio recitandi resideat penes proprietarium, non transit ad coadiutorem.

Tandem est conclusio definita à sanctissimo Domino nostro Paulo V. in suo motu proprio 1606. ubi ad petitionem Ecclesiæ Cathedralis Conimbricensis, inter alia declarat coadiutores canonicorum non esse verè canonicos, nec pro talibus habendos, viuentibus coadiutis, ergo coadiutores ex vi coadiutoriae ad diuinum officium non tenentur. Et idem est dicendum de coadiutoribus aliorum beneficiorum.

Ex quo colligitur primò, capellanus, qui conceditur alicui Parocho, vt vices, & absentiam suam in sacramentorum collatione, & in externa Ecclesiæ administratione suppleat, non teneri ex vi coadiutoriae præcisè horas canonicas persolvere.

Secundò sequitur, eum qui priuilegium canonicatus obrinuit cum futura successione, non teneri ad diuinum officium recitandum, vt patet tum ex rationibus allatis. Tum quia coadiutor canonici non est verè canonicus, nec pro tali habendus est viuentem coadiuto, vt Paulus V. in suo motu proprio declarauit. Et licèt vulgò appelletur canonicus, tamen re ipsa non est canonicus, nisi in spe, propter ius quod habet ad succedendum in canonicatu, & quia sedem habet in choro, licèt non in loco proprietarij, sed vltimo loco post proprios canonicos. Ita Suar. tom. 2. lib. 4. cap. 22. num. 19.

QVÆST.

## QVÆSTIO XXV.

*An coadiutor teneatur diuinum officium persolvere, saltem eo tempore, quo onus Ecclesiæ sustinet pro principali.*

**M**EDINA C. de oratione quæst. 7. absolute affirmat eum ad id teneri.

At verò alij, vt Nauar. de oratione cap. 20. n. 18. & Azor. lib. 10. c. 4. q. 1. negant, & merito quidem, quia principalis licet excusetur à seruitio chori, & Ecclesiæ; seruiendo per coadiutorem, non tamen ab onere recitandi diuinum officium, quia hoc est onus personale sequens beneficium, quod ipse retinet integrum.

Tum quia coadiutor solum tenetur ad ea, ad quæ deputatur, & assumitur, nimirum ad canendum in choro, vel ad ministrandum sacramenta, aut alia ratione seruiendum Ecclesiæ, nunquam autem datur adiutor ad officium diuinum pro alio persoluendum, quia titulum, & possessionem beneficij non habet, nec subrogatur in locum beneficiarij, vt eius vice diuinum officium persoluat.

---

## QVÆSTIO XXVI.

*An coadiutor teneatur saltem recitare officium paruum Beate Virginis tanquam pensionarius iuxta motum Pij V.*

**R**ESPONDEO, si coadiutor recipit propriam pensionem super beneficium principalis, proculdubio

culdubio tenetur ad officium paruum Beatæ Virginis tanquam pensionarius. Si verò solùm recipiat aliquos fructus beneficij per modum stipendij, non tenetur, quia non comprehenditur sub motu Pij V.

---

## QVÆSTIO XXVII.

*An qui habet officium manuale, seu regulare, quod ad nutum eius qui confert, renocari potest, ad horas canonicas teneatur.*

**R**ESPONDEO teneri. Et ratio est, quia siue illud sit propriè beneficium siue non, beneficiarius talis recipit in se totam beneficij-administrationem, ad quam vt dictum est, pertinet etiam onus recitandi horas canonicas.

Tum quia hoc beneficium aliquo modo perpetuum est, quia ad certum, & definitum temporis interuallum non datur, etiam si habeatur ad nutum, & voluntatem alterius, cum possit eius permissu ad vitam haberi. Et ideo ita tenent Suar. tom. 2. lib. 3. cap. 22. nu. 14. & 16. Nauar. de oratione cap. 20. nu. 16. Azor. lib. 10. cap. 4. q. 2. Macig. de horis can. cap. 10. nu. 13. Vasq. de benef. cap. 4. art. 1. dub. 3. & Less. lib. 2. cap. 34. dub. 30.

---

## QVÆSTIO XXVIII.

*An pensionarius horas canonicas recitare teneatur.*

Z

RESPON

**R**ESPONDEO non teneri. Et ratio est, quia pensionarius propriè beneficiarius non est, nec pensio beneficium: Et Ecclesia nullum præter initiatū ordine sacro, aut Religiosum professum choro deputatum ad tale officium adstringit, nisi beneficiatum. Nau. in Man. cap. 23. num. 111.

Obiicies, beneficium nihil aliud est, quàm ius percipiendi fructus ex Ecclesiæ patrimonio, sed pensionarius, ut constat, ius habet percipiendi fructus ex bonis Ecclesiæ, ergo verè est beneficiarius.

Respondeo, in beneficio non solùm ius esse percipiendi fructus ex bonis Ecclesiæ, verùm etiam titulum, id est dignitatem Ecclesiasticam, ut Archiepiscopatum, Archipresbyteratum, Canonikatū, &c. At in pensione adest tantùm primum, & non secundum, quia solùm pensionarius retinet ius percipiendi fructus ecclesiasticos, quod quidem ius dicitur pensio à pendendo, quia dependet à beneficio, ut ususfructus à proprietate. Hæc autem pensio de iure communi non debet excedere tertiam partem fructuum, & ita seruat stylus Romanæ curiæ, ut rectè monet Petrus Rebus. titul. de reservat. Vide Concil. Trident. sess. 24. in cap. Quoniam.

## QVÆSTIO XXIX.

*An pensionarius preces aliquas recitare teneatur.*

**E**T quidem ante Pij V. constitutionem pensionarius nihil determinatè recitare tenebatur ex præce

præcepto, quia Ecclesia tunc minimè ei imposuerat præceptum recitandi aliquid.

Dices, ergo iniuste dabatur. Respondeo negando consequentiam. Et ratio negationis est, quia ex iusta dispensatione Romani Pontificis poterat dari, vel in eleemosynam, vel ad iuuandum adolescentes in studiis literarum, vel ad alliciendos nobiles, & potentes ad id, vt Ecclesiæ faueant, vel denique in gratitudinem, pro eo quòd vel ipsi vel eorum antecessores aliquid in Ecclesiæ vtilitatem fecerunt, aut passi sunt.

### QVÆSTIO XXX.

*Sed quod in dubium vertitur, est, An pensionarius iure nouo ad aliquid recitandum teneatur.*

**R**ESPONDEO eum, qui vt clericus pensionem obtinet, teneri sub pœna peccati mortalis dicere officium paruum Beatæ Mariæ, & restituere fructus receptos pro rata, quoties omiserit dicere: Id enim decernit Pius V. in quodam motu proprio suo, cuius initium est. *Ex proximo.* Et tradit latè Nauar. de oratione cap. 7. nu. 32. Quod debet teneri contra aliquos, qui tenuerunt contrarium non obstat hoc motu proprio dicentes, quòd non fuit solemniter promulgatum, non aduertentes, quod sufficit affigi valuis Sancti Petri, aut in acie Campi Floræ ante Cancellariam Romæ, vt dicatur solemniter esse promulgatum.

Dicitur autem vt clericus pensionem obtinere,

quando prima tonsura in eo requiritur, ut sit talis pensionis capax: quando verò non requiritur prima tonsura, tunc non habet pensionem ut clericus, sed ut laicus, ac proinde ad recitandum Beatæ Virginis officium non tenetur. Hoc autem contingit, quando pensio datur viris ob opiam eorum, vel senectutem, vel infirmitatem, vel eo quòd sunt bene de Ecclesia meriti, vel ob spem meritorum erga Ecclesiam, vel ob laborem, & operam temporalem, nimirum ob tintinnabula pulsanda, ad aperiendas templi fores, ad horologij curam, vel ad alia huiusmodi ministeria & officia obeunda. Et ideo ita sentiunt Nauar. de orat. cap. 7. num. 25. Azor. lib. 10. cap. 4. q. 3. Valent. 2. 2. dis. 6. q. 2. p. 10. Suar. tom. 2. lib. 3. cap. 22. nu. 6. Reginald. lib. 30. num. 41. & Vasq. de benef. cap. 4. §. 1. dub. 4. numer. 17.

Hinc non tenetur ad officium paruum Beatæ Virginis is, cui confertur pensio absque prævia conditione status clericalis, etiam si fortè detur personæ Regulari, ut militi Sancti Ioânis: Immo etiam si detur illi, ut Regulari, non dicitur dari ut clerico, ut dicitur in Bulla Pij V. Regularis enim propriè, & strictè loquendo non est clericus: fieri tamen potest, ut alio titulo teneatur iuxta propria suæ Religionis statuta. Suar. lib. 4. c. 22. numer. 6. Bonacina disp. 1. q. 2. p. 4. nu. 8. & plerique alij.

Illud tamen est obseruandum, quòd hoc præceptum non debet ita limitari ad officium paruum Beatæ Virginis, quin pensionarius si velit, possit officium magnum recitare, per quod plenius satisfaciet suo muneri, quàm si officium paruum Beatæ Virginis persolueret, quia intentio Pij V. in illo

præ

præcepto non fuit excludere officium magnum, sed solummodo non imponere pensionariis tantum onus. Ita Garz. 3. par. cap. 5. nu. 119.

## QVÆSTIO XXXI.

*An qui cum beneficio, pensionem habet, teneatur præter officium magnum, etiam preces Beatæ Virginis recitare:*

**R**ESPONDEO non teneri. Et ratio est, quia Pontificis intentio non fuit obligare hunc ad duo officia, sed illorum clericorum abusum corrigere, qui Ecclesiasticos fructus ut clerici percipiebant, & diuinis laudibus, & obsecrationibus minimè vacabant.

Et confirmatur, nam si habentes plura beneficia, aut plures pensiones satisfaciunt recitando quotidie semel tantum officium, multò magis satisficient, quicum beneficio habent pensionem. Ita Philiarch. lib. 1. cap. 8. Garz. p. 3. de benef. cap. 1. nu. 116. Nauar. extra de celebrat. Missar. lib. 3. conf. 18. & alij communiter.

Hinc, si pensionarius clericus efficiatur eques ordinis militaris cum indulto retinendi pensionem, non tenetur ad preces Beatæ Virginis, sed sufficit quod recitet orationes Dominicæ, & Angelicæ à Religione præscriptas, quæ sunt loco horarum. Ita Nauar. lib. 3. conf. tit. de celebrat. Missarum conf. 18. & 22. Rodriq. in summ. 1. part. cap. 140. num. 5. Azor. li. 10. cap. 4. q. 3. Vega 2. p. cap. 65. casu primo, & multi alij.

---

## QVÆSTIO XXXII.

*An qui habet beneficium paruum, ad diuinum officium teneatur.*

**E**T quidem si hic sit ordine sacro insignitus, certum est, cum ad diuinum officium teneri.

---

## QVÆSTIO XXXIII.

*Sed dubium est de eo, qui caret ordine sacro.*

**E**T quidem si beneficium nullos omnino fructus habet, certum etiam est, beneficiatum ad diuinum officium non teneri. Quia cessat tunc ratio obligationis, cum nullum stipendium ab Ecclesia recipiat.

---

## QVÆSTIO XXXIV.

*Quæstio ergo tantum est de beneficio quod reddit fructus, sed tenues.*

**I**N qua re etiam conuenit inter omnes, eum qui habet plura beneficia aded tenuia, ut nullum per se sufficiat, omnia verò simul iuncta reddunt competentes fructus, ad diuinum officium teneri. Et ratio est, quia hic habet ab Ecclesia stipendium sufficiens titulo beneficiorum.

Tum



Tum quia licet tenue beneficium per se ad officium diuinum non obliget, inchoat tamen obligationem, ergo si plura beneficia compleant sufficiens stipendium, proculdubio ad illud obligabunt. Ita Paul. Squillas 1. p. dub. 2. num. 8. Malder. de virtut. tract. 10. cap. 2. dubio 3. & Suar. tom. 2. lib. 4. cap. 21. ad finem.

Deinde valdè probabile est, cum qui habet beneficium obligans ad alia onera spiritualia præter diuinum officium, v.g. si sit capellania, & illa obligetur capellanus dicere Missas aliquas per se, vel per alium, si ad tertiam, vel quartam partem sustentationis non sufficiat, non teneri officium diuinum recitare. Et ratio est, quia hic iustè reputare potest, tale beneficium non esse institutum pro officio diuino, sed tantùm pro Missis celebrandis, ac proinde ad illud non obligare. Ita Suar. to. 2. lib. 4. cap. 21. num. 3. & alij.

## QVÆSTIO XXXV.

*Totum igitur huius controuersie dissidium in eo consistit, An qui habet beneficium perexiguum, ad diuinum officium teneatur.*

**I**N hac graui, & perdifficili quæstione duæ exstant opiniones probabiles. Prima est Magistri Soti lib. 10. q. 5. ar. 3. Roder. p. 1. cap. 140. nu. 3. Veg. 1. par. cap. 128. casu 13. Petr. Ledesm. 2. par. tract. 9. cap. 4. conclus. 4. & aliorum, qui absolutè negant hunc

360 DE HORIS CANONICIS  
hunc ad diuinum officium teneri. Et probant primò ex illo 1. Cor. 9. Qui altari seruit, ex eo viuere debet, ergo qui ex beneficij redditibus non uiuit, iure non cogitur diuinum officium persoluere.

Secundò probant, quia in iure parum pro nihilo reputatur, sed qui nullum habet beneficium, ad horas canonicas non tenetur, ergo neque tenetur qui per exiguum beneficium habet. Hanc Soti opinionem Arag 2. quæst. 83. artic. 12. & Nauar. infra citandus existimant esse probabilem.

---

## QVÆSTIO XXXVI.

*Sed quæret aliquis hoc loco, Quid sit dicendum beneficium tenue, quoad hunc effectum non obligandi ad diuinum officium.*

**N**ONNYLLI Magistri Soti opinionem interpretantur de quolibet beneficio, quod ad vitam clerici sustentandam non sufficit.

Sed hæc interpretatio falsa est, nec tale quid somniauit Sotus, aliàs beneficiarius, cuius beneficium redderet fructus triginta aureorum, liber esset ab hoc onere recitandi, nam triginta aurei regulariter non sufficiunt ad commoda clericorum alimenta.

Tum quia onus recitandi diuinum officium non est aded, graue, neque tam magnam diei partem occupat, ut sit dignum integrâ sustentatione personæ, immò nec pro maiori parte eius.

Petrus

Petrus Aragona 2.2. quæst. 83. artic. 12. dicit id relinquendum esse iudicio prudentis viri, qui sententiam proferet habita ratione temporis, loci, personæ, & aliarum circumstantiarum: videtur tamen requirere, ut obliget, quod adiuuet bonæ parti sustentationis clerici. Bona autem pars est tertia, vel quarta saltem. Quare habens triginta aureos ex beneficio, tantum erit obligatus, non autem infra.

At verò Magister Sotus restringit suam sententiam ad beneficium tantum, quod est aded tenue, ut beneficii nomen vix mereri possit, ut si summam octo, vel decem aureorum non reddat. Quia quando fructus sunt tam tenues, ut non pertingant ad prædictas summas, moraliter censentur nulli, nec possunt prudenter iudicari stipendium iustum.

Secunda verò opinio quam sequor, simpliciter affirmat hunc ad diuinum officium teneri. Et ratio est, quia beneficium perexiguum quo ad substantiam est verè, & propriè beneficium, & ut tale in iure reputatur, ut constat ex cap. is, cui. de præbend. in 6. ergo qui illud habet, ad officium diuinum tenetur. Probo consequentiam, nam beneficium ecclesiasticum ut dicitur in cap. ult. de rescriptis in 6. propter officium confertur, quod non solum intelligitur de beneficio pingui, sed etiam de tenui, quia indistinctè loquitur, & ubi lex non distinguit, nec nos distinguere debemus. Vnde Glossa in eo cap. probat officium esse veluti comitem beneficii. Ex quo infert, quod priuatus officio, eo ipso priuatus beneficio censetur. Cum ergo in Concil. Lateran. sub Leone x. declaratum sit, officium propter quod datur beneficium, præcipue

esse officium horarum canonicarum, planè concluditur, etiam beneficium tenue dari propter officium, ac subinde qui tale beneficium tenet, ad illud recitandum obligatur.

Tum quia qui vnum pingue beneficium, aut plura beneficia iustè retinet, non tenetur ad plura officia recitanda, ergo signum est euidens, exiguitatem, vel pinguedinem beneficij impertinentem esse ad obligationem recitationis diuini officij, ergo qui perexiguum beneficium habet, ab onere recitandi non liberatur.

Tum quia qui beneficium habet, quamuis tenue, & exiguū, cæteris beneficiariorum priuilegiis gaudet & subiaceret pœnis contra beneficiarios impostis, ergo etiam afficitur onere diuini officij.

Et confirmatur, nam omnis clericus etiam primæ tonsuræ tantum, habens beneficium ecclesiasticum, quantumuis exiguum, gaudet priuilegio fori, etiam quoad crimina, quo priuilegio, quoad crimina, non gaudet etiam insignitus quatuor minoribus, si beneficio careat, vel alicui Ecclesiæ ex mandato Episcopi non inseruit, aut in aliquo seminario de eiusdem Episcopi mandato non existit. Quod est magni momenti, & facit, vt non debeat pro nihilo reputari. Vide Conc. Trid. sess. 25. cap. 6.

Tum quia ratio, ob quam beneficiarius tenetur diuinum officium recitare, non est præcisè, quia integrè sustentatur fructibus beneficij, sed quia beneficium habet aliquos reddens fructus, qui dantur propter officium.

Tum quia sufficit vt seruiens altari, percipiat sustentationem congruam pro tempore, quo illi inseruiat, cum autem beneficiarius non inseruiat toto

die

die altari, nec totum diem in recitatione diuini officij infumat, non potest sustentationem pro toto die ex recitatione diuini officij prætere.

Tum quia, sicut qui duxit uxorem inopem, semper & vbique alere eam tenetur, ita beneficiarius qui est sponsus Ecclesiæ, Deo semper hoc sacrificium laudis offerre tenetur, licet pauper sit. Et sicut miles qui spontè cum paruo stipendio militiam acceptauit, militare tenetur, quamuis non ita commodè ex militia viuat.

Tum etiam, qui ex suo beneficio ob grandinem, vel inundationes aquarum paucos fructus recipit ad diuinum officium persoluendum tenetur, ergo qui perexiguum beneficium habet, vt non sufficiat ad vitæ sustentationem, ad recitandum diuinum officium tenetur.

Tum quia ipsemet Sotus dicit, quòd ad hoc vt beneficiũ ad diuinum officium non obliget, debet esse adeò exiguum, vt pro nihilo reputetur, quale tamen nullũ est, quia saltem habens beneficium etiã paruũ, licitè potest sine alio patrimonio ad ordines sacros promouere. cap. Episcopi. & c. tuis. de præbend. ad quos tamen non potest sine beneficio, vel patrimonio sufficienti admitti, quod est magni momenti.

Dices, omne beneficium dari propter officium, tamen seruata iustitiæ æqualitate, quæ postulat, vt non exigatur magnum officiũ, cui datur paruum beneficium, & idè videtur sufficere, si ad summum paruum Beatæ Virginis officium dicat.

Respondeo, vbi voluntarium pactum intercedit, non est iniustitia, quia scienti, & volenti non fit iniuria. Sed in hoc casu inter Clericum, & Ecclesiam tacitum pactum intercedit, nam lex ab Eccle

364 DE HORIS CANONICIS  
Ecclesia declarata est, se nolle conferre alicui beneficium, nisi ea conditione; vt ad officium magnum teneatur, qui autem sua sponte beneficium recipit, conditionem etiam acceptat, ergo obligatus manet, & nulla ei sit iniuria, sibi enim imputet, si tantum onus cum tam paruo stipendio acceptauit.

Tandem videtur conclusio definita in cap. Clericus victum dist. 91. vbi statuitur, vt clericus quem sui sacrificij fructus alere non possunt, manibus operando victum quærat, dummodo officio suo satisfaciat. Et si id sibi difficile fiat, imputet sibi, qui beneficium tale acceptauit, aut beneficiũ dimittat.

Ex quo loco clarè colligitur teneri clericum horas canonicas persolvere etiam si non possit ex beneficio victum & vestitum habere, quod beneficium necesse est, esse valde tenue. Et ideò ita sentiunt Syluest. verb. hora. §. 3. Rosell. num. 1. Tab. n. 1. Armil. ibidem Nauar. de orat. c. 7. n. 27. & cap. 11. n. 11. vbi dicit esse communem. Couar. lib. 3. var. c. 13. numer. 8. Valent. 2. 2. disp. 6. q. 2. p. 10. Suar. tom. 2. libr. 4. cap. 21. numer. 3. & 9. Tolet. lib. 2. cap. 14. numer. 4. Azor. lib. 10. cap. 3. quæst. 3. Reginald. lib. 30. cap. 4. numer. 34. Medin. q. 7. de oratione, & alij communiter.

Et ad argumenta adducta pro contraria opinione patet solutio ex dictis.

---

## QVÆSTIO XXXVII.

*An solus titulus beneficij sine actuali possessione obliget ad recitandum.*

Et

**E**T quidem si is nondum habet ius in re acquisitum in beneficio, non tenetur recitare. Ratio est, quia ius canonicum solum obligat ad recitandum beneficiarios, seu habentes beneficium, qualis non est, qui non habet ius in re in beneficio, etiamsi habeat ius ad illud. Vnde præsentatus, vel nominatus, vel electus, sed nondum confirmatus, non tenetur ratione illius recitare: sicut nec tenetur ad illud is cui collatio beneficij facta est, ante collationem acceptatam, ut rectè monet Nauar. de oratione cap. 7. nu. 29.

## QVÆSTIO XXXVIII.

*Sed quod in dubium vertitur est, An beneficiarius diuinum officium persolvere teneatur statim, ac collationem accepit, etiam ante illius possessionem.*

**I**N qua re etiam est certum, cum qui solum habet titulum beneficij sine spe obtinendi possessionem, non obligari ad recitandum diuinum officium. Et ratio est: quia hic potius nomine, quàm re habet beneficium, & non comprehenditur sub lege obligante habentem beneficium, quæ cum sit onerosa, restringenda potius est, quàm extendenda.

## QVÆSTIO XXXIX.

*Totum igitur controuersie diffidium est, quando cum titulo adest spes certa moraliter obtinendi possessionem.*

**S**APIENTISSIMVS Nauar. de oratione cap. 7. n. 28. & 29. Garz. de benef. 3. p. cap. 1. n. 92. & Carol. Macig. de horis Canon. cap. 10. n. 25. putant eū qui habet titulum beneficij teneri ad diuinum officium recitandum, quamuis nondum pacificè in-ceperit possidere, modò speret se adepturum fructus beneficij. Quia per solam collationem acceptatam, acquiritur ius in beneficio, & fit beneficium eius, cui collatum est.

Tum quia ab eo tempore etiam antequam apprehendat possessionem, debentur clerico beneficij fructus, & cum possessionem capit, beneficiarius percipit fructus non solū præsentēs, sed etiam præteritos à die collati sibi beneficij.

Sed vera, atque tenenda sententia est eorum, qui asserunt non nisi à die possessionis apprehensæ beneficiatum teneri ad recitandum diuinum officium. Et ratio est, quia beneficium vt sit ius efficax, cum titulo requirit pacificam eius possessionem.

Tum quia in iure non censetur quis habere beneficium, nisi perfectè illud habeat: non habet autem perfectè, nisi habeat eius pacificam possessionem.

Tum



Tum quia sicut ante captam possessionem non potest iura beneficij exercere, ita neque tenetur ipsius onera sustinere.

Tum quia in Bulla Pij V. dicitur, *Post beneficij consequutionem*, ille autem propriè dicitur beneficium consequutus, qui pacificam illius possessionem adeptus est cum titulo.

Tum quia licèt quis habeat quasi dominium radicale, seu proprietatis beneficij à die collationis, nondum tamen habet dominium vtile, ac proinde non tenebitur statim recitare horas Canonicas, donec vtilitatem ex illo capiat. Neque satis est, quòd postea sit percepturus fructus illius temporis. Tum quia hoc non est vniuersale, vt patet in nonnullis canonicatibus & præbendis.

Tum quia spes illa est semper incerta, sæpe enim contingit, vt quis beneficium impetret, & deinde cum vult per se, vel per alium possessionem obtinere, videt se nihil impetrasse, aut quia beneficium non vacabat, aut quia alius priùs impetrauerat, vel alius intrusus est colorato titulo, aut multis alijs de causis, ergo par non est, vt ad onus certum obligetur.

Hoc autem intelligitur, dummodo per beneficiarium non stet, quominus possessionem beneficij consequatur, quia si sua culpa in possessionem non admittitur, non debet fraus, vel negligentia illi prodesse, nec debet Ecclesia priuari officio suo ob culpam beneficiarij. At verò si moralem diligentiam adhibeat, rationabiliter excusatur ab onere recitandi, donec possessionem accipiat.

Quod si post possessionem inueniat aliquos fructus

ctus, qui correspondent priori tempore, ex quo titulum accepit, id est per accidens, nam sæpe etiam contingit, ut nulli sint, & interdum successori reservantur omnes fructus non solum à tempore accepti tituli, sed etiam à tempore vacationis beneficij.

Hinc, qui habet titulum beneficij, sed possessionem accipere impeditur per litem, non tenetur pro eo tempore ad recitandum diuinum officium ratione solum tituli. Ratio est, quia ut diximus, caret possessione, & per eum non stat, quominus possessionem acquirat. Et licet si vincat, illi debeantur fructus post litis contestationem, tamen cum sit dubium, non est cur in dubio obligetur, cum in iure cautum non sit.

Nec obstat quòd Ecclesia frustraretur interim recitatione diuini officij, & quòd clericus qui impeditur, victurus sit causam, & fructus beneficij recepturus. Quia hoc, ut diximus, est per accidens, cum ante captam possessionem impediti possit.

Tum quia tempore vacationis beneficij non persoluitur officium, quamuis successor recepturus sit fructus tempore vacationis beneficij respondentes, ergo neque persoluitur ex obligatione, antequam beneficij possessio capta fuerit. Et ideo ita tenent Caietan. in sum. verbo horę canon. circa principium. Nauar. lib. 3. cons. tit. de celebrat. Missarum cons. 14. Henric. lib. 13. cap. 13. §. 1. Rodriq. 1. p. cap. 141. num. 4. Azor. lib. 10. cap. 4. q. 7. Less. lib. 2. cap. 34. dub. 30. num. 167. Vega 1. par. cap. 128. casu 18. Petr. Ledesm. 2. par. sum. tract. 9. cap. 46. conclus. 9. Suar. tom. 2. lib. 4. cap. 19. num. 7. Reginal. lib. 30. n.

38. Vafq. in opusc. de benef. cap. 4. §. 1. ar. 1. dub. 6. qui omnes aiunt nullum beneficiatum teneri recitare horas canonicas ratione beneficij; ſi non habet iam pacificam poſſeſſionem ipſius. Hanc quoque ſententiam ſequuntur Flaminius Pariſ. lib. 1. de reſignat. benef. vbi ait id eſſe uſu receptum in curia Romana. & Menoch. de arbitr. lib. 2. caſu 429. numer. 24. vbi ſic ait. Cauſam excuſantem à recitatione horarum eſſe, quando clericus adhuc reiſa non poſſidet beneficium, etiamſi binas obtinuit ſententias, vt reſpondet Nauar. conſ. 14. non enim dicitur adhuc obtinere beneficium, pro quo tenetur dicere officium, nec percipit fructus, qui dantur loco mercedis, operæ, & laboris.

Hinc ſequitur primò, coadiutorem cum futura ſucceſſione non teneri horas canonicas recitare, viuentem coadiuto. Quia non dicitur habere proprietatem, & poſſeſſionem beneficij, ſed illam obtinere debet mortuo coadiuto.

Secundò ſequitur, eum qui penſionis titulum obtinuit, ſed penſionem non percipit, nec in futurum percepturus eſt, non teneri officium paruum Beatæ Virginis recitare. Ratio eſt, quia ſicut ſolus titulus beneficij ſine actuali poſſeſſione non obligat ad recitandum, ita nec ſolus penſionis titulus ante illius poſſeſſionem.

Tum quia inutilis, & vana videtur hæc penſio: ergo par non eſt, vt onus recitandi diuinum officium inducat.

Tum etiam, quia in Conſtit. Pij V. idem decernitur in penſionario, quod in beneficiario, ſed beneficiarius ante beneficij poſſeſſionem non tenetur diuinum officium perſoluere, ergo nec penſionarius.

Tertiò sequitur à fortiori, cum qui pensionem obtinuit, sed nondum literarum expeditionem, quibus pensionem exigere valet, recuperare potuit, non teneri ad officij parvi recitationem, quia nondum videtur esse in possessione, modò per ipsum pensionarium non stet, quominus literarum expeditionem consequatur.

Quartò, & vltimò sequitur, cum qui post sibi collatum beneficium diuinum officium prætermittit, non teneri ad restitutionem fructuum, nisi elapsi fuerint sex menses post eius possessionem. Ratio est, quia Pius V. in sua Bulla obligat ad restitutionem fructuum solùm elapsis sex mensibus, in quibus beneficiarius tenebatur diuinum officium recitare: tenebatur autem ad illud cum eo onere, post beneficij possessionem, ergo. Ita Suar. tom. 2. cap. 29. num. 13.

## QVÆSTIO XL.

*An qui de certo aliquo beneficio litigant, ad pensum horarum canonicarum teneantur.*

**A**D hoc dico primò, quòd qui cum titulo beneficij habet illius possessionem, tenetur horas canonicas recitare. Et ratio est, quia hic ratione possessionis, ius habet acquisitum in beneficio. Ita Garz. 3. p. cap. 1. nu. 86. & 104. Less. lib. 2. de iust. c. 34. dub. 31. n. 173. Suar. tom. 2. lib. 4. cap. 19. nu. 10. Reginal. lib. 30. n. 38. & Azor. lib. 10. cap. 4. q. 9. qui dicit esse communem,

Secundò

Secundò dico, quòd si vnus possidet beneficium, & est lis super proprietate, ita quòd possessor non recipit fructus, quia sunt autoritate Iudicis sequestrati duràte lité, sperat tamen probabiliter se habiturum victoriam, tenetur diuinum officium recitare. Et ratio est, quia fructus debentur ipsi, & lata sententia à die contestatæ litis recuperabit. Ita Nauarrus de oratione capit. 7. numero 28. & in Man. capit. 25. numero 103. Arag. 2. 2. quæst. 83. ar. 12. Vega cap. 128. casu 13. Tolet. lib. 2. cap. 14. & alij.

---

## QVÆSTIO XLI.

*Sed quid, si neuter litigantium adhuc possessionem beneficij habeat, & uterque dubius sit de iure, & de causa litis.*

**R**ESPONDEO, in hoc casu neutrum ad id teneri. Et ratio est, quia neuter habet, nec possidet beneficium. Ita Paludan. in 4. distinct. 15. & Turrecr. dist. 91. cap. 1.

---

## QVÆSTIO XLII.

*Sed quid, si causa licèt sit dubia, nihilominus vnus litigantium probabiliter credit, & sperat se victorem futurum in lite, & fructus percepturum.*

372 DE HORIS CANONICIS  
SUNT, qui affirmant. Sic Petr. Ledesin. tract. 9.  
cap. 4. conclusione 13.

Sed cæteri communi consensu negant eum ad id teneri. Et ratio est, quia ius in beneficio non habet, nec spes quam habet de sua victoria, ius illi dat in beneficio, aut cogit eum horas canonicas recitare. Hoc autem intelligitur, modò uterque bona fide litiget, & iustè impediatur alterius possessionem: nam si vnus iniustè litiget, & alterum impediatur, tenetur ad diuinum officium, quia iniustè priuat Ecclesiam debito obsequio, ac ministerio. Sic Suar. tom. 2. lib. 4. cap. 19. Bonac. disput. 1. q. 2. p. 4. n. 26.

---

### QVÆSTIO XLIII.

*Sed quid, si aliquis habeat titulum, & speret se in lite futurum esse victorem, seque fructus percepturum.*

RESPONDEO non teneri. Et ratio est, quia hic nullum ius certum habet in beneficio, cum ius acquiratur per possessionem pacificam, & sola spes non tribuit ius, multisque modis fieri possit, ut recitans pensum horarum, non vincat litem. Vnde huiusmodi beneficium in tali casu habendum est, quasi vacans. Ita Suarez lib. 4. cap. 19. Reginal. lib. 30. num. 40. Et Filiuc. capit. 5. q. 7. nu. 160.

QVÆST.

## QVÆSTIO XLIV.

*An beneficiarius qui nullos fructus sui beneficij percipit, nec in posterum recepturus est, ad recitationem horarum canonicarum teneatur.*

**P**ALVD. in 4. dist. 15. q. 5. Syluest. verb. hora q. 2. & Med. C. de oratione qu. 9. affirmant hunc ad persoluendum diuinum officium teneri. Et probant, quia qui titulum, & possessionem beneficij recipit, verè, ac simpliciter est beneficiarius, quia fructus, vel spes eorum non pertinet ad substantiam beneficij.

Tum quia hic sedem habet in choro, & suffragium in capitulo, & certum honoris gradum in Ecclesia, multisque denique aliis priuilegiis clericorum gaudet, ergo hic tenetur ad retinendum diuinum officium, quia ius aliam conditionem non requirit, & vbi ius non distinguit, nos distinguere nos debemus.

At verò illustrissimus Caiet. verb. horæ canonicæ, §. 1. Sotus l. 10. q. 5. ar. 3. & Armilla verb. hora. nu. 1. negant, putant enim ritulum, & beneficium non sufficere ad obligationem recitandi pro eo tempore, pro quo aliquis nullos accipit fructus, neque per se, neque per alios, & per ipsum non stat, quominus recipiuntur, nec sperat illos in futurum recuperare ratione fortè belli, vel alia causa. Ducunturque, quia moraliter loquendo hic perinde se habet pro eo

A 2 3 tempo

tempore, ac si non haberet beneficium, cum stipendio illius non fruatur. Vnde cum dicitur, beneficium dari propter officium, intelligitur de beneficio fructuoso, quia fructus sunt veluti stipendium propter officium. Pro quo

Dico primò, quòd qui ex beneficio nihil aliud, quàm distributiones quotidianas percipit, ab onere recitandi horas canonicas non eximitur. Et ratio est, quia de tali verè dici nequeat, quod nullum fructum beneficii percipiat. Ita Navar. de oratione cap. 7. n. 18. Cord. in sum. casuum consc. casu 186. Rodrig. p. 1. cap. 141. n. 4. & communis.

Secundò dico, quòd qui titulum, & possessionem beneficii possidet, tenetur statim diuinum officium persolvere, quamvis fructus beneficii non statim percipiat, si habet spem moraliter certam obtinendi illos. Ratio est, quia ille tenetur ad recitandum, qui habet beneficium, sed hic iam perfectè, & completè habet quando quidem & est dominus, & possidet, ergo tenetur ad recitandum, cum iura obligent habentem beneficium.

Tum quia licet beneficiarius non recipiat modò fructus beneficii, sperat tamen probabiliter illos recuperare ratione præsentis officii.

Tum quia qui hoc modo beneficium possidet, simpliciter fructibus beneficii non caret, cum spes illa præterio æstimabilis sit.

Tum etiam, quia talis habet administrationem beneficii, & tenetur ad alia onera, ergo etiam ad præcipuam quod est officium diuinum.

Hinc, qui iniustè ob bellum, vel alia iniusta causa priuatur fructibus, non excusatur ab onere recitandi, quando spem habet aliquando illos recuperare



cuperaturum, vel quia quod differtur non auferitur, vel quia illa spes pretio æstinabilis est, vel certè, quia ad hanc obligationem non est necessaria anticipata perceptio fructuum, sed sufficit quod illorum expectatio sit moraliter certa, & ideo non debet Ecclesia priuari suo seruitio in casu dubij de futuro euentu fructuum, quia in tali dubio melior est conditio ipsius beneficij, seu Ecclesiæ.

Tertiò dico, quod qui per potentiam, coactionem, vel iniustitiam non recipiat fructus, sine vlla spe illos recuperandi in perpetuum, non tenetur horas canonicas recitare. Ratio est, quia tunc cessat causa talis obligationis, cum nulum stipendium pro illo tempore ab Ecclesia recipiat, nec in posterum recepturus sit. Quod non solum procedit in beneficio, quod nunquam habuit redditus, quod reuera beneficium dici non potest, sed est beneficium fictum, & de vento, & sic non potest permutari, seu resignari, vt rectè monet Nauarr. conf. 8. num. 14. & 18. de iure patronatus. Sed etiam in beneficio, quod in initio, & tempore foundationis habuit redditus, sed temporum calamitate perierunt: nam quamuis istud sit beneficium in potentia, & habitu, & sic possit permutari, & resignari, tamen non est beneficium actu vt rectè docet Valent. 2. 2. disp. 6. q. 16. puncto 3.

Quartò dico quod qui ob iniustam alterius actionem ad tempus priuatur fructibus, non excusatur ab onere recitandi diuinum officium. Et ratio est, quia si per furtum omnes fructus raperentur, non esset beneficiarius ob id excusandus ab administratione beneficij, ergo neque ab onere recitandi.

Tum quia si casu fortuito, vel sterilitate temporum, aliquo, vel aliquibus annis non reciperet fructus, adhuc ad diuinum officium teneretur, quia si contingeret vberiores, vel duplo maiores esse fructus vnius anni, non propterea maius onus susciperet, ergo à pari etiam tenebitur, quando ad tempus tantum priuatur fructibus sine vlla spe recuperandi illos, & alioqui interim gaudet honore, priuilegiis, & aliis commodis. Ita Suar. tom. 2. lib. 4. cap. 20. nu. 6. Azor. lib. 10. cap. 4. q. 6. Garz. 3. p. cap. 1. num. 45. Flam. Paris. lib. 1. q. 9. num. 3. & alij communiter.

Quintò dico, quòd qui cum titulo beneficij habet illius possessionem, nò eximitur ab obligatione recitandi, ex eo quòd non ipse, sed alius nomine ipsius accipiat fructus. Ratio est, quia quamuis ipse per se fructus non percipiat, per alium tamen, vt puta per parentes, & amicos ex eius voluntate percipit. Regula. Qui per alium, &c. lib. 6.

Hinc adolescentes qui habent titulum, & possessionem beneficij, in quorum nomine parentes, vel auunculi capiunt fructus, tenentur non minus ad canonicas horas recitandas, quàm si ipsimet fructus caperent, & si defectu ætatis sunt inhabiles ad dicendum officium, tenentur illud eo modo persolvere, quo tenentur seruire per substitutum.

Ex quo colligitur, Patrem qui percipit fructus beneficij ipsius filij teneri illos filio petenti restituere. Et ratio est, quia clericus dicitur habere peculium quasi castrense, & potest de illo disponere, vt omnes testantur, & ideo pater non habet in dicto peculio vsumfructum, ac proinde tenetur illos fructus restituere, si filius eos sibi restitui petierit.

Verum

Verùm pater potest alimenta ab eo præstita in fructibus beneficij compensare. Quia quando filius habet aliunde victum, non tenetur pater illi alimenta præstare.

Sextò dico, quòd qui beneficium, & administrationem eius acceptat, cum onere soluendi alteri omnes fructus in pensionem, non liberatur ab obligatione recitandi ratione talis beneficij. Ratio est, quia qui sic recipit beneficium, voluntariè, & quasi ex pacto obligatur ad illius beneficij administrationem, & cedit iuri suo, quo ad fructus in fauorem alterius, ergo tenetur administrare beneficium, ergo & recitare, nam hæc est vna ex potissimis partibus illius administrationis. Patet consequentia. Quia volenti, & consentienti non fit iniuria, & quisque tenetur implere, quod promissit.

Septimò dico, quòd qui solum habet titulum beneficij, alter verò sibi reseruat omnes fructus pro pensione, simul cum toto seruitio, & administratione beneficij, non tenetur diuinum officium recitare. Ratio est, quia obligatio recitandi in hoc casu manet apud pensionarium, qui commodum sentit, ergo non est, cur transferatur in beneficiarium.

Tum quia is cùm nihil possit ex beneficio percipere, neque possit deseruire, etiam si velit, nolente pensionario, nulla ratio exposcit, vt eum ad persolundas horas obligemus.

Octauò, & vltimò dico, quòd non excusatur ab onere recitandi is, qui in pensionem omnium fructuum consensit ei, qui in suum fauorem beneficium resignauit. Et ratio est, quia hic verè beneficiarius

ciarius est, & possessionem beneficij habet, & per eum stat, quominus habeat aliquotam partem fructuum, quia potest inferuire beneficio, & ad mercedem sui seruitij cogere eum, cui omnes fructus sunt reservati, nam illi soli fructus, qui deductis oneribus supersunt, reservati censentur.

Tum quia qui sic recipit beneficium, sua sponte, & quasi ex pacto obligatur ad illius beneficij administrationem, ergo etiam tenetur ad diuinum officium persolvendum, quia hæc est vna ex potissimis partibus illius administrationis. Ita Nauar. in Man. cap. 25. num. 104. & de oratione cap. 7. num. 30. Suar. lib. 4. cap. 20. nu. 2. Vasq. de benef. cap. 4. art. 1. dub. 3. Tolet. lib. 2. cap. 14. num. 8. & alij communiter.

## QVÆSTIO XLV.

*An qui beneficium impetrat à Romano Pontifice, cuius iussu, & authoritate omnes beneficij fructus alteri reservantur, teneatur diuinum officium persolvere.*

**P**ALVD. in 4. dist. 15. q. 5. ar. 5. Sotus lib. 10. de iust. q. 5. art. 3. & plerique alij negant, ea ducti ratione, quia qui non percipit commodum, nec debet onus sustinere, vt habetur in Reg. iuris in 6. & in cap. Cùm secundum Apost. de præben.

Tum quia per huiusmodi beneficiarium non stat,

stat, quominus ex tali beneficio fructus sibi percipiat, quoniam cum Romanus Pontifex beneficij fructibus priuat, cùm eos alteri applicat.

Medina C. de oratione q. 7. existimat hunc ad diuinum officium persoluendum teneri. Et probat, quia hic beneficiarius propria voluntate beneficium accepit, & acceptam ratamque habuit reservationem fructuum Romani Pontificis auctoritate factam; sibi igitur imputet, quòd solum beneficij titulum habeat, nam perinde est, ac si sponte sua beneficij fructus ipse in alterum transulisset: nec Papa sic conferens beneficium, intendit auferre illi hoc onus, neque ipse potest sua se voluntate liberare, cùm sit intrinsecum ipsi beneficio.

Arag. 2. 2. q. 83. art. 12. Ledesin. in 4. p. 2. q. 16. ar. 4. dub. 5. Cord. in sum. q. 186. p. 2. Tolet. lib. 2. cap. 14. & plerique alij distinguunt. Nam vel hic beneficiarius non voluntate sua, sed iussu Pontificis beneficium acceptare cogitur, aut secus. Si primum, non tenetur horas canonicas persolvere, quia tunc nec per se, nec per alium recipit fructus, nec per illum stat, quominus eos recipiat, sed per Pontificem, qui beneficium illo modo contulit. Si secundum, tunc talis beneficiarius tenetur diuinum officium recitare, eo quòd voluntate sua in beneficij impetrationem, & adeptionem consensit.

Sed hæc distinctio non placet, nimirum, vt hoc procedat, quando acceptatio talis beneficij cum illa fructuum reservatione est voluntaria, non verò quando est à Papa iniuncta ex obedientia. Quia etiam tunc tenetur beneficiarius ad recitandum, quia nunquam ita obligatur ad fructus alteri tradendos, quin saltem quoridianas distributiones, vel  
aliquid

aliquid in sustentationem recipere possit, & debeat, si interueniat, quod satis est, ut ad recitandum teneatur. Nam si seruire noluerit, & ideo nihil acceperit, iam non ex necessitate, sed ex voluntate caret stipendio, ideóque tenetur nihilominus recitare, cum beneficium possideat. Nec admitto sum, in quo Pontifex præcipiat acceptare beneficium, cum administratione, & seruitio eius absque ullo subsidio temporali, & absque voluntario consensu recipientis, nam tale præceptum esset iniustum, nisi aliunde Pontifex de stipendio conuenienti illi prouideret, & tunc clarum est mentem Pontificis esse obligare illum ad totam administrationem beneficii, sub qua etiam recitatio horarum canonicarum comprehenditur.

---

## QVÆSTIO XLVI.

*An nouus Canonicus diuinum officium recitare teneatur primo, vel secundo anno, in quo ex statuto, vel consuetudine, aut privilegio Ecclesiæ, nullos prorsus ex beneficio fructus lucratur.*

**E**T quidem, si hic saltem lucretur distributiones, certum est eum ad recitandum horas canonicas teneri, licet non lucretur fructus. Ita Nauar. de oratione cap. 7. nu. 30.

QVÆST.

## QVÆSTIO XLVII.

*Sed dubium est de eo, qui ex beneficio nihil omnino percipit.*

**I**N qua re etiam est certum, quòd si consuetudine, vel priuilegio Ecclesiæ fructus ex primo anno, vel pluribus cedunt in salutem animæ canonici defuncti, aut eius heredibus, aut inter alios Canonicos antiquiores distribuuntur, & cedunt in augmentum stipendij eorum, tunc canonicus tenetur horas canonicas recitare, etiam illo tempore, quo nullos percipit fructus. Et ratio est, quia ipse voluntariè se subiecit huic oneri.

Tum quia habet titulum, & possessionem beneficij, cui est annexa obligatio recitandi diuinum officium, & quamuis ipse de præsentì non percipiat fructus, nihilominus hæredes ipsius, post eius mortem, vel ipse recipiet, dum factus fuerit antiquior, accedentibus alijs canonicis iunioribus. Ita Less. lib. 2. cap. 34. dub. 31. Azor. lib. 10. cap. 4. q. 4. Suar. lib. 4. cap. 26. nu. 5. & Garz. 3. part. cap. 1. nu. 62. qui ait sic declarasse sacram congregationem Cardinalium.

## QVÆSTIO XLVIII.

*Totum igitur controuersie dissidium est, quando fructus illi ex primo, vel secundo anno, consuetudine, vel statuto Ecclesiæ in alios pios usus impenduntur.*

**N**AVAR. de oratione cap. 7. nu. 30. & Garz. 3. p. cap. 1. nu. 21. negant debere eum horas canonicas recitare. Et probant, quia hic licet titulum, & ius beneficij habeat, fructibus tamen spoliatur, nec per ipsum stat, quominus percipiat, ergo perinde est, ac si beneficiarius non esset.

Sed ceteri communi consensu docent, hunc canonicum esse cogendum horas canonicas persolvere. Et ratio est, quia beneficium cum suo onere transit in eum, in quem confertur, sed huiusmodi beneficium ex usu, & privilegio habet hoc onus, ut fructus ex primo, vel secundo anno, canonico non debeantur, ergo canonicus cum hoc onere beneficium acquirit.

Tum quia canonicus sibi imputare debet, quod in primo, vel secundo anno fructus non percipiat: nam sponte sua beneficium acceptum, ac ratum habet, ergo illud suscipit cum oneribus, & obligationibus ipsi beneficio annexis.

Tum quia hic reuera habet beneficium, & ius ad fructus, quod autem illos non lucretur, voluntate eius factum est, ergo apud illum manet tota obligatio diuini officij.

Tum quia non tenetur is, cui applicantur fructus, diuinum officium recitare, ut constat, ergo necesse est, ut qui recipit beneficium, hanc etiam obligationem suscipiat, non enim debet Ecclesia suo seruitio priuari.

Tum quia, ille qui hoc modo acceptauit beneficium, tenetur ad quodcunque aliud seruitium debitum ex vi beneficij, etiam si fructus non percipiat, ergo etiam tenebitur ad hoc seruitium recitandi horas.

Tum



Tum demum, quia licet fructus non percipiat materialiter, recipit tamen quoad fructum, & effectum spiritualem, cum in pios vsus impendantur.

Tum demum, quia tali debetur dimidia pars fructuum, prout declaratur in extrauaganti Ioannis Papæ 22. quæ incipit, *Suscepti regim.* ergo si illam non exigat, illi debet imputari. Et ideo ita sentiunt Azor. lib. 10. cap. 4. q. 4. Suar. to. 2. lib. 4. cap. 20. num. 11. Filiuc. cap. 5. q. 8. Less. lib. 2. cap. 34. dub. 31. nu. 170. & alij.

Nec obstat argumentum in contrarium adductum, quia non probat, nisi quod ministrantibus Ecclesiæ, suum debeat stipendium, iure etiam diuino illis suffragante, nisi ipsi spontè huic iuri sumendi stipendium cedant, qualiter cedunt, qui beneficia suscipiunt, alteri fructibus reservatis.

## QVÆSTIO XLIX.

*An clericus qui habet redditus Ecclesiasticos sine beneficio, ad diuinum officium teneatur.*

**R**ESPONDEO eum qui fructus absque beneficio recipit vt doceat v. g. Grammaticam, Philosophiam, Theologiam, vel pulset organa, aut sacristæ munus exerceat, non teneri diuinum officium recitare. Ratio huius est, quia hic non habet beneficium, sed tantum habet peculiare quoddam seruitium, pro quo accipit ab Ecclesia stipendium;

&c

& per accidens est, quòd qui huiusmodi officia facit, sit clericus, nam possunt commodè per laicos fieri, & interdum fiunt.

Hinc, qui habet à Papa pensionem ex fructibus Ecclesiæ, non ut clericus, sed aliquo titulo communi laicis, nimirum per modum gratitudinis propter seruitia parentum in Ecclesiæ utilitatem, vel aliquid simile, non tenetur ad dicendum officium. Et ratio est, quia licet iste habeat ius ad redditus Ecclesiæ, illud tamen non est beneficium, quia non datur propter aliquod ministerium sacrum.

## QVÆSTIO L.

*An qui pensioni cessit, ab onere recitandi officium sit liber.*

**E**T quidem si cessit solùm in partem, certum est apud omnes non esse ab onere recitandi immunem. Et ratio est, quia dicitur adhuc pensionem titulo clericali possidere.

## QVÆSTIO LI.

*Sed dubium est, de eo qui liberaliter cessit pensioni in totum.*

**S**E D respondeo, eum esse à tali onere exemptum. Et ratio est, quia cum hic non habeat ampliùs pensionis titulum, nec dicatur pensionarius,

rius, non debet onere pensionarij grauari: sicut beneficiarius, si alteri beneficium resignet, non tenetur ampliùs ratione beneficij ad recitandum officium, cùm non dicatur ampliùs beneficiarius. Ita Bonacina disp. 1. q. 2. p. 4.

---

## QVÆSTIO LII.

*An Religiosi professi, & ad chorum deputati,  
preces horarias recitare teneantur  
saltem priuatim.*

**E**T quidem certum est in primis, Religiosos professos, & in sacris constitutos, teneri sub mortali horas canonicas persolvere, etiamsi ad beneficium promoti non sint.

---

## QVÆSTIO LIII.

*Sed dubium est de Religiosis professis, & ad  
chorum deputatis, etiamsi nec beneficiati  
sint, nec in sacris constituti.*

**I**N qua re etiam est certum, Religiosos omnes non teneri ad horas recitandas ex vi professionis. Et ratio est, quia professio Religiosa per se, & ex natura sua non ordinatur ad hoc ministerium, sed ad perfectionem, quæ alia via, quàm recitatione horarum acquiri potest.

Tum quia professio religiosa ordinariè non obligat nisi ad tria vota essentialia, nimirum pau-

B b pertatis,

386 DE HORIS CANONICIS  
pertatis, castitatis, & obedientiæ obseruanda iuxta  
Regulam: fieri autem potest, vt de recitatione ho-  
rarum, in Regula nihil contineatur.

Dixi notanter, *ordinariè*, vt excluderem Re-  
ligiosos ordinis Sancti Francisci, qui de præ-  
cepto particulari suæ Regulæ tenentur dicere  
officium secundum ordinem sanctæ Matris Ec-  
clesiæ Romanæ, licet non sint in sacris con-  
stituti.

Secundò etiam est certum, non dati aliquam  
legem Ecclesiasticam, quæ ad hoc obliget in vni-  
uersum omnes Religiosos. Immodò nec repetiri  
vniuersalem consuetudinem, nam quidam sunt  
non deputati ad chorum, qui non assumunt hanc  
obligationem, vel quia sunt Religiosi laici tan-  
tùm ad corporalia opera misericordiæ exercenda  
deputati, vt sunt aliqui hospitalarij: vel sunt Re-  
ligiosi militares, qui vt tales sunt, non contra-  
hunt obligationem, quia non profitentur cho-  
rum, sed militiam aduersus infideles, vt optimè  
suo more annotauit Nauar. de oratione cap. 7.  
num. 21.

Tum quia sunt multi Religiosi clerici ad bo-  
narum literarum studium, & alias spirituales  
actiones extra chorum ordinati, quales sunt  
Patres deuptæ societatis Iesu, qui istud pecu-  
liare onus non assumunt, quousque sacro ordine  
initientur. Et de his Religiosis modò non dispu-  
ramus, quia certum est apud omnes, eos ad id  
non teneri.

QVÆST.

## QVÆSTIO LIV.

*Quod autem in dubium vertitur est, de Religiosis, qui ex vi sui status chorum profitentur, an videlicet teneantur horas canonicas recitare.*

ET de iis constans est omnium opinio, eos ad id teneri. Et idem dicimus de Monialibus choro mancipatis, ut rectè monet Nauar. in Man. cap. 25. num. 96. & Sylu. verb. hora num. 3. ubi dicit esse communem sententiam Doctorum.

## QVÆSTIO LV.

*Totum igitur controuersie dissidium versatur, quo iure, vel ratione isti Religiosi, vel Moniales ad id teneantur.*

NONNULLI affirmant eos ad id obstringi iure naturæ, pertinente ad diuinum cultum, & Religionem. Quia sunt ad hunc cultum peculiariter dicati per professionem.

Sed hæc opinio non placet, quia diuinus cultus latissimè patet, & multis aliis modis potest exhiberi ut constat, ergo ex eo solo cap. non potest inferri obligationem hanc potius esse ad memoratam recitationem, quàm ad alium alterius modi

cultum Dei : præsertim cùm Religiosus se per professionem mancipans cultui Dei, non imponat sibi necessitatē determinatē ad aliquas actiones cultus diuini, nisi ad eas, quas expressè vouet, aut quas Regula, vel Prælatus distinctè præscripserit.

Palud. in 4. dist. 15. q. 5. art. 1. docet eos ad id obligari ex naturali lege iustitiæ, quia ex Christiani populi bonis in eleemosynam acceptis aluntur, & viuunt, ac proinde tenentur pro his, qui bene de ipsis sunt meriti, precari.

Sed nec hæc opinio mihi probatur, quia Religiosi non sustentantur à populo propter hanc, vel illam determinatam actionem vitæ Religiosæ, sed simpliciter vt in tali statu perfectionis secundum suum institutum viuant ad Dei gloriam,

Tum quia eleemosynæ non ob id præcipuè conferuntur Religiosis, quasi ex lege iustitiæ, & per modum stipendij orent pro populo, sed propterea quòd sint diuino cultui, & contemplationi mancipati, & ex professo pauperes.

Tum quia si fundamentum Paludani admitteretur, similiter ad horas canonicas tenerentur conuersi, quos laicos appellamus, & etiam nobilitij, quia aluntur, sicut & alij, quod non est dicendum.

Tum demum, quia admissio isto fundamento, ad summum probaretur esse in singulis Monasteriis obligationem recitandi horas canonicas in choro, non verò quòd hæc obligatio descendat in singulos, quando iusta de causa absunt à choro.

Petrus Aragona 2. 2. q. 83. art. 12. censet eos ad id obligari iure canonico.

Sed non placet, quia nullus canon ea de re extat, vt rectè Suar. tom. 2. de Relig. lib. 4. cap. 17. num. 9. probat. Syluester id colligit ex cap. licet voto, &c. Sed vt egregiè annotauit Sotus lib. 10. q. 5. art. 3. inde nihil probari potest, quoniam ibi tantum decernitur, quòd si quis aliquid vouit, illud impleat, non tamen dicit, quòd Religiosus eo ipso, quòd religionem vouit, teneatur horas canonicas recitare, aut quòd illas implicitè vouerit.

Illustrissimus Caietanus in summa verb. horæ, & cum eo Armilla num. 4. fatentur se nullo modo videre, qua ratione Religiosi ad id teneantur, nisi ex antiquissima, & sancta consuetudine, de qua utrùm obliget, nec ne, multum se dubitare dicunt.

Sed cæteri communi consensu affirmant eos ad id teneri ex vniuersali consuetudine præscripta, quæ inueterata instar præcepti obligat. Et ideo ita tenent Sotus lib. 10. q. 5. art. 3. Nauar. de oratione cap. 7. num. 2. & 5. & cap. 21. num. 19. & in Man. cap. 25. num. 96. Valent. 2. 2. d. 6. q. 2. p. 10. Tolet. lib. 2. cap. 12. Vasq. in opusc. de benef. cap. 4. §. 1. art. 1. Less. lib. 2. cap. 37. dub. 9. num. 49. Azor. lib. 10. cap. 6. q. 1. Suar. to. 2. lib. 4. cap. 27. nu. 9. & plerique alij.

Hinc non audiendus Aragona 2. 2. 83. art. 11. qui putat hanc obligationem non esse tam rigorosam, sicut in clericis sacrorum ordinum; vnde ait, non peccare mortaliter Religiosos choro deputatos, qui bis, vel ter priuatim diuinum

officium omittunt. Quia vel consuetudo talis est, vt æquetur præcepto recitandi diuinum officium, vel non est huiusmodi. Si primum, consequenter sequitur peccare mortaliter Religiosos qui semel horas canonicas omittunt, quia est materia gravis, nec aperienda est ianua omissioni officij diuini in huiusmodi Religiosis. Si secundum, profectò non peccabunt mortaliter tales Religiosi, etiam si sapius illud prætermittant, quia non agunt contra præceptum. At tunc excusare illos non audent ipse Arag. ergo oportet, vt fateatur hac consuetudine esse introductum præceptum obligans sub mortali hos Religiosos ad recitandum quotidie diuinum officium. Cuius sententiæ fundamentum est, quia communi, & generali Ecclesiæ consuetudine, quæ legis vim habet, ita est declaratum.

Nec obstat, quòd si Religiosus chorista ad laicorum ordinem transferatur, non obligabitur ad officium, quare nec antea. Quia Prælati potest auferre obligationem indirectè, sublato fundamento obligationis: sicut etiam Episcopus auferens beneficium à clerico, tollit obligationem recitandi officium.

Hinc Religiosus qui in priori Religione tenebatur recitare horas canonicas, non tenetur ad illas recitandas, si transeat ad aliam Religionem, in qua consuetudo recitandi horas canonicas introducta non est, nam consuetudo non obligat, vbi recepta non est. Suar. lib. 4. cap. 17. numero 2.

QVÆ.



## QVÆSTIO LVI.

*An Religiosus aliàs deputatus ad chorum, & nondum in sacris constitutus, qui Romani Pontificis auctoritate, & privilegio extra Monasterium vivit, horas canonicas recitare teneatur.*

**E**T quidem si Religiosus facultatem, & dispensationem habet vivendi extra Monasterium solum ad tempus, certum est hunc ad horas recitandas teneri. Et ratio est, quia hic per talem dispensationem non desinit esse Regularis.

Tum quia non liberatur aliis oneribus Religionis, quæ extra claustra potest implere, ergo neque ab horis canonicis. Et ideo ita tenet Navar. de orat. cap. 7. num. 22.

## QVÆSTIO LVII.

*Quæstio igitur est de eo, qui iustam dispensationem, vel privilegium habet vivendi in perpetuum extra Monasterium.*

**N**AVAR. de oratione cap. 7. num. 22. & Suar. tom. 2. de Relig. lib. 4. cap. 17. nu. 8. affirmant eum ad id teneri.

At contrarium mihi suadeo sequutus Sotum lib. 10. q. 5. ar. 3. Azor. lib. 10. cap. 6. q. 8. Bonacinam disp. 1. q. 2. p. 2. num. 4. & alios. Ducor, quoniam eo ipso eximitur à choro, cum liberetur perpetuo ab usu eius, cuius consuetudine eiusmodi obligatio existit.

Tum quia quamvis non desinat esse Religiosus, nihilominus desinit esse Regularis, ac subinde non tenetur ad regulas Religionis, in qua consuetudo est recitandi officium.

An autè hic ad alia Religionis onera teneatur, patet ex dictis à nobis in thesauro Religiosorum.

### QVÆSTIO LVIII.

*An Religiosus qui facultatem, & dispensationem ducendi uxorem obtinuit, & uxorem iam duxit, aut iam exiit de Monasterio, ut uxorem ducat, ad recitandum diuinum officium teneatur.*

**R**ESPONDEO non teneri. Et ratio est, quia omnino desinit esse Religiosus. Quod fieri posse à Papa iusta de causa docuimus in nostro thesauro Religiosorum, dicentes iustam fore causam, ut dispensaretur cum filio Regis Religioso ob defectum hæredum ad procreandos eos, & ad sedanda scandala, ut pacificè regnaret, & liberos hæredes procrearet. Talis enim Religiosus iuste per talem dispensationem coniugatus non teneretur horas

LIBER II. QVÆST LIX. 393  
canonicas recitare, quia omninò desineret esse Religiosus.

---

## QVÆSTIO LIX.

*An clericus qui priuilegio Pontificis uxorem duxit, ad recitandum diuinum officium teneatur.*

SANCH. lib.8.de matrimonio quæst.8. num.11.  
negat.

Sed verius, ac probabilius multò est, quod docet Azor. lib.10. cap.5. q.5. videlicet hunc ad diuinum officium teneri. Ducor, quia dispensatio est odiosa, ergo strictè est explicanda, & per consequens priuilegium ducendi uxorem, non videtur exemptionem ab obligatione recitandi officium continere.

Tum quia adhuc retinet characterem, ratione cuius tenetur horas canonicas persolvere.

---

## QVÆSTIO LX.

*An Religiosus fugitiuus ad horas canonicas teneatur.*

ET quidem si sit in sacris, certum est apud omnes cum ad id teneri.

## QVÆSTIO LXI.

*Sed dubium est, quando fugitiuus non est  
sacris insignitus.*

**B**ONACINA disp. 1. q. 2. p. 2. nu. 6. negat, quia  
Bēst in statu, in quo non est consuetudo persol-  
uendi diuinum officium.

Alij verò rectius affirmant. Et ratio est, quia  
culpa non debet ei patrocinari, aut libertatem con-  
ferre.

Nec obstat, quod à choro absit, & aliunde quàm  
ex Monasterij bonis alatur, cum vtrumque sua ma-  
litia contingat. Et ideo ita sentiunt Nauar. de ora-  
tione cap. 7. nu. 19. & 20. Less. lib. 2. de iust. cap. 37.  
dub. 9. n. 50. Azor. lib. 10. cap. 6. qu. 5. & Suar. lib. 4.  
cap. 17. n. 9.

## QVÆSTIO LXII.

*An Religiosus qui ob delictum suum est ad  
trivemes damnatus, teneatur diuinum of-  
ficiū recitare.*

**Q**VÆSTIO intelligitur de Religioso nondum  
ad sacros ordines promotus, quia de promotus  
certum est, eum ad id teneri ratione ordinis sacri.

Et quidem si in perpetuum damnetur, certum est  
eum esse liberum, quia eictio est perpetua : & ré-  
moue

mouetur à statu , in quo consuetudo inualuit  
perfoluendi diuinum officium, & transfertur ad  
statum, in quo huiusmodi consuetudo, & obligatio  
non reperitur.

---

## QVÆSTIO LXIII.

*Tota igitur difficultas est de damnato ad  
tempus.*

**Q**UIDAM affirmant, cum ad id non teneri.  
Contrarium nihilominus, cenſeo probabi-  
lius. Ducor, quia ſua culpa eam pœnam ſuſtinere, &  
perferre compellitur. Tum quia non eſt abſolutè  
de Monafterio eiectus, ſed verè illius Religionis  
membrum, ergo ad diuinum officium tenebitur, pe-  
rinde ac Religioſus qui iuſta de cauſa cum ſupe-  
rioris licentia ad tempus extra Monafterium com-  
moratur. Aliunde tamen iuſtam excuſationem ha-  
bere poteſt eius oneris, vt ſi horarum canonicarum  
codice careat, aut ſi habeat codicem, tamen recitare  
commodè nequeat.

---

## QVÆSTIO LXIV.

*An Religioſus per iuſtam ſententiam è Mo-  
naſterio eiectus, ad recitandum diuinum  
officium teneatur.*

**E**T quidem ſi ſit ad ſacros ordines promotus,  
certum eſt, cum ad id teneri.

QVÆST.

## QVÆSTIO LXV.

*Sed dubium est, quando à Religione eiectus non est ad sacros ordines promotus.*

**N**AVAR. lib. de oratione cap. 7. num. 20. & in cap. Nullum. 15. q. 2. num. 45. affirmat hunc ad id teneri.

At verò Sotus lib. 10. q. 5. ar. 3. & Bonacina disp. 1. q. 2. p. 2. n. 3. negant. Et meritò quidem, quia Religiosus est ad diuinum officium adstrictus solum ex consuetudine, quatenus est ad chorum deputatus, sed qui per sententiam à Monasterio expellitur amplius non est choro addictus, ergo ab hoc onere recitandi est immunis.

## QVÆSTIO LXVI.

*An superior possit cum Religiosis nondum in sacris constitutis, circa obligationem recitandi officium dispensare?*

**S**VAR. tom. 2. de Relig. lib. 4. cap. 28. num. 41. Reginal. lib. 18. num. 141. & 186. Vasq. in opusc. de benef. cap. 4. §. 1. ar. 1. dub. 11. num. 49. Graff. 1. p. lib. 2. c. 54. num. 9. & Macig. de horis canon. cap. 22. num. 8. tenent non posse.

Sed quamvis sententia hæc sit valdè probabilis, probabiliorem tamen iudico contrariam. Ducor, quia cum hæc tota obligatio in Religiosis ex consuetudine ortum habeat, quæ vim legis habet in Religio

Religione, valdè probabile est, posse superiorem ex iusta causa in ea dispensare, sicut in aliis statutis etiam obligatoriis, si iusta causa subsit, ut rectè docet Valent. 2. 2. d. 6. q. 2. p. 10. Quam causam debere esse grauem ex eo colligitur, quòd ne quis quidem, quem necessitas compellit agriculturam exercere, liberatur à tali onere, prout constat ex cap. 1. de celebr. Missarum. Vnde non mihi videtur satis tuta dispensatio, quam ex causa studiorum nonnulli superiores dant suis Religiosis choristis, quoniam recitatio horarum canonicarum non est talis, neque tantus studiorum obex, ut experientia docet, quin fructum vberimum eas recitans possit reportare, ex ipsis studiis, si eis sedulò incubuerit.

---

## QVÆSTIO LXVII.

*An si Religiosus destinatus ad chorum, nec in sacris constitutus, iussu, & authoritate superiorum transferatur ad statum conuersorum, ab horarum canonicarum onere sit liber.*

**R**ESPONDEO esse liberum. Et ratio est, quia hæc obligatio nec iure naturæ, nec ex voti, aut professionis, sed ex antiquissima, & sancta consuetudine ortum habet, & ex eo quòd Religiosus deputatur ad chorum: ergo qui legitima superioris authoritate liberatur à choro, eo ipso à lege horarum canonicarum solutus censetur.

Deinde, sicut beneficiarius in minoribus, qui beneficium

398 DE HORIS CANONICIS  
necium deponit, ab onere recitandi liberatur, ita  
similiter Religiosus qui à choro eximitur ab eo-  
dem onere fit liber. Sotus lib. 10. quæstio. 5. ar-  
tic. 3.

An autem Religiosus choro deputatus, possit  
superioris authoritatē ad statum conuersorum  
transferri. Et cuius Prælati authoritate hæc trans-  
latio fieri possit; patet ex dictis à nobis in thesau-  
ro Religiosorum, lib. 6. q. 177. & 178.

---

### QVÆSTIO LXVIII.

*Vtrum Nouitij, qui chorum, & cantum fre-  
quentant, diuinum officium persol-  
uere teneantur.*

**P**ALVD. in 4. dist. 15. q. 5. affirmat Nouitios tene-  
ri, sicut cæteros professos, recitare horas cano-  
nicas, cum comedant de elemosynis, sicut reliqui  
Religiosi, & gaudeant priuilegiis clericorum.

Sed constans est omnium opinio, eos ab hoc  
opere esse immunes. Et ratio est, quia verè non-  
dum sunt Religiosi effecti, sed tantum in via ad  
perfectionem, per quam Religiosi fiunt reuera, ne-  
que in onerosis sub illa voce comprehenduntur, &  
quod caput est, nulla est lex, vel consuetudo, quæ  
illos obliget ad hoc. Et ideo ita tenent Nauar. de  
oratione cap. 7. numero 4. Aragon. 2. 2. quæst. 83.  
art. 12. Tolet. lib. 2. cap. 12. Rodriq. parte 1. ca-  
pit. 1. num. 10. Azor. lib. 10. cap. 6. quæst. 2. &  
communis.

Nec



Nec obstat quòd Nouitij instar professorum de elemosynis laicorum alantur, quia eo ipso quòd se subiiciunt ordini, sub disciplina Religiosa vitam agendo, debetur eis victus & vestitus.

Nec etiam obstat, quòd Nouitij gaudeant priuilegio canonis cap. si quis suadente diabolo 17. quæ. 1. quo excommunicantur illi, qui percutiunt clericos, quia clerici primæ tonsuræ, & quatuor minoribus constituti eo gaudent, & tamen non tenentur ad horas.

---

## Q V Æ S T I O LXIX.

*Utrum fratres, & sorores tertij ordinis sancti  
Francisci ad horas canonicas per-  
soluendas teneantur.*

**R**ESOLVTIO huius quæstionis petit vt inquiramus, An fratres, & sorores tertij ordinis sancti Francisci sint verè, propriè, ac simpliciter Religiosi.

Pro cuius quæstionis intelligentia, obseruandum est primò, fratres, & sorores tertij ordinis sancti Francisci esse in duplici differentia. Quidam enim illorum, & primi tempore sunt illi, qui non emittunt tria vota solemnia in Religione sub Regula approbata per sedem Apostolicam, nec in cõmuni viuunt, sed in propriis domibus cum suis vxoribus, & filiis, aut familia prout faciunt alij sæculares, excepto, quòd obseruant ea quæ in Regula per Nicolaum I V. compilata continentur.

Alij verò Tertiarij sunt, qui faciunt prædicta tria  
vota

vota solemnia in manibus sui Ministri, vel Ministræ coram communitate, & viuunt in communi sub clausura Quo iacto fundamento,

Primò dico, quòd Tertiarij primi generis, qui fuerunt ordinati per Beatum Franciscum, non sunt verè, propriè, ac simpliciter Religiosi, sed solùm impropriè, & secundùm quid. Et ratio est, quia isti non emittunt tria solemnia vota, nec profitentur aliquam Religionis Regulam, sed aliam longè diuersam, quæ licèt fuerit per Romanum Pontificem comprobata, fuit tamen comprobata, vt quidam modus bene viuendi, vt rectè monet Diuus Thomas 2. 2. q. 187. art. 4. & de istis loquutus sum in Thesauro Religiosorum, quando in eo libro dixi fratres, & sorores tertij ordinis non esse verè, & propriè Religiosos.

Ex quo infertur huiusmodi Tertiarios ad persoluendum horas canonicas non teneri. Et ratio est, quia cùm isti non sint verè, & absolutè Religiosi, vt suprà probatum est, non debent onere Religiosorum grauari.

Secundò dico, quod Tertiarij secundi generis sunt verè, propriè, ac simpliciter Religiosi. Et ratio est, quia illi sunt verè, & propriè Religiosi, qui in Religione per sedem Apostolicam approbata certam Regulam vouent, & emittunt tria Religionis essentialia, & substantialia vota, nimirum, obedientiam, castitatem, & paupertatem in manu superioris, vt definitur in cap. Ad monasterium. de statu Monachorum, & tradit eleganter Diuus Thomas 2. 2. q. 88. ar. 7. Atqui fratres, & sorores huiusmodi, faciunt hæc omnia, vt cõstat ex cõcessione Sixti IV. & Leonis X. & tradit Rodriq. tom. 3. de Reg. q. 72.

art. 1. ego sunt verè, & absolutè Religiosi, quorum quamplurima sunt Monasteria.

Ex quo sequitur huiusmodi fratres, & sorores tertij ordinis Sancti Francisci, cùm sint verè, & simpliciter Religiosi, ad pensum horarum canonicarum teneri.

## QVÆSTIO LXX.

*An Religiosi laici, seu Conuersi ad horas canonicas teneantur.*

**D**iuus Anton. in 4. par. tit. 3. cap. 8. Palud. in 4. dist. 15. quæst. 5. Tab. verb. hora §. 8. & plerique alij docuerunt hos teneri ad recitandum horas Canonicas, quia viuūt ex eleemosynis sæcularium, quibus aliquo modo recompensare tenentur.

Communis tamen tam Theologorum, quàm Canonistarum sententiâ habet eos ad illas non teneri. Et ratio est, quia, vt diximus, Religiosi nullo naturali, aut diuino iure coguntur horas canonicas persolvere, sed consuetudine vsu recepta. At consuetudine huiusmodi Religiosi Conuersi ab hoc onere sunt liberi, ergo.

Tum quia illorum munus in Religione non est vacare exercitiis ecclesiasticis, sed ministrare mensis, clericis seruientes. Vnde secundum Syluestrum gloriam Thomistarum, verbo horæ Canonicæ §. 3. & Summam Coronam eodem titulo, si in illis sunt notabiliter negligentes, peccant mortaliter, quia in Religione ad hæc præcipuè recipiuntur, vt scilicet corporalia seruitia diligenter exerceant.

Tum quia loco horarum canonicarum in omnibus ferè Religionibus, Religiosis cōuersis certus orationum Dominicarum numerus imponitur, quem explere tenentur, & quòd suo modo horæ canonicæ dici possunt, quod solet breuius & facilius esse, vt illi non impediuntur à debitis obsequiis clericis exhibendis.

Quam doctrinam existimo esse aded veram, vt laici qui sine licentia sui Prælati recipiunt ordines sacros, non teneantur postea horas canonicas recitare, eo modo quo cæteri Religiosi choristæ initiati ordinibus. Sic enim declarauit Leo X. dicens, quòd laici qui sine licentia suorum Prælatorum accipiunt ordines sacros, priuentur omni honore clericali, neque permittantur dicere diuinum officium, sed cogantur more solito laborare, licet libenter redeant ad Religionem relicta apostasia, quod præcipitur fieri in Religione Sancti Francisci, vt habetur in Compendio priuileg. titulo laici fratres §. 4. & notat Rodriq. cap. 141. num. 3.

Nec argumentum Diui Antonini & aliorum in contrarium adductum vrget, quia etsi Religiosi conuersi ex eleemosynis sæcularium alantur: suo tamen modo pro illis orare censentur, in quantum alios orantes adiuuant, eos à curis aliis & sollicitudinibus excusando, vt rectius, & attentius Deo vacent. Quod satis est, etiam si aliàs ipsi non orarent, vt iustè Monasterij eleemosynis, siue redditib. viuât.

Et idem dicendum est de Monialibus Religionem professis, quæ laicæ, seu conuersæ dicuntur. Ita Roder. par. 1. cap. 141. nu. 13.

Ex quo infertur, Equites Sancti Ioannis, & Sancti Iacobi ad bellum, & prælium professos, ab one-

LIBER II. QVÆST. LXXI. 403  
re recitandi horas canonicas esse liberos. Quia non  
est vsu receptum, vt isti ad hoc onus obligentur.  
Vnde satis est, vt eas præces quotidie fundant, ac  
recitent, quas eorum Regula, vel constitutiones  
præscribunt, vt sunt tot *Pater noster*, & tot *Aue  
Maria*, ad quas tamen sub mortali non tenentur, vt  
declarauit Martinus V. & Innocentius VIII. & tra-  
dit Ayala in compendio eiusdem Regulæ fol. 15. &  
Roder. 1. p. cap. 141. num. 9.

---

### QVÆSTIO LXXI.

*An laici, seu conuersi, ita obligentur, vt mor-  
taliter peccent, si absque vlla causa suum  
officium sibi præscriptum prætermittant.*

**D**IVVS Antoninus 3. p. tit. 13. c. 4. & Iacobus de  
Graffis lib. 2. decis. cap. 50. nu. 7. affirmant eos  
peccatum mortale committere.

Sed cæteri communi cōsensu negant, ex eo quia  
laici, seu conuersi in Monasteriis solum corporali-  
bus exercitiis & in obsequium choristarum, vt hi li-  
berius Deo vacet, mācipantur, & sic eorū principale  
institutū est, actiuā vitam exercere, & ideo in Reli-  
gionibus, in quibus conuersi rot *Pater noster*, & tot  
*Aue Maria* quotidie dicere tenentur, hæc obliga-  
tio nō habet vim aliā præcepti nisi quantū in ipsa  
Religione exprimitur. Vnde in nostra Cōgregatio-  
ne Beatæ Mariæ Fulienfis, quia illud vinculum  
ad nullam culpam obligat, nisi vbi contemptus  
adfuerit, sed ad pœnam tantum, conuersi offi-  
cium sibi præscriptum relinquentes, non peccā-  
bunt mortaliter, immò nec venialiter, nisi aliunde

de ratio culpæ ortum habuerit. Et idem fatetur A-  
ragona de conuersis sui ordinis Eremit. Sancti Au-  
gustini, & Summa Corona de conuersis ordinis  
Canonicorum Regularium & ordinis Sancti Do-  
minici. Secus tamen est de Conuersis Ordinis San-  
cti Francisci reformatis, & Sancti Benedicti, qui  
Monachi nigri vocantur, qui vt constat ex eorum  
statutis, ad mortale obligantur.

Idem mihi videtur dicendum de Conuersis Mo-  
nasterij Monialium, quæ ad munia coquinæ pro-  
fitentur ob eandem rationem.

## QVÆSTIO LXXII.

*An præceptum de recitandis horis canonicis  
obliget ad mortale.*

**A**NGELVS verb. hora num. 10. censet obligare  
solum ad veniale, ac proinde si quis per ne-  
gligentiam, eas recitare omittat, non peccat nisi  
venialiter. Secus si ex contemptu, aut tædio rerum  
diuinarum, vel cum aliorum offensione, vel ex cõ-  
suetudine eas prætermittat.

Communis tamen tam Theologorum, quàm  
Canonistarum sententia habet, præceptum de re-  
citandis horis Canonicis obligare ad mortale, ac  
proinde qui illas etiam absque contemptu, sed per  
solam negligentiam sine iusta & debita causa o-  
mittit, peccat mortaliter. Ratio est, quia agit con-  
tra peculiare præceptum Concilij Generalis sub  
Innoc. III. vbi Ecclesiasticis districtè præcipitur in  
virtute Sanctæ obedientiæ, vt diuinum officium  
nocturnum, pariter & diurnum, quantum eis Deus  
dederit, studiosè celebrent, pariter & deuotè. Quæ  
verba

LIBER II. QVÆST. LXXIII. 405  
verba plenissimè ostendunt præcepti vim obligan-  
tis ad mortale.

Tum quia in cap. Clericus victum. dist. 91. tale  
peccatum est dignum excommunicatione, quæ  
non imponitur nisi ob peccatum mortale, vñ con-  
stat ex cap. Nemo Episcoporum. 11. q. 5. & tradit  
Nauar. de orat. cap. 7. num. 5.

---

### QVÆSTIO LXXIII.

*An peccet mortaliter, qui voluntariè, & sine  
legitima excusatione integrum officium  
canonicum vnius diei omittit.*

**R**ESPONDEO eum peccare mortaliter. Et ratio  
est, quia qui violat præceptū in re graui, pec-  
cat mortaliter: qui autem omittit recitationem di-  
uini officij vnius diei, violat præceptum in re gra-  
ui pertinente ad virtutem Religionis, & ad colen-  
dum Deum, ergo peccat mortaliter.

Tum quia qui omittit Missam in die festo, vel  
vnus diei ieiunium præceptum frangit, mortale  
peccatum committit, vt constat, ergo & qui omit-  
tit integrum officium vnius diei peccat mortaliter.

Tum etiam, quia omittens diuinum officium su-  
spendi potest. Cap. Dolentes. de celebrat. Missar.  
Immo etiam potest excommunicari. Clem. 1. cod.  
tit. istæ autē censuræ supponunt grauē culpā, ergo.

Hinc, non sunt audiendi Aragona 2. 2. q. 83. art.  
12. & Rodriq. 1. p. cap. 141. n. 3. asserentes eum qui  
semel, aut bis omittit recitare diuinum officium  
ex negligentia, & non ex contemptu, non peccare  
mortaliter.

## QVÆSTIO LXXIV.

*An qui ex negligentia notabilem partem officij vnius diei omittit, peccet mortaliter.*

**R**ESPONDEO cum peccare mortaliter. Et ratio est, quia pars notabilis est etiam materia grauis iudicio prudentum.

Tum quia non solum peccat mortaliter, qui in die festo totam Missam negligit, sed etiam qui notabilem partem eius omittit, vt constat ex c. Missas. 2. de consecr. dist. 1. ergo etiam mortaliter peccat qui notabilem officij partem omittit, cum eadem sit vtriusque ratio.

Tum demum, quia officia diuina non sunt imperfectè relinquenda. cap. Illud. & cap. Nihil. 7. q. 1. ergo qui sine iusta causa diuinum officium notabiliter mutilat, peccat mortaliter.

## QVÆSTIO LXXV.

*An peccet mortaliter, qui vnius tantum horæ officium integrum omittit, v.g. tertiam, vel sextam.*

**R**OSELLA verbo hora nu. 3. negat, putat enim totius officij vnius diei omissionem requiri ad constituendum in hac re peccatum mortale.

In contrarium tamen est vetus & communis, & veta sententia. Tum quia quælibet hora officij diuini contingens in tali parte, est notabilis.

Tum quia talis omissio est notabilis deformitas,

&



LIBER II. QVÆST. LXXVI. 407  
& mutilatio talis partis officij, quæ sufficeret ad mortale, si sola sub eo reatu præciperetur, quales sunt sine dubio singulæ eadem horæ, quæ simul quidem & tanquam partes eiusdem totius præcipiuntur, sed perinde ac si seorsim vnaquæque præciperetur. Et ideo ita tenent Sylu. verb. hora q. 12. Tab. n. 18. Reginald. lib. 18. n. 143. Rodriq. 1. p. c. 141. n. 17. Molfes. cap. 5. n. 7. Suar. loc. cit. nu. 15. Filiuc. to. 2. tract. 23. c. 7. & alij communiter.

---

### QVÆSTIO LXXVI.

*An qui vnius horæ aliquam partem omittit,  
peccet mortaliter.*

ET quidem si pars omissa sit parua, puta vna dictio, aut pars vnius versus, vel psalmi etiam sine voluntate repetendi, non est plusquam veniale, modò absque contemptu, & notabili scandalo omittatur, quia vt rectè docet D. Thom. 2. 2. q. 59. art. 4. in omni materia præceptorum modicitas excusat à mortali.

---

### QVÆSTIO LXXVII.

*Totum igitur controuersie diffidium est, quando pars omissa diuini officij est notabilis.*

SYLVESTER verbo hora. q. 12. negat, putat enim vnius horæ omissionem requiri ad committendum in hac re peccatum mortale.

At communis omnium opinio docet, eum qui vnius horæ vnâ partem notabilem omittit, peccare mortaliter. Quia talis omissio est notabilis deformitas, & mutilatio diuini officij. Sic Nauar. in

QVÆSTIO LXXVIII.

*Quenam horarum canonicarum pars censeri  
debeat ita notabilis, ut illius ommissio ad  
mortale sufficiat.*

**N**AVAR. in Man.cap.25.num.68. Azor. lib.10.  
cap.7.quæstio.3. Macig.cap.26.numer.2. Mal-  
der. tract.10.cap.2. dubio 3. & multi alij, putant  
partem notabilem horæ verbi gratia Primæ, vel  
Tertiæ, esse tertiam partem. Quia tertia pars ho-  
ræ videtur pars notabilis respectu illius horæ.  
Vnde idem Nauar.de oratione cap.10.numero 43.  
censet esse partem notabilem in prima, vel ter-  
tia, omittere totum initium vsque ad primum psal-  
mum inclusiue. Quia illa est (inquit) circiter ter-  
tia pars.

Sed hæc istorum opinio est nimis rigida, quia  
etsi vna hora sit materia grauis, & sufficiens vt sub  
mortali præcipiatur, non tamen inde sequitur,  
tertiam eius partem talem esse, alioquin etiam  
tertia pars vnius psalmi talis dicenda esset.

Alij verò censent, grauitatem materiæ non es-  
se desumendam ex eo quod sit tertia, vel quarta  
pars, sed ex eo quod sit magna in se, considerata  
dignitate eius, & deformitate respectu totius  
officij secundum prudentem æstimationem. Vn-  
de in Maturino cum Laudibus, vnum nocturnum  
est quarta pars tantum, & tamen eius ommissio cen-  
setur materia grauis. Contrà in hora tertia, vel  
sex

sexta Hymnus cum primo psalmo est tertia pars, & tamen hi non existimant esse materiam grauem. Aiunt ergo omissionem partis quæ æquiualeat minimæ horæ, esse peccatum mortale. Si verò non attingat, esse tantum peccatum veniale. Et idè ita tenent Syluest verb. hora quæst. 12. Ang. nu. 8. & alij qui citant Palud. in 4. dist. 15. q. 5. Quam sententiam censet esse probabilem Filiuc. tom. 2. tract. 23. cap. 7.

At ego arbitror medietatem horæ parvæ esse materiam notabilem, quamuis in publica recitatione, tertiam partem satis esse existimem. Ducor quia pars infra dimidiam partem horæ minimæ secundum se videtur modica, & levis, & consequenter non sufficiens ad mortale peccatum.

Tum quia verisimile non est Deum velle perpetuis gehennæ suppliciis illum subiicere, qui leuiorem dimidia parte minimæ horæ omittit. Quare dicendum est dimidiam partem minimæ horæ esse materiam grauem, non verò tertiam partem vnius horæ parvæ.

---

## QVÆSTIO LXXIX.

*An omnes septem hora canonice unicum integrum ecclesiasticum officium constituât, ita ut qualibet hora pars illius habeatur, an verò sint septem inter se diuersæ preces quasi septem officia septem diei distinctis temporibus à clerico persoluenda.*

**T**ABIENA verbo hora q. 18. Less. lib. 2. cap. 37. dub. 9. nu. 53. & multi alij putant esse septem officia distincta.

Sed communis opinio est, vnum tantum esse officium quotidie præstandum à clerico ex septem partibus constans. Ita Nauarrus de horis canonicis, & oratione cap. 7. nu. 6. & 7.

### QVÆSTIO LXXX.

*An omittens vna die omnes septem horas canonicas, committat vnum tantum peccatum, an verò tot peccata, quot sunt horæ.*

**N**ON intelligitur quæstio de eo, qui sciens, & volens vnius horæ officium omittit, cum tamen decernat cæteras horas recitare, & deinde appropinquante tempore quo aliam horam dicere deberet, eam quoque tunc temporis scienter omittit, hic enim duo peccata committit. Loquitur ergo de eo qui vnico actu voluntatis omnes septem horas canonicas scienter prætermittit.

Item intelligitur quæstio de peccatis externis, & consummatis, nam interna possunt numero multiplicari, etiam circa vnâ, & eandem horam, repetendo sæpius per diem internam voluntatem nō recitandi in temporibus distinctis, cum interruptione morali. Loquendo igitur de omissione externa, & consummata per vnicum actum voluntatis: sunt quidâ qui dicunt septem peccata mortalia committere, quia putant tot esse præcepta precandi in die, quot sunt horæ canonicæ, sicut si quis quadragenarium ieiunium frangeret, tot peccata com-

mitte

mitteret, quot sunt eius ieiunij dies. Et ideo huius opinionis sunt Tabiena verb. hora q. 18. Less. lib. 2. de iust. cap. 37. dub. 9. num. 53. Tolet. lib. 2. cap. 12. & plerique alij. Quod Syluester intelligit de eo, qui disjunctim eas recitare tenetur, vt Religiosi & seruientes in choro, qui autem ad hoc non tenentur, omnes omittendo pro vno peccato computatur.

Sed cæteri communi consensu docent hunc vnum tantum peccatum externum omissionis consummatum committere. Et ratio est, quia præceptum de toto officio vnius diei vnicum tantum est, non autem tot, quot horæ, omnes enim sunt partes vnius officij, tanquam vnius actionis moralis integræ, & ideo illius totius vna est omissio integra, atque ita vnum peccatum, tanto quidem grauius, quâto plures horæ omittuntur.

Tum quia volitio, qua quis vult integrum officium vnius diei omittere, est vnum numero peccatum, modò actus voluntatis moraliter, id est per contrariam deliberationem non interruptatur, ergo etiam ipsa omissio est vnum numero peccatum.

Obiicies, singulæ horæ sunt distinctæ preces, & orationes distinctis temporibus ex præscripto Ecclesiæ recitandæ, ergo illarum omissiones sunt distincta numero peccata.

Respondeo, singulas horas non esse distincta officia, sed distinctas partes eius officij eodem die persoluendi, sicut sunt manus, & pedes respectu eiusdem hominis.

Dices, singularum horarum recitatio est impletio præcepti, ergo singularum omissio est violatio præcepti.

Respondeo, singularum horarum recitationem esse impletionem partialē praecepti, sicut singularū omissio est violatio praecepti in partē. Et ideo huius opinionis sunt Sylu. verb. hora. nu. 15. Rosell. ibidem n. 7. Nauar. de oratione cap. 7. n. 6. Azor. lib. 10. cap. 7. q. 4. Valent. 1. 2. disp. 6. q. 2. p. 10. Rodriq. p. 1. cap. 141. nu. 16. Reginald. lib. 18. nu. 145. Vasq. de benef. cap. 4. §. 1. ar. 2. dub. 5. Suar. lib. 4. cap. 25. n. 13. Lop. 2. tom. cap. 105. Eman. Sa in aphorif. conf. verb. horæ nu. 14. & alij communiter.

Hinc qui proponit omittere omnes horas canonicas aut notabilem earum partem, peccat mortaliter, de cōque & pœnitere, & confiteri debet suo tempore, quantumcunque postea mutato proposito eas debitè recitet, aliàs confessio non esset integra, quod notandum est pro confessariis & pœnitentibus. Nau. de orat. cap. 7. nu. 11.

Hinc, si is qui vno die, vel hebdomada, vel mense, vel anno diuinum officium omisit, pluries recordatus huius debiti, proposuit illud non dicere, non tenetur id exprimere in confessione, quia adhuc solū est vnum peccatum, nisi interruptio facta sit per contrariam deliberationem. Ita Lop. 2. tom. cap. 105. Can. in Relect. de pœnit. p. 5. & Philarch. 2. p. lib. 2. cap. 22.

Hinc, qui per spatium vnus diei, mensis, aut anni proposuit firmiter non recitare diuinum officiū, toties peccauit mortaliter, quoties hoc prauum propositum deposuit, & de nouo illud innouauit, quod debet notari tanquam quotidianum, & multi momenti.

Hinc, nō est audiendus Petrus Ledesm. 2. p. tract. 9. cap. 4. concl. 14. vbi ait, esse vnum & idem peccatum,

catum, licet multò grauius, si quis recitare omittet officium diuinum vnus mensis, vel anni. Quia licet hoc verum sit quantum ad actum internum voluntatis, quo id proposuit in communi, tamen secuta postea omissione in actu, tot sunt peccata, quot sunt dies, in quibus diuinum officium prætermisit per hebdomadam, vel mensem, vel annum, sicut qui omittit audire Missam in omnibus festis vnus anni, tot peccata committit, quot sunt dies obligationis, quia pro quolibet die est distinctum præceptum.

## QVÆSTIO LXXXI.

*An is qui tres, vel quatuor, vel etiam omnes horas omisit, sue conscientie satisfaciatur dicendo in confessione, commisi vnum peccatum mortale in non recitando.*

**R**ESPONDEO non satisfacere, sed debere explicare quot horas omisit, quia peccatum est magis, vel minùs graue notabiliter, iuxta numerum horarum omissarum. Nam licet magnum sit dissidium inter Theologos, an circumstantiæ quæ notabiliter aggrauant peccatū intra eandem speciē, sint necessariò confitendæ, de quo dixerunt Nauar. cap. de pœnit. dist. 5. nu. 5. & in Man. cap. 6. n. 7. Lop. to. 1. cap. 29. Rodriq. to. 1. cap. 53. nu. 3. Tolet. lib. 3. ca. 7. Suar. to. 4. disp. 22. lect. 3. & multi alij, in ea tamē sunt sentētia, quòd circumstantiæ notabiliter aggrauantes ex parte obiecti, sunt in confessione explicandæ, aggrauantes verò ex parte subiecti, vt circumstantiæ intentionis, & durationis actus non sunt confi

confitendæ. Et ratio huius est, quia circumstantiæ ex parte obiecti de se sunt preceptibiles, & faciles cognitu, non sic quæ se tenent ex parte subiecti. Henriq. lib. 5. c. 7. §. 6. & Valent. 4. tom. disp. 7. q. 11. Immo est hodie per extrauagantem Pij V. necessarium, ad hoc ut possit confessarius colligere, quænam restitutio sit facienda.

## QVÆSTIO LXXXII.

*Quando peccatum hoc omissionis consummetur.*

**R**ESPONDEO quoad animum consummari statim, atque voluntariè quis statuit illo die non recitare officium, quod peccatum potest multiplicari per moralem interruptionem, & multiplicationem interiorum actuum. Voluntas enim omittendi sæpius repetitur, dum sæpius interrupta per contrariam deliberationem renouatur. At verò quoad rem ipsam, non consummatur, nisi in fine diei, nimirum in puncto medietatis noctis, quando non est amplius tempus illam auferendi. Vnde qui manè non recitauit, v.g. Matutinum animo non dicendi illud eo die, nondum re ipsa omisit, quia si animum mutet, & ante punctum medietatis noctis dicat, verum est dicere, re ipsa non omisisse. Quare si lata esset excommunicatio contra non recitantes officium, hæc non incurreretur nisi in fine diei, quia excommunicatio non incurritur ob peccatum internum: sed ob peccatum externum completum: peccatum autem externum omissionis officij non est completum, quandiu vacat tempus ad illud persoluendum, cum intra illud

tem



LIBER II. QVÆST. LXXXIII. 415  
tempus officium recitari & satisfieri possit. Ita  
Suar.lib.4.cap.13.num.19.

### QVÆSTIO LXXXIII.

*An qui ratione ordinis sacri, & beneficij ad  
diuinum officium tenetur, duo peccata  
specie distincta committat, si illud recita-  
re prætermittat.*

**H**ENRIQ. lib.5. de pœnitentia cap. 5. num.6.  
Garz.de benef.to.1.3.p.cap.1. num.125. Azor.  
lib.4.cap.2.q.6. & plerique alij affirmant vnum tã-  
tùm peccatum committere.

Alij verò vt Sanch. lib.9.de matrim.disp.15. nu.  
6.Suar.tom.2.de Relig.lib.4.cap.13. & Macig. cap.  
10.numer. 5. & cap.25.numero 10. docent hunc  
duo peccata committere, vnum contra obligatio-  
nem ratione ordinis sacri, alterum verò contra ob-  
ligationem ratione beneficij. Et ratio est, quia tot  
sunt specie peccata, quot sunt virtutes, quæ violan-  
tùr: atqui hic nò solum violatur virtus Religionis,  
cuius intuitu sacris initiatus ad diuinum officium  
obligatur, verùm etiam læditur iustitia ratione be-  
nificij, confert enim Ecclesiæ beneficium eo onere,  
vt illud possidens diuinum officium persoluat, &  
aliàs eius redditus non faciat suos, ergo beneficia-  
rius diuini officij recitationem omittens, facit con-  
tra istud pactum, ergo violat iustitiam.

Hinc qui horas canonicas recitare præter-  
mittit, tenetur in confessione explicare titu-  
los sue obligationis, an videlicet teneretur officium  
ratione beneficij, & ordinis persolvere: constat  
enim

416 DE HORIS CANONICIS  
enim peccata quoad speciem in confessione explicanda esse: non explicarentur autem, si pœnitens hos titulos reticeret, vt confessarius aliunde non cognosceret statum pœnitentis.

Sed profectò licet hæc sententia tutior sit, non tamen probabilitatem primę sententię tollit, quam vt probabiliorem nos suprà sequuti fuimus.

---

## QVÆSTIO LXXXIV.

*An qui plura beneficia possidet, tot peccata committat, quot sunt beneficia, dum diuinum officium prætermittit.*

ET videtur quodd sic, quia cùm quodlibet beneficium detur propter officium, plures huiusmodi concurrunt tituli, & rationes obligationum, & plura specialia præcepta: sicut qui frāgit ieiunium in vigilia Sancti Matthiæ, in qua occurrit aliud ieiunium de præcepto, vel qui non audit Missam in die festo, qui incidit in diem Dominicam, duo peccata mortalia committit, vt post alios docet Nau. in sum. cap. 11. num. 4.

Sed hoc non obstante tanquam certum tenendum est, hunc non peccare nisi vnum peccatum. Et ratio est, quia quamuis quodlibet beneficium de per se ad officium obliget, tamen cum in vna persona iungantur, ratione omnium vna sola confurgit obligatio recitandi, non plures, ac proinde si diuinum officium omittit, non cōmittit nisi

vnum

LIBER II. QVÆST. LXXXV. 417  
vnum peccatum mortale. & ideo ita tenent Garz.  
3.p. cap. 1. num. 142. Henriquez lib. 5. cap. 7. nu-  
mero 6. Azor. 1. part. lib. 4. cap. 2. quæst. 6. & multi  
alij.

Nec ratio dubij obstat, quia verius est ibi non  
committi nisi vnum peccatum, quia cùm ista di-  
uerfa præcepta eiusdem speciei circa eandem nu-  
mero materiam versentur, in idem recidere viden-  
tur. Vnde in confessione non erit opus hanc cir-  
cunstanciam exprimere. Ita Henriq. lib. 12. c. 10. §. 3.  
Vasq. 1. 2. d. 98. n. 8. & plerique alij.

---

### QVÆSTIO LXXXV.

*An peccet, qui cùm diuinum officium persol-  
uit, verba mutila, & decurtata  
scienter profert.*

ET quidem certum est, hunc qui cum diuinum  
officium dicit, mutila verba, & decurtata scien-  
ter profert, non nihil peccatum committere. Et ra-  
tio est, quia qui debet totam aliquam quantitatem,  
non satisfacit dando partem, & quaecunque sub-  
trahat inuito creditore peccat, sed clericus tenetur  
integrum officium persolvere, ergo si scienter ali-  
quam eius partem mutilat, peccatum committit.

---

### QVÆSTIO LXXXVI.

*Sed dubium est, An hic peccet mortaliter?*

RESPONDEO, eum qui dum recitat, notabiliter  
verba mutila & decurtata scienter profert,  
D d                      morta

mortaliter peccare. Et ratio est, quia violat Ecclesiæ præceptum in re graui. Vnde in c. Dolentes. de celebr. Missar. clerici, & beneficiarij reprehenduntur, qui transcurrento, & syncopando diuinum officium recitant. Et in Conc. Basil. sess. 21. §. 4. sic habetur. Quosunque beneficiarios, seu in sacris constitutos, cum ad horas canonicas teneantur, adinonet hæc sancta synodus, vt si orationes suas Deo acceptas fore cupiant, non in gutture, vel inter dentes, seu deglutiendo, aut syncopando dictiones, vel colloquia, aut risus intermiscendo, sed siue soli, siue associati, diurnum, nocturnumque officium reuerenter, verbisque distinctis persoluant. Hæc ibi. Hoc autem intelligitur, nisi excusetur ob præcipientiam linguæ, aut balbutiem, aut inolitam consuetudinem, quam corrigere nequit.

Hinc, qui dum recitat, tantam partem versuum, vel psalmorum scienter omittit, ita vt ex omisissis, vel malè, ac corruptè recitatis, constituatur pars notabilis, peccat mortaliter. Et ratio est, quia qui sic recitat, omittit partem notabilem horarum, nec recitat eas integras, ac proinde Ecclesiæ præceptum non implet. Quæ culpa grauior est, cum fit à toto choro, quam cum fit ab vno, vel altero tantum, tunc enim afferret scandalum populo audienti, & est irreparabilis mutilatio, cum non possit repeti publicè, quod semel cantatum est. De ea autem primò parti ipat qui præest choro, deinde alij cooperatores.

Hinc qui ob solam negligentiam tories syllabas contrahunt, & dictiones deglutiunt, vt iudicio boni viri fiat notabilis confusio, peccant mortaliter. Et ratio est, quia notabiliter minuunt officium, & interturbant deuotionem. Ita Nau. in Man. c. 25. n. 98.

Vnde

Vnde D. Bern. in serm. 47. in Cant. Non præcidêres, inquit, verba dimidia, non integra transilientes, non fractis, & remissis vocibus, muliebre quiddam balbadenare sonantes, sed virili, vt dignum est, & sonitu, & affectu voces sancti Spiritus depromamus.

Hinc peccant mortaliter, qui recitando, vel canendo, notabiliter anticipant versus, omittentes audire vltimam syllabam versus, quos alij recitant, vel cantant, nam præterquam quòd audire, non sinunt partem horarum, quam socij audire tenentur, prætermittunt, & confundunt intellectum eius, quod recitatur, & causam dant propriæ & alienæ distractioni, omittendo audire finem versus aliorum, & non permittendo principium suum audiri ab alijs. Qui sanè defectus est intolerabilis secundum Nauar. in commentario de silentio, ac proinde à choro penitus expellendus. Vnde huiusmodi tales considerare deberent visionem illam relatam à sancto Antonino 2. p. tit. 9. cap. 13. §. 3. de quodam Patre sancto, cui videnti in choro diabolus multa imponentem sacco, & interrogatum quid imponderet, respondisse syllabas, & verba, quæ hi, vel illi omittunt, vel deglutiunt inter dentes, vel versus incipiunt, antequàm socij suos persoluât, vel malè verba pronunciant, vt illos eius rei accusaret in iudicio.

Hinc qui dicit horas cùm notabiliter balbutiente propter linguæ impedimentum ita ut non bene pronunciet, sine animo repetendi, peccat mortaliter. Quia agit contra Ecclesiæ præceptum in cap. Dolentès. de celebr. Missarum. Et in Clem. 1. eod. tit. & in Conc. Basilien. sess. 21. §. 2.

Animaduertant autem qui timidam conscientiam habent, non teneri ad repetendas horas in casu

quo existimant se vel non integrè pronunciaſſe, vel aliquo modo ſyncopaſſe, vel verba aliqua non voce, ſed gutture dixiſſe, dummodo defectus non ſit valdè notabilis: nam tunc ſatis erit, vt de huiusmodi defectibus pœnitentiam agant.

Ex qua reſolutione colligitur intelligentia priuilegij quod conceſſit Leo X. Minoribus, ſcilicet quòd ſatis faciunt præcepto, cap. Dolentes. de celeb. Miſſar. etiam ſi propter aliquam fatigationem, vel aliam cauſam dicant diuinum officium ſedendo aut deambulando, vel non integrè proferendo verba, prout ſunt ſcripta, propter negligentiam, aut imperitiam, vel malam prolationem naturalem, propter defectum linguæ, &c. Quod ſcilicet, non ſit intelligendum de omittentibus partem notabilem, in his enim non militat ea ratio, quæ militat in parte non notabili, nam priuilegia ſunt reſtringenda, & non amplianda in his, quæ poſſunt eſſe occaſio peccandi.

Dices, Si hoc ita eſt, ergo nihil prodeſt huiusmodi priuilegium.

Reſpondeo, quòd licèt huiusmodi priuilegium nihil concedat vltra ius, multum tamen confert, tum ad pacandas ſcrupuloſas, & timoratas conſcientias fratrum, tum ad tollendam obligationem, qua Religioſi interdum tenentur ſub veniali ſupplere aliquos defectus, qui inter recitandum committuntur, nam hoc priuilegium non excuſat à peccato veniali eos, qui committunt defectus in eo contentos, ſolùm enim conceditur in fauorem recitantis, vt non obſtantibus dictis defectibus, cenſeantur Eccleſiæ præcepto ſatisfacere, etiam ſi eos poſtea non ſuppleant.

QVÆST.

## QVÆSTIO LXXXVII.

*An qui partem aliquam diuini officij prætermisit, teneatur totum officium iterum recitare, an verò sufficiat partem omis-  
sam supplere.*

**E**T quidem si omisit etiam culpabiliter partem aliquam exiguam, puta psalmum, vel lectionem vnius horæ, ipsa peracta, poterit supplere, nec tenetur à principio incipere horam illam.

## QVÆSTIO LXXXVIII.

*Sed dubium est, quando pars omissa ex incuria est notabilis.*

**A**RMILLA verbo hora §. 15. tenet cum Archidiac. quem citat, quòd non sufficit supplere, sed oportet totum repetere officium integrè.

At omninò dicendum est, quòd sufficit supplere omissum. Et ratio est, quia ordo secundum omnes non est substantialis, vt illo omisso, sit mortale peccatum. Consulendum tamen est, vt totum officium repetatur integrè propter decentiam.

## QVÆSTIO LXXXIX.

*An qui itinere fatigatus lecto succumbit cum intentione recitandi in eo memoriter completorium, & inter recitandum obdormiat, cum illius omissione, peccet mortaliter.*

**R**ESPONDEO cum peccare mortaliter, si sciebat, aut scire debebat, quodd attenta sua completionem, & consuetudine illis horis somno præoccupari, nec expergisci solitus erat. Ratio est, quia in hoc casu talis omnino est voluntaria in sua causa. Ita Nauar. de orat. cap. 9. nu. 7. Suar. lib. 3. cap. 26. & Reginal. lib. 18. num. 157.

Idem dicendum est de eo, qui voto, aut pœnitentia tenetur dicere Rosarium, aut quippiam aliud, & antequam illud persoluat, in lecto decumbit, ut illud in eo recitet.

## QVÆSTIO XC.

*An qui semidormiens ita diuinum officium persoluit, ut nesciat, an erret, vel audiat quod dicitur, peccet mortaliter.*

**R**ESPONDEO cum peccare mortaliter, nisi habeat animum supplendi postea huiusmodi defectum, & intra eandem diem suppleat. Et ratio est,  
quia



quia sopitis, sensibus vt fit in somno, non habetur rationis vsus sufficiens ad actum virtutis, qualis est diuini officij recitatio, quæ est actus Religionis. Ita Nauar. de orat. cap. 9. nu. 9. qui addit eum, qui sic resistit. somno obrepenti inter recitationem, vt pronunciet suum officium, cum tanta attentione, vt saltem videat se non omittere verba, licet ob gra- uamen somni non attendat ad significationem il- lorum, nec meditetur diuina, nullum peccatum committere.

## QVÆSTIO XCI.

*An qui per metum vel vim horas canonicas recitat, Ecclesiæ præceptum adimpleat.*

**A**D hoc dico primò, quod qui per metum etiam grauem horas canonicas recitat, Ecclesiæ præ- ceptum adimplet. Ratio est, quia metus quamuis grauis voluntarium non tollit, ergo qui metu preces horarias exoluit, reuera præceptum adim- plet.

Secundò dicò, quòd qui per vim absolutam diui- num officium persoluit, Ecclesiæ præcepto non sa- tisfacit. Et ratio est, quia vis absoluta voluntarium tollit. Azor. lib. 10. cap. 22. q. 9.

## QVÆSTIO XCII.

*An qui priuata authoritate aliquid addit Breuiario Romano, aliquod pecca- tum committat.*

**R**ESPONDEO eum peccare, quia facit contra præceptum Pij V. in sua Bulla, vbi sic habetur. *Statuentes Breuiarium ipsum nullo unquam tempore, vel totum, vel ex parte mutandum, vel ei aliquid addendum, vel omninò detrahendum esse.* Et si hoc sit in re graui, est peccatum mortale, in re verò minima veniale, vt si quis vellet in officio facere commemorationem alicuius sancti, quando iuxta rubricas Breuiarij facienda non esset. Illud tamen est aduertendum, quòd quamuis additio non esset magni momenti, eo ipso quòd fieret in choro quasi perpetuo ritu, esset res grauis censenda secundum Suar. lib. 4. c. 13. n. 15. & Filiuc. tract. 23. q. 11.

Hinc, qui aliquid addit diuino officio non tanquam partem ipsius, sed tanquam aliquid extrinsecum, seu cōcomitanter ad maiorem sollemnitatem, non peccat, vt si inter vnum, & alterum psalmum aliquod mottetum canatur, ad organum, hoc enim nullo iure vetatur, modò cantus non sit lasciuus, vel prophanus.

### Q V Æ S T I O X C I I I.

*An Sacerdos cū solus, aut cū vno solo socio recitat, debeat vti hac salutatione,  
Dominus vobiscum.*

**R**ESPONDEO debere. Et ratio est, quia sacerdos cū salutat, non solū videtur salutare præsentes, vel præsensem, sed etiam Ecclesiam totam, & maximè particulatē, cui deseruit, cuiusve beneficio viuit. Nau. Misc. 67. & in hoc omnes Doctores conueniunt.

Q V Æ S T

## QVÆSTIO XCIV.

*Sed dubium est, An hæc saluatio possit fieri  
ab aliis quàm à sacerdotibus.*

**R**ESPONDEO non posse, vt rectè Duran. lib. 4. ration. diuini officij cap. 14. resoluit. Quod est adeo verum, quòd nec Diaconus debet ea vti, nisi cùm cantat Euangelium, vel cereum Paschalem benedicit.

## QVÆSTIO XCV.

*An qui recitat officium sedendo, cùm standum est, aut stando, vel sedendo, dum genibus flexibus recitandum est, aliquod peccatum committat.*

**E**T quidem loquendo de eo qui publicè recitat in choro, certum est eum qui absque vlla iusta causa recitat officium sedendo, cùm standum, vel genuflectendum est, peccare, quia debitam Deo reuerentiam non exhibet, & præfert quandam speciem contemptus, dum aliis genuflectentibus, ipse sine vlla causa stat, vel sedet. Tum quia non obseruat consuetudinem, & modum præcepti: non tamen peccat mortaliter, nec tenetur repetere, quia adimplet præceptum quoad substantiam.

---

 QVÆSTIO XCVI.

*Sed tota difficultas versatur de eo qui priuatim diuinum officium recitat.*

**N**AVAR. de oratione cap. 4. num. 15. affirmat cum peccare venialiter. Sed hoc mihi non probatur, quia ritus recitandi officium hoc modo non videtur testante generali mundi usu sub rigore præcepti, sed solum maioris deuotionis gratia receptus, saltem in priuata oratione.

---

## QVÆSTIO XCVII.

*An horæ canonicæ sine ulla interruptione sint recitandæ.*

**Q**VÆ dubitatio non intelligitur de interruptione, quæ fit inter vnâ, & alteram horam, quam perspicuum est, fieri posse. Quia licet horæ canonicæ sint partes vnius officij diei, non sunt tamen partes continuæ, sed discretæ, & ideo diuiduntur per interruptionem adinuicem, quod etiam nomen ipsum indicat, ex eo enim dicuntur horæ canonicæ, quia sunt preces certis diei horis diuersis deputatæ per sacros canones.

QVÆ

## QVÆSTIO XCVIII.

*Quæstio igitur est de interruptione, quæ fit inter partes unius, & eiusdem horæ, inter unum Psalmum, & alium, vel inter Psalmos, & lectiones, aut inter partes unius Psalmi, ut si quis inchoatis vespers vocetur ab amico ad ludum, ad negotia, vel ad alia.*

**E**T quidem loquendo de pausa, quæ fit in medio cuiuslibet versiculi Psalmorum, certum est, eam esse potius commendatam, quàm prohibitam, ut constat ex Concilio Basiliensi sess. 21. §. 2.

## QVÆSTIO XCIX.

*Tota igitur difficultas versatur de interruptione, quæ fit, quando quis aliquam horam incæptam intermittit animo continuandi ac perficiendi reliquum illius horæ inchoatæ, statim ac illud impedimentum cessauerit. An videlicet talis interruptio sit licita.*

**E**T quidem si talis interruptio notabilis, nimia, & inusitata fiat à toto choro sine urgente causa, certum est, esse peccatum mortale. Quia est contra ritum, & institutionem Ecclesiæ, in qua discrepare in publica recitatione ex suo genere mortale est, nisi vel materiæ leuitas, vel aliqua inaduertentia excuset.

Tum quia non fit hoc in choro sine aliquo scandalo tum clericorum in eodem choro astantium, tum laicorum audientium, vel videntium.

### Q V Æ S T I O C.

*Sed quod habet difficultatem est, quando talis interruptio fit extra chorum.*

**I**N qua re etiam illud est certum, talem interruptionem in quacunque hora esse peccaminosam, si ea sit nimia & absque iusta causa fiat. Et ratio est, tum quia id specialiter prohibetur in cap. Dolentes. de celeb. Missar.

Tum quia est contra unitatem moralem cuiusque horæ, & contra ritum, & institutionem, quæ non parum violatur per hanc interruptionem, quando est inusitata.

Tum etiam, quia si inciuile est, sermonem cum terreno Principe libenter auscultante cœptum ex leuitate animi, & sine causa interrompere, ut ad plebeium, ac infimæ classis hominem sermonem suum conuertat, animo ad Principem iterum redeundi ad perficiendum, & pertractandum negotium antea cœptum, multò magis erit inciuile

sic

fic inire colloquium cum Deo, Rege Regum & Domino Dominantium, vt sine tantæ Maiestatis respectu pro sola animi libidine, nullâque cogente causa, illo interrupto, ad alia inutilia nos, ipso vidente, applicemus.

Dixi primò, *si sit nimia*, quia si est breuissima, nullum erit peccatum, etiam si fiat absque iusta causa, quia parum pro nihilo reputatur, & vno, duobus, vel etiam tribus verbis, oratio interrumpi non videtur moraliter loquendo.

Dixi secundò, *si fiat absque iusta causa*, quia qui aliquid ex iusta causa agit, prudenter operatur, ac proinde excusari potest etiam à veniali culpa, vt si incæpto officio opus sit concionem audire, aut habere, aut orationem facere, aut superioris iussu, vel ex charitate proximi occurrat aliquod opus faciendum, quod non potest commodè in aliud tempus differri. Quando tamen huiusmodi impedimenta sunt præiusta, debent vitari quantum commodè fieri potest, idque vel illa opera anticipando, vel diuinum officium alio tempore dicendo. Ita Nau. de oratione cap. 16. num. 68. & 69. & alij communiter.

Hinc non peccat, qui incæpto officio, aliquod opus misericordiæ spiritualis, aut corporalis interponit, cuiusmodi est dare eleemosynam pauperi, subuenire consilio bono, doctrina, reprehensione, vel consolatione opus ei habenti. Quia hæc non censetur moralis interruptio, diuini officij, cum hæc omnia dirigantur ad Deum.

Hinc, eadem ratione poterit quis absque peccato exonerare alium, vel potionem aliquam sumere, aut excipere hospitem, cui vt expectet, sine  
nota

nota inurbanitatis dici non potest, & alia similia opera pietatis facere, quando non possunt talia opera commodè differri, vel ex dilatione aliquod incommodum sequeretur.

Hinc non peccat, qui incepto officio, verba habet cum socio, vel ad intelligendum ea, quæ recitantur, vel ad maiorem deuotionem in reliqua parte officij excitandam, vel ad tollendam aliquam occasionem distractionis, vt quia aliquid interiùs eius mentem sollicitat, illud breuiter notat, seu scribit, aut famulo præcipit, vel quid simile. Quia hæc omnia iuuant orationem, & sunt consentanea fini eius.

Hinc poterit, qui solus recitat in contemplatione alicuius versus immorari, & accendere lumen, libros quætere, & alia id genus interponere, quia hæc licitè durante officio fiunt, cum ad illud, vel eius finem pertineant.

Hinc non peccat, qui solus recitans, & incidens in illa verba Psalmi 31. Beati quorum remissæ sunt iniquitates, &c. & ad memoriam reuocans multitudinem, malitiam, & fœditatem suorum peccatorum, immoratus in eis deplorandis, etiam si feruore displicentiæ fortè seipsum cædat, aut corpore in terram prostratus, & animo erectus in cælum, aliquanto tempore in eo versetur.

Hinc, si quis solus recitans, incidit in versiculum illum. *Venite exultemus Domino*, &c. in mentem eius subeat Maiestas, & celsitudo creatoris, & vilitas creaturæ, & perpendens quantum illi debeat, in terram se prosternat, dicens. *Domine non sum dignus*, & se tantisper in eo occupat, non peccat, nec tenetur recitatum repetere, sed sufficit cœptum continuare.



Hoc idem dicendum est de Rosario, corona, aliisque orationibus ex voto, iuramento, vel confessarij iussu debitis. Quia hæc instar aliorum præceptorum obligant. Azor. lib. 10. cap. 8. quæst. 3. & 8.

---

## QVÆSTIO CI.

*Tota igitur præsens controversia versatur, An qui sine iusta causa diuinum officium interrumpit, præcepto Ecclesiæ satisfaciat, vel lethalem culpam incurrat.*

**E**T quidem si interruptio sit modica, puta per unum quadrantem horæ, aut eo amplius, certum est, eum qui sic diuinum officium interrumpit, præcepto Ecclesiæ satisfacere, nec lethalem culpam incurrere, ac proinde nec repetere quod ante recitatum est.

---

## QVÆSTIO CII.

*Questio ergo tantum est, quando officium ad longum tempus interrumpit sine iusta causa, puta per risum, iocos, aut sermones aliqui otiosos, & vanos.*

**N**AVAR. de orat. cap. 16. num. 75. Med. C. de oratione q. 16. Emmanuel Sà verb. horæ ad finem, Angles de oratione q. 5. diff. 5. Macig. cap. 87. num.

num. 12. & Azor. lib. 10. cap. 8. q. 5. teneat eum lethalem culpam incurrere, & oneri Diuini officij recitandi non satisfacere, sed ad illius repetitionem obligari. Et probant primò, quia in Concilio Toletano VII. prout refertur in cap. Nihil. 7. q. 1. sub pœna excommunicationis cauetur, ne quis diuina officia interrumpat, pœna autem excommunicationis mortalem culpam requirit.

Tum quia quando est magna internissio, priora, & posteriora non efficiunt vnâ orationem, vnum officium diuinum, ac proinde ex illis partibus non constituitur officium, v. g. primæ, vel tertiæ, &c.

Sed quamuis sententia hæc sit valdè probabilis, probabiliorem tamen iudico contrariam, nimirum interruptentem diuinum officium ad longum tempus non peccare mortaliter, sed satisfacere præcepto Ecclesiæ quo ad substantiam, modò postea reliquam partem absoluat; etiamsi partem prius dictam non repetat. Et ratio est, quia nulla est ratio, quæ efficaciter persuadet contrarium, præcipuè cum sit hoc præceptum recitandi officium diuinum, onus pœnosum, & per consequens debeat restringi.

Tum quia verum est dicere, hunc intra eundem diem totum diuinum officium recitasse, ergo etiam verum erit dicere, præcepto Ecclesiæ satisfecisse. Consequentia constat, quia ille præcepto Ecclesiæ satisfacit, qui facit opus ab Ecclesia præceptum, hic autem facit opus ab Ecclesia præceptum, ergo.

Tum quia non est de substantia singularum horarum vt continuentur: & preces interruptæ efficiunt

efficiunt vnum officium, suamque habent significationem, sicut multæ confessiones interruptæ integrant vnā confessionem generalem, obtena in fine absolutione. Vnde sicut confessio non desinit esse vna, eo quòd diuidatur in diuersa tempora, ita nec officium primæ, vel tertiæ amittit suā necessariam vnitatem per hanc diuisionem, quia illa magis consistit in integritate, quàm in continuatione.

Tum demum, quia singuli Psalmi, immodò singuli penè versiculi perfectam habent significationem, sūntque per se, vel oratio quædam, vel laudatio, vel sententia non habens necessariam cum aliis connexionem. Et ideo ita tenent Arag. 2. 2. q. 83. art. 12. Rodriq 1. p. cap. 141. nu. 3. Nald. verb. diuinum officium nu. 4 & alij.

Hinc qui diuinum officium incœpit, & postea interruptit cum animo continuandi cum præcedentibus sequentia, non tenetur in integrum de nouo recitatum repetere, esto causa fuerit indecens, & tempus interruptum fuerit magnum. Et ratio est, quia legis, & præcepti substantiam seruauit.

Ex quibus omnibus inferitur, quòd quemadmodum multi peccant recitando aliquod, ad quod non tenentur, qui non peccarent, si non recitarent, eò quòd sine attentione debita recitant, ita multi peccant omittendo, vel interrompendo orationem cœptam, vt v. g. coronam, septem Psalmos, Pater noster, Aue Maria, quæ non erant obligatoria, qui non peccassent, si ea non incœpissent.

Et ad argumenta in contrarium adducta respon-

Ec deo,

434 DE HORIS CANONICIS  
deo, & ad primum dico primò, Concilium Tolet.  
loqui de interruptione sacrificij Missæ, quia vt pa-  
tet ex ipso textu loquitur de sacerdote Missam ce-  
lebrante.

Secundò respondeo, præfatum Concilium, etsi  
daremus loqui de horis canonicis, explicandum  
esse de omnimoda interruptione, quæ fit animo  
non recitandi ea quæ supersunt persoluenda.

Ad secundum respondeo, ex partibus vnius ló-  
gæ orationis tempore diuisis, posse constitui vnā  
orationem, vnum officium diuinum, sicut ex mul-  
tis confessionibus vnā integra confessio.

---

### QVÆSTIO CIII.

*An qui incæptum officium interrumpit, ani-  
mo, & voluntate repetendi id, quod iam  
recitauit, suæ obligationi satisfaciat, si po-  
stea non repetat, sed solum continuet reli-  
quum quod superest.*

**N**AVAR. de orat. cap. 16. num. 73. affirmat  
hunc suo muneri non satisfacere, nisi quod  
iam recitatum est, repetat.

Sed mihi dicendum videtur, eum suæ obliga-  
tioni satisfacere, etiam si nihil repetat, modò quod  
intermissum est prosequatur. Et ratio est, quia ille  
satisfacit præcepto, qui facit opus ab Ecclesia præ-  
ceptum; sed hic facit opus ab Ecclesia præceptum,  
cùm Ecclesia non præcipiat recitari officium ani-  
mo repetendi, sed simpliciter præcipit quotidie  
recitari diuinum officium, ergo satisfacit præcepto.

Et

Et confirmatur, nam qui die festo audiuit sacrum animo non satisfaciendi præcepto, sed audiendi aliud, potest mutare animum, & non audire. Et ratio est, quia opus præceptum non est, v. g. audire sacrum animo implendi præceptum, sed simpliciter audire sacrum attentè, & deuotè: hoc autem fit, etiam si fiat animo non adimplendi præceptum. Quare satisfactum est intentioni Ecclesiæ, quo ad rem præceptam, & non incurrer censuram non audienti positam. Et ideo ita tenent Valent. 2. 2. d. 6. q. 2. p. 10. Suar. lib. 4. cap. 4. in fine. Vasq. in opusc. de benef. cap. 4. §. 1. dub. 7. num. 114. Henriq. de Missa cap. 25. nu. 6. & alij.

## QVÆSTIO CIV.

*An qui quotidie tenetur dicere Rosarium, aut Psalterium, cogatur illud continuè dicere, vel satisfaciat dicendo unam partem mane, aliam sub meridie, & aliam ad vesperam.*

**R**ESPONDEO satisfacere. Et ratio est, quia continuatio non est de ratione Rosarij, aut Psalterij, & quia ea dicit in distinctis horis dici, integrè recitat, ergo. Ita Nauar. de oratione cap. 10. numero....

Hinc, qui semel in hebdomada tenetur dicere Rosarium, satisfacit dicendo tertiam, vel quartam partem singulis diebus propter eandem rationem. Suar. lib. 3. cap. 9. num. 15.

Ec 2 Hinc,

Hinc, qui præceptum habet visitandi quinque altaria, vel templa per vnum diem, illud obseruat, etiam si interruptis horis intra eandem diem id faciat.

---

## QVÆSTIO CV.

*An tres vigilie nocturnæ possint separatim recitari.*

**R**ESPONDEO posse, si subsit causa iusta. Et ratio est, quia, vt diximus, interruptio diuini officij iusta de causa excusari potest à peccato. Tum quia sic antiquitus fiebat. Tum quia in recitatione officij mortuorum singulæ vigilie nocturnæ solent in Ecclesia recitari cum laudibus, vel vespers seorsim ab alijs nocturnis, ergo inter nocturnas officij canonici non videtur adesse tanta connexio, quin iusta aliqua de causa seorsim ab alijs licitè recitari queant.

---

## QVÆSTIO CVI.

*An officium nocturnum diuidi iure possit à Matutinis laudibus.*

**R**ESPONDEO, olim diuidi solebat, vt testatur Francolinus in tract. de temp. horarum canon. cap. 2. nu. 13. & nunc etiam Ecclesia diuidit in nocte Natalis Domini, dum illis interponit primā Missam, & in nostro ordine Cisterciensi, octaua hora

hora noctis Psalmi nocturni concinuntur, & deinde sub aurora Matutinæ laudes decantantur. Nunc autem iuxta Breuiarium Romanum iure diuidi non possunt, quia habentur tanquam officiū vnius horæ.

## QVÆSTIO CVII.

*An mortaliter peccet, qui sine rationabili causa officium nocturnum à Matutinis laudibus seiungit?*

**R**ESPONDEO, cum non peccare nisi venialiter. Nau. de orat. cap. 3. num. 28. Tolet. lib. 2. cap. 13. Azor. lib. 10. cap. 8. q. 4. & alij.

## QVÆSTIO CVIII.

*An quando Matutinum seorsim à laudibus decantatur, dicendum sit ante laudum initium, Pater noster cum Ave Maria.*

**A**ZOR. lib. 10. cap. 8. q. 4. negat, cum nullo præcepto hoc præscribatur.

At verò Nauar. de oratione cap. 3. num. 66. Rodriq. tom. 1. cap. 141. num. 5. & Victorell. in annot. Toleti lib. 2. cap. 13. affirmant, eo quòd tunc laudes ab officio Matutino distinctè inchoantur.

Tum quia id seruatur in cæteris horis, quæ seorsim ab aliis recitantur.

Ee 3 Tum

Tum etiam, quia facit Regula illa Breuiarij Pij V. in fine Regularum generalium, quòd *Pater noster* cum *Aue Maria*, ante omnes horas debet præmitti.

---

## QVÆSTIO CIX.

*An in Ecclesijs ubi Matutinum more antiquo seorsim à laudibus decantatur, vel priuatim extra chorum recitatur, in Matutini fine dici debeat Pater noster, cum Aue Maria secundum Breuiarij Pij V. formulam.*

**A**ZOR. lib. 10. cap. 8. quæst. 4. negat. Quia de hoc nullum est præceptum, licet in nocte Natalis Domini fiat.

At verò Nauar. de oratione cap. 3. num. 66. Garz. de beneficiis 3. p. cap. 1. Rodriq. tom. 1. cap. 141. num. 5. Victorellus in annot. Toleti lib. 2. cap. 13. & Filiuc. tract. 23. cap. 6. num. 111. & 238. affirmant. Quia recitatur per modum horæ distinctæ.

Tum quia canones præcipiunt, vt cuiuslibet horæ officium diuinum per orationem Dominicam cum salutatione Angelica terminetur.

Tum denum, quia id seruatur in cæteris horis, quæ seorsim ab alijs recitantur.



## QVÆSTIO CX.

*Vtrum recitatio diuini officij, quæ inssu Ecclesie funditur, vim habeat ex opere operato.*

**R**ESPONDEO minimè, sed operantis. Ratio est, quia illud prodest ex opere operato, quod ex diuina institutione aliquem producit effectum ultra meritum, & dispositionem agentis, & recipientis: recitatio autem diuini officij non prodest ultra meritum Ecclesie cuius nomine offertur, ergo.

Tum quia valor Missæ respondens precibus, & orationibus quæ in Missa dicuntur, non prodest ex opere operato, vt cum Aragona, Valentia, Suar. Vasq. & aliis viris doctissimis resoluit Bonacina de sacramentis disp. 4. q. ult. p. 4. num. 7. ergo neque fructus diuini officij quod non minoris momenti est, prodest ex opere operato. Et ideo ita tenent Couar. cap. Alma mater. p. 1. §. 5. nu. 7. Petr. Nauar. de rest. lib. 2. c. 20. nu. 49. & Corduba lib. 1. quæst. 3.

## QVÆSTIO XCI.

*An qui ratione ordinis sacri, vel beneficij diuinum officium persoluit, eiusmodi oratio prosit aliis, quamuis qui recitat, in statu peccati mortalis existat.*

Ec 4

RESPON

**R**ESPONDEO prodesse. Et ratio est, quia malitia ministri non nocet operi boni auctoris, auctor autem videtur Ecclesia, cuius nomine oratio offertur. Sicut si dominus aliquis per seruum cleemosynam erogaret, fructu non careret suo, tametsi seruus sit improbus.

Tum quia precès, & orationes quas sacerdos in sacrificio Missæ Deo fundit, fructuosæ sunt, quamvis talis sacerdos sit malus, ergo diuinum officium, quod iussu & nomine Ecclesiæ funditur, suo fructu non caret, tametsi ab improbo clerico persoluatur. Et ideo ita sentiunt Sotus in 4. dist. 13. quæst. 1. art. 6. Med. de orat. quæst. 17. Couar. c. alma mater p. 1. §. 5. nu. 7. & Suar. lib. 4. cap. 12. num. 2.

## QVÆSTIO CXII.

*An qui ad Horas Canonicas tenentur, suæ obligationi satisfaciant, recitando eas ex quouis Breuiario alio quàm sui Episcopatus.*

**E**T quidem quæstio intelligitur, quando in particulari recitantur horæ, nam de choro non est dubium teneri singulos ad cantandum diuinum officium iuxta Breuiarium in sua diœcesi, vel ordine approbatum, & receptum.

Diuus Antoninus 3. part. tit. 13. cap. 4. §. 2. Angel. verbo hora num. 12. & 14. Syluest. quæst. 1. Tab. q. 10. & 16. Nauar. in Manual. cap. 25. nu. 10. 7

& Card. Bellarmin. lib. 1. de bonis operibus cap. 18. dicunt eos qui nullum habent beneficium, sed titulo patrimonij sunt ad ordines promoti, posse pro libito quouis Breuiario uti, dummodo legitima authoritate approbatum sit in aliqua Prouincia, Diœcesi, aut Religione. Et probant, quia isti non tenentur certæ alicui Ecclesiæ inservire in hoc munere recitandi, sed tantum Ecclesiæ Dei, ergo satis est, si dicant aliquod officium in Ecclesia approbatum. Secus si sunt ordinati titulo beneficij, quia tunc tenentur sequi formulam eius Ecclesiæ, cuius habent beneficium.

Caiet. verb. hora cap. 2. & Armilla ibidem §. 7. docent vniuersim omnibus clericis fas esse uti Breuiario Ecclesiæ Romanæ, non autem aliarum Ecclesiarum, sed solum suæ Diœcesis. Quia Ecclesia Romana est omnium clericorum Mater communis, sicut communis etiam omnium patria Roma censetur.

At verò Sotus lib. 10. de iust. q. 5. ar. 3. Nauar. de oratione cap. 19. num. 211. & cap. 22. num. 18. & plerique alij negant licere clerico uti alio Breuiario, præterquam suæ Diœcesis, etiamsi solum titulo patrimonij sit ad ordines promotus: sicut aliquis quilibet Religiosus sui instituti, & ordinis formulam tenere, & seruare iure compellitur. Pro quo

Primò dico, quòd stando in iure communi antiquo, omnes clerici qui ad horas canonicas obligantur, tenentur sub mortali eas recitare priuatim iuxta Breuiarium in sua diœcesi, vel ordine approbatum, & receptum, alioqui suo muneri non satisfaciunt, ut colligitur ex cap. de iis. & cap. Placuit.

E c § dist.

442 DE HORIS CANONICIS  
dist. 12. vbi præcipitur, vt vnusquisque Prouincie  
cuius, Rectorésque Ecclesiarum vnum, eundemque  
in psallendo teneant modum, quem in Metropoli-  
tana sede cognouerint institutum, nec aliqua di-  
uersitate ordinis, vel officij à Metropolitana sede  
patiantur se disiungi. Et hac ferè ratione vtitur D.  
Tho. quodlib. 1. ar. 3. vbi concludit vnumquem-  
que, debere conformari eorum consuetudini, cum  
quibus viuit.

Et confirmatur, nam in Clem. 2. de celebrat. Mis-  
sar. conceditur clericis sæcularibus, & Religiosis  
Cardinalium, & Episcoporum familiaribus facultas  
vt possint diuinum officium recitare eo modo, quo  
ipsi Cardinales, vel Episcopi pensum horarum ca-  
nonicarum persoluant. Quod vt ibi notat Glossa,  
necessarium non fuisset, si quod authores primæ  
opinionis asserunt, verum esset. Quam doctrinam  
Nauar. cap. 19. hum. 215. etiam extendit ad clericos  
sæculares, ad ordines promotos ad titulam sui pa-  
trimonij. Quia quamuis non habeant beneficium,  
subditi tamen sunt Episcopo sui domicilij, illius-  
que synodalibus legibus parere tenentur in his, que  
ad omnes æquè pertinent: sicut recitatio diuini of-  
ficij æquè pertinet ad omnes tam habentes benefi-  
cium, quàm eo carentes.

Hinc, Regulares vt satisfaciant obligationi, quæ  
eis ex sua professione incumbit recitandi horas ca-  
nonicas, tenentur sub mortali sequi eam Breniarij  
formulam, qua sedis Apostolicæ approbatione vti-  
tur ordo. cuius institutum professi sunt, vt constat  
ex cap. De his. & cap. Placuit dist. 12. vbi Regula-  
res compelluntur sui instituti, & ordinis recitandi  
formulam tenere, & seruare. Ita Sotus lib. 10. qu. 5.  
ar. 4.

ar. 4. & expressiùs Tab. verb. hora num. 16. & Nauar. id colligit expœna graui quæ in dictis iuribus imponitur.

Secundò dico, quòd ordinatus, & intitulatus ad certam Ecclesiam, tenetur dicere horas canonicas iuxta formulam ibi consuetam; atque ad eò secundùm Episcopi sui specialem Regulam, si aliqua detur; alioqui secundùm Regulam Metropolitani. Quia non retineretur alioqui formulæ vnitas, quam in horarum canonicarum recitatione seruandam commendant sacri canones, vt patet ex dictis.

Tertiò dico, quòd Regularis præfectus Ecclesiæ sæcularis, tenetur sequi consuetudinem Ecclesiæ, ad quam transit, si ad eum transferatur in perpetuum. Secus si tantùm ad tempus, quia tunc debet officium suum regulare retinere. Ita Syluest. verb. hora quæst. 1. & Rodriq. tom. 1. de regularib. quæst. 43. ar. 17.

Quartò dico, quòd Religiosus qui liber est à choro, nec vlli Regulæ subest, qua certam formam seruare teneatur, per statutum à sede Apostolica approbatum, tenetur sequi Regulam Episcopi cui subest, aut si exemptus sit, vt nouo Breuiario Romano. Nauar. lib. 3. conf. titul. de celebrat. Missar. conf. 16.

Quintò, & vltimò dico, quòd iure nouo auctoritate Pij V. constituto, omnes clerici tum sæculares tum Regulares, tenentur, tam in choro, quàm extra chorum dicere horas canonicas iuxta formulam præscriptam in Breuiario Romano iussu eiusdem Pontificis ædito anno 1568. vt dicitur in constitutione Pontificia eidem Breuiario præfixa, exceptis his, qui habent morem recitandi aliud antiquius ducentis

444 DE HORIS CANONICIS  
centis annis. Hi enim non modò possunt, sed etiam  
tenentur seruare modum propriæ diœcesis, nisi  
Episcopus, & vniuersum capitulum consentirent  
in mutationem, & assumerent Breuiarium Roma-  
num, id enim facere permittuntur, vt ex dicta Bulla  
confirmationis prædicti Breuiarij Pij V. clarè habe-  
tur. In Monasteriis tamen exemptis non requiritur  
consensus Episcopi, sed sufficit Capituli, & Prælati,  
& eo acceptato, non possunt amplius ad prius Bre-  
uiarium sine licentia Papæ redire, quia per illam ac-  
ceptionem prius Breuiarium censetur abolitum,  
vt patet ex illis verbis: *Omni itaque alio usu quibus-*  
*libet inierdicto.* Et tradit ex Suar. & Filiuc. Bonacina  
de horis canon. d. 1. q. 3. p. 1. nu. 2.

Est autem hîc obseruandum, quòd per illam par-  
ticulam, *vniversum*, non postulamus, vt omnes de  
Capitulo, nullo discrepante consentiant, cùm hoc  
regulariter obtineri nequeat, & ferè semper in Ca-  
pitulo aliquis dissentiat à communi aliorum iudi-  
cio, nec vis verbi hoc petit, sed solùm, quòd con-  
sensus præstetur à Capitulo, vt Capitulum est, idest,  
per modum vnius corporis mystici, ad hoc congre-  
gati, & tunc omnes consentiunt, quando maior  
pars vincit. Ita Suar. to. 2. de Relig. lib. 4. capit. 11.  
num 4.

Ex quo colligitur, eos qui alio Breuiario à du-  
centis annis sunt vsi, vt sunt Dominicani, Carmeli-  
tæ, Carthusiani, Cistercienses, non teneri ad acce-  
ptandum Breuiarium Pij V. qui verò minori tem-  
pore, teneri, etiamsi eorum formula à sede Aposto-  
lica fuisset approbata, quia Pius V. absolutè omnia  
alia Breuiaria abrogat, quæ ducentos annos non  
habent. Vnde graue peccatum esset, quacunque alia  
forma

forma uti tam in choro, quàm extra chorum, quia præceptum est satis expressum in cap. De his. dist. 12. ubi unusquisque iubetur secundum suam Regulam recitare: & contraveniens tali præcepto, per sex menses à communione suspenditur: quæ amara pœnitentia indicium est culpæ grauis.

Hinc, qui tenentur recitare officium Romanum, & scienter non recitant iuxta præscriptam formam Ecclesiæ Romanæ, peccant mortaliter. Et ratio est, quia agunt contra expressum præceptum Pij V. & hoc in materia satis graui, pertinentéque ad substantiam diuini officij.

Hinc, si beneficiarius diuinum officium persoluit, non tamen conforme Breuiario Romano vel Ecclesiæ matriçi, tenetur fructus beneficij restituere, ut in Bulla Pij V. in ipso Breuiario affixa habetur, & tradit Graff. lib. 2. cap. 51. num. 10. ubi ait: Teneri ad restitutionem fructuum, beneficiatum dicentem officium, non tamen conforme suo Breuiario. Et summa Corona l.p.c.1.num.100. sic ait: Non licere immutare officium, nam per dictam Bullam Pij V. præcipitur ut obseruetur vniformitas Breuiarij noui, tam in seruientibus choro, quàm priuatim, & domi recitantibus: itaque si alio Breuiario vsi fuerint, ac si non recitassent, censetur. Hæc Corona. Hoc idem sentit Bellarmin. 2. tom. contr. li. 1. c. 18.

### QVÆSTIO CXIII.

*Qua formula Breuiarij uti teneantur clerici Scholastici, dum ratione studij in aliena diœcesi commorantur.*

ET

ET quidem certum est, eos iure nouo debere recitare iuxta noui Breuarij formulam Pij V. auctoritate præscriptam.

## QVÆSTIO CXIV.

*Sed tota difficultas est de iure communi antiquo.*

SUNT qui affirmant eos iure communi debere sicut Breuario, quod usu est receptum in ipsorum diœcesi, à qua originem trahunt, vel in qua habent firmum domicilium, vel in qua beneficium possident.

Alij verò, ut Suar. to. 2. lib. 4. cap. 23. num. 7. Filiuc. cap. 7. nu. 221. & Bonacina d. 1. q. 3. nu. 11. probabilius credunt eos pro tempore, quo in studio literarum versantur, posse recitare diuinum officium, iuxta morem illius Ciuitatis, in qua commorantur. Et ratio est, quia pro tunc habent ibi quasi domicilium, & in spiritualibus vtuntur sacramentis, & ministris illius loci.

Tum quia iuxta D. Tho. quodlib. 1. art. 3. valdè expedit imitari honestos mores eorum, inter quos viuimus.

## QVÆSTIO CXV.

*Quid de illo clerico, qui in vna Ecclesia habet beneficium, in altera verò ubi commoratur, diuersus est modus recitandi, qui formula uti debeat.*



**D**IVVS Thomas quodlib. 6. art. 8. docet hunc beneficiarium in recitando morem illius Ecclesiæ sequi debere, in qua beneficium habet.

At verò Suar. lib. 4. cap. 23. num. 6. existimat hunc debere recitare iuxta morem Ecclesiæ, in qua commoratur. Tum quia valdè expedit conformari eorum consuetudini, cum quibus vitam degimus. Tum etiam, quia titulus domicilij potentior est, quàm titulus beneficij.

---

### QVÆSTIO CXVI.

*Quonam Breuiario vti debet, is, qui duo beneficia possidet in duabus Ecclesiis, quæ diuersis vtuntur Breuiariis.*

**R**ESPONDEO, iure communi antiquo, cum qui legitimè duo beneficia habet, teneri vti Breuiario, quod tenet ex Ecclesia in qua residet, & habet fixum domicilium. Ratio est, quia potentius est vinculum domicilij, & residentiæ, quàm beneficij. Si verò in neutro cōmoratur, debet vti formula, quam tenet, & seruat ea Ecclesia, in qua habet beneficiū dignius, v.g. Decanatum, quantumuis pinguius habeat in altera, sed minùs dignum, vt simplicē canonicatū. At quando beneficia sunt æqualis dignitatis, v.g. duo simplices canonicatus, & in neutra Ecclesia clericus residet legitimè, nimirum per dispensationem, aut quia neutrum beneficiū residentiā requirit, vti debet Breuiario, quo vtitur Ecclesia dignior. Si verò etiam Ecclesiæ sint pæres dignitate, liberum est beneficiario adhibere, quod maluerit

Breuiarium

Breuiarium, quod in alterutra Ecclesia vsitatur. Quia non est maior ratio, cur ad vnum potius Breuiarium, quàm ad alterum obligetur, cum diœcesim in vtraque Ecclesia contraxerit. Et ideò ita tenent D.Th. quodlib. 1. ar. 13. Sot. lib. 10. q. 5. ar. 3. Reginald lib. 18. num. 169. Molf. tract. 5. cap. 2. nu. 47. Macig. cap. 20. nu. 32. & Azor. lib. 20. cap. 11. quæ. 1. qui dicit esse communem. A qua tamen recedit Suar. cap. 23. num. 6. vbi docet beneficiatum posse recitare horas canonicas secundum Breuiarium receptum in diœcesi, in qua residet, & habet domicilium, quia præualet illa ratio, quòd oportet vt vnusquisque se accommodet ritui eorum inter quos vitam degit, & firmum domicilium habet, potentius enim videtur vinculum domicilij, & residentia, quàm beneficij.

Dixi notanter, *iure communi antiquo*, quia hodie iure nouo Pij V. debet seruare formulam Breuiarij eiusdem auctoritate promulgati.

Ex quo sequitur, eum qui in vna Ecclesia habet beneficium, sed in altera, in qua non adhibetur eadem formula recitandi, habet domicilium, teneri vti Breuiario, quod vsitatur in loco domicilij, & habitationis, quia, vt diximus, beneficiarius debet se accommodare ritui loci, in quo residet. Suar. li. 4. cap. 23. num. 6. & Filinc. cap. 7. quæstio. 1. numero 221.

Hinc colligitur, quid sit dicendum de Regularibus ad episcopatum assumptis, de quo lege Macignum cap. 29. num. 39. & seqq. vbi quàm plures aucthores citat.

## QVÆSTIO CXVII.

*An qui non tenentur Breuiario Pij V. uti, possint, si velint, uti eo extra chorum, ita ut satisfaciant præcepto Ecclesiæ de dicendis horis canonicis.*

**I**LLVSTRISSIMVS Caiet in summa, verbo hora, tuetur partem affirmatiuam. Et probat, quia Romana Ecclesia est mater omnium Ecclesiarum, & cui omnes conformari expedit. Hanc quoque sententiam videntur sequi Emman. Sà, verb. horæ numero 6. Less. lib. 2. c. 37. dub. 12. num. 75. & plerique alij.

Sed communis, & verior sententia est, non licere his, qui proprium Breuiarium habent approbatum ante ducentos annos, uti extra chorum nouo Breuiario Romano, quod patet ex illis verbis prædictæ Bullæ Pij V. *Quibus ut inueteratum illudius dicendi & psallendi suum officium non adimimus, sic eisdem, si forte hoc nostrum, quod modò pernulgatum est, magis placeat, dummodo Episcopus, & vniuersum Capitulum in eo consentiant, ut id in choro dicere, & psallere possint, permittimus.* Non ergo licet vnicuique priuata authoritate recitare iuxta Pij V. Breuiarium, vbi aliud legitimè retinetur.

Dices, quamuis Pius V. insinuet non esse mutandum officium publicum ducentorum annorum absque consensu Episcopi, & Capituli, nihil tamen dicit de priuato: tacitè ergo permittit illud mutari.

FF      Respon

Respondeo, esto ex illis verbis immediatè non colligatur esse necessarium talem consensum quoad priuatam recitationem, colligitur nihilominus mediatè, quia Pius V. nullam mutationem facit in illis Ecclesiis, quæ aliud antiquius ducentorum annorum Breuiarium retinent, nisi ipsæ voluntariè eam faciant, ergo ibi relinquitur integrum ius commune: sed ius commune vult, vt singuli in recitando, sequantur formulam suæ Ecclesiæ vel Ordinis, ergo illud ius ibi durat.

Tum quia in illis diœcesibus non possunt clerici, vel Religiosi sua autoritate in suis Ecclesiis introducere Breuiarium Pij V. at illi dum horas canonicas persoluunt, tenentur sequi formulam suæ Ecclesiæ, vt dictum est, ergo.

Tum quia non videtur Summus Pontifex illius intentionis fuisse, vt ponat diuersitatem in his, qui sunt vnius ordinis, & habitus, quod esset, si alij dicerent extra chorum nouum, & alij vetus.

Tum quia indecens videtur in eodem Monasterio vsus diuersorum Breuiariorum.

Tum quia, si summus Pontifex ita officium Romanum approbaret, vt pro toto orbe illud proponeret, & seruandum præciperet, vel concederet, proculdubio haberet locum opinio Caietani. Sed hoc nec ante, nec post Pij V. constitutionem reperitur factum: nec etiam inuenitur consuetudine receptum, vt vnaquæque Ecclesia possit conformari Ecclesiæ Romanæ, & Matricem relinquere. Immo oppositum colligitur ex c. In die. & ex c. Nouit. dist. 12. vbi Gregorius VII. clarè dicit, in his rebus non oportere sequi consuetudinem Ecclesiæ Romanæ, sed quod in vnaquaque Ecclesia institutum est. Ne-

que

que valet exceptio Angeli, verbo hora, n. 12. & 14. nisi sint ordinati ad titulum patrimonij: quia etiam hi tenentur se suæ Ecclesiæ conformare.

Hinc, qui ex constitutione, vel consuetudine, quæ ducentos annos excedit, proprium Breuiariū retinent, & nihilominus sine aliqua iusta causa, sed pro suo arbitrio, secundum aliud Breuiarium recitant, etiam si sint ordinati ad titulum patrimonij, peccant mortaliter, quia faciunt contra præceptum Ecclesiasticum, quo iubetur quisque suum Breuiarium retinere: nec suæ obligationi recitandi satisfaciunt, etiam si ex aliqua inaduerterentia id accideret, & postea aduertunt in tempore, quo possunt reiterare, & non reiterant. Atque ita tenent Nauar. de oratione cap. 19. nu. 211. Valent. 2. 2. d. 6. q. 2. p. 10. Garz. de benef. 3. p. c. 1. num. 155. vbi affert declarationem sacre Congregationis. Reginald. lib. 18. nu. 168. Suar. to. 2. lib. 4. cap. 11. nu. 4. & cap. 23. num. 2. & 9. Bellarmin. lib. 1. de bonis operibus cap. 18. Vasq. de benef. c. 4. dub. 2. ar. 1. Azor. lib. 10. cap. 11. q. 1. Filiuc. tract. 23. cap. 7. q. 1. Macig. cap. 29. num. 31.

Et ad fundamentum Caiet. respondeo quòd Roma licet sit communis patria quoad alia, non tamen ad eximendum à legibus suorum Episcoporum eas qui extra eam viuunt.

## QVÆSTIO CXVIII.

*An hoc præceptum Pij V. nunc obliget  
ubique.*

**R**ATIO dubij est, quia potest alicubi non esse receptū, nec moribus introductū: cum enim hoc

452 DE HORIS CANONICIS  
præceptum humanum sit, poterit consuetudine  
contraria abrogari, ergo ibi non obligabit, ac prom-  
de poterit aliud Breuiarium retineri, etiam si ducent-  
orum annorum spatium non excedat. Hoc tamen  
minimè suffragante;

Primò dico, quòd nullibi reperitur fuisse tale  
præceptum per contrariam consuetudinem abro-  
gatum, quia Pontifices nunquam talem consuetudi-  
nem approbarunt, quin potiùs Clemens VIII  
præcepit, vt quod Pius V. ordinauit, vbique inulo-  
latum conseruaretur.

Secundò dico, quòd istud præceptum non tan-  
tùm habet vim præcipiendi, verùm etiam irritandi  
omnia alia Breuiaria, quæ infra ducentos annos  
initium habuere: quare nulla consuetudine pos-  
sunt reuiuiscere, ac proinde officium illud non po-  
test esse canonicum, neque aptum, vt per illud cleri-  
ci suo muneri satisfaciant. Vnde existimo omnes  
posteriores consuetudines ita esse per hoc præce-  
ptum reprobatas, vt contra idem præceptum præ-  
ualere non possint.

---

### QVÆSTIO CXIX.

*Sed quid, si alicubi non sit receptum Breuiarium Pij V. non quia ibi careat vi obligandi, sed quia Prælati ex negligentia illud introducere, & promulgare neglexerunt.*

**R**ESPONDEO in hoc casu posse, & debere vt  
Romano. Et ratio est, quia talis consuetudo est  
iniqua,

iniqua, utpote retenta contra expressam Pontificis voluntatem. Vnde in tali casu poterunt omnes clerici priuatim recitare iuxta Breuiarium Romanum, quia non possunt obligari ad imitandum morem iniqua consuetudine retentum, & Pontificis auctoritate abrogatum. Immo existimo clericos omnes ad id teneri, si commodè possint, quia per se obligantur præcepto Pontificis, quod non pendet ex Episcopi, vel capituli acceptatione, nec ex noua promulgatione in partibus singulis facta, quia Romæ facta, satis est, cum lex ipsa expressè aliam formam non requirat, sed contrarium expressè decernat.

---

## QVÆSTIO CXX.

*An qui iuxta decreta sui Episcopi tenetur in sua Ecclesia horas recitare ritu quodam particulari, debeat dum alibi diuertit, uti Breuiario Romano, siue alio quod in eo loco vsitatur.*

**Q**VÆSTIO hæc agitur propter clericos Mediolanenses, qui ex Decreto D. Caroli iubentur in virtute sanctæ obedientiæ, horas canonicas recitare iuxta præscriptum Breuiarij Ambrosiani.

Respondeo, si hic ad aliam diœcesim transit animo ibi constituendi domicilium, vel ibi manendi maiori anni parte, tenetur ad officium iuxta

454 DE HORIS CANONICIS  
formulam loci ad quem accedit. Secus si ad illam  
diocesim transeat animo ibi breui commoratus,  
quia tunc non fit propriè subditus Episcopo illius  
loci.

Tum quia, qui transit, aut breui tempore degit in  
aliquo loco, non dicitur moraliter esse in eo loco,  
qui autem in eo loco non est, non tenetur legibus  
illius loci.

Obiicies, Regularis non potest extra Monasterium  
alia formula Breuiarij vti, quàm suæ Religio-  
nis, ergo neque clericus extra propriam diocē-  
sim.

Respondeo, negando consequentiam. Et ratio  
negationis est, quia Regularis non solum tenetur  
ad officium ex vi consuetudinis, verum etiam ex vi  
Regulæ, quam professus est; Regula autem, &  
ipsius obligatio sequitur regularem vbicunque  
commoratur.

Tum quia Regula approbatur, & confirmatur à  
Romano Pontifice, Romanus autem Pontifex to-  
tum orbem habet pro diocēsi.

Tum quia si fratres ordinis Minorum feria sex-  
ta non exiguntur à ieiunio, quamvis extra con-  
uentum existant, ita nec immunes sunt ab opere  
recitandi secundum formulam suæ Religionis, li-  
cèt extra conuentum commorentur.

Dices, Romanus si in Mediolano existit, non po-  
test vti formula Ambrosiana, ergo neque Mediola-  
nensis Romana.

Respondeo negando consequentiam, & ratio dis-  
paritatis est, quia clericus qui beneficium possidet  
in loco, in quo dicitur officium cōforme Breuiario  
Romano, tenetur illo vti ex præcepto Summi Pon-  
tificis,



LIBER II. QVÆST. CXXI. 455  
tificis, qui pro Diœcesi habet totum orbem, ac  
proinde tenetur iuxta formam prædicti Breuiarij  
recitare, nisi fortè commorari decernat in eo loco,  
in quo alia formula recitandi vsitatur. Clericus ve-  
rò Mediolanensis tenetur ad officium iuxta præscri-  
ptum Breuiarij Ambrosiani ex statuto illius loci,  
statutum autem Episcopi non obligat extra diœce-  
sim: clericus igitur qui ex lege Ecclesiæ Mediola-  
nensis tenetur recitare iuxta ritum Ambrosia-  
num, formula Breuiarij Romani vti potest extra  
diœcesim, non verò in territorio Mediolanensi.

---

## QVÆSTIO CXXI.

*An priuilegium concessum alicui, ad reci-  
tandum diuinum officium per aliud Bre-  
uiarium breuius, aut dicendum illud non  
in suo tempore, intelligatur concessum ei  
qui illum adiuvat ad recitandum.*

**H**ENRIQ. lib. 7. de indulg. cap. 30. num. 4. af-  
firmat. Cuius opinionem admitto in casu quo  
priuilegiatus non potest commodè recitare offi-  
cium sine socio. Quia in hoc casu, si non com-  
municaretur socio, eius priuilegium esset frustra-  
torium. Aliter verò non approbarem ego hanc  
opinionem.

## QVÆSTIO CXXII.

*An priuilegium Innocentij IV. concessum fratribus Minoribus, quòd ratione itineris, aut alterius iustæ causæ existentes extra suos conuentus, possint recitare cum aliis, vel per se officium diuinum, non secundùm Breuiarium Romanum, sit reuocatum per dictam Bullam Pij V. in qua reuocantur omnes permissiones, ac consuetudines, & statuta, nec non priuilegia recitandi more & ritu Breuiariorum suppressorum.*

**R**ESPONDEO non esse reuocatum. Et ratio est, quia licet Summus Pontifex præcipiat quòd omnes persoluant horas canonicas iuxta præscriptum dicti Breuiarij, non obstante quocunque priuilegio in contrarium, hoc debet intelligi de illis qui omittunt dictum ritum pro semper, non verò quando id faciunt aliquando ob iustam causam. Ita Garz. p. 3. de benef. cap. 1. nu. 179. & Petr. Ledesma. tract. 9. cap. 4.

Ex quo sequitur, illud priuilegium, quod concessit Martinus V. Patribus sancti Hieronymi ægrotantibus, aut conualescentibus, scilicet, quòd satisfaciant suo muneri recitandi, dicendo aliquos Psalmos,

Psalmos, non esse reuocatum per dicta constitutionem. Nec etiam esse reuocatum priuilegium quod concessit Leo X. fratribus Minoribus ægrotantibus, relinquens suorum Prælatorum dispositioni, quòd debeant recitare ad satisfaciendum diuino officio.

---

## QVÆSTIO CXXIII.

*An sit peccatum ad libitum, & sine rationali causa permutare officium vnius diei, in officium alterius: v. g. recitando horas de sancto, cùm secundùm formulam Breuiarij, fieri debeat de feria, vel è contra.*

**E**T quidem certum est, hanc mutationem non fieri sine aliqua nota, vel scandalo, quando officium publicè in choro recitatur, & ob id existimo talem mutationem esse rem grauem in suo genere, in hac publica recitatione, & ideo non posse fieri scienter sine peccato mortali.

Dixi notanter, *ex genere*, quia ex leuitate materiæ, vel ex inaduertentia, facilè excusari saltem à culpa mortali.

---

## QVÆSTIO CXXIV.

*Tota igitur difficultas consistit in recitatione priuata.*

**I**N qua re etiam est certum, id esse de se peccatum. Et ratio est, quia est contra præceptum Ecclesiasticum, cum sit contra formam præscriptam Pio V. in Bulla. Vnde in cap. ult. de 12. ablu. præcipitur conformitas in modo recitandi horarum canonicas. Et in cap. conuenit. de consecrat. dist. 6. dicitur, conuenit Ecclesiæ, uniformitatem dicendi officium ab omnibus custodiri.

## QVÆSTIO CXXV.

*Tota igitur questionis lis est, an sit peccatum mortale.*

**T**ABIENA verbo hora. q. 10. & 16. censet esse graue peccatum.

Angelus verbo hora. num. 14. putat esse mortale in præbendis, & Religiosis, non autem in ordinatis ad titulum patrimonij.

Nauiar. de oratione cap. 21. num. 23. Arag. 2. 2. quæst. 83. art. 12. & Rodrig. to. 1. cap. 141. num. 3. & de Regular. tom. 1. quæst. 42. art. 8. tenent esse veniale, quando vno, aut altero die diuinum officium perueritur, recitando scilicet horas de sancto, cum recitari debeat de feria. Secus si crebro & frequenter id fieret, quia procudubio esset peccatum mortale.

Philarchus lib. 1. de off. sacerdot. cap. 6. concl. 3. affirmat esse peccatum mortale, quando v. g. officium fit de sancto illo die minime occurrente, quia est breuius.

Caietanus in summa verb. hora §. 3. Syluest. v. hora

horæ. quæst. 12. Sorus lib. 10. quæst. 5. art. 4. Med. in ium. lib. 1. cap. 14. §. 11. Azor. lib. 10. cap. 10. q. 2. Less. lib. 2. cap. 37. num. 77. Valent. 2. 2. disp. 6. q. 2. p. 10. Vasq. in opusc. de benef. cap. 4. §. 1. art. 2. dub. 2. Vega 1. p. cap. 128. Graff. lib. 2. cap. 53. Zerola verb. horæ canon. nu. 6. Corrad. in respon. casuum conscien. q. 243. & plerique alij docent esse solum peccatum veniale, etiam si id fiat ex indiscreta deuotione, accidia, vel vt breuius expediat. Et probant, quia adimpletur præceptum quoad substantiam, quamuis non adimpleatur quoad modum: nam substantia huius præcepti est, vt septem horæ canonicæ quotidie dicantur iuxta Breuiarium præscriptum, quod verò hoc officium, aut illud persoluatur, idest, quod sit de hoc, vel illo festo, hac, vel illa feria, pertinet ad accidentalem modum, qui non est tanti momenti, vt obliget ad mortale.

Ex quo inferunt primò, eos qui ex inaduerrentia, vel obliuione bona fide, aut aliqua iusta causa ex toto, vel ex parte diuinum officium permutant, non peccare: & si postea errorem aduertunt tempore quo possunt reiterare, & non reiterant, quia replicare fastidiunt, non peccant, nisi venialiter. Ratio est, quia qualitas officij non est in præcepto. Verùm qui in fraudem faceret, vt breuius diceret, grauiter peccaret, sed non mortaliter.

Secundò inferunt, eos qui per errorem, aut spontè, & data opera, & sine urgente causa diuinum officium permutant ex indiscreta deuotione, vel in fraudem, vt faciliùs, aut breuiùs illud expediant, non teneri sub mortali officium  
inter

intermissum repetere. Et ratio est, quia Ecclesiæ præceptum, quod est de recitandis horis canonicis quoad eius substantiam, etsi cum peccato veniali, adimplent.

Sed cæteri communi consensu tenent, non solum eum, qui crebrò, & frequenter id facit. sed etiam qui vno, aut altero die, non satisfacere suæ obligationi, sed peccare mortaliter, & teneri ad restitutionem fructuum beneficii. Et ratio est, quia facit contra præceptum Ecclesiasticum. cap. de his. cap. ultimo dist. 12. & cap. conuenit. de consecrat. dist. 5. vbi absolutè præcipitur, vt omnes clerici in recitatione horarum sint vniformes.

Tum quia per extrauag. Pij V. super nouo Breuiario Romano restituto, præcipitur, vt officium persoluatur secundùm formulam ab ipso præscriptam: Constat autem in formula huius Breuiarii contineri, vt in feria dicatur de feria, & in festo dicatur de festo, tota ergo illa forma de se sub præcepto cadit, ergo qui illam voluntariè mutat, præceptum quoad substantiam non implet, ac proinde peccat mortaliter.

Tum quia, licet substantia præcepti in genere sit, vt recitentur septem horæ canonicæ in genere, tamen substantia præcepti in particulari pro tali tempore, vel die, est de septem horis talibus, quod scilicet constat talibus Psalmis, lectionibus, &c.

Tum quia si quis vellet omni tempore dicere officium Paschale, quia breuius, secundùm omnium sententiam peccaret mortaliter: & eodem modo qui omnibus feriis vellet dicere officium feriæ tertiæ, quia breuius, & tamen iste semper diceret officium idem secundùm substantiam, ergo dicere  
vnu n

vnum officium pro alio est peccatum mortale ex ex suo genere, cum absque eo quod addatur circumstantia mutans speciem, fiat mortale.

Tum quia in illa commutatione potest fieri enormis læsio diuino officio, vt si quis, vellet quotidie recitare idem officium valdè beue, relicto alio multò longiori proprio illius diei. Vnde si quis dicendo officium diei Dominicę in nocturnis vnam tantum lectionem recitaret, proculdubio peccaret mortaliter, ergo similiter peccatum mortale committeret, quĩ in Dominica recitaret officium feriæ tertiæ, in quo post Pascha in nostro ordine vna sola lectio memoriter recitatur.

Tum demum sequeretur, illum non peccare mortaliter qui solemnissimum officium diei Paschę commutaret in officium lugubre diei parasceues: hoc autem non videtur admittendum, nec est conforme voluntati Ecclesiæ.

Dixi notanter, *ex suo genere*, quia ex paruitate materiæ, potest hoc peccatum esse veniale, vt si officium recitatum sit ferè æquiualens in quantitate officio recitando, & mutatio non fiat ex contemptu, neque animo eam semper faciendi ex libito, sed ex aliqua causa, licet minùs rationabili.

Excusatur etiam à mortali hæc mutatio ex inaduertentia, quæ quamuis sit aliquo modo culpabilis, potest tamen à tanta grauitate culpæ excusare ipsam Diuini officij mutationem. Immo & excusare à recitatione omissi, nisi, vt diximus, officium omissum esset notabiliter maius recitato, quia tunc facienda esset aliqua compensatio, dicendo aliquid ex officio omissio diuersum ab eo quod iam dictum est.

Deinum

Demum ex iusta causa potest fieri mutatio etiam sine vlllo peccato, puta si occurrat necessitas repentina studendi, concionandi, prælegendi, inuandandi in recitando infirmum, aut Prælatum, aut amicum, vel si tunc non esset copia alterius Breuiarij, in quo dicendum est officium de sancto, & ideo dicit de feria, & postea graue esset repetere, ob necessarium, vel valdè conueniens studium, vel aliud opus pietatis, vel alia simili de causa.

Hinc, qui ex obliuione, vel inaduertentia officium mutauit, vt quia dicturus erat horas de sancto, dixit de feria, vel econtra, non tenetur omnia repetere, sed solum quæ ad proprium officium pertinebant, v. g. hymnos, antiphonas, lectiones, collectas, &c. vt rectè monet Toletus lib. 2. cap. 13. Quando verò aliquis Psalmus, vel aliud prætermisum est obliuione, vel alia causa, sufficit repetere tantum illud. Nam quoad illam partem adimpleuit præceptum quoad substantiam, quod non obligat cum tanto rigore ad repetendum officium, vt seruetur ordo Psalmorum.

Et ad fundamentum contrariæ opinionis respondeo, mutantem diuinum officium, non solum peccare contra modum præcepti, verum etiam contra substantiam, ac proinde peccare mortaliter cum obligatione restituendi fructus beneficij. Atque ita tenent Garz.to. 1. p. 3. c. 1. nu. 150. Bellarm.to. 3. lib. 1. controu. 3. cap. 18. Suar.to. 2. lib. 4. c. 11. nu. 6. & c. 23 nu. 12. & 14. Reginald. lib. 18. nu. 177. Molfes. tract. 5. c. 2. nu. 50. Philiarch. 1. p. lib. 1. cap. 6. concl. 6. Sum. Corona 1. p. cap. 1. nu. 20. Naldus verb. diuinum officium nu. 16. Bonacina de horis canonicis disp. 1. q. 3. p. 1. nu. 17. & plerique alij.

Hinc,



Hinc, non est audiendus Nauar. de oratione cap. 21. nu. 23. vbi ait esse solum veniale, quando vno, aut altero die diuinum officium peruertitur. Quia si non est peccatum mortale vno, aut altero die id facere, nec etiam erit peccatum mortale sæpe id facere: nam pro quolibet die est distinctum præceptum, & officium cuiuslibet diei est onus illius, ita quod non transit in alium, & sic defectus vnius, & alterius diei, non potest continuari, & coniungi cum defectibus aliorum dierum, vt peccatum quod aliàs esset veniale, fiat mortale: sicut est præceptum ieiunandi quolibet die quadragesimæ, & etiam peccat mortaliter, qui desinit ieiunare vno die, aut duobus, sicut qui multis, & ecouerso.

## QVÆSTIO CXXVI.

*Vtrum Papa possit dispensare cum aliquo, vt relicto proprio Breuiario, recitet officium iuxta formam alterius Breuiarij, vel vt recitet de sancto in die, quo Breuiarium præcipit vt officium fiat de feria, vel econtra.*

**R**ESPONDEO posse iuxta aliqua de causa sic dispensare. Et ratio est, quia superior auctoritatem habet dispensandi in sua lege.

Dixi notanter, *iuxta de causa*, quia licet is, cum quo sine iuxta causa dispensatum est, non peccet contra legem, quæ per dispensationem validè sublata est, si tamen contraueniat, peccat contra legem

464 DE HORIS CANONICIS  
legem naturalem, quæ dicat nos debere conformari cum his, cum quibus viuimus, quoniam turpis est pars, quæ non conuenit suo toti. Hoc autem peccatum erit mortale, aut veniale pro qualitate magni, aut parui scandali inde sequuti. Et in hoc omnes Authores conueniunt.

---

## QVÆSTIO CXXVII.

*Sed dubium est de Episcopo.*

IN qua re etiam conuenit inter Doctores, olim potuisse Episcopum facile dispensare cum subditis suis, vt secundum ritum alterius Episcopatus diuinum officium persoluerent, vel vt officium vnus diei, in officium alterius permutarent, eo quod poterat propriam Episcopatus formulam recitandi immutare, & per consequens in ea dispensare. Suar. tom. 2. lib. 4. cap. 23. num. 17.

---

## QVÆSTIO CXXVIII.

*Sed quod in dubium vertitur est, An post editum à Pio V. Breuiarium, & promulgatum cum Bulla eidem præfixa, possit Episcopus in hoc dispensare.*

ET quidem etiam est certum, posse Episcopum nunc in vna, vel alia occasione graui dispensare cum aliquo, vt possit commutare officium  
vnus

LIBER II. QVÆST. CXXIX. 465  
minus dici in officium alterius, quia potest dari  
causa ad sic dispensandum in hoc præcepto, sicut  
& in aliis ecclesiasticis in vno, aut altero casu oc-  
currente, vt patet ex dictis à nobis in thesauro Re-  
ligiosorum lib.6. de voto obedientiæ.

---

## QVÆSTIO CXXIX.

*Totum igitur controuersie dissidium est, de  
mutatione totius Breuiarij.*

**D**IVVS Anton. 4.p.tit.13.cap.4.§.2. Tab.ver-  
bo hora num.16.& Armil.num.13.affirmant  
posse,etiamsi dispensare non possit, quominus of-  
ficium dicatur.

At constans est omnium aliorum opinio, in mu-  
tatione totius Breuiarij non posse Episcopum di-  
spensare, nec illam facere, aut permittere, quia  
Ius V. in dicta sua constitutione, pro summa sua  
authoritate talem mutationem prohibuit, & p.æ-  
cepit, vt omnes clerici tam sæculares, quàm Regu-  
lares in toto orbe secundum formulam in eo Bre-  
uiario positam horas canonicas recitarent, excep-  
tis his, qui per Breuiaria ante ducentos annos com-  
posita, & approbata recitabant. Vnde prædicta Epi-  
scoporum potestas nunc suspensa est, quia hæc est  
lex Summi Pontificis, quam inferior tollere non  
potest, nec limitare. Ex Clement. Ne Romani. de  
elect. Nec etiam potest quasi permanentiter dispen-  
sare, aut legem facere, vt quis possit semper, &  
pro arbitrio suo dicere officium aliter quàm in  
Breuiario Romano sit præscriptum, quia nec pos-

set hoc facere in alijs legibus ecclesiasticis, nec ad id potest moralis necessitas occurrere, sed opus est, tunc ad Papam recurrere. Ita Nauar. de oratione cap. 11. numero 24. Suar. lib. 4. cap. 11. num. 6. & cap. 23. n. 17. Reginal. lib. 18. n. 171. Molfes. tract. 5. cap. 2. num. 4. Filiuc. cap. 6. n. 186. Macig. cap. 29. n. 2. & Bonac. d. 1. q. 3. p. 1. n. 19.

Quod autem diximus de Episcopo, idem intelligendum est proportionaliter de Prælato Religionis.

## QVÆSTIO CXXX.

*Quid dicendum de eo qui vouit dicere officium talis Sancti, puta Sancti Bernardi die suo, in quo v.g. secundum Breuiarium Romanum dicendum esset de feria.*

**R**ESPONDEO hunc debere dicere duo officia, vntum de feria secundum obligationem communem, & alterum de sancto, vt voto satisfaciat.

Ex quibus omnibus non obscurè colligitur, priuilegium quod concessit Leo X. Minoribus, vt possent in Capitulo generali declarare dubia occurrentia circa officium diuinum, ordinando, addendo, aut delendo, quod fratribus videbitur conuenire, esse reuocatum per dictam constitutionem Pij V. in qua iubetur, quòd nihil possit mutari, deleri, aut addi officio diuino contento in dicto Breuiario reuocans quodcunque priuilegium contrarium.

QVÆ

## QVÆSTIO CXXXI.

*An Ecclesiæ præcepto satisfaciat, qui priuatim lingua Hebraica, Græca, vel Italica horas canonicas persoluit.*

**R**ESPONDEO eum satisfacere. Et ratio est, quia quoad significationem, & substantiam est idem officium, licet quoad verba sit accidentaliter diuersum. Qui autem facit ea, quæ ad præcepti substantiam spectant, abundè præcepto satisfacit.

Tum quia sicut valida est sacramentorum administratio facta Italico, aut alio idiomate, vt apud omnes manifestum est, ita etiam valida erit officij recitatio.

Dices, hic non recitat officium iuxta vsum Ecclesiæ, & iuxta modum Breuiarij Romani in quo preces Latina lingua describuntur, qui autem diuinum officium iuxta Ecclesiæ vsum, seu iuxta Breuiarij Romani modum non recitat, præceptum non implet.

Respondeo, hunc non implere præceptum quoad modum accidentalem, qui in vocibus consistit, adimplere verò quoad substantiam, & verborum significationem.

Hinc, qui lingua Græca, vel Hebraica, aut vulgari diuinum officium persoluit, ad nullam fructuum restitutionem tenetur. Et ratio est, quia præceptum quoad substantiam adimpleuit.

Hinc, qui ex voto, vel pœnitentia Confessoris

psalmos pœnitentiales, aut alias preces recitare tenetur, suæ obligationi satisfacit illas vulgari idiomate persoluendo, præsertim si hoc faciat maioris deuotionis causa, immò in hoc casu non solum suæ obligationi satisfaciet, verum etiam ab omni culpa excusabitur, cum ex nullo præcepto teneatur illas preces Latino potius, quàm vulgari idiomate persolvere.

## QVÆSTIO CXXXII.

*An peccet qui ita absque aliqua iusta causa horas canonicas persoluit.*

**R**ESPONDEO cum peccare. Et ratio est, quia facit contra vsitatum Ecclesiæ morem.

Tum quia diuina mysteria aliquo modo floccipendi videntur, dum horæ canonicæ neglecto absque causa consuecto Ecclesiæ idiomate recitantur.

Tum quia plebs de facili errare posset, non ritè percipiens verum & germanum sensum verborum, qui aliquando altior est, quàm per verba materialiter acceptus exprimitur, ob id iure optimo vsus bibliorum vulgari lingua conscriptorum interdictus est. Ita Nauar. conf. 12. de celebr. Missar. Suar. lib. 4. cap. 7. Filiuc. tract. 23. c. 3. & alij.

## QVÆSTIO CXXXIII.

*Vtrum ad recitationem horarum canonicarum, quæ per modum orationis persoluntur, intentio ad eas attendendi requiratur.*

**R**ESPON

**R**ESPONDEO eam requiri saltem implicitam, & virtualem. Et ratio est, quia ad satisfaciendum præcepto requiritur intentio faciendi id opus, quod præceptum iniungit.

Tum quia oratio est loquutio cum Deo, non loquitur autem cum Deo, qui cum eo loqui non intendit. ergo.

Tum quia recitatio horarum Canonicarum est actus humanus, qui non brutorum more sed humano modo impleri debet: non potest autem humano modo saltem virtualiter exerceri, sine intentione, & voluntate orandi, seu attentè recitandi, & in ea deinde formaliter, vel virtualiter remanendi.

Tum demum quia sicut præceptum violari nequit, nisi per actum humanum, ita nec impleri.

Hinc, qui horas canonicas recitat nullum habens attendendi propositum, tenetur illas repetere. Et ratio est, quia non seruat Ecclesiæ præceptum de attentione debita habenda.

Sed aduertat scrupulosus lector, quodd non est necessarium, vt quis semper initio diuini officij distinctè proponat recitare attentè, & reuerenter, sed sufficit vt in genere velit dicere officium more consueto.

## QVÆSTIO CXXXIV.

*Vtrum ad recitandum horas canonicas attentio necessariò requiratur.*

**P**RO huius quæstionis decisione, obseruandum est in primis, quod in cap. Dolentes. de celebra-

470 DE HORIS CANONICIS  
tione Missarum districtè præcipitur in virtute sanctæ obedientiæ, vt diuinum officium nocturnum pariter, & diurnum, quantum eis Deus dederit, studiosè celebrent pariter, & deuotè. Vbi Glossa penultima, & vltima dicunt, verbum illud *studiosè*, referri ad officium oris, quia officium diuinū pronunciari debet non in gutture, vel inter dentes, seu deglutiendo, aut syncopando, sed voce articulata. Deuotè verò ad officium cordis, id est, vt animus in diuino officio sit attentus, hoc est, vt mentem habeat præsentem ad id, quod dicitur, nempe, vt quod lingua foris personat, mens simul intus concipiendo loquatur. Vnde D. Augustinus. Hoc versetur in corde, quod profertur in ore. Et D. Hieronymus. Audiant hoc hi, quibus in Ecclesia psallendi officium est, Deo non voce tantum, sed corde cantandum.

---

### QVÆSTIO CXXXV.

*Sed quæret aliquis hoc loco, An in illis verbis  
contineatur præceptum.*

**H**OSTIENSIS in cap. Dolentes. de celebrat. Miss. nō putat ista verba cōtinere præceptum, sed consilium. Quod colligit ex illis verbis: *Quantum Deus dederit.*

Alij verò communiter tenent in illis verbis contineri rigorosum præceptū, & omnino proprium, vt constat ex illis verbis: *Districtè præcipimus in virtute sanctæ obedientiæ.* Hæc enim sunt potissima verba, quibus explicari solet, & potest proprium, & rigorosum præceptum.

Nec



Nec obstant verba illa, *Quantum Deus dederit*: quia non sunt posita ad enervandum, vel tollendum præceptum, sed ad limitandum, vel declarandam materiam eius. Insinuatur enim per illa verba, non præcipi hîc deuotionem, & attentionem aliquam peculiarem, sed solùm illam, quam homo potest, & debet cum Dei auxilio præstare.

---

## QVÆSTIO CXXXVI.

*Sed grauius hinc oritur dubium, An hîc sint duo Ecclesiæ præcepta, vnum recitationis, alterum verò attentionis.*

**I**OANNES Medina de oratione q. 16. & Corduba lib. 4. q. 13. ad finem cum plerisque aliis putant, esse duo præcepta, & vtrumque obligare ad mortale. Et probant, quia præceptum horas dicendi absolute priùs fuit latum, deinde in cap. Dolentes, &c. fuit latum præceptum de attentione, vnde qui horas dixit sine debita attentione, satisfacit præcepto primo de dicendis horis, etiam si non satisfaciât secundo de attentione, & ita non tenebitur eas redicere, etsi de facto attentionis, teneatur pœnitere.

Hoc tamen non obstante, communis omnium tum Theologorum, tum Canonistarum sententia habet, in illo decreto non duo, sed vnum tantùm præceptum contineri, licet in eo explicentur duæ conditiones necessariæ ad complementum huius præcepti, quæ sunt integritas orationis, & attētio, quarum prima explicatur per particulam *studiosè*,

secunda verò per particulam *deuotè*. Ratio est, quia attentio quæ est actus interior, non potest Ecclesiastica lege per se, & directè imperari, sed solùm vt vnum actum moraliter componit cum exteriori recitatione, ergo ibi non sunt duo præcepta, sed vnum. Vnde vnum tantùm peccatum committitur, siue sola integritas, siue sola attentio necessaria, siue vtraque simul voluntariè omittatur.

Dices, duplex peccati genus in hoc committi posse, vnum si clericus horas canonicas prætermittat, alterum verò si spontè distractus pensum horarum persoluat. Duo sunt igitur præcepta, vnum de integrè recitando, & alterum de attentè recitando.

Respondeo, hoc argumento solùm cōcludi, præceptum de recitandis horis Canonicis, duobus modis posse violari, & omittendo, & malè eas recitando. Sicut præceptum annuæ confessionis dupliciter negligi potest, videlicet & omittendo, & malè peccata confitendo. Azor. libro 10. cap. 12. quæstione 5.

Obseruandum est secundò, attentionem esse duplicem, internam, & externam. Attentio interna est illa, quæ recitans attendit animo ad Deum. Externa verò est illa, quæ recitans se gerit in speciem orantis, abstinétque ab illis actibus, cùm quibus attentio interna esse non potest.

Sciendum est tertio, varias esse attentionum species, scilicet ad verba, ad sensum verborum, vel ad Deum vel secundùm se, vel secundùm aliquod nostræ fidei mysterium, vel ad rem petitam, vt obtinendam à Deo: & quamlibet ex his attentionibus posse esse, vel actuale, vel virtuale.

His suppositis de casu proposito duæ extant

Docto

Doctorum opiniones. Prima est asserentium internam attentionem ad canonicas horas recitandas non requiri, sed sufficere exteriorem, quia recitans non se occupet, dum officium recitat in aliqua actione incompatibili cum attentione interiori, v.g. loquendo, scribendo, pingendo, &c. Et probant, quia Ecclesia non potest præcipere, aut vetare simpliciter actus mentis interiores, ergo nec imperat internam mentis attentionem.

Tum quia in dicto cap. Dolentes, non simpliciter præcipitur attentio, sed cum illa limitatione, *in quantum Deus eis dederit*.

Tum demum, quia difficillimum est attentionem habere interiorem: non est autem credibile Ecclesiam voluisse ad actum adeo arduum obligare, cum Ecclesiæ iugum suauis sit, sicut est Christi iugum. Et idem ita tenent Duran. in 4. dist. 15. q. 12. num. 6. Palud. ibidem. q. 5. ar. 2. D. Anton. 3. p. tit. 13. cap. 4. § 8. Angel. verb. hora. num. 27. Rosel. & Tab. §. 3. Syluest. quæst. 11. Medina C. de oratione q. 16. & multi alij, quorum opinionem Filiuc. tract. 23. q. 8. censet esse probabilem.

Secunda verò opinio, quæ magis ad veritatem accedit, docet attentionem interiorem esse necessariam, aded ut si quis interiùs spontè alienis cogitationibus se occupet, non satisfaciat præcepto Ecclesiæ de horis dicendis. Et ratio est, quia Ecclesia in Conc. Lateran. districtè præcipit ut diuinum officium celebretur studiosè pariter, & deuotè, ut patet cap. Dolentes, de celebrat. Missarum. Atqui deuotio consistit in actu interno, & requirit internam attentionem ad diuina, ergo.

Dices, eo decreto solùm præcipi deuotione

externam quæ sita est in eo, vt quis se gerat exteriùs in modum orantis.

Respondeo, deuotionem externam sine interna non esse deuotionem, sed deuotionis simulationem, vnde qui sic orat, non potest dici *deuotè* orare.

Tum quia, vt clericus satisfaciât præcepto Ecclesiæ, non requiritur externa deuotio precantis, vt genuflexio, &c. præsertim cùm officium priuatim recitatur, nam sufficit deuotio interna.

Tum quia Ecclesia præcipit ecclesiasticis deuotam recitationem horarum canonicarum, tanquam verum actum orationis, qua per suos legatos, ac ministros colloquatur cum Deo, atqui ad talem actum requiritur interna attentio, & reuerentia, ergo simul præcipit internam attentionem. Maior propositio per se cõstat. Minor verò probatur, quia oratio potissimùm consistit in actu interno, est enim colloquium cum Deo, vnde requirit attentionem, & reuerentiam erga Deum.

Tum quia recitatio officij debet esse actus humanus, & ideo non debet esse ex sola imaginatione quæ nobis, & bestiis est communis, sed ex deliberatione quæ attentionem requirit.

Tum quia, qui exteriùs profert verba orationis absque animo orandi, verè non orat: sicut ergo requiritur animus orandi, ita etiam interna mentis attentio.

Tum quia Ecclesia potest præcipere actus internos, quando necessarij sunt, vt actus externi sint actus virtutis, ergo potest præcipere internam attentionem, & reuerentiam, sine qua, actus exterior non est virtutis opus. Antecedens probatur, quia  
alio

alloquin omnibus Ecclesiæ præceptis posset satisfieri per meram simulationem, & hypocrisim, sic enim satisfaceret Ecclesiæ præcepto audiendi Missam, qui accederet animo irridendi diuina, & præcepto annuæ confessionis, qui confiteretur omnino fictè, & absque desiderio obtinendi gratiam, quæ omnia sunt plusquam falsa.

Tum demum, quia oratio sine interna deuotione, & attentione nõ est Deo grata, vt patet ex querumonia, cuius meminit Dominus noster Matth. 15. Populus hic labijs me honorat, cor autem eorum longè est à me. Vnde Apostolus ad Ephes. 5. monet, canentes, & psallentes in cordibus vestris Domino. Super quæ verba D. Hieronymus ait. Audiant hi, quibus in Ecclesia est psallendi officium, Deo non voce, sed corde cantandũ. Quod refertur in cap. Cantantes. dist. 92. Vbi Glossa habet hos versus commendatos à Nauar. de orat. c. 13. n. 1.

*Non vox, sed votum, non musica cordula, sed cor.*

*Non clamans, sed amans cantat in aure Dei.*

Hinc non est audiendus Medina C. de oratione q. 16. qui negat præceptum Ecclesiæ obligare clericos ad orandũ, cum præcepit septẽ horas recitare. Quia Ecclesia non potest præcipere actus internos, oratio autem ex natura sua interiorem actum requirit, & idèd solùm obligat ad dicendas illas solùm materialiter, quòd si minister non apponat deuotionẽ, Ecclesia apponit, cuius nomine, & tanquam eius minister orat. Non est, inquam, audiendus. Primò, quia falsum est, Ecclesiæ præceptum de recitandis horis non esse præceptũ de orãdo verè, & propriè, sed solùm de legendis illis psalmis, & lectionibus, ac proinde quacunque attetione, & modo legatur, satis

476 DE HORIS CANONICIS  
satisfieri præcepto, nam hoc euidenter est contra  
earum institutionem, qua horæ Canonicae vocan-  
tur horæ orationis, vt constat ex illo Act. 3. Ad ho-  
ram orationis nonam.

Tum quia Ecclesia testatur se per septem horas  
velle explere illud Dauidis Psalm. 118. Septies in  
die laudem dixi tibi. Et illud, Media nocte surgebā  
ad confitendum tibi. At illa non implentur nisi per  
veram orationem, ergo hanc præcipit Ecclesia.

Secundò falsum est, Ecclesiam non posse fideli-  
bus præcipere, vt verè, ac propriè, & ex corde orèt,  
est enim hoc contra totius Ecclesiæ consuetudi-  
nem, & contra omnem rationem & pietatem, nam  
vera oratio est sæpe necessaria, vel Ecclesiæ, vel  
alicui fidei, cur ergo neganda est Ecclesiæ pote-  
stas, vt possit sibi vel suis subditis de hoc reme-  
dio, vel de hoc diuino cultu efficaciter probi-  
dere.

Tum quia, si hoc non potest, certè nec præci-  
pere poterit, vt sacrum audiant, quia sacrum audi-  
re non fit sine actu interno. Nec etiam poterit præ-  
cipere annuam confessionem, quæ sine actu inte-  
riori fieri non potest. Immo nec vt administrent sa-  
cramenta, quia etiam hæc sine interiori intentio-  
ne administrari nequeunt.

Tum quia, licèt sit dubium, an Ecclesia possit  
per se, & directè præcipere actus internos. tamen  
non est dubium, quin consequenter, & vt circum-  
stantiam, vel formam actuum externorum possit  
illos præcipere, & hoc pacto præcipit orationem  
vocalem, vt vera oratio est, quando præcipit septem  
horas recitare, & illam præcipiendo, consequenter  
ex vi talis præcepti, insurgit obligatio attendendi.

Deni

Denique, non bene illa cohærent, quæ Medina ponit, scil. Ecclesiam verè orare, quando ministri eius horas canonicas legunt, etsi non orent, sed tantùm materialiter legant, quia si ipsi non orant, quomodo per eos orat Ecclesia. Nam oratio non dicit habitum, sed actum, & ideo si nullus in Ecclesia actu orat tali tempore, & loco, fieri non potest, vt in illo eodem tempore, & loco Ecclesia oret. Quare dicendum est, hoc præceptum esse de oratione, & non nisi per veram orationem adimpleri, ac subinde sine intentione orandi, & absque attentione saltem virtuali impleri non posse.

Hinc, qui attentissimè diuinum officium recitat, non animo orandi, aut colendi Deum, sed aut legendi recreationis gratia, aut psalmos addiscendi, non satisfacit præcepto, sed tenetur illud reiterare. Ratio est, quia hic orare cogitur, & qui legit, non orat, vt constat. ergo.

Nec obstant in contrarium adducta, nam ad primum respondeo quòd etsi ecclesia non possit actus internos per se, & immediatè, ac nudè consideratos præcipere, potest tamen mediatè eisdem præcipere, quatenus sunt conditio necessariò requisita ad externos debito modo præstandos, videlicet vt sint actus virtutum, & idonei ad finem supernaturalem. Sicut qui præcipit Missam audire, ex consequenti, & mediatè præcipit eam attentionem, & reuerentiam, sine qua oratio, & auditio Missæ non sunt actus Religionis. Et qui præcipit confessionem annuam, etiam præcipit examen interius conscientiæ, & internam contritionem, sine quibus confessio non est actus virtutis. Ita qui præcipit recitationem, quæ est actus exterior, ex consequenti præcipit

478 DE HORIS CANONICIS  
cipit attentionem, quæ est conditio necessario requisita ad debitam recitationem. Sic D. Tho. in 4. dist. 15. q. 4. ar. 2. ad 2. Caiet. 2. 2. q. 83. ar. 13. Sot. li. 10. q. 5. ar. 5. Azor. lib. 10. cap. 12. q. ... Arag. 2. 2. q. 83. ar. 13. & alij communiter.

Ad secundum patet solutio ex dictis.

Ad tertium, & vltimum respondeo, huiusmodi præceptum non esse de re valde ardua, & difficili, primò quia sufficit attentio virtualis, quam non est arduum habere.

Tum quia sufficit attentio ad verba, vel ad sensum verborum, vel ad finem orationis, vel ad Christi passionem, vel ad rem aliam piam, vt inferius dicemus.

---

## QVÆSTIO CXXXVII.

*Vtrum attentio actualis sit ad persoluendas horas canonicas necessaria.*

**R**ESPONDEO non esse necessariam. Et ratio est, quia id quod in hominis potestate situm non est, nullatenus potest esse necessarium: tenere autem fixam mentem, vt non diuagetur, non semper nobis est possibile, secundum illud Dauidis psal. 39. Cor meum dereliquit me.

Tum quia non obstante illa distractione inuoluntaria, oratio vocalis subsistit, & per illam abundè adimpletur præceptum orationis, ergo attentio actualis non est ad satisfaciendum præcepto diuini officij necessaria. Ita D. Tho. 2. 2. q. 83. ar. 13. ad 3. Nauar. de oratione cap. 13. nu. 15. & Suar. tom. 2. de Relig. lib. 3. cap. 3. nu. 6.

QVÆ



## QVÆSTIO CXX XVIII.

*Utrum attentio virtualis sit ad persoluedas horas canonicas necessaria.*

**R**ESPONDEO esse necessariam. Et ratio est, quia ad satisfaciendum præcepto diuini officij illa attentio necessariò requiritur, sine qua recitatio officij vera oratio non est, atqui recitatio sine attentione saltem virtuali vera oratio non est, ergo attentio virtualis est ad satisfaciendum præcepto orationis necessaria. Est autem attentio virtualis, cum quis ab initio formaliter, aut virtualiter proponit attendere ad horas, nec postea quamuis distractus contrarium propositum habet: prout censetur habere is, qui vel non vult attendere, vel aduertens se euagari cogitâdo res à sua oratione alienas, non studet mentem reuocare ad attentionem debitam: nec interim facit aliquid, vnde sequitur ex natura sua distractio. Et hæc mentis euagatio potest esse mortalis, non modò, quando est deliberata, directèque volita, verùm etiam cum volita indirectè, vt cum quis plena aduertentia aduertens non attendere ad orationem, per crassam, & supinam negligentiam de ea non curat, permittitque se euagari, verùm etiâ, quando quis, etsi habeat animum attendendi, voluntariè tamen facit aliquid, ex quo sequitur ex natura sua distractio. Ita Bellarm. lib. 1. de bonis operibus cap. 18. Valent. 2. 2. disput. 6. quæstione 2. p. 10. Azor. libro 10. cap. 12. Tolet. lib. 2. cap. 13. numero 9. & Suarez libro 3. capite 4. & cap. 26.

Verùm

Verum in hoc non oportet esse nimis scrupulosum, quia ut inferius dicemus, ad substantiam orationis minima attentio mentis sufficit.

---

## QVÆSTIO CXXXIX.

*An prima attentio, qua orans attendit solum ad verba, ne unum pro alio dicat, sufficiat ad implendum præceptum recitandi horas canonicas.*

**N**AVAR. de oratione cap. 13. nu. 34. & 35. censet eam sufficere, dummodo qui illam habet, perfectiorem, & altiore attentionem non excludat. Ex quo infert, non satisfacere Ecclesiæ præcepto qui orat meditando passionem Christi, si intendit ibi ultimatè sistere tanquam in ultimo fine suæ recitationis, & non ascendere ad montem diuinitatis.

Communis tamen opinio habet absolutè, & in vniuersum primam attentionem sufficere, supposito animo orandi, & vacandi Deo. Et ratio est, quia ut diximus, ad veritatem & substantiam orationis, sufficit attendere ad verba, quia per hoc saluatur intentio orandi, & ut recitatio illa sit actus humanus, & signum diuini cultus, & petitionis, quæ Deo interna mente offertur, ergo illa etiam sufficit, nec aliud ex vi orationis exigitur ad implendum præceptum.

Tum quia præceptum Ecclesiæ non obligat, nec fortè

fortè obligare potest ad certum modum actus interioris, sed solum ad illum, qui necessarius est, vt recitatio, oratio vocalis sit, ad hoc autem sufficit quælibet attentio ex dictis, etiamsi præstantiorem voluntariè excludat. Ita Suar. to. 2. lib. 3. cap. 4. nu. 8. Filiuc. to. 2. tract. 23. cap. 3. nu. 76. Bonac. de horis canon. disp. 1. q. 3. p. 2. num. 5.

Hinc, qui diuinum officium persoluit, non tenetur meliorem attentionem habere, sed suo muneri satisfacere, quamlibet ex dictis eligendo. Ita Suar. & alij vbi suprà.

Hinc, si quis cum hac attentione ad verba, posset simul ad alia attendere (sicut illi qui ternas, quaternas, vel plures simul epistolas dictant) satisfaceret præcepto Ecclesiæ, nec peccaret mortaliter, vt rectè docet Nauar. de oratione cap. 13. num. 23. peccaret tamen venialiter ob irreuerentiam.

Hinc, qui neque ad verba, neque ad sensum verborum, neque ad Deum, neque ad res, quæ petuntur, attentionem habet, sed deliberatè recitando officium, ad alia mentem diuertit, sine animo repetendi, & est pars notabilis, peccat mortaliter, quia transgreditur præceptum, cap. Dolentes, de celebrat. Missarum. Nau. in Man. cap. 25. nu. 106.

## QVÆSTIO CXL.

*An qui animo voluntariè distracto diuinum officium persoluit, cum proposito illud repetendi, peccet mortaliter.*

Hh RESPON

**R**ESPONDEO non peccare mortaliter, quia adhuc illi superest tempus implendi præceptum. Secus si tunc habuisset propositum non repetendi illud, quia in eo casu peccasset mortaliter ratione propositi, nondum tamen in rigore esset transgressus exterius præceptum, sed teneretur illud implere, cum posset, unde si postea mutasset propositum, & recitaret, impleteret præceptum.

Hinc, qui ob aliquam iustam causam, putatissim, colloquutionem, aliquid etiam notabile cum animo repetendi omittit in choro, non peccat. Secus si esset aliquid notabile, & animum repetendi non haberet, Nauat. in Man. cap. 25. nu. 98. Nam si quid parui momenti esset, non oporteret repetere, quod alij dicunt, si ipse recitare nequeat, vel quia tussit, vel sanguis è naribus effluat. Quia ratione societatis dictum ab vno, censetur dictum ab alijs. Ita Nau. de orat. c. 19. num. 83.

## QVÆSTIO CXLI.

*An qui spontè distractus horas canonicas recitauit, & postea repetat, peccauerit prima vice sic recitando.*

**R**ESPONDEO, si hic habuit animum repetendi, non peccauit: si non habuit, tunc vel habuit contrarium animum non repetendi, & sic peccauit: vel negatiuè se habuit, & tunc si cœpit horas canonicas cum proposito implendi per illum actum, præceptum, & postea persistendo in eo proposito spontè ad alia orationis diuersa animum diuertit,

diuertit, peccauit mortaliter, quia virtualiter permansit in eo, & consequenter implicite noluit repetere. Si verò quis solitus esset repetere, cum aduertit animo vltro distracto recitasse, verisimile est, non peccasse, quia virtualiter videtur habuisse animum repetendi.

## QVÆSTIO CXLII.

*An qui animo vltro distracto horas canonicas persoluit, Ecclesiæ præcepto satisfaciat, ita ut preces non teneatur repetere.*

**D**I V V S Anton. 3. p. tit 13. cap. 4. Medin. C. de oratione q. 16. & Corduba in suo quæst. lib. 4. quæst. 13. censent eum Ecclesiæ præcepto satisfacere, ac proinde non teneri quod recitauit repetere, quia putant duo esse Ecclesiæ præcepta, vnum integrè recitandi, aliud attendendi: Si ergo non attendit, peccat mortaliter, quia non implet modum præcepti: at si recitat, implet substantiam præcepti, ideo non tenetur repetere.

Sed communis, & verior sententia est, hunc Ecclesiæ præcepto non satisfacere, ac proinde teneri horas canonicas repetere, Et ratio est, quia præceptum ecclesiasticum orandi vnum tantum est, recitandi videlicet horas canonicas: in hoc autem non includitur attentio: si ergo prima vice non attendit, non impleuit præceptum, ergo tenetur illas repetere. Sicut qui Missam de præcepto audiuit sine vlla attentione, tenetur intra eundem diem aliam audire, si potest.

Tum quia hic non orat, sicut præcipit Ecclesia, ergo sic orando Ecclesiæ præcepto non satisfacit.

Tum quia, qui sic orat, orat sine mente, ergo non orat, atque ex consequenti Ecclesiæ præceptum non implet, & tenetur illud repetere. Antecedens per se constat. Consequentia verò probatur, nam oratio ad minus est actus humanus, qualis non est illa, quæ sine vlla attentione fit, ergo non est oratio.

Tum quia oratio ut constat ex definitione Damasceni, est ascensus mentis in Deum, sed qui solo verbo absque vlla attentione orat, non eleuat mentem suam in Deum, ergo non orat, ac proinde Ecclesiæ præcepto non satisfacit, sed tenetur recitatum repetere.

Hinc beneficiarius, qui spontè, sine vlla attentione horas canonicas persoluit, suo muneri, & officio non satisfacit, ac proinde tenetur illas repetere, alioquin obligatur ad restitutionem fructuum; non enim satisfacit Ecclesiæ præcepto, qui diuinum officium deuotè non recitat.

Hinc Canonicus, qui spontè, mente distracta in choro diuinum officium persoluit, quotidianas distributiones non lucratur. Et ratio est, quia hic muneri chori non satisfacit. Nauar. de oratione cap. 13. num. 15. Moneta 2. p. quæst. 2. num. 22. & Molfes. cap. 2. q. 94.

Dixi notanter, *Spontè*, quia qui inaduertenter se distrahit, licèt voluntariè in eo versetur, non est dicendus ex proposito se distrahere. Quia ut rectè Illustrissimus Caietanus annotauit, non satis est, ut quis aduertat se alia cogitare, sed

opus

opus est, ut aduertat se per ea diuerſi ab oratione : aut aduertat quidem ſed procurer ſaltem mediocriter retrahere mentem ab euagatione, etiamſi non ſequatur retractio. Quod eſt valdè notandum à ſcrupuloſis, qui ſæpe repetunt horas, & ſemper committunt eaſdem, vel maiores imperfectiones : ſi ergo tales bona fide, & cum propoſito vacandi Deo, incipiunt recitare, etiam ſi in fine Pſalmi aduertant ſe fuiſſe diſtractos, non tenentur recitatum repetere, ſed poſſunt proſequi denuo applicando mentem. Idem dic ſi non recordentur ſe omnia dixiſſe : quandiu enim non conſtat euidenter ſe propoſitum muſaſſe, vel aduertenter circa alia ſe vagatos fuiſſe, poſſunt credere ſuo muneri ſatiſfeciſſe. Nau. de orat. cap. 13. num. 29.

Hinc non ſatiſfacit Eccleſiæ præcepto, qui cum non ſit ſui compos, ſed ebrius, recitat, aut Miſſam audit, ſed tenetur factus ſui compos iterum recitare. Et ratio eſt, quia hic non audit, vel recitat actu humano.

Hinc non ſatiſfacit Eccleſiæ præcepto, qui dormiendo, aut dormitando diuinum officium perſoluit, & ut à mortali culpa ſit liber, tenetur illud repetere, aut ſupplere id quod ipſo dormiente ſocius recitauit.

Hinc qui aliqua parte notabili alicuius horæ ſua culpa obdormit in choro, non plus diſtributiones illius lucrificat, quàm ſi non interſuiſſet.

Hinc non ſatiſfacit Eccleſiæ præcepto de audienda Miſſa qui toto tempore, quo illa, aut aliqua eius pars notabilis celebratur, obdormit : ſicut etiam non ſatiſfaceret, ſi non intereſſet.

Dixi notanter, *aut aliqua eius pars notabilis*, quia obdormire ad verbum vnum, aut alterum, non est plus quàm veniale : in omni enim materia præcepti, modicitas excusat à mortali, secundum Diuum Thom. 2. 2. quæst. 59. art. 4.

Hinc peccant, qui tempore, quo diuinum officium recitatur, deferunt ad chorum canes, & infantes, qui plorant, vel vociferantur, & fatuos qui tumultus excitant. Et ratio est, quia sunt causa suæ, vel alienæ distractionis, ab attentione diuini officij.

Hinc peccat, qui in choro recitat quippiam aliud interim, dum chorus recitat, vel canit. Et ratio est, quia non solum obsequium, quo est obnoxius, choro subtrahit, sed etiam alios psallentes perturbat.

Hinc qui inchoata hora venit ad chorum, non debet statim supplere id, quod iam chorus recitauit, sed debet illam cum eo continuare, & ea finita, supplere defectum.

Hinc peccant, qui pronunciant corruptè dictiones, vel ab eruditis admoniti non seruant accentum. Quia præterquam quòd non dicunt id quod, & quomodo debent, se, & alios psallentes perturbant. Nec excusantur ex eo quòd accentus error sit paruus. Tum quia non est eiusmodi, cùm significationem mutat. Tum quia licèt paruitas erroris excusat à culpa mortali, non tamen à veniali. Tum quia quamuis per se paruus sit error, per accidens tamen ob perturbationem, & distractionem, quam parit in choro, magnus est.

Hinc peccat, qui sine iusta causa, & aduertens  
stat,



stat, cùm sedere debeat, & qui sedet quando stare debet. Ratio est, quia hic seipsum, & alios perturbat, ac proinde sumit, & dat causam auocandi se, vel alios ab orationis attentione.

Hinc peccant, qui Missam ita submissè dicunt, vt circumstantes non possint illam audire. Quia præterquam quodd est abusus, vti declarauit Conc. Basilien. sess. 22. titulo de iis, quæ in Missa, &c. auditores turbant, & occasionem præbent murmurandi, & cogitandi multa quæ sunt attentioni contraria.

Hinc qui ita festinanter pronunciat, vt socius saltem ad verba attendere nequeat, peccat mortaliter, & tenetur horas redicere. Et ratio est, quia festinatio illa præceps debitam attentionem impedit.

Hinc peccant, qui nimis festinè, aut nimis tardè pronunciant Missam, hi enim non solum seipsum, sed etiam alios turbant, & distrahunt, & occasionem præbent, vt aliqui dicantur celebrare Missam venatorum, alij verò cereorum consumptores vocentur.

Hinc peccant, qui aded festinè canunt aliquas Missas, præsertim defunctorum, vt videatur subsannatio, & irrisio bene canentium. Hi enim se, & alios perturbant, & per consequens prouocant magis ad risum, quàm ad cogitandum de Deo.

## QVÆSTIO CXLIII.

*An qui inter recitandum exercet aliquam actionem attentioni orationis repugnantem, peccet mortaliter, & teneatur recitatum redicere.*

**R**ESPONDEO affirmatiuè. Et ratio est, quia hoc faciens, & aduertens se distrahi, caret proposito attendendi, & consequenter Ecclesiæ præcepto non satisfacit, sed tenetur diuinum officium repetere. Nau. de orat. cap. 10. num. 13.

Hinc, qui dum horas canonicas persoluunt ex præcepto simul sponte sua scribunt, pingunt, vel legunt aliquid diuersum ab eo, quod recitant, vel aliud externum opus faciunt, quod peculiarem attentionem requirit, bis peccant, nunc mortaliter, nunc venialiter. Primò, quia seipsos distrahunt, deinde verò quia socios à bene attendendo auertunt. Et ratio huius est, quia hæc omnia, & similia requirunt totum hominem, & absorbent ita attentionem pro se, vt non derelinquant pro recitatione officij, eam quæ requiritur.

Tum quia paria sunt, non recitare, vel recitare agendo attentioni debitæ repugnantia. At secus dicendum esset de eo, qui necessitate ductus, aut urbanitate responderet alicui, vel scriberet, modò animum haberet recitandi ea, quæ socij recitant, dum ipse scribit. Ita Sor. lib. 10. q. 5. art. 5. Nauar. de oratione cap. 13. num. 47. Suar. lib. 3. cap. 26. num. 21. Azor. lib. 10. cap. 12. q. 7. & alij.

Hinc,

Hinc, qui dum diuinum officium recitatur, rixantur, murmurant, vel ridet barbarissimos, solæcisimos accentus, aut prauam pronunciationem eorum qui legunt, vel cantant in Missa, aut choro, & super his contendunt cum sociis, alienando seipso, & alios ab attritione necessaria eius, quod postea recitatur, plus peccant, quàm is, qui errauit. Nam is peccauit in vno, vel altero verbo, syllaba, vel accentu, & qui sic murmurant, vel rident, omittunt dicere, vel audire multa, & distrahunt alios, ne etiam audiant, vel dicant.

Hinc, qui rogat, vel causam dat, quòd legatur, scribatur, loquatur, aut aliud quippiam attentioni debitæ repugnans fiat, peccat. Et ratio est, quia qui dat occasionem damni, damnum dedisse videtur. c. fin. de iureiur.

Hinc non censetur distractus ab oratione chori, qui alicui ministerio eiusdem chori ibidem incumbit, eique conuenienter præstando attendit, ideòque ad illam non aduertit, ille enim suo modo tali orationi cooperatur, & ad Deum pro tunc attendit, & ideo vt membrum illius chori, cum toto corpore orat.

Hinc præcepto de audienda Missa satisfacit, qui in illa ministrat, & licet interdum ad sacristiam eat, vel aliud simile faciat, non censetur moraliter Missam interrompere. Si verò exiret quis è choro recreationis gratia, etiam ex vera necessitate, & propterea partem aliquam officij omitteret, teneretur illam repetere.

## QVÆSTIO CXLIV.

*An qui dum diuinum officium persoluit, vestibus se induit, vel spoliat, aut aliud quidpiam facit, Ecclesie precepto satisfaciat.*

**D**IVVS Anton. 2. tit. 9. cap. 3. §. 3. cēset cum esse dignum reprehensione, & vix satisfacere præcepto, quia ex professo se immiscet actibus ab attentione auertentibus.

Contrarium tamen est omnino amplectendum. Ducor, quia huiusmodi opera cum sint leuia, facilia, & consueta, nequaquam animi debitam attentionem impediunt.

Hinc, qui inter recitandum, manus, ac faciem lauat, calamum ad scribendum aptat, instruit ignē, pectit caput, hanc, vel illam herbam, vel rosam, vel vnam colligit, vel sternit mensam aut lectum, vel simile quippiam facit, non peccat mortaliter. Et ratio est, quia illi actus corporales implemen- tum præcepti recitandi impediunt, qui repugnant, & sunt incompatibiles cuilibet attentioni trium prædictarum, habilitate eorum, qui recitant inspecta, & constat supradictos actus non esse tales, quia facientes illos possunt attendere ad horas aliqua attentione trium supradictarum. Vnde apud Monachos Ægyptios, vt ex Cassiano refert Nauar. de oratione cap. 13. num. 47. in vsu fuit, vt externis operibus occupati preces funderent: quod-  
que

que Pontifices, & alij sacerdotes dum sacris vestibus se induunt, dum in medio Missę manus lauant, dūque se in fine eius vestibibus exuunt, certas preces dicere præcipiuntur. Atque in ordine Prædicatorum ( vt dicit Sotus ) eis præceptum est, vt surgentes horas Virginis persoluant, & vt antiqua indicat dormitorij dispositio, inter induendum se fratres illas inchoabant, videlicet, vt iniqua phantasmata, quæ in ipsa expergefactione occurrere solent, abigerentur.

## QVÆSTIO CXLV.

*Sed dubitabit aliquis hoc loco, An hic peccet saltem venialiter.*

**R**ESPONDEO, nisi subsit iusta id faciendi causa, eum peccare venialiter propter irreuerentiam, quam sic orando Deo irrogat. Dixi notanter, *nisi subsit iusta causa*, &c. Quia si quis præter spem summo mane excitetur ad sacrificandum necessitate urgente, & inter vestiendum, & calceandum diuinum officium pronunciet, non peccat, vt rectè monet Nauarr. de oratione capit. 13. numero 50.

## QVÆSTIO CXLVI.

*An qui non ex præcepto, sed sua voluntate orat sine attentione, non nihil peccatum committat.*

ET

**E**T quidem loquendo de eo, qui mente voluntariè distracta recitat aliquos psalmos, vel hymnos, non animo orandi, sed secum loquendi, se recreandi, ac mentem aliò diuertendi, certum est, hunc non peccare non adhibendo attentionem. Et ratio est, quia illos non per modum orationis, sed tanquam mentis retinaculum eligit.

## QVÆSTIO CXLVII.

*Tota igitur lis est de eo, qui verè vult orare.*

**G**ABRIEL in Canonæ Missæ lect. 62. negat, quia cum oratio in hoc casu non sit de præcepto, sed voluntaria, sicut potest sine peccato omitti, ita etiam potest sine peccato ab eo attentio abesse.

Sed communis & verior sententia est in contrariū. Ducor, quia licet oratio sit libera, ac proinde ab ea cessare possimus: at eo ipso, quod oramus, orare debemus, prout ipsius orationis ratio, & natura postulat, at oratio non subsistit sine attentione saltem virtuali, ergo.

Tum quia qui vult Deum alloqui, aut aliquid ab eo petere, debet alloqui, & petere conuenienti modo, ille autem non alloquitur, nec petit conuenienti modo, qui non attendit ad ea, quæ dicit, vel petit, ut patet à simili de eo, qui cum Principe terreno sermonem habet. Vnde D. Basilius in libro de vita perfecta c. 2. ait. Attentione enim orati in primis opus est: nam si ante Principem consistas, negligentius te habendo, minimè audiendo, minimè  
respon

respondendo, minimèque aspiciendo; sed aliò verum oculos flectendo, non solum non placabis, sed & ad iracundiam eundem prouocabis. Quantò magis ante Deum, qui tuam conscientiam intus, & in mente nouit, & quasi quid vacilles statim deprehendit. Et Hugo de sancto Victore. Si cùm orationem fundimus, quodlibet aliud in corde versamus, etiamsi illud bonum sit, à culpa liberi non sumus.

Tum etiam, quia orationes sine attentione reprehenduntur à Christo Matth. 15. Populus hic labiis me honorat, cor autem eorum longè est à me.

Tum demum, quia qui hospitio excipit aliquem virum venerabilem, quem non tenetur excipere, peccat si eum sordidè, & immodestè tractet, quia debet, aut non excipere, aut bene cum debitis circumstantiis id facere. Valent, 2. 2. d. 6. q. 2. p. 12.

## QVÆSTIO CXLVIII.

*Sed dubium est, an hic peccet mortaliter.*

**R**ESPONDEO, cum tantum peccare venialiter. Et ratio est, quia defectus circumstantiæ attentionis in opere aliàs non debito, inducit tantummodo indecentiam quandam, quæ planè contra charitatem non militat.

Hinc, qui sine attentione saltem virtuali coronam, vel aliquid aliud ex deuotione recitat, peccat venialiter. Et ratio est, quia licèt tunc non teneatur ex præcepto affirmatiuo orare, nihilominus ex præcepto,

494 DE HORIS CANONICIS  
præcepto negatiuo Religionis , & tenetur cauere  
actus irreuerentiæ , & alloqui Deum conuenien-  
ti modo ex suppositione , quòd ipsum alloqui , &  
orare velit.

---

### QVÆSTIO CXLIX.

*Vtrum possimus eodem tempore Missam au-  
dire , & horas canonicas , vel alias pre-  
ces votas, vel à confessorio iniunctas re-  
citare.*

**S**YLVEST. verb. Missa. 2. §. vlt. Ang. verb. feriæ  
num. 46. Rosel. verb. Dominica. nu. 7. & Armil.  
verb. festum. nu. 11. negant. Quia vtrique actioni,  
sua & propria debetur attentio, & implicat contra-  
dictionem, vt duabus rebus diuersis simul quis at-  
tendere possit.

At multò probabilius est posse. Ducor, quia vno  
& eodem opere duo præcepta simul implere pos-  
sumus, & attentio, quæ in Missa audienda requiri-  
tur, non impedit eam quam horæ canonicæ , vel  
aliæ preces postulant , quoniam vtrique præcepto  
satisfacimus, si animum ad Deum ipsum, resque di-  
uinas attendamus.

Tum quia per præceptum audiendi Missam, so-  
lùm sancitur , vt Missæ sacrificio assistamus , non  
autem vt simul quæ à sacerdote dicuntur , audia-  
mus, cum longè distantes ab altari , & Græcorum  
Missam audientes, præcepto de audienda Missa sa-  
tisfaciunt, neque per solutionem orationum præ-  
ceptarum attentio Missæ debita tollitur, & qui red-  
dunt



dunt creditori extrema necessitate laboranti debitum, eodem actu, iustitiæ, & charitatis præceptum adimplent. Quod intelligo de illo, qui in ytrumque, tantum quantum necesse est, animum intendit, non autem de illo qui solum aduertenter tantopere attendit ad vnum eorum vt in aliud non attendat quantum est necesse. Ita Nauar. de oratione cap. 16. nu. 71.

Hinc, qui dum Missa solemnis cantatur, tempore quo sacerdos tacet, recitant, cessando, quando dicitur oratio, Epistola, & Euangelium, & deinde prosequendo vsque ad finem, non tenentur horas repetere, quia hæc duo ad eundem ordinantur finem, nempe ad vacandum rebus diuinis.

## QVÆSTIO CL.

*An aliquo modo peccet, qui vtrumque eorum simul complet.*

ET quidem certum est in primis, hunc nullum peccatum admittere, si horas canonicas persoluat eo tempore, quo non potest audire sacerdotem, aut quia longè distat ab eo, vel quia submissa, & tacita voce orat, vel est surdus, aut aliàs impeditus.

Secundò etiam est certum, hunc non peccare, qui ante, vel post Missam aliis operibus honestis impendit tempus, quod lucratur in vtroque simul faciendo, & non impendit frustra otia.

Tertiò etiam est certum eum non peccare qui sicut  
codem

eodem tempore vult implere duo præcepta, ita conatur duplò magis attendere, quàm attendisset, si alterum implere vellet.

## QVÆSTIO CLI.

*Tota ergo quæstio est de eo, qui nulla iusta causa, sed ut postea otietur, vel antea fuit otiatuſ, utrumque eodem tempore implet.*

**I**LLVSTRISSIMVS Caietanus in opusc. tom. 2. tract. 4. censet eum peccare venialiter.

Sed verius, ac probabilius multò est, quod docet Nauarrus de oratione cap. 16. n. 71. & in Man. c. 11. nu. 8. Scilicet hunc nullum peccatum admittere. Et ratio est, quia ut præcepto de audienda Missa in diebus festiuis, & de recitandis horis canonicis satisfaciamus, sufficit, si ad Deum ipsum, vel ad diuina mysteria animo attendamus, ergo possumus dum sacrum audimus, & horas canonicas persoluimus, vna attentione vtrumque officium præstare, videlicet si ad Deum, cælestesque res mentem, & animum intendamus.

Tum quia, ut diximus, nemo tenetur de præcepto audire, aut intelligere quòd sacerdos dicit: sufficit enim exteriùs assistere sacerdoti, qui pro omnibus orat, & interiùs optare actualiter, vel virtualiter, ut Deus eum exaudiat, flectendo, & leuando genua instar aliorum, cauere de industria cogitare, dicere, vel agere quicquam,

quicquam, quod prædicto desiderio, & assistentiæ repugnet, quale non est recitatio, cum in eundem finem, in quem Missa, tendat.

Fateor quidem difficile esse, ut si dum rem diuinam audis, & horas canonicas, ad verba animum intendas, & utrumque præceptum impleas; & hoc est, quod Syluester, Angelus, Rosella, & Armilla docere voluerunt, sed id necesse non est, quia sufficit, si ad Deum, vel res diuinas animum intendas.

### QVÆSTIO CLII.

*An præcepto satisfaciat, qui deuotè, & attentè diuinum officium recitat, nolens tunc præcepto satisfacere, sed intendens iterum repetere ad satisfaciendum præcepto.*

**Q**VÆSTIO intelligitur de eo, qui voluntariè recitat, vel audit Missam, & non inuitus, & per vim præcisam, seu violenter, nam qui sic faceret, non recitaret, nec audiret Missam verè.

Et quidem certum est in primis, eum qui à principio accedit ad recitandum, cum proposito implendi præceptum, etiamsi in discursu orationis de hoc non recordetur, satisfacere præcepto, quia satis est, quod eam voluntatem implendi non retractet, quia virtute censetur priorem intentionem retinere.

Secundò etiam est certum, quòd ut censeatur quis diuinum officium recitare, cum proposito satisfaciendi præcepto, satis est, quòd ex cōsuetudine

quadam illam recitationem horarum tanquam ex-  
pletuam suæ obligationis; vel quòd in actu exer-  
cito velit eam facere, vt solet, quia eo ipso vult il-  
lam, vt impletuam præcepti.

Tertio etiam est certum, ad satisfaciendum præ-  
cepto sufficere simplicem voluntatem singulis die-  
bus dicendi horas, dummodo expressè, & cum re-  
flexione non dicat se nolle implere præceptum per  
talem recitationem. Et ratio est, quia ista voluntas  
orandi, virtualiter est voluntas implèdi præceptum,  
quia procedit ex illa generali voluntate, qua vnus-  
quisque in suis honestis actionibus vult suo mu-  
neri satisfacere.

Hinc, qui inscius, vel immemor præcepti recita-  
ret, aut nesciens esse diem festum, casu sacro inter-  
esset, verè Ecclesiæ præceptum impleret, cum non  
habeat voluntatem contrariam non satisfaciendi, aut  
iterum Missam audiendi, ac perinde non teneretur  
Missam iterum audire, quando intelligit, vel recor-  
datur esse diem festum, solùm enim per legem  
præcipitur, vt sponte recitemus, vel Missam au-  
diamus.

Idem dicendum est de voto, iuramento, & de  
pœnitentia Sacramentali, quibus satisficit, si opus per  
illas obligationes iniunctum actualiter ab illo de-  
bente impleatur, & si non adit intentio satisfacièn-  
di voto, vel pœnitentiæ, sed omnino horum obliga-  
tio memoria exciderit. Quia hæc instar præcepti  
obligant.

Hinc, si debeo mille domino incerto, possum om-  
nes eleemosynas, quas postea ignorans, seu illius  
obligationis immemor ex mea deuotione largitus  
sum, in partem prædictæ restitutionis computare,

QVÆ

## QVÆSTIO CLIII.

*Tota igitur lis est de eo qui attentissimè diuinum officium persoluit, animo tamen expresso non satisfaciendi præcepto per illam recitationem, sed cum proposito iterum idem officium recitandi, An videlicet hic ita præceptum non impleat, vt teneatur in rigore iterum recitare.*

**I**N hac graui, & perdifficili quæstione, sunt qui dicunt, hunc non adimplere præceptum, sed teneri iterum illud adimplere. Quia actus non operantur vltra agentium intentionem. Ita Nauar. de orat. cap. 13. nu. 15. & cap. 20. num. 30. Med. C. de oratione q. 16. Azor. lib. 10. c. 8. q. 7. Rodriq. tom. 1. cap. 143. num. 2. Francol. cap. 27. Macig. cap. 84. Vega cap. 128. casu 22. & multi alij, qui adeò putant id esse verum, vt si in eodem die voluntatem mutet, & dicat se velle satisfacere præcepto per illam primam recitationem, non satisfaciat, sed est necesse, vt de nouo expleat illud.

Contrarium tamen est proculdubio affirmadum. Ducor, quia per legem solum præcipitur libera, & humana externi operis executio, & non vt fiat extrinseca intentione. Cum ergo hic verè actu humano, & liberè diuinum officium persoluat, quantumuis nolit satisfacere, verè præcepto satisfacit.

Tum quia ea satisfaciendi præcepto intentio non requiritur ad implenda præcepta negatiua, vt non

furandi, non occidendi, ergo nec ad positiua. Quia eadem est de omnibus his ratio.

Tum quia verè impletur præceptum recitandi officium, qui illud ex contemptu recitaret, ergo à fortiori cum intentione non satisfaciendi.

Tum quia non potest quis sua voluntate facere, vt maneat Ecclesiæ obligatio, si ei satisfactum est secundum substantiam, ergo impertinens est, quòd eo aut alio fiat animo, modò quis faciat, quod præcipitur.

Tum demum, quia qui ieiunat die ab Ecclesia præcepta, non tamen cum animo se à debito liberandi, non tenetur iterum ieiunare.

Hinc, qui Missam audit animo non satisfaciendi præcepto auditione illius Missæ, sed intendens aliam audire, satisfacit præcepto. Ratio est, quia Ecclesia non præcipit Missæ auditionem cum animo adimplendi præceptum, sed simpliciter præcipit Missam audiri.

Hinc, si lata esset excommunicatio contra non audientes Missam, non ligaret eum qui Missam audiuit animo non satisfaciendi præcepto, modò deuotè, & attentè audierit. Et ideo huius opinionis sunt Valent. 2.2. disp. 6. q. 2. p. 10. Less. lib. 2. cap. 37. dub. 10. num. 59. & cap. 46. dub. 6. num. 42. Vasq. 1. 2. q. 100. art. 9. dub. 1. Suar. tom. 3. in 3. p. q. 83. art. 6. disp. 38. sect. 3. & alij. Et videtur esse expressa sententia D. Thom. 2.2. q. 104. art. 3. ad 2. vbi ait, posse quempiam actum virtutis implere, non attendendo ad rationem præcepti, & Magistri Soti lib. 10. q. 5. art. 5. vbi sic ait, præceptum audiendæ Missæ, obligare solum ad ita audiendum, vt sit actus humanus.

Idem

## LIBER II. QVÆST. CLIV. 507

Idem iudicium ferendum est de voto, iuramento, & pœnitentia Sacramentali iniuncta: illa enim verè implentur, si opus iniunctum exequatur cum expressa voluntate non satisfaciendi præcepto. Quia cum hæc instar præceptorum obligent, solum ad substantiam actus præcepti exequendam obligant.

Dices, præceptum obligat ad obedientiam, quæ esse non potest, vbi deest intentio satisfaciendi præcepto.

Respondeo, præceptum obligare ad obedientiam materiale, nempe vt spontè fiat, quod præcipitur, non autem ad obedientiam formalem, nempe vt velit per illud opus præcepto satisfacere.

Et ad fundamentum contrariæ opinionis respondeo, illam Regulam esse veram in his quæ ab ipsius agentis intentione pendent: adimpletio autem præcepti non pendet ab intentione illius adimplendi, cum Ecclesia hanc intentionem non requirat.

## QVÆSTIO CLIV.

*Sed grauius dubium est, An teneatur hic mutare intentionem, & habere voluntatem satisfaciendi intra tempus obligationis præcepti.*

**A** RAG. 2.2. q. 83. art. 13. Less. lib. 2. cap. 46. dub. 9. nu. 42. & Suar. 3. tom. 3. p. q. 88. sect. 3.  
 Ii 3 affirmant

affirmant eum ad id teneri. Quia cùm implere præceptum actus obedientiæ sit, id minimè impletur, dum voluntas non implendi, & sic non obediendi durat. At eamutata impletur, quia illi actui sola ea voluntas deerrat.

Alij verò rectiùs docent, hanc voluntatis mutationem non requiri, vt præcepto satisfaciat. Quia si per illum actum hîc verè satisfecit præcepto, non videtur necessaria talis voluntatis mutatio.

## QVÆSTIO CLV.

*An obligati ad recitandum diuinum officium, vocaliter illud dicere teneantur.*

**R**ESPONDEO quòd sic. Et ratio est, quia cùm omnes Ecclesiastici tantùm ex præcepto Ecclesiæ ad diuinum officium teneantur, & Ecclesia non præcipiat immediatè actus merè internos, quos non cognoscit, sed actus externos, de quibus potest iudicare, sit vt actu externo, id est, voce, illud persolvere teneantur.

Et confirmatur, nam officiùm diuinum cùm sit oratio communis, & in persona Ecclesiæ offeratur, necesse est, vt sicut Ecclesia sensitiuis creaturis constat, ita illa suorum ministrorum oratio fiat signis communibus, & notis aliis, pro quibus offertur.

Et est conclusio definita in Conc. Basiliens. sess. 21. §. 2. vbi expressè præcipitur, vt horæ canonicæ non inter dentes, nec in guttore, nec syncopatè dicantur, sed intègrè vocè pronuncientur.

Hinc, qui solus recitando diuinum officium, oculis



lis illud perspicit, & percurrit, Ecclesiæ præcepto non satisfacit. Et ratio est, quia tenetur dicere, & pronunciare, & recitare ita ut saltem seipsum intelligat.

Hinc non est audiendus Nauarrus de orat. c. 20. n. 14. ubi ait: disputando sustineri posse, ea quæ iubentur dici secretò in Missa, vel diuino officio, posse dici mentaliter, satisfaciendo Ecclesiæ præcepto. Hoc enim probabile non est, propter rationē adductam.

## QVÆSTIO CLVI.

*Sed quæres, cum Deus sit scrutator cordium, & ut intelligat, & penetret occulta cordium, non indigeat voce, quare petit vocalem orationem.*

**R**ESPONDEO, hoc fieri primò, ut noster affectus magis excitetur ad Deum, vox enim est velut quidā stimulus excitans, & prouocans affectum.

Secundò, ut aliorum affectus etiam prouocetur.

Tertiò, ut pluribus modis laudetur Deus, cum pluribus modis sit excellens, & pluribus modis sumus ei debitores.

Quartò, ut etiam in voce sit manifesta distinctio inter Ecclesiasticos, & sæculares.

Quintò, & ultimò, propter facilitatem, nam sola mente orare, seu laudare Deum continuè per aliquod tempus difficile est, quia oratio mentalis necessariò attentionem actualem requirit: ore verò non est ita difficile, quia sufficit tunc virtualis attentio, cum deest actualis ob aliquam inaduerentiam.

## QVÆST. CLVII.

*An ad satisfaciendum Ecclesie præcepto, necessarium sit horas canonicas elata voce recitare.*

**I**N qua re certum mihi est, eum qui publicè, & in communi, pro vsu fidelium horas canonicas recitat, debere alta, & clara voce illas proferre. Et ratio est, quia finis orationis publicæ est, ut fideles illam audiant, & percipiant, per eamque excitentur ad deuotionem, ergo talis esse debet, & ita vsus Ecclesiæ confirmat.

Secundò certum quoque mihi est, eum qui non obligatur pro vsu populi in Ecclesia publicè recitare, non teneri alta voce orare, sed sufficit, submissa voce horas canonicas recitare. Quia tunc nec ex natura rei, nec ex præcepto Ecclesiæ oritur obligatio altius orandi.

## QVÆSTIO CLVIII.

*Sed quæres, qualis, & quanta debeat esse vocis pronunciatio in eo, qui horas canonicas persoluit.*

**E**T quidem si hic vnà cum socio iure diuini officij astricto horas canonicas recitat, proculdubio tenetur tam altè dicere, ut à socio audiri possit. Et ratio est, quia vnusquisque tenetur dicendo, vel audiendo totum officium explere.

Tum

Tum quia, si recitans audire debet seipsum, multò magis socium cum quo recitat, quia alioqui non suppleret audiendo, quod omittit non recitando.

## QVÆSTIO CLIX.

*Tota igitur difficultas consistit de eo, qui solus, & priuatim horas canonicas persoluit.*

**M**EDINA Cod. oratione q. 7. censet tam altam esse debere vocis pronunciationem, ut à propè adstantibus, si adessent, neque essent impediti, audiri possit.

Illustrissimus Caietanus 2.2. q. 83. art. 12. putat necessarium esse, ut recitans priuatim officium; ita verba proferat, ut seipsum audiat.

At verò Azor. lib. 10. cap. 11. q. 4. & alij infrà citandi docent, satis esse vocem formare, linguam, & labia mouendo, etiam si à nemine, neque ab ipso proferentè audiri possit. Pro quo

Primò dico, quòd qui solus, & priuatim horas canonicas persoluit, satisfacit Ecclesiæ præcepto, si eas ita recitet, ut verè dici queat, ore, vocèque precari. Quia ut egregiè Caietanus docet, oratio publica de præcepto quidem debet esse vocalis, sed tam clara, & alta, solummodo ex decencia, quæ decencia cessat, cum ad non impediendum, vel offendendum alterum, decentius est, illas submissè dicere.

Secundò dico, quòd quando quis recitat solus,

li s

non

non tenetur ex præcepto ad dicendum tam altè, ut ab assistantibus percipi possit. Ratio est, quia oratio vocalis esse potest, etiam si ad aliorum sensum non possit applicari, id enim per accidens est, & ideo non obstat, quominus per illam satisfiat præcepto.

Tum quia illi, qui solus horas canonicas persolvit, iniungitur, ut illas pronunciet ad se tantum movendum, & ut toto homine, idest mente, & corpore Deo inseruiat: ad hoc autem sufficit formare verba, ita ut ab ipso solo audiantur, & percipiantur.

Tum quia ex ipso etiam Ecclesie præcepto, in Missa & in ipsis horis canonicis, quædam pronunciantur secreta voce, & quæ à circumstantibus non audiuntur.

Tum quia id servant multi Sacerdotes, & p̄ij, ac eruditi, qui recitant divinum officium audiendo Missas aut manendo in sacellis, aut choris, vel cubiculis, vel iter agendo cum alijs, ubi si tam altè, & clarè recitarent, ut Medina vult, alij alios impedirent, & aliorum perturbatores censerentur, quales habentur, qui clara, & alta voce orant.

Tertiò dico, quòd valdè probabilis est eorum opinio, qui asserunt, non opus esse, ut recitans seipsum audiat, sed sufficere, ut omnia verba distinctè pronunciet, linguam, & labia movendo, siue seipsum audiat, siue non: & ratio est, quia nullo iure probatur, recitantem ad hoc teneri, cum præceptum obliget ad dicendum, non ad audiendum.

Tum quia oratio ore, & voce fieri potest etiam si non

si non audiatur ab ipso recitante, & ex se sit quidam sonus formatus ex allisione aëris ad labia, & dentes.

Tum quia sequeretur, surdastros teneri diuinum officium altissima voce recitare.

Tum demum sequeretur, cum qui seipsum ex aliquo accidente audire nequit, dum diuinum officium persolvit, verbi gratia ob strepitum malefactorum, non satisfacere præcepto, quæ omnia sunt absurda. Et ideo ita sentiunt Malder. tract. 10. cap. 2. dub. 3. Molfes. cap. 2. ad finem num. 105. Macig. cap. 60. num. 4. Paul. Squillas dub. 23. num. 45. Bonac. disp. 1. q. 3. p. 11. & Azor. vbi supra.

Quartò, & vltimò dico, quòd verior, & probabilior est eorum opinio, qui asserunt eum qui solus, & priuatim horas canonicas recitat, teneri ita verba proferre, vt impedimentis sublati, seipsum saltem audire possit. Et ratio est, quia hæc est oratio vocalis, vt constat ex cap. Dolentes. de celebrat. Missar. de ratione autem orationis vocalis est, vt voce proferatur, & à seipso orante saltem audiatur, non enim essentialiter est sonus quidam.

Tum quia in Conc. Basilien. sess. 21. habetur eos qui priuatim recitant, non debere in gutture, vel inter dentes verba formare.

Tum quia horæ canonicæ proferri debent voce, vt habeamus signum externum, quo mens nostra cleuetur in Deum. Signum autem non operatur nisi ingerendo sensui speciem sui, & vocalis recitatio horarum non audita, nullam sui speciem sensui ingerit.

Tum demum, quia vix potest formari vox, quæ ab ipso orante audibilis non sit, impedimentis remotis;

508 DE HORIS CANONICIS  
motis: & verè id necessarium videtur, ad hoc vt  
quis moraliter certus sit se exequutum esse illud  
præceptum: & ideò licet quantitas vöcis non præ-  
cipiatur, tamen in ipso præcepto orandi vocaliter  
intrinsecè includitur obligatio ita orandi, vt possit  
quis percipere orationem suam, & certus reddi,  
quoddam dixetit. Et ideo ita tenent Valent. 2. 2.  
disp. 6. quæst. 1. p. 10. Tolet. lib. 2. cap. 10. num. 4. Suar.  
tom. 2. lib. 4. cap. 7. num. 5. Reginal. lib. 18. num. 174.  
Molfes. cap. 2. num. 101. & Nauar. de orat. cap. 20.  
num. 14. vbi sic ait: Ego autem non obstantibus his,  
dico sufficere formare verba intra labia, ita vt ista  
ipsa audire, vel intelligere queat.

---

## QVÆSTIO CLX.

*An clericus suæ obligationi satisfaciât, si in  
diuino officio recitando sibi socium adhi-  
beat, ita vt ambo alternos psalmorum  
versus, & lectiones recitent.*

**R**ESPONDEO satisfacere, vt constat ex praxi  
Ecclesiæ, & ex communi omnium sententia.  
Nauar. de oratione cap. 10. numer. 16. Azor. lib. 10.  
cap. 7. quæst. 6. Suar. lib. 4. cap. 25. num. 2. Reginal.  
lib. 18. num. 158. Less. lib. 2. cap. 37. dub. 9. numer. 52.  
Molfes. tract. 5. nu. 14. Filiucius tract. 23. cap. 7. q. 8.  
Emman. Sa in aphorism. confess. verbo hora. num.  
12. & alij communiter.

QVÆSTIO

## QVÆSTIO CLIX.

*Qui fuit primus, qui morem hunc alternatim psallendi in Ecclesiam introduxit.*

**D**IVVS Athanasius quem refert, & sequitur Theodoretus lib. 1. Historiæ ecclesiasticæ cap. 14. putat Flavianum, & Diodorum fuisse in sua Ecclesia illius inuentoress.

Alij vt Socrates lib. 6. Histor. ecclesiast. cap. 8. & Nicephorus lib. 13. Historiæ cap. 8. Beatum Ignatium hunc morem in Antiochenam Ecclesiam introduxisse ferunt, qui in alias deinde Ecclesias Occidentis manauit. Causam dedit visio quædam cælestis, in qua Angelos hymnos in laudem Sanctissimæ Trinitatis alternis vocibus collaudantes audiuit. In Occidente verò S. Ambrosius eandem rationem in sua Ecclesia Mediolanensi instituit, teste Isidoro lib. 1. de officio ecclesiast. cap. 7. quam reliquæ Occidentis Ecclesiæ sunt sequutæ. Atque eodem fere tempore Damasus Papam illam approbasse, & Romanæ curiæ imperasse ferunt. Ideoque illi tribuitur in Breuiario Romano: antea omnes simul canebant, nec erant in choros distincti.

Alij verò morem hunc originem habuisse à Seraphinis, quos Isaïas vidit clamantes, alter ad alterum, Sanctus, Sanctus, Sanctus, &c.

Ex quo manifestè colligitur, à primis Ecclesiæ temporibus psalmos, & hymnos alternis vocibus in Ecclesia cani solitos. Ratio huius institutionis esse potuit, primò quia ista varietas oblectat audientes,

510 DE HORIS CANONICIS  
dientes, & maiorem deuotionem prouocat.

Secundò, quia hoc modo labor canendi faciliùs sustinetur.

Tertiò, quia dum lingua paululum quiescit, Spiritus magis excitatur, vnde faciliùs mentalis oratio cum vocali admiscetur.

Quartò, & vltimò, quia ex illa mutua responsione, exercetur mutua excitatio ad laudandum Deum.

---

## QVÆSTIO CLXII.

*An clericus Ecclesiæ præcepto satisfaciat, si alternatim horas canonicas persoluit cum socio, nullam talem obligationem habente?*

**R**ESPONDEO satisfacere, parum enim refert, quod alter ex obligatione recitet, nec ne: nam Ecclesiæ præceptum implet, diuinum officium partim recitando, partim attentè audiendo.

---

## QVÆSTIO CLXIII.

*An socius tunc teneatur sub mortali ad attendendum his, quæ recitat.*

**R**ESPONDEO non teneri. Et ratio est, quia nec ad audiendum alterum tenetur, neque ipse se obligat ad orandum, sed solùm ex natura orationis voluntariæ, nec talis attentio iniungitur ab Ecclesiæ



**LIBER II. QVÆST. CLXIV.** *in*  
Ecclesia, sed liberum ei relinquit, sicut ipsam re-  
citationem, neque ex vi cooperationis cum alio  
qui obligatur, attendere tenetur, quia alter per se  
suo muneri, & officio satis facit partim dicendo,  
partim audiendo attentè, quæ alius recitat, ergo ex  
vi cooperationis solùm tenetur ad ita pronuncian-  
dum, vt obligatus possit omnia percipere, & quasi  
per illum dicere.

Tum quia licet illa actio respectu recitantis no-  
men orationis non mereatur, est tamen oratio re-  
spectu attentè audientis iuxta receptum Ecclesiæ  
morem, præsertim cum actui alterius interno com-  
municare non possimus, & sensus noster ea non  
capiat quæ sub sensum non cadunt, Et ideo ita te-  
nent Less. lib. 2. cap. 37. dub. 9. nu. 52. Reginald. lib.  
18. num. 158. Filiuc. to. 2. tract. 23. cap. 7. q. 8. nu. 241.  
Emm. Sa verb. hora. num. 12. & alij.

---

## QVÆSTIO CLXIV.

*An qui recitat cum pluribus, teneatur  
attendere ad verba omnium.*

**R**ESPONDEO non teneri, sed sufficere, vt  
vocem alicuius alterius chori audiat, quia cum  
ipse officium ex sua parte recitet, & aliquem ex  
alia parte recitantem audiat, censendus est officium  
in choro persolvere, & in parte alterius chori com-  
municare. Ita Azor. lib. 10. cap. 7. q. 7. Reginal. lib.  
18. num. 158. Molfes, tract. 5. cap. 2. num. 19. & 102.  
Bonac. disp. 1. q. 3. p. 2. num. 9. & alij.

QVÆSTIO

## QVÆSTIO CLXV.

*An quando tres, vel quatuor alternis versibus diuinum officium recitant, plures quàm duos choros facere possint.*

**R**ESPONDEO non posse, quia tunc fieret, vť singuli non dicerent nisi tertiam, vel quartam partem versuum, quod non sufficit, quia est contra vsum Ecclesiæ, debent ergo dicere vnus, vel plures ex vna parte, & duo, vel tres, aut quatuor ex alia, ita vť alternis dicant, hic enim est vsus, & praxis Ecclesiæ, quam in priuata recitatione extra chorum imitari debemus, cùm hunc ritum in choro approbet Ecclesia. Ita Suar. lib. 4. cap. 25. numer. 2. Molfes. tract. 5. cap. 2. num. 17. Azor. lib. 10. cap. 7. q. 9. Reginal. lib. 18. num. 158. Filiuc. cap. 8. q. 8. nu. 241. & Bonacina disp. 1. q. 3. p. 2. num. 10.

## QVÆSTIO CLXVI.

*An necesse sit, quando plures diuinum officium persoluunt, alternatim lectiones dicere, vel possit vnus omnes recitare.*

**R**ESPONDEO, vsu esse receptum, vt omnes per vices suas suam lectionem dicant, quia id videtur magis accommodatum, & vrbanius. Absolutè verò arbitror non esse id necessarium, sed posse

posse omnes lectiones ab vno dici reliquis attentè audientibus. Quod etiam extra chorum seruari tuto conscientia potest, quia nulla est lex, quæ hoc prohibet. Ita Azor. lib. 10. cap. 7. q. 9. Suar. lib. 4. cap. 25. n. 4. Bonacina de horis canonicis disp. 1. quæst. 3. p. 2. nu. 10. & alij.

## QVÆSTIO CLXVII.

*An qui alternatim cum socio diuinum officium recitat, sufficiat audire antiphonas, orationes, & capitula, quæ ab alio dicuntur.*

**R**ESPONDEO sufficere. Et ratio est, quia ita fit in choro, & ideo ita est faciendum extra chorum. Vnde satis est, si quis attentè illa audiat, cum dicuntur à socio. Ita Suar. lib. 4. cap. 25. nu. 5. Azor. lib. 10. cap. 7. q. 8. & plerique alij.

## QVÆSTIO CLXVIII.

*An qui versus ad se pertinentes non recitat, sed audit, nec propositum habet, iterum dictum officium recitandi, peccet mortaliter.*

**R**ESPONDEO eum peccare mortaliter. Et ratio est, quia hoc præceptum non est de audiendo diuino officio, sed de recitando modo ab Ecclesia recepto, seu probato, hic autem non recitat, sed au-

514 DE HORIS CANONICIS  
dit, quia non dicit versus suos, nec alios ut suppo-  
no: hic verò modus recitandi non est ab Ecclesia  
receptus, nec approbatus, neque ex natura rei po-  
test dici recitatio, ergo.

---

## QVÆSTIO CLXIX.

*An licita sit prædicta alternatio dicentis, &  
audientis in recitatione aliarum dicenda-  
rum. Perinde est, ac si quæreretur, An qui  
psalmos pœnitentiales aut officium mor-  
tuorum, vel paruas Beate Virginis horas,  
vel litanias, vel hymnos, aliàsve quaslibet  
preces recitant, possint hæc unà cum socio  
alternis vocibus dicere.*

**E**T quidem, si hæc recitatio sit voluntaria, cer-  
tum est, hunc posse hoc modo recitare propter  
laudabilem Ecclesiæ usum, ut piè monet Nauar. de  
oratione miscel. 32. affirmans sæpissimè solitum  
fuisse hoc modo recitare.

---

## QVÆSTIO CLXX.

*Sed dubium est, quando recitatio est de præ-  
cepto, scilicet ex voto, vel ex impositione  
Confessarij, aut superioris, &c.*

**N**ONnulli dubitant.  
Alij verò rectiùs affirmant, posse. Et ratio  
est,

est, quia iste modus recitandi est consentaneus vsui Ecclesiæ, in suis canticis, & orationibus communibus, & est satis aptus ad orandum attentius, & cum maiori interna deuotione, & sine tædio.

Tum quia, vbi duo coniunguntur in Christo ad orandum, quasi vnum efficiunt, & ibi communicant partes suas, & ita vnusquisque censetur moraliter totum dicere, quod ambo alternatim dicunt.

Tum demum, quia non apparet ratio, cur in his potius, quàm in horis canonicis id videri debeat illicitum. Ita Nauar. de oratione cap. 10. numer. 11. Suar. lib. 3. cap. 9. numer. 14. Naldus verb. officium diuinum. numer. 9. Azor. p. 1. lib. 10. cap. 7. q. 10. & plerique alij.

## QVÆSTIO CLXXI.

*An pari ratione licitum sit coronam, aut Rosarium Beatæ Virginis recitare alternatim cum alio, ad satisfaciendum obligationi, ita quod omnes dicant simul orationes Dominicas, & alternatim salutationes Angelicas.*

**R**ESPONDEO licere. Et ratio est, quia tuta conscientia huiusmodi pensum interpretari possumus esse reddendum eo more, quo officium ecclesiasticum exoluitur, ergo satis est, si cæ preces alternatim fundantur à pluribus.

Tum quia non minus hîc excitatur deu-

516 DE HORIS CANONICIS  
tio & obtinetur finis orationis, & moraliter totum  
legi censetur quod alternatim recitatur. Nauar. de  
oratione cap. 10. num. 20. Azor. lib. 10. cap. 7. q. 10.  
& multi alij.

---

## QVÆSTIO CLXXII.

*An plures obstricti ad singulas Missas dicen-  
das, satisfaciant, si vnus eam dicat, & alij  
ministrando, & respondendo audiant.*

**R**ESPONDEO non satisfacere. Et ratio est, quia  
nec per se, nec per alium faciunt id, ad quod  
tenentur, (nimirum ad dicendum Missam) sicut fa-  
ciunt hi qui cum alio horas Canonicas persoluunt,  
nam censentur dicere vnā partem per se, & al-  
teram per alium, quem audiunt, receptum Ecclesiæ  
morem obseruantes.

Tum quia, iuxta communem loquendi modum  
ille dicitur celebrare Missam, qui offert, consecrat,  
& sumit, non qui celebranti inseruit. Nauar. de o-  
ratione cap. 10. nu. 20. & cap. 19. n. 80. Reginald. lib.  
18. nu. 159. Azor. lib. 10. cap. 7. q. 10. & alij.

---

## QVÆSTIO CLXXIII.

*Vtrum is, qui est ad chorum, & cantum de-  
putatus, suum munus, & officium ex-  
pleat, si partem ad se pertinentem ita sub-  
missa, & tacita voce pronunciet, ut non  
canat cum alijs, sed tantum socios canen-  
tes in altero choro auscultet.*

**A** RAG. 2. 2. quæst. 83. ar. 12. & Rodriq. p. 1. cap. 142. nu. 2. affirmant hunc suum munus, & officium explere. Et probant, quia in cap. vltim. dist. 92. solum præcipitur, vt assistant in choro, & ad summum vt recitent in Ecclesia, non autem vt cantant, at ille assistit, atque etiam recitat in Ecclesia, ergo.

Tum quia, ad hoc vt quis cum aliis orare dicatur, sufficit, vt existens in choro, audiat vocem alterius chori, & ipse in suo choro dicat partem suam sic, vt possit audiri ab his qui sunt cum eo. Verum est tamen, quòd si omnes qui sunt vnius chori loquantur, tam submissa voce, vt non possint audiri ab alio choro, peccant mortaliter, cum sint causa, quòd alter chorus non satisfaciat, & faciunt contra ordinationem Ecclesiæ præcipientis vt chorum impleatur præceptum recitandi diuinum officium, quasi inuitantes se adinuicem ad diuinas laudes.

Alij verò, vt Caietanus in summ. verb. horæ canonicæ, & tom. 1. opusc. tract. vltim. resp. 8. & Nauar. de oratione cap. 19. nu. 81. negant eum Ecclesiæ præcepto satisfacere. Et ratio est, quia qui sic recitat partem suam, non communicat alteri choro, quia sibi recitat, & non aliis, ergo non implet præceptum recitandi, quia debet impleri per mutuam communicationem recitantium, quilibet enim chorista tenetur ad totum officium dicendum, cap. 1. de celebr. Missar. ergo vel per se, vel per communicationem cum alio: cum autem dicie totum per se, tunc potest sibi submissa voce dicere, vt autem totum cum alio dicat, oportet vt illi communicet partem suam, quod non facit,

quando sibi soli dicit, & ideo non satisfacit.

Et confirmatur, nam vt hic Ecclesiæ præcepto satisfaciatur, necesse est, vt dicat partem suam, non tantum materialiter, vt sic dicam, sed vt partem illius orationis communis, at non sic dicit, qui sibi soli dicit.

Confirmatur secundò, nam de ratione societatis est, vt bona communicentur, l. i. ff. pro socio. Officium autem diuinum per modum societatis celebratur dum cum aliis persoluitur.

Ex quo inferunt canonicos peccare mortaliter, & non lucrari distributiones, qui non cantant in choro cum aliis, quamuis versum sui chori voce submissa recitent, & vocem alterius rectè audiant. Pro quo

Primò dico, quòd qui in choro submissa voce recitat suam partem, & aliam audit, satisfacit muneri recitandi officium. Ratio est, quia ipse recitat suam partem, & communicat in parte sociorum communicantium sibi suam partem, quamuis ipse submissè recitando non communicet suam partem sociis.

Tum quia qui recitat cum socio non obligato ad officium, & versus suos submissè dicit, satisfacit obligationi diuini officij, licet non communicet alteri partem suam. Ita Petrus Nauar. de restitut. lib. 2. nu. 216. Less. lib. 2. cap. 39. dub. 33. num. 184. Nauar. de orat. cap. 10. num. 47. Suar. lib. 4. cap. 12. nu. 6. Molfes. tract. 5. cap. 2. num. 24 & Filiuc. tract. 23. cap. 6. q. 5. num. 195.

Secundò dico, quòd qui partem suam submissa voce recitat, & aliam alterius chori attentè audit, non satisfacit debito seruitio chori, quamuis obli



obligationi diuini officij recitandi satisfaciatur, nec officium repetere teneatur. Ratio est, quia redditus Ecclesiastici dantur Canonicis, vt psallentes inseruiant choro, vt habetur Clemen. 1. de celebr. Missar. cap. 1. distinct. 92. At si non canunt, sed solum audiunt alios psallentes, non dicuntur inseruire choro ad quotidianum psallendi officium, ergo debito seruitio chori non satisfaciunt.

Et confirmatur, nam non conducitur operarius ad vineam, vt ibi assistat, sed vt operetur: nec Parochus vt simpliciter in sua Ecclesia resideat, sed vt opera parochialia exerceat, ergo debent simul psallere, ac proinde qui suam partem submisit recitat, non satisfacit debito seruitio chori, quamuis alios cantantes attentè, & studiosè audiat. Ita Sor. lib. 10. quæst. 5. art. 4. Nauar. de orat. capite 19. num. 81. Azor. lib. 10. cap. 11. quæst. 5. Less. lib. 2. cap. 39. dub. 33. num. 184. Suar. lib. 4. cap. 12. num. 9. & 12. Reginald. lib. 18. nu. 175. Macig. cap. 66. num. 3. Squillas 1. p. disp. 29. num. 60. Beia 1. p. casu 55. Filiuc. tom. 2. tract. 23. cap. 6. q. 5. num. 196. & alij.

Hinc, beneficiarius qui in choro non canit partem suam, etsi submisit recitet illam, non solum peccat mortaliter, sed etiam non facit distributiones suas, quæ canentibus in choro tributuntur. Ita Rodriq. 1. p. c. 146. num. 5. Petr. Nauar. Suar. Squillas, Filiuc. & alij vbi suprâ.

Suares lib. 4. capite 12. numero 18. Filiucius & Squillas locis citatis censent esse probabile, hunc lucrari medietatem distributionum, dummodo assistat, & deuotè attendat ad ea quæ ab

aliis dicuntur. Et ratio est, quia partem sui muneris adimplet, cum assistat choro, officium submisit recitet, & reliquos canentes audiat. Immo Petrus Nauarra lib. 1. de restit. cap. 2. num. 222. Macig. cap. 68. nu. 3. Beia 1. p. casu 55. & plerique alij defendunt canonicum assistentem, & nullo modo recitantem, licet nequeat integras distributiones capere, posse nihilominus dimidiam partem recipere. Et probant, quia distributiones non solum conferuntur pro cantu, verum etiam pro assistentia in choro, ergo par est, ut assistens choro distributiones assistentiae respondentes capiat. Sed hoc (pace tantorum virorum sit dictum) mihi non probatur, quia Pius V. expressè in sua constitutione, distributiones absolutè negat interessentibus, sed non recitantibus.

Quam doctrinam censeo esse verissimam in canonicis, qui per seipsum cantare debent, non verò de illis, qui ex priuilegio, vel consuetudine legitime præscripta tenentur solum assistere choro, canentibus nomine eorum Mansionariis, nam isti suo muneri satisfaciunt & lucrantur distributiones.

Nec obstant iura præscribentia, diuina officia per canonicos recitari, quia loquuntur de iure communi.

Illud tamen est hinc aduertendum secundum Suar. quod Canonici cum assistunt choro, tenentur orantium attendere ad ea, quæ ab aliis dicuntur, alioquin vana, & inutilis esset ipsorum præsentia, quia non potest quis dici præsens alicui rei dum ad aliud attendit. l. coram Titio ff. de verborum significatione.

## QVÆSTIO CLXXIV.

*Quomodo Canonici , vel beneficiarij unius chori se gerere debeant , quando versus in alio choro cantantur , id est , anteneantur hi submissa voce dicere versus , quos alij canunt.*

**R**ESPONDEO non teneri, immò expedit nil dicere, sed tantùm attendere canentibus, & per illos quodammodo canere. Et ratio est, quia hæc fuit intentio Ecclesiæ, cùm hunc morè introduxit.

Tum quia hic est mos omnium prudentum, ac timoratorum.

Tum demum quia hic est proprius alternatus cantus.

Hinc errant qui ea quæ vel cantor, vel hebdomadarins dicit, taciti secum mussitant, cùm sit maius Dei obsequium, audire illa deuorè, quàm per seipsum submissè recitare. Immodò talis repetitio à viris doctis, & timoratis superflua, & superstitiosa reputatur, & peccatum propter perturbationem, & occasionem distractionis, quæ aliis præbatur. Nauar. de oratione cap. 10. num. 45. & communis.

Hinc, qui non repetunt versiculos, qui per organum, vel instrumentum cantantur, suæ obligationi satisfaciunt, seruata tamen Ecclesiæ consuetudine, iuxta quam vsu receptum est, vt dum aliqui versus organo canuntur, aliquis eorum, qui sunt in choro, eos alta voce proferat, hoc

§22 DE HORIS CANONICIS  
enim modo pars illa aliquo choro communicatur.

Hinc qui in choro diuinum officium perfoluit, non tenetur supplere quod socij dixerunt, dum tussit, vel cruor è naribus diffluit, aut quicquam decens loquitur, dummodo omissum sit modicum, licèt sit psalmus integer. Quia ratione societatis dictum ab vnis, censetur dictum ab aliis. Nauar. de oratione cap. 19. nu. 83.

Hinc, qui inter horatum canonicarum recitationem ex officio, vel superioris iussu pulsant organa, psalmos, aut antiphonas quærunt vel transferunt libros de loco ad locum, vel à choro mittuntur ad thurificandum altare, ex quo fit, vt partem aliquam diuini officij, nec proferant, nec audiant, suo muneri, & officio satisfaciunt. Et ratio est, quia cum isti in his rebus ordinatis ad solemnitatem diuini officij occupentur, rotus chorus pro illis supplet, & abundè dicere existimantur, qui ministrant dicentibus, ita vsu permittente. Ita Arag. 2. 2. quæst. 83. art. 12. Azor. lib. 10. cap. 14. q. 2. Reginald. lib. 18. num. 160. & 188. & Nauar. de oratione cap. 21. num. 15. qui addit, quòd si sit mulrum quod omittitur hac de causa quòd debet postea iterari, quia non dicitur recitare diuinum officium, qui verba dicti officij non profert, vel ad illa non attendit.

---

### QVÆSTIO CLXXV.

*An dum vna pars chori tacet, teneatur attendere ad aliam, quæ cantat, eamque audire.*

RESPON

**R**ESPONDEO teneri. Et ratio est, quia ex vi huius præcepti tenetur publicè & in choro totū officium integrè recitare, partim dicendo, partim audiendo, sed qui non est attentus, eo ipso non cōcurrit vllō modo ad partem illam, ad quam non attendit, ergo illam omittit, & consequenter præceptum Ecclesiæ non implet. Vnde non satisfacit præueniendo, & priuatim recitando partem alterius chori, & postea liberè vagādo, quia nō satisfacit publicè orationi chori, licèt satisfaciāt priuatæ.

Hinc obligationi chori nō satisfacit, qui lectionem, quæ ab alia parte canitur, celeriter submissa vocē recitat, & postea liberè vagatur, quia vt debito obsequio chori satisfaciāt, tenetur attendere, ad ea quæ ab alia parte canuntur, vt communicet in oratione publica.

Hinc qui solemnem Missam audire tenetur, non potest sine peccato recitare breuiter symbolum dū cantatur, & postea liberè vagari, nam licèt suam recitationem finiat, tenetur attendere, dum symbolum canitur: Et idem dicendum est de Euangelio, & aliis partibus Missæ. Ita Suar. libro 4. cap. 12. num. 20.

## QVÆSTIO CLXXVI.

*An liceat vti cantu, quando preces horariæ publicæ in Ecclesia recitantur.*

**R**ESPONDEO licere, vt communis Ecclesiæ vsus satis comprobāt & declarat Conc. Trid. sess. 23. cap. 18. habētque in primis exemplum, & fundamentum

tum in variis vtriusque Testamenti autoritatibus. Nam à tempore Moyſis fuit conſuetudo canendi diuina cantica, Exod. 15. & Deut. 32. Poſtea verò à temporibus Dauid, cœpit vſus canendi pſalmos, & laudes Dei in cithara, Cantabiles enim, inquit, mihi erant iuſtificationes tuæ, in loco peregrinationis meæ. In nouo etiam Testamento legimus Marc. 14. Chriſtum in nocte paſſionis poſt cœnam dixiſſe hymnum cum diſcipulis ſuis. Et Paulus ad Ephel. 5. Et ad Coloff. 3. fideles hortatur ad cantandum pſalmos, & hymnos Deo. Et Angeli paſtoribus nato Chriſto Domino cantantes inſonuerunt, *Gloria in excelsis Deo*. Et Apoc. 4. Sancta animalia clamabant dicentia. *Sanctus, Sanctus, Sanctus Dominus Deus*, &c. Et ratio huius eſt, quia cantus ex ſua natura eſt indifferens. Actus autem ex ſua natura indifferens honeſtatem acquirit, ſi ad honeſtum finem dirigatur. Cantus autem in choro dirigitur ad Dei cultum, audientes ad maiorem animi deuotionem excitat, canentium vires recreat, mentem ad Deum eleuat, triſtia corda cōſolat. Vnde D. Aug. Quantum (ait) fleui in hymnis, & canticis tuis, ſuaue ſonantis Eccleſiæ tuæ vocibus commotus acriter. Voces illæ inſuebant auribus meis, & eliquabatur veritas tua in cor meum, & ex ea æſtuabat inde affectus pietatis, & currebant lachrymæ, & benè mihi erat in eis. Et iterum, Cùm remiſcor lachrymas meas, quas fudi ad cantus Eccleſiæ tuæ, in primordiis recuperatæ fidei meæ, magnam huius inſtituti vtilitatem agnoſco. Et in hoc omnes conueniunt.

## QVÆSTIO CLXXVII.

*Sed tota lis est de cantu organico, seu figurato.*

**N**AVAR. de orat. cap. 16. nu. 32. putat non licere, quia prohibetur à Ioan. XXII. in Extrauag. vnica de vita & honestate clericorū. Tum quia talis cantus magis deseruit ad demulcēdas aures, quā ad excitandam deuotionem, quodd est contra finem huius instituti, vt rectē monet D. Tho. 2. 2. q. 91. ar. 2. Vnde D. Aug. lib. 10. confess. cap. 33. ait, cum mihi accidit, vt me amplius cantus, quā res, quæ cantatur, moueat, pœnaliter me peccasse confiteor, & tūc mallem non audire cantantem.

Contrarium tamen est proculdubio affirmandū, vt patet ex vsu, & praxi Ecclesiæ, quæ huiusmodi cantu nullo pacto vteretur, si illicitus & peccaminosus esset ipsius vsus, & in ipsamet Ecclesia Romana & Capella Gregoriana hoc modo Missæ, & diuina officia cantantur. Idēque constat ex Conc. Trid. sess. 23. in tit. decretum de obseruandis & cuitandis in celebrat. Missarum.

Non obstat extrauagans Ioannis XXII. quia vel illa non simpliciter prohibuit cantum hunc, sed solum indecentem modum eius, vel per contrariam consuetudinem est abrogata.

Nec obstat, quodd inde audientes interdum delectationem turpem capiant, quia hoc est præter Ecclesiæ intentionem.

Tum quia tota illa delectatio sensus apta est ad excitandam deuotionem mentis: nec semper est

est peccatum plus moueri cantu ipso, quàm re cantata, nam potest esse hoc naturale, & non pendens ex hominis libera voluntate. Vnde si quis benè vratur illa naturali complacentia, ordinando illam ad spiritualem profectum, non solum non peccat, sed etiam meretur.

## QVÆSTIO CLXXVIII.

*An in officiis diuinis, & horis canonicis liceat vti musicis instrumentis.*

**D**IVVS Tho. 2.2.q.91. ar.2. absolutè negat. Contrarium tamen arbitror esse dicendum, vt constat ex vniuersali Ecclesiæ vsu. Nam ferè in vniuerso orbe Christiano hæc consuetudo approbatur. Habétque hoc fundamentum in Scriptura, nam à temporibus antiquæ legis hæc instrumenta erant in vsu, vt constat psal. 32. & psal. 150. & 1. Paralip. 6. & in Conc. Trid. sess. 22. cap. de obseruandis in celebratione Missarum sic habetur. Ab Ecclesiis verò musicas eas, vbi siue organo, siue cantu, lasciuum, aut impurum aliquid miscetur, &c. prohibet Sancta Synodus. Ergo musicas honestas, & puras etiam si organo fiant, non prohibet.

Non obstat quòd in sacello, seu capella Pontificia, non recipiantur huiusmodi instrumenta, non enim non recipiuntur, quia illorum vsus prauus sit, sed fortasse quia non videtur res grauis, vel necessaria.

Hinc non sunt audiendi Caietanus 2.2.q.91. ar. 2. & Nauar. de oratione cap. 16. num. 46. qui aiunt

tem



tempore D. Thomæ non fuisse in Ecclesia organorum vsum. Quia vt testatur Stephanus lib. 1. de ritibus Eccles. cap. 13. vsum organorum est antiquissimus in Ecclesia. Vnde Sotus lib. 10. cap. 5. ar. 2. dicit D. Thom. non fuisse loquutum de organis, sed de aliis instrumentis musicis, de quibus tamen non dixit talium instrumentorum vsum esse prauum, sed non esse necessarium, neque propter perfectos adhiberi, ac propterea indicauit magis antiquo populo, quàm nobis illum conuenire.

## QVÆSTIO CLXXIX.

*Vbinam iure communi sit diuinum officium  
persoluendum ab his, qui choro  
deputati sunt.*

**R**ESPONDEO in Ecclesia. Et ratio est, quia diuinum officium institutum est non solum in vtilitatem recitantium, verum etiam populi, id est fidelium, vt eo frui, illi interesse, & Deum laudare possit per publicos Ecclesiæ ministros: populus autem non potest diuino officio frui, interesse, &c. nisi diuinum officium in loco publico ad hoc deputato recitetur, ergo diuinum officium publicè recitandum est in loco publico, id est in choro ad hoc deputato.

QVÆ

## QVÆSTIO CLXXX.

*An recitare publicè in choro diuinum officium cadat sub præcepto.*

**R**ESPONDEO quòd sic, vt constat ex cap. i. de celebrat. Missarum, & ex cap. Dolentes, eod. titulo. vbi decèrnitur diuinum officium publicè in Ecclesia dici debere. Et tradit Nauar. de oratione cap. 5. nu. 11. Sotus lib. 10. q. 5. art. 4. & Suar. to. 2. de Relig. lib. 4. cap. 9.

## QVÆSTIO CLXXXI.

*Vtrum hoc præceptum obliget ad mortale.*

**R**ESPONDEO affirmatiuè, vt constat ex cap. ultimo dist. 92. vbi præcipitur deponi clericos qui in Ecclesiam ad diuinum officium decantandum non conueniunt. Depositio autem supponit grauem, & mortalem culpam, & consequenter præceptum. Sot. lib. 10. q. 5. ar. 4.

Est autem hîc notandum, quòd hoc præceptum canendi officium in choro per se, & directè non afficit sigillatim singulares personas, sed totam communitatem, & præsertim Prælatos, & superiores Ecclesiarum, non quia Prælati strictiori onere (præcisa necessitate aut ratione scandali & exèpli) teneàtur choro interesse: sed quia ad eos ex officio spectat curare, vt in choro diuinū officium dicatur,  
cap. 1.

cap. i. de celebrat. Missarum : sicut etiam in casu necessitatis non solum ipsi, sed etiam singuli strictè obligarentur, dum officium, ipsis non assistentibus, non persolueretur.

Ex quo infertur primò, eos qui priuant Ecclesiam integro diuino officio vnius diei lethale peccatum committere. Et ratio est, quia agunt contra rigorosum præceptum Ecclesiasticum, & hoc in re graui.

Secundò sequitur, huiusmodi peccatum primò, & principaliter imputari Prælati, & superioribus, quibus onus incumbit curandi, vt in choro diuinum officium persoluatur, vt constat ex Clem. i. de celebr. Missar. vbi ordinariis, Rectoribus, & superioribus præcipitur, vt sollicitam diligentiam adhibeant, vt debitæ horis conuenienter diuinum officium in Ecclesia dicatur, si Dei, & Apostolicæ sedis indignationem euitare voluerint.

Dixi notanter, *primò, & principaliter*, quia secundariò etiam peccant mortaliter, qui tali omissioni causam præbent, vel ad illam cooperantur: illi verò per quos non stat, quominus officium dicatur, quia soli non possunt dicere, nec sunt causa, cur alij absint, non peccant; dummodo priuatim horas canonicas persoluant.

Tertiò infertur, eos qui priuant Ecclesiam quacunque hora diuini officij, vel parte notabili eiusdem in choro, ita vt simpliciter non dicatur, lethale peccatum committere, nec Prælati possunt in hoc dispensare sine causa urgente. Et ratio est, quia ommissio vnius horæ, vel partis notabilis etiam in recitatione priuata est mortalis, ergo multò magis in publica, ob Ecclesiæ, & boni communis detri-

330 DE HORIS CANONICIS  
mentum. Quod intelligitur de omissione quæ  
simpliciter fit in officio chori, vt publicè est à toto  
choro, quod vt tale est, non potest recompensari  
per priuatam recitationem.

---

## QVÆSTIO CLXXXII.

*Vtrum canonici, & ceteri beneficiarij alicui  
Ecclesiæ deputati, qui absque iusta causa  
omittunt dicere officium in choro, peccent  
mortaliter.*

**I**N qua re certum est in primis, eos qui absque  
causa iusta omittunt officium in Ecclesia recitare,  
aliquod peccatum committere, nec à peccato excu-  
sari, si domi illud persoluant, vt constat ex Clem. 1.  
de celebr. Missar.

Secundò etiam est certum, eos non posse perci-  
pere distributiones quæ conferuntur canentibus in  
choro, nisi officium in Ecclesia publicè persoluant.  
Et ratio est, quia cessante causa, cessare debet effe-  
ctus nondum productus, atqui distributiones sunt  
effectus assistentiæ in choro, ergo. Nauar. de orat.  
cap. 10. nu. 47. Moneta de distrib. q. 5. & 13. Suarez  
lib. 4. cap. 27. n. 2. Reginald. lib. 18. n. 117. & Bonac.  
d. 1. q. 3. p. 5.

---

## QVÆSTIO CLXXXIII.

*Sed totum controuersie dissidium versatur,  
An peccent mortaliter.*

RESPONDEO

**R**ESPONDEO eos qui ultra tempus à iure permissum notabiliter absunt à choro, per se loquendo committere peccatum mortale. Et ratio huius est, quia in cap. finali distinct. 92. beneficiarij omittentes officium in choro, deponi præcipiuntur. Depositiō autem pœna est grauis, quæ non imponitur nisi ob graue, seu mortale peccatum ergo.

Tum, quia qui ultra tempus à iure permissum, in loco beneficij notabiliter non residet, mortaliter peccat, vt omnes fatentur, ergo etiam mortaliter peccat qui notabiliter abest à choro, cum residentia in loco beneficij præscribatur, vt canonicas preces horarias cum aliis in Ecclesia persoluat.

Tum quia, qui diuinum officium priuatim omittit, peccat mortaliter, ergo etiam mortaliter peccat canonicus qui diuinum officium in choro non canit: canonicus enim non solum accipit beneficium vt priuatim recitet, verum etiam, vt cum aliis in choro canat.

Tum demum, quia qui facit contra iustitiam, ex suo genere peccat mortaliter, vt rectè monet D. Th. communiter receptus 2. 2. q. .... ar. .... & constat ex dictis à nobis in speculo confessoriorum, sed canonicus, aliùsve beneficiarius deputatus ad officium in choro, dum absque iusta causa choro non interest, facit contra iustitiam, cum faciat contra id, ad quod tenetur ex officio.

Dixi primò, *qui ultra tempus à iure permissum*, quia qui intra tempus in Concilio Tridentino permissum, à choro abest, non peccat, quamuis interim distributiones non lucrifaciat.

Dixi secundò, *notabiliter*, quia qui tribus, aut

quatuor diebus vltra tempus in Concilio permiffum, choro non intereft, non peccat nifi venialiter, quia hæc cenfetur materia parua in hoc genere.

Hinc non eft audiendus Suarez tom. 2. de Religione lib. 4. cap. 13. qui excufat folùm à mortali abfentiam vnus diei. Quia oppositum ferè communiter in praxi receptum eft.

Dixi tertio, *per fe*, ad denotandum iufta de caufa excufari poffe à peccato mortali.

Hunc autem doctrinam limitant Sylueft. verbo hora. q. 10. Angelus ibidem nu. 21. Caiet. verb. horæ §. 1. Nauar. de oratione cap. 1. n. 14. & cap. 21. n. 32. Valentia 2. 2. difp. 6. q. 2. p. 10. Reginald. lib. 18. nu. 116. Macignus cap. 8. n. 34. & multi alij, vt tantùm procedat, primò, quando hoc facere omittunt ex contemptu.

Secundò contra Prælati particulare præceptum.

Tertio, quando ob fuam abfentiam chorus patitur magnam iacturam in celebratione officij, eo quòd ob id officium in Ecclefia, aut non dicitur, aut faltem non cum debita folemnitate, quia fine illo alij non poffunt competenter illud celebrare.

Quartò, & vltimò, quando ducunt in confuetudinem non adire ad chorum, quia qui ter, aut quater id faceret, non peccaret mortaliter. Extra verò hos cafus, non adire chorum, non effer plusquam veniale peccatum, quo non excufatur beneficiatus, eo quòd diftributiones amittat, quia non excufatur culpa ratione pœnæ, tum quia Ecclefia priuatur feruitio fibi debito ratione talis beneficij, & ideo rectè dixit Syluefter, beneficiatum qui officium dicit

LIBER II. QVÆST. CLXXXIV. 533  
in camera, omiffa Ecclefia, non fatisfacere debito  
fuo.

Cæteri verò clerici etiam beneficiati, qui ad cho-  
rum, feu ad officium in Ecclefia perfoluendū depu-  
tati non funt, cum horas canonicas recitant, Eccle-  
fiæ præceptum implent, ac feruant, fi eas alibi, quàm  
in Ecclefia perfoluunt, & cum nec extet lex aliqua,  
aut confuetudo, quæ contrarium præcipiat.

Hinc non eft audiendus Sotus lib. 10. q. 5. ar. 4.  
vbi ait, recitantes extra Ecclefiam debere oratorium  
aliquod ad id in fua domo deputatum habere. Quia  
licet hoc poffit procedere de decentia, & honefta-  
te, non tamen de præcepto etiam fub pœna peccati  
venialis, quia quod nullo iure præcipitur, nõ eft pro  
præcepto habendum, & nullo iure præcipitur cle-  
ricis, vt extra Ecclefias priuata oratoria habeant,  
neque quodd in eis fuas horas recitent, licet illa ha-  
beant, immò ferè omnium confuetudine contra-  
rium eft receptum. Nau. de oratione c. 21. n. 32.

---

## QVÆSTIO CLXXXIV.

*Vtrum Epifcopus ratione fui muneris, feu be-  
neficij horas canonicas cum alijs in Ec-  
clefia publicè recitare teneatur.*

SYLVEST. verbo hora q. 10. Angel. ibid. nu. 26.  
& Nauar. cap. 5. nu. 14. & 17. de oratione affir-  
mant eum fub mortali ad id teneri. Et probant, quia  
Epifcopus eft fuæ Ecclefie deputatus, & confe-  
quenter ad diuinum officium vnà cum alijs in Ec-  
clefia perfoluendum teneatur.

Verum omnino dicendum est, Episcopum per se loquendo non teneri choro interesse, etiam diebus Dominicis, aliisque diebus festis. Et ratio est, quia in cap. ultimo dist. 92. ubi numerantur presbyteri, & inferiores clerici, non fit mentio de Episcopo, tanquam in altiori ordine constituto, & grauioribus occupationibus impedito.

Tum quia Episcopus ad hoc non tenetur ratione reddituum, quia habet multa alia onera sui officij, propter quæ ab Ecclesia illi ei debentur, maxime cum ad recitandas horas simpliciter teneatur: nec etiam tenetur ratione specialis præcepti, quia ex nullo textu tale præceptum colligitur: nec denique ex consuetudine potest talis obligatio probari, quia nulla talis consuetudo reperitur, immò usu, & consuetudine receptum videmus, ut Episcopi ad chorum ordinariè loquendo non accedant.

Dixi notanter, *per se*, ad denotandum teneri aliquando choro assistere, quando scilicet id postulat ratio sui muneris adimplendi, aut vitandi scandali, aut exempli, aut alterius circumstantiæ, quam Episcopus prudenti suæ mentis consilio examinare debet. Quare optimum erit consilium, si diebus Dominicis, & festis, præcipuè solemnioribus intersit tempore Missæ, & vesperarum, nisi graui aliqua de causa impeditus sit, & in summa caueat, ne eiusmodi curam negligere videatur, & ideo ita tenent Valent. 2. 2. d. 10. q. 6. p. 2. Suar. lib. 4. cap. 10. hu. 13. Filiuc. tract. 23. cap. 4. q. 8. Bonacin. d. 1. qu. 3. part. 5. Et videtur esse expressa sententia D. Thom. 2. 2. quæst. 91. articul. 2. ad 3. ubi ait, Prælatos qui docere populum ex officio tenentur, non debere ad chorum



LIBER II. QVÆST. CLXXXIV. 535  
chorum obligari, ne per hoc à maioribus retrahan-  
tur.

Idem dicendum est de Prælati Episcopo infe-  
rioribus, si Episcopale munus, & iurisdictionem  
habeant. Quod si minores sint, inspicienda erit  
qualitas beneficij, & eius institutio, tum consuetu-  
do, & iuxta hæc ferendum est iudicium de huius-  
modi obligatione.

Obiicies, in cap. Peruenit. 7. q. 1. dicitur Episco-  
pum debere in sua Ecclesia residere, ergo tenetur  
choro interesse psallendo, aliàs vana, & inutilis es-  
set ipsius residentia in Ecclesia.

Respondeo, verbum *residere* non importat exi-  
stentiam in choro, sed permanentiam, & præsen-  
tiam in loco beneficij, ubi onera Episcopatus præ-  
stare cogitur.

Dices, in cap. Episcopus. de consecrat. dist. 3. sic  
habetur. Episcopus si infirmitate non fuerit impe-  
ditus, Ecclesiæ cui proximus fuerit, die Dominico  
desse non debet. ergo saltem diebus Dominicis  
Episcopus ad chorum accedere, ibique diuinum of-  
ficium cum aliis publicè recitare debet.

Respondeo, primò, inde non colligi obligatio-  
nem sub præcepto, cum particula, *debet*, in lege po-  
sita non præceptum, sed decentiam importet, ut  
habetur in l. solùm §. 1. ff. de noui operi nunc.

Secundò respondeo, cum textum non loqui de  
interessentia chori, sed potius de accessu ad vici-  
niorem Ecclesiam, ad quam debet accedere, ut Mis-  
sam celebret, vel audiat, aliisque præbeat exemplum  
diuina celebrandi.

## QVÆSTIO CLXXXV.

*An Religiosi qui chorum profitentur; teneantur sub mortali ex vi huius generalis præcepti ad canendum in choro.*

**E**T quidem si Religiosi ita omittunt officium in choro, ut non habeant animum illud postea supplendi per recitationem priuatam, proculdubio isti peccant mortaliter.

## QVÆSTIO CLXXXVI.

*Sed tota difficultas consistit de iis qui omittunt diuinum officium in choro, animo supplendi illud.*

**M**ACIGNVS de horis canonicis cap. 13. num. 14. affirmat.

Sed oppositum mihi magis probatur. Ducor, quia Religiosi non tenentur dicere officium in choro ratione proprii beneficii, cum id non habeant, nec etiam quia aluntur ex eleemosynis, vel Ecclesiasticis bonis, quia ista non dantur sub hac conditione, sed ut Deo seruiant iuxta suam Regulam. Nec etiam est vllum canonicum ius vniuersaliter obligans Religiosos ad canendum in choro, sed id pendet ex peculiari statuto Religionis, quod regulariter non obligat ad mortale.

Tum quia isti non omittunt recitare officium  
quoad

quoad substantiam, sed tantum quoad modum, cuius defectus non videtur tam grauis. Tum quia chorus non priuatur integro officio, nec prout dicitur in choro, nec prout dicitur à tali persona, sed solum priuatur cooperatione, quam possent, & deberent adhibere tales Religiosi in publica recitatione, hoc autem non videtur esse graue detrimentum, ac proinde sufficiens materia peccati mortalis.

Dices, ex obligatione chori in toto corpore existente sufficienter nascitur hæc obligatio in singulis.

Respondeo, non ita esse absolutè, & immediatè loquendo, nam satis est, quòd cura prouidendi, vt chorus non deficiat, sit apud Prælatum. Quandiu ergo superior non imponit speciale præceptum, non est talis obligatio in singulis ex præcepto, nec superior debet illam imponere sine causa, quando non desunt, qui voluntariè choro satisfaciant. Si autem tanta esset negligentia subditorum, vt videretur præceptum necessarium, tunc imponendum esset. Quando autem esset Prælatus negligens, tunc posset oriri obligatio in singulis, vt curarent non omitti officium diuinum.

Ex qua decisione colligitur differentià inter canonicos, & Religiosos, nam canonici strictius obligantur ad chorum, quia ob id accipiunt beneficium, Religiosi verò obligantur ex vi Regulæ, quæ regulariter loquendo non parit obligationem ad mortale.

Ex quo sequitur, facilius posse excusari Religiosum ab onere canendi in choro, quàm clericum sæcularem, qui ratione beneficij ad illud tenetur.

Ratio est, quia vnusquisque Religiosus in particulari tenetur solum ad canendum in choro ex vi statuti suæ Religionis, quod regulariter loquendo non parit obligationem ad mortale. Vnde nisi notabiliter propter eius absentiam lædatur cultus diuini officij, non peccat mortaliter. At verò clericus obligatur ratione beneficij, atque aded ex iustitia, quæ ex suo genere est obligatio gravis, nisi leuitas materiæ, aut grauitas causæ excuset.

---

## QVÆSTIO CLXXXVII.

*An clerici iure communi cùm priuatim horas canonicas recitant, satisfaciant Ecclesiæ præcepto, recitando ubicunque voluerint.*

**R**ESPONDEO satisfacere, dummodo locus debitam attentionem non impediat, aut cum Religione, quæ diuino officio debetur, non pugnet. Hoc probat recepta consuetudo, qua viri docti, & pii non timent vbilibet officium suum dicere, nisi videant adesse periculum offensionis aliorum, aut impedimentum attentæ, ac deuotæ recitandi, quale contingere potest in via, platea, alijsve locis publicis, & prophanis, in quibus sunt frequentes hominum conuentus, clamores, & strepitus forenses, & prophani. Quare hi qui priuatim diuinum officium recitant, deberent quærere aliquem locum secretum, in quo attentè, & deuotè tam egregium Religionis officium Deo valeant exhibere, alioquin exponunt se periculo non satisfaciendi præcepto.

Dixi

Dixi notanter, *iure communi*, quia fieri interdum potest, vt speciali iure, idest, particulari statuto, vel consuetudine, vel authoritate confessarij, vel voluntate fundatoris præceptum sit, diuinum officium recitare in certo loco, cui si contrauenitur, non satisficit præcepto, vt constat.

Hinc, qui ratione officij, vel beneficij tenetur in certa Ecclesia, vel altari Missas celebrare, suæ conscientia non satisfacit, si in Academia vbi studet, aut alio in loco eas celebrat, secundum Nauar. de oratione cap. 5. num. 12.

Hinc, qui tenentur dicere responsoria sanctorum, aut defunctorum ante altare maius, aut in corpore Ecclesiæ, vel cæmeterij, aut in tali, vel tali parte claustrj, non satisfaciunt suæ obligationi dicendo illa alibi sine iusta causa, vel authoritate Prælati.

Hoc tamen limitat Nauar. ex nonnullorum sententia, modò recitet in loco decenti, quia quamuis præcepto satisfaciat, qui in loco indecenti officium dicit, cum attentio non impediatur, vt suppono, & Deus vbique sit per essentiam, præsentiam, & potentiam, tamen peccatum veniale committit, qui sine causa iusta in locis indecentibus, vt vbi prophana fiunt, & inter comportandum, & dum naturæ ceditur, diuinum officium recitat. Et ratio est, quia debitam rei, sacræ venerationem non exhibet, sicut inurbanitatis notam incurreret, qui nobilem virum in dignitate constitutum in loco indecenti sine vlla necessitatis causa, audire vellet. Quare multò est congruentius, tempus orandi differre, quàm illis locis, aut temporibus orare.

Sed hæc limitatio non placet, quia nulla repe-

fitur

ritur lex diuina, vel humana quæ id vetet, neque ex natura rei est contra rectam rationem, orare in locis corporis sordibus contaminatis, dummodo existendo ibi non actu peccet, nam tunc non poterit simul rectè orare, non ratione conditionis loci, sed propter actuale culpam. Hac ergo occasione semota nō potest esse malum per se loquendo proferre verba laudis, vel petitionis ad Deum, quia hic actus nihil pendet ex qualitate loci, & melius est ibi illum exercere, quàm otiosum esse.

Dixi notanter, *per se loquendi*, quia in loco in quo daretur aliis occasio scandali, mouendo illos ad risum, aut dando occasionem, ipsum orantem de hypocrisis, aut superstitione damnandi, esset peccatum ibi orare. Et in hoc sensu D. Thomas explicans locum Pauli. Volo viros; &c. ait, orationem mentalem vbique posse fieri, sed signa orationis exterius non debere fieri omni in loco. Et ideo ita tenent Nauar. de orat. cap. 5. num. 10. Suar. lib. 3. cap. 7. nu. 9. Filiuc. to. 2. tract. 23. cap. 3. & plerique alij.

## QVÆSTIO CLXXXVIII.

*Cur per se loquendo, melius sit priuatim recitare diuinum officium in Ecclesia, quàm alibi.*

**R**ESPONDEO, quia in Ecclesia Deus censetur peculiariter assistere, vt citius exaudiamur, vt patet ex promissione Dei. 3. Reg. 9.

Tum quia in Ecclesia præter Dei præsentiam, quæ

quæ est vbique, est etiam præsentia Christi Domini in sacrosancta Eucharistia quæ certè auget spem, & fiduciam orantis, iuxta illud D. Chrysostomi homil. 36. & in 1. ad Cor. vbi est Christus in Eucharistia, ibi etiam non deest Angelorum frequentia, vbi autem est talis Rex, & tales Principes, ibi est cæleste palatium, immò cælum ipsum.

Tum deipsum ob sanctum præsidium, & affluentium deuotionem, propter quam iuuamur, vt facilius exaudiamur, iuxta illud Matth. 18. vbi sunt duo, vel tres congregati in nomine meo, ibi ego sum in medio eorum. D. Th. 2, 2. q. 84. ar. 3. Nau. de orat. cap. 5. nu. 4. & alij.

Dixi, *per se*, quia per accidens aliquando locus non facit commodior esse potest, quia si Ecclesia sit publica, potest accidere, vt in ea sit occasio, aut distractionis, aut inanis gloriæ & ideo vtilius est iuxta Christi consilium Matth. 6. ingredi cubiculum ad orandum. Vnde Isid. de summo bono. Oratio priuatis locis opportuniùs funditur.

## QVÆSTIO CLXXXIX.

*Quo tempore diuinum officium sit  
recitandum.*

**R**ESPONDEO, tempus legitimum diuini officij recitandi, vt peccatum mortale vitetur, esse totum illud spatium, quod intercedit inter mediam noctem vnius diei, & mediã noctem alterius proximè sequentis, vt omniscius, & omni pietate resplendens D. Thomas docuit quodlib. 5. art. 25. Itaque si quis intra spatium illud horas canonicas recitat,

recitat, non peccat mortaliter, etiam si non obseruet tempora singulis horis destinata. Ratio huius est, quia diuinum officium singulis diebus recitandum est, ut constat ex cap. Dolentes, de celebratione Missarum, in Concilio Lateranensi, & ex Bulla Pij V. dies autem iuxta communem usum, incipit à media nocte antecedentis diei, usque ad mediam subsequens. Verum est tamen, quòd Matutinum crastinum cum laudibus potest iusta de causa recitari hodie sub sero occidente sole, ut Caietanus, Nauarrus & alij infra citandi testantur. Ut autem peccatum omne etiam veniale vitetur, debent iure communi officia singularum horarum illis horis celebrari unde nomina acceperunt, ut horæ officij corresponsdeant horis diei, non quidem strictè, sed largè consideratis, scilicet Matutinum post mediam noctem, laudes una hora, vel circa ante solis ortum. Prima circa ortum solis, quod indicat Hymnus. *Iam lucis orto sydere*. Tertia, hora tertia à solis ortu. Sexta in meridie. Nona, hora tertia post meridiem. Vesperæ hora vltima occasus solis. Completorium verò post occasum solis per horam, vel in crepusculo. Quod est verissimum, non modò cum publicè in Ecclesia canuntur, sed etiam cum priuatim dicuntur, siue quis solus, siue cum socio dicat quod satis constat ex Clem. i. de celeb. Missar. & ex Conc. Basiliens. sess. 21. vbi præcipitur, ut horis debitis per singulas horas, laudes diuinæ reuerenter ab omnibus persoluantur. Quod statutum est non tam in fauorem recitantium, ut diuidendo commodius officium recitent, quàm in fauorem cultus diuini, & animarum recitantium.

Hinc,



Hinc, qui horas canonicas ante tempus ipsis deputatum recitat, intra eundem tamen diem, ad quam spectant, Ecclesiæ præcepto satisfacit, ut si primæ horæ officium, statim post mediam noctem, aut vespertas ante prandium persoluat, nec tenetur eas repetere. Et ratio est, quia præceptum quoad substantiam adimplevit, & hora fuit præscripta, & præcepta quasi secundariò, & obligatio illius seruandæ saltem per consuetudinem est relaxata. Na-uar. de orat. cap. 3. nu. 59. Valent. 2.2. disp. 6. q. 2. p. 10. Azor. lib. 10. cap. 9. quæst. 8. Suar. lib. 4. cap. 27. nu. 3. & 9. & alij.

Hinc, qui distulit horas præsentis diei in suis propriis temporibus, semper tenetur vsque ad horam mediæ noctis eiusdem diei illas recitare. Ratio est, quia toto illo tempore potest implere præceptum. ergo tenetur.

Hinc, qui vsque ad mediam noctem finitam, horas, vel notabilem earum partem per solam negligentiam non dicit, peccat mortaliter. Et ratio est, quia facit contra rigorosum Ecclesiæ præceptum. cap. Dolentes, de celebr. Missarum.

Dices, officium diuinum finitur in completorio, sed tēpus completorij est in crepusculo vsque ad initium noctis, ergo illo tempore finitur tempus officij illius diei, ergo qui vsque ad illam horam non dixit, non tenetur ampliùs dicere.

Respondeo, tempus illud esse proprium, & quasi omnino legitimum ad completorium dicendum, non esse tamen tempus habile adæquatum, sed hoc habere latitudinem vsque ad punctum dimidiæ noctis, quia pro toto die præceptum præfixum est, & ideo ratio non sequitur.

Hinc,

Hinc, qui pridie, aut postridie diuinum officium persoluit pro sequenti die, præcepto Ecclesiæ non satisfacit, ac subinde tenetur illud repetere. Ratio est, quia non recitat intra tempus ab Ecclesiâ præscriptum: obligatio enim recitandi officium est affixa diei in honorem quem tali die Deo, & suis sanctis exhibere debemus, iuxta præscriptum Ecclesiæ, obligatio autem affixa diei non potest impleri ante aduentum illius diei, cum ante illam diem non adsit obligatio, ut patet. Vnde sicut ieiunium pro certo die impositum, aut sacrum certo die festo audiendū, non sufficit pridie, aut postridie seruare, aut audire ad satisfaciendum tali obligationi, ita neque horas canonicas certo die persoluendas sufficit alia die recitare ad satisfaciendum Ecclesiæ præcepto de illis.

Tum quia qui vno die officium prætermittit, non tenetur elapso die illud supplere, cum obligatio quæ est affixa diei, transeat cum ipso die, ergo neque potest diem præuenire, cum par sit vtriusque ratio.

Nec est, quod dicas, Matutinum certo diei destinatum, pridie ad vesperum solere à clericis recitari. Quia ut diximus, id consuetudo introduxit: verum in aliis horis minimè locum habet, quia id consuetudo non habet.

Hinc, qui hodie ex negligentia officium omisit, non tenetur cras illud supplere. Et ratio est, quia iam tempus præcepti elapsum est, sicut qui omisit audire Missam in die festo, vel ieiunare in vigilia, non tenetur aliis diebus non præceptis ieiunare, vel Missam audire. Quia lex præcipiens aliquid pro tempore determinato, si pro illo non seruetur, peccatum

peccatum quidem committitur, & illius est pœnitentia agenda, lex autem non obligat ampliùs. Nauar. de oratione cap. 10. num. 52. Suar. lib. 4. cap. 27. num. 4. Azor. lib. 10. cap. 10. q. 3. & Reginal. lib. 18. num. 180.

## QVÆSTIO CXC.

*An qui sine iusta causa recitant officium diuinum in choro, extra horas consuetas, vt v.g. Primam, vel tertiam post meridiem, peccent mortaliter.*

**I**LLVSTRISSIMVS Caietanus verbo hora c. 4. Valent. 2. 2. disp. 6. q. 2. p. 10. & Bonacina disp. 1. q. 3. p. 3. affirmant recitantes officium in choro extra horas præscriptas, præciso scandalo, aliâve praua circumstantia satisfacere præcepto quoad substantiam, consequenter non peccare mortaliter contra præceptum diuini officij recitandi, licet non satisfaciant obligationi quo ad circumstantiam horæ, cuius violatio non videtur materia grauis.

Sed hæc ratio non placet, quia si circumstantia præcipiatur, vt reuera hîc præcipitur, multum pertinere potest ad substantiam præcepti, etiâ si nō pertineat ad substantiam actionis præceptæ, vt celebrare manè, & non vesperi, talis circumstantia est, vt sit de substantia illius præcepti, & tamen potest esse illius circumstantiæ violatio, vt sit peccatum mortale, etiam si substantia actionis celebrandi ingré impleatur. Quare dicendum est Prælatos qui

sine iusta causa in suis Ecclesiis consueta tempora horarum canonicarum non seruant, peccare mortaliter, & subditos similiter, si causam dent tali mutationi. Ratio est, quia tempus recitandi officium in choro ab Ecclesia præscriptum est, vt populus si velit, possit ad illud conuenire, ergo hæc videtur res grauis, & pertinens ad publicam utilitatem, & ad commune bonum.

Tum quia in cap. 1. de celebr. Missarum, vbi licet permittuntur horæ dici summo mane priuatim, de publica recitatione statim subditur. Ita tamen vt horis competentibus publicè compleantur. Et in Clem. 1. eod. titul. id ipsum præcipitur sub verbo Sancimus. Et similiter in Concilio Basiliensi sess. 21. Horis debitis, signis congrua pulsatione præmissis per singulas horas laudes diuinæ reuerenter ab omnibus persoluantur. Vnde si Matutinum differetur vsque ad horam tertiam, vel vespere dicerentur ante prandium extra quadragesimam, grauis transgressio videretur. Ita Syluest. verb. hora q. 6. Nau. de oratione c. 3. n. 63. Azor. lib. 10. cap. 9. q. 1. Filiuc. tract. 23. cap. 6. q. 12. num. 217.

Ex quo sequitur, Prælatos ex rationabili, & iusta interueniente causa posse in tali mutatione publica dispensare, vt ob processionem solemnem, aut insignem aliquam concionem, aut Magnatis aduentum, aliæve similes causas, quæ maiores esse debent, cum horæ ipsæ dici debent publicè, quàm cum priuatim. Nauar. de oratione cap. 3. num. 55. Caiet. verb. hora cap. 4. Suar. lib. 4. cap. 15. num. 13. & Reginald. lib. 18. num. 179.

## QVÆSTIO CXCI.

*An clericus peccet mortaliter, qui priuatim recitans, sine iusta causa tempus debitum persoluedi horas non seruat.*

**V**BERTVS in expositione Regulæ Sancti Benedicti, vt testis est Syluest. verbo hora q.9. tenet eum peccare mortaliter.

Sed cæteri communi consensu negant. Et ratio est, quia tempus non est de substantia præcepti recitandi horas canonicas. Nam in cap. Dolentes, de celebrat. Missarum. præcipitur quidem vt obligati ad horas canonicas dicant officium tam nocturnum, quàm diurnum, non tamen vt nocturnum de nocte, & diurnum de die dicatur, nec certas horas determinat.

Tum quia illa institutio præcipuè facta est pro oratione publica, quæ in choro fit, & per consuetudinem ita explicata, seu relaxata est, quoad orationem priuatam.

Hinc, qui dicit Primam, ac etiam Matutinum post meridiem, immo & post vndecimam horam à meridie, non peccat mortaliter, dummodo omnes tales diei horas canonicas ante mediam noctem persoluat, quia tunc terminatur dies quoad preces recitandas. Nau. de oratione c. 3. num. 59. & cap. 9. num. 49. & alij communiter. Dices, ergo qui tunc omisit primam, tenebitur eam dicere post occasum solis, ac proinde tunc dicet. *Iam lucis orto sydere.* quod est inconueniens.

Respondeo, huiusmodi inconueniens non esse magni momenti, quia similia verba semper referuntur ad legitimum tempus, in quo debebant dici, sicut etiam priuatim recitando Matutinum vespere præcedente post ortum solis, sæpè dicimus, *Nocte surgentes, vigilemus omnes, & tamen nondum iuimus cubitum.*

---

## QVÆSTIO CXCI.

*Tota igitur quæstio est, An saltem  
peccet venialiter.*

**E**T quidem, si hoc facit aliqua iusta de causa, qualis est iter faciendum, aut aliqua honesta occupatio negotiorum, aut studij, aut maior quies, & deuotio, non peccat, vt tenent communiter Doctores.

---

## QVÆSTIO CXCV.

*Sed dubium est, quando id facit  
sine iusta causa.*

**N**AVAR. de orat. cap. 3. numer. 58. Et Marcell. Franc. de tempore horarum canonicarum cap. 25. tenent eum venialiter peccare. Et probant, quia facit primò contra ius commune.

Deinde quia multa dicerentur in hymnis horarum, quæ temporibus, in quibus dicuntur, non conuenirent,

Tandem

Tandem probant exemplo , quod ex vitis Patrum Ioannes Andreas, Abbas, & alij referunt de quodam eremita, quem, deficientibus alimentis, Angelus pascibat, & tempore vuarum ferebat illi quandoque vuas acerbas, quandoque maturas, & sanas, quandoque verò marcidas, & cùm rogaretur Angelus, quæ esset tantæ diuersitatis ratio, respondit, quòd vuas acerbas ferebat, quando tempus diuini officij præueniebat: maturas, quando officium debitum horis persoluebat, marcidas verò, quando vltra debitam horam differebat. Et de Episcopo quodam refert Petrus Damianus epist. ad Desiderium de miraculis sui temporis, quòd post mortem reuelauit se purgatorij pœnis affici, & torqueri, eo quòd horas canonicas tempore debito non recitasset, dum in aula Principis commoraretur.

At verò Azor. lib. 10. capit. 9. quæst. 2. & 8. Suar. lib. 4. capit. 15. numer. 9. & capit. 27. numer. 4. Reginald. lib. 18. numer. 179. Macig. capit. 47. & Bonacina disp. 1. quæst. 3. p. 3. docent eum nullum peccatum admittere, nisi per contemptum id faciat. Quia quamuis iure communi singulæ horæ canonicæ distinctis diei temporibus recitandæ sint, (quod ipsarum nomina satis indicant) tamen vbique ferè consuetudine introductum est, vt Prima absque vlllo scrupulo ante ortum solis dicatur; & Tertia cum Prima, vel cum Sexta coniungatur, aut Nona cum Sexta aut vespertina cum Nona, & Cõpletorium cum vespers recitetur, quia consuetudo id obtinuit, quæ iuri derogare potest.

Quam doctrinam arbitror esse veram, & amplectendam quando antepositio, & postpositio horarum intra tempus legitimum diei est mode-

rata, & consueta, quam communiter ferè omnes faciunt sine scrupulo, vt dicere Primam vna hora ante solis ortu: vel post duas, vel tres horas ab ortu solis simul cum Tertia, vel Sexta cum Nona, Vesperas, & Completorium post prandium, vel Matutinum post duas aut tres horas ante occasum solis, vsque ad ortum solis sequentis diei. Secus si huiusmodi dilationes, & anticipationes essent inusitatae, & extraordinariae, quæ absque cogente necessitate ab omnibus timoratae conscientiae viris fieri non solent, vt si quis absque causa legitima omnes horas canonicas persoluat, aut Completorium ante prandium recitet, vel Primam pro Nona, & similes. Ratio huius est, quia prior dilatio fieri potest sine scrupulo propter consuetudinem, posterior verò minimè, quia non est talis consuetudo introducta.

Dices, creditor semper gaudet anticipata solutione, ergo antepositio semper est licita.

Respondeo, hoc solum locum habere in debito, quod non est onus certi temporis, non verò in debito, quod habet peculiarem respectum ad certum tempus.

Hinc falluntur ecclesiastici, qui summo mane vsque ad vespervas inclusiue horas recitant, quo postea ludant, vel otientur: aut qui itor agentes statim sub aurora vnico contextu horas suas omnes recitant, qui recitare possent debitis horis. Nauar. in Man. c. 25. n. 97.

Hinc non peccant Scholastici, qui toto tempore ante prandium student, & post prandium diuinum officium pronunciant, eo quod studiis aptior sit hora matutina, & orationi non inepta vespertina, & licet studium non sit causa iusta omittendi officium, esse tamen potest talis, iuste illud differendi, vt rectè monet



monet D. Thom. quodlib. 5. art. 18.

Hinc, nullum peccatum committit, qui Primam recitat cum Tertia, Sexta, & Nona duabus, vel tribus horis post solis ortum. Tum quia hæc est moderata, & consueta postpositio. Tum quia tempus à iure præscriptum non consistit in indiuisibili, sed magnam habet latitudinem, teste consuetudine.

Hinc, qui siue causa iusta differt Matutinum ad vespervas, aut Completorium recitat ante prandium peccat venialiter, quia hæc est inconsueta, & extraordinaria inuersio.

Igitur ad argumēta in contrarium adducta oportet nunc respondere, & ad primum, quidquid sit de iuris dispositione, respondeo aliter receptum esse per consuetudinem, quæ iuri humano derogare potest.

Ad secundum respondeo, nullum esse inconueniens, quia sicut quotannis in præfatione, quæ per totam octauam Paschatis &c. recitari solet, *hodierna die*, & nihilominus aptè ea verba dicuntur, sic etiam de iis, quæ dicuntur in horis canonicis, idem est iudicium, ea enim semper referuntur ad legitimum tempus, licet in alio dicantur.

Et ad exempla illius Eremitæ, & Episcopi adducta, respondeo, quod illi suis temporibus diuinum officium recitare cogebantur, quia fortasse tunc ius commune non erat per contrariam consuetudinem abrogatum. Vel fuerunt à Deo puniti, quia plus æquo sine iusta causa illud anteponebant, vel postponebant.

Est tamen hîc aduertendum, quod non est ita per consuetudinem abrogatum ius commune de

recitando statis diei temporibus horas canonicas, quia liceat priuatim recitantibus illud seruare, ita vt minimè peccet quis, si pro sua tantum deuotione Matutinum de nocte, laudes in aurora, Primam in fine primæ partis diei artificialis, in quo Sol est super nostrum horizontem, Tertiam in fine tertix partis, Sextam in fine sextæ, Nonam in fine nonæ, Vesperas appetente solis occasu, & Completorum in noctis crepusculo. Quæ determinatio temporis non est præcisè accipienda, sed cum latitudine, qua extendatur ad vnā mediam horam antecedentem, & ad vnā mediam sequentem.

---

### QVÆSTIO CXCIH.

*An melius sit horas canonicas antepponendo recitare ob negotia, & occupationes sæpius incidentes, quàm postponendo.*

**R**ESPONDEO melius esse antepponere. Et ratio est, quia cæteris paribus præponere minus habet incommodi, ac periculi, & indicat maiorem diligentiam, vnde si vtrumque malè fiat, minus mala est anticipatio intra latitudinem venialis, si verò sine peccato vtrumque fieri possit, laudabilior est anticipatio.

Tum quia in capit. Presbyter, de celebrat. Missar. consilium datur, vt clerici variis implicati negotiis, manè diuinum officium vsque ad vespertinum inclusiuè persoluant, & deinde suis rebus artendant.

Dixi notanter, *inclusivè*, & non *exclusivè*, ut perperam dicit Sylvester verbo hora q. 9. quia ibi sic legitur. Presbyter manè matutinali officio expleto, pensum servitutis suæ, videlicet Primam, Tertiam, Sextam, Nonam, Vesperamque persolvat. Et ideo ita tenet D. Thomas quodlib. 5. art. 28. ubi sic ait: Melius est anticipare laudes Dei, & postea alium actum studiorum agere, quàm unum per alterum impedire, quamvis anticipans ut voluptuosius manè dormiat, venialiter peccet. Et Hugo de Sancto Victore, ut refert Palud. in 4. dist. 15. qu. 5. inquit, quòd ante horam orare cum iusta causa, est providentiæ, post, negligentiae, debita verò, obedientiae.

## QVÆSTIO CXCIV.

*An liceat dicere Matutinum diei sequentis in vespers antecedentis diei.*

**D**I V V S Thomas quodlib. 5. art. 28. ad primum censet licere, si hoc fiat ob necessitatem licitæ, & honestæ occupationis. Secus si id fiat propter lasciviam, ut quietius somnolentiæ, & voluptati indulgeat, & quod peius est vanitati, quia tunc non vitaretur peccatum veniale.

Hinc non peccat qui sero antecedentis diei persolvit Matutinum cum laudibus subsequenti diei ut devotius oret, vel quia sequenti die debet videre lectiones, vel aliud huiusmodi, habet enim iustam tunc temporis recitandi causam.

Cæterum multò verius est, absolūtè id esse licitum, præsertim si honesta, & iusta causa sublit, hoc enim permissum videtur ab Ecclesia, teste consuetudine, quæ sicut apta est ad legem inducendam, ita etiam ad abrogandam, vel restringendam.

Hinc hodie, teste consuetudine ubique recepta, licitum est clerico etiam absque vlla causa Matutinum cum laudibus subsequenti diei recitare in vespers diei antecedentis. Post dictum verò de sero Matutinum diei sequentis, licitum est cœnare, non enim hoc impedit quominus possit in eodem sequenti die celebrare, vt rectè monet Nauar. de oratione cap. 3. nu. 66.

Nec obstat, quòd interdum impetratur priuilegium, vt Matutinum vnius diei, præcedenti vespere dici queat: & quod iure communi conceditur, frustra precibus impetratur. Quia multa in priuilegiis conceduntur, licèt iure communi sint concessa, vt absolutio irregularitatis mentalis, & alia huiusmodi. Nec id omnino frustra fit, nam reperiuntur nonnulli adedò scrupulosi, quòd nullius opinione serenari queunt, quos tamen Apostolica concessio serenat, & serenissimos reddit.

## QVÆSTIO CXCV.

*Vtrum volens Matutinum recitare in vespers præcedentis diei, debeat Solem occidentem expectare, vel illud ante Solis discessum recitare possit.*

**E**T quidem certum est primò, huac posse ab occasu solis Matutinum recitare, de hoc enim nullus dubitat, & consuetudo id satis ostendit.

Secundò etiam est certum, posse illud recitare sine scrupulo vna hora ante occasum solis, etiam in hyeme, licèt aliqui scrupulosi timeant, sed sine fundamento, quia consuetudo etiam hoc habet.

## QVÆSTIO CXCVI.

*Tota igitur lis est de eo, qui diutiùs ante  
vnam horam ante discessum solis  
illud persoluit.*

**R**ESPONDEO, cum non teneri solis occasum expectare, sed posse illud recitare post tempus Completorij, quod iuxta communem ferè consuetudinem solet esse circa tertiam, & horam quartam post meridiem, tam in æstate, quàm in hyeme, nullam enim in hoc differentiam facio, cùm distantia vsque ad punctum mediæ noctis, & antepositio eadem sit. Et hæc est communis consuetudo Romana, quam vbique sine scrupulo acceptari videmus. Quod si alicubi fortasse alia vigeat consuetudo, consilium quidem erit, seruare illam, non est tamen admittenda vt obligans ad culpam. Et ideo ita sentit D. Thomas quodlibet. 5. articu. 28. ad 1. vbi sic ait: Posse recitari Matutinum diei sequentis de sero antecedentis diei, & declarat, per serum intelligi tempus, quod proximè sequitur post dictas vespervas, & Completorium. Intellige dictas, secundum tempus,

pus, quo in publicis officiis Ecclesia seruat, quod solet esse inter tertiam, & quartam horam post meridiem, id est, inter 21. & 22. horam diei. Hoc ident tenent Bellarm. lib. 1. de bonis operibus c. 18. Suar. lib. 4. cap. 27. n. 14. Azor. lib. 10. cap. 9. q. 5. Emm. Sa verb. hora. n. 17. Filiuc. cap. 8. q. 10. nu. 275. & Bonac. disp. 1. q. 3. p. 3.

Dices, dies naturalis incipit ab vna media nocte vsque ad alteram mediam noctem proximè sequentem, ergo non licet recitare Matutinum sero præcedentis diei.

Respondeo id verum esse quantum ad contractus, & alia huiusmodi, non autem quantum ad horas canonicas recitandas, nam ea incipit à vespers præcedentis diei, & durat vsque ad mediam noctem, quæ proximè dabitur post sequentem vesperam. Vnde si aliquis post dictas vespers, & completorium dicat Matutinum, iam hoc pertinet ad diem sequentem.

Obiicies, sæpe per priuilegia Pontificia conceditur facultas dicendi nocturnas preces vna hora ante occidentem Solem, ergo sine tali priuilegio id non licet.

Respondeo, multa Romæ via priuilegij conceduntur, non quia necessaria sunt, sed petuntur, vel ad scrupulos tollendos, & dubietates, quæ oriri possunt ex variis Doctorum opinionibus; vel quia quod postulatur, ex rigore iuris, non licet, & pendet ex consuetudine, quæ incerta, & varia esse potest, vt in casu nostro contingit, & ideo datur priuilegium, quod etiam iuri communi derogare potest, & plus concedere, quod introduxerit consuetudo. Ita Filiuc. tract. 23. cap. 8.

Nec etiam obstat, quod Prima & sequentes horæ diurnæ dici non possint ante mediam noctem. Nam ut bene notat Nauarr. de oratione cap. 3. nu. 70. generalis consuetudo non habet, ut aliter persoluantur, quàm intra spatium, quod intercedit ab una media nocte ad alteram proximè sequentem.

## QVÆSTIO CXC VII.

*An vespertinæ preces tempore quadragesimali ante prandium persolui debeant.*

**R**ESPONDEO, vesperas, quæ publicè in Ecclesia dicuntur, iure communi ante prandium decantari debere, non autem quæ priuatim persoluantur. At usu, & consuetudine receptum est, ut etiam priuatim à clericis ante prandium recitentur: nihilominus tamen iusta aliqua de causa post prandium iustè differuntur. Syluest. verb. hora q. 9. Caiet. in sum. verb. horæ canonicæ, Nauar. de oratione cap. 3. n. 41.

Hinc, qui tempore quadragesimali priuatim diceret vesperas post prandium, nequaquam peccaret mortaliter. Quod si sine iusta, & legitima causa fieret, peccatum veniale esset. Tolet. lib. 2. c. 13.

## QVÆSTIO CXC VIII.

*Vndenam officium canonicum incipiat.*

**N**ONNULLI dixerunt à vespers præcedentis dici inchoari vsque ad mediam noctem subsequentis,

quentis, vt reuera incipit in diebus festis solemnioribus, quorum officium habet duas vespervas diei præcedentis, & subsequæntis.

At frequentissima sententia, à qua existimo non recedendum, ait inchoari officium à Matutino. Et ratio est, quia officium diuinum iuxta canones à media nocte inchoandum est: dies autem naturalis iuxta Ecclesiæ ritum, à media nocte in mediam noctem computatur, vt rectè monet D. Thomas 3. part. quæst. 80. artic. 8. & in 4. d. 13. quæst. 1. ar. 2. quæst. 4. ad 3. ergo officium diei incipit à Matutino, cum in prima hora diei inchoetur. Vnde si quis prætermittat hodie vespervas verbî gratia, Apostolorum, quorum solennitas crastina die celebratur, & sequenti die nocturnas vigilias omittat, duo peccata mortalia committit, etiam si cæteras sequentes minores horas persoluat, cum tamen, si omittat nocturnas vigilias, & reliquas horas sequentis diei, vnum tantum peccatum mortale committit, ergo signum est, Matutinum in ordine ad præceptum ecclesiasticum componere vnum officium cum vespervis sequentibus, non autem cum antecedentibus, atque ita totum hoc officium, vt est vnum ex horis septem constans, inchoari à Matutino. Quando ergo anticipatur sollemnitas à vespervis, non componunt vnum officium cum horis sequentis diei, sed Ecclesia vult officium integrum cum dimidio (vt sic dicam) in honorem talis Sancti, vel memoriam talis mysterij celebrare, sicut interdum extendit sollemnitatem per octo dies, & non ideo ex omnibus fit vnum officium.



## QVÆSTIO CXCIX.

*Vbinam officium canonicum finiatur.*

**R**ESPONDEO totum officium canonicum in completorio terminari, illud enim tanquam vltimum, omnes septem canonicas horas finit, & claudit. Vnde & nomen accepit.

## QVÆSTIO CC.

*An liceat inchoare officium diei sequentis non expleto officio diei precedentis. v.g. dicere serò Matutinum diei crastinae, ante dictum completorium diei præsentis.*

**R**ESPONDEO nō licere. Et ratio est, quia quamuis ex officio hodierno, & crastino non cōponatur vnum officium, & ideo non videantur habere inter se ordinem, tamen ex institutione, & recepta Ecclesiæ consuetudine, non inchoatur officium diei sequentis, antequam perfolutum sit officium diei precedentis. Quare qui talem ordinem sponte sine iusta causa inuertit, peccat, & quidem venialiter, quia non derogat substantiæ orationis, quam horæ canonicæ constituunt, nec illam minuit: vnde fit, vt non constituent grauem deformitatem. Quapropter si rationabilis causa intercedat, poterit excusari ab omni culpa. Ita Nauarr. de oratione cap. 3. numero 60. Suarez libr. 4. cap. 24. num. 3.

QVÆSTIO CCI.

*Vtrum clericus sacris initiatus, teneatur statim suscepto subdiaconatu, diuinum officium persolvere.*

**R**ESPONDEO teneri. Et ratio est, quia ad hoc obligatur ratione ordinis sacri, ergo illo suscepto statim obligatur. Idem dicendum est de Religioso post professionem, quia vtriusque eadem est ratio.

---

QVÆSTIO CCII.

*Vtrum beneficiarius teneatur totum officium eo die recitare, quo beneficij possessionem accepit?*

**E**T videtur quod sic, quia beneficiarius percepturus est fructus totius illius diei.

Hoc tamen non obstante, respondeo beneficiarium teneri solum ad recitandum horas respondentes horæ, in qua beneficij possessionem accepit: sicut qui ad solum titulum patrimonij sacris initiat, non tenetur eo die quo recipit subdiaconatum, recitare Matutinum, vel Primam, sed solum tenetur officium recitare iuxta horam, in qua promouetur ad subdiaconatum. Ratio huius est, quia cum non fuerit toto die obligatus ad recitandum, non videtur

detur consentaneum imponere onus totius dici.  
Idem de pensionario dicendum est. Ita Azor. lib. 10.  
cap. 13. q. 17. Suar. lib. 4. cap. 27. num. 8. Filiuc. cap. 9.  
num. 285. & Bonacina disp. 1. q. 2. par. 5. n. 10.

---

## QVÆSTIO CCIII.

*Vtrum Religiosus, seu clericus, vel beneficiarius qui totum officium integrum recitavit ante professionem, vel antè quàm ordinem, vel beneficij possessionem caperet, teneatur iterum recitare partem respondentem horæ, in qua professionem emisit, vel ordinem, aut beneficij possessionem accepit.*

**R**ATIO dubij est, quia hic videtur anticipatè satis fecisse.

Nihilominus dicendum est, hunc teneri iterum recitare partem officij, quæ respondet horæ, in qua professionem emisit, aut sacros ordines, vel beneficij possessionem obtinuit. Ratio huius est, quia adimpletio præcepti supponit obligationem, sed qui diuinum officium ante professionem, vel ordinis, aut beneficij possessionem, persoluit, non habebat hanc obligationem, vt constat, ergo non satisfacit præcepto officij, ergo facta professione, vel suscepto ordine, &c. tenetur iterum recitare pro rata temporis, quo votum professionis emisit, vel sacro ordine est initiatus.

N n

Tum

Tum quia diuinū officium recitatur nomine Ecclesiæ, qui autem illud ante ordinem susceptum persoluit, non dicitur illud nomine Ecclesiæ recitasse, cum nondum esset minister adhuc deputatus.

Tum demum, quia sicut non implet Ecclesiæ præceptum; qui hodie diuinum officium persoluit, ut obligationi satisfaciatur, quia diuinum officium crastina die recitare tenetur: ita neque oneri recitandi satisfacit, qui horas canonicas persoluit ante ordinem susceptum, vel professionem emissam, utrumque enim onus est tempori, & personæ diuino officio obnoxia affixum. Ita Bonacina de horis canonicis disp. 1. q. 2. p. 5. num. 10.

Et ad rationem dubij respondeo, negando prædictum anticipatè satisfecisse, cum satisfactio supponat debitum.

## QVÆSTIO CCIV.

*Quo ordine diuinum officium recitandum sit?*

**R**ESPONDEO eo ordine, quo ab Ecclesia præscriptum est cap. Presbyter. dist. 91. & cap. 1. de celebrat. Missarum. Ac proinde recitandum est Matutinum, & Laudes, deinde Prima, Tertia, Sexta, Nona, &c. Ratio est, quia præceptum non solum adimplendum est quoad substantiam, verum etiam quoad modum, sed ad modum præcepti spectat ordo diuini officij, ergo diuinum officium recitandum est iuxta ordinem ab Ecclesia præscriptum.

QVÆ

## QVÆSTIO CCV.

*An qui mutat ordinem psalmorum, vel inter se, vel cum lectionibus, capitulis, aut hymnis, & similia, peccet, & recitatum repetere teneatur.*

**E**T quidem certum est, hunc qui aduertenter talem mutationem facit in publica recitatione, lethale peccatum committere. Et ratio est, quia regulariter talis mutatio fieri non potest sine scandalo populi, nisi ex materiæ leuitate, vel aliqua inadvertentia excusetur. Suar. lib. 4. cap. 11. n. 7.

## QVÆSTIO CCVI.

*Sed dubium est, de recitatione priuata.*

**S**E D respondeo, & dico, quod qui sponte sine causa iusta talem mutationem facit, peccat grauius. Et ratio est, quia id videtur continere speciem quandam contemptus, cum inde corrumpatur ipsarum horarum pulchritudo, quæ in eo ordine, quem nunc habet, posita est. Tum quia non obseruat consuetudinem, & modum præcepti; non tamen peccat mortaliter, nec tenetur recitatum repetere, quia adimplet præceptum quoad substantiam. Ita Bellarm. lib. 1. de bonis operibus cap. 18. Vasq. de benef. cap. 1. §. 1. art. 2. dub. 14. n. 67. & alij.

Hinc, si quis non habens Breuiarium ad dicendas

lectiones, occurrâtque grauis occupatio, quæ non paritur dicere totum officium, nisi dicat quæ potest, vt psalmos, hymnos, & cætera quæ reperiuntur in Diurnali, potest talia dicere, & postea Breuiario habito, cætera supplere. Similiter iter agentes qui non habent tempus recitandi in diuersorio totum officium, possunt equitando recitare psalmos, quos memoriæ tenent, vel facillè legere possunt, & postea in diuersorio recitare lectiones, &c.

Hinc, qui legitimo detentus impedimento, non potuit chorum ingredi, nisi inchoata hora, potest illam proseguere cum reliquis vsque ad finem, animo supplendi partem omissam.

Hinc, qui inter recitandum aduertit se hymnum, aut psalmum omisisse, debet pœnitere de negligentia, & supplere omissum, sed non tunc, sed post officium expletum, nec tenetur iterum recitare totum officium, vt psalmum v. g. suo loco, & ordine dicat, sed satisfacit supplendo omissum.

## QVÆSTIO CCVII.

*An in hoc casu ipsamet pars omissa repetenda sit, an verò sufficiat aliquid aliud loco ipsius recitare.*

**S**YLVEST. verbo hora q. 12. affirmat sufficere. Sed multò verius existimo, scilicet ipsamet partem omissam repetendam esse, si commodè id fieri potest. Et ratio est, quia non est in potestate clerici partes diuini officij mutare, sed officium iuxta Ecclesiæ præscriptum recitare debet.

Dixi

Dixi notanter, *ſi commodè*, &c. quia ſi is omitteret partem aliquam conflatam ex pluribus verſiculis plurimorum pſalmorum, non teneretur ſupplere recitando illos verſiculos, id enim eſſet quidam labyrinthus, & magna confuſio, ſed poteſt ſupplere per æquipollens recitando vnum, vel duos pſalmos qui contineant tot verſiculos, quot ipſe omiſit,

---

## QVÆSTIO CCVIII.

*An qui ordine præpoſtero horas canonicas perſoluit, aliquod peccatum committat; ut ſi quis v. g. dicat Tertiam ante Primam, aut Veſperas ante Nonam.*

ET quidem loquendo de recitatione publica; certum eſt eum qui ſcienter ſine cauſa iuſta talem mutationem facit, lethale peccatum committere. Et ratio eſt, quia videtur institutionem Eccleſiæ contemnere, & deinde populum ſcandalizat.

---

## QVÆSTIO CCIX.

*Sed dubium eſt, de recitatione priuata.*

IN qua re etiam certum eſt, eum qui ex naturali obliuione, aut inconfideratione in recitandis horis hunc ordinem inuertit, non peccare. Et ratio eſt, quia talis obliuio cum rationem habeat ignorantie inuincibilis, excuſat omnino à peccato.

## QVÆSTIO CCX.

*Sed quod in dubium vertitur est, de eo qui  
aduerterter ordine præpostero, diui-  
num officium recitat.*

**E**T quidem certum est, cum qui voluntariè, sed cum iusta causa hunc ordinem inuertit, nullum peccatum committere. Et ratio est, quia hæc inuersio non est contra substantiam huius præcepti, nec est circumstantia adeò grauis, vt reddat actionem intrinsecè malam, potest ergo ex iusta causa prætermitti sine peccato.

Hinc qui ab amico, vel Prælato rogatur, vt secum Tertiam persoluat, cum ipse nondum recitauit Primam, potest cum eo Tertiam recitare, dicendo postea Primam, habet enim iustam ordinis variandi causam. Suar. lib. 4. cap. 24. num. 4.

Hinc, si quis post inceptam horam Tertiam, recordatur, se non recitasse Primam, vel laudes, potest sine peccato, Tertiam proseguere, animo, & voluntate recitandi postea laudes, vel Primam.

Hinc, si aliquis accedit ad chorum, dum canitur Sexta, sed ipse nondum recitauit Tertiam, tunc potest psallere cum cæteris, & postea dicere Tertiam, vel aliam horam omissam. Ratio horum omnium est, quia quod ex iusta causa fit, rationabiliter, & prudenter fieri dicitur. Nauar. de oratione cap. 21. n. 59. Suar. lib. 4. cap. 24. num. 4. Azor. lib. 10. cap. 10. quæst. 1. & plerique alij.

QVÆ



## QVÆSTIO CCXI.

*Sed dubiæ quæstionis est, An is qui aduertentet, & sine iusta causa ordinem præposterum in recitandis horis tenet, aliquod peccatum committat.*

**I**N qua re certum mihi est, hunc qui spontè absq; legitima, & rationabili causa eum ordinem inuertit, non teneri horam iam recitatam repetere. Et ratio est, quia hic in substantia implet præceptum, & solum deficit in quodam accidente. Nau. de oratione cap. 3. num. 67.

Secundò certum quoque mihi est, hunc qui sic recitat, non nihil peccatum committere. Et ratio est, quia alienum est à ratione in diuino officio non seruare modum procedendi ab Ecclesia approbatum, & vsitatum.

## QVÆSTIO CCXII.

*Tota igitur difficultas consistit, An peccet mortaliter.*

**V**ASQUEZ de beneficiis cap. 4. §. 1. art. 2. nu. 66. affirmat eum qui sæpius ordinem horarum inuertit, mortaliter peccare, quia nimium ordinem, & Ecclesiæ consuetudinem disrumpit. Secus si bis aut ter.

Verùm omnino dicendum est, eum secluso contemptu non peccare nisi venialiter. Et ratio

568 DE HORIS CANONICIS  
est, quia talis ordo non est de substantia præcepti,  
quod datum est de recitatione horarum canonica-  
rum, sed solum modus. Ita Nauar. de orat. cap. 3.  
num. 67. Suarez lib. 4. cap. 24. numero 5. & multi  
alij.

---

## QVÆSTIO CCXIII.

*Vtrum peccet mortaliter, qui Missam cele-  
brat, nondum recitato Matutino.*

**E**T quidem non disputamus modò, an in nocte  
Natalis Domini id liceat, quia certum est, eo  
die de more id facere Ecclesiam. Nam nocturnis  
persolutis ante laudes, primum eius diei sacrum  
decantat.

Secundò non disputamus, an id liceat, si iusta, &  
legitima causa subsit, quia etiam est certum, id esse  
licitum, vt si subita necessitas occurrat, v. g. acce-  
dit Illustrissimus, vel magnus Princeps gratia au-  
diendi sacrum, nec adest ullus tunc sacerdos qui  
sacrificet, nisi qui officium Matutinum non reci-  
tauit, & adest etiam populus in die festo Missam  
auditurus, vel tandem si necesse sit, vt sacrificium  
fiat ob mortuum subito delatum in templo sepe-  
liendum, vbi de more vita defuncti sine Missæ sa-  
crificio non sepeliuntur. Quia quod ex iusta causa  
fit, rationabiliter, & prudenter fieri dicitur.

Tertiò non disputamus, an peccet saltem venia-  
liter, qui absque rationabili causa celebrat ante Ma-  
tutinum persolutum, quia certum est, hunc sal-  
tem venialiter peccare propter contrariam, eamque  
lauda

LIBER II. QVÆST. CCXIV. 569  
laudabilem consuetudinem, quæ videtur sub veni-  
niali saltem obligare.

---

QVÆSTIO CCXIV.

*Sed tota disceptatio est, an lethaliter peccet  
Sacerdos, qui sine iusta causa ante  
Matutinum sacrificat.*

**D**IVVS Anton. 3. p. tit. 13. c. 4. §. 4. Syluest. verb.  
Missæ. 1. quæst. 6. Armilla verb. horæ. §. 18.  
Nauar. de oratione cap. 3. num. 78. & cap. 21. n. 30.  
Azor. lib. 10. cap. 10. quæst. 4. & cap. 28. quæst. 17.  
Durant. lib. 3. de ritibus cap. 24. Bellarm. lib. 1. de  
bonis operibus cap. 18. Reginald. lib. 18. num. 167.  
& plerique alij, affirmant cum peccare mortaliter.  
Quia qui sic agit, contrauenit communi, & perue-  
nientæ consuetudini Ecclesiæ: ac etiam tacito eius-  
dem præcepto, dum enim statuit, vt Matutinum  
dicatur de nocte, vel mane, Missa verò de die, taci-  
tè ordinauit, vt recitatio Matutini esset præparatio  
ad Missæ celebrationem.

Tum quia Pius V. in Bulla quæ habetur in prin-  
cipio Missalis, in virtute sanctæ obedientiæ præci-  
pit, Missam dici iuxta ritum Missalis, & in prin-  
cipio rituum seruandorum in Missa dicitur, præuia  
confessione, & saltem Matutino cum laudibus ab-  
soluta, orationi aliquantulum vacet.

Alij verò Doctores non minoris nominis do-  
cent, ex obiecto, & secluso contemptu, non esse  
peccatum mortale dicere Missam ante Matutinum.

N n      §      Et

Et ratio est, quia nullus extat iuris canon, quo præcipiatur, vt Matutinum ante Missam recitetur.

Tum quia, qui recitat vespervas ante Matutinum, non peccat mortaliter, ergo neque celebrans Missam ante Matutinum, cum Matutinum nullam habeat connexionem, & ordinem cum Missa: sed maiorem connexionem habet Matutinum cum vespere, quam Matutinum cum Missa.

Tum quia, qui recitat completorium ante Missam, non peccat mortaliter, quamuis consuetudine receptum sit, vt Missa dicatur ante completorium, ergo neque peccat mortaliter celebrans Missam, ante Matutinum.

Tum etiam, quia Matutinum non postulatur vt necessaria animæ dispositio ad celebrandum, nec inter eas ponitur in Missali sub titulo de defectibus in celeb. Missarum cap. 8. de defectibus dispositionis animæ, ergo. Et ideo ita sentiunt Sotus lib. 10. de iust. q. 5. art. 4. & in 4. d. st. 13. q. 2. a. 2. Valent. 2. 2. d. 6. q. 2. p. 10. Arag. 2. 2. q. 83. art. 12. Less. lib. 2. c. 37. dub. 12. n. 81. Lop. 2. p. instr. cap. 79. & c. 105. Carbo lib. 9. de legibus disp. 9. Rodriq. de Regular. to. 1. q. 43. art. 3. & in sum. p. 1. cap. 244. nu. 22. Henriq. lib. 9. de Missa c. 24. n. 17. Tolet. lib. 2. c. 1. Suar. lib. 4. c. 24. n. 6. Vasq. in opusc. de benef. c. 4. §. 1. a. 2. n. 65. dub. 3. Molf. tract. 5. c. 2. n. 31. Filiuc. c. 7. q. 6. Macig. cap. 46. Bonacina disp. 1. q. 3. p. 4. & plerique alij.

Obiicies, ex hoc multi clerici sument occasionem differendi Matutinum post sacrificium Missæ.

Respondeo hanc occasionem esse acceptam, non datam, neque per abusum paucorum esse introducendam grauem obligationem, vbi neque lex, nec ratio cogit.

Deinde

Deinde non diximus nos hoc nullum esse peccatum, si sine iusta causa fiat, sed tantum non esse mortale.

Argumenta verò prioris opinionis, à qua recedimus, facile ex dictis diluuntur. Et ad primum respondeo, quod non omnis consuetudo habet vim legis: nec item omnis consuetudo ita strictè, & arctè conscientiam ligat, ut nisi seruetur, mortale peccatum committatur.

Tum quia talis consuetudo non fuit introducta intuitu ordinis necessarij inter Matutinum, & Missam, seu ad inducendam illius obligationem, ex qua recitatio Matutini fieret dispositio requisita per se ad Missæ celebrationē, sicut sunt vestes sacerdotales, sed duntaxat, quia Matutinum est oratio nocturna, Missa oratio diurna, ideo prius officium recitari solitum fuit quàm Missa: sicut etiam est consuetudo dicendi vespèras post meridiem, & tamen si quis eas recitaret ante Missam extra quadragesimam, non peccaret, nisi venialiter.

Ad secundum respondeo, quod generale præceptum Pij V. quo in virtute sanctæ obedientiæ præcipit Missam dici iuxta ritum Missalis, non obligat cum rigore ad observandas singulas regulas, & ordines Missalis, sed tantum generaliter ad utendum eo ritu, & non inducendū alium, in particulari autem obligat ad singula iuxta modū, quo vnaquæque res præcipitur, & ordinatur, & iuxta gravitatem eius.

Deinde in regula particulari, in qua dicitur, prævia cōfessione cum opus fuerit, & saltem Matutino cum Laudibus absoluto, oratione aliquantulum vacet: non ponitur verbū, quod indicet præceptū græue, sed potius de consilio id dicitur: sicut est, quod  
ponitur

ponitur de vacando orationi aliquantulum, consilium est, & simplex quædam directio, non autem præceptum.

Nec obstat quòd in Rubricis Missalis dicatur defectus, dum quis Missam celebrat non præmissò saltem Matutino, quia satis est quòd tunc sit defectus venialis, quando sine vlla causa fit, tunc enim semper intercedit aliqua negligentia circa Matutinum, vel irreuerètia venialis circa diuinum cultum. Quòd si interueniat scandalum, vel contèptus talis directionis, tunc poterit esse etiam peccatum graue.

Nec etiam obstat, quòd aliquando obtinetur priuilegium Apostolicum ad celebrandum, nondum recitato Matutino, quia huiusmodi priuilegiũ prodest tum ad vitandum peccatum veniale, tum ad vitandos scrupulos. Nauar. de orat. cap. 19. nu. 83. Macig. & Bonac vbi suprà.

## QVÆSTIO CCXV.

*An sacerdos, qui ob infirmam valetudinem est immunis à Matutinis precibus, possit tuta conscientia celebrare.*

**R**ESPONDEO posse. Et ratio est, quia accidere potest, vt incommoda valetudo iustam det excusationem officij, Matutini omittendi, & nihil tamen impediat, quominus sacerdos celebret. Et sicut sacerdos absque sacramentali confessione cum debito tamen & iusto peccatorum dolore, iure aliquando sacrificat, quia deest copia confessorij, ita qui

qui ob incommodam valetudinem horas canonicas recitare nequit, potest aliundè ritè præparatus ad sacrificandum accedere.

## QVÆSTIO CCXVI.

*An peccet sacerdos, qui ante Primæ recitationem, sine iusta causa sacrum facit.*

**D**IVVS Anton. 3. p. tit. 13. c. 6. §. 4. & Palud in 4. dist. 13. quæst. 2. art. 2. videntur tueri partem affirmatiuam, quia eodem modo de Prima, quo de Matutino loquuntur.

Cæteri verò Authores, quos sequor, nullam in Prima talem obligationem agnoscunt, magis, quàm in aliis horis, id enim pij viri, ac docti faciunt, & in multis Ecclesiis, etiam in illis, quæ cathedrales, aut collegiatæ vocantur, solent Missæ priuatæ celebrante Primæ recitationem in choro: immò melius facit, qui Missam in aurora dicere iubetur post Missæ celebrationem interesse choro ad Primam, quàm illam ante Missam dicere. Et quando est statutum, vel consuetudo, vt ante Primam non dicatur Missa, intelligitur de Missa Maiori. Ita Nauar. de orat. c. 3. n. 70. & in Man. cap. 25. n. 83. Syluest. verb. Missa. 1. q. 6. Sot. lib. 10. q. 5. art. 4. & alij communiter.

## QVÆSTIO CCXVII.

*An qualibet aegritudo corporis iustam officij diuini excusationem præbeat.*

Respon



**R**ESPONDEO minimè, sed eam tantùm, quæ va-  
letudinem corporis notabiliter offendit, qualis  
est grauis febris vel grauis dolor capitis, vel stoma-  
chi. Et ratio huius est, quia obligatio recitandi di-  
uinum officium strictissima est, vt constat ex cap.  
Dolentes. de celebrat. Missar. ergo non nisi ex gra-  
ui causa potest clericus ab ea liberari, & per conse-  
quens nec excusari ex alia infirmitate, quàm quæ  
notabiliter nocet. Ita Sotus lib. 10. q. 5. art. 3. Nau.  
de oratione cap. 11. nu. 3. & in Man. cap. 25. nu. 100.  
Toletus lib. 2. cap. 14. num. 2. Valent. 2. 2. d. 6. q. 2.  
p. 10. Suar. lib. 4. cap. 24. num. 11. Arag. 2. 2. qu. 83.  
art. 12. Azor. lib. 10. cap. 13. quæst. 2. Vasq. de be-  
nefic. cap. 4. §. 1. art. 1. dub. 12. & Reginald. lib. 18.  
num. 181.

Hinc non excusatur ab onere recitandi is, cuius  
morbus talis est, vt ipsum non impediatur, quominus  
ordinarias actiones capitis, & linguæ exercere pos-  
sit, & cum amicis negotia graua tractare, in quibus  
tantum est difficultatis, quantum in ipsa horarum  
canonicarum recitatione. Ratio est, quia tunc non  
potest dici talis moraliter impotens. Huiusmodi  
esse solet febris leuis, moderatus capitis, pectoris,  
aut stomachi dolor.

Hinc non excusatur à lege, & præcepto recitan-  
di is cuius morbus ad tempus tantum iustam excu-  
sationem affert, qualis solet esse febris quartana, aut  
tertiaria non multum vexans, quæ statutis horis ob-  
uenit, nisi tanta sit lassitudo, vt grauiter saluti nocere  
existimetur attentio necessaria in officij recita-  
tione.

Hinc fieri potest, vt ob corporis imbecillitatem,  
excusetur quis à recitatione horarum in choro,  
quamuis



quamuis non excusetur ab onere recitandi domi,  
vt si quis choro addictus, quamuis aliàs bene va-  
leat, sic tamen laborat podagra, vt ad Ecclesiam ire  
nequeat.

---

## QVÆSTIO CCXVIII.

*An qui quartana, vel tertiaria febre laborat,  
vel quia credit se aliquo impedimento im-  
plicandum, quominus suo tempore queat  
horas canonicas recitare, teneatur intra  
eandem diem tempus præuenire, aut post-  
ponere, & officium diuinũ ex toto soluere.*

**E**T videtur quòd non, quia posse antepondere,  
vel postponere est veluti quoddam priuile-  
gium, quo nemo vri cogitur.

Hoc tamen minimè suffragante, contrarium mi-  
hi persuadeo. Ducor, quia totum tempus diei est  
simpliciter legitimum, & sufficiens ad substantiam  
huius præcepti implendam, & ideo si vna pars diei  
est impedita, debet dici in alia, quæcunque illa sit.  
Et ideo ita tenet Cardinalis Toletus in summa lib. 2.  
cap. 14. num. .... Azor. lib. 10. cap. ....

---

## QVÆSTIO CCXIX.

*Quid faciendum, quando dubitatur, an agri-  
tudo sit grauis, vel leuis, id est, an recitatio  
diuini officij valde nocitura sit sanitati?*

RESPON

**R**ESPONDEO, consulendum esse medicum, & illius consilio, & iudicio de ægritudinis gravitate standum, non quia ipse possit tollere, vel minuere obligationem, nullam enim iurisdictionem habet, sed quia ratione officij ad ipsum pertinet iudicium gravitatis, aut leuitatis morbi, nam periti in arte iudicio standum est. cap. fraternitat. de frig. & malef. & ideo satis est, ac sufficit vnum consulere medicum, dummodo vt Nauar. monet cap. 21. n. 16. sit vir prudens, ac timens Deum, ac peritus in sua arte existimetur.

## QVÆSTIO CCXX.

*An cùm de ægritudinis gravitate dubitatur, consilium, & iudicium medici sufficiat, ut ab onere recitandi infirmus sit liber, an verò adhuc interuenire debeat superioris autoritas, qui eum indulgentiæ beneficio ab onere recitandi excipiat.*

**S**OTVS lib. 10. quæst. 5. art. 3. affirmat adhuc etiam requiri superioris auctoritatem.

Cæterum ego magis probo eorum sententiam, qui docent solummodo iudicium prudentis medici sufficere, quia etiam cùm dubitatur an ieiunium seruare debeamus, satis est prudentis medici consilium de gravitate morbi iudicantis, & ita est vsu receptum. Atque adeò, sicut standum est illius iudicio dicentis cibum aliquem esse noxium, sic etiam dicentis morbum

morbum aliquem esse grauem, præsertim cū nō homines non habeant aliam regulam qua possint in simili dubio gubernari. At verò si consilio, & iudicio medici res adhuc sit dubia, tunc requirenda est superioris auctoritas, qua ab obligatione recitandi eximamur, & in hoc locum habet opinio Soti, est enim necessaria superioris dispensatio, cuius est legis immunitatem horarum concedere, non medici. Et ideo ita sentiunt Nauar. de oratione cap. 31. num. 3. & cap. 21. num. 16. Azor. lib. 10. cap. 13. q. 1. Suar. lib. 4. cap. 28. num. 20. & 21. Bonac. disp. 1. q. 6. p. 1. & alij. Quod si neuter haberi possit, vtendum erit arbitrio prudentis viri: & quoties bona fide proceditur cum probabili iudicio suæ excusationis, non committitur vlla culpa, si semel vel bis non recitetur: ad longum autem tempus requireretur licentia superioris, vt rectè docet Suar. tom. 2. de Religione lib. 4. cap. 28. num. 21.

---

### QVÆSTIO CCXXI.

*An quando medicus ipse dubitat, an morbus sit grauis, vel leuis, seu an recitatio nocitura sit, ægrotus ad horas recitandas teneatur.*

**R**ESPONDEO non teneri. Et ratio est, quia arius se exponeret periculo grauis damni, vt in casu simili resoluit Bonacina in materia de ieiunio. Secus si periculum sit tantummodo leuis damni, quia tunc ægrotus teneretur recitare, quia

Oo possessio

578 DE HORIS CANONICIS  
possessio stat pro præcepto, quod obligat saltem  
cum leui incommodo.

---

## QVÆSTIO CCXXII.

*An egrotus excusatus à dicendis horis, excu-  
setur etiam ab audiendis.*

**R**ESPONDEO excusari. Et ratio est, quia id  
nullo iure cauetur, etiam si possit id facere,  
cum non possit recitare, & in cap. 1. de celebrat.  
Missatum solum præcipitur vt clerici horas cano-  
nicas ore pronuncient, non autem vt eas ab aliis  
recitatas audiant, nisi quando ipsi recitant cum  
aliis: quia tunc tenentur audire partem ab aliis  
recitatam, sicut & recitare suam.

Tum quia onus recitandi horas canonicas est  
personale, ergo qui instam habet excusationem  
non recitandi, minimè tenetur substituere alium,  
qui eo audiente dicat, sique substituatur, erit qui-  
dem bonum opus, sed non erit adimpletio præ-  
cepti de recitando.

Nec obstat, quòd hic audire possit, quia non  
obligamur ad omnia, quæ possumus, sed ad ea,  
quæ nobis iubentur, at clericis, vt diximus, non  
iubetur auditio, sed dictio, ergo qui nequeunt di-  
cere, excusantur à dictione iussa, & non obligan-  
tur ad auditionem consultam. Et ideo ita tenent  
Syk. verb. hora. q. 4. Nauar. de oratione cap. 1. nu.  
7. Tolet. lib. 2. cap. 14. Azor. lib. 10. cap. 13. q. 2.  
Suar. lib. 4. cap. 24. num. 12. Rodriq. de reg.  
qm. 1. q. 42. art. 10. & plerique alij.

QVÆ

## QVÆSTIO CCXXIII.

*An qui per seipsum non potest diuinum officium recitare, per alium supplere teneatur.*

**R**ESPONDEO non teneri. Ratio est, quia onus recitandi officium est personale, ergo qui illud per se explere non potest, neque alium substituere tenetur, qui loco sui dicat. Immo licet illum substituat, & illi stipendium conferat, & alter recitet, nihilominus non satisfacit præcepto. Ita Nauar. de oratione cap. 11. nu. 6. Suar. lib. 4. cap. 28. num. 11. Tollet. lib. 2. cap. 14. & alij.

## QVÆSTIO CCXXIV.

*An studium excuset à recitatione horarum.*

**R**ESPONDEO non excusare, etiamsi alium in sui locum substituat. Et ratio est, quia cum istud sit onus personale, per alium impleri non potest, cum non transgrediatur personam. Vnde quædam Glossa citata à Nauarro inquit, maledictum studium, propter quod relinquitur diuinum officium. Ita Valent. 2. 2. d. 6. q. 2. p. 10. Nau. de orat. cap. 11. num. 32. Azor. lib. 10. cap. 13. q. & Bonac. d. 1. quæst. 6. p. 1.

## QVÆSTIO CCXXV.

*An peregrinatio iustè, & legitimè suscepta ad loca pia, & religiosa, peregrinum à pensu horarum excuset, quando per vicarium constitutum Ecclesiæ deseruit, in qua habet beneficium.*

**R**ESPONDEO non excusare. Et ratio est, quia pensum horarum canonicarum cum sit personale, inhæret inseparabiliter personæ beneficiati, eamque sequitur sicut lepra sequitur leprosum, ut Ciuilistæ dicunt de actione personali, ac proinde quisque per seipsum debet id persolvere. Ita Nauar. de oratione cap. 11. nu. 33. Azor. lib. 10. cap. 13. quæst. 13. Valent. 2. 2. d. 6. q. 2. p. 10. & Bonac. d. 1. q. 6. p. 1.

## QVÆSTIO CCXXVI.

*An qui excusantur à recitatione horarum, teneantur aliquid aliud eius loco dicere, aut facere.*

**P**ALVD. in 4. dist. 12. quæst. 6. §. ult. affirmat ad id teneri. Eiusdem opinionis videtur esse Syluest. verb. horar. nu. 5. ubi ait, circa istam suppletionem non oportet multum esse scrupulosum, quia consurgit ex naturali lege. potius quàm

quàm Ecclesiæ præcepto, vt recompensetur benefactoribus, quod etiam per minimam orationem fieri potest, cùm præponderet omnibus thesauris, sicut spirituale temporalibus.

Nauar. de oratione cap. 11. num. 19. distinguit, ait enim de iure humano non teneri, de iurè autem diuino naturali obligari ad aliquam recompensationem faciendam, non quidem determinatè ad has, vel illas, aut tantas, sed generaliter, & indeterminatè, quamuis non audeat imponere obligationem sub mortali.

At communis opinio tam Theologorum, quàm Canonistarum absolutè negat. Et ratio est, quia nullum ius proferri potest, obligans eum, qui per seipsum non potest diuinum officium recitare, vt loco officij alias orationes dicat, vel in compensationem elargiatur elemosynam, vel aliquid simile faciat, ergo neque nos debemus ad id obligare.

Tum quia suprà probatum est, secluso iure canonico, nullam esse obligationem iuris diuini in clericis de peculiati aliqua oratione faciendâ.

Tum quia, etiamsi esset tale ius diuinum, non obligaret pro singulis diebus vel temporibus, esset enim affirmatiuum, quod non obligat nisi pro tempore necessitatis, ac subinde non oportet, vt obliget tempore infirmitatis.

Tum etiam, quia iussus aliquo die ieiunare, si non potest per se ieiunare, non tenetur id facere per alium, neque per aliquid aliud, vt per disciplinam, vel Rosarium, quod citra vllum incommodum potest, dum malè valet supplere, ergo neque



qui ob ægritudinem non potest diuinum officium recitare, tenetur aliud pro eo facere. Et ideo hanc partem sustinent Vasq. de beneficiis cap. 4. §. 1. art. 1. dub. 12. nu. 1. Azor. lib. 10. cap. 13. q. 8. Suar. lib. 4. cap. 28. num. 11. & 29. Emmanuel Sa verb. hora. num. 3. Reginal. lib. 18. num. 182. & 184. & plerique alij.

Hinc non est audiendus Angelus verb. hora nu. 9. qui ait cæcum, vel carentem Breuiario excusari à recitatione horarum, dummodo suppleat per alias orationes, vt Pater noster, &c. Et similiter Paludanus vbi supra, qui loquens de infirmo, qui à recitatione horarum excusatur, ait. Roget tamen Deum mentaliter, horarum loco, & hoc sufficiet. Non sunt, inquam, audiendi, quia, vt diximus, hoc supplementum necessarium non est, quia eo ipso quòd quis ab eo onere liber, & immunitus est, liberatur quoque à lege quarumlibet aliarum precum recitandarum.

## QVÆSTIO CCXXVII.

*An qui propter infirmitatem non potest totum officium recitare, teneatur ad partem, quam potest.*

**Q**UIDAM absolute negant quia hoc est vnum præceptum, & illa recitatio omnium horarum est vna actio moralis, quæ si non potest integrè adimpleri, non præcipitur mutilata, & imperfecta, sicut qui non potest ieiunare tota die, non obligatur ieiunare vsque ad prandium, licet possit:

&



& qui in die festo non potest audire totam Missam, non obligatur quamlibet eius partem minimam audire : & qui non potest ad Romam peruenire, non tenetur medium iter facere : & qui non potest tempore ieiunij abstinere à duplici comestione, sed potest in vtraque comestione minùs sumere, non tenetur ponderare id quod comedit, ut æquiualeat vni comestioni, sed simpliciter liberatur.

Nauar. de oratione cap. 11. nu. 15. Azor. lib. 10. cap. 13. q. 4. & §. & multi alij distinguunt in hunc modum, aut enim excusatus potest commodè recitare maiorem partem horarum, aut non. Si primum, tenetur eam partem recitare. Si secundum, idest, si maiorem partem dicere potest, consequenter ab omnibus excusatur, quia regulariter maior pars trahit ad se minorem.

Philarchus lib. 1. cap. 10. ait, quod si potest recitare maiorem, vel æqualem, aut ferè æqualem partem, tenetur illam recitare, si verò solum minorem, non tenetur.

Grassius lib. 2. c. 54. nu. 3. & 4. & Vega c. 128. casu 1. videntur velle absolute, quod qui non potest recitare totum officium, tenetur recitare partem meliori modo quo potest, & quam memoriter scit.

At verò Petrus Ledesm. tract. 9. cap. 4. concl. 9. docet quod qui propter infirmitatem non potest recitare totum officium tenetur recitare illam partem, quæ non fuerit causa notabilis nocimenti salutis, & sic qui non potest recitare Matutinum ob defectum visus, aut quia sequetur notabile nocimentum, potest tamen commodè recitare horas dici, tenebitur illas recitare. Pro quo

Primò dico, quòd qui propter infirmitatem non potest integrum officium recitare, potest tamen commodè minimam eis partem persolvere, non tenetur illam recitare. Ratio est, quia clericus non tenetur ad id ex natura rei, & iure naturali, sed solum iure positivo, ius autem positivum non respicit naturalem potentiam, sed moralem, nec etiam laqueum iniicit, sed est suave, unde præcipiendo, obligat casu, quo id fieri potest, non simpliciter, & absolute, sed sine magno incommodo, & licet eadem præcepti ratio militet in toto, & in partibus, excusat tamen à minima parte eos qui non nisi secundum minimam partem possunt illud explere, ne scrupulos, & laqueos hominibus iniiciat.

Secundò dico, quòd qui non potest dicere omnes horas canonicas, potest tamen commodè maiorem talis sui pensæ partem persolvere, si tamen illa pars non faceret aliqualem compositionem horæ, quæ est quid artificiale, & compositum ex diversis partibus, non tenetur illam recitare, v. g. potest recitare omnes Psalmos, aut Psalmos, & hymnos horarum, quos memoriter scit, tamen quia illi ut sic non faciunt aliqualem compositionem horæ, non tenetur illos recitare, licet sit maior pars officij.

Tertiò dico, quòd qui non potest dicere totum officium, potest tamen commodè maiorem, vel æqualem, aut ferè æqualem eius partem persolvere, tenetur eam partem recitare.

Quartò, & ultimò dico, quòd qui excusatus non valet totum officium ecclesiasticum recitare, tenetur eam partem persolvere, quam potest, dummodo illa pars saltem unam integram horam constituat. Et ratio est, quia hoc præceptum ita obligat

LIBER II. QVÆST. CCXXXVIII. 585  
ad omnes horas, vt obliget ad singulas.

Tum quia licet totum officium vnius dici sit integra materia huius præcepti, nihilominus constat ex septem horis distinctis quarum singulæ per se continent integram quandam orationem, & possunt seorsim ab aliis dici, ergo qui aliquam ex horis potest dicere, tenetur illam dicere, etiam si non possit reliquas.

Tum quia, qui tenetur ad faciendū aliquid, si non potest facere totum eo modo quo debet, tenetur facere partem eo meliori modo, quo potest, si illa est separabilis à reliquis, & commodè solui potest, sicut qui non potest totum restituere, tenetur restituere eam partem quam potest: & qui totam quadragesimam ieiunare non potest, tenetur eius partem quam potest, ieiunare: & qui tempore ieiunij potest abstinere à carnibus, sed non à duplici comestione, tenetur abstinere à carnibus, & non à duplici comestione.

Tum etiā quia, qui hora nona ordine subdiaconatus insignitur, obligatur ad sequētes horas illius dici scilicet, vesp̄am, & Completorium, licet non recitauerit, neque teneatur dicere præcedentes horas, ergo conuenienter recitatur pars huius officij sine toto, ergo si præceptum potest ex parte impleri, faciendum est, ergo qui per se tenebatur ad omnes, & sit excusatus à quinque, manet adstrictus ad dicendas duas, quamuis illæ sint minor pars officij.

Hinc, qui tota die, & nocte ita fuit legitimè occupatus, vt nullam horam dici dicere potuerit, si in fine noctis potest saltem completorium recitare, tenetur illud dicere.

Hinc qui culpabiliter, vel sine culpa Breuiario caret, tenet tamen memoria Vesperas, tenetur illas dicere, etiam si minorem officij partem contineant.

Hinc, si quis voto vel iuramento teneretur Romam adire, & ibi visitare septem Ecclesias, & simul etiam pro comperto sciret, in Roma fore impediendum, ne visitet omnes Ecclesias, sed ad summum vnā, vel duas, nihilominus teneretur ire, vt saltem ex parte impleteret votum, licet pars illa minor sit.

Nunc oportet respondere ad fundamenta aduersariorum. Et ad fundamentum primę opinionis patet solutio ex dictis.

Ad fundamentum verò Nauarri respondeo, quod illa maxima, quod maior pars trahit ad se minorem, intelligitur, vel quādo vna pars impedit aliam, quia tunc solet maior pars vincere: vel intelligitur, quando partes debent concurrere ad vnum actum. At in casu posito vna pars non impedit aliam, neque vnā concurrere necesse est ad recitationem alterius.

## QVÆSTIO CCXXVIII.

*An cæcus à recitatione horarum canonicarum excusetur.*

ET quidam si cæcus nil memoriter sciat etiam si possit habere socium, non tenetur audire illum omnia recitantem, vel cum illo dicere partem suam. Et ratio est, quia hæc esset diligentia extraordinaria,

LIBER II. QVÆST. CCXXIX. 587  
traordinaria, & nimis onerosa, ad quam non obligat hoc præceptum.

---

## QVÆSTIO CCXXIX.

*Sed dubium est de eo, qui potest memoriter aliquam partem horarum recitare.*

**A**RMILLA verb. hora nu. 16. & Tolet. lib. 2. cap. 14. affirmant cæcum excusari.

Sotus lib. 10. de iust. q. 5. ar. 3. dubitat, an si memoria diuinum officium teneat, id memoriter recitare compellatur.

Nauar. de oratione cap. 11. nu. 15. & Azor. l. 10. cap. 13. q. 4. & 5. dicunt, eum qui ob cæcitatem, vel infirmitatem, vel ob Breuiarij defectum, maiorem officij partem recitare nequit, non teneri ad recitandum reliquam officij partem, quam memoriter recitare potest.

Sed mihi probabilius dicendum videtur, eum qui ob cæcitatem, vel infirmitatem non potest totum officium recitare, teneri ad illam partem recitandam, quam potest, modò illa pars sit saltem vna hora integra. Et ratio est, quia cum iste possit in parte præceptum implere, eo ipso tenetur.

Tum quia, quamuis hic horas canonicas legere non possit, debet nihilominus saltem eas recitare, quas memoria tenet. Quia cum memoria teneat, easque solitus sit recitare memoriter, nihil cæcitate impeditur.

Tum etiam, quia neque præceptum obligat ad recitandum

588 DE HORIS CANONICIS  
citandum per librum, neque requirit, vt conditio-  
nem necessariam potestatem dicendi per librum.

Hinc carens Breuiario, qui totum officium, aut  
aliquam horam integram memoriter nescit, sed  
tantummodo psalmos, vel lectiones, vel oratio-  
nem, vel capitula memoria tenet, non obligatur ad  
id, quod memoria tenet, quia illud non est officium  
diuinum, Ecclesia autem obligat solum ad recitan-  
dum diuinum officium.

---

### QVÆSTIO CCXXX.

*An qui solus nequit diuinum officium per-  
soluere, sed potest cum socio, teneatur illum  
sibi adhibere.*

**E**T quidem, si hic commodè potest talem so-  
cium habere, nempe quia is se offert, certum  
est, ad id teneri. Quia hoc ipso, quod facile potest  
cum socio alternatim recitare, moraliter non po-  
test dici impotens, nam quod per amicos possu-  
mus, id per nos posse merito censemur.

Hinc, si cæcus possit partem suam memoria di-  
cere, & sine difficultate possit socium habere, cum  
quo alternatim recitet, tenetur proculdubio il-  
lum adhibere. Quia ratio cur excusatur ægrotus,  
vel cæcus à recitatione horarum est, quia non  
potest illas recitare; at si illas cum socio alterna-  
tim commodè recitare potest, cessat ratio excu-  
sans.

Tum quia aliàs sequeretur, quod ille qui sanus,  
vel

LIBER II. QVÆST. CCXXXI. 589  
vel aliàs non impeditus solebat dicere horas cum  
suis familiaribus, excusaretur ab eis propter tan-  
tillum oculorum dolorem, vel lippitudinem  
impedientem à lectione horarum, etiamsi par-  
tem suam memoriter teneret, quod est absur-  
dum.

Tum demum, quia qui tenetur ad aliquid, tene-  
tur etiam ad media ad illud ordinata, sed clericus  
tenetur horas canonicas persolvere, ergo tenetur  
etiam ad media; sine quibus illas recitare non po-  
test, hoc autem medium est adhibitio socij, quem  
ut suppono commodè potest adhibere. Ita Valent.  
2. 2. d. 6. quæst. 3. part. 10. Azor. lib. 10. cap. 13.  
quæst. 6. Suar. lib. 4. cap. 28. num. 13. Rodriq. 1.  
part. cap. 144. num. 1. Reginald. lib. 18. numer. 183;  
& alij.

---

## QVÆSTIO CCXXXI.

*Sed dubium est, an hic teneatur suis propriis  
expensis conducere socium, cum quo possit  
diuinum officium recitare.*

ET quidem loquendo de simplici clerico non  
habente beneficium, vel Religioso, certum  
est eum ad id non teneri. Et ratio est, quia iste non  
tenetur ex iustitia, sed ex Religione, vel obedientia  
ad officium recitandum, ergo non tenetur propriis  
sumptibus socium conducere, ut cum eo diuinum  
officium recitet. Probo consequentiam, quia obe-  
dientia, vel Religio non ita strictè obligant, sicut  
obligat



590 DE HORTIS CANONICIS  
obligat iustitia propriè accepta. Ita Nauar. de orat.  
cap. 11. num. 13. Suar. lib. 4. cap. 28. num. 15. Macig.  
cap. 14. num. 6. & Bonac. disp. 1. q. 6. p. 2.

---

## QVÆSTIO CCXXXII.

*Quæstio ergo tantum est, de clerico habente ad  
id sufficiens beneficium.*

**E**T certè loquendo de beneficiato, qui tenetur  
in choro assistere officio, non video quomodo  
possit excusari à culpa graui, si neque in choro, ne-  
que extra chorum dicit officium, saltem illo modo,  
si aliter dicere non potest. Immo qui illo modo  
non posset extra chorum dicere, peccaret mortali-  
ter omittendo chorum, quia non implet obligatio-  
nem suam absque legitimo impedimento, vt sup-  
ponitur.

---

## QVÆSTIO CCXXXIII.

*Totum igitur controuersie dissidium est, de  
beneficiato, qui non tenetur choro  
assistere.*

**N**AVAR. de oratione cap. 10. nu. 13. Rodriq. p.  
1. cap. 145. n. 1. Arag. 2. 2. q. 83. ar. 12. Valent. 2.  
2. d. 6. q. 2. p. 10. Azor. lib. 10. cap. 13. quæst. 3. & 6. &  
Vega tom. 1. cap. 128. casu 16. affirmant teneri hunc  
conducere socium, vt adimpleat onus beneficii,  
dum illud per se ipsum non potest adimplere; fru-  
ctus



etus enim beneficij percipit, vt onus officij persoluat, qui autem tenetur ad finem, obligatur etiam ad media ad illum conducentia.

At verò Henricus. & alij apud Garz. 3. p. de benef. n. 114. absolute docent non teneri, quia ista est diligentia extraordinaria, & de se satis onerosa, ad quam non videtur obligare generale præceptum.

Mihi tamen videtur has opiniones sic posse concordari, vt prima procedat in eo, qui antea consueuerat socium adhibere, nam cum solitus esset antea cum socio recitare, non debet postea cum eo nolle recitare, ex eo quod per se iam recitare non possit, nisi fortè iste antea haberet socium gratis, & sine expensis, & postea cum non inueniret sine stipendio, & expensis, nam non videtur cogendus cum stipendio de nouo accipere. Secunda verò in eo, qui antea non solebat cum socio recitare. Sic Garz. 3. p. c. 1. n. 215. Less. lib. 2. cap. 37. dub. 9. num. 54.

## QVÆSTIO CCXXXIV.

*An cæcus excusetur ab assistentia in choro.*

**R**ESPONDEO non excusari, si aliud impedimentum non habet; & ratio est, quia ad illam tenetur ex vi sui beneficij, & illam potest facillè exhibere, recitando cum suo choro, & attendendo ad ea, quæ ab alio choro dicuntur: quod si fortasse non potuerit officium cum suo choro recitare, vel ob defectum memoriæ, vel quia alios canentes non audit, satisfaciet muneri chori recitando partem,

rem, quam memoria tenet, & quam cum aliis recitare potest, nec tenebitur postea priuatè recitare, quia per illum non stat, sed facit quod in ipso est, neque sunt tanta onera illi imponenda. Ita Nauar. de orat. cap. 19. nu. 81. Suar. lib. 4. cap. 27. num. 15. & Carol. Macig. cap. 71. num. 59. ubi ad hanc rem comprobendam refert sacrae congregationis declarationem.

## QVÆSTIO CCXXXV.

*Vtrum cecus qui ob defectum memoriae nullam partem precum commodè recitare potest, teneatur audire alium omnia dicentem, & cum eo dicere versus ad se pertinentes, ut onus diuini officij impleat.*

**R**ESPONDEO non teneri. Et ratio est, quia licet hoc fieri possit, & consulendum sit: tamen cum Ecclesia suo generali præcepto ad extraordinariam, & valdè difficilem diligentiam adhibendam non obliget, dicendum est, non teneri eo pacto socium audire, & cum eo recitare. Ita Tolet. lib. 2. cap. 14. num. 2. Azor. lib. 10. capit. 13. q. 2. Suar. tom. 2. de Relig. lib. 4. cap. 27. num. 16. Filiuc. tract. 23. cap. 9. q. 4. num. 290. & plerique alij.

## QVÆSTIO CCXXXVI.

*An surdus iustam excusationem non recitandi habeat.*

**E**T quidem si hic simul est surdus, & cæcus, certum est eum non teneri ad recitandum, nisi quantum ex memoria iuuari potest modo supradicto. Quia iste non potest adhibere sibi socium, cum non possit illum audire.

## QVÆSTIO CCXXXVII.

*Sed dubium est, quando est tantum surdus, & non cæcus.*

**R**ESPONDEO eum ad id teneri. Et ratio est, quia hic cum possit legere, potest solus officium recitare, ac proinde tenebitur, quia surditas nullam præbet excusationis causam, cum præceptum per se non obliget ad audiendum, sed ad dicendum. Ita Suar. lib. 4. cap. 27. nu. 17. Molfes. cap. 4. num. 31. & Filiuc. cap. 9. q. 4.

## QVÆSTIO CCXXXVII.

*An surdus qui non potest diuinum officium dicere sine socio, teneatur illum adhibere, si commodè possit habere.*

Pp

RESPON

**R**ESPONDEO non teneri. Et ratio est, quia surdus non communicat in parte, quæ ab alio dicitur, cum eam audire nequeat.

Tum quia non potest illi respondere, cum nequeat cognoscere, quando nam socius suos versus perfecerit, nisi fortè semper respiciat ad motum labiorum.

### QVÆSTIO CCXXXIX.

*Sed quid si clericus non sit omnino surdus, sed ita surdaster, ut nequeat audire sine magna vociferatione alterius.*

**R**ESPONDEO, nec etiam teneri in hoc casu adhibere socium, etiam si alioqui non possit solus recitare. Et ratio est, quia Ecclesia non obligat cum tanto grauamine, nec ad extraordinariam diligentiam. Ita Suar. lib. 4. cap. 28. nu. 12. Filiuc. to. 2. tract. 23. cap. 9. q. 4. Bonacina disp. 1. qu. 6. p. 3. & multi alij.

### QVÆSTIO CCXL.

*An surdus excusetur ab assistentia chori, quando ratione beneficij ad illam tenetur.*

**R**ESPONDEO non excusari, eo quod sit surdus, si ex eo quod videt, assequitur quando canere.

nere, vel silere debeat, sed non satisfacere canendo solum pensum sui chori, nisi audiat pensum alterius, vel saltem recitet submissè ex Breuiario.

Tum quia, tale beneficium principaliter obligat ad assistentiam, & hanc optimè potest exhibere surdus.

Tum etiam quia, qui non potest soluere totum quod debet, saltem debet exhibere quod potest, hoc autem facit huiusmodi beneficiarius honorando actionem illam præsentia sua, & concurrendo ad orationem cum reliquis sociis, eo modo quò potest.

## QVÆSTIO CCXLI.

*An qui loqui non potest, teneatur mentaliter diuinum officium persolvere.*

**P**ALVDANVS in 4. distin. 12. qu. 6. §. vlt. affirmat teneri.

Communis tamen opinio habet hunc ad id non obligari. Et ratio est, quia Ecclesiæ præceptum de dicendis horis canonicis est, ut eas vocaliter soluamus, & non sola mente dicamus, ut cõstat ex Concilio Basiliensi sess. 21. ubi expressè iubetur, ut horæ canonicæ non inter dentes, nec in gutture, nec syn-copatè dicantur, sed integrè voce pronuncientur. Et ideo ita tenent Nauar. de orat. cap. 11. num. 6. Vasq. de benef. cap. 4. dub. 12. Bonac. d. 1. q. 6. p. 2. & Suar. lib. 4. cap. 27. n. 11. qui dicit communem.

Hinc, qui in choro deuotè, & attentè audit, & nihil dicit, non satisfacit præcepto recitandi.

## QVÆSTIO CCXLII.

*An defectus Breuiarij ab onere recitandi excuset.*

**R**ESPONDEO excusare. Et ratio est, quia nemo tenetur ad impossibile. Ex reg. Impossibilium ff. de reg. iuris. Dicere autem totum diuinum officium absque Breuiario, est moraliter loquendo impossibile, ergo. Quod est certum, quando defectus contingit sine culpa, vt si in itinere illud omisit, vel fuit ab eo furto ablatum, nec postea potest alterum emergere, puta quia pauper, nec mutuò inuenire, vel est inter infideles, vbi Breuiarium neuiquam reperitur, & hic proculdubio ab onere recitandi excusatur. Et ratio est, quia, quod non est liberum, & voluntarium, non potest esse peccatum, vt ex D. Augustin. relato in §. 1. 15. quæst. 1. docet D. Thom. 1. 2. q. 6. Atqui huiusmodi omissio non est voluntaria, ergo.

Hinc, qui è domo discessit, nil cogitans de Breuiario, aut rationabiliter iudicans se alibi illud reperturum, non peccat, nec tenetur ad restitutionem fructuum, si postea diuinum officium non recitet, eo quòd Breuiarium inuenire non poterit. Et ratio est, quia hic in causa non peccauit, vt constat, neque peccauit in actuali omissione ob impotentiam.

## QVÆSTIO CCXLIII.

*Tota igitur controuersia versatur de eo, qui culpabiliter vel domi reliquit Breuiarium, vel in itinere perdidit, vel quia illud non comparauit sibi, prout potuit.*

**R**ESPONDEO, peccasse quidem relinquendo, vel omittendo, vel non emendo, sed postea non peccat in non persoluendo, quia Breuiarium eiusmodi nec habet, nec habere commodè potest.

Tum quia qui inebriatur, & ob id omittit illo die recitare diuinum officium, quamuis peccauerit in ebrietate, non tamen peccat in omissione diuini officij, eo quòd talis omisso non fuit ab illo præcogitata, nec modo aliquo voluntaria, & ideo non imputatur illi ad culpam, vt rectè docet Med. 1.2. qu. 71. art. 5. conclus. 5. in responsione ad secundum. Ita pari modo, qui caret Breuiario, non imputatur illi ad culpam omisso diuini officij, nisi quando illa carentia Breuiarij fuit consultò volita, & ita recitationis omisso præuisa. Ita Suar. lib. 4. cap. 28. num. 7.

## QVÆSTIO CCXLIV.

*Sed quid si malitiosè proiecit Breuiarium in mare, vel in ignem, ut se impossibilitaret ad recitandum.*

**R**ESPONDEO in hoc casu toties peccaret mortaliter quoties nō recitaret, quia omnes omissiones futurę volūtarię sunt, quatenus pręuisę mortaliter fuerunt, nisi postea eū pœniteat talis culpę, nam stante tali suppositione, est impossibile officium recitare, & si eum de hac proiectione pœniteat, iam ea proiectione non est illi voluntaria, & consequenter nec ommissio recitandi proueniens ex tali proiectione, ac proinde non peccat: tenebitur tamen restituere fructus omnium dierum, quibus diuinum officium prętermisit ex proiectione, vel amissione Breuiarij, quia ipse fuit in causa totius damni.

---

### QVÆSTIO CCXLV.

*An qui antequam Breuiarium comparet, vel antequam sciat diuinum officium recitare, ordinem, vel beneficium Ecclesiasticum suscipit, peccet mortaliter.*

**R**ESPONDEO eum regulariter peccare mortaliter. Et ratio est, quia se exponit euidenti periculo faciendi contra proprium officium: non tamen postea denuo peccat non recitando, quia nec habet Breuiarium, nec habere potest, aut quia nondum recitare nouit, aut didicit, nec socium sibi commodè habere potest, à quo iuuetur in ipsa recitatione; dummodo quamprimùm discere non negligat. Ita Nauar. de orat. cap. ii. n. 20. & 38. Azor. lib. 10. cap. 13. q. 18. Suar. lib. 4. c. 28. n. 6. & Bonac. disp. 1. q. 6. p. 3.

Dixi notanter, *regulariter*, quia posset interdum excusari à culpa in receptione ordinis, aut beneficij,



ut si quis propter necessitatem aliquam urgentem id faceret bona fide, sperans se statim post ordinem, vel beneficium habiturum codicem, vel ab aliquo fore iuuandum, maximè quando immineret periculum, vel carendi beneficio, vel non recipiendi ordinem per multum tempus, si illam occasionem differret.

Hinc peccat mortaliter, qui suscipit officium, vel beneficium, quo indignus est, & cuius obligationem implere non potest, propter inscitiam, quam expellere non potest, prius quàm in debito munere deficiat. Quare tenetur statim morali diligentia curare, ut addiscat, si ad discendum sit aptus, aut debet beneficium obtentum relinquere, quia est beneficium indignus.

## QVÆSTIO CCXLVI.

*An qui caret Breuiario teneatur recitare, si memoria teneat officium.*

SORTVS lib. 10. q. 5. art. 3. dubitat, an qui memoria officium diuinum tenet, id memoriter recitare cogatur. Quia per accidens est ( inquit ) quod hic sciat memoriter.

At verissima sententia est, cum præcepto, & lege teneri, quia cum possit præceptum implere, eo ipso debet; nec multum refert, quod sit accidentarium, quod officium memoria teneat, quia si per miraculum inueniretur Breuiarium, accidentarium id esset, & nihilominus statim teneretur illud recitare: sic ergo postquam contingit hæc memoria retinere officium, videtur planè teneri, quia potest, & qui debitor est, tenetur soluere eo modo quo potest, & si non potest totum officium recitare

reddat saltem partē, nam ad hoc etiā tenetur, dummodo illa pars aliquam horam integram cōstituatur.

Hinc, qui in casu posito non potest memoriter totum officium recitare, potest tamen integram aliquam horam, tenetur illam recitare: si autem psalmos tantum sciat, non autem lectiones, orationem, & capitula, non tenetur. Ratio est, quia illi psalmi ut sic non sunt horæ canonicæ, neque diuinum officium, ad quod tantum recitandum clericus tenetur, ut ex mente Nauar. resoluit Suar. li. 4. c. 27. n. 10.

### QVÆSTIO CCXLVII.

*Vtrum occupatio repentina, quæ sine scandalo aut peccato omitti, aut in aliud tempus differri non potest, ab obligatione recitandi excuset.*

**R**ESPONDEO excusare. Et ratio est, quia propter similem causam potest interdum Missa omitti ut constat, ergo & officium diuinum.

Tum quia præceptum humanum affirmatiuum non obligat cum tanto rigore, quin eiusmodi piam interpretationem legis admittat.

Tum demum, quia ex D. Bernardo, quod propter charitatem introductum est, non obligat cum eiusdem charitatis dispendio. Ut si ad recitandum necessarium esset, omittere concionem cum magna populi offensione, vel cum infamia Religionis, vel propriæ personæ. Item si occurrat necessitas subita horas omittendi ad sedandum magnum tumultum Reipublicæ, aut necessitas habendi publicam prælectionem, & similia.

Dixi

Dixi notanter, *repentina*, id est, quæ interdum, & quasi per occasionem occurrit, ita ut prævideri non possit, quia tunc habet locum dicta excusatio. Secus quando occupatio frequenter tale impedimentum inducit.

Hinc, si clericus aliqua graui occupatione detinetur, tenetur officium anticipatè recitare, si occupatio anticipatam recitationem permittit, ut si quis summo mane præuideat fore, ut toto subsequenti tempore confessionibus audiendis, vel grauius negotiis detinendus sit, tenetur summo mane diuinum officium anticipatè persolvere, quia tunc temporis viget obligatio præcepti, & potest adimpleri, ergo adimplendum est. Vnde qui negligit occupationem præuenire recitando, si cum adest occupatio, pœniteat ipsius talis negligentiae, excusatur tanquam impotens ad implendum recitandi præceptum.

Hinc, qui habet curam infirmi alicuius grauitè periclitantis, & non potest recitare officium absque graui damno infirmi, non tenetur pro tunc illud dicere.

Hinc, qui ad horas canonicas est obligatus, non potest voluntariè suscipere munus, cuius exequutio ordinariè impedit recitationem horarum, quia volendo illud, implicitè censetur hanc nolle, quod illicitum est, vnde debet, vel relinquere beneficium, vel munus, quo sic impeditur, vel dispositionem à Papa obtinere.

Hinc errant, qui putant propter contemplationem etiam altissimam posse diuinum officium omitti, quia melior est obedientia, quàm victima, & contemplatio illa non est opus necessarium,

602 DE HORIS CANONICIS  
opus autem præcepti necessarium est.

Hinc, qui ob iustum impedimentum, diuinum officium recitare non potuit, ad fructuum restitutionem non obligatur, quia par non est, ut pœnam subeat, qui culpam non admisit.

Dices, grauis occupatio non efficit absentem à choro participem distributionum, ergo neque fructuum capacem reddit omittentem horas canonicas.

Respondeo negando consequentiam. Ratio negationis est, quia in primo casu constat Ecclesiam nolle illum participem distributionum efficere, cap. vnico de cler. non residentibus. In secundo verò casu, contrarium ex benigna Ecclesiæ voluntate præsumi.

---

### QVÆSTIO CCXLVIII.

*An necessarium sit, obligationem illam charitatis tantam esse, ut sit graue peccatum actionem ita necessariam prætermittere, etiam propter dicendum officium.*

**S**YLVESTER egregius Thomista, pariterque in iure peritissimus, verb. hora. numer. 18. censet hoc esse necessarium. Et probat, quia cum præceptum recitandi horas canonicas obliget sub mortali, non potest propter aliam actionem omitti, nisi quando aliud præceptum grauius sub maiori casu obliget, ita ut tunc occurrat veluti perplexitas, & concursus duorum præceptorum, in qua perplexitate

plexirate minus malum est eligendum.

Sed verius, ac probabilius multò est, dicere hoc non esse semper necessarium, nam interdum cessat hæc obligatio recitandi, non solum propter vitandum peccatum, sed etiam propter vitandum incommodum, vel proprium, vel proximi. Vt si scholaris velit publicam disputationem per integrum diem habere, & simul non possit officium recitare, non tenetur disputationem dimittere; etiam si absque peccato possit.

Idem est de Doctore, qui in concursu cathedræ publicam habiturus est prælectionem, & non potest simul dicere horas canonicas. Propria ergo ratio huius excusationis non est perplexitas, vel concursus præceptorum, sed est, quia præceptum humanum non censetur obligare cum notabili animæ, vel corporis, aut rerum externarum detrimento.

## QVÆSTIO CCXLIX.

*An is qui in choro occupatur in quærendo psalmos, antiphonas, lectiones, responsoria, aut in libros necessarios transferendo ab uno loco in alium, aut in quærendo prunas ad thurificandum, aut in thurificando tempore Magnificat, & Benedictus, aut in pulsando organa, vel in aliis similibus, & ob id impeditur, quominus*  
*horas*

*horas Canonicas recitare queat, iustam excusationem habeat.*

**R**ESPONDEO habere. Et ratio est, quia chorus, cui ministerio seruit, tam suo, quam aliorum ministrantium nomine recitat. Ita Nauar. de oratione cap. 11. n. 36. Quod arbitror esse verissimum, in casu, quo ante officium diuinum hæc commodè præparari non potuerunt, aut postea ea fecit is, qui non tenebatur illa præparare, eo quod parata non sint ab alio ad id obligato, quandoquidem turpitudine sua nemini prodesse debet, & non prouidere quod oportet, peccatum est imprudentiæ, ut docet D. Tho. 1. 2. q. 49. art. 6. quia tunc teneretur supplere postea totum id quod omittit recitare, dum prouidebat.

## QVÆSTIO CCL.

*An metus mortis iustam diuini officij excusationem præbeat. Ut si clericus transiturus est per medium hæreticorum, quod si horas canonicas recitat, & deprehendatur, in certum, & euidentis vitæ discrimen se exponit.*

**R**ESPONDEO per se loquendo præbere. Ratio est, quia sicut similis metus excusat à ieiunio, & ab auditione Missæ, ita & à recitatione diuini officij.

Tum

Tum etiam quia lex ecclesiastica non obligat cum tanto rigore.

Dixi, *per se loquendo*, quia per accidens potest non excusare, ut si in Religionis Christianæ odium, aut præcepti contemptum, talis recitationis violatio fieret. Ratio est, quia fidei confessio in tali casu est de præcepto diuino non obstante periculo mortis.

Tum quia bonum Religionis est bonum commune, quod est præferendum bono corporalis vitæ.

## QVÆSTIO CCLI.

*An qui omnino inuitus preces horarias persoluit, Ecclesie præcepto satisfaciat.*

**R**ESPONDEO non satis facere. Et ratio est; quia ubi est ea coactio, deficit voluntas recitandi horas. Ita Suar. 3. tom. in 3. p. q. 83. art. 6. disp. 38. Azor. lib. 7. cap. 2. q. 6. & lib. 10. cap. 12. q. 9.

Hinc, qui omnino inuitus abstracto sibi cibo, ieiunat, Ecclesiæ præceptum de ieiunando non implet, quia deest voluntas, & actio humana, ac proinde id non est ieiunare. Ita Sor. lib. 2. q. 3. art. 9. & Medina 1. 2. q. 100. art. 9.

## QVÆSTIO CCLII.

*An in excommunicationem incurrat latam in non recitantem officium, qui illud omnino inuitus implet.*

RESPON

**R**ESPONDEO hunc in excommunicationem incur-  
rere. Et ratio est, quia verè hic actu huma-  
no diuinum officium non soluit.

---

### QVÆSTIO CCLIII.

*An qui omnino inuitus debitum pecunia-  
rium soluit, in excommunicationem la-  
tam contra non soluentes incidat.*

**R**ESPONDEO, non incidere. Et ratio est, quia  
in hoc casu excommunicatio solam externam  
solutionem intendit, ne creditor debito fraudetur.

Hinc non est audiendus D. Anton. 2. p. cap. 10.  
§. 2. qui ait famulos qui quasi coacti, gratia comi-  
tandi dominum, Missæ sacrificio interfunt, aliàs  
non audituri, non satisfacere præcepto. Quia di-  
cendum est, eos satisfacere Ecclesiæ præcepto, si  
illud attentè audiant, quamvis dum audiunt, actua-  
lem non audiendi voluntatem habeant, nisi ratio-  
ne domini, quia cum ibi vincti non detineantur,  
non est ea coactio præcisa, quæ sola præcepti im-  
pletionem impedit, & illa actualis voluntas con-  
ditionalis solùm efficit, vt peccent mortaliter, quia  
tenentur absolutam audiendi sacrum voluntatem  
habere.

---

### QVÆSTIO CCLIV.

*An qui sua voluntate in irregularitatem in-  
currit, vel ob delictum suum excommu-  
nicatione,*



LIBER II. QVÆST. CCLIV. 607  
*nicatione, suspensione, vel interdicto fe-  
ritur, & ob id, vel ob aliud crimen bene-  
ficij fructus non percipit, ab onere reci-  
tandi diuinum officium excusetur.*

**E**T quidem certum est, hunc non teneri ad re-  
stitutionem fructuum. Et ratio est, quia Bulla  
Pij V. solum obligat ad restituendum fructus per-  
ceptos: hic autem, vt suppono, nullos fructus  
percipit, ergo;

---

QVÆSTIO CCLV.

*Sed quod in dubium vertitur est, An ex-  
communicatio, suspensio, & interdi-  
ctum iustam excusationem non recitandi  
diuinum officium præbeant.*

**R**ESPONDEO minimè. Et ratio est, quia  
nemo ex improbitate sua debet reportare  
commodum.

Tum quia de tali verè dicitur, stare per ipsum,  
quominus recipiat fructus beneficij.

Tum quia inducta in odium, non debent re-  
torqueri in fauorem, de Reg. iuris in 6. Vnde  
quando quis priuatur nobilitate propter delictum,  
reputatur tantum nobilis in onerosis, vt notat Bart.  
in l. 1. C. de infamia. lib. 10. Et ideo tenentur ad illa  
quæ sunt oneris, licet illis priuentur quæ sunt ho-  
noris; Et sic censura tantum priuat recitatione hora-  
rum

rum honorifica, qualis est, quæ fit in choro vnà cum aliis, non autem recitatione onerosa, qualis est recitatio priuata.

Tum quia censura non tollit ordinem Sacrum, nec beneficium, nec professionem Religionis, ergo nec ab eorum oneribus eximit. Et idem debet dici, si sit depositus, & actualiter degradatus ab ordine, cum character, quem habet, sit indelebilis, vt rectè docet Nauarrus de oratione capite 7. numero 14.

### QVÆSTIO CCLVI.

*An ignorantia huius præcepti excuset  
à recitando.*

**R**ESPONDEO, regulariter non excusare. Et ratio est, quia præceptum istud est tam notum, vt non possit inuincibiliter ignorari.

Dixi notanter, *regulariter*, quia interdum potest hæc ignorantia inuincibilis esse in puero habente pensionem, vel præbendam; quando per se non potest sui status obligationem agnoscere: nec in cogitationem eius venit, nec ab illis instruitur, qui eum docere tenentur.

### QVÆSTIO CCLVII.

*An naturalis obliuio, seu inaduertentia iustam diuini officij excusationem præbeat?*

RESPONDEO

**R**ESPONDEO præbere: Et ratio est, quia obliuio naturalis comparatur ignorantia inuincibili, modò præuisa non fuerit, & tamen non fuerit impedita, nã qui aliquoties expertus est, solere se obliuisci alicuius horæ, quando consueto tempore illam non recitat, tenetur vel recitationem præuenire, vel signum aliquod adhibere, quo memoria excitetur. Ita Suar. libro 4. cap. 28. numero 4. Magig. cap. 18. numero 9. & Bonacin. disput. 1. quæst. 6. punct. 3.

---

### QVÆSTIO CCLVIII.

*An qui solùm ratione beneficij tenetur dicere officium, & tamen neque per se, neque per alterum, neque præsentì tempore, neque futuro est percepturus beneficij fructus, nec per ipsum stat quominus recipiat, instanti excusationem non recitandi habeat.*

**R**ESPONDEO habere. Et ratio est, quia tunc penitus cessat ratio obligationis, cum nullos omnino prouentus Ecclesiasticos habeat, qui dari solent ad subeunda beneficij munera.

Tum quia par non est, ut is incommodum sentiat, qui commodum, & fructum non percipit. Quod non solùm locum habet in beneficio, quod nullos vnquam prouentus habuit, verùm etiam militat in beneficio, quod aliàs habuit, sed modò iniuria temporum, aliàque de causa nullos fert

610 DE HORIS CANONICIS  
fructus, licet enim hoc dici possit beneficium nomine, actu tamen non videtur veram beneficii rationem habere, cum beneficium sit ius percipiendi fructus ex bonis Ecclesiæ.

Dixi notanter, *ratione beneficii*, quia ratione ordinis sacri tenetur ad diuinum officium recitandum. Ita Suar. lib. 4. cap. 28. Azor. lib. 10. cap. 14. q. 6. Tolet. lib. 2. cap. 14. Less. lib. 2. cap. 34. num. 168. Garz. de benef. 3. p. cap. 1. num. 44. & Bonac. disp. 1. quæst. 6. p. 3.

---

### QVÆSTIO CCLIX.

*An qui tenuissimum beneficium possidet, ut putà non excedens quantitatem octo ducatorum; iustam excusationem non recitandi habeat.*

**M**AGISTER Sotus libro 10. q. 5. ar. 3. affirmat, quia nemo tenetur ad tantum onus, pro tam exiguo stipendio.

Nauiar. de oratione cap. 7. num. 27. & cap. 11. num. 11. Suar. lib. 4. cap. 21. num. 3. & 9. Valent. 2. 2. d. 6. q. 2. p. 10. Azor. lib. 10. cap. 3. q. 3. Reginald. lib. 30. cap. 4. num. 34. & plerique alij negant. Et ratio est, quia beneficium perexiguum, quoad substantiam, est verè, & propriè beneficium, ergo qui illud possidet, ad officium diuinum tenetur. Antecedens constat ex cap. is, cui. de præbend. in 6. consequentia verò probatur, nam beneficium ecclesiasticum, ut dicitur in cap. ult. de rescriptis, propter officium diuinum confertur.

Tum

Tum quia, qui beneficium habet, quamuis per-  
exiguum, cæteris beneficiariorum priuilegiis gau-  
det, & subiacet pœnis contra beneficiarios imposi-  
tis, ergo etiam afficitur onere diuini officij.

At verò Less. lib. 2. de iust. cap. 34. dub. 31. num.  
169. & Filiucius to. 2. de Christianis officiis tract.  
23. cap. 5. nu. 183 censent opinionem Soti esse ve-  
ram circa totum officium, nimirum non teneri ta-  
lem beneficium recitare totum officium. Na-  
uarri verò circa partem teneri scilicet talem beneficia-  
tum recitare aliquam partem officij pro maiori,  
minorive stipendij quantitate. Quæ verò pars re-  
citanda sit, arbitrio prudentis, & timorati viri re-  
linquitur.

Profectò quamuis omnes istæ opiniones mihi  
satis probabiles esse videantur, secunda quæ est Na-  
uarri, mihi magis placet, tum quia verior, tum  
quia plurium & grauiorum authorum consensu,  
& testimonio comprobata, & satis firma ratio-  
ne fulta.

## QVÆSTIO CCLX.

*An Romani Pontificis priuilegio, possit cleri-  
cus in sacris constitutus, absolui à lege  
horas canonicas recitandi.*

ANGELVS verbo hora num. 6. & Rosella ibi-  
dem negant. Quia putant iuris esse diuini, vt  
sæpius clericus oret quotidie iuxta illud psalmi  
118. Septies in die laudem dixi tibi, &c. Et ideo  
non posse Romanum Pontificem eiusmodi lege li-

612 DE HORIS CANONICIS  
berare quamuis indulgere possit, vt hoc, vel illo v-  
tatur modo precandi.

Sed cæteri communi consensu affirmant, id non  
esse iuris diuini, sed ecclesiastici, ac proinde posse  
clericum Romani Pontificis autoritate ab onere  
recitandi simpliciter absolui, ita vt nihil compen-  
sare teneatur. Sic Nauar. de oratione cap. 11. nu-  
mero 31. Tolet. lib. 2. cap. 14. numero 6. Suar. libro  
4. cap. 28. numero 38. & Bonacin. disp. 1. quæstio. 6.  
punct. 3.

---

### QVÆSTIO CCLXI.

*An clericus beneficiatus possit Romani Pon-  
tificis autoritate à lege horas cano-  
nicas recitandi liberari.*

ET quidem certum est apud omnes, posse sum-  
mum Pontificem tollere obligationem deter-  
minatè recitandi horas canonicas, non tamen per  
modum puræ dispensationis, sed per modum com-  
mutationis in aliquid æquiualens. Quia determi-  
natio ad talem modum recitandi est ex præcepto  
ecclesiastico, & ideo potest à Pontifice tolli.

---

### QVÆSTIO CCLXII.

*Tota igitur lis est, An Romanus Pontifex  
possit sua autoritate beneficiarium à lege  
recitandi horas canonicas absolutè dis-  
pensare, ita vt nihil compensare teneatur.*

**P**ANORM. in capite 1. de celebrat. Missar. Angel. verb. hora quæst. 6. Rosella ibidem numero 13. & Turrecremata in cap. Eleutherius dist. 91. quæst. 5. absolutè negant. Quia beneficiarius naturali iure cogitur horarum pensum soluere, nam beneficium propter officium datur, ergo ea conditione & lege clericus beneficium habet, vt ecclesiasticum persoluat officium, & hæc lex est iustitiæ, in qua Pontifex dispensare non potest.

Verùm contraria sententia est communis, & certa, nam quamvis beneficium detur propter officium, tamen hoc ipsum est de iure ecclesiastico, posset enim beneficium institui propter alia munera, vt ob onus ministrandi Sacramenta in Parocho, intuitu paupertatis, & studij in præstimoniaro, & similibus; ergo in hoc potest Pontifex de plenitudine potestatis cum legitima causa in toto vel in parte dispensare. Ita Syluester verb. hora quæst. 8. Tabiena ibidem quæst. 15. Armilla num. 11. Nauar. de orat. cap. 11. num. 31. Arag. 2. 2. quæst. 83. artic. 12. Tolet. lib. 2. cap. 14. numero 6. & plerique alij.

Dixi notanter, *cum legitima causa*, quia si Papæ in hoc absque legitima causa dispensat, peccat, & is cum quo dispensatur, & petendo, & vtendo illa, si conscius sit defectus causæ. At dispensatio erit valida, quia non excedit limites iuris humani. Bonacina disp. 1. quæst. 6. punct. 3. & Tolet. lib. 2. cap. 14. num. 6.

---

 QVÆSTIO CCLXIII.
 

---

*An si Romanus Pontifex conferat infanti aliquod beneficium simplex, eo ipso censeatur cum ab onere recitandi eximere.*

**R**ESPONDEO, si Pontifex beneficium conferat ei, quem scit per ætatem non posse horas canonicas recitare, vel nescire legere, eo ipso censeatur cum eo in recitatione dispensare, donec legitimam ætatem ad recitandum habeat. Si verò conferat beneficium ei, quem putat esse ea ætate, in qua & sciat legere, & possit horas canonicas recitare, dispensans cum eo in ætate non est censendus consequenter in horarum recitatione dispensare. Quoniam plus est solui aliquem à duabus legibus, & duobus vinculis, quàm solui ab vna lege, & vno vinculo. Ita Azor. lib. 10. cap. 13. quæst. 12. Suar. lib. 4. cap. 28. numer. 37. Molfes. in summa tract. 5. cap. 4. numer. 13. & Reginal. lib. 18. numero 192.

---

 QVÆSTIO CCLXIV.
 

---

*An Episcopus possit propriè in præcepto recitandi horas canonicas dispensare.*

**R**ESPONDEO, Episcopum non posse dispensare propriè loquendo, neque cum clerico beneficia



LIBER II. QVÆST. CCLXIV. 615  
ficiario, neque in facis. Ratio est, quia Episcopus  
non potest in iure communi dispensare, nisi in  
casibus, qui ei, vel iure ipso, vel consuetudine,  
vel præscriptione permittuntur: hoc autem ius  
commune est, & in eo nihil specie concessum  
est Episcopis.

Dixi notanter, *proprie loquendo*; quia quando  
clericus beneficiatus dubius est, sufficiensne sit  
causa, quam habet non recitandi, potest rationa-  
biliter ecclesiasticum præceptum interpretando,  
licentiam ei dare omittendi, perinde ac dat la-  
borandi in die festo, aut non ieiunandi in die  
ieiunij, & similibus. Hoc autem potius est per  
modum interpretationis, quam dispensationis.

Hinc, si Episcopus *proprie*, & iure ordina-  
rio dispense, ut aliquis ad recitandum diuinum  
officium non teneatur, dispensatio est nulla, &  
concedens, ac petens peccant mortaliter, illa-  
que utens, neque à legis transgressione ex-  
cusat.

Idem quod dixi de Episcopo quoad suos cle-  
ricos, intelligitur etiam de Prælati Regulari-  
bus, & de Abbatisa quoad subditos suos, & mo-  
niales. Ita doctissimus Nauar. de oratione cap. 11.  
numer. 25. & Bonacina de horis canonicis disp.  
1. quæst. 6 p. 3.

---

## QVÆSTIO CCLXV.

*An qui dubitat, an diuinum officium dixerit,  
teneatur illud repetere.*

**R**ESPONDEO teneri. Et ratio est, quia possessio stat pro præcepto.

Tum quia recitatio est quid facti: factum autem non præsumitur, nisi probetur. Nauar. de oratione cap. 20. numer. 30. Quod est verum, nisi ex probabili coniectura, vel ratione credat se illud dixisse, quia tunc non tenetur iterum recitare. Bonac. d. 1. quæst. 6. punct. 3. Nald. verb. diuinum officium, & alij communiter.

## QVÆSTIO CCLXVI.

*An qui diuinum officium persoluit, sed propter mentis euagationem, est anceps, an hymnum, vel psalmum omiserit, teneatur hymnum illum, vel psalmum iterum recitare.*

**R**ESPONDEO non teneri. Et ratio est, quia ad est probabilis ratio deponendi dubium, cum non facile soleat quidquam prætermittere: sicut non tenetur iterum confiteri peccatum qui nō recordatur, se illud confessum fuisse, dummodo sufficientem coniecturam habeat quod fuerit illud confessus.

Hinc, qui recordatur se incepisse horā, vel psalmum, & non attendens ad finem venit, legendo illa in libro, vel memoriter recitando ea, in quibus communiter errare non solet, potest probabiliter credere, se totum dixisse, si in principio habuit propositum saltem virtuale attendendi, licet extranea meditatus fuerit, & animaduertens mentis euagationem,

LIBER II. QVÆST. CCLXVII. 617  
tionem, procurauerit se colligere. Ita Nauar. de  
oratione cap. 13. num. 30. & alij.

---

## QVÆSTIO CCLXVII.

*An qui diuinum officium persoluit, & propter  
scrupulum timet, ac putat se non satisfacere,  
ideoque proponit recitatum repetere, te-  
neatur iterum recitare, si postmodum ra-  
tionabiliter credat se satisfecisse.*

**R**ESPONDEO non teneri. Et ratio est, quia il-  
lud propositum denuo recitandi fundabatur  
in falsa opinione, nec tollebat intentionem vir-  
tualem satisfaciendi obligationi, & ideo habet lo-  
cum regula, quod veritas debet præualere opi-  
nioni, quando videlicet opinio non cum volun-  
tate, sed cum rei veritate pugnare videtur, vt in  
casu posito contingit.

---

## QVÆSTIO CCLXVIII.

*An qui hodie ob iustum impedimentum pen-  
sum horarum prætermisit, teneatur cras  
illud supplere.*

**R**ESPONDEO non teneri. Et ratio est, quia o-  
nus persoluendi officium est officium dici, in  
Qq s bono

honorem, & cultum singularum dierum, obligatio autem affixa diei, transit cum ipso die, vt patet de ieiunio, de Missa in die festo audienda, &c. Vnde sicut qui non audit Missam in die festo, & non ieiunat in vigilia Apostolorum, ita peccat mortaliter, vt quantumcunque duas, vel tres Missas audiat alio die, vel bis, aut ter ieiunct alio tempore, non satisfaciat obligationi prætenſæ, ita qui diuinum officium omittit vno die, non satisfacit recitando bis, aut ter in alio die. Et ratio huius est, quia hæc omnia sunt instituta ob singularum dierum honorem, & cultum, ergo exacto die quæcunque lex quotidiani eius oneris soluendi extinguitur, ac proinde non ampliùs reuiuiscit. Et ideo ita tenent D. Thom. quodlib. 3. artic. 29. Nauar. libro 11. de oratione capite 11. numero 32. Valent. 2. 2. d. 6. quæst. 2. p. 10. Azor. libro 10. cap. 13. quæst. 7. Suar. libro 4. cap. 28. numer. 11. Bonac. d. 1. quæst. 6. p. 1. & alij.

## QVÆSTIO CCLXIX.

*An qui diuinum officium non recitauit, teneatur in satisfactionem totum officium omissum repetere, & hoc sit ei à confessario iniungendum.*

**R**ESPONDEO, eum ad id non teneri, nec esse necessarium vt id à cōfessario in pœnitentiâ imponatur, sed iuxta grauitatem peccati posse iniungi aliam pœnitentiam arbitrariam in quocunque  
 gene

LIBER II. QVÆST. CCLXX. 619  
genere operis. Et ratio est, quia nulla est lex, quæ  
aliam obligationem imponat, aliàs sequeretur  
non audienti Missam in die festo, iniungendam  
esse nouam Missæ auditionem, & non ieiunanti in  
die de præcepto nouum ieiunium imponendum  
esse, quod vltu receptum non est.

---

## QVÆSTIO CCLXX.

*An recitatio quæ est peccatum ob indebitam  
loci aut temporis aut finis circumstantiam  
appositam, sit reiteranda.*

**A**DRIAN. in 4. vbi de confess. questio. 5. dub. 4.  
D. Anton. 2. p. tit. 9. cap. 10. §. 2. Maior in 4. di-  
stinct. 15. questio. 3. Et Carthus. in 1. distinct. 17.  
quest. 2. affirmant, quia per eam non satisfacit Eccle-  
siæ præcepto, ergo est iteranda. Consequentia est  
per se nota. Antecedens verò probatur, quia Eccle-  
sia in præceptis suis nunquam obligat ad actum  
malum, cum igitur illa horarum recitatio sit actus  
malus, non est de his, quæ sub præcepto cadunt, &  
ideo per illam non satisfacit præcepto.

Contrarium tamen est proculdubio affirman-  
dum. Ducor, quia iuxta D. Thom. 1 2. q. 100. ar. 9.  
& 10. leges præcipiunt substantiam actus, non  
modum, nisi modus sit de intrinseca actus ratio-  
ne secundum se, aut prout sub lege cadit, vt at-  
tentio aliqua est de orationis essentia. Cum er-  
go, quantumcunque circumstantia loci, aut  
tem

temporis, aut finis sit mala, impleatur substantia actus præcepti, v.g. recitatio officij, satisfiet illi præcepto, etsi contra aliud peccetur, cui mala illa circumstantia opponitur.

Tum quia possumus præceptis Dei, & naturæ satisfacere per actus peccaminosos, ita ut non teneamur reiterare factum, ergo & præceptis Ecclesiæ. Consequentia per se constat. Antecedens verò probatur, nam ius diuinum, & naturale iubet, ut soluamus quod alteri debemus, si ergo nos debemus alteri centum aureos, & eos illi restituimus, & restitutioni indebitam circumstantiam apponamus, quæ restitutionem viriet, certè nos satisfacimus debito, ita ut non teneamur iterum illud restituere.

Deinde iure diuino tenemur baptismum suscipere, & tamen si semel illum suscipimus, etiamsi ipsa susceptio per aliquam circumstantiam malam deprauetur, satisfacimus præcepto, ita ut non teneamur iterare baptismum.

Demum, qui die ab Ecclesia statuto ieiunat, etiamsi per hoc inanem gloriam intendat, satisfacit præcepto de ieiunando, ita ut non oporteat iterum ieiunare. Et ideo ita tenent Sotus lib. 2. de iust. quæst. 3. art. 9. & libro 10. quæstio. 5. artic. 5. Nauar. in Man. cap. 21. numer. 7. Azor. libro 7. cap. 6. quæst. 1. & plerique alij, qui addunt, quòd licet quis peccet mortaliter, vel venialiter, dicendo versiculum vnum vel psalmum, vel aliquam partem Missæ, non ob id recitatio totius horæ, aut totius Missæ, erit peccaminosa, & nullius meriti, sed solum recitatio mala illius partis.

Et ad fundamentum Adriani, scil. quòd Ecclesia nunquam præcipit actum malum, fateor de actu  
in se,

LIBER II. QVÆST. CCLXXII. 621  
in se, & de se malo, quia quod est intrinsecè malum,  
sub præcepto non cadit. Attamen illud quod non  
sic malum est, bene cadit sub præcepto, quamuis  
accidat ab extrinseco per aliquam circumstantiam  
vitiari, & tamen illud agendo, quod iustum est, fa-  
ctum, quamuis de malitia per nos apposita tenea-  
mur pœnitere.

---

QVÆSTIO CCLXXI.

*An qui ad diuinum officium obligatur, suo  
muneri satisfaciatur, si alicui mandet  
ut pro se illud dicat.*

**R**ESPONDEO, non satisfacere. Et ratio est, quia  
obligatio dicendi officium est personalis, id est,  
personis ipsis, quæ ad ordinem sacrum, aut benefi-  
cium promoti sunt, iniuncta, ac proinde nisi per  
seipso illud persoluant, suæ obligationi non sa-  
tisfaciunt.

---

QVÆSTIO CCLXXII.

*An clerici sacris ordinibus initiati, vel bene-  
ficiarij, aut Religiosi professi horas cano-  
nicas prætermittentes, censuram, aut ali-  
quam aliam spiritualem pœnam ipso fa-  
cto incurrant.*

Re

**R**ESPONDEO non incurrere, nullibi enim in iure canonico talis pœna reperitur, neque etiam inuenitur circa hoc aliqua vniuersalis consuetudo, & ideo nullus Doctorum talis pœnæ mentionem fecit.

---

### QVÆSTIO CCLXXIII.

*An clerici in sacris constituti nullum tamen beneficium habentes, ad aliquam restitutionem teneantur, si diuinum officium prætermittunt.*

**R**ESPONDEO non teneri. Et ratio est, quia hi nullos fructus percipiunt ob onus recitandi officium, ergo si illud prætermittunt, ad nullam restitutionem fructuum tenentur, par enim nō est, vt qui ex recitatione diuini officij nullum sentit commodum, illius omissione sentiat incommodum. Tum quia Concilium Lateran. & Bulla Pij V. solum loquuntur de habentibus beneficium tam curatum, quàm simplex, vel pensionem titulo clericali.

---

### QVÆSTIO CCLXXIV.

*An beneficiarius qui in peccato mortali diuinum officium persoluit, ad restitutionem fructuum teneatur.*

ADRIA



**A**DRIANVS in 4. in materia de restitutione, absolutè asserit hunc ad restitutionem teneri, quia putat eum Ecclesiæ præcepto non satisfacere, cum illa recitatio sic facta non sit fructuosa Ecclesiæ.

Angelus verbo clericus 8. quæst. 5. distinguit in hunc modum; aut lethale peccatum est notorium, aut occultum. Si primum, tenetur restituere, quia peccatum notorium inducit suspensionem ab officio, & beneficio, suspensus autem ab officio, & beneficio, fructus non facit suos. Si secundum, non cogitur fructus restituere, quia non inducit suspensionem.

Communis tamen opinio habet absolutè, & in vniuersum hunc ad restitutionem fructuum non teneri, & hoc siue peccatum sit occultum, siue publicum. Et ratio est, quia id nullo iure cauetur, ut fructus amittat beneficiarius, qui turpiter viuit, dummodo officium suum impleat.

Tum quia hic, quamuis sit in peccato mortali, nihilominus implet Ecclesiæ præceptum; sub quo non cadit ut oratio, ut est opus operantis, sit fructuosa, & ita sufficit, quod opus illud secundum se placeat Deo, licet particularis persona ob sua demerita illi displiceat, & sic non tenetur restituere fructus.

Tandem est conclusio definita in §. statuimus, ubi decernitur, beneficiarium qui suas horas recitare omittit, non teneri ad restituendum fructus, quos primis sex mensibus à die obtenti beneficii obtinuit. Certum est autem illum in peccato mortali notorio fuisse, si notoriè omisit, & si occultè, in occulto. Et ideo ita tenent Nauar. capite 7. nu. 35.

624 DE HORIS CANONICIS  
numer. 35. Sor. lib. 10. q. 5. ar. 6. Petr. Nauar. lib. 2. de  
restit. cap. 2. nu. 205. Suar. lib. 4. cap. 30. nu. 15. Emm.  
Sa verb. horæ nu. 18. & alij.

---

## QVÆSTIO CCLXXV.

*Vtrum beneficiarius qui scienter diuinum  
officium prætermittit, iure diuino, & na-  
turali ad fructuum restitutionem te-  
neatur.*

**A**LEXAND. Alenf. 3. p. q. 36. ar. 2. Ang. verb. ho-  
ra n. 11. Sotus lib. 10. q. 5. ar. 6. Petr. Nauar. lib.  
2. c. 2. n. 216. Arag. 2. 2. q. 83. ar. 13. Valent. 2. 2. d. 6. q.  
2. p. 10. & Gab. Vasq. tom. 2. disp. 168. num. 33. affir-  
mant cum iure diuino, & naturali ad restituendum  
compelli. Et probant, quia quando aliquid datur  
ob causam, ea non sequuta, illud iure diuino, & na-  
turali repeti potest, sed beneficium datur propter  
officium, ergo eo non dicto, fructus iure naturæ re-  
stituendi sunt.

Cæterum, quamuis hæc sententia sit satis proba-  
bilis, probabilior tamen existimo contrariam.  
Ducor, quia obligatio restituendi ex natura rei so-  
lùm nascitur ex peccato contra iustitiam commu-  
tatiuam, beneficiarius autem omittens diuinum of-  
ficium ex natura rei non peccat contra iustitiam  
commutatiuam, sed solùm contra obedientiam Ec-  
clesiæ vel contra Religionem, ad quam pertinet  
præceptum orandi: ergo iure naturæ non tenetur  
fructus restituere.

Tum quia, si iure naturali, & diuino ad id  
tene

teneretur, etiam primis sex mensibus omittens officium teneretur illos restituere: sed hoc est falsum, ut constat ex Concilio Lateranensi, in illis verbis. *Post sex menses, &c.* ergo. Et ideo ita docent Nauar. de orat. cap. 7. num. 31. Syluest. verb. Clericus 4. quæst. 23. num. 16. Azor. lib. 10. cap. 3. & 4. vlt. quæst. & cap. 13. qu. 9. & c. 14. q. 1. & multi alij.

Et ad argumentum contrariæ opinionis respondeo, quod licet beneficium detur propter officium, non tamen datur sub conditione officij, sed sub modo & onere, unde modo, & onere non seruato, adhuc fructus sunt beneficiati, ratione tituli, quem habet in beneficio. Vnde illa regula, quod datum ob causam causa non sequuta repeti potest, non procedit in eo quod datur ob causam perpetuam, & successiuam, id est, cum onere perpetuo & successiuo, ut in casu nostro maxime quod obligatio recitandi, quam habet beneficiatus, sicut illa, quam habet in sacris constitutus, non est iustitiæ, sed Religionis ex præcepto Ecclesiæ, ut docet Nauar. ubi supra.

## QVÆSTIO CCLXXVI.

*Utrum beneficiarius scienter horas canonicas prætermittens teneatur de iure communi canonico, & antiquo ad restitutionem fructuum.*

SOTVS gloria Thomistarum lib. 10. qu. 5. art. 6. Couar. lib. 3. var. resolut. cap. 13. & Graff. lib. 2. decis. c. 50. affirmant.

Rr Alij

Alij verò rectiùs docent, attento iure communi canonico & antiquo beneficiarium non cogi ipso facto restituere fructus beneficij, nisi post iudicis condemnationem, quia nullum extat ius antiquum ad hoc obligans. Ita Syluest. verb. clericus 4. q. 23. qui alios citat, & dicit ita tenere penè omnes. Natar. de oratione cap. 7. nu. 31. & Azor. lib. 10. cap. 14. q. 1. quam etiam dicit communem.

## QVÆSTIO CCLXXVII.

*An extet aliquod ius nouum, quo horas canonicas prætermittens, eo ipso teneatur fructus beneficij perceptos restituere.*

**N**AVAR. de oratione cap. 7. num. 32. & in Manual. cap. 25. num. 122. Couarr. lib. 3. var. cap. 13. num. 10. Corduba in sum. casuum quæst. 33. & plerique alij affirmant eiusmodi ius nouum extare in Conc. Lateranensi sub Leone X. celebrato, sess. 9. cap. 5. §. statuimus, vbi dicitur, beneficiarium quemcunque, qui elapsis sex mensibus à consequutione beneficij, omiserit recitare officium non facere pro rata officij prætermissi fructus suos, sed debere restituere in fabricam ipsius beneficij, vel in eleemosynas pauperum. Quòd si fuerit contumax non dicendo post prædictum semestre transactum, priuandus est beneficio.

At verò Sotus lib. 10. quæst. 5. artic. 6. negat, etiam extrante eiusmodi Concilij Lateranensis decreto restitui debere fructus beneficij, quia credit id

LIBER II. QVÆST. CCLXXVII. 627  
id Concilij Lateranensis decretum, non fuisse vfu,  
& more receptum.

Sed quidquid sit de hac Sori sententia, vix vide-  
tur esse nunc locus relictus dubitationi, stante Pij  
V. constitutione, quæ incipit. *Ex proximo Lateran.*  
*Conc.* relata à Nauar. in Man. cap. 25. num. 122. &  
de oratione cap. 7. num. 32. in qua Romanus Pon-  
tifex decretum Concilij Lateranensis, non solum  
commendat vt pium, & salutare, sed etiam illud in-  
nouando declarat, vt beneficiarius, qui horas cano-  
nicas prætermittit, in foro conscientie fructus be-  
neficij perceptos restituat pro rata officij præter-  
missi. Quomodo autem sit intelligendum, quod di-  
citur ibi pro rata omissionis officij, & temporis fa-  
ciendam esse restitutionem, declarat Pius V. in Bul-  
la peculiari relata à Nauar. vbi supra, sic videlicet,  
*Si quis vno, aut pluribus diebus totum officium omisit,*  
*restituatur fructus omnes, quos illo die, vel illis diebus*  
*percepit: si Matutinum tantum omisit, restituatur me-*  
*diam partem fructuum respondentium illi tempori: si*  
*reliquas sex horas tantum, restituatur etiam dimidiam*  
*partem: si aliquam tantum ex illis sex, restituatur tan-*  
*tum sextam partem fructuum talis diei, & sic teneatur*  
*solum sextam illius medietatis partem restituere.* Hæc  
ibi.

Quis verò censendus sit contumax non dicen-  
do, declaratur eadem sess. videlicet, qui spacio quin-  
decim dierum ne bis quidem dicit.

Nec est, quodd dicas, huiusmodi Pij V. constitu-  
tionem non esse vfu receptam: quia viri pietate, &  
doctrina clari censent restitutionem fructuum fa-  
ciendam esse iuxta eam constitutionem.

R. 1. 2. QVÆST.

## QVÆSTIO CCLXXVIII.

*An beneficiarius qui diuinum officium scienter omisit in primis sex mensibus accepti beneficij, teneatur ad restitutionem fructuum respondentium illis diebus.*

**S**OTVS lib. 10. quæst. 1. art. 6. tenet obligari, ac proinde certò credit verba illa Concilij Lateranensis, *Post sex menses*, non esse ita legenda, sed *per sex menses*, vt sensus sit, qui per sex menses, hoc est, quicumque sex mensium tempore, diuinum non soluerit, solùm debeat fructus restituere pro rata: elapsis verò sex mensibus, si post admonitionem quindecim diebus bis non recitauerit, beneficio priuetur. Et ratio eius est, quia violat iustitiam commutatiuam, cùm faciat contra obligationem contractus, do vt facias. At ex violatione iustitiæ oritur restituendi obligatio.

Sed hæc Sori sententia ab omnibus reiicitur, nam omnes codices Concilij constanter legunt, *post sex menses*.

Tum quia Pius V. referens dicti Concilij statutum expressè dicit, *post sex menses*: quare dicendum est beneficiarium intra primos sex menses ab obtento beneficio officium diuinum prætermittentem, liberum esse à restitutione, quia hæc obligatio non iure naturali, vt Sotus putauit, sed Ecclesiæ tantùm lege debetur: at hæc tantùm obligat post sex menses ad restitutionem, ergo.

Deinde,

Deinde, attento iure communi antiquo, non tenetur beneficiarius non recitans ad restitutionem, quia nullum tale ius adest, ergo tantum tenetur iure nouo Concilij Lateranensis, & Pij V. At hæc tantum obligant post sex menses, ergo.

Tum demum, quia hæc obligatio non oritur ex iustitia commutatiua, sed ex obedientia, vel Religione. Vnde qui impotens est ad restituendos fructus, non solet obligari ad restituendum in bonis spiritualibus. Et ideo ita tenent Nauar. de oratione cap. 21. nu. 58. Less. lib. 2. cap. 34. dub. 32. num. 179. Vasq. de benef. cap. 4. §. 1. art. 1. dub. 8. Toler. lib. 2. cap. 12. num. 5. Suar. lib. 4. cap. 29. num. 12. Filiuc. cap. 10. q. 3. num. 310. Macig. cap. 18. num. 16. & communis.

Hinc, qui diuinum officium recitauit per primos sex menses, sed postea incepit omittere, non potest quasi compensando vti privilegio Concilij, & constitutionis Pij V. de sex primis mensibus indultis post obtentum beneficium, sed statim non recitando, ad fructuum restitutionem tenetur, Suar. lib. 4. cap. 29. in fine.

---

## QVÆSTIO CCLXXIX.

*An qui intra primos illos sex menses ab impetrato beneficio, absque iusta causa diuinum officium prætermittit, lethaliter peccet.*

**R**ESPONDEO cum lethaliter peccare, nam in constitutione prædicta Pij V. sic habetur. *Ille*

Rt 3 quæ

*qui primis sex mensibus officium non dixerit, nisi legitimum impedimentum eum excusauerit, graue peccatum, idest mortale, se intelligat admisisse. Et ratio huius est, quia facit contra prohibitionem Ecclesie in re graui, & contra finem, propter quem datur beneficium, ut patet ex prædictis constitutionibus. Ita Nau. in Man. cap. 25. nu. 122. Arag. 2. 2. q. 83. art. 13. Tolet. lib. 2. cap. 12. num. 4. Azor. lib. 10. cap. 14. quest. 4.*

---

## QVÆSTIO CCLXXX.

*An qui hodie non recitauit, sed altera die suppleuit defectum in recitatione diuini officij prætermissi, ad restitutionem fructuum teneatur.*

**M**OLFESIUS cap. 5. num. 17. Filiucius cap. 10. q. 2. n. 307. Suar. lib. 4. cap. 23. num. 5. & cap. 29. num. 11. & multi alij, quos citat Henriq. lib. 13. ca. 13. num. 2. affirmant hunc non teneri ad restitutionem fructuum, si suppleuit alio die pensum horarum, aut compensauit in alijs pijs operibus. Ducunturque hi in eam sententiam primo, quia in hoc casu rependit æquale, ut suppono.

Secundò, quia Capellanus qui ratione capellanix hodie tenetur celebrare, si alio die celebret, ad nullam restitutionem tenetur, ergo neque beneficiarius, qui alio die officium supplet.

Cæterum contraria sententia est communissima, & ideo tanquam probabilior amplectenda est, cuius



cuius ratio est, quia ille tenetur ad restitutionem, qui suo tempore præceptum diuini officij non impleuit, sed qui alio die diuinum officium persoluit, non impleuit præceptum diuini officij, ergo ad restitutionem tenetur. Maior propositio est per se nota. Minor verò probatur, quia obligatio diuini officij est affixa diei, & transit cum ipso die: & sicut non implet præceptum ieiunij, aut Missæ, qui alio tempore non præscripto ab Ecclesia ieiunat, vel Missam audit, ita neque adimplet præceptum diuini officij, qui alio die diuinum officium persoluit.

Tum quia, qui diuinum officium prætermisit, ipso facto absque declaratione Iudicis obligationem restituendi fructus contraxit, nullus autem potest propria autoritate eximere se à pœna, quam contraxit.

Tum demum, quia in Concilio Lateranensi sub Leone X. sess. 9. & in Bulla Pij V. dicitur, eum, qui non recitat suo tempore officium, non facere fructus suos. Et ideo ita tenent Henric. lib. 13. cap. 13. Petr. Nauar. de restit. lib. 1. cap. 2. n. 180. Arag. 2. 2. q. 83. ar. 13. & alij.

Igitur ad argumenta in contrarium adducta oportet nunc respondere. Et ad primum respondeo, beneficiarium non posse fructus percipere, quia illos ipso facto amisit, nec illos propria autoritate sibi applicare potest, supplendo alio die defectum officij.

Ad secundum respondeo, negando consequentiam. Ratio disparitatis est, quia onus celebrandi non est diei affixum, ut transeat cum ipso die, sicut transit onus diuini officij.

## QVÆSTIO CCLXXXI.

*An qui plura beneficia legitime possidet, nec horas canonicas recitat post primos sex menses ab illis obtentis, teneatur pro rata officij culpabiliter omitti, fructus omnium beneficiorum restituere.*

**R**ESPONDEO teneri. Et ratio est, quia sicut ratione omnium tenebatur officium recitare: ita etiam fructus omnium pro rata officij dimissi restituere tenetur, vt clarè constat ex constitutione Pij V.

Et confirmatur, nam quemadmodum qui diuinum officium recitat, omnium fructus beneficiorum acquirit, & facit suos, ita qui non recitat, omnes modo suprà declarato amittit, nec maior est ratio, cur vnius beneficij fructus perdat, quàm alterius, ergo omnes pariter amittit.

## QVÆSTIO CCLXXXII.

*An qui absque ulla culpa horas canonicas prætermisit, ad restitutionem fructuum teneatur, vt per naturalem obliuionem, vel ignorantiam inuincibilem.*

**N**ONNULLI affirmant ad id teneri, quia de facto hic non exhibet seruitium propter quod recipit stipendium.

Tum

Tum quia illa non est tantum pœna propter culpam, sed est etiam conditio, sub qua datur tale stipendium.

Alij verò putant hunc teneri restituere fructus extantes, & eos, ex quibus factus est ditior, non autem quos bona fide consumpsit, & ex eis ditior factus non est.

At tanquam certum tenendum est, huiusmodi beneficiarium esse à restitutione liberum, non solum quoad fructus bona fide consumptos, ex quibus non est factus ditior, verum etiam simpliciter quoad omnes. Et ratio est, quia in foro conscientiae non debetur pœna, ubi culpa non est: atqui carentia fructuum inducta est in pœnam culpæ admissæ In recitatione diuini officij, ergo.

Et est conclusio definita in constitutione Pij V. ubi Pontifex primò dicit. *Si officium diuinum non dixerit legitimo impedimento cessante*: naturalis autem obliuio, vel ignorantia inuincibilis legitimum impedimentum reputatur.

Deinde ait: *Eos tanquam iniuste perceptos*. Vbi pondero illam particulam, *iniuste*. Nam præsupponit hunc non recitando peccasse, ac subinde teneri ad restitutionem titulo iniustæ acceptio-  
nis.

Demum subiungit: *Si ultra dictum tempus in simili negligentia contumaciter permanserit*. Vbi pondero illam particulam, *simili*. Nam supponit, oportere omissionem esse ex negligentia culpabili, ergo ubi non intercedit culpa, non incurritur hæc pœna. Vnde non est dicendum, illam esse conditionem quasi affirmatiuam, si dixeris, sed negatiuam, si non omiseris, scilicet culpabiliter. Et ideo ita

R r s      tenent

634 DE HORIS CANONICIS  
tenent Gar. to. 1. de benef. p. 3. cap. 1. num. 26. Re-  
ginal. lib. 30. nu. 44. Suar. lib. 4. cap. 29. nu. 16.  
Azor. lib. 10. cap. 14. q. 7. Macig. cap. 18. & 19.  
Less. cap. 34. num. 185. Molfes. in summa tract. 5.  
cap. 5. num. 14. & alij communiter.

---

### QVÆSTIO CCLXXXIII.

*An qui mente vltro distracta diuinum offi-  
cium recitat, restituere fructus teneatur.*

**M**EDINA C. de oratione q. 16. Petr. Nauar.  
lib. 2. nu. 181. & 228. Cordub. in suo quæst.  
lib. 4. q. 13. & Tolet. lib. 2. cap. 12. nu. 6. negant.  
Quia pœna (inquiunt) restitutionis tota surgit, &  
contrahitur ex iure canonico, quod solum mulctat  
hac pœna beneficiarium, qui diuinum officium  
non dicit, sed qui animo distracto diuinum offi-  
cium recitat, reuera dicit, quamuis malè dicat.

Dices, qui sic diuinum officium persoluit, le-  
thale peccatum committit, ergo Ecclesiæ præcepto  
non satisfacit.

Respondent, non omne peccatum mortale,  
quod in recitatione horarum committitur, indu-  
cere obligationem restituendi, sed illud duntaxat,  
quo diuinum officium non recitatur, aliàs quicun-  
que malè recitaret peccando mortaliter, vel ex  
malo fine, vel aliunde restituere teneretur, quod  
dici non potest. Hanc opinionem dicit esse proba-  
bilem Azor. lib. 10. cap. 12. q. 6.

Opposita tamen opinio videtur tenenda vt ve-  
rior, & communior. Et ratio est, quia hic non so-  
lum malè orat, sed reuera simpliciter nō orat, quia  
licet

licet legat, vel verba proferat, illa non est oratio, quæ ab Ecclesia præcipitur, cum ergo de substantia orationis sit attentio, sequitur recitantem sine attentione, non satisfacere præcepto quoad substantiam, consequenter non posse fructus retinere.

Et confirmatur, nam pœna illa non imponitur non recitanti materialiter verba, sed non oranti, & sic non satisfacit Ecclesiæ præcepto, qui sine vlla attentione diuinum officium recitat, & ideo non est simile de aliis peccatis, quæ non tollunt substantialem actum: at verò defectus attentionis voluntariæ substantiam orationis destruit. Et ideo ita tenent Nauar. de orat. cap. 13. nu. 18. Suar. lib. 4. cap. 30. nu. 14. Azor. lib. 10. c. 12. q. 6. Petr. Nauar. supra nu. 40. Graff. lib. 2. c. 5 1. nu. 7. Vega cap. 128. Rodriq. p. 1. cap. 143. & multi alij.

Nec obstat, horas canonicas recitari nomine Ecclesiæ quæ supplet defectum recitantis.

Respondeo, hoc verum esse, modò defectus ab Ecclesia suppleri possit: at Ecclesia efficere non potest, vt id quod non est oratio, sit oratio, quidquid dicat Macignus q. 89. nu. 11.

Hinc, qui scienter, & spontè iocando, confabulando, vel alia similia faciendo, diuinum officium persoluit, peccat mortaliter, quia non recitat, vt debet, & proinde præceptum Ecclesiæ non implet, & fructus restituere tenetur.

## QVÆSTIO CCLXXXIV.

*An excommunicatus recitans officium in excommunicatione, possit retinere fructus beneficij.*

NAVARR.

**N**AVAR. in Manual. cap. 25. nu. 124. negat, quia in cap. Pastoralis §. fin. de app. ob excommunicationem priuatur quis beneficij fructibus. Ex quo infert, beneficiarium post obtentam absolutionem ab excommunicatione, debere à Romano Pontifice indulgentiam impetrare, qua fructus quos ante perceperat, retinere possit.

At multò probabilius est posse. Et ratio est, quia hic non est effectus excommunicationis, nam in eo capite Pastoralis citato tantùm dicitur, quòd meritò auferuntur fructus beneficij ab eo, cui denegatur Ecclesiæ communio: sed non dicit quòd ipso facto sit priuatus illis virtute excommunicationis.

## QVÆSTIO CCLXXXV.

*An qui vno, vel pluribus diebus diuinum officium non recitauit, debeat fructus restituere pro rata omissi officij, hoc est, fructus respondentes tempori, in quo officium prætermisit.*

**S**ORTVS lib. 10. q. 5. art. 6. sentit beneficiarium, qui per vnum, aut duos dies officium omitrit, non esse restitutioni obnoxium, si autem ampliùs dimittat, ad restitutionem teneri: fundat autem Sorus hanc suam opinionem in morali accommodatione domini temporalis, qui non priuat famulum stipendio, si vno, vel altero die non seruiat, quare neque Deus.

Lop. 2. p. instruct. conf. cap: 95. & Medina C. de oratione putant omittentem canonicas preces, paucis v. g. octo, vel decem diebus, non teneri aliquid restituere. Immo addit Medina, etiam si quis per annum integrum officium non recitauerit, non esse necessarium restituere totum, sed posset moderatam partem retinere.

Sed certè, quia Sotus scripsit ante constitutionem Pij V. & quia putauit decretum Concilij Lateranensis non fuisse vlu receptum, excusari potest. At Lop. & Medina qui postea scripserunt, nullo modo possunt excusari, pugnant enim cum verbis contentis in dicta constitutione Pij V. & decreto Concilij Lateranensis, quibus præcipitur, vt qui post sex menses ab obtento beneficio, per quindecim dies, non recitauerit saltem bis, priuetur beneficio, ergo non est credibile, vt per octo, vel decem dies non recitans, in illius legis pœnam non incidat.

Tum quia cùm Pius V. taxet, quid restituendum sit pro qualibet hora diuini officij prætermissi, quis nunc dicere potest ex omissione duorum, vel plurium dierum nullam oriri obligationem.

Tum quia lex illa impedit translationem dominij fructuum correspondentium illis temporibus, diebus, aut horis, nullo ergo titulo retineri possunt.

Quare dicendum est cum communi sententia, taxam, & distributionem à Pio V. factam ad vniuersam seruandam esse. In ea enim in primis dicit. *Qui vno, vel pluribus diebus totum officium canonicum prætermiserit; omnes fructus amittat*, qui illi  
vel

vel illis diebus corresponderent, si quotidie diuiderentur. Si verò non vno die integrum officium omittat, pro Matutino cum Laudibus, quæ est media officij pars, vult amitti dimidiam partem fructuum illi diei correspondentium. Qui cæteras horas omnes, aliam dimidiam partem. Et quoniam illæ sunt sex, illas reputat æquales, & pro vniuscuiusque omissione sextam partem fructuum eiusdem diei amitti declarauit.

Cùm dicitur, sextam partem esse restituendam pro singulis horis, intelligendum id est de sexta parte fructuum dimidij diei naturalis, vel de fructibus diei artificialis, ita vt qui vno die recipit v. g. duodecim argenteos, si omittat horam, teneatur tantùm reddere vnum argenteum, quia illa est sexta pars fructuum diei artificialis, nam alij sex respondent officio Matutino.

---

### QVÆSTIO CCLXXXVI.

*An pro omissione minori, quàm vnius horæ integræ, sit aliquid restituendum.*

**R**ESPONDEO nihil esse restituendum. Et ratio est, quia lex rigorosa potius restringenda est ad terminos suos, quàm extendenda. Cùm ergo lex canonica definitè taxet quid pro singularum horarum omissione restituendum sit, non est extendenda ad minorem omissionem. Quod licèt hoc pro singulis horis minoribus verum sit, pro maioribus tamen admitti non potest. Vnde in Matutino si omittatur sexta pars, esset etiam obligatio  
tanquam



tanquam vnius horæ, quia totum Matutinum cum Laudibus æquiualeat omnibus aliis horis: si verò sit inferior sexa parte, nulla erit restituendi obligatio. Quare secundum hanc doctrinam poterit quis peccare mortaliter, vt si omittat dimidiam horam, & tamen non obligari ad restitutionem.

Hinc, qui paucos versiculos, aut vnum Psalmum omittit, ad nullam restitutionem tenetur, etiamsi fructus respondentes illi parti omiffæ, sint magnæ quantitatis. Ita Tolet. lib. 2. cap. 12. nu. 6. Petr. Nauar. lib. 2. cap. 2. dub. 3. num. 202. & Suar. lib. 4. cap. 30. nu. 13.

Hinc ad restitutionem tenetur, qui eodem die in singulis horis paucos versiculos omittit, qui tamen simul sumpti vnâ integram horam efficiunt. Et ratio est, quia sicut huiusmodi omissiones continuantur in ordine ad grauem culpam, ita etiam in ordine ad restitutionem.

Hinc non tenetur sub mortali ad restitutionem, quando pars fructuum correspondens est tam exigua, vt non pertingat ad peccatum mortale in materia furti: at si coniungeretur moraliter cum aliis similibus, cum peruentum fuerit ad materiam notabilem, oriretur talis obligatio sub mortali. Suar. lib. 4. cap. 30. num. 13.

## QVÆSTIO CCLXXXVII.

*An vniuersaliter omnes beneficiarij horas canonicas non recitantes, teneantur restituere omnes fructus beneficij integrè pro rata temporis, quo horas omittunt, vel*  
*potius*

*potius sit satis aliquam tantum partem restituere.*

**E**T quidem, si beneficiarius sit huiusmodi, qui beneficium obtineat ecclesiasticum, nullam aliam obligationem inducens, quam recitandi, qualia sunt beneficia simplicia, & præstimonialia, si is scienter absque iusta causa diuinum officium omittat, vniuersos fructus quos ex tali beneficio percipit, restituere pro rata temporis tenetur. Ratio est, quia non potest alia ratione fructus recipere, quam ratione officij persoluendi, cum ergo hic non persoluat officium, ut suppono, nullum habet titulum, cur aliquos fructus recipiat. Et in hoc omnes Doctores infra citandi conueniunt.

---

### QVÆSTIO CCLXXXVIII.

*Sed tota difficultas versatur de eo, qui beneficium obtinet officia alia principalia annexa habens, propter quæ exercenda similiter annuales fructus recipit, ut si est Parochus qui curam animarum gerit, qui & munus celebrandi, & administrandi Sacramenta obit, & regimine Ecclesie fungitur. An videlicet hic teneatur simpliciter omnes fructus beneficij restituere, an verò tantum eam partem quæ officio recitando in beneficio correspondet.*

**I**N qua re duæ extant Doctōrū opinionēs. Prima docet hunc nō teneri restituere nisi partem correpondentem obligationi recitandī horas. Et ideo Parochus qui in die pro fructu v. g. recipit tres argenteos, omittens totum officiū, tenetur restituere vnum argēteum, nam alios retinet pro onere ministrandi Sacramenta, &c. Et ideo ita tenent Tolet. lib. 2. c. 12. n. 5. Henriq. lib. 13. c. 13. nu. 2. Lop. 2. p. c. 95. Emman. Sa verb. beneficium. n. 58. Less. lib. 2. cap. 34. dub. 32. Arag. 2. 2. q. 83. art. 13. Rodrig. 1. p. cap. 146. n. 4. Molfes. in summa tract. 5. cap. 5. n. 8 Beia casu 55. p. 1. Med. in inst. in exposit. præcept 5. 11. Macig. c. 28. n. 7. Nald. verb. diuinum officium n. 12. Vasq. in opus. de beneficiis. c. 4. §. 1. ar. 1. dub. 7. n. 38.

Secūda verò opinio ait beneficiarium esse huius pœnæ obnoxium, quantumcunque cætera munia sui beneficij obierit. Nam hoc non obstante reus est peccati mortalis, quod committitur omissione recitationis horarum, quod vnum tali priuatione punitur, tanquam ea sufficienter dignam, non obstante quòd quis cætera sua onera impleat: Sicut, & sufficienter dignus est æterno supplicio, quantumcunque in nullo alio deliquerit, iuxta illud Iacobi 1. Quicumque totam legem seruaueris, offendat autem in vno, factus est omnium reus.

Tum quia lex absolutè, & indistinctè loquitur, & absque limitatione præcipit omnes fructus restitui cuiuscūque beneficij, & vbi lex non distinguit, nec nos distinguere debemus. Et ideo ita sentiunt Suar. lib. 4. c. 30. n. 6. Valent. 2. 2. d. 6. q. 2. p. vlt. Azor. lib. 10. c. 14. q. 5. Regin. lib. 30. n. 46. Petr. Nau. lib. 2. c. 2. n. 143. Vasq. sibi contrarius 1. 2. d. 168. num. 34. Vincent. Filiuc. tom. 2. tract. 23. cap. 10. q. 5. & plerique alij. Pro quo

Primò dico, primam opinionem esse valdè probabilem, tum ob authoritatem Doctorum, qui eam sequuntur, tum ob rationem fundatam in æquitate, & iustitia, quæ utpote in re pœnali est fauorabilior. Cùm enim propterea imponatur obligatio restituendi, quia beneficium datur propter officium, quando aliquis præstat plura officia, & omittit vnum illorum, ut recitationem Horarum, satis est si restituat partem stipendij respondentem officio omissio, alioquin grauius damnum pateretur beneficiarius, qui præter officij obligationem alia onera sustinet, quàm qui solam habet recitandi officij obligationem. Vnde quando in Bulla Pij V. dicitur, omitrentem diuinum officium debere omnes fructus restituere, sermo est de fructibus respondentibus recitationi diuini officij, non verò de fructibus respondentibus aliis oneribus.

Secundò dico, secundam opinionem videri magis ad mentem Pij V. absolutè, & indistinctè loquentis de restitutione fructuum singulis diebus respondentium, facienda pro rata omissionis diuini officij, ut beneficiarij à tali omissione retrahantur, & ad illius recitationem excitentur, & quasi cogantur. In hanc igitur sententiam ut probabiliorē propendo. Ideoque optimum remedium est, ut facta fructuum computatione Bullam compositionis accipiat, vel à Romano Pontifice, siue ab eius Commissario Cruciatae dispensationem petat, quia hac ratione neque omnia quæ Bulla Pij V. præcipit, restituet, & in conscientia tutus erit.

Hinc, non est audiendus Henriquez lib. 13. cap. 13. num. 2. vbi ait beneficiarium non teneri restituere omnes fructus, sed posse aliquam eorum partem retinere, eo quòd præter horas canonicas, habet

habet onus gestandi habitum , & tonsuram , viuendi castè , & obseruandi alia quæ præscribuntur in iure. Quia fructus ecclesiastici non solum dantur ob horas canonicas , verum etiam propter alia onera, & ministeria. Non est , inquam , audiendus, quia beneficium non datur ad deferendum habitum , & tonsuram , sed propter diuinum officium, aliâque onera beneficio annexa.

Tum quia gestatio habitus, & tonsuræ compensatur aliis commodis, vt immunitate Ecclesiæ , & cum beneficium confertur Clerico , habitus gestatio supponitur , ante beneficii collationem.

## QVÆSTIO CCLXXXIX.

*An pensionarius qui officium paruum Beatæ Virginis quotidie non soluit , fructus sue pensionis restituere teneatur.*

**R**ESPONDEO teneri , si illud post primos sex menses prætermisit : nam Pius V. in sua constitutione pensionarium non recitantem officium paruum Beatæ Virginis , ad restitutionem obligat eadem ratione, qua beneficiatum non recitantem horas canonicas.

Hinc , si pensionarius totum officium vno , vel pluribus diebus prætermisit , omnes pensionis fructus , qui illi , vel illis diebus respondent , restituere tenetur. Si verò Matutinum , tantum dimidium , si horarum singulas , sextam partem pensionis eiusdem diei amittat , vt in eadem constitutione habetur.

## QVÆSTIO CCXC.

*An hac fructuum restitutio facienda sit statim  
in conscientia, non expectata  
Iudicis sententia.*

**S**ORTVS lib. 10. q. 5. art. 6. indubitanter negat teneri ad restitutionem fructuum ante Iudicis condemnationem, quia credit decretum Concilij Lateranensis non fuisse receptum, & scripsit ante Pium V. Eandem opinionem sequitur Syluester verbo Clericus 4. quæst. 23. & 24.

Medina C. de oratione, vbi suprâ, qui constitutionem Pij V. nouit, ausus est dicere, decretum illud esse pœnale, & ided non obligare, donec Iudex præcipiat.

Sed concors est omnium Theologorum opinio, restitutionem hanc esse faciendam in conscientia ante Iudicis condemnationem, licet delictum sit occultissimum. Et ratio est, quia Beneficiarius non recitans non facit fructus suos, vt dicitur in Concilio Lateranensi, sed nullus retinere potest quod suum non est: ergo Beneficiarius omittens Horas canonicas, non potest retinere fructus, sed tenetur illos restituere ante Iudicis sententiam.

Tum quia nemo potest retinere quod iniuste acquisiuit, atque Beneficiarius qui diuinum Officium omisit, retinet fructus tamquam iniuste acquisitos, vt habetur in prædicto Concilio: ergo tenetur illos restituere ante Iudicis sententiam.

Et confirmatur, nam Pius V. in Extrauaganti ab ipso edita, non quasi nouum ius condens, sed ius prædicti Concilij declarando, euidentius statuit,  
non

non recitantem diuinum Officium non facere fructus suos, sed illos tamquam iniuste perceptos debere restituere: & sic manifestè colligitur, quòd non solum de iure prædicti Concilij, sed etiam Pij V. non potest in conscientia retinere fructus etiam ante Iudicis condemnationem, qui diuinum Officium recitare prætermisit. Et ita est vñ recepta, vt testatur Suarez lib. 4. cap. 30. num. 2. & praxis sacrae Pœnitentiariæ confirmat. Et ideo ita sentiunt Nauarrus de oratione cap. 7. num. 32. & in Manuali cap. 25. num. 122. Aragon. 2. 2. quæst. 83. art. 13. Couarruias lib. 3. variar. cap. 13. in fine. Corduba in Summa Hisp. quæst. 33. Petrus Nauarrus de restitut. cap. 2. num. 195. Vasquez in opuscul. de benefic. cap. 4. §. 1. dub. 7. Filiuc. cap. 10. num. 311. Lessius lib. 2. cap. 34. dub. 39. Macig. cap. 28. Quaranta verb. Horæ canonicæ. Molfes. cap. 5. num. 11. Suarez vbi suprà, & alij communiter.

Neque obstat, pœnam, quæ ad sui exequutionem hominis actionem requirit, non esse subeundam ante Iudicis sententiam. Quia hoc fallit, quando aliter constat de mente legislatoris volentis pœnam incurri ante condemnationem Iudicis, vt accidit in casu nostro, in quo Concilium Lateranense, & Pius V. obligant in conscientia Beneficiarium in pœnam delicti ad restitutionem fructuum.

---

## QVÆSTIO CCXCI.

*Cui facienda sit hac restitutio.*

**R**espondeo, faciendam esse, vel in fabricam beneficij, vel in eleemosynam pauperum. Sic

646 DE HORIS CANONICIS  
enim habetur in prædicta constitutione Pij V. illis  
verbis. *In fabricas huiusmodi beneficiorum, vel pau-*  
*perum eleemosynas erogare teneantur.* Quæ verba di-  
siunctiua sunt, & ideò liberum esse beneficiario  
restitutionem facere pauperibus, vel fabricæ be-  
neficij. Ita Nau. de orat. cap. 7. num. 32. & in Sum.  
cap. 25. num. 122.

Est autem hîc considerandum, quòd quando re-  
stitutio est distributionum, quas Canonici, vel be-  
neficiarij ex munere chori recipiunt, tunc non de-  
bet fieri nisi ipsis Canonicis, vel beneficiatis, qui  
choro interfuerunt: inter quos solent tales reddi-  
tus distribui: nam quando res habet certum domi-  
num, non debet dari pauperibus.

---

## QVÆSTIO CCXCII.

*Quid nomine pauperum hoc loco intelligatur.*

NAVAR. tract. de reddit eccles. monito 26.  
num. 2. q. 7. censet nomine pauperum intelligi  
non solùm personas pauperes, sed etiam Mona-  
steria, Xenodochia, & Ecclesias ornamentis, lu-  
minaribus, & aliis similibus indigentes; aut alia  
pietatis opera, iuxta Medinam C. de restitut. q. 3. &  
Rebell. p. 2. de oblig. q. 11. sect. 1.

---

## QVÆSTIO CCXCIII.

*An appellatione pauperum veniant non solùm*  
*mendici, sed etiam alij, qui quamvis ne-*  
*cessaria naturæ habeant, ad decentiam*  
*tamen personæ necessariis carent.*

RESPONDEO



**R**ESPONDEO, nomine pauperum non solum intelligi eos, qui ex pane mendicato uiuunt, verum etiam alios, quibus necessaria ad decentem statum defunt, quales sunt multi nobiles, qui à statu deciderunt, & ægrè admodum sustentantur, licet ob verecundiam petere, vel recipere eleemosyniam non soleant, quibus distributio fieri potest absque titulo eleemosynæ, ne confundantur. Ita Rebell. p. 2. de obligat. quæst. 11. sect. 1. & Nauarr. de redd. mon. 28.

## QVÆSTIO CCXCIV.

*An hæc restitutio facienda sit pauperibus illarum Ecclesiarum, ubi sita sunt beneficia.*

**R**ESPONDEO minimè, sed posse etiam fieri pauperibus alterius loci. Ratio est, quia Bulla generaliter loquitur de pauperibus.

Tum quia hoc mitius est, & faciliorem, & suauiore reddit restitutionem. Ita Suarez lib. 4. cap. 30. num. 20. Molfes. cap. 5. num. 22. Filiuc. tract. 23. cap. 10. quæst. 6. Bonacina disp. 1. quæst. 5. p. 4. nu. 3. & alij communiter. Vbi aduerte, quod eleemosynæ omnes, quas ex fructibus beneficij fecit toto eo tempore, in quo diuinum officium prætermisit, poterit computare in partem restitutionis.

## QVÆSTIO CCXCV.

*An si beneficiarius pauper sit, aut eius mater, fratres, aut sorores, possit sibi, aut eis hanc restitutionem facere.*

**R**ESPONDEO posse, modò isti verè pauperes sint. Ratio est, quia non videntur deterioris cōditionis aliis pauperibus, quamvis enim peccauerit officium omittendo, tamen cū restitutio facienda sit pauperibus, & ipse aut eius consanguinei pauperate laborent, negandum non videtur, quin gaudere possint fructu eleemosynæ, quæ pauperibus tribuitur.

Tum quia iura eos non excludunt, & hæc est eleemosyna, quam non tam ipse sibi, vel suis, quàm summus Pontifex per eum facit, vt ad multorum consolationem. Nauar. in summa cap. 25. num. 122. Tolet. lib. 2. cap. 12. num. 5. & Suar. tom. 2. de Religione cap. 30. num. 21. Quod intellige, modò ex cōsuetudine, vel statuto particulari non sit facienda restitutio alicui certo pio operi, aut aliis canonicis, vt accidit in distributionibus quotidianis, quia in tali casu beneficiarius pauper non poterit sibi, vel suis fructus restitutioni obnoxios applicare titulo paupertatis. Ita Rodr. i. p. c. 146. n. 3. Nald. verb. officium n. 13. Arag. 2. 2. q. 83. art. 13. Suar. Tolet. & alij plerique vbi suprà.

Quam doctrinam arbitror verissimam, modò id faciat ex consilio prudentis confessarij, vel viri doctj; ne in re propria decipiatur: & dummodo iste occasionem non sumat vacandi ab officio.

## QVÆSTIO CCXCVI.

*Virum beneficiarius qui horas canonicas pretermisit, possit sibi retinere fructus, quos titulo remissionis recepit à pauperibus.*

RESPONDEO

**R**ESPONDEO non posse, si remissionem à pauperibus obtineat, quibus fructus nondum tradiderat. Ratio est, quia hic non dicitur restitutionem fecisse iuxta Romani Pontificis intentionem.

Tum quia pauperes, quibus fructus non traditi sunt, nullum ius habent ad illos, ergo non possunt illos remittere, cum remissio fieri debeat ab eo, qui ius verum, & proprium habet. Secus si fructus recipiat ab iis, quibus ipse tradiderat, quia tunc posset eos sibi retinere, cum id nullo iure prohibeatur, nec vllum inde incommodum sequatur.

Tum demum, quia retineri possunt distributiones, si postquam sine fraude, & dolo traditæ fuerunt canonicis, qui interfuerunt choro, iterum ab iisdem restituantur. Nec obstat Conc. Trid. sess. 24. c. 12. de reformat. quia ibi solum interdicatur collusio, & remissio, non autem donatio, postquam res accepta fuit. Ita Henric. lib. 13. c. 36. n. 3. Nau. de orat. Miscel. 19. n. 4. Suar. lib. 4. c. 30. n. 17. Azor. 2. p. lib. 7. q. 9. & multi alij.

---

## QVÆSTIO CCXCVII.

*An hac restitutio fieri possit pro celebrandis Missis, vel in aliis suffragiis offerendis pro defunctis.*

**R**ESPONDEO posse, nisi Ecclesiæ illius statutum, aut mos postulet, ut fructus amissi ob hanc, vel aliam causam, applicentur certis operibus. Et ratio est, quia etiam ipsi defuncti pauperes sunt, valdeque indigentes tali suffragio. Ita Navarr. in sum. cap. 25. n. 122. & de orat. cap. 7. n. 32. Suar. lib. 4. c. 30. n. 18. & Bonac. d. 1. q. 5. p. 4.

## QVÆSTIO CCXCVIII.

*An hac restitutio facienda sit fabricæ illius Ecclesiæ, ubi situm est beneficium.*

TOLETVS lib. 2. cap. 12. nu. 6. Graff. lib. 2. decif. cap. 5. 1. n. 3. & plerique alij affirmant.

Sed cæteri communi consensu negant. Quia in textu non habetur illa particula *Ecclesiarum*, sed *beneficiorum*. Vnde poterunt huiusmodi fructus insumi in vtilitatem fabricæ domus beneficij, in qua beneficiarius habitat, vel alterius domus ipsius beneficij pro fructibus colligendis, & cōseruandis, aut etiam in vtilitatem agrorum ipsiusmet beneficij, ut eius fructus in perpetuum augeantur. Hæc enim, & similia sub fabricis beneficiorum comprehenduntur. Ita Vasq. in opusc. de benef. c. 4. §. 1. ar. 1. dub. 9. Suar. li. 4. c. 30. n. 19. Molf. c. 5. n. 24. & Bonac. d. 1. q. 5. p. 4.

Ex quo inferitur, beneficiariū qui diuinū officium non recitauit, non posse restitutionem facere in vtilitatem alterius loci pij. Ratio est, quia cōstitutio Pij V. solum mentionē facit pauperum, & fabricæ beneficij, non verò alterius loci, nisi ista restitutio redundet in vtilitatē pauperum, qui in eo loco v. g. alūtur; tunc enim restitutio fieri censetur pauperibus, iuxta mentem dictæ Bullæ. Ita Suar. & alij suprā.

## QVÆSTIO CCXCIX.

*Utñ pensionarius non recitans officium paruum B. Virginis, teneatur insumere pensionem in fabricis, vel pauperibus, vel potius non accipere à beneficiario soluente illam.*

NON

**N**ONnulli putant pensionarium non debere accipere pensionem à beneficiato, quia non recitando fit incapax illius, & beneficiarius non tenetur soluere pensionem nisi personæ capaci.

Contrarium tamen est proculdubio affirmādum. Duceor, quia Pius V. in sua extrauaganti statuit absolutè pensionarium paruum beatissimæ Virginis officium prætermittentem, debere restituere fructus pensionis eo modo quo beneficiarius obligatur.

Tum quia in hoc casu solet pensionarius compositionem fructuum à Romano Pontifice postulare ob omissam officij recitationē, & de facto conceditur, quod proculdubio non faceret Pontifex in præiudicium beneficiarij, si ei fructus pensionis deberentur, non enim compositio conceditur de restitutione, quæ certæ personæ facienda est. vt patet ex dictis à nobis in speculo confessoriorum. Et ideo ita sentiunt Garz. 3. p. de benef. cap. 1. n. 37. Suar. lib. 4. c. 30. n. 22. Bonac. disp. 1. q. 5. p. 4. & alij.

Ex quo sequitur, beneficiariū qui nouit pensionariū non recitasse suū officium, non posse pēiones denegare pensionario, vt sibi retineat, quia Pius V. vult fructus pēisionis ob omisū officiū deberi fabricæ beneficij, vcl pauperibus, nō autem beneficiario.

Dices, beneficiarius non tenetur fructus pensionis soluere pensionario excommunicato, sed potest eos sibi retinere, ergo potest etiam illos retinere ob omissam officij recitationem.

Respondeo non esse eandem rationem, nam excommunicatus est omnino incapax, & quasi pro mortuo reputatur, & de fructibus eius nihil aliud in particulari disposuit lex: hic autem qui diuinum officium prætermittit, non est simpliciter incapax, sed solum lege impeditur, ne tunc acqui-

652 DE HORIS CANONICIS  
rat fructus, sed eos fabricæ, vel pauperibus tradat.

---

### QVÆSTIO CCC.

*An paruum Beata Virginis officium ad horas canonicas pertineat.*

**N**AVAR. de orat. c. 10. n. 3. affirmat, pertinere. Sed cæteri communi consensu negant, & meritò quidē, quia horæ canonicæ multò ante huiusmodi officium fuerunt institutæ, nam vt D. Anr. 2. p. tit. 16. c. 1. §. 23. & Durant. in Rationali diuini. off. li. 6. c. 2. testantur, Urbanus II. in Concil. Claramontano in Aruernis anno salutis nostræ 1096. cùm decretum fuit bellum sacrū, quo recuperata fuit terra Sancta, paruum B. Virginis officium instituit, ac præcepit, vt clerici illud quotidie recitarent.

Tū quia probabilius mihi est, quod docet Azor. lib. 10. c. 16. qu. 3. & 4. nimirum, huiusmodi officium B. Virginis non iure scripto, sed vsu tantum, & consuetudine vim legis habente, recitari, quod expressè colligitur ex illis verbis constitutionis Pij V. Hoc autem concedimus sine præiudicio sanctæ consuetudinis illarum Ecclesiarum, in quibus officium B. Mariæ Virginis in choro dici consueuerat, ita vt in ipsis seruetur ipsa laudabilis consuetudo celebrandi more solito. Vbi Pontifex, solū hanc consuetudinem vocat, ac proinde in iure de tali præcepto non constat: sed vbi etiam de eo constaret, adhuc dici potest, fuisse temporale, donec nimirum illud bellum perduraret.

---

### QVÆSTIO CCCI.

*An qui debet horas canonicas recitare, teneatur quoque persolvere præces B. Virginis.*

RESPON

**R**ESPONDEO, eos qui iure coguntur horas canonicas recitare iuxta Breuiarium Romanum Pij V. non teneri officium paruum B. Virginis persolvere, vt expressè habetur in ipsa Bulla Pij V. Si tamen in Ecclesia iam erat consuetudo, vt officium B. Virginis in choro diceretur, vult Pontifex hanc consuetudinem in suo vigore permanere. Vade si alicubi talis cōsuetudo erat recepta instar legis sub mortali obligantis, etiam nunc post nouum Breuiarium obligabit. Et canonici, aliique collegiatarum Ecclesiarum clerici debebunt illi quoque interesse, si maioris officij distributiones lucrifacere volunt. Qui verò Breuiario veteri vtuntur, hi quoque tenentur sub mortali officium paruum B. Virginis iuxta morem, & vsum suæ Ecclesiæ persolvere: sed non puto hanc consuetudinem apud omnes tam strictè receptam, satis enim constat pluribus in locis id non fuisse seruatum. [Nota.]

---

## QVÆSTIO CCCII.

*An clerici certis hebdomada diebus teneantur officium mortuorum persolvere.*

**R**ESPONDEO eos qui non vtuntur Breuiario Pij V. sed retinent antiquum morem recitandi, teneri seruare consuetudinem sui loci, & Ecclesiæ, eodem modo quo consuetudo recepta est. Itaque si prius ex consuetudine tenebatur recitare tale officium sub mortali, eodem modo nunc tenentur. [Nota.] Illi verò qui Romano Breuiario vtuntur, ab hac obligatione tam in choro, quàm extra chorum eximuntur, vt expressè decernitur in Bulla Pij V. & Clement. VIII. quæ in principio Breuiarij Romani continentur. Eximuntur etiam ab onere recitandi  
psalmos

psalmos pœnitentiales, graduales, & litanias, quæ olim cani, ac recitari quotidie consueuerant, vt etiã habetur ex dicta Bulla. Quando autem in Breuiario præcipitur, vt eiusmodi officia dicantur etiam extra chorum, vtique dicenda sunt ab omnibus, vt officiũ defunctorum in anniuersario eorum, & litanie cum precibus in die S. Marci, & tribus Rogationum, pro his qui non adsunt processioni. Qui autem nunc vruntur Breuiario diuerso, si prius ex consuetudine tenebantur ad prædicta officia, modò etiam tenentur, quia tales non gaudent remissione Pij V. cum non assumpserint onus nempe recitandi officium ab eo institutum. Et ideo ita tenent Nau. de orat. c. 10. n. 3. Azor. lib. 10. c. 7. q. vlt. & c. 16. q. 3. & 4. Rodr. p. 1. c. 142. n. 1. Arag. 2. 2. q. 83. ar. 12. Suar. to. 2. de Relig. lib. 4. c. 23. n. 6. Filiuc. tract. 23. c. 6. q. 10. & c. 7. q. 8. & alij communiter.

---

### QVÆSTIO CCCIII.

*An Canonicus eius Ecclesiæ, in cuius choro cani solent prædicta parua officia, recitare debeat eadem, cum priuatim extra chorum horas canonicas persoluit.*

**N**ONNULLI affirmant eum ad id teneri, quia obligatur diuinum officium recitare more suæ Ecclesiæ, sed suæ Ecclesiæ vsu prædicta officia vnà cum Horis canonicis soluuntur, ergo tenetur ea priuatim recitare.

Alij verò rectius docent eum non esse ad id cogendum, si Breuiario Romano à Pio V. edito vtatur, eo quòd Pius V. immunes, ac liberos ab his par-

uis



uis officiis beneficiarios, & clericos reddit, quando priuatim extra chorum horas canonicas persoluit. Et ideo ita sentiunt Nauar. lib. 3. de celebr. Mis-  
sar. conf. 17. Sotus lib. 10. q. 5. art. 4. & alij.

## QVÆSTIO CCCIV.

*Sed dubitabit aliquis hoc loco. Quosnam comprehendat, siue astringat hæc obligatio in choro recitandi prædicta officia, singulos in particulari, an communitatem, an denique ad solum Prælatum extendatur.*

**Q**UIDAM affirmant omnes existentes in choro, dum prædicta officia dicuntur, comprehendere. Quia cum obliget chorum, consequenter videtur omnes etiam existentes in choro obligare.

Alij dicunt prædicta officia obligare in choro totam communitatem, neminem verò in particulari: sicut in simili casu de illo præcepto Genes. 1. Crescite, & multiplicamini, D. Tho. 2. 2. q. 152. art. 2. ad primum censet, ubi ait, hoc præceptum Domini non obligasse omnes, & singulos homines, sed tantum ipsam multitudinem. Vnde sicut prædictum præceptum; Crescite, & multiplicamini, licet neminem determinatè obliget, obligat tamen indeterminatè omnes, ita ut tempore necessitatis tenerentur illud homines adimplere. Ita simili modo saltem tempore, quo pauci choro assistunt; omnes ad illa attentè recitanda tenebuntur, aliàs periculum esset ut officia diuina in choro omitterentur.

Ego verò probabilius arbitror illam obligationem

nem recitandi prædicta officia in choro non comprehendere singulos, nec communionem, sed tantum ipsum Prælatum, ut faciat dicta officia publice in choro recitari, qui si in hoc fuerit negligens, tunc tenerentur singuli curare non omitti prædicta officia in choro, sed de hoc latè suprà diximus.

---

## Q V Æ S T I O   C C C V.

*An clerici, & beneficiarj, qui processionibus dum litania decantantur, non intersunt, teneantur sub mortali priuatim eas recitare.*

**C**AROLVS Macignus tract. de horis can. c. 29. n. 18. negat ex eo fundamento, quia putat huiusmodi litanias non esse priuatim recitandas ex præcepto.

Sed verius, & probabilius alij affirmant, quia hæ sunt pars diuini officij eo die recitandi, ut patet ex Rubricis & Kalendaris.

Tum quia de ipsis extat constitutio cap. Rogationes. de consecrat. dist. 3. & ideo ita tenent Filiuc. tract. 23. cap. 7. n. 24. & plerique alij.

Ex quo sequitur, eos, qui scienter huiusmodi litanias prætermittunt, teneri ad restitutionem fructuum, pro rata diuini officij, supposito quòd æquipolleant vni horæ canonicæ. Sed de hoc infrà ampliùs dicemus.

Hæc sunt, quæ de Horis canonicis mihi visum est esse dicenda.



## LIBER TERTIVS

D - E

# QVOTIDIANIS

## DISTRIBVTIONIBVS.

**D**ISSERVIMVS hactenus pro ingenii nostri tenuitate de oratione, & horis canonicis, nunc superest ad huius operis complementum, ut in hoc libro de quotidianis distributionibus agamus. De quibus disputant Doctores in cap. licet. de præbendis, & in cap. de catero. de Cler. non resid. Nauar. tract. de redd. & de orat. miscell. 59. Conar. lib. 3. var. resol. cap. 13. Azor. 2. p. lib. 7. cap. 7. Graff. p. 2. lib. 3. cap. 14. Petr. Moneta de distrib. per totum. Garz. 3. p. de benef. cap. 2. Mancig. de horis can. cap. 71. Suar. tom. 2. de Relig. lib. 4. cap. 10. & plerique alij.

T t QVÆ.

**R**ESPONDEO posse, modò isti verè pauperes sint. Ratio est, quia non videntur deterioris cōditionis aliis pauperibus, quamvis enim peccauerit officium omittendo, tamen cū restitutio facienda sit pauperibus, & ipse aut eius consanguinei paupertate laborent, negandum non videtur, quin gaudere possint fructu eleemosynæ, quæ pauperibus tribuitur.

Tum quia iura eos non excludunt, & hæc est eleemosyna, quam non tam ipse sibi, vel suis, quàm summus Pontifex per eum facit, vt ad multorum consolationem. Nauar. in summa cap. 25. num. 122. Tolet. lib. 2. cap. 12. num. 5. & Suar. tom. 2. de Religione cap. 30. num. 21. Quod intellige, modò ex cōsuetudine, vel statuto particulari non sit facienda restitutio alicui certo pio operi, aut aliis canonicis, vt accidit in distributionibus quotidianis, quia in tali casu beneficiarius pauper non poterit sibi, vel suis fructus restitutioni obnoxios applicare titulo paupertatis. Ita Rodr. 1. p. c. 146. n. 3. Nald. verb. officium n. 13. Arag. 2. 2. q. 83. art. 13. Suar. Tolet. & alij plerique vbi suprà.

Quam doctrinam arbitror verissimam, modò id faciat ex consilio prudentis confessarij, vel viri docti; ne in re propria decipiatur: & dummodo iste occasionem non sumat vacandi ab officio.

### QVÆSTIO CCXCVI.

*Utrum beneficiarius qui horas canonicas prætermisit, possit sibi retinere fructus, quos titulo remissionis recepit à pauperibus.*

RESPONDEO

**R**ESPONDEO non posse, si remissionem à pauperibus obtineat, quibus fructus nondum tradiderat. Ratio est, quia hic non dicitur restitutionem fecisse iuxta Romani Pontificis intentionem.

Tum quia pauperes, quibus fructus non traditi sunt, nullum ius habent ad illos, ergo non possunt illos remittere, cum remissio fieri debeat ab eo, qui ius verum, & proprium habet. Secus si fructus recipiat ab iis, quibus ipse tradiderat, quia tunc posset eos sibi retinere, cum id nullo iure prohibeatur, nec vllum inde incommodum sequatur.

Tum demum, quia retineri possunt distributiones, si postquam sine fraude, & dolo traditæ fuerunt canonicis, qui interfuerunt choro, iterum ab iisdem restituantur. Nec obstat Conc. Trid. sess. 24. c. 12. de reformat. quia ibi solum interdicitur collusio, & remissio, non autem donatio, postquam res accepta fuit. Ita Henric. lib. 13. c. 36. n. 3. Nau. de orat. Miscel. 19. n. 4. Suar. lib. 4. c. 30. n. 17. Azor. 2. p. lib. 7. q. 9. & multi alij.

---

## QVÆSTIO CCXCVII.

*An hac restitutio fieri possit pro celebrandis Missis, vel in aliis suffragiis offerendis pro defunctis.*

**R**ESPONDEO posse, nisi Ecclesiæ illius statutum, aut mos postulet, ut fructus amissi ob hanc, vel aliam causam, applicentur certis operibus. Et ratio est, quia etiam ipsi defuncti pauperes sunt, valdeque indigentes tali suffragio. Ita Navarr. in sum. cap. 25. n. 122. & de orat. cap. 7. n. 32. Suar. lib. 4. c. 30. n. 18. & Bonac. d. 1. q. 5. p. 4.

## QVÆSTIO CCXCVIII.

*An hac restitutio facienda sit fabricæ illius Ecclesiæ, ubi situm est beneficium.*

**T**OLETVS lib. 2. cap. 12. nu. 6. Graff. lib. 2. decis. cap. 5. 1. n. 3. & plerique alij affirmant.

Sed cæteri communi consensu negant. Quia in textu non habetur illa particula *Ecclesiæ*, sed *beneficiorum*. Vnde poterunt huiusmodi fructus insumi in vtilitatem fabricæ domus beneficij, in qua beneficiarius habitat, vel alterius domus ipsius beneficij pro fructibus colligendis, & cōseruandis, aut etiam in vtilitatem agrorum ipsiusmet beneficij, ut eius fructus in perpetuum augeantur. Hæc enim, & similia sub fabricis beneficiorum comprehenduntur. Ita Vasq. in opusc. de benef. c. 4. §. 1. ar. 1. dub. 9. Suar. li. 4. c. 30. n. 19. Molf. c. 5. n. 24 & Bonac. d. 1. q. 5. p. 4.

Ex quo infertur, beneficiariū qui diuinū officium non recitauit, non posse restitutionem facere in vtilitatem alterius loci pij. Ratio est, quia cōstitutio Pij V. solum mentionē facit pauperum, & fabricæ beneficij, non verò alterius loci, nisi ista restitutio redundet in vtilitatē pauperum, qui in eo loco v. g. alūt; tunc enim restitutio fieri censetur pauperibus, iuxta mentem dictæ Bullæ. Ita Suar. & alij suprà.

## QVÆSTIO CCXCIX.

*Vtrum pensionarius non recitans officium paruum B. Virginis, teneatur insumere pensionem in fabricis, vel pauperibus, vel potius non accipere à beneficiario soluente illam.*

NON

**N**ONNULLI putant pensionarium non debere accipere pensionem à beneficiato, quia non recitando fit incapax illius, & beneficiarius non tenetur soluere pensionem nisi personæ capaci.

Contrarium tamen est proculdubio affirmadum. Ducor, quia Pius V. in sua extrauaganti statuit absolute pensionarium paruum beatissimæ Virginis officium prætermittentem, debere restituere fructus pensionis eo modo quo beneficiarius obligatur.

Tum quia in hoc casu solet pensionarius compositionem fructuum à Romano Pontifice postulare ob omissam officij recitationem, & de facto conceditur, quod proculdubio non faceret Pontifex in præiudicium beneficiarij, si ei fructus pensionis deberentur, non enim compositio conceditur de restitutione, quæ certæ personæ facienda est. ut patet ex dictis à nobis in speculo confessoriorum. Et ideo ita sentiunt Garz. 3. p. de benef. cap. 1. n. 37. Suar. lib. 4. c. 30. n. 22. Bonac. disp. 1. q. 5. p. 4. & alij.

Ex quo sequitur, beneficiariū qui nouit pensionariū non recitasse suū officium, non posse pensiones denegare pensionario, ut sibi retineat, quia Pius V. vult fructus pensionis ob omisū officiū deberi fabricæ beneficij, vel pauperibus, nō autem beneficiario.

Dices, beneficiarius non tenetur fructus pensionis soluere pensionario excommunicato, sed potest eos sibi retinere, ergo potest etiam illos retinere ob omissam officij recitationem.

Respondeo non esse eandem rationem, nam excommunicatus est omnino incapax, & quasi pro mortuo reputatur, & de fructibus eius nihil aliud in particulari disposuit lex: hic autem qui diuinum officium prætermittit, non est simpliciter incapax, sed solum lege impeditur, ne tunc acqui-  
rat

652 DE HORIS CANONICIS  
rat fructus, sed eos fabricæ, vel pauperibus tradat.

---

### QVÆSTIO CCC.

*An paruum Beata Virginis officium ad horas canonicas pertineat.*

**N**AVAR. de orat. c. 10. n. 3. affirmat, pertinere. Sed cæteri communi consensu negant, & meritò quidē, quia horæ canonicæ multò ante huiusmodi officium fuerunt institutæ, nam vt D. Anr. 2. p. tit. 16. c. 1. §. 23. & Durant. in Rationali diu. off. li. 6. c. 2. testantur, Urbanus II. in Concil. Claramontano in Aruernis anno salutis nostræ 1096. cùm decretum fuit bellum sacrū, quo recuperata fuit terra Sancta, paruum B. Virginis officium instituit, ac præcepit, vt clerici illud quotidie recitarent.

Tū quia probabilius mihi est, quod docet Azor. lib. 10. c. 16. qu. 3. & 4. nimirum, huiusmodi officium B. Virginis non iure scripto, sed vsu tantum, & consuetudine vim legis habente, recitari, quod expressè colligitur ex illis verbis constitutionis Pij V. Hoc autem concedimus sine præiudicio sanctæ consuetudinis illarum Ecclesiarum, in quibus officium B. Mariæ Virginis in choro dici consueuerat, ita vt in ipsis seruetur ipsa laudabilis consuetudo celebrandi more solito. Vbi Pontifex, solū hanc consuetudinem vocat, ac proinde in iure de tali præcepto non constat: sed vbi etiam de eo constaret, adhuc dici potest, fuisse temporale, donec nimirum illud bellum perduraret.

---

### QVÆSTIO CCCI.

*An qui debet horas canonicas recitare, teneatur quoque persolvere præces B. Virginis.*

RESPON



**R**ESPONDEO, eos qui iure coguntur horas canonicas recitare iuxta Breuiarium Romanum Pij V. non teneri officium paruum B. Virginis persolvere, vt expressè habetur in ipsa Bulla Pij V. Si tamen in Ecclesia iam erat consuetudo, vt officium B. Virginis in choro diceretur, vult Pontifex hanc consuetudinem in suo vigore permanere. Vnde si alicubi talis cōsuetudo erat recepta instar legis sub mortali obligantis, etiam nunc post nouum Breuiarium obligabit. Et canonici, aliique collegiatarum Ecclesiarum clerici debebunt illi quoque interesse, si maioris officij distributiones lucrificare volunt. Qui verò Breuiario veteri vtuntur, hi quoque tenentur sub mortali officium paruum B. Virginis iuxta morem, & vsum suæ Ecclesiæ persolvere: sed non puto hanc consuetudinem apud omnes tam strictè receptam, satis enim constat pluribus in locis id non fuisse seruatum. [*Nota.*]

---

## QVÆSTIO CCCII.

*An clerici certis hebdomada diebus teneantur officium mortuorum persolvere.*

**R**ESPONDEO eos qui non vtuntur Breuiario Pij V. sed retinent antiquum morem recitandi, teneri seruare consuetudinem sui loci, & Ecclesiæ, eo modo quo consuetudo recepta est. Itaque si prius ex consuetudine tenebatur recitare tale officium sub mortali, eodem modo nunc tenentur. [*Nota.*] Illi verò qui Romano Breuiario vtuntur, ab hac obligatione tam in choro, quàm extra chorum eximuntur, vt expressè decernitur in Bulla Pij V. & Clement. VIII. quæ in principio Breuiarij Romani continentur. Eximuntur etiam ab onere recitandi psalmos

psalmos pœnitentiales, graduales, & litanias, quæ olim cani, ac recitari quotidie consueuerant, vt etiã habetur ex dicta Bulla. Quando autem in Breuiario præcipitur, vt eiusmodi officia dicantur etiam extra chorum, vtique dicenda sunt ab omnibus, vt officiũ defunctorum in anniuersario eorum, & litanie cum precibus in die S. Marci, & tribus Rogationum, pro his qui non adsunt processioni. Qui autem nunc vtuntur Breuiario diuerso, si prius ex consuetudine tenebantur ad prædicta officia, modò etiam tenentur, quia tales non gaudent remissione Pij V. cum non assumpserint onus nempe recitandi officium ab eo institutum. Et ideo ita tenent Nau. de orat. c. 10. n. 3. Azor. lib. 1 o. c. 7. q. vlt. & c. 16. q. 3. & 4. Rodr. p. 1. c. 142. n. 1. Arag. 2. 2. q. 83. ar. 12. Suar. to. 2. de Relig. lib. 4. c. 23. n. 6. Filiuc. tract. 23. c. 6. q. 10. & c. 7. q. 8. & alij communiter.

---

### QVÆSTIO CCCIII.

*An Canonicus eius Ecclesie, in cuius choro cani solent prædicta parua officia, recitare debeat eadem, cum priuatim extra chorum horas canonicas persoluit.*

**N**ONNULLI affirmant eum ad id teneri, quia obligatur diuinum officium recitare more suæ Ecclesie, sed suæ Ecclesie vsu prædicta officia vnà cum horis canonicis soluuntur, ergo tenetur ea priuatim recitare.

Alij verò rectiùs docent eum non esse ad id cogendum, si Breuiario Romano à Pio V. edito vtatur, eo quòd Pius V. immunes, ac liberos ab his par-

uis

uis officiis beneficiarios, & clericos reddit, quando priuatim extra chorum horas canonicas persoluit. Et idèd ita sentiunt Nauar. lib. 3. de celebr. Mis-  
sar. conf. 17. Sotus lib. 10. q. 5. art. 4. & alij.

## QVÆSTIO CCCIV.

*Sed dubitabit aliquis hoc loco. Quòsnam comprehendat, siue astringat hæc obligatio in choro recitandi prædicta officia, singulos in particulari, an communitatem, an denique ad solum Prælatum extendatur.*

**Q**UIDAM affirmant omnes existentes in choro, dum prædicta officia dicuntur, comprehendere. Quia cum obliget chorum, consequenter videtur omnes etiam existentes in choro obligare.

Alij dicunt prædicta officia obligare in choro totam communitatem, neminem verò in particulari: sicut in simili casu de illo præcepto Genes. 1. Crescite, & multiplicamini, D. Tho. 2. 2. q. 152. art. 2. ad primum censet, ubi ait, hoc præceptum Domini non obligasse omnes, & singulos homines, sed tantum ipsam multitudinem. Vnde sicut prædictum præceptum; Crescite, & multiplicamini, licet neminem determinatè obliget, obligat tamen indeterminatè omnes, ita ut tempore necessitatis tenerentur illud homines adimplere. Ita simili modo saltem tempore, quo pauci choro assistunt; omnes ad illa attentè recitanda tenebuntur, aliàs periculum esset ut officia diuina in choro omitterentur.

Ego verò probabilius arbitror illam obligationem



## LIBER TERTIVS

D · E

# QVOTIDIANIS

## DISTRIBVTIONIBVS.

**D**ISSERVIMVS hætenus pro ingenii nostri tenuitate de oratione, & horis canonicis, nunc superest ad huius operis complementum, vt in hoc libro de quotidianis distributionibus agamus. De quibus disputant Doctores in cap. licet. de præbendis, & in cap. de cætero. de Cler. non resid. Nauar. tract. de redd. & de orat. miscell. 59. Conar. lib. 3. var. resol. cap. 13. Azor. 2. p. lib. 7. cap. 7. Graff. p. 2. lib. 3. cap. 14. Petr. Moneta de distrib. per totum. Garç. 3. p. de benef. cap. 2. Macig. de horis can. cap. 71. Suar. tom. 2. de Relig. lib. 4. cap. 10. & plerique alij.

T t QVÆ.

## QVÆSTIO I.

*Quid nomine distributionum in iure intelligatur.*

**R**ESPONDEO, intelligi eas portiones pro-  
centuum, qui tribui, & diuidi debent per  
singulas horas inter eos qui in choro diuinis  
officiis interfunt, vt post, & ante multos alios mo-  
ner Coar. lib. 3. variar. resolut. cap. 13. num. 1.  
Et dicuntur *distributions*, à verbo *distribuo*, quia  
iuxta cuiusque merita, & qualitates, quotidianum-  
que laborem in Ecclesia susceptum, aliâque munia  
exercenda, clericis tanquam merces, denariûsque  
diurnus tribuuntur: est enim *distribuere* suum cui-  
que tribuere. Vnde *iustitia distributiva* dicitur, quia  
iuxta vniuscuiusque qualitates & merita distri-  
buit, vt egregiè tradit Diuus Thom. 2. 2. q. 61.  
ferè per totum. Dicuntur autem *quotidiana*, quia  
distribuantur iis, qui quotidiano ministerio  
in celebrandis officiis diuinis Ecclesiæ inser-  
uiunt.

## QVÆSTIO II.

*Quid sint distributiones quotidianæ.*

**R**ESPONDEO, quod sunt stipendium diur-  
num, quod Ecclesiarum collegiatarum, vel  
cathedralium beneficiariis exhibetur, quatenus  
verè,

verè, vel iuris fictione diuinis officiis in choro, pro sui muneris qualitate inseruiētes, interfint.

In qua definitione sex sunt particulæ. Prima est, *stipendium*, quæ ponitur pro genere, ad insinuandum quotidianas distributiones esse veluti salarium diurnum, quod canonicis, aliisve Ecclesiarum collegiatarum clericis, ratione laboris, & seruitij impensi in Domini vinea, idest Ecclesia circa diuinum officium debetur, & redditur.

Secunda est, *diurnum*, quæ ponitur non solum, quia distributiones dietim distribuuntur, verum etiam, quia iis conferuntur, qui quotidie singulis horis Ecclesiæ, & choro assistunt, nam distributiones quotidianæ sunt, licet statim non soluantur, sed post longum tempus, modo in solutione habeatur respectus ad singulas dies. Non addimus, & *nocturnum*, licet distributiones dentur etiam pro nocturnis horis, siue quia plures sunt horæ diurnæ, quàm nocturnæ, & denominatio fieri debet à maiori parte, siue quia denominari potest à die non artificiali, sed naturali, qui, vt omnes Doctores tradunt, noctem quoque comprehendit, iuxta illud Prophetæ Psal. 118. Septies in die laudem dixi tibi. Vnde septem horæ canonicæ promanarunt.

Tertia est, *quod Ecclesiarum collegiatarum, vel cathedralium beneficiariis exhibetur*. Quæ ponitur ad explicandum genus personarum, quibus distributiones conferuntur. Et ad differentiam earum distributionum, quæ clericis Ecclesiarum non collegiatarum, puta Rectoribus parochialium,

Capellanis, & similibus ratione sepulturæ, celebrationis Missarum, &c. tribuuntur, cùm tamen hæ distributiones solùm dentur clericis Ecclesiarum collegiatarum, vel cathedralium.

Quarta est, *quatenus diuinis officiis intersint*. Quæ ponitur ad ostendendam rationem, & causam formalem, ob quam hæ distributiones clericis Ecclesiarum collegiatarum conferuntur, nimirum vt diuinis officiis in Ecclesia intersint. Dixi verò, *diuinis officiis*, non autem *horis canonicis*, quoniam horarum canonicarum nomine, Missarum solemnities non comprehenduntur, vt rectè monet Nauar. de oratione cap. 3. num. 29. quibus tamen certa distributionum portio assignatur, vt constat: at verò appellatione diuinorum officiorum satis continentur, tam ipsa Missarum solemnities, quàm etiam horæ canonicæ, vt apertè colligitur ex cap. Dolentes. de celeb. Missarum, vbi Innoc. III. cùm duplicem excessum clericorum posuisset circa horas, & solemnities Missarum, districtè præcipit, vt diuina officia studiosè, pariter & deuorè celebrent.

Dixi, *intersint*, non autem *resideant*, vt admonerem non posse beneficiarios distributiones percipere, si in loco, vbi situm est beneficium, assidue resideant, nisi etiam diuinis officiis intersint, Ecclesiæ inservientes.

Quinta est, *verè, vel iuris fictione*. Quæ ponitur ad significandum, quòd non solùm dantur distributiones beneficiariis, qui verè, realiter, & personaliter diuinis officiis intersunt, sed etiam qui à iure habentur, ac si verè interessent, quales sunt infirmi, vel senio confecti, vel absentes ob iustam, & rationabi

rationabilem corporis necessitatem, aut propter Ecclesiæ vtilitatem, vt habetur in cap. vii. cō de cler. non resid. & nos fusiùs inferiùs ostendemus.

Sexta, & vltima particula est, *pro sui muneris qualitate inferuientes*. Quæ ponitur ad insinuandum primò, quòd qui in Ecclesia collegiata, vel cathedrali maiorem habet dignitatem, maiores quoque debet habere distributiones, vt optimè Abbas communiter receptus in cap. Cùm olim. in 6. de sent. & re iud. annotauit. Idque ex quibusdam sacrę Congregationis responsionibus colligit Garz. de benef. p. 3. cap. 2. nu. 460. sic explicans verbum illud, *proportionabiliter*, positum in sacro Concilio Tridentino sess. 21. cap. 3. de reformatione.

Secundò ad significandum, quòd ad lucrandum distributiones, non sufficit diuinis officiis interesse, seu choro personalem corporis præsentiam exhibere, sed debent etiam in celebrandis diuinis officiis ecclesiæ inferuire, ac ministerium eorum celebrationi, & altari exhibere.

### QVÆSTIO III.

*An appellatione fructuum beneficij distributiones quotidianæ comprehendantur.*

**N**ALDVS verb. distributiones nu. 1. affirmat, comprehendì.

Sed contraria sententia est verissima, vt constat ex Conc. Trid. sess. 24. cap. 12. de reformat. §. præterea; vbi cùm constituisset sancta Synodus, eos qui obtinēt canonicatū, dignitates, præbendas,

Tc 3 aut.



aut portiones in Ecclesiis collegiatis, si vltra tres menses ab iisdem Ecclesiis abfuerint, primo anno priuari dimidia parte fructuum, quos ratione præbendæ, ac residentiæ fecerunt suos, & si iterum eadem vsi fuerint negligentia, priuari omnibus fructibus, quos eodem anno lucrari fuerint. Subdit, distributiones verò, qui statis horis interfuerint, recipiant. Dictio enim illa aduersatiua, *verò*, posita inter fructus, & distributiones, apertè ostendit, ea inter se potius aduersari, quàm quòd alterum alterius appellatione contineri possit. Et ratio huius est, quia fructus qui ex beneficio percipiuntur, sunt annui redditus, qui ex certis Ecclesiæ bonis colligi solent. At distributiones sunt portio conflata ex prouentibus beneficij, quæ pro rata proportionem iuxta cuiusque merita confertur quotidie inseruientibus diuinis officiis.

Tum quia fructus rei alicuius, est qui ex re ipsa prouenit, at verò quamuis ex beneficio clericus ius habeat lucrandi distributiones, id tamen habet non immediatè, & per se ratione beneficij, sed ratione laboris, & seruitij Ecclesiæ præstiti, cuius duntaxat intuitu dantur distributiones: fructus autem beneficij, eo ipso beneficiario competunt, quòd beneficium ex titulo canonico, & legitimo obtineat, modò tamen diuinum officium priuatim recitet. Et ideo ita tenent Couar. lib. 3. var. resolut. cap. 13. nu. 1. Rodr. tom. 2. de Regul. q. 74. ar. 4. Azor. 2. p. lib. 7. cap. 7. q. 7. Valsq. de benef. cap. 10. §. 3. Macig. de dist. cap. 71. nu. 4. & alij.

Hinc, qui ob perpetratum crimen priuatur fructibus beneficij, non ob id censetur priuatus distri

distributionibus. Et ratio est, quia nisi aliud exprimat, propriè loquendo appellatione fructuum, non veniunt distributiones, nisi beneficium in solis distributionibus consistat, quia tunc ne sententia sit elusoria, priuatus fructibus censetur priuatus distributionibus.

Hinc, qui habet priuilegium à Papa, vt absens possit integrè percipere fructus beneficij sui, ac si præsens, & residens esset, non potest distributiones tempore absentix respondentes recipere. Ratio est, quia distributiones non eo ipso, quo clerici in Ecclesia resident, sibi lucrantur, sed quo præsentes in choro diuinis officiis statis horis intersunt, vt habetur in cap. vnico. de cler. non resid. & tradit Couar. lib. 2. var. cap. 13. num. 2.

Hinc, cum pensio alicui beneficio imponitur, non intelligitur in distributionibus imposita, cum beneficium fructus reddat à distributionibus separatos, nisi beneficium in solis distributionibus consistat, aut nisi Papa aliud exprimat. Ratio est, quia pensio constitui solet super fructibus beneficij, distributiones autem non intelliguntur nomine fructuum, sed ab ipsis distinguuntur.

Hinc licet petens beneficium, teneatur secundùm regulas Cancellariæ pretium illius fructuum manifestare Prælato, non tenetur tamen valorem distributionum dicere. Et ratio est, quia distributiones incertæ sunt, nec ad certam summam reduci possunt, quia incertum est, num quis interesse possit, sed sufficit principale exprimere, cum distributiones non comprehendantur nomine fructuum beneficij, nec in eius valore computari soleant.

## QVÆSTIO IV.

*An appellatione reddituum, seu prouentuum beneficij, quotidianæ distributiones comprehendantur.*

**R**ESPONDEO non comprehendi, vt constat ex cap. licèt. de præbendis, vbi sic dicitur. *Prouentus suos ecclesiasticos faceretis integrè ministrari, nolumus tamen, vt quotidianas distributiones percipiant.* Et cap. 2. de priuilegijs lib. 6. in fine, vbi de absentibus causa studij dicitur. *Recipiant integrè prouentus suos ecclesiasticos, sicut illi, cùm tamen absentes causa studij non percipiant distributiones.* Et ratio huius est, quia redditus dicuntur, eo quòd reddunt singulis annis: at quotidianæ distributiones non reddunt singulis annis, sed dictum, aut per singulos menses, aut sæpe saltem in anno distribuuntur. Et ideo ita tenet Rodriq. tom. 2. de Regular. q. 74. art. 4. & plerique alij.

## QVÆSTIO V.

*Quo iure introductæ sint distributiones.*

**P**ETRVS Moneta i. p. de distributionibus q. 3. num. 19. putat esse de iure naturali, & diuino. Sed non placet, quia in nullo sacræ scripturæ loco, vel Ecclesiæ traditione, vel Patrū autoritate habemus

habemus de quotidianis distributionibus, ergo distributionum vsus de iure naturali & diuino non est, cùm Deus ius suum positium aliquo scripturæ testimonio, vel Apostolica, & Ecclesiastica, vel Patrum autoritate indicare consueuerit.

Tum quia ius naturale semper, & vbique idem est, sed ante Concilium Tridentinum vsus distributionum non erat in omnibus Ecclesiis, vt constat ex illis verbis Concilij sess. 21. cap. 3. *Statuit sancta Synodus in Ecclesiis, in quibus nulla sunt distributiones, &c.* Ergo distributiones non sunt de iure naturali.

Tum demum, quia sequeretur, quòd summus Pontifex non posset cum absentè dispensare, vt distributiones tempore absentiae sumere posset, ac proinde, si dispensaret, nulla esset dispensatio, cùm Romanus Pontifex in iure naturali, & diuino dispensare nequeat. Quare dicendum est, iure tantùm positio Ecclesiastico, distributionum vsum esse introductum, vt apertè colligitur ex cap. Licet de præbendis. cap. fin. de concess. præben. cap. de cætero. cap. vnico de cler. non resid. & ex Concilio Tridentino citato.

## QVÆSTIO VI.

*Qua de causa introductæ sint quotidiane distributiones..*

**R**ESPONDEO ad manutenendum, & augendum cultum diuinum, vt constat tum ex constit. c. 5.

Pij V. in principio ibi. *Volentes igitur quantum in*

*T c s nobis*

*nobis est, diuino cultui consulere.* Tum ex sacro Concilio Trident sess. 21. cap. 3. in illis verbis. *Cum beneficia ad diuinum cultum, atque Ecclesiasticamun-  
nia obeunda sint instituta, ne qua in parte minuatur  
diuinus cultus, sancta Synodus statuit, &c.* Vnde sicut  
homines amore præmij facilius trahuntur ad ob-  
sequium aliquod præstandum, ita beneficiarij spe  
lucrandi distributiones ad interessendum diuinis  
officiis in Ecclesia alliciuntur. Nauar. tract. de orat.  
cap. 18. n. 10.

---

## QVÆSTIO VII.

*Quibusnam distributiones quotidianæ  
debeantur.*

**R**ESPONDEO canonicis, aliisque collegiatarum, seu cathedralium Ecclesiarum clericis, qui in choro diuinis officiis intersunt, & inseruiunt, vt constat ex cap. vnico. de cler. non resid. in 6. vbi Pontifex consuetudinem damnat, qua distributiones quotidianæ dantur beneficiariis residentibus, quamuis diuinis officiis, quibus debent horis non intersunt. Vbi perspicitur, magnum esse discrimen inter residentiam, & interessentiam. Nam residentia est illa, per quam quis in Ecclesia sua corporalem præsentiam, licet non continuam, exhibet, interessentia verò est, cum choro addictus, continuè adest diuinis officiis, in iisque Ecclesiæ inseruit. Azor. p. 2. lib. 7. c. 7. q. 5.

Ex quo colligitur, canonicum qui choro non interest, non posse distributiones percipere, quia  
distr

distributiones solùm intereſſentibus, & recitanti-  
bus debentur. Quod procedit primò etiam in tri-  
bus illis menſibus, qui in Concilio Trid. ſeſſ. 24. c.  
12. permittuntur. Licèt enim Canonici eo tempo-  
re abſentes non priuentur fructibus beneficij, di-  
ſtributiones tamen non lucrantur, vt teſte Bonac.  
d. 2. q. 1. Sacra Congregatio Concilij declarauit.

Secundò procedit, etiamſi pro primis ſex men-  
ſibus non interſit. Quia quamuis beneficiarius qui  
primis ſex menſibus à die poſſeſſionis beneficij of-  
ficiũ non perſoluit, lucretur fructus ex Bulla Pij  
V. diſtributiones tamen non acquirit, quia Ponti-  
fex de iis non loquitur, cùm fructus à diſtributio-  
nibus diſtinguantur, & diſtributiones ſolùm inter-  
eſſentibus competant. Quod puto veriſſimum,  
etiamſi beneficium in ſolis conſiſtat diſtributioni-  
bus, vt teſte Garz. 3. p. cap. 2. n. 250. Sacra Congre-  
gatio, quæ interpretationibus ſacri Concilij præeſt,  
declarauit.

## QVÆSTIO VIII.

*An conſuetudine introduci poſſit, vt in abſen-  
tia quis percipiat diſtributiones.*

**R**ESPONDEO non poſſe. Et ratio eſt, quia Bo-  
nifacius VIII. damnat in vniuerſum quam-  
uis conſuetudinem, qua diſtributiones conferuntur  
beneficiariis choro non intereſſentibus: nam cùm  
tres cauſas excipiat, reliquas omnes reprobare cē-  
ſetur. Quam conſtitutionem Concilium Tridenti-  
num ſeſſ. 24. c. 1. innouauit his verbis. Diſtributio-  
nes verò, qui ſtatis horis interfuerint, recipiant,  
reliqui

reliqui verò careāt iuxta Bonifacij VIII. decretum, quod incipit, *Consuetudinem*, &c. Quod sancta Synodus in vsum reuocat, non obstantibus quibuscunque statutis, & consuetudinibus.

---

## QVÆSTIO IX.

*Vtrum Canonici teneantur diuinum officium canendo recitare.*

**R**ESPONDEO teneri, vt constat ex cap. fin. d. 92. vbi habetur clericos choro destinatos debere ad Ecclesiam conuenire ad quotidianum psallendi officium, is autem, qui submisit diuinum officium persoluit, non dicitur psallere.

Tum quia quilibet tenetur munus suum obire, munus autē Canonici est canere, id est alta voce recitare. Ita Sotus lib. 10. de iust. & iure q. 5. ar. 4. Mancig. de horis canonicis cap. 66. & Bonac. d. 2. q. 1. p. 3. & alij communiter.

Hinc, qui in choro diuinum officium persoluit sed secretè illud pronunciat, muneri chori non satisfacit, ac proinde distributiones quotidianas non lucratur. Et ratio est, quia hic de numero chori non censetur, cum teneatur illum adiuuare, taliter vt seipsos audiant adinuicem.

Hinc, qui in choro intelligibili voce, sed non alternatim cum aliis diuinum officium recitat, suæ obligationi non satisfacit. Et ratio est, quia distributiones dantur peculiariter ad hoc, vt alternatim cum aliis cantet, & psallat in choro, & si id non efficit, restituere distributiones tenetur, siquidem

siquidem munus suum non implet. Vasq. de benef.  
c. 4. dub. 4. §. 3.

---

## QVÆSTIO X.

*An qui in choro suos versus alta voce cantat,  
alios verò qui ab alio choro cantantur,  
submissè recitat, obligationi diuini officij,  
& debito chori satisfaciat.*

**R**ESPONDEO satisfacere. Et ratio est, quia ex  
vi præcepti obligatur ad recitandum totum  
officium integrè in choro, siue totum dicendo,  
siue partim dicendo, partim audiendo: id autem  
præstat, qui sic facit, ergo. Ita Bonacina de distrib.  
disp. 1. q. 3. p. 2.

---

## QVÆSTIO XI.

*Vtrum Canonicus possit alium in sui locum  
substituere, & distributiones capere.*

**R**ESPONDEO non posse, vt constat ex Conci-  
lio Tridentino sess. 24. cap. 12. de reformat.  
vbi decernitur, vt omnes canonici, aliisque choro  
deputati teneantur diuina per se, & non per substi-  
tutos obire officia. Et ratio huius est, quia recitatio  
diuini officij in choro persoluendi est personalis,  
obligatio autem personalis non potest ab alio ad-  
impleri, vt patet in ieiunio, vel auditione Missæ  
debita



670 DE QVOTIDIANIS DISTRIBVT.  
debita ex præcepto, &c. Et ideo ita tenent Nauar.  
Bonacina, & alij communiter.

---

## QVÆSTIO XII.

*An canonici affistentes tantum personaliter  
choro, & ibi non recitantes, sed domi, eos  
fructus sibi acquirant, quos quotidianas  
distributiones appellant.*

**I**N qua re certum est in primis, quòd si canonici  
domi diuinum officium persoluant, si tamen sui  
præsentiam corporalem in choro non exhibent,  
non lucentur distributiones in foro conscientiz,  
vt optimè resoluit Concilium Tridentin. sess. 24.  
cap. 12.

Secundò etiam est certum, quòd si Canonici ca-  
pellanos, seu Mansionarios non habent, vel si eos  
habent, non adsunt, tenentur ipsi horas canonicas  
psallere sub onere restitutionis. Nam tunc nec per  
se, nec per alios officium suum adimplent, & Eccle-  
siam defraudant debito seruitio horarum canoni-  
carum, ob quod sicut ob causam totalem, vel sal-  
tem principalem, dantur illis in stipendium distri-  
butiones.

Tertiò etiam est certum, non teneri Canonicos  
canere, quando officium in choro dicitur cantu fi-  
gurato, aut firmo, sed satis esse, quòd habeant ca-  
pellanos, aut Mansionarios, qui id muneris ex-  
quantur, vnde quamuis tunc taceant, nec peccant,

nec

nec restituere tenentur, vt patet ex communi consuetudine totius orbis recepta, tolerata, & approbata, Papa cæterisque Prælatiſque videntibus, & tacentibus, cùm non deceat eorum grauitatem, illo genere cantus vti.

Tum quia nullus canon, nulla constitutio, nulla ratio cogit Canonicos eo, genere cantus canere; cùm nullum de eo præceptum reperiatur.

Quartò, & vltimò, etiam est certum, quòd si subsit aliqua causa iusta non cantandi in choro vt infirmitas, vel aliquid huiusmodi, tunc Canonici non cantantes nec peccabunt, nec distributiones amittent, vt habetur in c. vnic. de cler. non resid. & tradit Petr. Nau. lib. 2. de restit. cap. 2. dub. 3. numero 207.

Hinc, qui ob defectum vocis non canit, non peccat, sed potest distributiones percipere. Nauar. de orat. cap. 11. nu. 41.

Hinc, qui non canit, quia est occupatus in querendo psalmos, antiphonas, in præuidendo lectionem, aut responſorium à se canendum, deferendo candelabrum, aut thus, vel prunas ad thurificandum, & huiusmodi, non peccat, sed lucrificat distributiones quotidianas, quamuis postea teneatur priuatim supplere quod omisit, secundum Nauarr. de oratione capit. 10. numero 69. & 70. qui id temperat capit. 11. numero 36. modò commodè id ante, vel post tempus horarum fieri non poterit

## QVÆSTIO XIII.

*Totum igitur controuersia diffidium versatur,  
An canonici assistentes, & non canentes  
sine iusta causa, possint distributiones lu-  
crari.*

**P**ETR. Nauar. lib. 2. de restit. cap. 2. dub. 3. n. 217. Aragona 2. 2. q. 83. ar. 13. Less. lib. 2. de iust. cap. 34. dub. 33. & Garz. p. 3. cap. 2. n. 514. affirmant posse, dummodo Mansionarios, aut Capellanos habeant, qui officium in Ecclesia cantent, & ipsi illud domi recitent, præsentésque sint choro, attendentes saltem ad verba, vel attentione quadam saltem externa corporis sint assistentes.

Sed cæteri communi consensu negant, & meritò quidem, quia distributiones canonicis conferuntur, vt choro inseruiant: sed si non canunt, non inseruiunt choro, nec satis est, vt assistant, quia assistentia non per se intenditur, nisi in ordine ad psallendum in choro, sicut operarius non conducitur vt vineæ assistat, sed vt operetur.

Tum quia beneficium datur propter officium, cap. fin. de rescrip. in 6. Sed officium canonici est, vt in choro cum aliis alternatim diuinum officium persoluat, ergo nisi in choro psallat, non potest distributiones percipere.

Tum quia, licèt canonici satisfecerint domi obligationi recitandi horas, in quantum clerici

in facris, non satisfaciunt, tamen in quantum sunt Canonici quia sic tenentur ire ad Ecclesiam, & assistere choro personaliter recitantes officium diuinum, non verò assistere loquendo inuicem, & perturbantes communitatem, ita vt videatur magis domus conuersationis, quàm orationis.

Tum quia, vt ait Caietanus in summa verb. horre, non satisfacit præcepto dicendi diuinum officium, qui est in choro, & partem dimidiam non canit, etiam si illam recitet submissè, & aliam dimidiam partem audiat, ergo multò minùs suæ obligationi satisfaciet, si nullam partem ibi cum aliis recitet. Nam ratio chori consistit in communicatione vnius cum alio, ita vt quidquid diuini officij ibi dicitur, sit commune alteri, sed non potest esse commune alteri, quando dicit sibi soli, quia vt sic, est sibi proprium. Quare recitans per se, & non cum aliis, non satisfacit obligationi annexæ choro, atque adedò nec distributiones huic coniunctas lucrabitur.

Tum quia in Concilio Tridentino sess. 24. cap. 12. de reformat. decernitur, vt omnes Canonici per se diuina, & non per substitutos compellantur obire officia, atque in choro ad psallendum instituto hymnis, & Canticis Dei nomen reuerenter, distinctè, deuotèque laudare. Et in Constit. Pij V. quæ incipit. *Ex proximo Lateranensi Concilio*, &c. Romanus Pontifex decernit, vt Canonicus, qui non psallit in choro, licèt præsens adsit, distributiones amittat, quas alioqui lucrificisset, si cantasset.

Ex quo colligitur, debere Canonicos ad distributiones lucrandas, persolvere horas canonicas in choro cum aliis, tenerique ad psallendum,

& recitandum partem suam, non qualitercunque, sed vt communem sibi, & aliis, quia debet esse vt pars chori, & per consequens vt per audibilitatem communicabilis aliis, ac ideo submissè dicēdo, cū vt sic, non sit pars communis officij, quia non participatur ab aliis per audibilitatē, non satisfacere suę obligationi, nec posse distributiones accipere, immò ad easdem restituendas aliis Canonicis obligari, quòd si non pręstiterit, non posse absolui. Et ideo ita tenent Nauar. de orat. cap. 10. num. 47. & cap. 11. nu. 41. cap. 13. nu. 17. & Miscell. 79. Caieta. tom. 1. opusc. tract. 3. resp. 8. Sot. lib. 10. de iust. q. 5. art. 4. Couar. lib. 3. var. cap. 13. in principio. Azor. lib. 10. cap. 11. q. 5. Rodr. 1. p. cap. 147. conclus. 5. Suar. lib. 4. cap. 12. num. 8. 9. & 10. & Paulus Comitol. resp. mor. lib. 1. q. 62. num. 2. vbi etiam testatur sacram Congregationem declarasse Canonicos muneri suo non satisfacere, nisi in choro psallant.

---

## QVÆSTIO XIV.

*An consuetudine introduci possit, vt Canonici choro interessentes, & per alios canentes possint distributiones acquirere.*

**R**ODRIG 1. p. cap. 145. nu. 5. Graff. lib. 2. decis. cap. 52. nu. 22. Moneta de distrib. 2. p. q. 2. nu. 31. & multi alij negant, ducti eo fundamento, quia constitutio Pij V. non solum quamuis consuetudinem in contrarium improbat, verum etiam decernit huiusmodi consuetudinem esse irrationabilem, & iniquam: nulla autem consuetudine introduci

roduci potest, vti id quod est ex se iniquum, licitè fieri queat.

Sed quamuis sententia hæc sit valdè probabilis, probabiliorem tamen iudico contrariam, nimirum vbi viget consuetudo, vt Canonici non psallant in choro, nisi per Mansionarios, vel Capellanos, posse sibi acquirere distributiones. Et ratio est, quia vt Canonici per se ipsos in choro diuinum officium persoluant, est solum de iure positiuo: consuetudo autem induci potest contra ius positiuum, vt constat, ergo.

Tum quia illud per consuetudinem introduci potest, quod potest priuilegio concedi, priuilegio autem summi Pontificis concedi potest, vt quis in choro per alium officium diuinum persoluat, ergo.

Tum quia valet consuetudo, quæ paruum, aut nullum præiudicium affert Ecclesiæ, vt ex cap. cum omnes, de const. cum Curtio, Panor. & aliis resoluit Moneta 2. p. q. 3. nu. 44. Hæc autem consuetudo est huiusmodi, vt constat, cum alij sint, qui loco canonicorum diuinum officium persoluant, ergo.

Tum demum, quia consuetudo legem abrogare potest, quoties à iure non reprobatur. A iure autem non reprobatur consuetudo, vt quis per alium inseruiat. Et ideo ita tenet Caiet. in sum. verb. Horæ in fine. Petr. Nau. de rest. lib. 2. c. 2. n. 217. Arag. 2. 2. q. 83. art. 13. Less. lib. 2. c. 34. dub. 33. Garz. 3. p. c. 2. nu. 517. Azor. li. 10. c. 11. q. 6. & Suar. li. 4. c. 12. n. 13.

Et ad fundamentum contrariæ opinionis respondeo, constitutionem Pij V. non loqui de assistentibus choro, & per alios recitantibus ex præscripta consuetudine, quæ non censetur reprobari, nisi exprimatur.

## QVÆSTIO XV.

*An hæc consuetudo post Concilium Tridentinum, & prædictam Pij V. constitutionem valeat.*

**R**ESPONDEO valere, vbi moribus vtentium fuerit recepta, siue continuata post Concilium Tridentinum, quoniam in hac etiam parte Concilio Tridentino, & constitutioni Pij V. consuetudo potest derogare.

## QVÆSTIO XVI.

*Quantum temporis requiratur, vt huiusmodi consuetudo legitime introducta censeatur.*

**N**AVAR. vt refert Suar. lib. 4. cap. 12. num. 13. requirit tempus immemorabile.

At verò Azor. lib. 10. cap. 11. quæst. 6. & Suarez loco citato docent sufficere spatium quadraginta annorum.

## QVÆSTIO XVII.

*An qui sponte animo distracto diuinum officium persoluit, vel ad socios recitantes non attendit, distributiones quotidianas lucretur.*

PETRVS

**P**ETRVS Moneta de distrib. p. 3. q. 7. nu. 75. & Garzias 3. p. de benef. cap. 2. nu. 514. affirmat lucrari, nec ad illarum restitutionem teneri.

Contrarium tamen est proculdubio affirmandum. Ducor, quia distributiones non conferuntur ob solam corporalem, & materialem præsentiam, sed ob formalem, & humanam, quæ necessariò requiritur ad orandum, vel participandum in oratione, nec dicitur præsens, modo ab Ecclesia præscripto, qui non attendit.

Hinc qui, dum horæ canonicæ in choro recitantur, subscribunt epistolis, scripta legunt, confabulantur, aut etiam aliud officium persolunt, aut quid simile faciunt, quod ad id quod recitatur, non pertinet, suo muneri non satisfaciunt, nec lucrificiunt distributiones. Nauar. de orat. c. 1. q. m. 12.

## QVÆSTIO XVIII.

*An qui alternatim diuinum officium persolunt, ad utrumque chorum canentem attendere teneantur.*

**R**ESPONDEO teneri. Et ratio est, quia ex vi præcepti tenentur hi integrum officium diuinum audire: at qui non attendunt, eo ipso neque audiunt eo modo, quo debent, neque concutunt ad partem illam, ergo perinde est, ac si omitterent. Nec satisfaciunt dicendo eam priuatim, quia tenentur satisfacere non modò orationi priuatæ, sed publicæ totius chori, & totam quodammodo suam facere. Ita Filiuc. tract. 23. cap. 6.



## QVÆSTIO XIX.

*An Canonicus suæ obligationi recitandi officium satisfaciat, qui suos versiculos ad se pertinentes recitat, sed alios quos alter chorus dicit, non percipit, quamuis attendat.*

**E**MMANVEL Sà vel horæ Canonice num. 9. tenet eum satisfacere.

Ego verò contrarium verius puto, cum Suarez lib. 4. cap. 30. num. 15. & Bonacina disp. 1. q. 3. p. 2. num. 20. Ducor, quia ille non satisfacit præcepto, qui non recitat diuinum officium, vel non communicat in illis versiculis, qui ab altero choro canuntur: hic autem qua parte non audit canentes, non recitat, nec communicat in illa parte, quæ à sociis canitur, ergo non satisfacit præcepto, ac proinde tenetur priuatim supplere.

Existimat tamen Suarez lib. 4. cap. 30. hunc postquam suppleuit, posse distributiones percipere. Et ratio est, quia hic verè dicitur astitisse choro, & communicasse suam partem aliis, neque per ipsum sterisse, quin partem ab aliis recitatam audiret: conditio enim censetur adimpleta, quando non stat per eum, qui eam adimplere debet.

QVÆ

## QVÆSTIO XX.

*An qui ob mortalem finem diuinum officium  
persoluit, suo muneri satisfaciat.*

**R**ESPONDEO satisfacere, quoad substantiam præcepti, nec teneri ad restitutionem, modò cum debita attentione, & intentione orandi illud recitet. Quia hic verè orat, nec prauus finis tollit substantiam operis. Et ideo ita tenent Nauarr. de orat. cap. 20. nu. 29. & Suar. tom. 2. de Relig. lib. 4. cap. 3. num. 5.

## QVÆSTIO XXI.

*An qui in eadem Ecclesia licitè duas habet  
præbendas, ut si simul sit Archidiaconus,  
& Canonicus, una interessentia distribu-  
tiones duplices acquirat?*

**C**OVARR. lib. 3. var. c. 13. n. 6. Vasq. de benef. c. 4. dub. 1. §. 3. & Naldus verb. Canonicus n. 1. docet hunc duplices distributiones lucrari.

Sed verius, ac probabilius multò est, quod tenent Azor. p. 2. lib. 7. cap. 7. q. 13. Garz. 3. p. de benef. cap. 2. n. 185. & Bonac. disp. 2. q. 6. p. 3. nimirum ob-  
rinentè duas præbendas nō posse duplicatas habere  
distributiones. Et ratio est, quia distributiones non  
debentur, aut dantur ratione beneficii, sed præsen-  
tiæ, muneris, & officij, quod quis in Ecclesia facit,

vt patet ex textu dicti cap. vnic. de cler. non resid.  
 & nos latius explicauimus in definitione distributionum quæst. 2. At vnus, & idem, licet duo beneficia in eadem Ecclesia simul obtineat, duo tamen munera, & officia simul non obit, ergo par non est, vt duas capiat distributiones.

Nec valet responsio Abbatis cap. cùm olim. in 6. nimirum hunc interesse, & vt Canonicum, & vt Archidiaconum, quia adhuc non potest nisi semel interesse, & vnico tempore vnicum Ecclesiæ seruitium exhibere.

Nec etiã valet responsio Felini loco citato, quod vtramque repræsentat personam, vnde cum nõ possit assignari ratio, cur magis dentur quotidianæ distributiones ratione Archidiaconatus, quàm Canonicatus, debentur ex vtraque ratione. Quia dici potest, deberi vel vnicam distributionem ex vtraque parte, vel eam, quæ respondet Archidiaconatui tanquam digniori, vel si vtraquæ beneficia sint æqualia, ex altero indeterminatè, vel ex eo quòd maluerit is eligere, qui vtramque obtinet.

Obiicies, si duo officia vniantur, debentur duo salaria vtrumque habenti.

Respondeo id esse verum, quia duplicato labori, duplex merces debetur, at verò in casu nostro vnus est labor, & vna interessentia, propter quam dantur quotidianæ distributiones.

Dices, potest quis duplici officio fungi, ergo & emolumentum vtrique officio assignatum percipere.

Respondeo, antecedens esse verum, quãdo exercitium vnus alterum non impedit, at in casu nostro non solum duæ interessentiæ se impediunt in

vnicæ

vnica persona, sed etiam implicat, vt simul sint eodem tempore.

Dices, qui Archidiaconus simul & Canonicus est, habet duas voces in Capitulo, ergo.

Respondeo negando consequentiam. Et ratio negationis est, quia habere duas voces, ei competit in consequentiam dignitatis: & quia ad hoc vt clericus habeat vocem, solum sufficit quod habeat ius canonice; at verò vt habeat distributiones, requiritur etiam realis interessentia: quæ duplicari non potest.

Dices, qui plura beneficia obtinet, vna recitatione fructus omnium acquirit, ergo etiam distributiones omnium vnica interessentia lucratur.

Respondeo negando consequentiam. Et ratio disparitatis est, quia illud legitima consuetudine, & moribus omnium plura beneficia habentium, comprobatum est, sciente, & permittente summo Pontifice: circa distributiones verò non extat huiusmodi consuetudo, vel permissio.

Tandem est conclusio definita à Sacra Congregatione, quæ teste Garz. loco citato bis declarauit, obtinentem legitimè duas dignitates, debere in digniore residere, & posse fructus præbendæ alterius dignitatis percipere, non tamen quotidianas distributiones, quæ illi responderent. Quam doctrinam censeo esse verissimam, si eodem tempore diuina officia recitentur, quia cùm in aliqua ex iis Ecclesiis, diuinis officiis non intersit, illius distributionibus carere debet. Secus si ex dispensatione Apostolica Canonicus quis sit in pluribus Ecclesiis, quia tunc pro tempore, quo in eisdem diuinis interest, lucrari poterit vbique distributio-

682 DE QVOTIDIANIS DISTRIBVT.  
nes, cùm id faciat, ad quod illæ tribuuntur, & alio-  
qui iustè retineat vtrumque canonicatum, cuius  
ratione capax quis est distributionum. cap. Dile-  
ctus. At verò iure communi ad lucrandas distri-  
butiones omninò requiritur interessentia, quæ re-  
gulariter multiplicari non potest.

---

## QVÆSTIO XXII.

*An per consuetudinem fieri possit, vt ha-  
bens dignitatem, & canonicatum,  
vel duos canonicatus, vna interessen-  
tia, vtriusque canonicatus distributiones  
capiat.*

**R**ESPONDEO posse. Et ratio est, quia quod  
potest fieri per dispensationem, potest et-  
iam per consuetudinem iusta de causa introduci;  
Sed hoc potest fieri per dispensationem Pontificis,  
vt constat, ergo etiam per consuetudinem.

¶ Tum quia consuetudine receptum est, vt obti-  
nens plura beneficia, vnica diuini officij recita-  
tione omnibus beneficiis satisfaciatur, & fructus  
omnium acquirat, ergo etiam consuetudine in-  
duci potest vt habens plures canonicatus in ea-  
dem Ecclesia, vnica interessentia binas distribu-  
tiones capiat. Ita Couaruu. lib. 3. var. capit. 13.  
numer. 6.

## QVÆSTIO XXIII.

*Sed quæres, quantum temporis sufficiat  
ad hanc consuetudinem legitime  
introducendam.*

**R**ESPONDEO, sufficere spatium quadraginta annorum. Et ratio est, quia hæc consuetudo est contra ius commune. At quando consuetudo est contra ius commune, quadraginta annorum spatium requiritur, vt in materia de legibus communiter Doctores tradunt, & nos latius diximus in Speculo confessoriorum.

## QVÆSTIO XXIV.

*Ex quibus causis Canonici absentes licite  
possint distributiones quotidianas  
acquirere.*

**R**ESPONDEO ex tribus duntaxat, expressis in cap. vnico. de clericis nō resid. in 6. Videlicet si infirmitas Canonici, aut iusta, & rationabilis corporis necessitas, aut euident Ecclesiæ vtilitas excuset. Dum enim Romanus Pontifex ab illis absentibus, seu diuinis non interessentibus, quos non vult de quotidianis distributionibus participare excipit hos tres casus, aperte decidit istos ad earum participationem esse admittendos.

QVÆ

## QVÆSTIO XXVI.

*An quælibet infirmitas excuset ab obligatione interessendi, ut distributiones lucretur.*

**R**ESPONDEO minimè, sed ea solùm excusat, quæ impedit quominus Canonicus choro interesse possit.

Tum quia non quælibet infirmitas excusat ab obligatione recitandi diuinum officium, ergo nec quælibet infirmitas excusat ab obligatione interessendi, ut distributiones lucretur.

Ex quo infert Nauar. de orat. cap. 19. num. 81. neque surditatem, neque cæcitatem esse infirmitatem sufficientem ad lucrandas distributiones quotidianas, non eundo ad chorum.

Et per grauem infirmitatem hoc loco intelligitur, non solùm illa, quæ absolutè grauis est, verùm etiam, quæ absolutè leuis est, sed accessu ad chorum grauis efficeretur. Quæ autem infirmitas sit leuis, aut grauis, medici, aut viri prudentis consilio iudicandum relinquitur.

## QVÆSTIO XXVII.

*An infirmus qui ante infirmitatem choro assistere non solebat, possit nunc tempore infirmitatis distributiones lucrari.*

PETRVS

PETRVS Nauarra lib. 2. de restit. cap. 2. dub. 3. affirmat posse.

Contrarium tamen verius, & probabilius videtur, nempe eum qui cùm bene valet, diuinis officiis in choro interesse non solet, non posse distributiones lucrari. Et ratio est, quia hic non dicitur abesse ob infirmitatem, cùm infirmitas per accidens se habeat ad absentiam, nec potest dici causa, cur in Ecclesia suum officium non præster, quia quo tempore bene valet, in Ecclesia inseruire non solet: at in cap. vnico citato, excipitur absens causa infirmitatis. Et ideo ita tenent Syluest. verb. beneficium §. q. 3. Couar. lib. 3. var. cap. 13. nu. 8. Azor. lib. 7. q. 11. Macig. cap. 71. nu. 56. & Vasq. de beneficiis cap. 4. dub. 3.

Possent tamen opinio Petri Nauarr. amplecti, ut iste infirmus lucrari possit distributiones tempore infirmitatis, si pœnitentia ductus in ipsa infirmitate efficaciter vellent choro assistere, tunc enim dicitur abesse ob infirmitatem, cùm reuera propter infirmitatem steter, quominus choro assistat.

## QVÆSTIO XXVII.

*An qui choro interesse solebat, sed concepto proposito non interessendi, incidit in morbum, possit distributiones percipere.*

RESPONDEO non posse, si infirmus vi huius propositi de facto, choro non interfuisset. Quia



Quia tunc non dicitur abesse ob infirmitatem. Ita Macignus cap. 71. num. 56.

Hinc infirmus qui aliquoties interesse solebat, potest distributiones percipere, habita ratione temporis, quo interesse consueuerat, & distributionum, quas sanus verisimiliter lucratus fuisset: nam infirmitas hac in parte præsumitur causa absentia, ergo distributiones illas lucrari potest.

### QVÆSTIO XXVIII.

*An qui aliàs, cùm bene valebat, diuinis officiis tempore statuto interesse consueuerat, sua culpa in morbum incidit, ut quia intemperanter vixit, aut quia altercando, vulnus accepit, possit tuta conscientia distributiones acquirere.*

**R**ESPONDEO posse. Et ratio est, quia infirmitas etiam ex culpa contracta, impedit quominus præsens in Ecclesia sit, ac proinde istam habet absentia excusationem.

Tum quia hîc reueradicitur abesse ob infirmitatem, & cùm lex non distinguat de infirmitate ex culpa, vel sine culpa, non est cur nos distinguamus, præsertim quia ex hac distinctione facilè suboriretur scrupulorum copia, omnes enim infirmi dubitarent, an in morbum ex propria culpa incidissent. Et ideò ita tenent Nauarrus consil. 13. de celebratione Missarum, Couarruias lib. 3. variar. cap. 13. num. 8. Azorius lib. 7. cap. 7. quæst.

11. Petrus Nauarrus lib. 2. cap. 2. dubio 4. num. 239. Macig. cap. 71. num. 58. Garzia de beneficiis parr. 3. cap. 2. num. 363. Moneta part. 2. quæst. 6. num. 12. & Naldus verbo Distributiones, num. 11. vbi ait, ita per sacram Congregationem declaratum fuisse.

## QVÆSTIO XXIX.

*Sed quid de eo, qui data opera in morbum incidit, ut morbo impeditus personaliter interesse nequiret, an hic possit distributiones lucrari.*

**M**ONETA 2.p. quæst. 6. num. 11. & Couar. lib. 3. var. cap. 13. num. 8. negant.

Alij verò vt Bonacina disputat. 2. quæst. 5. p. 11.<sup>a</sup> affirmant hunc posse distributiones lucrari, quia ius non respexit intentionem, sed ipsammet infirmitatem.

## QVÆSTIO XXX.

*An distributiones debeantur ei, qui causa acquirende sanitatis, de consilio phisici vrbe egreditur ad balnea, vel ad celeberrimum medicum, vel vt salubriore aere perfruat, & viribus roboretur.*

RESPONDEO

**R**ESPONDEO deberi. Et ratio est, quia hic omnino abesse dicitur causa infirmitatis.

Hinc, qui tuendæ valetudinis causa de consilio medici medicinam sumit, vel sanguine minuitur, & ob id impeditus non potest personaliter ad Ecclesiam conuenire, iustè potest distributiones percipere. Et ratio est, quia hîc omnino dicitur causa infirmitatis abesse. Ita Azor. lib. 7. cap. 7. q. 10. & Graff. 2. p. lib. 3. cap. 15. num. 10.

Hinc, qui podagra, vel pedum valetudine ita est afflictus, vt ad Ecclesiam accedere non possit, iustè potest distributiones acquirere. Et ratio est, quia hîc omnino dicitur causa infirmitatis abesse. Quæ etiam ratione idem dici potest de eo, qui articulari morbo, hoc est arthetica ita torquetur: vt debilitatus maneat, per textum in l. 2. Cod. cod. vbi iste à muneribus personalibus vacationem habet.

Hinc, qui ex negligentia, vel tædio choro non assistit, non potest distributiones acquirere. Et ratio est, quia non dicitur abesse ob infirmitatem, quæ accessum ad Ecclesiam impedit.

Hinc, qui tanquam morbosus, seu infectus; morbo aliquo contagioso, puta lepra, peste, & huiusmodi à Ciuitate abesse iubetur, iustè potest distributiones percipere. Quia inuitus sine culpa abest.

## QVÆSTIO XXXI.

*Vtrum absens à choro ob iustam & rationabilem corporis necessitatem, possit distributiones recipere.*

**R**ESPONDEO posse, vt clarè constat ex cap. vnico. de cler. non resid. vbi postquam Pôtifex dixerat absentibus distributiones denegâdas esse, subiungit. *Qui verò aliter de distributionibus ipsis quicquam receperit, (exceptis illis quos infirmitas, seu iusta & rationabilis corporis necessitas, aut euident Ecclesiæ utilitas excusauerit) rerum sic receptarum dominium non acquirat, nec faciat eas suas.* Dum enim ibi Pontifex à Regula eorum, qui propter absentiam, seu non interessentiam percipere non possunt quotidianas distributiones, excipit eos, qui corporali necessitate detinentur, liquidò constat enim velle, hos priuari nō debere huiusmodi distributionibus, nam exceptio vitiat Regulam. l. i. ff. de Reg. iuris.

Hinc, qui ita est debilis in cruribus, seu tibiis, ita vt non possit in Ecclesiam conuenire, potest distributiones percipere. Et ratio est, quia hic omnino dicitur ob iustam, & rationabilem corporis necessitatem abesse.

Hinc, qui de consilio medici domo nō egreditur ob valetudinis periculum, iustè potest distributiones sumere. Et ratio est, quia hic dicitur abesse ob iustam & rationabilem corporis necessitatem.

Hinc, qui ob cantum nimium fatigatus ali-

X x

quantu

890 DE QVOTIDIANIS DISTRIBVT.  
quantulum ad assistentia diuini officij se retrahit, vt  
spiritus assumat, ac recreet, potest eadem ratione  
distributiones percipere, secundum Petrum Mo-  
netam 2. p. q. 5. num. 50.

Hinc, qui ob graues inimicitias, vel factiones  
interesse diuinis officiis non valet, modò per ipsum  
non stet, quominus huiusmodi inimicitiz è medio  
tollantur, potest tuta conscientia distributiones  
percipere. Et ratio est, quia hic dicitur abesse ob ra-  
tionabilem corporis necessitatem.

Hinc, qui iniustè in exilium mittitur, aut ab ho-  
stibus capitur, aut alio modo detinetur, quominus  
ad Ecclesiam se conferat, quandiu ibi commoratur,  
aut apud hostes detinetur, nec per ipsum stat, quo-  
minus redeat, potest distributiones percipere. Et  
ratio est, quia hic iniustè detinetur, ne possit ad Ec-  
clesiam accedere, vt officio suo fungatur. Ita Azor.  
lib. 7. cap. 7. q. 10. Macig. cap. 71. num. 66. Graff. 2. p.  
cap. 15. num. 10. & plerique alij.

Idem dicendum est, si is non ab hostibus, vel ab  
inimico aliquo priuato capiatur, & detineatur, siue  
vt soluat aliquid, si liberari vult; siue vt retineatur,  
donec fiat pax.

---

## QVÆSTIO XXXII.

*An Canonicus qui fuit in carcerem coniectus,  
possit pro tempore, quo in vinculis detine-  
tur, distributiones percipere.*

**R**ESPONDEO non posse, si iustè est in carcerem  
missus ob crimen patratum, etiã si postea fal-  
sis

sis testibus crimen purgauerit, & in sui fauorem sententiam obtinuerit. Et ratio est, quia hic sua culpa abesse dicitur. Secus verò si contrarius est in carcerem traditus, & aliàs antea choro adesse solebat, quia tunc potest tuta cōscientia distributiones obtinere, etiam si is iustè fuerit captus, carceratus & tortus ex parte Iudicis, quia nimirum ad id habuerit sufficientia indicia. Et ratio est, quia per ipsum non stat, quominus choro intersit, sed iniustè detinetur, ne ad Ecclesiam se conferat. Ita Couar. lib. 3. var. cap. 13. nu. 8. Nauar. conf. 10. & 11. de cler. non resid. Macig. cap. 71. num. 66. Moneta 2. p. q. 5. nu. 8. Garz. 3. p. cap. 2. n. 363. & Nald. verb. distributiones. nu. 10. qui duo vltimi aiunt sic per Sacram Congregationem declaratum fuisse.

Dixi notanter, *aliàs ante à choro*, &c. quia si diuinis antea interesse non consueuerat, non præsumitur distributionum iacturam fecisse ob iniustam in vinculis detentionem, sed potius ob suam culpam.

## QVÆSTIO XXXIII.

*An huiusmodi Canonico iniustè in carcerem coniecto debeantur etiam mortoria, seu funerales portiones, & anniuersaria, quæ distribuuntur inter interessentes officio funeris.*

STEPHANVS Quaranta verb. distributiones affligi debent.

Sed profectò contrarium verius, & rationi

892 DE QVOTIDIANIS DISTRIBVT.  
conformis mihi videtur. Ducor, quia huiusmo-  
di funerales portiones, simpliciter non compre-  
henduntur sub nomine distributionum de quibus  
loquitur Pontifex in cap. vnico. de cler. non resid.

Tum quia ex mente fundatorum conferri so-  
lùm debent interessentibus, & actualiter inter-  
uientibus.

Tum quia non solent conferri infirmis, ergo ne-  
que in carcerem missis. Et idè ita tenet Nald. verb.  
distributiones num. 8. vbi ait, sic per Illustrissimos  
Cardinales interpretationi Concilij Tridentini  
Præfectos, declaratum fuisse.

---

### QVÆSTIO XXXIV.

*An qui ob senectutem diuinis officiis, prout  
debet, interesse nequit, possit distribu-  
tiones acquirere.*

SUNT qui affirmant, senes, vt senes nisi alio se-  
iure tucantur, non posse in absentia distribu-  
tiones percipere, quia senes verè infirmi non  
dicuntur, vt constat ex capite 1. §. si autem Epi-  
scopus. de cler. ægrot. vel debilibus in 6. vbi po-  
nitur copula, &, inter senes, & infirmos, quæ  
quidem copula ponitur inter diuersa, vt in mate-  
ria de legibus Doctores tradunt.

At verò Azor. 2. p. lib. 7. cap. 7. q. 13. & Macig. cap.  
71. num. 1. docent senes ob senectutem posse iustè  
distributiones percipere, quia senectus ipsa per se  
morbus est.

Possunt autem hæ duæ opiniones conciliari, vt  
priq̃r

prior sit vera, vbi senex commodè potest ad Ecclesiam adire. Posterior verò, quando senex est adedò senio confectus, & grauatus, vt sine graui salutis incommodo in Ecclesiam conuenire, & diuinis interesse non possit, modò reliquo suæ ætatis tempore choro assistere consueuerit. Et ratio est, quia quamuis senex propriè, & strictè loquendo non sit infirmus, saltem ob iustam, & rationabilem corporis necessitatem potest distributiones percipere, qualis est frequenter septuagenarius, vt plurimum verò octuagenarius, iuxta illud Dauidis psalm. 89. Dies annorum nostrorum septuaginta anni. Si autem in potentatibus, hoc est, robustioribus, octuaginta anni, & ampliùs eorum labor, & dolor, id est, quidquid vitæ ultra hos annos relinquitur, laboriosum est, & doloris plenum.

---

### QVÆSTIO XXXV.

*An qui metu pestis contrahendæ ab Ecclesia recedit, aut absens ad eam non redit, paratus alioquin redire semoto pestis periculo, possit distributiones percipere.*

**P**ETR. Moneta de distribut. q. 5. num. 75. & Co-  
uar. libro 3. variarum resolutionum cap. 13. nu.  
8. negant.

At verior sententia est, hūc posse distributiones sumere. Et ratio est, quia hic verè abesse dicitur ob rationabilem corporis necessitatem, est enim pestis acerrima contagio, & periculosa omnium labes.



Hinc, qui cū vel ita ad urbem redire, vt diuinis officiis intersit, tanquam suspectus de peste, ab ea repellitur, iustè potest distributiones percipere, quia ob iustam corporis necessitatem abesse dicitur.

Hinc, qui ob bellum vel ciuile, vel externum, tutè nequit in vrbe, vbi beneficium obtinet, commorari, aut ob grauis incommodi periculum ab ea recedit, potest eadem ratione distributiones sumere. Moneta de distributionibus quaestio. §. numero 69.

Opinio tamen Couar. potest recipi in Canonico habente curam animarum, qui cū pro earum salute teneatur vitam suam ponere, iuxta illud Ioan. 10. Bonus pastor animam suam ponit pro ouibus suis: non censetur abesse ob iustam, & rationabilem causam, ac proinde non potest distributiones suæ absentiae respondentes recipere. Ita Bonacina de horis Canonicis disp. 2. q. 5. p. 2.

## QVÆSTIO XXXVI.

*Vtrum excommunicatus, suspensus, vel interdictus quotidianas distributiones acquirat.*

ET quidem certum est, eum qui iniustè, seu inualidè est excommunicatus, suspensus, vel interdictus, non amittere distributiones. Et ratio est, quia hic dicitur abesse ob iustam & rationabilem corporis necessitatem.

Tum quia per eum non stat quominus diuinis officiis intersit.

Tum

Tum etiam, quia ubi non est culpa, ibi non debet esse pœna, priuatio autem distributionum est pœna ut constat, ergo.

## QVÆSTIO XXXVII.

*Sed dubium est de iustè, seu validè excommunicato, suspenso, & interdicto.*

**E**T quidem loquendo de iustè excommunicato, suspenso, vel interdicto vitando, hoc est, denominatim denunciato, vel publico percussore clerici, certum est hunc qui ob huiusmodi censuras diuinis officiis non assistit, non posse distributiones acquirere. Et ratio est, quia hic non dicitur abesse ex iusta, & rationabili causa, sed ob delictum, ob quod excommunicatus, suspensus, vel interdictus est, & diuinis priuatus.

Tum quia hic nec quoad Deum, nec quoad Ecclesiam satisfacit, cum ab ea non toleretur, ergo licet diuinis officiis intersit, distributiones non acquirit.

## QVÆSTIO XXXVIII.

*Tota igitur lis est de excommunicato, suspenso, vel interdicto tolerato, qui diuinis officiis cum aliis interest, suoque munere fungitur, quamuis cum peccato.*

**P**ETR. Moneta 2. p. q. 15. & multi alij quos citat Bonacina, negat eum acquirere distributiones.

Ego verò contrarium verius puto cum Bonacina disp. 2. q. 5. p. 2. Ducor, quia beneficium datur propter officium, cap. fin. de rescriptis in 6. hic autem officium suum præstat, & licet quoad Deum non ritè præstet, nihilominus quoad Ecclesiam facit quòd ab ipsa præcipitur.

Tum quia hic cùm toleretur ab Ecclesia, eius ministerium, vt pendet à meritis Ecclesiæ, ita est Ecclesiæ vtile, ac si exhiberetur à ministro non excommunicato, suspensio, vel interdicto, vt ante, & post alios docet Bonacina loco citato.

Dices, paria sunt, non fieri, & non ritè fieri, sed excommunicatus, suspensus, vel interdictus toleratus non ritè facit, cùm licitè diuinis non intersit, ergo perinde est, ac si non interesset, ergo non potest distributiones lucrari.

Respondeo quoad Deum paria esse non fieri, & non ritè fieri, non verò quoad Ecclesiam, alioquin sequeretur quemlibet cum peccato mortali recitantem diuinum officium priuari distributionibus, cùm non dicatur diuinum officium ritè recitare.

### QVÆSTIO XXXIX.

*Vtrum Canonici qui tempore cessationis nequeunt diuinis officiis interesse, distributiones acquirant.*

**R**ESPONDEO, non acquirere. Et ratio est, quia illis distributiones debentur, qui diuina officia in Ecclesia alternanter recitant: Canonici autem

tem

tempore cessationis diuina officia in Ecclesia alternatim non canunt, cum non liceat officia recitare tempore cessationis, ergo.

Tum quia sic fuit declaratum à Gregorio X. in cap. si Canonici §. scituri. de off. ordin. in 6. Et idèd ita sentiunt Couar. cap. Alma mater. §. 4. num. 7. Moneta quæst. 16. num. 36. & Bonac. de horis Canonicis d. 2. q. 5. p. 2.

Dices, Canonici tempore interdicti distributiones non amittunt, ergo etiam tempore cessationis non debent amittere.

Rèspondeo, canonicos tempore interdicti generalis distributiones non amittere, quia eo tempore non prohibentur diuina officia recitare. Tempore verò interdicti specialis non amittunt, quia per ipsos non stat, quominus diuinis officiis inter sint, nec vllò iure distributiones ipsis subtrahuntur, tempore verò cessationis subtrahuntur, vt habetur cap. si canonici citato.

## QVÆSTIO XL.

*Vtrum Canonici distributiones amittant, quando Ecclesia, in qua diuina officia celebrantur, est polluta.*

**R**ESPONDEO non amittere. Et ratio est, quia per ipsos non stat quominus diuina officia in Ecclesia celebrentur, cum ipsi aliàs diuinis officiis interesse soliti fuerint, sed modò sine sua culpa nò possunt, quia in Ecclesia violata diuina officia per solui prohibentur. Moneta 2. p. q. 16. nu. 29.

## QVÆSTIO XLI.

*Dices, quoniam sint casus, in quibus Ecclesia  
polluitur, ita ut in ea diuina officia  
persolui nequeant.*

**R**ESPONDEO sex. Primus est, quando in Ecclesia  
semen humanum voluntariè effunditur.

Secundus est, quando intra eam sanguis huma-  
nus iniuriôsè effunditur.

Tertius, quando Ecclesia per Episcopum publi-  
cè excommunicatum consecratur, aut benedi-  
citur.

Quartus, quando in ea aliquis excommunicatus  
vitandus sepelitur.

Quintus, quando in ea aliquis paganus, aut infi-  
delis sepelitur. Et in hoc casu oportet omnes Ec-  
clesiæ parietes radere.

Sextus, & vltimus casus est, quando omnes pa-  
rietes Ecclesiæ, aut maior earum pars simul dei-  
ciuntur.

Illud tamen est hîc aduertendum, quòd in his  
casibus non censetur Ecclesia polluta, nec indige-  
re reconciliatione, nisi delictum sit publicum. Vi-  
de Nauar. in Man. cap. 27. numer. 256. Tolet. lib.  
5. capite 8. numero 11. & alios summistas verb. Ec-  
clesia.

QVÆ

## QVÆSTIO XLII.

*Vtrum Canonicus qui est irregularis, ob irregularitatem distributiones amittat.*

**R**ESPONDEO nō amittere. Et ratio est, quia irregularis potest licitè in Ecclesia diuina officia celebrare : irregularitas enim non prohibet diuinorum officiorum celebrationem, sed susceptionem ordinum, & illorum exequutionem. Quod intellige de irregularitate contracta post beneficij possessionem, nam si irregularitas contracta sit ante beneficij possessionem, certum est, beneficiarium amittere distributiones, quia collatio beneficij irregulari facta est irrita & nulla.

## QVÆSTIO XLIII.

*An realiter degradatus distributionibus priuetur.*

**R**ESPONDEO priuari. Et ratio est, quia distributiones dantur ratione canonicatus, vel beneficij, sed realiter degradatus eo ipso est omni beneficio priuatus, ergo & distributionibus, quæ ratione beneficij conferuntur. Et idem dicendum est de degradato verbaliter, vt rectè docent Henriq. lib. 13. cap. 55. Couar. lib. 2. var. resol. cap. 13. num. 8. & Moneta q. 17. num. 27.

QVÆ

## QVÆSTIO XLIV.

*An realiter degradatus alendus sit ex distributionibus, si aliunde non habet quo alatur.*

**M**ONETA q. 17. nu. 27. affirmat, ne cum dedecore status ecclesiastici victum ostiatim querere compellatur.

Sed probabilius, & veriùs alij negant. Quia cum huiusmodi degradatus actualiter, omni beneficio, officio, habitu, & priuilegio clericali in perpetuum sit priuatus, nullum clericali statui dedecus ex victu mendicato prouenire potest.

## QVÆSTIO XLV.

*An degradatus verbaliter alendus sit ex distributionibus, quoties aliunde non habet, unde uiuat.*

**H**VGO LINVS tab. 2. de censuris cap. 12. nu. 1. & plerique alij affirmant, ne cum dedecore status Ecclesiastici victum mendicando querere cogatur. Quæ ratio maiorem vim habet in degradato verbaliter quàm in degradato actualiter, cum hic habitu & omni priuilegio clericali priuetur, ille verò non. Verùm ad hoc dici posset, dedecus, quod inde statui ecclesiastico peruenire posset, licitè permitti, & compensari terrore pœnæ, & exemplo alio

LIBER III. QVÆST. XLVII. 701  
liorum, qui à delictis perpetrandis grauitate pœ-  
næ facilius retrahuntur.

---

QVÆSTIO XLVI.

*Vtrum Canonicus, qui est beneficio priuatus,  
possit distributiones percipere.*

**R**ESPONDEO non posse. Et ratio est, quia qui  
est beneficio priuatus, non habet ius ad distri-  
butiones, nam sublato principali, corrumpit accessio-  
rium: principale autem est beneficium, ex quo ius  
ad distributiones confurgit.

---

QVÆSTIO XLVII.

*An beneficiarius qui est in peccato mortali,  
quotidianas distributiones amittat.*

**A**DRIAN. in 4. q. 14. col. 9. & Angel. verb. cle-  
ricus. 8. 9. 5. affirmant ob eam rationem, quia  
putant eum qui est in peccato mortali notorio esse  
à diuinis suspensum.

Sed cæteri communi consensu negant, & me-  
rito quidem, quia quamuis peccator etiam noto-  
rius sit suspensus quoad se, non tamen est, quoad  
alios.

Tum quia licet notorius peccator non rectè o-  
beat diuina officia prout Deus ordinauit, tamen  
rectè deseruit Ecclesiæ, quantum ad id quod Ec-  
clesia ordinauit quoad substantiam præcepti, hoc  
est, celebrando officia, & orando vt Ecclesia sta-  
tuit,



702 DE QVOTIDIANIS DISTRIBVT.  
ruit, ob quod illi assignatur stipendium. Sic Sylu.  
verb. clericus 4. q. 24. Nau. de orat. cap. 21. nu. 65. &  
in Man. cap. 25. num. 123. & Petr. Nauar. lib. 2. de  
rest. cap. 4. num. 206.

---

## QVÆSTIO XLVIII.

*Vtrum absens in Ecclesiæ suæ utilitatem, pos-  
sit distributiones percipere.*

**R**ESPONDEO posse, si aliàs choro interesse sole-  
bat, & abest in euidentem suæ Ecclesiæ utili-  
tatem, vt cōstat ex cap. vnico. de cler. non resid. nam  
cū ibi à Regula quam præmisit Romanus Ponti-  
fex de quotidianis distributionibus minimè dandis  
iis, qui diuinis officiis non adfuerint, excipiat eos,  
quos euident Ecclesiæ utilitas excusaret, satis ma-  
nifestè vult, absentes ob huiusmodi Ecclesiæ utili-  
tatem iure percipere quotidianas distributiones:  
exceptio enim vitiat Regulam in casibus exceptis,  
& in eis quasi Regulā facit. Et ratio huius est, quia  
qui abest pro seruitio suæ Ecclesiæ, censetur resi-  
dens in choro. Tum quia officium non debet ali-  
cui esse damnosum. Quod intelligitur, nisi ille qui  
prosequitur Ecclesiæ utilitatem, ad id habeat con-  
gruum salarium ab ipsa Ecclesia, quia tūc officium  
non est amplius illi damnosum, & sic cessat præci-  
pua ratio, ob quam huiusmodi absentes, propter  
Ecclesiæ utilitatem percipiunt quotidianas distri-  
butiones, ideoque cessare etiam debet dispositio.

Dixi notanter, *si aliàs choro interesse solebat*, quia  
si

si aliàs interesse non consueuerat, non potest distributiones lucrari, quia non dicitur abesse ob absentiam in Ecclesiæ suæ vtilitatem, cùm id per accidens se habeat.

Dixi, *in euidentem*, hoc est, manifestam, quia cùm distributiones sint certæ, requiri etiam videtur causa certa, & euidens ad ipsas lucrandas.

Hinc, qui ab Ecclesiâ sua abest, ob negotium de quo dubitat, an vtile futurum sit Ecclesiæ, non potest distributiones lucrari. Ratio est, quia non est euidens Ecclesiæ vtilitas.

Hinc, qui diu tēpore diuini officij aliò se transfert ob res leuis momenti, non potest licitè distributiones percipere. Et ratio est, quia res leuis momenti pro nihilo reputatur, ergo diuturna sua absentia non potest excusari in re parui momenti titulo euidentis vtilitatis, iuxta Monetam 2.p.q. 11. nū. 33. & Macignum cap. 71. num. 99.

Dixi etiam, *Ecclesiæ suæ*, quia ob solam absentiam in propriæ Ecclesiæ, cui adscriptus est, vtilitatem, lucratur distributiones, vt constat ex textu dicti cap. vnico. de cler. non resid. & cap. ad aud. eod. titulo.

Hinc, qui abest propter vtilitatem Ecclesiæ vniuersalis, puta in legatione nomine summi Pontificis, aut propter vtilitatem Ecclesiæ specialis, puta Mediolanensis, aut Bononiensis, causa visitationis, examinis, vel similis, quod continet vtilitatem Ecclesiæ suæ ciuitatis, vel diœcesis, non potest iustè distributiones percipere.

## QVÆSTIO XLIX.

*An qui tempore diuini officij detinetur in confessione suorum peccatorum, possit distributiones lucrari.*

**R**ESPONDEO, non posse. Et ratio est, quia hic non dicitur abesse ob euidentem suæ Ecclesiæ vtilitatem, vel infirmitatem, aut iustam, & rationabilem corporis necessitatem.

Tum quia non est eo tempore necessitas, cum vel antè, vel post confiteri possit.

Dices, absens ob infirmitatem corporis potest distributiones lucrari, ergo à fortiori eas poterit obtinere ob infirmitatem spiritualem, & salutem animæ, cum anima præstantior sit corpore.

Respondeo in cap. vnico. citato, solum excipi infirmitatem, & necessitatem corporalem, non salutem animæ. Et in exorbitantibus à Regulis iuris, quale est, quod non interessentibus diuinis officiis dentur distributiones, nec ipsa admittitur maioritas rationis.

## QVÆSTIO L.

*An qui tempore diuinorum officiorum abest causa peregrinationis, possit distributiones percipere.*

**R**ESPONDEO, non posse. Et ratio est, quia hic non dicitur abesse ob euidentem suæ Ecclesiæ vtili

utilitatem. Ita Garz. p. 3. cap. 2. num. 394. Moneta p. 2. q. 5. n. 51. & Macignus ca. 71. nu. 129. qui in huius rei probationem duplicem adducunt sacræ Congregationis declarationem. Quod arbitror verissimum non modò de eo, qui peregrinatur ex devotione, sed etiam de illo, qui ex voto. Tum quia Sacra Congregatio absolutè loquitur. Tum quia in c. Consult. de off. deleg. absolutè æquiparantur absentia causa peregrinationis, & causa studiorum, absentes autem causa studiorum non lucrantur distributiones, cap. licèt. de præben. ergo neque causa peregrinationis.

---

## QVÆSTIO LI.

*An qui abest propter euidentem necessitatem suæ Ecclesiæ, quotidianas distributiones accipere possit.*

**R**ESPONDEO posse. Et ratio est, quia evidens utilitas, & necessitas Ecclesiæ, æquiparantur. Tum quia necessitas legi non subiacet, & facit licitum, quod aliàs non esset licitum. Et ideo ita tenet Graff. p. 2. aurear. decis. lib. 2. cap. 15. num. 10.

Hinc, si Episcopus præcipiat alicui Canonico, ut pro euidenti necessitate Ecclesiæ suæ, vadat ad Curiam Romanam, vel alium locum, quod quidem præcipere potest, & ob id non valet diuinis officiis interesse, non debet distributionibus carere. Et ratio est, quia tunc Ecclesiæ suæ deferuire intelligitur, & esse residens in eadem. Tum quia non debet alicui officium esse damnosum.

## QVÆSTIO LII.

*Vtrum absenti ad tuenda Capituli iura, distributiones debeantur.*

**R**ESPONDEO deberi. Et ratio est, quia satis censetur Ecclesiæ suæ vtilitatem prosequi, dum illius iura in iudicio, vel extra tueretur.

Hinc, qui ex mandato sui Capituli vadit ad iurisdictionem aliquam suæ Ecclesiæ exercendam, vel ad aliquem Principem legationis titulo, etiam si hæc legatio gratulationis causa instituat, potest tempore absentiae distributiones percipere. Ratio est, quia hic dicitur abesse suæ Ecclesiæ causa, &c. rem illi vtilem facere.

Hinc, qui vt Theologus, vel Canonista, vel Procurator mittitur à Capitulo ad Concilium generale, vel provinciale, potest pro tempore absentiae distributiones lucrari. Et ratio est, quia hic Ecclesiæ suæ, cui adscriptus est, rem vtilem agit, si aliàs consueuerat interesse. Ita Moneta suprâ quæstio. II. num. 91.

Hinc, qui ab Episcopo ad Apostolorum limina mittuntur, vel ipsum ad eadem limina comitantur, iuxta constitutionem 25. Sixti V. lucrantur non solum fructus beneficiorum, sed etiam distributiones. Et ratio est, quia hi dicuntur abesse non solum in vtilitatem Episcopi, verum etiam Capituli, cum ad summum Pontificem relaturi sint itatum non solum aliarum Ecclesiarum, verum etiam propriæ Ecclesiæ, vt eius vtilitati consulatur. Ita

Garz.

Garz. 3. p. cap. 2. num. 349. & Riccius decif. 498. nu. 3. qui aiunt ita declaratum fuisse à Sacra Congregatione.

Idem dicendum est de illis duobus Canonicis, quos ex Tridentini decreto adhibet Episcopus in iis statuendis, quæ ad diuinum cultum, diuinæque officia, & Ecclesiæ ministros pertinent, modò de Ecclesia etiam propria directè, ac principaliter agatur, certum est enim eos rem vtilem facere suæ Ecclesiæ, cui adscripti sunt.

## QVÆSTIO LIII.

*Vtrum Canonici, quibus locorum priorum, aut collegiorum, vel hospitalium cura, vel administratio aliqua commissæ est, possint distributiones percipere pro eo tempore, quo ut piis illis locis, aut collegiis rem aliquam vtilem faciant, à diuinis officiis absunt.*

**E**T quidem loquendo de Præfectis, seu administratoribus fabricæ, vel sacristiæ propriæ Ecclesiæ, cui tanquam Canonici adscripti sunt, certum est, eos posse distributiones percipere. Et ratio est, quia isti dicuntur abesse in utilitatem propriæ Ecclesiæ.

## QVÆSTIO LIV.

*Sed quod in dubium vertitur est, An administratores collegiorum, hospitalium, aliorumque piorum locorum, aut fabricæ aliarum Ecclesiarum, qui dum huiusmodi administrationi tempore diuinorum officiorum operam dant, possint distributiones lucrari.*

**R**ESPONDEO non posse. Et ratio est, quia isti licet rem vtilem Ecclesiæ suæ ciuitatis facere videantur, tamen id non sufficit ad acquirendas in absentia distributiones, sed requiritur, quod prosequantur vtilitatem illius Ecclesiæ in specie, cui adscripti sunt Garz. p. 3. cap. 2. nu. 354.

Hinc canonicus, qui causa examinis, aut visitationis, tempore diuinorum officiorum à choro abest, non potest secluso priuilegio, quotidianas distributiones percipere. Et ratio est, quia hic non Ecclesiæ suæ, cui adscriptus est, sed duntaxat Ecclesiæ suæ ciuitatis, ac diœcesis, seu Episcopo suo deseruit. Secus si cum Episcopo, aut eius Vicario Generali, aut de illorum alterius mandato Ecclesiam propriam visitaret, tunc enim eidem rem vtilem faceret, ac proinde non deberet distributionibus priuari. Ita Garz. 3. p. c. 2. n. 354.

## QVÆSTIO LV.

*An qui sponte procurauit sibi à capitulo munus demandari ad peragenda Ecclesie negotia tempore diuinorum officiorum, possit tempore absentiae distributiones lucrari.*

**M**ONETA 2. p. de distribut. q. 5. nu. 25. & 28. negat, quia impedimentum affectatum non tribuit iustam absentiae causam.

Sed oppositum mihi magis probatur, quia ut quis possit distributiones lucrari, non est attendendum quo pacto quis licentiam recedendi acceperit, sed causa finalis absentiae spectanda est, quæ cum sit euident Ecclesie utilitas, poterit tuta conscientia distributiones percipere.

## QVÆSTIO LVI.

*An Canonicus qui à Capitulo munus accepit ad negotia Ecclesie peragenda, quæ extra tempus diuini officij expedire poterat, distributiones lucretur, si ea tempore diuini officij expediat.*

**R**ESPONDEO lucrari, si ex capituli mandato non tenebatur negotia illa extra tempus diuini-

Yy 3 norum



norum officiorum peragere. Ratio est, quia hic videtur abesse ob, utilitatem Ecclesiæ.

Tum quia iure suo uti videtur, dum illius negotiorum expeditionem ad tempus vsque diuinorum officiorum differt. Ita Bonacina de horis canon. disp. 2. q. 5. p. 3.

### QVÆSTIO LVII.

*An qui ad peragenda Ecclesiæ negotia citius discessit, quàm par est, aut regressum diutius distulit, quàm opus est, possit distributiones percipere pro eo tempore, quo citius discessit, aut diutius regressum distulit.*

**R**ESPONDEO non posse, si scienter hoc fecit. Et ratio est, quia tunc non dicitur abesse in eundem Ecclesiæ utilitatem. Secus si bona fide discessit, putans negotium tunc temporis tractandum esse. Quia ubi non est culpa, par est, ut neque sit pœna amissionis distributionum.

### QVÆSTIO LVIII.

*Vtrum Canonicus qui à Capitulo mandatum habuit expediendi negotium aliquod in eundem Ecclesiæ suæ utilitatem, possit distributiones lucrari, si hic aliquod temporis spatium in prophanis recreationibus insumpsit, in quo ceteri Canonici diuinis officiis assistunt.*

RESPON

**R**ESPONDEO posse, modò illę recreationes non fuerint in causa, vt citius suscepta negotia non expediret. Ratio est, quia hic subsistit causa absentię: dicitur enim abesse in euidentem Ecclesię vtilitatem, cuius prætextu distributiones percipit.

Tum quia istę recreationes accidentaliter se habent ad causam, propter quam data est ei facultas recedendi.

Dixi notanter, *modò illę recreationes*, &c. quia tunc illę recreationes non se haberent accidentaliter ad principalem causam absentię, sed ipsę essent absentię causa, vnde pro illius temporis spatio, quo diuinis officiis interfuisset, distributiones lucrari non poterit.

---

## QVÆSTIO LIX.

*An qui ob negotium suę Ecclesię commodo conductis, sine licentia Episcopi abest, possit distributiones percipere.*

**N**ONNULLI negant, quibus fauet Conc. Tridentinum sess. 23. cap. 1. vbi decernitur, non licere abesse absque licentia Episcopi, & causa prius cognita, & probata.

Sed mihi dicendum videtur ad lucrandas distributiones, non opus esse licentia Episcopi. Et ratio est. quia in cap. vnico. de cler. non resid. absolutè conceduntur distributiones absenti in euidentem Ecclesię vtilitatem,

Neque obstat Concilium Tridentinum, quia non loquitur de Canonicis, sed de Episcopis, & animarum curatoribus, vt rectè monet Carolus Macignus cap.68.num.14.

---

## QVÆSTIO LX.

*An qui absunt ab officio chori, quia sunt in obsequio Episcopi, vt si illum comitentur, dum diœcesim visitat, possint distributiones percipere.*

**I**N qua re certum est imprimis, eos qui in seruitio Episcopi existunt, posse fructus beneficiorum acquirere, vt constat ex cap. de cætero. de cler. non resid. & ex cap. ad aud. eod. titulo, vbi absentibus in seruitio Episcopi conceduntur fructus.

Secundò etiam est certum, solos Canonicos non autem alios Clericos collegiatarum Ecclesiarum, puta Mansionarios huiusmodi prærogatiua gaudere, vt Episcopo seruientes, licet absint ab Ecclesia, beneficiorum suorum fructus percipiant, vt constat ex capit. de cætero; & cap. ad audientiam, citatis, vbi præcisè fit mentio de Canonicis, quorum appellatione in odiosis non veniunt alij Clerici. Quòd autem simus in odiosis, constat, nam agitur de diminutione cultus diuini, qui tamen potius debet augeri.

QVÆST.

## QVÆSTIO LXI.

*Sed tota difficultas consistit de quotidianis distributionibus.*

**S**ED respondeo, Canonicos absentes in seruitio Episcopi, non posse quotidianas distributiones lucrari, vt clarè constat ex textu cap. de cætero. & ex cap. ad aud. vbi absentibus in seruitio Episcopi, solum conceduntur fructus: constat autem ex dictis appellatione fructuum beneficiorum, non comprehendi quotidianas distributiones. Et ratio huius est, quia isti non dicuntur abesse in euidentem Ecclesiæ suæ vtilitatem. Et ideo ita sentiunt Nauar. conf. 2. de cler. non resid. Couar. lib. 3. var. cap. 3. num. 2. Garz. 3. p. cap. 2. num. 347. Macig. cap. 71. num. 123. & Quaranta verb. distributiones.

Hinc, qui Episcopum comitantur, dum Missam auditurus est extra propriam Ecclesiam, non possunt iustè distributiones percipere, vt teste Petro Moneta p. 2. q. 8. nu. 14. Sacra Congregatio declarauit. Cuius verba sunt: Non posse Canonicos duos, aut plures associantes eorum Prælatum, quandoque volentem audire Missam, non in cathedrali, sed in alia Ecclesia ciuitatis participes fieri distributionum quotidianarum, quæ non nisi præsentibus, & inseruientibus dantur. Quod procedit, nisi canonicatus consisteret in solis distributionibus quotidianis, quia tunc ne priuilegium esset inutile, lucrarentur duas partes earum, amissa

714 DE QVOTIDIANIS DISTRIBVT.  
tertia, quæ accrescit interessentibus, vt teste Naldo, verbo distributiones, Sacra Congregatio declarauit.

---

## QVÆSTIO LXII.

*Vtrum absens in seruitio Principis secularis possit distributiones percipere.*

**R**ESPONDEO non posse. Et ratio est, quia hic non dicitur abesse saltem principaliter propter utilitatem suæ Ecclesiæ. Immo nec posse percipere in absentia fructus beneficij sui, quia iste non dicitur residere: non residens autem non potest fructus lucrari, ergo. Ita Moneta p. 2. q. 9. num. 15.

---

## QVÆSTIO LXIII.

*Vtrum absens in seruitio Cardinalis possit distributiones quotidianas lucrari.*

**E**T quidem certum est, eum qui abest in seruitio simplicis Cardinalis, nec fructus beneficij, nec quotidianas distributiones lucrari, nisi ex speciali dispensatione, vt Ioannes Andreas, Abbas, & cæteri in cap. Cum dilectus, resolunt.

## QVÆSTIO LXIV.

*Sed tota difficultas versatur, de Cardinali Legato.*

**I**N qua re etiam est certum, cum qui abest ab Ecclesia in seruitio Cardinalis Legati percipere posse fructus beneficij sui. Ratio est, quia qui seruit legato, inseruit Papæ, qui autem inseruit Papæ, percipit in absentia fructus sui beneficij.

Tum quia idem dicendum est de legato quoad suam Prouinciā, quod de Episcopo quoad Diocesim, vt constat ex cap. 2. de off. legati in 6. Sed qui abest in seruitio Episcopi, potest fructus percipere, ergo & qui abest in seruitio legati. Ita Garz. p. 3. cap. 2. nu. 382.

## QVÆSTIO LXV.

*Totum igitur controuersie dissidium versatur, an absens in seruitio Cardinalis Legati, debeat distributiones percipere.*

**R**ESPONDEO non posse. Et ratio est, quia hic non dicitur abesse ob vtilitatem propriæ Ecclesiæ.

Tum quia, qui existit in seruitio Papæ, non potest distributiones lucrari, ergo neque qui manet in seruitio Cardinalis Legati, cum maiorem præroga

716 DE QVOTIDIANIS DISTRIBVT.  
prærogatiuam cæteris patibus non debeat habere,  
qui membro inseruit, quàm qui capiti, Cardinalis  
autem legatus membrum est, Romanus verò Pon-  
tifex caput.

---

## QVÆSTIO LXVI.

*Vtrum absens in seruitio Papæ, possit quoti-  
dianas distributiones lucrari.*

ET quidem certum est, hunc posse fructus sui  
beneficij lucrari, vt apertè constat ex textu  
cap. Cùm dilectus. de cler. non resid. ibi, *fructus  
præbende suæ assignetis eidem in nostro seruitio com-  
moranti.* Dicuntur autem esse in seruitio Papæ, ad  
effectum lucrandi fructus beneficij, qui in curia  
morantur de illius præcepto. Secus verò si volun-  
tate propria, quia tunc propriam potius, quàm  
Reipublicæ, vel vniuersalis Ecclesiæ vtilitatem  
prosequuntur. Ita Garz. p. 3. c. 2. nu. 383.

---

## QVÆSTIO LXVII.

*Tota igitur difficultas consistit, an possit quo-  
tidianas distributiones percipere.*

RESPONDEO non posse, nisi ex speciali pri-  
uilegio. Et ratio est, quia hic non dicitur ab-  
esse in vtilitatem propriæ Ecclesiæ, nec vlllo iure  
constat huic distributiones concedi, immò oppo-  
situm colligitur ex dicto cap. Cùm dilectus, dum  
enim duntaxat præcepit ibi Pontifex, vt dentur  
huius

huiusmodi absenti in seruitio Papæ fructus beneficij, si eidem iure debitæ fuissent distributiones, aut Papa de illis intellexisset, mandasset vtique vt ei darentur.

---

### QVÆSTIO LXVIII.

*Vtrum ei qui simul est canonicus, & Vicarius capituli, distributiones debeantur, dum sede vacante tempore diuinorum officiorum Vicarij munus exercet.*

**R**ESPONDEO deberi. Et ratio est, quia hic dicitur abesse ob euidentem vtilitatem sui capituli, cuius iurisdictionem exercet, cum Episcopi iurdictio ad capitulum deoluatur, dum sedes Episcopalis vacat per mortem, vel absentiam Episcopi.

---

### QVÆSTIO LXIX.

*An qui simul est canonicus, & Vicarius Episcopi, possit quotidianas distributiones percipere, dum tempore diuinorum officiorum, Vicarij munere fungitur.*

**E**T quidem certum est, hunc qui simul Vicarius est, & canonicus, dum Episcopo suo in Vicariatus munere inseruit, haberi pro residente, & posse percipere fructus sui canonicatus, vt  
expresse



720 DE QVOTIDIANIS DISTRIBVT.  
ita tenent Valq. de benef. cap. 10. §. 3. Emm. Sà  
verb. beneficium.nu. 55. Macig. cap. 71. nu. 177.  
Garz. 3. p. c.2.dub.21.nu.398. & Steph.Quaranta  
verb. distributiones, qui ait ita Sacram Congrega-  
tionem Cardinalium declarasse.

Quam doctrinam censeo esse verissimam, etiam si  
canonicus id faciat de consensu sui superioris in-  
ferioris Romano Pontifici, nam inferior non po-  
test in iure superioris dispensare.

---

### QVÆSTIO LXXIII.

*An canonicus qui de mandato sui superioris  
celebrat tempore diuini officij, possit di-  
tributiones percipere.*

**R**ESPONDEO posse, vt teste Bonacina disp. 2.  
quæst. 5. p. 3. Sacra Congregatio declarauit  
in hunc modum. *Canonici qui extra chorum cele-  
brantes, licet etiam ex causa deuotionis celebrent in  
eadem Ecclesia, non censentur presentes. Si au-  
tem celebrent ex iussu superioris, habentur pro præ-  
sentibus.*

---

### QVÆSTIO LXXIV.

*An pœnitentiarius qui tempore diuini officij  
confessiones audit, possit distributiones  
percipere.*

**R**ESPONDEO posse. Et ratio est, quia in Conc.  
Tridentino sess. 24. cap. 8. decretum est, vt  
Pœniten

Pœnitentiarius dum confessiones in Ecclesia audit, præsens in choro censetur, & per consequens distributiones, quæ interessentibus conferuntur, lucrari possit. Quod procedit etiam si tunc non audiat confessiones nisi venialium, prout teste Moneta p. 2. q. 11. nu. 66. Sacra Congregatio Cardinalium declarauit.

Hinc Pœnitentiarius qui tempore diuini officij confessiones domi, aut alibi audit, distributiones non lucratur. Ratio est, quia ex Conc. Trid. citato Pœnitentiarius præsens in choro censetur, dum confessiones in Ecclesia audit.

Hinc Pœnitentiarius, qui tempore diuini officij priuatim horas canonicas persoluit in confessionali, aut alibi, aut etiam celebrat, vel confabulatur, non potest distributiones percipere. Ratio est, quia ex Concilio citato, eas lucratur, dum confessiones in Ecclesia audit. Hoc tamen non est ita intelligendum, quin Pœnitentiarius vrbauitatis, aut consilij gratia, possit quantum prudens occasio tulerit, cum aliquo detineri, præsertim si de rebus ad confessionem pertinentibus agatur.

## QVÆSTIO LXXV.

*Vtrum alij Canonici, qui tempore diuinorum officiorum confessiones in Ecclesia audiunt, distributiones percipere possint.*

**R**ESPONDEO, si isti de licentia superioris confessiones audiant in defectum Pœnitentiarij mortui, vel absentis, possunt distributiones perci-

Zz pere,

Neque obstat Concilium Tridentinum, quia non loquitur de Canonicis, sed de Episcopis, & animarum curatoribus, vt rectè monet Carolus Macignus cap.68.num.14.

## QVÆSTIO LX.

*An qui absunt ab officio chori, quia sunt in obsequio Episcopi, vt si illum comitentur, dum diœcesim visitat, possint distributiones percipere.*

**I**N qua re certum est inprimis, eos qui in seruitio Episcopi existunt, posse fructus beneficiorum acquirere, vt constat ex cap. de cætero. de cler. non resid. & ex cap. ad aud. eod. titulo, vbi absentibus in seruitio Episcopi conceduntur fructus.

Secundò etiam est certum, solos Canonicos non autem alios Clericos collegiatarum Ecclesiarum, puta Mansionarios huiusmodi prærogatiua gaudere, vt Episcopo seruientes, licèt absint ab Ecclesia, beneficiorum suorum fructus percipiant, vt constat ex capit. de cætero; & cap. ad audientiam, citatis, vbi præcisè fit mentio de Canonicis, quorum appellatione in odiosis non veniunt alij Clerici. Quòd autem simus in odiosis, constat, nam agitur de diminutione cultus diuini, qui tamen potius debet augeri.

QVÆST.

## QVÆSTIO LXI.

*Sed tota difficultas consistit de quotidianis distributionibus.*

**S**ED respondeo, Canonicos absentes in seruitio Episcopi, non posse quotidianas distributiones lucrari, vt clarè constat ex textu cap. de cætero. & ex cap. ad aud. vbi absentibus in seruitio Episcopi, solùm conceduntur fructus: constat autem ex dictis appellatione fructuum beneficiorum, non comprehendi quotidianas distributiones. Et ratio huius est, quia isti non dicuntur abesse in euidentem Ecclesiæ suæ vtilitatem. Et ideo ita sentiunt Nauar. cons. 2. de cler. non resid. Couar. lib. 3. var. cap. 3. num. 2. Garz. 3. p. cap. 2. num. 347. Macig. cap. 71. num. 123. & Quaranta verb. distributiones.

Hinc, qui Episcopum comitantur, dum Missam auditurus est extra propriam Ecclesiam, non possunt iustè distributiones percipere, vt teste Petro Moneta p. 2. q. 8. nu. 14. Sacra Congregatio declarauit. Cuius verba sunt: Non posse Canonicos duos, aut plures associantes eorum Prælatum, quandoque volentem audire Missam, non in cathedrali, sed in alia Ecclesia ciuitatis participes fieri distributionum quotidianarum, quæ non nisi præsentibus, & inseruientibus dantur. Quod procedit, nisi canonicatus consisteret in solis distributionibus quotidianis, quia tunc ne priuilegium esset inutile, lucrarentur duas partes earum, amissa

714 DE QVOTIDIANIS DISTRIBVT.  
tertia, quæ accrescit interessentibus, vt teste Naldo, verbo distributiones, Sacra Congregatio declarauit.

---

## QVÆSTIO LXII.

*Vtrum absens in seruitio Principis secularis possit distributiones percipere.*

**R**ESPONDEO non posse. Et ratio est, quia hic non dicitur abesse saltem principaliter propter vtilitatem suæ Ecclesiæ. Immo nec posse percipere in absentia fructus beneficij sui, quia iste non dicitur residere: non residens autem non potest fructus lucrari, ergo. Ita Moneta p. 2. q. 9. num. 15.

---

## QVÆSTIO LXIII.

*Vtrum absens in seruitio Cardinalis possit distributiones quotidianas lucrari.*

**E**T quidem certum est, eum qui abest in seruitio simplicis Cardinalis, nec fructus beneficij, nec quotidianas distributiones lucrari, nisi ex speciali dispensatione, vt Ioannes Andreas, Abbas, & cæteri in cap. Cum dilectus, resolunt.

## QVÆSTIO LXIV.

*Sed tota difficultas versatur, de Cardinali Legato.*

**I**N qua re etiam est certum, cum qui abest ab Ecclesia in seruitio Cardinalis Legati percipere posse fructus beneficij sui. Ratio est, quia qui seruit legato, inseruit Papæ, qui autem inseruit Papæ, percipit in absentia fructus sui beneficij.

Tum quia idem dicendum est de legato quoad suam Prouinciā, quod de Episcopo quoad Diocesim, vt constat ex cap. 2. de off. legati in 6. Sed qui abest in seruitio Episcopi, potest fructus percipere, ergo & qui abest in seruitio legati. Ita Garz. p. 3. cap. 2. nu. 382.

## QVÆSTIO LXV.

*Totum igitur controuersie dissidium versatur, an absens in seruitio Cardinalis Legati, debeat distributiones percipere.*

**R**ESPONDEO non posse. Et ratio est, quia hic non dicitur abesse ob vtilitatem propriæ Ecclesiæ.

Tum quia, qui existit in seruitio Papæ, non potest distributiones lucrari, ergo neque qui manet in seruitio Cardinalis Legati, cū maiorem præroga

716 DE QVOTIDIANIS DISTRIBVT.  
prærogatiuam cæteris paribus non debeat habere,  
qui membro inseruit, quàm qui capiti, Cardinalis  
autem legatus membrum est, Romanus verò Pon-  
tifex caput.

---

## QVÆSTIO LXVI.

*Vtrum absens in seruitio Papæ, possit quoti-  
dianas distributiones lucrari.*

ET quidem certum est, hunc posse fructus sui  
beneficij lucrari, vt apertè constat ex textu  
cap. Cùm dilectus. de cler. non resid. ibi, *fructus  
præbenda sua assignetis eidem in nostro seruitio com-  
moranti.* Dicuntur autem esse in seruitio Papæ, ad  
effectum lucrandi fructus beneficij, qui in curia  
morantur de illius præcepto. Secus verò si volun-  
tate propria, quia tunc propriam potius, quàm  
Reipublicæ, vel vniuersalis Ecclesiæ vtilitatem  
prosequuntur. Ita Garz. p. 3. c. 2. nu. 383.

---

## QVÆSTIO LXVII.

*Tota igitur difficultas consistit, an possit quo-  
tidianas distributiones percipere.*

RESPONDEO non posse, nisi ex speciali pri-  
uilegio. Et ratio est, quia hic non dicitur ab-  
esse in vtilitatem propriæ Ecclesiæ, nec vllò iure  
constat huic distributiones concedi, immò oppo-  
situm colligitur ex dicto cap. Cùm dilectus, dum  
enim duntaxat præcepit ibi Pontifex, vt dentur  
huius

huiusmodi absenti in seruitio Papæ fructus beneficij, si eidem iure debitæ fuissent distributiones, aut Papa de illis intellexisset, mandasset vtique vt ei darentur.

---

### QVÆSTIO LXVIII.

*Vtrum ei qui simul est canonicus, & Vicarius capituli, distributiones debeantur, dum sede vacante tempore diuinorum officiorum Vicarij munus exercet.*

**R**ESPONDEO deberi. Et ratio est, quia hic dicitur abesse ob euidentem vtilitatem sui capituli, cuius iurisdictionem exercet, cum Episcopi iurdictio ad capitulum deuoluatur, dum sedes Episcopalis vacat per mortem, vel absentiam Episcopi.

---

### QVÆSTIO LXIX.

*An qui simul est canonicus, & Vicarius Episcopi, possit quotidianas distributiones percipere, dum tempore diuinorum officiorum, Vicarij munere fungitur.*

**E**T quidem certum est, hunc qui simul Vicarius est, & canonicus, dum Episcopo suo in Vicariatus munere inseruit, haberi pro residente, & posse percipere fructus sui canonicatus, vt  
expresè



718 DE QVOTIDIANIS DISTRIBVT.  
expressè constat ex cap. de cætero, & cap. ad aud.  
de cler. non resid.

---

## QVÆSTIO LXX.

*Sed dubium est de distributionibus.*

**S**ED respondeo hunc non posse distributiones lucrari. Et ratio est, quia hic non dicitur abesse ob vtilitatem capituli, seu suæ Ecclesiæ cui adscriptus est, & cuius Canonicus est, sed illius, cuius est Vicarius, & in vtilitatem Ecclesiæ specialis, & non particularis.

---

## QVÆSTIO LXXI.

*An Canonicus qui abest ad tuenda sui beneficij iura, possit distributiones lucrari.*

**M**ONETA 2. p. de distrib. q. 11. nr. 44. negat. Mihi autem sic respondendū videtur, vnde dico primò, quòd si Canonicus abest, vt tueatur ius, quod ipse in beneficio habere prætendit, contra alterum, cum quo litigat, non potest distributiones lucrari. Ratio est, quia non dicitur abesse in euentem Ecclesiæ suæ vtilitatem, parum enim Ecclesiæ refert, vt hic potius, quàm alter beneficium obtineat.

Secundò dico, quòd si abest, vt tueatur iura ipsa beneficij, potest distributiones lucrari. Et ratio est, quia iura beneficij sunt bona Ecclesiæ, sicut est  
ipsum

ipsum beneficium, ergo qui iura beneficij tuetur, censetur in eundem vtilitatem Ecclesiæ suæ agere.

---

## QVÆSTIO LXXII.

*Vtrum Canonicus qui est etiam Capellanus, percipere possit distributiones, qui celebrat in Ecclesia collegiata, vel cathedrali cui est adscriptus, dum diuina officia celebrantur.*

**R**ESPONDEO non posse. Et ratio est, quia hic non dicitur abesse in eundem suæ Ecclesiæ vtilitatem.

Tum quia iste Canonicus celebrans in Ecclesiâ, celebrat duntaxat vt Capellanus, & respectu Capellanix, quam obtinet, non autem vt Canonicus, seu respectu canonicatus, ac proinde pro eo tempore percipere solum debet salarium, quod respondet Capellanix, non autem canonicatui.

Et confirmatur, nam cum iste celebrans ad id congruum habeat stipendium, quod indirectè, ac minus principaliter in Ecclesiæ suæ commodum redundat, huiusmodi stipendio contentus esse debet, neque eas distributiones querere, quæ vel choro assiduè, ac personaliter inferuentibus, vel rem euidenter Ecclesiæ vtilem, idque directè, ac principaliter, gratisque, aut sine congruo, ac sufficienti stipendio facientibus tribuuntur. Et ideo  
ita

720 DE QVOTIDIANIS DISTRIBVT.  
ita tenent Valq. de benef. cap. 10. §. 3. Emm. Sà  
verb. beneficium. nu. 55. Macig. cap. 71. nu. 177.  
Garz. 3. p. c.2. dub. 21. nu. 398. & Steph. Quaranta  
verb. distributiones, qui ait ita Sacram Congrega-  
tionem Cardinalium declarasse.

Quam doctrinam censeo esse verissimam, etiamsi  
canonicus id faciat de consensu sui superioris in-  
ferioris Romano Pontifici, nam inferior non po-  
test in iure superioris dispensare.

---

### QVÆSTIO LXXIII.

*An canonicus qui de mandato sui superioris  
celebrat tempore diuini officij, possit di-  
tributiones percipere.*

**R**ESPONDEO posse, vt teste Bonacina disp. 2.  
quæst. 5. p. 3. Sacra Congregatio declarauit  
in hunc modum. *Canonici qui extra chorum cele-  
brantes, licet etiam ex causa deuotionis celebrent in  
eadem Ecclesia, non censentur praesentes. Si au-  
tem celebrent ex iussu superioris, habentur pro pra-  
esentibus.*

---

### QVÆSTIO LXXIV.

*An pœnitentiarius qui tempore diuini officij  
confessiones audit, possit distributiones  
percipere.*

**R**ESPONDEO posse. Et ratio est, quia in Conc.  
Tridentino sess. 24. cap. 8. decretum est, vt  
Pœnitentiarius

Pœnitentiarius dum confessiones in Ecclesia audit, præsens in choro censeatur, & per consequens distributiones, quæ interessentibus conferuntur, lucrari possit. Quod procedit etiam si tunc non audiat confessiones nisi venialium, prout teste Moneta p. 2. q. 11. nu. 66. Sacra Congregatio Cardinalium declarauit.

Hinc Pœnitentiarius qui tempore diuini officij confessiones domi, aut alibi audit, distributiones non lucratur. Ratio est, quia ex Conc. Trid. citato Pœnitentiarius præsens in choro censeatur, dum confessiones in Ecclesia audit.

Hinc Pœnitentiarius, qui tempore diuini officij priuatim horas canonicas persoluit in confessionali, aut alibi, aut etiam celebrat, vel confabulatur, non potest distributiones percipere. Ratio est, quia ex Concilio citato, eas lucratur, dum confessiones in Ecclesia audit. Hoc tamen non est ita intelligendum, quin Pœnitentiarius vrbauitatis, aut consilij gratia, possit quantum prudens occasio tulerit, cum aliquo detineri, præsertim si de rebus ad confessionem pertinentibus agatur.

## QVÆSTIO LXXV.

*Vtrum alij Canonici, qui tempore diuinorum officiorum confessiones in Ecclesia audiunt, distributiones percipere possint.*

**R**ESPONDEO, si isti de licentia superioris confessiones audiunt in defectum Pœnitentiarij mortui, vel absentis, possunt distributiones perci-

Zz perc,

pere, quia vices Pœnitentiarj sustinent, ergo par est, vt ipsius priuilegio gaudeant. Secus si audiunt, præfente Pœnitentiarjo, quia tunc non possunt distributiones percipere, quia nullum ius hoc eis priuilegium concessit, cùm Tridentinum loquatur de Pœnitentiarjo.

---

## QVÆSTIO LXXVI.

*Vtrum Canonicus qui simul habet curam animarum in alia Ecclesiâ, possit distributiones lucrari, dum tempore diuini officij abest, vt curæ animarum inferuiat.*

**R**ESPONDEO non posse. Et ratio est, quia cùm non Ecclesiæ, cui adscriptus est, deferuiat, sed Ecclesiæ tantum suæ ciuitatis, aut diœcesis, habere non debet distributiones, tempore quo à choro abest, vt curam animarum exerceat. Et est conclusio definita à Pio V. in Constit. 64. quæ incipit. *Cupientes.* vbi Pontifex decernit vt Rectores Parochialium, qui obtinent canonicatus vel dignitates in cathedralibus, aut collegiatis Ecclesiis, si resideant in Ecclesiis Parochialibus, lucrentur omnes, & singulos fructus, redditus, & prouentus sui canonicatus, vel dignitatis, exceptis quotidianis distributionibus. Quod procedit modò beneficium reddat fructus, & distributiones, quia si non habet alios redditus præter distributiones, dum abest à choro occasione muneris Parochialis, omnes distributiones lucratur, vt teste Garz. 3. p. cap. 2.

num:

num. 343. Sacra Congregatio declarauit.

Hoc tamen limita, modò non adsit priuilegium summi Pontificis, vel legitima consuetudo in contrarium, nam multis in locis in more positum est, vt Canonici habentes curam animarum in eadem Ecclesia sui canoniciatus lucrentur distributiones, dum muneri Parochiali incumbunt. Sicut à Sacra Congregatione absolutè decretum est, vt Archipresbyter habens curam animarum, in choro præsens censeatur, dum abest occasione muneris parochialis. Ita Petr. Moneta p. 2. q. 11. nu. 71. & Bonacina de horis canonicis disput. 2. q. 5. p. 3.

## QVÆSTIO LXXVII.

*Virum absens causa studij, possit distributiones percipere.*

**E**T quidem certum est, occasionem studiorum esse iustam causam, ob quam beneficiarius potest à loco ubi situm est beneficium abesse, vt constat ex cap. fin. de magist.

## QVÆSTIO LXXVIII.

*Sed dubium est, An sit iusta causa ad effectum, vt ob eam absens possit distributiones lucrari.*

**I**N qua re etiam est certum, absentem causa studij in Sacra Theologia iustè posse in absentia

724 DE QVOTIDIANIS DISTRIBVT.  
fructus beneficij percipete, vt expresse definitur  
in cap. licet. de præbendis. Et in cap. fin. de magist.  
& in Conc. Trid. sess. 5. cap. 1.

---

## QVÆSTIO LXXIX.

*Sed tota difficultas consistit, An hic possit di-  
tributiones quotidianas lucrari.*

**R**ESPONDEO non posse. Et ratio est, quia hic  
non dicitur abesse in euidentem Ecclesiæ suæ  
utilitatem, cum non constet, an beneficio sit infer-  
uiturus ob mortis periculum, vel ob beneficij re-  
signationem, vel permutationem.

Et est conclusio definita in dicto cap. licet. de  
præbendis, nam cum ibi mandasset summus Pon-  
tifex, vt Eboracensi Archidiacono in sacra Scri-  
ptura studere volenti, prouentus sui Ecclesiastici,  
hoc est fructus præbendæ ministrarentur, statim  
subiungit. *Nolumus tamen, vt quotidianas distribu-  
tiones, quæ tantum residentibus in Ecclesiis, & his  
qui intersunt horis canonicis, exhibentur, ei tribui  
faciatis.* Et idem ita tenet Couar. lib. 3. var. cap.  
13. num. 2. & Petr. Moneta p. 2. q. 10. num. 23.  
qui ait, per Sacram Congregationem sic declara-  
tum fuisse.

Hoc tamen limita, modò non adsit legitima  
consuetudo in contrarium, & modò beneficium  
in solis distributionibus non consistat, quia tunc  
beneficiarius causa studij absens, poterit distribu-  
tiones percipere. Ratio est, quia distributiones suc-  
cedunt in locum fructuum, cum beneficium nullos  
alios

alios habeat redditus, præter distributiones, vt rectè monet Azor. lib. 7. c. 7. q. 2.

Dices, absens causa studij habetur præsens, l. quæsitum. ff. de fund. instruct. Sed præsens non solum lucratur fructus, verum etiam distributiones, ergo absens causa studij lucratur distributiones.

Respondeo, absentem causa studij haberi pro præsentem, & per consequens lucrari fructus beneficii, non verò haberi pro interessente, ac proinde non posse distributiones percipere, quæ solum interessentibus conferuntur. Aliud enim est præsentem esse, idest, residere in loco beneficii, aliud interesse diuinis officiis in choro, distributiones non conferuntur præsentibus, nisi etiam intersint diuinis officiis.

## QVÆSTIO LXXX.

*Vtrum Theologus Ecclesie cathedralis, aut collegiatæ possit distributiones lucrari, si tempore diuini officij à choro absit prætextu lectionis, aut concionis parandæ.*

**R**ESPONDEO non posse. Et ratio est, quia hic non dicitur abesse in euidentem suæ Ecclesie vtilitatem, cui adscriptus est, sed potius in vtilitatem Ecclesie suæ ciuitatis, aut diocesis.

Tum quia, vt constat ex sacro Conc. Trid. sess. 5. cap. 1. in fine, & ex cap. fin. de magist. docentes, & studentes in sacra Theologia, æquiparantur quantū ad perceptionem fructuum suorum



726 DE QUOTIDIANIS DISTRIBUT.  
beneficiorum, & quotidianas distributiones, ergo  
neque docentes possunt distributiones lucrari,  
dum causa huius lectionis absunt à choro. Ita Mo-  
neta p. 2. q. 10. nu. 77. qui ait sic declarasse Sa-  
cræ Congregationem. Quod procedit nisi ipsius  
beneficium in solis distributionibus consistat, quia  
tunc ut teste Garz. 3. p. cap. 2. num. 118. Sacra  
Congregatio declaravit, Theologus dum abest sui  
muneris causa, potest distributiones percipere,  
quia tunc distributiones succedunt, & subro-  
gantur loco fructuum, atque aded eorum na-  
turam sortiri debent, alioquin eius privilegium  
de percipiendis fructibus beneficii esset eluso-  
rium.

---

### QVÆSTIO LXXXI.

*Sed quid, si Theologus iste, vel solus, vel  
principaliter Canonicis, aliisque Ecclesiæ  
sue clericis Theologiam legeret, posset  
absque speciali privilegio quotidianas di-  
tributiones percipere.*

**R**ESPONDEO posse. Et ratio est, quia tunc Ec-  
clesiæ propriæ cui adscriptus est, seruiret,  
remque utilem facere censeretur, & hac fortassis  
ratione Sacra Congregatio declarasse fertur, quod  
docentes, & Lectores Sacræ Theologiæ, quando  
legunt, & illis diebus, quibus habetur huiusmodi  
lectio, licet sint absentes, habentur tamen pro  
præsenti

LIBER III. QVÆST. LXXXII. 727  
præsentibus, etiam quoad quotidianas distribu-  
tiones.

---

## QVÆSTIO LXXXII.

*Vtrum absens à choro possit ex priuilegio  
distributiones percipere.*

**E**T quidem certum est, Episcopum non posse  
priuilegium concedere, vt absens distribu-  
tiones consequatur. Ratio est, quia Episcopus non po-  
test in iure communi Pontificio dispensare : sed in  
iure communi Pontificio distributiones absenti-  
bus conferri non debent, cap. vnico. de cler. non  
resid. ergo.

---

## QVÆSTIO LXXXIII.

*Sed tota difficultas consistit de Romano Pon-  
tifice, An videlicet possit dispensare, vt  
absens valeat distributiones lucrari.*

**R**ESPONDEO posse. Et ratio est, quia Roma-  
nus Pontifex potest dispensare in iis quæ sunt  
de iure humano, sed distributiones iure humano  
introducæ sunt, ergo Romanus Pontifex dispen-  
sare potest circa distributiones, ac proinde potest  
alicui concedere priuilegium vt absens distribu-  
tiones lucratur.

Tum quia ex priuilegio Conc. Trident. possunt Canonici tribus mensibus ab Ecclesia abesse absque iactura fructuum, ergo possunt etiam ex priuilegio, non interesse, & distributiones lucrari, cum vtriusque eadem sit ratio, & ideo ita tenet Couar. lib. 3. var. c. 13. nu. 5.

---

## QVÆSTIO LXXXIV.

*An consuetudine induci possit, ut absentes distributiones quotidianas percipiant.*

**E**T quidem certum est, posse consuetudinem introduci, qua quis in absentia, seu non residens, possit fructus sui beneficii percipere, ut constat ex cap. Cum omnes. de Const. & tradit Moneta p. 2. quæst. 12. num. 31. Et locum habet etiam post Concilium Trid. sess. 24. cap. 12. modo ea consuetudo sit legitimè præscripta, hoc est, per quadraginta annos obseruata post illud decretum Concilij.

---

## QVÆSTIO LXXXV.

*Quæstio ergo quam hîc inquirimus est, An consuetudine introduci possit, ut Canonicus, aliûsve Cathedralis, vel collegiatæ Ecclesiæ Clericus in absentia quotidianas distributiones percipiat.*

RESPONDEO

**R**ESPONDEO posse. Et ratio est, quia sicut consuetudine induci potest, ut quis in absentia fructus sui beneficii acquirat, ita etiam induci potest, ut quis in absentia distributiones lucretur.

Tum quia illud per consuetudinem introduci potest, quod potest per privilegium concedi. Privilegio autem Summi Pontificis concedi potest, ut quis à choro absens distributiones lucretur, ut quæstione præcedente ostendimus, ergo & per consuetudinem. Quantum autem temporis sufficiat ad hanc consuetudinem legitimè introducendam, constat ex dictis à nobis in hoc libro, ubi ostendimus quadraginta annorum spatium sufficere.

---

### QVÆSTIO LXXXVI.

*An valeat consuetudo, qua Canonicus de foris veniens, per duas, vel tres dies domi manere possit, ad res suas commodandas, antequam ad Ecclesiam adeat, & tamen pro eo tempore distributiones percipiat.*

**R**ESPONDEO, aut enim Canonicus absuit propter Ecclesiæ suæ utilitatem, aut ob priuata sua commoda. Si primum, valet consuetudo, qua distributiones lucratur absens per biduum, vel tri-  
duum, postquam redierit, quoniam cum labor tantus sit, ut quiete indigeat, Ecclesiæ negotia ad-

730 DE QVOTIDIANIS DISTRIBVT.  
huc agere videtur, qui lassus ex itinere per duos,  
vel tres dies quiescit. Si secundum, non valet con-  
suetudo, quia ob sua commoda iter suscepit. Et  
ideo ita tenent Azor. lib. 7. cap. 7. q. 5. & Graff. p. 2.  
lib. 3. cap. 14. nu. 18.

---

## QVÆSTIO LXXXVII.

*Vtrum distributiones quas Canonici amit-  
tunt, ob absentiam à diuinis officiis, inter-  
essentibus accrescant.*

**R**ESPONDEO quòd distributiones quotidianæ  
ordinariæ, & propriè sumptæ, quæ constituun-  
tur ex communibus beneficiorum fructibus, lucrifi-  
ciendæ ab iis qui statis horis sunt in Ecclesia præ-  
sentes, accrescunt aliis Canonici, qui diuinis of-  
ficiis intersunt, vt constat ex ca. vnico. de cler. non  
resid. vbi dicitur: His solis distributiones deberi,  
qui diuinis intersunt, nec distributiones absen-  
tium aliis applicari, quàm interessentibus. Et ex  
Conc. Tridentino sess. 21. cap. 3. vbi dicitur. Di-  
stributiones inter ipsos interessentes diuidendas  
esse. Et sess. 24. cap. 12. vbi decernitur, absentes  
non posse distributiones lucrari ob remissionem  
sibi factā ab aliis, qui diuinis officiis interfuerunt,  
sed remissio pertinet ad eos, quibus accrescunt,  
ergo distributiones propriè sumptæ absentium ac-  
crescunt interessentibus.

Dixi notanter, *distributiones ordinaria, & pro-  
priè sumptæ*, quia sunt quædam distributiones ex-  
traordi

LIBER III. QVÆST. LXXXVII. 731  
traordinariæ, & impropriæ, de quibus est sermo  
in Concilio Tridentin. session. 22. cap. 3. quæ non  
sumuntur de communi massa, sed de fructibus par-  
ticularibus dignitatum, personatum, & officio-  
rum lucrifaciendæ ab eis solis, qui habent ea, im-  
plendo officia dicta eis per Episcopos designata,  
vt quando verbi gratia. Decano dentur sex, Ar-  
chidiacono quatuor, Thesaurario duo, ei qui  
statutis diebus sacrum faciet, vnum, &c. Et hæ  
distributiones extraordinariæ cùm amittuntur  
ob clericorum absentiam, non debent accre-  
scere aliis, sed verti debent in vsus fabricæ Eccle-  
siæ, vel in alios vsus pios. Ita Philarch. tom. 1. cap.  
14. Naldus verb. diuinum officium numero 13. &  
alij.

Couarr. lib. 3. var. cap. 13. num. 7. & Azor. lib.  
7. cap. 7. quæst. 8. putant caput tertium Conc. sess.  
22. habere locum, quando nullus ex Ecclesiæ mi-  
nistris diuinis officiis interest, quia tunc omnes  
distributiones quæ eis dandæ forent, si præsentem  
fuiſſent, ad Ecclesiam pertinere debent, eique  
applicantur, quæ debito seruitio fraudata est. At  
distributiones quas amittunt Canonici, quia non  
interſunt hac, vel illa hora diuinis officiis, iux-  
ta capit. 3. session. 21. eiusdem Concilij, ac-  
crescunt aliis, qui interſunt illis eisdem ho-  
ris.

Est autem hoc loco aduertendum, quodd istæ di-  
tributiones extraordinariæ amissæ non sunt ipso  
iure applicatæ fabricæ Ecclesiæ, sed in potestate  
ordinarij est, illas fabricæ, vel alteri pio loco ap-  
plicare.

QVÆST.

## QVÆSTIO LXXXVIII.

*Vtrum distributiones absentium debeantur non solum actu interessentibus, verum etiam aliis qui iuris fictione censentur interessentes, ut qui absunt ex causa infirmitatis, vel in Ecclesie sue utilitatem, vel ob iustam, & rationabilem corporis necessitatem.*

**R**ESPONDEO, solum deberi actu interessentibus, ut constat ex c. vnico. §. statuimus, vbi Bonifacius VIII. indistinctè mandat, ac statuit, ut quotidianæ distributiones iis Canonicis, & clericis collegiatarum Ecclesiarum tribuantur, qui diuinis officiis adfuerint, atque adeò, cum eas quoque distributiones complectantur, quas ij, qui non interfunt, acquirerent, si interessent, necessarium est, eas acquiri, & accrescere iis qui interfunt. Hoc idem colligitur ex Concilio Trid. sess. 21. c. 3. vbi decernitur, quotidianas distributiones diuidendas esse inter obtinentes dignitates, & cæteros diuinis interessentes. Et clarius ex sess. 24. cap. 12. vbi Pontifex statuit, ut distributiones ij qui statis horis interfuerint, recipiant, reliqui verò quauis collusionem, aut remissione exclusa his careant. Remissio enim hæc distributionum fieri non potest, nisi ab iis, quibus accrescunt, & quorum lucro cedunt, ut per se patet.

Tum quia vt Garz. 3. p. de benef. c. 2. n. 465. testatur, Sacra Congregatio declarauit distributiones absentium applicandas esse deseruientibus. At qui ob infirmitatem, vel Ecclesiæ suæ utilitatem, &c. abest, choro non deseruit, licet iurisdictione interesse censeatur, ergo.

Tum quia cùm maiorem laborem subeant reliqui Canonici, cùm aliquis eorum abest, meritò maioris mercedis loco illis debentur huiusmodi distributiones iure accrescendi.

Tum demum, quia priuilegium alicui concessum, vt absens distributiones acquirat, est odiosum, non solum quia aduersatur iuri communi, quo cauetur absentibus distributiones non conferri, & facit ad diminutionem diuini cultus, verum etiam, quia repugnat iuri aliorum Canonicorum, quibus portio absentis accrescit, ergo strictè est explicandum pro solis actu interessentibus, & personaliter inseruientibus.

## QVÆSTIO LXXXIX.

*An uetita sit distributionum remissio.*

**A**NTEQVAM ad huius quæstionis resolutionem descendamus, præmittendum est primò, magnam esse differentiam inter remissionem, donationem, & collusionem.

Nam remissio est simplex condonatio eorum, quæ nobis debentur, sed non sunt in potestate, & dominio nostro, sed potius adhuc sunt penes debitorem, vt si tudebes mihi centum, & ego illa tibi condono.

Donatio



Donatio est spontanea, & voluntaria datio eorum, quæ possidemus, vt si ipse dem tibi centum, absque onere restitutionis.

Collusio verò est conuentio inter duos importans mutuam condonationem seu remissionem multæ. Vt si tu hoc pacto mecum conuenias, si ego absuero, distributiones mihi condonabis, si tu abfueris, ipse tibi condonabo. Quo posito

Glossa in cap. 1. de verb. significat. & cap. 1. de cler. non resid. affirmat remissionem non esse vetitam.

In contrarium tamen est vetus, & communis, & vera sententia. Pro qua dico primò, quòd non est licita remissio facta absenti ab aliis, quibus ob assistentiam in choro distributiones accrescunt. Et ratio est, quia per eam derogatur diuino cultui, & legi canonicæ, qua huiusmodi remissio vetatur, vt constat ex textu cap. vnico. de cler. non resid. & ex Conc. Trid. sess. 24. cap. 12. ibi: *Reliqui, quauis collusione, aut remissione exclusi his careant.*

Secundò dico, quòd huiusmodi remissio, non solum est illicita, verum etiam est nullius valoris. Ratio est, quia Concilium Tridentinum loco citato absolutè excludit quamlibet remissionem, & distributionibus priuat quoscunque non interel-sentes.

Tum quia sic fertur per Sacram Congregationem declaratum. Et ideo ita tenet Garz. de benef. p. 3. cap. 2. num. 432.

Ex quo sequitur, absentem qui hoc modo distributiones accipit, non esse tutum in conscientia, sed teneri illas restituere. Ratio est, quia nullus retinere potest id, ad quod acquirendum incapax,

capax, & inhabilis effectus est, absens autem videtur effectus incapax ad acquirendas distributiones, ex decreto Concil. Trident. suprâ citato, ergo.

Tum quia hic non retinet distributiones, nisi titulo remissionis, hæc autem irrita declaratur à Sacro Concilio Tridentino, ibi. *Quavis remissione exclusa.*

Tum demum, quia Sacra Congregatio apertè asserit, absentes non posse distributiones accipere, & acceptas suas non facere. Quam doctrinam arbitror esse verissimam loquendo de remissione de futuro.

### QVÆSTIO XC.

*Sed dubie quæstionis est, An idem dicendum sit, quando remissio fit de præterito, ut si quis dicat, condono tibi distributiones, quæ mihi de iure, ob tuam absentiam accreuerunt.*

**R**ODRIG. in Sum. 1. p. cap. 33. num. 3. ante, & post alios negat, modò hoc non fiat in fraudem legis, seu modò nulla præcesserit conuentio.

Cæterum quamvis hæc sententia sit satis probabilis, probabiliorem tamen iudico contrariam, nimirum non solùm esse nullius valoris remissionem de futuro, verùm etiam de præterito. Tum quia hæc opinio communior est. Tum quia tutior

ea est in foro conscientiae. Tum quia cultui diuino fauorabilior. Tum quia congruentior verbis Tridentini Concilij, quamuis remissionem excludentis, ac prohibentis per verbum vniuersale, ac generale, quod omnes sui species includit, atque adeò tam remissionem doli præteriti, quàm futuri complectitur.

Tum denique, quia sic per Illustrissimos Cardinales interpretationi Concilij Tridentini Præfectos declaratum esse fatetur Moneta p. 3. quæst. 3. num. 12.

## QVÆSTIO XCI.

*An vetita sit distributionum donatio.*

**R**ECIUS verbo praxis distributionum. decis. 494. nu. 4. & Garz. de benef. 3. p. cap. 2. nu. 431. putant esse vetitam, & probant ex declaratione Sacrae Congregationis asserentis non licere capitulo aliquo prætextu distributiones donare, relinquere, aut quauis collusionem remittere.

Hoc tamen non obstante, est contrarium dicendum, nimirum non esse vetitam, aut inualidam distributionum donationem factam ab eo, qui eas iam accepit per se, vel per alium à se electum, & postea liberè sine dolo, metu, & alia coactione, ex charitate & beneficentia redderet eas restituenti. Et ratio est, quia in Concilio citato solum prohibetur remissio, & non donatio rei propriae sibi iam restitutæ: nam licet largo modo paria sint *remittere* & *donare*, propriè tamen differunt, quia

quia *remittere* est condonare illud quod speramus, sed nondum habemus: at *donare* est spontaneè, & voluntariè dare illud quod possidemus.

Tum quia faciliùs quis remittit, quàm donat, & remissio faciliùs præsumitur fraudulenter fieri, quàm donatio.

Nec obstat responsum Sacræ Congregationis, quia intelligitur de donatione quæ fit antequam distributiones per absentiam amissæ traditæ sint donanti quam nos remissionem propriè appellamus: non verò de donatione, quæ fit postquam distributiones traditæ sunt donanti, quæ propriè donatio dicitur.

Hinc non est tutus in conscientia, qui distributiones amissas propter absentiam tradit interessentibus, cum hoc pacto, ut sibi restituantur, & postea reipsa sibi restituuntur. Ratio est, quia hoc fit in fraudem legis prohibentis remissionem.

Tum quia restitutio prorsus est ficta, & simulata.

Tum quia non censetur solutum, quod cum hac præuia conuentione postea recuperatur. Vnde sicut non licet remittere distributiones nondum solutas interessentibus, ita neque licet eas remittere tradenti hoc pacto ut restituantur.

Hinc non est audiendus Nauar. de orat. Miscel. 59. qui putat hoc esse verum, etiam in illis distributionibus, quæ nondum applicatæ sunt donantibus, neque ad ipsorum manus deueniunt, ut quia sunt adhuc penes thesaurarium, aliúmve qui paratus est eas tradere. Quia hæc non est donatio: donatur enim id, cuius

738 DE QVOTIDIANIS DISTRIBVT.  
dominium quis habet: Canonicus autem in hoc  
casu nondum habet dominium illarum distribu-  
tionum, cum eas nondum acceperit, non est igitur  
donatio, sed potius remissio distributionum, quæ à  
Concilio Tridentino expresse vetatur.

---

## QVÆSTIO XCII.

*An collusio circa distributiones sit licita  
aut valida.*

**R**ESPONDEO non esse licitam, neque validam.  
Ratio est, quia expresse prohibetur, & exclu-  
ditur à Concilio Tridentino sess. 24. cap. 12. de re-  
format.

---

## QVÆSTIO XCIII.

*An qui diuinis officiis non interfuit, teneatur  
non solum distributiones non recipere, ve-  
rùm etiam, & perceptas restituere ante  
ullam Iudicis sententiam.*

**R**ESPONDEO teneri, vt clarè constat ex cap.  
vnico. de cler. non resid. vbi sic habetur. Cleri-  
ci Collegiatarum Ecclesiarum, qui aliter de distri-  
butionibus ipsis receperint, quàm interessendo di-  
uinis officiis in eisdem Ecclesiis, vsum sic recepta-  
rum non acquirant, nec faciant eas suas, immò ad  
omnium restitutionem, quæ contra huiusmodi  
con

constitutionem receperint, teneantur. Et ex Concilio Tridentino, sess. 27. capite 12. ubi non solum asseritur distributiones interessentibus deberi, verum etiam absentes non posse distributiones lucrari ob remissionem sibi factam ab aliis videlicet Canonicis.

Tum quia, datum ob causam retineri non potest causa non subsequuta, sed distributiones dantur ob interessentiam, ergo ea non subsequuta, retineri non possunt.

Tum demum, quia pœna ipso iure lata, quæ ad sui executionem nullam hominis actionem requirit, subeunda est ante ullam Iudicis sententiam, sed pœna amissionis distributionum nondum acquisitarum, non requirit hominis actionem, cum dictæ distributiones non reperiuntur apud Canonicum, qui diuinis officiis non interfuit.

Ex quo sequitur primò interessentes acquirere distributiones absentium ante Iudicis sententiam. Et ratio est, quia absentes ipso iure ante ullam Iudicis sententiam priuantur.

Secundò sequitur distributiones absentium, Canonicis choro inseruientibus deberi ab eo tempore, quo canonici absunt. Et ratio est, quia tunc temporis deficit conditio, ob quam distributiones tribuuntur.

Dices, pœna etiam ipso iure imposita, nunquam incurritur nisi declarante eo ad cuius fauorem inducta est, pœna verò amissionis distributionum inducta videtur ad fauorem aliorum de collegio, quibus accreuerunt, atque adeò videtur expectanda declaratio ipsorum de collegio, quòd velint locum esse pœnæ.

Respondeo distributiones, & earum perditio-  
nem principaliter inductas esse in fauorem cultus  
diuini, vt satis patet ex dicto. Cap. vnico de cle-  
ric. non resid. & annotauit Nauar. de orat. Miscell.  
59. Ex quo fit, vt si ab aliquo malè perceptæ, seu  
quæsitæ fuerint, non possint remitti, vt suprà di-  
ctum est.

Dices, multæ sunt constitutiones Pontificiæ, in  
quibus pœna ipso facto iniungitur, & tamen ea  
non incurritur ante declarationem criminis com-  
missi.

Respondeo, in iis non adesse circumstantias il-  
las, & coniecturas, quæ adsunt in constitutio-  
nibus, quæ loquuntur de fructibus, & quoti-  
dianis distributionibus, ex quibus clarè constat  
velle Romanos Pontifices obligare transgresso-  
res ad eorum amissionem ante declarationem cri-  
minis.

Deinde loquuntur de iis rebus, quæ non pro-  
cedunt ex liberalitate, neque directè sunt in pote-  
state illius, qui legem pœnalem tulit, prout sunt  
bona ecclesiastica, quæ ex liberalitate Romano-  
rum Pontificum procedunt, & in quibus plenissi-  
mam habent potestatem, & à quibus etiam, me-  
diatè, vel immediatè conferuntur clericis benefi-  
cia, sub ea tacita conditione, vt eorum fructus,  
vel distributiones eo ipso amittant, si munera si-  
bi ab eorundem Pontificum decretis constituta  
non impleuerint. Ita Lop. de contract. libro 2. ca-  
pite 30.

## QVÆSTIO XCIV.

*Vtrum beneficiarij sint verè, & propriè vsuarij fructuum, & reddituum ecclesiasticorum.*

**R**ESPONDEO minimè. Et ratio est, quia vsuarij possunt consumere fructus rei, in qua vsum habent, solum pro se, & sua familia. §. 1. Inst. de vfu & habit. in principio. At verò beneficiarij possunt, & debent in suos, & alios pios vsus de omnibus redditibus beneficiorum suorum disponere, vt habetur ex cap. 1. tit. 12. q. 3. & cap. Relatum. il 2. de test. ergo beneficiarij non sunt vsuarij fructuum, & reddituum suorum beneficiorum.

## QVÆSTIO XCV.

*Vtrum beneficiarij sint vsufructuarij fructuum suorum beneficiorum.*

**R**ESPONDEO minimè. Et ratio est, quia vsufructuarij liberè possunt disponere in vita, & in morte de suis fructibus, quibuscunque voluerint, sine vllò paupertatis, aut pietatis intuitu, ob solam amicitiam, cognationem, ac liberalitatem. §. 1. Inst. de vfu, & habit. & Inst. de vsufruct. At beneficiarij non possunt liberè disponere de fructibus, ac redditibus suorum beneficiorum, nisi in vsus pios, & hoc inter viuos, vt constat ex Conc. Trid. sess. 25. cap. 1. de reformat. ergo non sunt vsufructuarij.



## QVÆSTIO XCVI.

*Utrum Episcopi, & beneficiarij sint verè, propriè, & simpliciter domini fructuum, quos ex suis beneficiis percipiunt.*

**A**D cuius quæstionis intelligentiam, obseruandum est primò, quod beneficiariorum tria sunt genera bonorum, scil. patrimonialia, quasi patrimonialia, & merè Ecclesiastica. Bona patrimonialia sunt, quæ clericis obueniunt ex hæreditate, vel industria, & arte, vel donatione, vel alio modo, dummodo non sit intuitu ordinis, vel ministerij ecclesiastici.

Bona quasi patrimonialia sunt illa in primis, quæ ipsi ratione dignitatis clericalis, missando, prædicando, confessiones audiendo, & alia sacramenta administrando acquirunt, non tanquam redditus annuos beneficiorum, sed vt præmia quotidiana laboris sui, etiam si ad illa ex officio teneantur. Secundò, quæ ipsis assignantur ad decentem sui sustentationem.

Bona verò merè ecclesiastica sunt redditus, qui quotannis obueniunt ex beneficiis.

Secundò est obseruandum, quod in primitiua Ecclesia omnes Christi fideles sine proprio in cōmuni vivebant, eisque erat cor vnum, & anima vna, & omnia erant communia, neque quisque nisi sibi necessaria sumere poterat. Vnde clerus cum Episcopo vivebat in communi, & vnusquisque accipiebat necessaria de manu Episcopi, vt colligitur ex

Can.

Can. Dilectissimis. & Can. Videntes. Quem modū viuendi, nunc multi Canonici sub Regula viuentes retinent. Et tunc bonorum distributio ad Episcopum, vt fidelem dispensatorem pertinebat, qui vnicuique tribuebat, vt opus erat. Postea verò refrigercente charitate, fuerunt omnium Ecclesiarum bona diuisa in quatuor partes, quarum vna pars cessit Episcopo, secunda clero, tertia fabricæ, ac denique quarta pauperibus. Quæ diuisio facta fuit anno Domini 470. à Simplicio Papa, cuius est ille Canon de reddit. 12. q. 2. & post viginti annos fuit confirmata à Gelasio in cap. Vobis enim. Et tandem à Gregorio Magno in Can. Cognouimus. eadem causa, & q. Quibus sic positis

Certum mihi est, beneficiarios esse verè & propriè dominos bonorum patrimonialium, & de illis vt laici liberè posse disponere. Ratio est, quia per beneficium neque fiunt incapaces dominij, neque etiam se abdicant dominio, neque se obligant ad expendenda bona patrimonialia in pias causas.

Hinc, si beneficiarij ex his bonis viuant, vel expendant in pias causas, possunt tantundem accipere ex bonis, & redditibus suorum beneficiorum, deque eis tanquam de proprio patrimonio disponere. Ratio est, quia cū hi habeant ius, se & suam familiam alendi ex beneficio, non tenentur viuere ex patrimonio, vnde si ex patrimonio viuant, possunt vt compensatione, accipiendo tantundem ex bonis beneficij.

Tum quia cū patrimonium non teneantur absolute in opera pia expendere, si sic expenderit, poterunt vt compensatione ex fructibus beneficiorum,

744 DE QVOTIDIANIS DISTRIBVT.  
rum, quos alioquin in talia opera conferre debuissent, vt optimè monet Nauar. de redd. quæst. 1. moniro 32. Quod limita, nisi fortè intenderint non vti compensatione, quòd non est præsumendum, nisi id expressè intenderint.

Secundò certum quoque mihi est, beneficiarios esse verè & propriè dominos bonorum quasi patrimonialium, neque teneri ea magis in vsus pios expendere, quàm bona patrimonialia. Ratio est, quia hæc dantur in alimentum, & veluti merces propriij laboris, vt de iis disponant pro arbitrio, nō enim fideles, qui hæc tribuunt, intendunt illis vllum onus imponere alendi pauperes. Nec refert quòd hæc stipendia interdum longè excedant laborem, quia liberè à fidelibus dantur. Vnde si alicui pro vna Missa darentur centum aurei, non minùs fieret illorum dominus, quàm is, cui daretur vnus solus argenteus. Nauar. de redd. mon. 19. & 39.

---

## QVÆSTIO XCVII.

*Sed dubium est de bonis merè ecclesiasticis.*

ET quidem non disputamus modò de istorum bonorum proprietate ante diuisionem, quia indubitatum omnino est, ante diuisionem, cū in communi viuerent votūque haberent paupertatis, nullus eorum, etiam Episcopus, habebat proprietatem eius, quod sibi ex decenti sustentatione supererat.

QVÆ

## QVÆSTIO XCVIII.

*Quæstio igitur est, de bonis, & prouentibus ecclesiasticis, post diuisionem.*

**I**N qua re etiam est certum, beneficiarios esse verè, & propriè ac simpliciter dominos eius portionis fructuum, quæ ad honestam eorum sustentationem est necessaria. Et ratio est, quia quilibet operarius mercedis, & stipendij sibi ob laborem debiti dominium acquirit: atqui beneficiarij verè sunt in Ecclesia operarij, ergo fructus suorum beneficiorum sibi ad vitam necessarios, faciunt suos, quemadmodum miles stipendium. Ita Less. lib. 2. de iust. cap. 7. dub. 7. Molina de iust. tract. 2. disp. 143. & alij.

## QVÆSTIO XCIX.

*Tota igitur difficultas est de eo, quod superest ex fructibus beneficiorum.*

**I**LLUD sanè indubitatum omnino est beneficiarios ultra portionem sibi ad vitæ vsum necessariam, reliquam, quæ ex fructibus beneficiorum superest, in communes indigentium necessitates erogare debere, quia reputantur veluti patres, & tutores pauperum, & orphanorum, ergo peculiari ratione tenentur de superfluo sui status illis subuenire.

## QVÆSTIO C.

*Totum igitur huius controuersie diffidium consistit. Quo iure beneficiarij ad id teneantur. Quod perinde est, ac si quæreretur, an beneficiarij sint verè, & propriè domini illius portionis redundantis.*

**I**N qua re, quæ non minùs utilis, quàm difficilis est, duæ extant Doctorum contrariæ penitus, & dissentientes inter se sententiæ. Quarum prima est dicentium, beneficiarios non esse verè, & propriè dominos illius portionis redundantis, sed solum dispensatores, ita vt ex iustitia teneantur illam pauperibus erogare, quod si id facere recusent, debere tantundem ex aliis bonis, quæ pleno iure retinent, in vsus pauperum enlargiri, quantum ex eo quod superest in alios vsus impendunt, sicut œconomus bona domini sui contra intentionem illius expendens, ad restitutionem tenetur. Et similiter eos, quibus dederunt, teneri pauperibus restituere accepta, si beneficiarij reddere, aut recusent, aut non possint. Huius opinionis sunt Alex. Alen. p. 3. q. 56. m. 5. q. 2. & 3. Palud. in 4. d. 24. quæst. 3. artic. 4. Richar. d. 45. q. 1. artic. 3. Maior d. 24. q. 6. vbi etiam dicit nulum Doctorem ante ipsius ætatem contrarium tenuisse. Gab. in 4. d. 15. q. 8. ar. 2. D. Anton. 3. p. tit. 15. c. 1. §. 19. Ang. verb. clericus. 3. n. 1. & 4. Roel. verb.

restitut. 14. n. 6. & 7. Armil. verb. beneficium n. 14. Petr. à Soto de instit. sacerdot. p. 2. de vita sacerdot. lect. 3. de bonis Ecclesiæ, ubi dicit contrarium esse errorem grauiſſimum, saltem contra bonos mores, & iusticiam. Et quidni etiam contra Scripturam? Et hi inter Theologos. Inter iuris verò Canonici Doctores, Innocētius, Ioan. And. Cald. Ant. Abb. Anchar. Domin. Franc. Iason, Barbat. Decius, & Nauar. qui quasi omnes dicunt esse communem sententiam. Immò Archid. in cap. Statutum. §. Assessorem. de reſcriptis in 6. ait esse hæreticum in iure canonico contrarium asserere.

Secunda verò opinio (cui tanquam probabiliori adhæreo) est aliorum asserentium beneficiarios esse verè, propriè, & simpliciter dominos illius portionis quæ sibi superest ex fructibus beneficiorum, ita ut in quolibet vsus possint eam liberaliter impendere: quod si in prophanos vsus eam expendunt, peccabunt quidem mortiferè, ad restitutionem tamen pauperibus, vel aliis piis causis, non tenebuntur. Et ratio huius est, quia quilibet operarius mercedis, ac stipendij sibi ob laborem debiti verè, & propriè dominus est: atqui beneficiarij verè sunt in Ecclesia operarij, & fructus eis redduntur tanquam laboris merces, ergo illorum verè, & propriè sunt domini.

Tum quia non est maior ratio, cur pauperes fiant domini quartæ partis sibi ex Ecclesiæ bonis assignatæ, & Ecclesia similiter dominium acquirat tertię partis sibi datæ ad fabricandum, quàm quod beneficiarij portionis sibi ob laborem & operam destinatæ dominium assequantur.

Tum quia, qui hæc bona Ecclesiæ reliquerunt,  
nullum

nullum onus, aut vinculum obligationis iustitiæ erogandi superflua pauperibus eis imposuerunt, ergo non sunt obligandi lege iustitiæ beneficiarij ad residuum sui status erogandum pauperibus ac proinde illius partis superflue verè, & propriè sunt domini.

Tandem videtur esse conclusio definita in cap. vnico. de cler. non resid. vbi sic dicitur. *Qui diuinis officiis non intersunt, ( nisi infirmitas, seu iusta & rationabilis necessitas aut euident Ecclesia utilitas releuet ) non sunt domini quotidianarum distributionum, neque faciunt eas suas, sed ad restitutionem sic perceptarum obligantur.* Supponit ergo Pontifex, alios qui intersunt, fieri dominos, quod si isti sunt domini quotidianarum distributionum, cur non etiam aliorum prouentuum præsertim cum omnes dentur propter officium siue publicè, siue priuatim dicendum. Et in Concilio Trident. sess. 22. cap. 3. dicitur, vt in omnibus Ecclesiis cathedralibus, & collegiatis tertia pars prouentuum omnium dignitatum, personatum, & officiorum in distributiones diuidatur, vt scilicet qui eas obtinet, si personaliter competēs sibi seruitium quolibet die statuto non impleuerint, illius diei distributionem amittant, nec eius quoque modò dominium acquirant, sed fabricæ, vel alteri loco applicetur. Et sess. 23. cap. de reformat. decernitur, vt Episcopi qui ultra tres menses ( nisi urgente necessitate ) absunt à suis Ecclesiis, fructus non faciant suos pro rata temporis absentia: sed teneantur fabricæ, vel pauperibus erogare. Idem dicitur de aliis curam animarum habentibus. Et sess. 24. cap. 12. de reformat. statuitur, vt prouisi de canonicatibus, & dignitatibus publicam

blicam fidei professionem faciant: alioquin fructus non faciant suos. Ex quibus locis apertè colligitur beneficiarios esse verè, & propriè dominos omnium suorum prouentuum, neque vllò vinculo iustitiæ quicquam illorum, pauperibus aut alteri pio operi debere. Et ideo ita tenent Syluest. verb. restitutio. 3. quæstio. 5. Tab. ibidem §. 19. Sotus lib. 10. de iust. quæst. 4. artic. 3. Couar. cap. cùm in off. numer. 3. de testam. Molin. de iust. & iure tract. 2. d. 143. Azor. p. 2. lib. 7. cap. 8. quæst. 2. & plerique alij. Eiusdem opinionis videtur esse D. Thom. 2. 2. quæst. 185. art. 7. vbi ait quòd de bonis ecclesiasticis, quæ sunt specialiter vltui beneficiariorum deputata, videtur esse eadem ratio, sicut de propriis bonis, ergo sicut propriorum bonorum sunt domini, ita & istius portionis suæ partis sibi deputatæ specialiter ad vsum.

Obiicies, innumeri sancti Patres de hac materia tractantes docuerunt furtum esse, & sacrilegium pauperibus superflua non erogare, si ergo furtum est, ergo beneficiarij nō sunt veri domini omnium fructuum suorum beneficiorum, sed eorum duntaxat, qui congruæ sustentationi sunt necessarij.

Respondeo illos esse loquutos, cùm omnia bona erant communia, aut post, & ante multos alios egregiè notat Sotus. Qui verò loquuti sunt post factam diuisionem, metaphoricè & per exaggerationem loquuti sunt, volentes exprimere obligationem charitatis: sæpissimè enim sancti etiam laicorum auaritiam rapinæ nomine suggillant per hyperbolem vt aduertit Sotus cum D. Thom. 2. 2. q. 185. ar. 7. ad primum.

Dices, canones, & iura decernunt, vt clerici



ci sibi tantum necessaria sumant : quæ verò supersunt , in communes pauperum necessitates expendant.

Respondeo , ea locum solum habere in beneficiis , qui olim in nascenti Ecclesia communem vitam agebant , hoc est , quando nondum erat bonorum ecclesiasticorum in quatuor partes facta diuisio.

Dices , beneficiarij non possunt de parte illa superflua prouentuum testari , vt patet ex cap. Relatum. 12. & cap. ad hæc. tit. de testam. ergo verum illius portionis dominium non habent , cum dominium sit ius , seu facultas absoluta de re disponendi.

Respondeo , hoc argumento solum concludi vsum dominij , quod beneficiarij de bonis ecclesiasticis habent , in hoc casu impediri sicut in certis actibus impeditur in impubere.

Dices , in iure bona Ecclesiæ vocantur patrimonium Christi , & res Dei , bona pauperum , & beneficiarios tantum esse dispensatores.

Respondeo dici patrimonium Christi , & res Dei , quia per Christum , & ad cultum Dei sunt donata. Dicuntur etiam bona pauperum , quia superflua præcepto Ecclesiæ tenentur dare pauperibus. Tum quia hoc habebat locum pro tempore , quo nondum erant beneficia diuisa , sed vivebatur in communi , & tunc beneficia erant bona pauperum , quia tunc clerici erant verè pauperes , quia in particulari nullum habebant dominium , & aliqui ex illis erant bonorum communium administratores , sicut in Monasteriis. Nos autem agimus de tempore , quo bonorum Ecclesiæ facta est diuisio.

## QVÆSTIO CI.

*Utrum beneficiarij arctius teneantur ad dandam eleemosynam ex fructibus suorum beneficiorum, quàm laici ex suo patrimonio.*

**I**N qua re indubitatum est apud omnes, beneficiarios arctius ad id teneri.

## QVÆSTIO CII.

*Sed dubium est, in quonam consistat arctius huiusmodi obligationis vinculum.*

**N**AVAR. loco citato putat tale vinculum ideo esse arctius, quia beneficiarij ex lege iustitiæ tenentur ad dandum pauperibus, quod superest ex fructibus beneficiorum. At verò laici opulenti solo charitatis, & misericordiæ præcepto obligantur largiri pauperibus, quod superest ex suo patrimonio.

At Magister Sotus lib. 10. de iust. q. 4. artic. 3. censet, beneficiarios solo charitatis præcepto obstringi in usus pauperum erogare quidquid sibi superest ex fructibus beneficiorum, & nihilominus ait, huiusmodi præcepti vinculum arctius beneficiarios obligare, quàm laicos, quia beneficiarij  
in

752 DE QVOTIDIANIS DISTRIBVT.  
in iure velut pauperum parentes nuncupantur.  
Pro quo

Primò dico, quòd Abbates & Priores qui Abbatis, & Prioratus habent in commendam præter portionem quæ ministris, & fabricæ Ecclesiæ debetur, compelluntur quartam partem fructuum pauperibus erogare. Et ratio est, quia cùm Romani Pontificis auctoritate huiusmodi Abbatie, & Prioratus commendantur, literæ Pontificiæ expediuntur cum hac conditione, vt in vsus pauperum quartam partem fructuum elargiantur, ergo si talem conditionem non implent, violant iustitiæ legem, & pauperibus restituere debent, quod denegarunt.

Secundò dico, quòd cæteri clerici beneficiarij, qui nomine, & iure tituli beneficia possident, arctiori vinculo tenentur ad expendendum in vsus pauperum, quod redundat ex fructibus suorum beneficiorum, quàm laici opulenti, & arctius huiusmodi vinculum consistit in tribus. Primò, quia beneficiarij tenentur sub mortali si quid supersit ex fructibus beneficiorum, dare in communes, & solitas pauperum necessitates, tametsi nulla extrema, vel grauis egentium necessitas appareat: at verò laici diuites minimè ad id tenentur, nisi extrema, aut grauis indigentia occurrat.

Secundò, quia laici non tenentur ex officio, vel statu suo inquirere pauperes, sed illis, quos obuiam habuerint elemosynam impertiri. At verò Ecclesiastici præcipuè Episcopi, ratione excellentiæ status, quia sunt ministri Christi Domini, qui loculos dicitur habuisse pro sustentatione etiam pauperum, ad id specialiter tenentur, vt habetur 16. q. 1.

Tertiò, quia laici possunt de bonis patrimonialibus

libus aliquid seruare ad statum suum, vel consanguineorum augendum, & tunc illud non dicitur superfluum. At verò Episcopi, & alij Ecclesiastici non possunt ex prouentibus beneficiorum statum sibi, vel cognatis, vel amicis augere. Et ratio est, quia ista bona non sunt data nisi ad congruam sustentationem, quod ergo superest congruæ sustentationi, communibus proximorum necessitatibus debetur.

Hinc non est audiendus Sotus lib. 10. q. 4. art. 4. ubi ait, quòd licet non possit Episcopus aliquid tribuere consanguineis, vt illustrem, & amplum maiusculum instituant, potest tamen, quatenus illi statum augere possint. Quia id est expressè contra Concilium Tridentinum sess. 25. cap. 1. de reform. ubi omnino ei interdicit, vt redditibus Ecclesiasticis suos consanguineos ditet. At donare eis ad augendum statum, est eos ditare, quod Concilium prohibet, nam solùm concedit ei, vt si pauperes sunt sui consanguinei, vt pauperibus tribuat. Vnde D. Ambr. cap. Probanda. Dandum est, inquit, consanguineis in subsidium necessitatis, non vt illi ditiores fieri velint.

Tertiò, & vltimò dico, quòd quamuis clerici beneficiarij non teneantur de iustitia pauperibus elargiri, si quid eis supersit ex fructibus suorum beneficiorum, nihilominus tamen arctiori vinculo quàm laici diuites tenentur, quia laici solo præcepto iuris naturalis, & diuini obligantur, cum tamen beneficiarij non solùm iure naturali, & diuino, sed etiam canonico teneantur, nam secundum decreta, & canones Ecclesiæ tenentur pauperibus elargiri, quidquid abundat ex còmodo ipsius victu.

Ex quo inferitur, beneficiarios non lege iustitię debere quod superest dare pauperibus, sed charitatis præcepto & lege quam Ecclesię canones beneficiariis, non fructibus beneficiorum imposuerunt, ac proinde si quod eis superat ex fructibus beneficiorum, in alios vsus, præterquam in communes pauperum vtilitates insumant, peccant quidem dando quod superest, quibus non debent, sed nihil restituere coguntur, quia Ecclesia præceptum dedit beneficiariis, vt quod superest, impendant in egentium vsus, non tamen obligauit eos ad restituendum, si non impenderint in pauperes. Cæteri verò ad quos huiusmodi bona transierunt, huiusmodi Ecclesię præcepto sunt liberi, quamuis iure charitatis, & misericordię teneantur. Vbi aduerte quod hîc nomine pauperum veniunt quælibet pietatis opera, vt recte monet Nauar. de redd. monit. 26. num. 2. q. 7.

---

### QVÆSTIO CIII.

*An beneficiarij qui superflua decentiæ sui status in prauos, vanos, aut prophanos vsus expendunt, aut sibi retinent, peccent mortaliter.*

**R**ESPONDEO eos mortaliter peccare. Et ratio est, quia faciunt contra strictum Concilij Tridentini præceptum sess. 25. cap. 1. de reformat. vbi sic habetur. *Omnino verò eis, idest Episcopis, interdicit sancta Synodus, ne ex redditibus Ecclesiæ, consanguineos,*

neos, familiarésque suos augere studeant: cum & Apostolorum canones prohibeant, ne res Ecclesiasticas, quæ Dei sunt, consanguineis donent, sed si pauperes sint, eis ut pauperibus distribuant. Et post pauca subiungit. Quæ verò de Episcopis dicta sunt, eadem non solum in quibuscumque beneficia Ecclesiastica obtinentibus, pro gradu suæ conditionis observari, sed etiam ad sanctæ Ecclesiæ Romanæ Cardinales pertinere decernit. Vbi notanda sunt illa verba. Omnino interdicunt; quæ iuxta tradita à nobis in thesauro Religiosorum lib. 6. de voto obedientiæ, grauem obligationem indicant.

## QVÆSTIO CIV.

*Quòdnam beneficium cuiuslibet clerico ad decentem victum sufficiens censeatur. Et per victum hoc in loco intelligitur omne id quo clericus eget ad se, & familiam suam honestè sustentandam, cuiusmodi sunt cibus, vestitus, habitatio, & ea etiam quæ ad morbos curandos sunt necessaria.*

**G**LOSSA in cap. Cùm ad ea. de rescriptis, verb. sufficientia, ait, illud beneficium ad vitam clerici sufficere, quod ipsi & suæ familiæ sufficit: ita tamen, ut ex beneficii fructibus possit hospites, aduenas, & peregrinos hospitio excipere, & moderatas donationes facere secundum qualitatē, & con-

ditionem status sui, & regionis, vbi tales clerici existunt. Vnde plura requirit Decanus, quàm simplex beneficiarius & plura Episcopus, vt sic debitè, & honorabiliter, & amicabiliter vitam ducant: familiæ autem nomine intelliguntur famuli, parentes, fratres, & sorores, aliæ consanguinei egentes.

Nonnulli alij affirmant Parisiis anno à Christo nato 1228. inter Theologos, & iurisperitos statutum esse, beneficium reddens annuos quadraginta quinque aureos cuilibet clerico ad vitam sufficere.

Sapientissimus Nauarrus loco suprà citato sic victum cuilibet clero taxat. Si clericus sit infimæ classis, satis est beneficium, ex quo se, & vnum famulum, coquum, & equum sustentare possit, & domum ad habitandum necessariam conducere. Si sit vir eximiæ literaturæ, præsertim Magister Theologiæ, & Doctor iuris canonici, sufficit ei beneficium, ex quo alat se, & duos famulos, qui ipsum comitentur, & focarium, & equum pro more patriæ. Si Clericus ex spectabili genere sit, satis est beneficium, ex quo alat se, cum tribus, vel quatuor famulis, qui ei ministrent, & duas equitaturas, & habitationem huius familiæ capacem. Et idem censet dicendum proportionabiliter de Episcopis, & Cardinalibus, &c.

Tandem Maior in 4. distinct. 24. quæst. 18. putat Episcopo sufficere, si ex suæ Ecclesiæ fructibus duodecim, aut quatuordecim famulos sustentare queat.

## QVÆSTIO CIV.

*Utrum beneficiarij possint de eo disponere quod sibi parcius viuendo subtraxerunt ex portione suis vsibus deputata, an verò teneantur illud pauperibus erogare.*

**N**ONNULLI affirmant non posse de eo suo nutu disponere, vt ditando consanguineos, sed teneri illud in vsus pauperum distribuere. Etratio est, quia clericis beneficiariis iure Canonico est interdictum, vt ex bonis Ecclesiæ dicent consanguineos. Eiusdem opinionis est D.Tho.2.2.q.185. ar.7. ad 2. vbi sic ait. Et ideo si de eo, quod vsui Episcopi, vel alicuius clerici est deputatum, velit aliquid sibi subtrahere, & consanguineis, vel aliis dare, non peccat, dummodo illud faciat moderatè, idest, vt non indigeant, non autem vt ditiores inde fiant.

Cæterum contraria sententia est multò probabilior, asserens eos posse liberè de illo disponere, sicut possunt de bonis patrimonialibus. Quia nullam habent obligationem particularem, cur hoc potius, quàm patrimonium in pauperes, vel pias causas teneantur impendere. Sic Nau. de redd. qu.1. nu.30. Sotus lib.10.q.4.ar.3. & Cou. de test. num.2. qui addit idem esse dicendum de his redditibus, quos vt iustam laboris mercedem impensi in regimine Ecclesiæ recipit is, qui Ecclesiæ curam



758 DE QVOTIDIANIS DISTRIBVT.  
gessit, vt Pastor, lector Capituli, & similes.

Et ad fundamentum contrariæ opinionis respondeo, ius canonicum nō loqui de eo quodd quis sibi hoc modo subtrahit: vel quod vt iustum laboris stipendium acquisiuit, hæc enim non censentur fructus beneficij, sed propriæ industriæ, vt eleganter suo more docet Nauarrus tract. de redd. Sed loquitur de iis, quæ tantum ratione beneficij obueniunt, & vltra congruam sustentationem superflunt.

---

### QVÆSTIO CVI.

*Vtrum beneficiarij possint de bonis, & redditibus annuis suorum beneficiorum testari.*

ET quidem certum est, eos posse testari etiam ad causas prophanas de patrimonio, & de aliis quæ ipsi ratione officij sui etiam sacri, ordinandi, celebrandi, sacramenta ministrandi, modò non ex beneficio, congregarunt, horum enim verum habent dominium, vt nos suprà ostendimus, & nullo iure prohibentur de his testari. Immodò facultatem habere ad sic testandum, habetur in c. Tua nos. de test. & multis aliis capitibus. Syl. ver. clericus 4. q. 2.

---

### QVÆSTIO CVII.

*Sed tota controuersia versatur de fructibus beneficiorum.*

IN qua re etiam est certum, posse eos testari de iis, quæ ex prouentibus beneficiorum congruenti sustentata

LIBER III. QVÆST. CVIII. 759  
sustentationi subtraxerant. Quia de his verum &  
proprium dominium habent.

---

### QVÆSTIO CVIII.

*Tota igitur lis est de iis, quæ ex beneficiorum  
proventibus competenti susten-  
tationi superant.*

**P**ALVD. in 4. dist. 15. q. 3. ar. 6. censet beneficia-  
rium omnem posse in morte, & in vita de bo-  
nis reddituum disponere.

At communis Theologorum, & Canonici iuris  
interpretum habet sententia, attento iure canonico  
non posse beneficiarios de fructibus beneficiorum  
testari, etiam ad pias causas, vt constat ex cap. Epi-  
scopi. cap. Sint manifestè. 1 2. q. 1. cap. Quia Ioan-  
nes. & cap. Relatum 2. & cap. Cùm in off. de test.  
Et ideo ita tenent Nauar. de redd. q. 3. nu. 8. & 9.  
Covar. cap. Cùm in off. de testament. numero 5.  
Lest. lib. 2. de iust. cap. 19. dub. 4. nu. 43. & alij com-  
muniter.

Dixi notanter, *attento iure canonico*, quia ex  
consuetudine multis in locis recepta, possunt de iis  
ad opera pia testari, modò sit quadragenaria, cùm  
iure duntaxat humano, prohibita sit clericis huius-  
modi dispositio de redditibus Ecclesiasticis, per  
vltimam voluntatem. Ita Covar. de test. nu. 2. Sor.  
lib. 10. q. 4. art. 3. & Azor. lib. 7. cap. 8. q. 2. à qui-  
bus tamen recedit Nauar. de redd. q. 1. mon. 13, &  
54. & qu. 2. mon. 22. & q. 3. mon. 2. vbi contendit

760 DE QVOTIDIANIS DISTRIBUT.  
non adesse huiusmodi generalem consuetudinem,  
& vbi adest, eam non valere.

Hinc non est audiendus Syluest. verb. Clericus.  
4. q. 4. vbi ait habentem beneficium simplex, bene  
posse de redditibus sui beneficii testari. Quia in  
cap. Episcopi. 14. q. 1. & cap. Relatum. 2. de test. pro-  
hibetur ne Canonici testentur: & tamen constat  
Canonicatum esse beneficium simplex.

---

### QVÆSTIO CIX.

*An beneficiarij Romani Pontificis priuilegio  
testari possint.*

**R**ESPONDEO posse. Et ratio est, quia tota hæc  
prohibitio est de iure positiuo, super quod  
Romanus Pontifex potest dispensare. Et si sine cau-  
sa in hoc iure dispenset, peccat quidem, dispensatio  
tamen valida est. Et in hoc omnes Doctores con-  
ueniunt.

---

### QVÆSTIO CX.

*Sed tota disceptatio versatur, An Romani  
Pontificis licentia possint de fructibus be-  
nificij testari in quosuis vsus, etiam non  
pios.*

**N**AVAR. in tract. de redd. Eccles. q. 3. negat eos  
posse testari nisi in pios vsus.

Alij

Alij verò Doctores non minoris nominis, affirmant posse. Pro quo

Primò dico, quòd quando Pontifex in priuilegio concedit beneficiario facultatem testandi tantum in vsus pauperum, & ipse testatur in vsus prophanos, & superfluos, tale testamentum est illicitum. Quia facultas est restricta in vsus pauperum.

Secundò dico, quòd quando Pontifex absolute concedit facultatem testandi in quosuis vsus, intelligitur per tale priuilegium sublata prohibitio iuris canonici, quo prohibetur fieri testamentum, & sic relinquuntur beneficiarij in iure naturali, & diuino, & quia, vt diximus, beneficiarij sunt fructuum suorum beneficiorum domini, ita sicut in vita valida est donatio etiam in vsus prophanos, quamuis peccent contra charitatem, ita etiam in testamento valida erit dispositio, sed erit peccatum contra charitatem, nisi fiat in vsus pauperum.

## QVÆSTIO CXI.

*An beneficiarij, qui de illa parte prouentuum quæ superest, ad causas prophanas testantur, peccent mortaliter.*

**R**ESPONDEO eos peccare mortaliter. Et ratio est, quia sunt in donando prodigi dispensatores, & quia contra canones, & præceptum Ecclesiæ id faciunt. cap. Cùm in officio. de testamentis, &c. Et in hoc omnes conueniunt.

## QVÆSTIO CXII.

*Sed dubie questionis est, An tale testamentum ad causas prophanas factum, valeat.*

**N**AVAR. loco suprà citato absolutè negat. Sed oppositum mihi verius, & probabilius videtur. Et ratio est, quia beneficiarij, vt diximus, sunt domini omnium fructuum, etsi cum onere, & obligatione, vt quod superest, in pios vsus expendant, ergo validè transferunt illorum dominium, siue donatione inter viuos, siue per vltimam voluntatem.

Nec obstat, quòd peccent mortaliter, quia aliud est testamētum esse illicitum, aliud esse inualidum. Etsi enim ex præcepto Ecclesiæ teneantur de ea parte prouentuum disponere in pios vsus, non tamen decernitur inualidum, si contrà fecerint.

Ex quo sequitur, hæredes validè succedere, accipiunt enim ab illo, qui validè poterat disponere: nec illa per se est obligata piis vsibus, sed tota obligatio erat personalis, ad solum testatorem pertinens, quæ non transit ad hæredes. Vnde tales hæredes non peccant, eam partem superfluam accipiendo iure hæreditario, sed solus testator.

## QVÆSTIO CXIII.

*An beneficiariis consanguinei succedant ab intestato in fructibus beneficiorum.*

RESPONDEO,

**R**ESPONDEO, si spectemus ius canonicum, certum est in redditibus beneficiorum, sicut & in bonis ex eis redditibus acquisitis beneficiariis decedentibus succedere ab intestato non consanguineos, sed Ecclesiam vel successorem, ut clarè constat ex cap. Relatum 2. de test. & tradit Azor. lib. 2. cap. 9. q. 7.

Dixi notanter, *si spectemus ius canonicum*, quia ex consuetudine videmus in plerisque locis succedere consanguineos, de qua consuetudine testantur eam probantes Couar. de testam. nu. 9. Sarmient. de redd. 2. p. c. 6. Azor. lib. 7. c. 9. q. 1. Less. lib. 2. c. 19. dub. 4. & Mol. tract. 2. d. 147.

## QVÆSTIO CXIV.

*Utrum beneficiarius dum est in periculo mortis, possit de redditibus sui beneficii aliquid donare.*

**I**N qua re certum in primis mihi est, beneficiarium in sanitate posse facere quascunque donationes, ita ut si in pauperes, aut in alia pia opera fiant, sint validæ, & non peccat. Si verò in usus prophanos, tenet donatio, quia, ut diximus, beneficiarius est dominus, peccat tamen mortaliter, quia facit contra rigorosum Ecclesiæ præceptum.

Secundò certum quoque mihi est, beneficiarium non posse donare causa mortis, etiam in usus pauperum. Et ratio est, quia donatio causa mortis æquipollet testamento, quia morte confirmatur, & omnis vltima voluntas prohibita est de iure canonico in beneficiario, etiam in usus pauperum.

QVÆ.

## QVÆSTIO CXV.

*Sed tota difficultas consistit, An beneficiarius  
in articulo mortis, possit facere dona-  
tiones inter viuos.*

**R**ATIO dubij est, quia illa potius videtur cau-  
sa mortis, quàm inter viuos donatio. Tum  
etiam quia videtur fieri in fraudem legis.

Sed his non obstantibus, contrarium est omni-  
no dicendum, scilicet quod potest donare in-  
ter viuos, in qua statim dominium rei donatæ  
transfertur in donatarium. Quod arbitror verissi-  
mum etiã si possessio tantùm post mortem con-  
cedatur. Ratio est, quia huic ius conceditur in to-  
ta vita de illis disponere, faciendo donationes in-  
ter viuos, non ergo expirat illa potestas vsque ad  
mortis articulum. Nec obstat suspicio, quæ locum  
habet solùm in foro exteriori. Et ideo ita tenent  
Syluest. verb. clericus 4. q. 3. & 5. Nauar. in sum.  
Hispan. cap. 25. num. 139. & de redd. q. 3. num. 8.  
& Couar. de testam. num. 5.

## QVÆSTIO CXVI.

*An pensionarius teneatur dare pauperibus,  
quod superest de fructibus pensionis.*

**V**ASQ. tract. de eleemosyn. cap. 4. dub. ult. nu.  
22. absolutè negat.

Sed cæteri communi consensu affirmant, & me-  
ritò quidem, quia pensionis fructus connumerari  
non

non possunt inter patrimonij bona, quia sunt portiones quædam ex beneficiis ecclesiasticis detractæ, & ideo sunt bona, quæ clericus in Ecclesia habet, ergo non potest de illis suo nutu disponere, sed si ex eis aliquid superfit, tenetur secundum canones in pauperum vsus elargiri.

---

## QVÆSTIO CXVII.

*An pensionarius testari possit de fructibus pensionis.*

**D**OCTOR Nauarrus tract. de redd. q. 1. nu. 79. absolute negat, quia putat hæc bona non differre à bonis cuiuscunque beneficii, & ita eodem modo de iis disponendum est in vita, & in morte.

Sed oppositum mihi magis probatur. Et ratio est, quia pensio non est beneficium ecclesiasticum, vt constat, sed prohibitio testandi solum inducta est contra beneficiarios, ergo. Et ideo ita tenent Couar. cap. Cum in officiis, de testam. num. 6. & Vasq. de redd. cap. 1. dub. 9.

---

## QVÆSTIO CXVIII.

*Vtrum clerici collegiatarum Ecclesiarum, sint verè & propriè domini quotidianarum distributionum, quas iustè acquirunt.*

**S**APIENTISSIMVS Nauar. tract. de redd. q. 1. smon. 30. nu. 2. & 3. absolute negat, quia putat nullum esse discrimen inter distributiones quotidianas, aliósque redditus ecclesiasticos quoad dominium



766 DE QVOTIDIANIS DISTRIBVT.  
dominium acquirendum, eorúmque dispositio-  
nem.

Contrarium tamen est proculdubio affirman-  
dum, scilicet clericos collegiatarum, aut cathedra-  
lium Ecclesiarum esse verè & propriè dominos  
quotidianarum distributionum. Et ratio est, quia  
quilibet operarius mercedis, ac stipendij sibi ob  
laborem debiti, verè, & propriè dominus est, atqui  
canonici verè sunt in Ecclesia operarij, & distri-  
butiones eis redduntur tanquam laboris merces,  
ergo verè sunt illarum domini. Et est conclusio de-  
finita in cap. vnico. de cler. non resid. vbi sic dici-  
tur. *Qui verò aliter de distributionibus ipsis quicquam  
recepit, exceptis illis, quos infirmitas, seu iusta, & ra-  
tionabilis corporis necessitas, aut euident Ecclesie uti-  
litas excusauerit, rerum sic receptarum dominium non  
acquirat.* Ex quibus verbis satis apertè colligitur,  
quòd si non aliter, hoc est, interessendo, & Eccle-  
siæ seruiendo, vel si aliqua ex illis tribus concessis  
præpeditus distributiones receperit, dominium ea-  
rum acquirat. Et ideo ita tenent Couar. de testam.  
nu. 4. Azor. lib. 7. cap. 9. q. 10. & lib. 8. cap. 3. q. 9. &  
Moneta p. 3. de distrib. q. 1. nu. 18. vbi ait sic Sacram  
Congregationem declarasse. Quod procedit, quam-  
uis beneficium, nullos alios redditus habeat præter  
distributiones, vt post Syluestrum verb. clericus.  
q. 44. docuit Azor. p. 2. lib. 7. cap. 9. q. 10.

Ex quo clarè sequitur, posse clericos collegiata-  
rum Ecclesiarum etiam in vsus prophanos donare  
inter viuos quotidianas distributiones, quas iustò  
acquisierunt, sicut possunt cæteros redditus patri-  
moniales, vt ante, & post alios tradit Azor. vbi  
suprà.

## QVÆSTIO CXIX.

*An clerici collegiatarum, vel cathedralium  
Ecclesiarum liberè possint testari, ac per  
ultimam voluntatem de quotidianis di-  
stributionibus iure quæsitis disporre.*

**N**AVAR. de redd. q. 1. nu. 6. Couar. de testam. nu. 5. & Vasq. de redd. cap. 1. §. 3. absolutè negant. Et probant, quia distributiones intuitu beneficij dantur, ergo earum eadem est ratio, ac aliorum fructuum beneficij.

At ego libentius adhæreo aliorum sententiæ, qui docent eos posse de distributionibus testari, etiam ad causas prophanas, sicut possunt de bonis patrimonialibus. Et ratio est, quia clerici habent quotidianarum distributionum dominium, ut suprà probatum est, ergo de eis possunt testari, ac disporre per ultimam voluntatem.

Tum quia, licet quodammodo dici possit, eas acquiri intuitu beneficij, tamen principaliter dantur intuitu personæ, propter diurnam operam, assiduūque seruitium, atque obsequium Ecclesiæ præstitum. Quod procedit, quamvis beneficium nullos alios redditus habeat præter quotidianas distributiones, ut post Sylvestrum ex Azorio & aliis resoluit Petrus Moneta p. 3. q. 3. nu. 12.

## QVÆSTIO CXX.

*An clericis consanguinei succedant ab intestato in quotidianis distributionibus.*

RESPONDEO

**R**ESPONDEO succedere. Et ratio est, quia clerici possunt de iis testari, vt suprà dictum est, ergo, si de iis non testentur, succedent in eis consanguinei, si quos habent.

Tum quia certum est, consanguineos succedere etiam clericis in iis, quorum habent dominium vt constat ex cap. fin. 12. q. 5. At suprà probatum est, clericos habere verum, & proprium dominium distributionum, quas iustè acquisierunt, ergo.

Tum demum, quia in quæsitis propria industria, & labore, etiam si habeant dependentiam à dignitate clericali, clericis succedunt consanguinei, vt rectè monet Nauar. de redd. quæst. 1. monit. 19. & 30. Atqui quotidianæ distributiones sunt huiusmodi, vt suprà probatum est, ergo.

Et hæc dicta sufficiant, ad laudem, & gloriam omnipotentis Dei, Deiparæ Mariæ Virginis, & melliflui Patris nostri Bernardi. Anno videlicet ab incarnatione Domini 1625. in festo illius omniscij, & omni pietate, & nobilitate insignis Diui Thomæ Aquinatis.

Quæ omnia, & singula sacrosanctæ Matris Ecclesiæ Romanæ, & cuiusuis alterius rectius quam ego sentientis, omni qua par est humilitate, & reuerentia, iudicio submitto.

F I N I S.

INDEX



## I N D E X

# QVÆSTIONVM OMNIVM, QVÆ IN HOC OPERE CONTINENTVR.

*Numerus Paginam indicat.*

---

### PRIMI LIBRI QVÆSTIONES.



VID sit Oratio. pag. 3

Quotuplex sit Oratio. 6

Cuiusnam facultatis oratio sit actus. 11

Virum oratio sit virtus. 13

Virum oratio sit proprius, & elicited actus Religio-  
nis. 14

Virum oratio que ex aliquo timore proficiscitur, sit  
actus Religionis. 16

Virum oratio sit actus supernaturalis. 17

An ut oratio sit actus supernaturalis, gratia iustifi-  
cans requiratur. 18

Virum oratio sit actus nobilissimus. 19

Virum oratio sit commendabilis. 21

Virum oratio sit fructifera. 23

Quot, & quinam sint fructus orationis. 28

Virum oratio sit ad salutem necessaria. 33

C c c

Virum

# INDEX QUESTIONVM.

<i>Virum oratio sit ad salutem necessaria, necessitate medi.</i>	34
<i>Virum oratio cadat sub precepto diuino.</i>	36
<i>Quandonam obliget istud orationis preceptum.</i>	38
<i>Virum hoc preceptum obliget ad mortale.</i>	45
<i>Ad quam virtutem pertineat hoc preceptum orandi.</i>	
<i>ibid.</i>	
<i>Virum per solam orationem mentalem possit hoc preceptum adimpleri.</i>	47
<i>Virum oratio mentalis sit necessaria sub precepto.</i>	48
<i>Virum oratio vocalis sit necessaria sub precepto.</i>	
<i>ibidem.</i>	
<i>An teneamur vocaliter orare secundum formulam à Christo nobis datam in oratione Dominica.</i>	50
<i>An clerici teneantur saltem sub veniali vocaliter orare ame prandium.</i>	54
<i>An saluatio Angelica sit de precepto.</i>	55
<i>An sit preceptum saltem sub veniali salutandi Virginem, quando datur publicum signum in aurora, meridie, &amp; hora vespertina.</i>	56
<i>An fideles teneantur ad orandum vocaliter, quando tenentur audire Missam.</i>	57
<i>Virum oratio debeat esse continua.</i>	ibid.
<i>Quibusnam conueniat orare.</i>	64
<i>Virum Deo conueniat orare.</i>	ibid.
<i>Virum uni persone diuine conueniat orare aliam.</i>	
65	
<i>An Christo orare conueniat.</i>	66
<i>Virum Christo secundum humanam naturam sedenti in dextera Patris in excelsis, conueniat orare.</i>	
67	
<i>An nobis liceat Christum Dominum precari, ut pro nobis intercedat.</i>	70
<i>An</i>	

# INDEX QVÆSTIONVM.

<i>An Christus orans semper fuerit exauditus.</i>	72
<i>Virum brutis animalibus, &amp; reliquis creaturis inanimatis orare conueniat.</i>	73
<i>Virum sancti Angeli pro nobis orent.</i>	74
<i>An Spiritus hominum beatorum pro nobis orent.</i>	75
<i>An sancti qui sunt in patria orent pro his qui sunt in purgatorio.</i>	77
<i>An Angeli, &amp; Anima Beata cum Deum deprecantur pro nobis, prenoscant effectum talis orationis.</i>	78
<i>Quomodo Angeli, vel sancti orant pro nobis.</i>	80
<i>Quid sibi vult, cum dicimus Angelos, vel Sanctos Deo presentare orationem nostram.</i>	81
<i>Virum Sancti orent non solum pro aliis, sed etiam pro seipsis.</i>	ibid.
<i>Virum Dæmones, &amp; damnati orare possint.</i>	84
<i>Virum Anima purgatorii pro se ipsis orent.</i>	85
<i>An Anima purgatorii possint impetrare.</i>	ibid.
<i>An Anima purgatorii pro nobis orent.</i>	86
<i>An Sancti Patres veteris testamenti post obitum suum orauerint.</i>	88
<i>An viatoribus tam bonis, quam malis conueniat orare.</i>	89
<i>An peccatoribus existentibus in statu peccati mortalis, conueniat orare.</i>	90
<i>An peccatoribus obstinatis conueniat orare.</i>	91
<i>Virum Deus sit à nobis orandus.</i>	93
<i>An solus Deus sit à nobis orandus.</i>	94
<i>An una persona diuina sine alia orari possit.</i>	96
<i>An deitas in abstracto possit orari.</i>	97
<i>An diuina essentia possit orari.</i>	98
<i>Cur in collectis in fine dicitur, Per Dominum nostrum Iesum Christum, &amp; non per Dominum Patrem, vel Dominum Spiritum sanctum.</i>	ibid.

# INDEX QVÆSTIONVM.

<i>Cur multò plures sunt collectæ, quæ ad Patrem, quàm quæ ad Filium diriguntur.</i>	99
<i>Virum Angeli, &amp; Beati hominum Spiritus in cælo regnantes, sint à nobis orandi.</i>	100
<i>Per quæ merita Sancti cælestis patriæ ciues, orent pro nobis.</i>	106
<i>Quomodo sancti cognoscant orationes nostras.</i>	109
<i>An liceat colere, &amp; inuocare eum, quem credimus saluatum, licet non sit in numero sanctorum relatus.</i>	112
<i>Quid nomine publici cultus intelligatur.</i>	ibid.
<i>An singulos eorum, qui in calis cum Christo regnant, iure possimus orare.</i>	113
<i>An qui sunt in purgatorio, sint à nobis orandi.</i>	114
<i>An possint iusti adhuc viuentes à nobis orari.</i>	115
<i>An possimus nos viatores orare pro Beatis.</i>	117
<i>An liceat orare pro damnatis.</i>	120
<i>An liceat orare pro his, qui cum solo originali, ex hac vita migrarunt.</i>	129
<i>An sit orandum pro his, qui sunt in purgatorio.</i>	130
<i>Quomodo oratio aliena profit alteri viuo, vel mortuo.</i>	132
<i>An debeamus pro nobis orare.</i>	ibid.
<i>An debeamus pro omnibus orare.</i>	133
<i>An possimus licitè pro inimicis orare.</i>	136
<i>An teneamur pro inimicis orare.</i>	ibid.
<i>Qualiter teneamur pro inimicis orare.</i>	137
<i>An pro infidelibus, &amp; paganis sit orandum.</i>	139
<i>An liceat Missæ Sacrificium offerre pro infidelibus, ut conuertantur ad Christum.</i>	140
<i>An pro huiusmodi hominibus fas sit sacerdoti, Missæ sacrificium offerre, ut ipsi Christi fidem suscipiant.</i>	141
<i>An</i>	

# INDEX QVÆSTIONVM.

<i>An pro hæreticis, &amp; schismaticis, &amp; cateris excommunicatione affectis sit orandum.</i>	142
<i>An Sacerdos in Memento possit pro excommunicatis orare.</i>	143
<i>An peccet mortaliter, qui pro iis qui sunt denominatim excommunicati, &amp; denunciati, Missa sacrificium offert.</i>	144
<i>An liceat sacerdoti Missa sacrificium offerre pro excommunicatis occultis.</i>	145
<i>An fas sit sacerdoti Missam facere pro excommunicatis, quos credit pœnitere peccati, ob quod fuerunt excommunicati.</i>	ibid.
<i>An sit orandum pro his, quorum peccatum est ad mortem.</i>	146
<i>An liceat orare pro obstinatis.</i>	149
<i>An liceat orare pro reprobis.</i>	ibid.
<i>Quanam petenda sint in oratione.</i>	156
<i>An bona possint absolutè, &amp; determinatè à Deo peti.</i>	157
<i>An semper sit necessarium, quòd talis conditio in oratione exprimat.</i>	160
<i>Vtrum sit peccatum bona temporalia per se desiderare, &amp; petere à Deo.</i>	161
<i>An petere à Deo huiusmodi bona temporalia, sit opus imperfectionis.</i>	162
<i>An liceat absolutè petere in oratione omnes virtutes morales.</i>	164
<i>Vtrum auxilium sufficiens sit à Deo petendum.</i>	166
<i>An liceat absolutè petere auxilium efficax.</i>	167
<i>An liceat absolutè petere à Deo tantam gratiam perfectionem, quantam Beata Virgo habuit.</i>	168
<i>An liceat orando petere à Deo absolutè, ut nos à malis eripiat.</i>	169



# INDEX QUESTIONVM.

- An liceat in oratione petere à Deo aliqua mala, sibi vel aliis.* 170
- An bona temporalia per Christum peti possint, aut debeant.* 173
- An Deus orari possit non solum in virtute meritum Christi, verum etiam sanctorum.* 176
- An qui à Deo petit aliquid, quod est peccatum mortale, peccet mortaliter.* ibid.
- An qui à Deo petit aliquid, quod est peccatum veniale, peccet mortaliter.* ibid.
- An qui à Deo petu rem indifferentem, aliquod peccatum committat.* 177
- An qua oratione vocali petuntur, debeant semper voce exprimi.* 179
- Quenam sint, que desiderantur ad hoc, ut oratio infalibiliter sit impetratoria.* 180
- De quo obiecto, vel de qua materia oportet, esse talem fidem.* 182
- An charitas sit omnino necessaria ad efficacem impetrationem orationis.* 186
- An hac conditio, ut qui orat. pro se oret, sit simpliciter necessaria.* 195
- An positis his conditionibus oratio sit impetratoria ex iustitie debito.* 201
- Quare Deus non statim concedit quod petimus.* 202
- Quot, & quanam sint cause, ob quas interdum in oratione Deus postulata non concedit.* 203
- Utrum intentio, seu propositum orandi, seu petendi aliquid à Deo, sit de substantia orationis.* 205
- An intentio orandi ex obiecto debeat esse bona,* 206
- An intentio orandi necessario debeat esse bona simpliciter.* 207

# INDEX QVÆSTIONVM.

<i>An huiusmodi intentio debeat esse expressa, &amp; formalis.</i>	<i>ibid.</i>
<i>An ad satisfaciendum precepto satis sit voluntas, qua clericus Breniarium manu capit, &amp;c.</i>	208
<i>Quidnam sit attentio.</i>	<i>ibid.</i>
<i>Quotuplex sit attentio.</i>	209
<i>Virum in omni oratione necessaria sit attentio.</i>	212
<i>Virum attentio formalis, seu actualis sit orationi vocali necessaria.</i>	215
<i>Virum attentio habitualis ad orationem vocalem sufficiat.</i>	216
<i>Virum attentio virtualis sit orationi vocali necessaria.</i>	<i>ibid.</i>
<i>An peccet, qui voluntariè sine attentione orat.</i>	217
<i>An id sit peccatum mortale.</i>	221
<i>An sint omnes tres attentiones necessarie simul ut precepto orandi satisfaciamus.</i>	222
<i>An prima attentio, qua orans attendit ad verba duntaxat, sit omnino necessaria ad implendum preceptum orationis.</i>	<i>ibid.</i>
<i>An secunda attentio sit omnino necessaria.</i>	223
<i>An qui in oratione primum, vel secundum attentionis modum eligit, animo non transeundi ad tertium peccet.</i>	225
<i>An sit necessarium, ut attentio totam orationem committetur.</i>	226
<i>An qui dum vocalem orationem profert, applicat animum ad pias meditationes non pertinentes ad verba, qua dicuntur, satisfaciat precepto.</i>	228
<i>An oratio in loco certo fundi debeat.</i>	230
<i>An oratio vocalis in omni loco fieri possit.</i>	232
Ccc 4.	An

# INDEX QVÆSTIONVM.

<i>An cateris paribus melius sit priuatim orare in templo, quàm alibi.</i>	235
<i>Quandiu in oratione perseuerandum sit.</i>	237
<i>An in oratione certus aliquis corporis habitus requiratur.</i>	ibid.
<i>Virum oratio sit facienda versus Orientem.</i>	239
<i>Virum oratio vocalis sit licita, &amp; honesta.</i>	240
<i>Quot modis possit oratio deprauari, &amp; Deo ingrata esse.</i>	242
<i>Quomodo cognosci possit, an quis plus, aut aequè ob lucrum, quam ob Deum bonum opus faciat.</i>	243
<i>An oratio vitietur ex hoc, quòd orans est in peccato mortali.</i>	245
<i>Virum oratio sit actus vitæ æternæ meritorius.</i>	249
<i>Vtrum oratio sit satisfactoria pœna pro peccatis debita.</i>	250
<i>Quanta pœna deleatur per orationem.</i>	251
<i>Virum oratio sit impetratoria.</i>	ibid.
<i>Vtrum impetratio sit absolutè infallibilis.</i>	252
<i>Virum oratio quæ ob aliquem defectum circumstantia est mala saltem venialiter, quicquam prodesse possit.</i>	253
<i>Virum oratio peccatoris sit aliquo modo fructuosa.</i>	254
<i>Virum oratio viatoris profit alteri existenti in paradiso.</i>	257
<i>An oratio iusti pro altero fusa profit ad satisfaciendum pro illius peccatis.</i>	ibid.
<i>An oratio iusti ex iustitia pro alio iusto vim habeat satisfaciendi.</i>	258
<i>An Sanctus aliquis Ecclesia triumphantis, aut militantis possit de condigno alteri mereri vitam æternam &amp; augmentum gratiæ.</i>	260
<i>An oratio unius valeat alteri ad alia bona, citra gratiam, &amp; gloriam.</i>	363
<i>Virum</i>	

# INDEX QVÆSTIONVM.

- Virum oratio iniusti fusa pro iustis vel pro iniustis aliquid valeat.* 264
- Virum oratio quam hereticus vel Catholicus, maiori tamen excommunicatione affectus effert, sit fructuosa.* 265
- An oratio fusa pro alijs, prosit eam facienti.* 266
- Virum oratio facta pro multis, tantum singulis valeat, quantum valeret, si pro uno solo funderetur.* ibid.
- An oratio pro pluribus oblata sit aequè satisfactoria pro singulis, quàm facta pro uno.* 269
- An oratio facta pro multis sit magis grata Deo, quàm facta pro paucis, vel uno.* 270
- Quotuplex sit orationis valor.* 271
- An oratio Dominica sit omnibus alijs orationibus excellentior.* 272
- In quot partes hec oratio Dominica diuidatur.* 276
- Quinam filij sub pronomine illo, Noster, comprehendantur.* 281
- An oratio Dominica septem petitiones contineat.* 284
- Cur dictum est, fiat voluntas tua, non autem, fac in nobis voluntatem tuam, &c.* 293
- An salutare teneamur inimicum, dum nobis occurrit.* 298
- An si inimicus meus occurrens obuiam, me salutet, teneat ex vi precepti charitatis illum resalutare.* 300
- An inimico veniam petenti, offensus reconciliari teneatur.* 301
- Virum homo teneatur cum inimico suo colloqui, & amicitabiter conuersari.* 305
- An si laesus ex colloquio inimici scandalizatur, & ponit se in periculo verosimili peccandi, teneatur in tali casu cum illo conuersari.* ibid.
- Virum inimico veniam petenti, teneatur laesus ostendere*  
Ccc 5      signa

# INDEX QVÆSTIONVM.

<i>signa dilectionis.</i>	<i>ibid.</i>
<i>Quisnam teneatur prius veniam, &amp; reconciliationem petere, quando mutuò se offenderunt.</i>	307
<i>Virum offensus teneatur ex charitate reconciliationem petere.</i>	308
<i>An viri Sancti, &amp; admodum iusti possint verè in oratione Dominica dicere: Dimitte nobis debita nostra.</i>	<i>ibid.</i>
<i>An qui sunt in peccato obdurati, nec iniurias sibi à proximo illatas ignoscunt, possint hanc orationem dicere.</i>	309
<i>An per orationem Dominicam peccata venialia deleantur.</i>	315
<i>An oratio Dominica hanc vim habeat ex opere operato.</i>	316

## SECVNDI LIBRI

### Quæstiones.

<b>Q</b> UIDNAM sint hora canonice.	318
Quotnam sint numero hora canonice.	319
Cur hora canonice sint tantum septem.	322
An hæc septem horarum institutio sit de iure diuino.	324
An in Ecclesia hæc septem horarum institutio sit antiqua.	326
Quando primum septem hora canonice fuerint instituta.	327
An clerici sacris initiati teneantur ex precepto horas canonicas quotidie recitare.	328
An hoc preceptum in iure canonico habeatur expressum.	<i>ibid.</i>
An clerici in minoribus constituti, ratione sui gradus ad horas canonicas recitandas teneantur.	331
<i>An</i>	

# INDEX QVÆSTIONVM.

- An clerici prima tonsura, vel minorum ordinum, esto non teneantur ad dicendum horas canonicas, teneantur aliquid aliud ex precepto recitare.* 332
- An saltem consuetudine tales clerici ad preces aliquas quotidie recitandas teneantur.* 333
- An Episcopus qui clericos ad primam tonsuram, vel ad quatuor ordines minores promouet, possit eis hoc onus precipere, ut preces aliquas singulis diebus persoluant.* 334
- An clerici excommunicati, suspensi, & interdicti teneantur priuatim horas canonicas persolvere.* 336
- An clerici in sacris per iudicis sententiam ad triremes damnati teneantur diuinum officium persolvere.* 337
- An clerici beneficia ecclesiastica habentes horas canonicas recitare teneantur.* *ibid.*
- Vndenam constat beneficiarios ad recitationem horarum canonicarum teneri.* 339
- An qui per metum beneficium ecclesiasticum accepit, teneatur diuinum officium recitare.* 340
- An qui plura beneficia possidet, teneatur tot officia in die recitare, quot sunt beneficia.* *ibid.*
- An qui plura beneficia possidet teneatur saltē tot cōmemorationes facere, quot sūt beneficiorū Patroni.* 343
- An qui prestimonium habet, ad persoluendas horas canonicas teneatur.* 345
- An qui capellaniā habet, teneatur horas canonicas recitare.* 346
- An qui habet beneficium in commendam, teneatur horas canonicas recitare.* 348
- An coadiutor beneficiati teneatur horas Canonicas recitare, sicut & principalis.* 350
- An coadiutor teneatur diuinum officiū persolvere, saltem eo tēpore, quo onus Ecclesia sustinet pro principali.* 352
- An*

# INDEX QVÆSTIONVM.

- An coadiutor teneatur saltem recitare officium paruum  
Beata Virginis.* ibid.
- An qui habet officium manuale, ad horas canonicas te-  
neatur.* 353
- An pensionarius horas Canonicas recitare teneatur. ibi.*
- An pensionarius preces aliquas recitare teneatur.* 354
- An qui cum beneficio pensionem habet, teneatur præter  
officium magnum, etiam preces Beata Virginis reci-  
tare.* 357
- An qui habet beneficium paruum, ad diuinum officium  
teneatur.* 358
- Quid sit dicendum beneficium tenue.* 360
- An solus titulus beneficij sine actuali possessione obliget  
ad recitandum.* 364
- An quide certo aliquo beneficio litigant, ad pensum ho-  
rarum canonicarum teneantur.* 370
- An beneficiarius qui nullos fructus sui beneficij percipit,  
ad recitationem horarum canonicarum teneatur.*  
373
- An qui beneficium impetrat à Romano Pontifice, cuius  
iussu, & authoritate omnes beneficij fructus alteri  
reseruantur, teneatur diuinum officium persolvere.*  
378
- An nouus Canonicus diuinum officium recitare tenea-  
tur, qui primo, vel secundo anno, nullos prorsus ex be-  
neficio fructus lucratur.* 380
- An clericus qui habet redditus ecclesiasticos sine benefi-  
cio, ad diuinum officium teneatur.* 383
- An qui pensioni cessit, ab onere recitandi officium sit li-  
ber.* 384
- An Religiosi professi, preces horarias recitare teneantur.*  
385
- Quo iure Religiosi professi ad id teneantur.* 387
- An*

# INDEX QVÆSTIONVM.

*An Religiosus nondum in sacris constitutus, qui Romani Pontificis auctoritate, & priuilegio extra Monasterium viuit, horas canonicas recitare teneatur.*

391

*An Religiosus qui facultatem ducendi uxorem obtinuit ad recitandum diuinum officium teneatur.*

392

*An clericus qui priuilegio Pontificis uxorem duxit, ad recitandum diuinum officium teneatur.*

393

*An Religiosus fugitiuus ad horas canonicas teneatur.*  
*ibid.*

*An Religiosus qui ob delictum suum est ad triremes dānatus, teneatur diuinum officium recitare.*

394

*An Religiosus è Monasterio eiectus ad recitandum diuinum officium teneatur.*

395

*An Superior possit cum Religiosis nondum in sacris constitutis circa obligationem recitandi officium dispensare.*

396

*An si Religiosus iussu, & auctoritate superioris transferatur ad statum conuersorum, ab horarum canonicarum onere sit liber.*

397

*Virum Nouitij diuinum officium persolvere teneantur.*

398

401

*Virum fratres, & sorores tertij ordinis sancti Francisci ad horas canonicas persoluendas teneantur.*

399

*An Religiosi laici seu conuersi ad horas canonicas teneantur.*

401

*An laici, seu Conuersi ita obligentur vt mortaliter peccent si absque vlla causa suum officium sibi prescriptum pratermittant.*

403

*An præceptum de recitandis horis Canonicis obliget ad mortale.*

404

*An peccet mortaliter, qui voluntariè, & sine legitima excusatione integrum officium canonicum unius diei*

omit



# INDEX QVÆSTIONVM.

- omittit. 405
- An qui ex negligentia notabilem partem officij vnus diei omittit, peccet mortaliter.* 406
- An peccet mortaliter, qui vnus tantum hora officium integrum omittit v.g. Tertiam, vel Sextam.* ibid.
- An qui vnus hora aliquam partem omittit, peccet mortaliter.* 407
- Quanam horarum canonicarum pars censi debet ita notabilis, vt illius omissio ad mortale sufficiat.* 408
- An omnes septem hora Canonice vnicum integrum ecclesiasticum officium constituent.* 409
- An omittens vna die omnes septem horas canonicas, committat vnum tantum peccatum.* 410
- An is qui tres, vel quatuor, vel etiam omnes horas omisit, sue conscientie satisfaciatur, dicēdo in confessione, commisi vnum peccatū mortale in non recitando.* 413
- Quando peccatum hoc omissionis consumetur.* 414
- An qui ratione ordinis sacri, & beneficij ad diuinum officium tenetur, duo peccata specie distincta committat, si illud recitare pratermittat.* 415
- An qui plura beneficia possidet, tot peccata committat, quot sunt beneficia, dum diuinum officium pratermittit.* 416
- An peccet, qui cū diuinum officium persoluit, verba mutila, & decurtata scienter profert.* 417
- An qui partem aliquam diuini officij pratermisit, teneatur totum officium iterum recitare.* 421
- An qui itinere fatigatus lecto succumbit, cum intentione recitandi in eo memoriter completorium, & inter recitandum obdormiat cum illius omissione, peccet mortaliter.* 422
- An qui semidormiens ita diuinum officium persoluit, vt nesciat,*

# INDEX QVÆSTIONVM.

nesciat, an erret vel audiat, quod dicitur, peccet mortaliter. ibid.

An qui per metum, vel vim horas canonicas recitat, Ecclesia preceptum adimpleat. 423

An qui priuata auctoritate aliquid addit Breviario Romano aliquod peccatum committat. ibid.

An Sacerdos cum solus, aut cum vno solo socio recitat, debeat vii hac salutatione, Dominus vobiscū. 424

An hac salutatio possit fieri ab aliis, quàm à Sacerdotibus. 425

An qui recitat officium sedendo, cum standum est, &c. aliquod peccatum committat. ibid.

An hora canonica sine ulla interruptione sint recitanda. 426

An qui sine iusta causa diuinum officium interrumpit, precepto Ecclesie satisfaciat. 431

An qui inceptum officium interrumpit, animo, & voluntate repetendi id, quod iam recitauit, sua obligationi satisfaciat, si postea non repetat, sed solum conueniet reliquum, quod superest. 434

An qui quotidie tenetur dicere Rosarium, cogatur illud continuè recitare. 435

An tres vigilie nocturne possint separatim recitari. 436

An officium nocturnum diuidi iure possit à Matutinis laudibus. ibid.

An mortaliter peccet qui sine rationabili causa officium nocturnum à Matutinis laudibus seiungit. 437

An quando Matutinum seorsim à laudibus decātur, dicendum sit ante Laudum initium, Pater noster, cum Ave Maria. ibid.

An in Ecclesiis ubi Matutinū more antiquo seorsim à laudibus decātur, in Matutini sine dici debeat, Pater noster

# INDEX QVÆSTIONVM.

- noſter cum Aue Maria. 438
- Verum recitatio diuini officij, quæ inſſu Eccleſiæ funditur, vim habeat ex opere operato.* 439
- An qui ratione ordinis vel beneficij diuinum officium perſoluit, eiſmodi oratio proſit aliis, quamuis qui recitat in ſtatu peccati mortalis exiſtat.* ibid.
- An qui ad horas canonicas tenentur, ſue obligationi ſatisfaciant, recitando eas ex quouis Breuiario alio, quam ſui Epiſcopatus.* 440
- Qua formula Breuiarij vt teneantur clerici ſcholaſtici, dum ratione ſtudiij in aliena diœceſi commorantur.* 441
- Quonam Breuiario vti debet is, qui duo beneficia poſſidet in duabus Eccleſiis, quæ diuerſis vtuntur Breuiariis.* 447
- An qui non tenentur Breuiario Pij V. vt poſſunt ſi velint uti eo extra chorum.* 449
- An qui iuxta decreta ſui Epiſcopi tenentur in ſua Eccleſia horas recitare ritu quodam particulari, debeat dum alibi diuerſit, vt Breuiario Romano, ſiue alio quod in eo loco uſitatur.* 453
- An priuilegium conſeſſum alicui, ad recitandum diuinum officium per aliud Breuiarium breuius, &c. intelligatur conſeſſum ei qui illum adiunat ad recitandum.* 455
- An priuilegium Innocentij IV. conſeſſum fratribus Minoribus, &c. ſit reuocatum per dictam Bullam Pij V.* 456
- An ſit peccatum ad libitum permutare officium vnius diei, in officium alterius.* 457
- Virum Papa poſſit diſpenſare cum aliquo, ut relicto proprio Breuiario, recitet officium iuxta formam alterius Breuiarij, vel ut recitet de ſancto in die, quo Breuiarium*

# INDEX QVÆSTIONVM.

*rium præcipit, ut officium fiat de feria, vel econtra.*

463

*An Episcopus possit in hoc dispensare.* 464

*Quid dicendum de eo qui vouit dicere officium talis sancti puta sancti Bernardi die suo, in quo secundum Breniarium Romanum dicendum esset de feria.*

466

*An Ecclesie præcepto satisfaciat, qui priuatim lingua Hebraica, &c. horas canonicas persoluit.* 467

*An peccet qui ita absque aliqua iusta causa horas canonicas persoluit.* 468

*Virum ad recitationem horarum Canonicarum intentio ad eas attendendi requiratur.* ibid.

*Virum ad recitandum horas canonicas attentio necessario requiratur.* 469

*An in cap. Dolentes. de celebr. Missarum sint duo ecclesie præcepta, vnum recitationis, alterum verò attentionis.* 471

*Virum attentio actualis sit ad persoluendas horas Canonicas necessaria.* 478

*Virum attentio virtualis sit ad persoluendas horas Canonicas necessaria.* 479

*An prima attentio sufficiat ad implendum præceptum recitandi horas canonicas.* 480

*An qui an imo voluntariè distracto diuinum officium persoluit cum proposito illud repetendi, peccet mortaliter.* 481

*An qui spontè distractus horas Canonicas recitauit, & postea repetat, peccauerit prima vice sic recitando.* 482

*An qui animo ultrò distractus horas Canonicas persoluit, Ecclesie præcepto satisfaciat.* 483

D d d

An

# INDEX QVÆSTIONVM.

*An qui inter recitandum exercet aliquam actionem attentioni orationis repugnantem peccet mortaliter, & teneatur recitatum redicere.* 488

*An qui dum diuinum officium persoluit, vestibus se induit, vel ffoliat, &c. Ecclesie precepto satisfaciat.* 490

*An hic peccet saltem venialiter.* 491

*An qui non ex precepto, sed sua voluntate orat sine attentione, nonnihil peccatum committat.* ibid.

*An hic peccet mortaliter.* 493

*Vtrum possimus eodem tempore Missam audire & horas Canonicas recitare.* 494

*An aliquo modo peccet, qui vtrumque eorum simul complet.* 495

*An precepto satisfaciat, qui deuotè, & attentè diuinum officium persoluit nolens tunc precepto satisfacere.* 497

*An teneatur hic mutare intentionem, & habere voluntatem satisfaciendi, intra tempus obligationis precepti.* 501

*An obligati ad recitandum diuinum officium, vocaliter illud dicere teneantur.* 502

*Cum Deus sit scrutator cordium & ut intelligat, & penetret occulta cordium, non indigeat voce, quare petit vocalem orationem.* 503

*An ad satisfaciendum Ecclesie precepto necessarium sit horas canonicas elata voce recitare.* 504

*Qualis, & quanta debeat esse vocis pronunciatio in eo qui horas canonicas persoluit.* ibid.

*An clericus sue obligationi satisfaciat, si in diuino officio recitando sibi socium adhibeat, ita ut ambo alternos psalmorum versus, & lectiones recitent.* 508

Qui

- Qui fuit primus, qui morem hunc alternatim psallendi in Ecclesiam introduxit.* § 9
- An Clericus Ecclesia præcepto satisfaciatur, si alternatim horas Canonicas persoluit cum socio, nullam talem obligationem habente.* § 10
- An socius tunc teneatur sub mortali ad attendendum his quæ recitat.* ibid.
- An qui recitat cum pluribus, teneatur attendere ad verba omnium.* § 11
- An quando tres, vel quatuor alternis versibus diuinum officium recitant plures, quàm duos choros facere possint.* § 12
- An necesse sit quando plures diuinum officium persoluant, alternatim lectiones dicere, vel possit unus omnes recitare.* ibid.
- An qui alternatim cum socio diuinum officium recitat, sufficiat audire antiphonas, orationes, & capitula, quæ ab alio dicuntur.* § 13
- An qui versus ad se pertinentes non recitat, sed audit, nec propositum habet iterum dictum officium recitandi, peccet mortaliter.* ibid.
- An licita sit prædicta alternatio dicentis, & audientis in recitatione aliarum dicendarum.* § 14
- An pari ratione licitum sit coronam, aut Rosarium B. Virginis alternatim recitare.* § 15
- An plures obstricti ad singulas Missas dicendas satisficiant, si unus eam dicat, & alij ministrando, & respondendo audiant.* § 16
- Utrum is, qui est ad chorum, & cantum deputatus, summum munus & officiũ expleat, si partem ad se pertinentem uia submissa, & tacita voce pronunciet, ut non canat cum aliis, sed tantum socios canentes in altero*

# INDEX QVÆSTIONVM,

chori auscultet.

ibid.

*Quomodo Canonici, vel beneficiarij vnius chori se gerere debeant, quando versus in aliò choro cantantur.*

§ 21

*An dum vna pars chori tacet, teneatur attendere ad aliam, quæ cantat, eamque audire.*

§ 22

*An liceat uti cantu, quando proces horarie publicè in Ecclesia recitantur.*

§ 23

*An in officiis diuinis & horis Canonicis liceat uti musicis instrumentis.*

§ 26

*Vbinam iure communi sit diuinum officium persolendum.*

§ 27

*An recitare publicè in choro diuinum officium cadat sub precepto.*

§ 28

*Virum hoc preceptum obliget ad mortale.*

ibid.

*Virum Canonici, & ceteri beneficiarij alicui Ecclesie deputati, qui absque iusta causa omittunt dicere officium in choro peccent mortaliter.*

§ 30

*Virum Episcopus ratione sui muneris, seu beneficij horas canonicas cum alijs in Ecclesia publicè recitare teneatur.*

§ 33

*An Religiosi qui chorum profitètur, teneantur sub mortali ex vi huius generalis precepti, ad canendum in choro.*

§ 36

*An clerici iure communi cum priuatim horas canonicas recitant, satisfaciant Ecclesie precepto, recitando ubicunque voluerint.*

§ 38

*Cur per se loquendo, melius sit priuatim recitare diuinum officium in Ecclesia quam alibi.*

§ 40

*Quo tempore diuinum officium sit recitandum.*

§ 41

*An qui sine iusta causa recitant officium diuinum in choro,*

chore,

choro , extra horas conueltas , peccent mortaliter.

545

*An clericus peccet mortaliter , qui priuatim recitans sine iusta causa tempus debitum persoluen- di horas non seruat.* 547

*An hic saltem peccet venialiter.*

*An melius sit horas Canonicas antepo- nendo recitare ob negotia, & occupationes sa- pius incidentes, quàm post- ponendo.* 552

*An liceat dicere Matutinum diei sequentis in vesperis antecedentis diei.* 553

*Virum volens Matutinum recitare in vesperis prae- cedentis diei , debeat solem occidentem expectare.*

554

*An vespertina preces tempore quadragesimali ante prandium persolui debeant.* 557

*Vndenam officium Canonicum incipiat.* *ibid.*

*Vbinam officium canonicum finiatur.* 559

*An liceat inchoare officium diei sequentis non expleto officio diei praecedentis.* *ibid.*

*Virum clericus sacris initiatus teneatur statim sus- cepto subdiaconatu , diuinum officium persolvere.*

560

*Virum beneficiarius teneatur totum officium eo die re- citare , quo beneficij possessionem accepit.* *ibid.*

*Virum Religiosus, seu clericus, vel beneficiarius qui to- tum officium integrum recitauit ante professionem, vel antequam ordinem, vel beneficij possessionem ca- peret, teneatur iterum recitare partem respondentem hora in qua professionem emisit, vel ordinem, aut be- neficij possessionem accepit.* 561

*Quo ordine diuinum officium recitandum sit.*

562



# INDEX QVAESTIONVM

- An qui mutat ordinem psalmorum, vel inter se, vel cum lectionibus, capitulis, aut hymnis, & similia, peccet, & recitatum repetere teneatur.* 563
- An in hoc casu ipsamet pars omissa repetenda sit, an verò sufficiat aliquid aliud loco ipsius recitare.* 564.
- An qui ordine prapostero horas canonicas persoluit, aliquod peccatum committat.* 565
- An hic peccet mortaliter.* 567
- Virum peccet mortaliter, qui Missam celebrat, nondum recitato Matutino.* 568
- An sacerdos qui ob infirmam valetudinem est immunis à Matutinis precibus, possit tuta conscientia celebrare.* 572
- An peccet sacerdos, qui ante Prima recitationem, sine iusta causa sacrum facit.* 573
- An qualibet aegritudo corporis iustam officij diuini excusationem praebeat.* ibid.
- An qui quartana, vel tertiararia febre laborat, vel qui credit se aliquo impedimento implicandum, quominus suo tempore queat horas canonicas recitare, teneatur intra eandem diem tempus praeuenire, aut postponere, & officium diuinum ex toto soluere.* 575
- Quid faciendum, quando dubitatur, An aegritudo sit grauis, vel leuis.* ibid.
- An cum de aegritudinis grauitate dubitatur, consilium & iudicium medici sufficiat, ut ab onere recitandi infirmus sit liber?* 576
- An quando Medicus ipse dubitat, an morbus sit grauis, vel leuis, egrotus ad horas recitandas teneatur.* 577

- An qui per seipsum non potest diuinum officium recitare, per alium supplere teneatur.* §79
- An studium excuset a recitatione horarum.* ibid.
- An peregrinatio a penso horarum excuset.* §80
- An qui excusantur à recitatione horarum, teneantur aliquid aliud eius loco dicere aut facere.* ibid.
- An qui propter infirmitatem non potest totum officium recitare, teneatur ad partem, quam potest.* §82
- An cecus à recitatione horarum canonicarum excusetur.* §86
- An qui solus nequit diuinum officium persolvere, sed potest cum socio, teneatur illum sibi adhibere.* §88
- An hic teneatur suis propriis expensis conducere socium, cum quo possit diuinum officium recitare?* §89
- An cecus excusetur ab assistentia in choro.* §91
- Virum cecus qui ob defectum memoria nullam partem precum commodè recitare potest, teneatur audire alium omnia dicentem, & cum eo dicere versus ad se pertinentes, ut onus diuini officij impleat.* §92
- An surdus iustam excusationem non recitandi habeat.* §93
- An surdus qui non potest diuinum officium dicere sine socio, teneatur illum adhibere.* ibid.
- An surdus excusetur ab assistentia chori, quando ratione beneficij ad illam tenetur.* §94
- An qui loqui non potest, teneatur mentaliter diuinum officium persolvere.* §95
- An defectus Breuiarij ab onere recitandi excuset.* §96.

# INDEX QVÆSTIONVM.

*Sed quid, si malitiosè proiecit Breuiarium in mare  
vel in ignem, vt se impossibilitaret ad recitandum.*

597

*An qui antequam Breuiarium comparet vel antequam  
sciat diuinum officium recitare, ordinem, vel benefi-  
cium suscipit, peccet mortaliter.*

598

*An qui caret Breuiario teneatur recitare, si memoria  
teneat officium.*

599

*Utrum occupatio repentina, ab obligatione recitandi  
excuset.*

600

*An necessarium sit, obligationem illam charitatis tan-  
tam esse, vt sit graue peccatum actionem ita necessa-  
riam pratermittere, etiam propter dicendum offi-  
cium.*

602

*An is qui in choro occupatur in querendo psalmos, an-  
tiphonas, lectiones, &c. Et ob id impeditur, quominus  
horas canonicas recitare queat, iustam excusationem  
habeat.*

603

*An metus mortis iustam diuini officij excusationem  
præbeat.*

604

*An qui omnino inuitus preces horarias persoluit, Ec-  
clesiæ præcepto satisfaciat.*

605

*An in excommunicationem incurrat, latam in non re-  
citantem officium, qui illud omnino inuitus implet,  
ibid.*

*An qui sua voluntate in irregularitatem incurrit, vel  
ob delictum suum excommunicatione, &c. feritur,  
& ob id beneficij fructus non percipit, ab onere reci-  
tandi diuinum officium excusetur.*

606

*An ignorantia huius præcepti excuset à recitando*

608

*An naturalis obliuio iustam diuini officij excusationem  
præbeat.*

præbeat.

ibid.

*An qui solum ratione beneficij tenetur dicere officium, & tamen neque per se, neque per alterum est percepturus beneficij fructus, iustam excusationem non recitandi habeat.*

609

*An qui tenuissimum beneficium possidet iustam excusationem non recitandi habeat.*

610

*An Romani Pontificis privilegio possit clericus in sacris constitutus, absolui à lege horas canonicas recitandi.*

611

*An clericus beneficiatus possit Romani Pontificis auctoritate à lege horas canonicas recitandi liberari.*

612

*An si Romanus Pontifex conferat infanti aliquod beneficium simplex, eo ipso censeatur eum ab onere recitandi eximere.*

614

*An Episcopus possit propriè in præcepto recitandi horas canonicas dispensare.*

ibid.

*An qui dubitat, an diuinum officium dixerit, teneatur illud repetere.*

615

*An qui diuinum officium persoluit, sed propter mentis euagationem, est anceps, an hymnum, vel psalmum dixerit, teneatur hymnum illum, vel psalmum iterum recitare.*

616

*An qui diuinum officium persoluit, & propter scrupulum timet, ac putat se non satisfacere, idèoque proponit recitatum repetere, teneatur uerum recitare, si postmodum rationabiliter credat se satis fecisse.*

617

*An qui hodie ob iustum impedimentum pensum horarum prætermisit, teneatur cras illud supplere.*

ibidem.

*An qui diuinum officium non recitauit, teneatur in satisfactionem totum officium omiffum repetere. & hoc fit ei à confeffario iniungendum.* 618

*An recitatio, quæ eft peccatum ob indebitam loci, aut temporis, aut finis circumftantiam appositam, fit reiteranda.* 619

*An qui ad diuinum officium obligatur, fuo muneri fatisfaciat, fi alicui mandet, ut pro fe illud dicat.* 621

*An clerici facris ordinibus initiati, vel beneficiarij, aut Religiofi profeffi, horas canonicas prætermittentes, cenfuram, aut aliquam aliam fpiritualem pœnam ipfo facto incurrant.* *ibid.*

*An clerici in facris conftituti, nullum tamen beneficium habentes, ad aliquam reftitutionem teneantur, fi diuinum officium prætermittunt.* 622

*An beneficiarius qui in peccato mortali diuinum officium perfoluit, ad reftitutionem fructuum teneatur.* *ibid.*

*Utrum beneficiarius qui fcienter diuinum officium prætermittit, iure diuino, & naturali ad fructuum reftitutionem teneatur.* 624

*Utrum beneficiarius fcienter horas canonicas prætermittens, teneatur de iure communi canonico, & antiquo ad reftitutionem fructuum.* 625

*An extet aliquod ius nouum, quo horas canonicas prætermittens, eo ipfo teneatur fructus beneficij perceptos reftituere.* 626

*An beneficiarius qui diuinum officium fcienter omiffit in primis ſex menſibus accepti beneficij, teneatur ad reftitutionem fructuum respondentium illis diebus.* 628

*An*

# INDEX QVÆSTIONVM.

- An qui intra primos illos sex menses ab impetrato beneficio absque iusta causa diuinum officium pratermittit, lethaliter peccet.* 629
- An qui hodie non recitauit, sed altera die supplet defectum in recitatione diuini officij pratermissi, ad restitutionem fructuum teneatur.* 630
- An qui plura beneficia legitimè possidet, nec horas canonicas recitat, teneatur pro rata officij fructus omnium beneficiorum restituere.* 632
- An qui mente ultro distracta, diuinum officium recitat restituere fructus teneatur.* 634
- An excommunicatus recitans officium in excommunicatione, possit retinere fructus beneficij.* 635
- An qui uno, vel pluribus diebus diuinum officium non recitauit, debeat fructus restituere pro rata omissi officij.* 636
- An pro omissione minori, quàm unius hora integra, sit aliquid restituendum.* 638
- An vniuersaliter omnes beneficiarij horas canonicas non recitantes, teneantur restituere omnes fructus beneficij integrè pro rata temporis, quo horas amittunt.* 639
- An pensionarius qui officium paruum Beata Virginis quotidie non soluit, fructus sua pensionis restituere teneatur.* 643
- An hac fructuum restitutio facienda sit statim in conscientia, non expectata Iudicis sententia.* 644
- Cui facienda sit hac restitutio.* 645
- Quid nomine pauperum hoc loco intelligatur.* 646
- An appellatione pauperum veniant non solum mendici,*

# INDEX QVÆSTIONVM.

dici, sed etiam alij, qui quamuis necessaria natura habeant, ad decentiam tamen persona necessarius carent. ibid.

An hæc restitutio facienda sit pauperibus illarum ecclesiarum, ubi sua sunt beneficia. 647

An si beneficiarius pauper sit, aut eius mater, fratres, aut sorores, possit sibi, aut eis hanc restitutionem facere. ibid.

Virum beneficiarius qui horas canonicas prætermisit, possit sibi retinere fructus, quos titulo remissionis recepit à pauperibus. 648

An hæc restitutio fieri possit pro celebrandis Missis, vel in aliis suffragiis, offerendis pro defunctis. 649

An hæc restitutio facienda sit fabricæ illius Ecclesiæ, ubi situm est beneficium. 650

Virum pensionarius non recitans officium paruum Beate Virginis, teneatur insumere pensionem in fabricis, vel pauperibus, vel potius non accipere à beneficiario solvente illam. ibid.

An paruum Beate Virginis officium ad horas canonicas pertineat. 652

An qui debet horas canonicas recitare, teneatur quoque persolvere preces Beate Virginis. ibid.

An clerici certis hebdomadæ diebus teneantur officium mortuorum persolvere. 653

An Canonicus eius Ecclesiæ, in cuius choro cani solent prædicta parua officia, recitare debeat eadem, cum priuatim extra chorum horas canonicas persolvit. 654

Quosnam comprehendat hæc obligatio in choro recitandi prædicta officia, singulos in particulari, an communiter,

# INDEX QVÆSTIONVM.

*munitatem, an denique ad solum Prælatum extendatur.* 655

*An clerici, & beneficiarij qui processionibus, dum litania decantantur, non interfunt, teneantur sub mortali priuatim eas recitare.* 656

## TERTII LIBRI

### Quæstiones.

**Q**UID nomine distributionum in iure intelligatur. 658

*Quid sint distributiones quotidianæ.* ibid.

*An appellatione fructuum beneficij distributiones quotidianæ comprehendantur.* 661

*An appellatione reddituum, seu prouentuum beneficij quotidiana distributiones comprehendantur.* 664

*Quo iure introductæ sint distributiones.* ibid.

*Qua de causa introductæ sint quotidiana distributiones.* 665

*Quibusnam distributiones quotidianæ debeantur.* 666

*An consuetudine introduci possit, ut in absentia quis percipiat distributiones.* 667

*Virum Canonici teneantur diuinum officium canendo recitare.* 668

*Virum Canonicus possit alium in sui locum substituere, & distributiones capere.* 669

*An Canonici assistentes tantum personaliter choro, & ibi non recitantes, sed domi, eos fructus sibi acquirant, quos quotidianas distributiones appellant.*

670

*An*



# INDEX QVÆSTIONVM.

- An consuetudine introduci possit, ut Canonici choro interessentes, & per alios canentes, possint distributiones acquirere.* 674
- An hac consuetudo post Concilium Tridentinum, & prædictam Pij V. constitutionem valeat.* 676
- Quantum temporis requiratur, ut huiusmodi consuetudo legitimè introducta censeatur.* ibid.
- An qui alternatim diuinum officium persolunt, ad utrumque chorum canentem attendere teneantur.* 677
- An Canonicus sua obligationi recitandi officium satisfaciatur, qui suos versiculos ad se pertinentes recitat, sed alios quos alter chorus dicit, non percipit, quamuis attendat.* 678
- An qui ob mortalem finem diuinum officium persoluit, suo muneri satisfaciatur.* 679
- An qui in eadem Ecclesia licitè duas habet præbendas, ut si simul sit Archidiaconus, & Canonicus, una interessentia distributiones duplices acquirat.* ibid.
- An per consuetudinem fieri possit, ut habens dignitatem, & canonicatum, vel duos canonicatus, una interessentia, utriusque canonicatus distributiones capiat.* 681
- Quantum temporis sufficiat ad hanc consuetudinem legitimè introducendam.* 683
- Ex quibus causis Canonici absentes licitè possint distributiones quotidianas acquirere.* ibid.
- An quolibet infirmitas excuset ab obligatione interessendi, ut distributiones lucretur.* 684
- An infirmus qui ante infirmitatem choro assistere non solebat, possit nunc tempore infirmitatis distributiones lucrari.* ibid.
- An*

*An qui choro interesse solebat , sed concepto proposito non interessendi, incidit in morbum, possit distributiones percipere.* 685

*An qui alias, cum bene valebat, diuinis officiis tempore statuto interesse consueuerat, sua culpa in morbum incidit, ut quia intemperanter vixit, aut quia altercando vulnus accepit, possit tuta conscientia distributiones acquirere.* 686

*Sed quid de eo, qui data opera in morbum incidit, ut morbo impeditus personaliter esse nequiret, An hic possit distributiones lucrari.* 687

*An distributiones debeantur ei, qui causa acquirenda sanitatis, de consilio Physici vrbe egreditur ad balnea, &c.* ibid.

*Vtrum absens à choro ob iustam, & rationabilem corporis necessitatem, possit distributiones recipere.* 689

*An Canonicus qui fuit in carcerem coniectus, possit pro tempore quo in vinculis detinetur, distributiones percipere.* 690

*An huiusmodi canonico iniuste in carcerem coniecto debeantur etiam mortoria, seu funerales portiones, & anniuersaria, &c.* 691

*An qui ob senectutem diuinis officiis, prout debet, interesse nequit, possit distributiones acquirere.* 692

*An qui metu pestis contrahenda ab Ecclesia recedit, possit distributiones percipere.* 693

*Vtrum excommunicatus, suspensus, & interdictus quotidianas distributiones acquirat.* 694

*Vtrum Canonici qui tempore cessationis nequeunt diuinis officiis interesse, distributiones acquirant.* 696

*Vtrum*

# INDEX QVÆSTIONVM.

*Verum Canonici distributiones amittant, quando Ecclesia, in qua diuina officia celebrantur, est polluta.* 697

*Quotnam sint casus, in quibus Ecclesia polluitur, ita ut in ea diuina officia persolui nequeant.* 698

*Verum Canonicus qui est irregularis, ob irregularitatem distributiones amittat.* 699

*An realiter degradatus distributionibus priuetur.* *ibid.*

*An realiter degradatus alendus sit ex distributionibus, si aliunde non habet, quo alatur.* 700

*An degradatus verbaliter alendus sit ex distributionibus, quoties aliunde non habet, unde viuat.* *ibid.*

*Verum Canonicus, qui est beneficio priuatus, possit distributiones percipere.* 701

*An beneficiarius qui est in peccato mortali quotidianas distributiones amittat.* *ibid.*

*Verum absens in Ecclesia sue utilitatem, possit distributiones percipere.* 702

*An qui tempore diuini officij detinetur in confessione suorum peccatorum, possit distributiones lucrari.* 704

*An qui tempore diuinorum officiorum abest causa peregrinationis, possit distributiones percipere.* *ibid.*

*An qui abest propter euidentem necessitatem suae Ecclesiae, quotidianas distributiones accipere possit.* 705

*Verum absenti ad tuenda Capituli iura, distributiones debeantur.* 706

*Verum Canonici quibus locorum piorum cura commissa, possint distributiones percipere pro eo tempore, quo ut piis illis locis rem aliquam utilem faciant,*

# INDEX QVÆSTIONVM.

*faciant à diuinis officiis absint.*

707

*An qui spontè procurauit sibi à Capitulo munus deman-  
dari ad peragenda Ecclesie negotia tempore diuino-  
rum officiorum, possit tempore abienria distributio-  
nes lucrari.*

709

*An Canonicus qui à Capitulo munus accepit ad nego-  
tia Ecclesie peragenda, quæ extra tempus diuini of-  
ficij expedire poterat, distributiones lucretur, si ea  
tempore diuini officij expediat.*

ibid.

*An qui ad peragenda Ecclesie negotia cuius discessit  
quàm par est, possit distributiones percipere pro eo  
tempore, quo cuius discessit.*

710

*Virum Canonicus qui à Capitulo mandatum habuit  
expediendi negotium aliquod in euidentem Ecclesie  
sua utilitatem, possit distributiones lucrari, si hic ali-  
quod temporis spatium in prophanis recreationibus  
insumpsit, in quo ceteri canonici diuinis officiis assi-  
stunt.*

ibid.

*An qui ob negotium sue Ecclesie commodo conducens,  
sine licentia Episcopi abest, possit distributiones per-  
cipere.*

711

*An qui absunt ab officio chori, quia sunt in obsequio  
Episcopi, ut si illum comitentur, dum diocesim visi-  
tat, possint distributiones percipere.*

712

*Virum absens in seruitio Principis secularis possit di-  
tributiones percipere.*

714

*Virum absens in seruitio Cardinalis, possit distributio-  
nes lucrari.*

ibid.

*Virum absens in seruitio Cardinalis legati debeat distri-  
butiones percipere.*

715

*Virum absens in seruitio Papæ, possit distributiones lu-  
crari.*

716

Ecc

Virum

# INDEX QVÆSTIONVM.

*Virum ci qui simul est Canonicus, & Vicarius Capituli, distributiones debeantur, dum sede vacante tempore diuinorum officiorum Vicarij munus exercet.* 717

*An qui simul est Canonicus, & Vicarius Episcopi possit distributiones percipere, dum tempore diuinorum officiorum, Vicarij munere fungitur.* ibid.

*An Canonicus qui abest ad tuenda sui beneficij iura, possit distributiones lucrari.* 718

*Virum Canonicus qui est etiam Capellanus, percipere possit distributiones, qui celebrat in Ecclesia Collegiata, vel cathedrali, cui est adscriptus, dum diuina officia celebrantur.* 719

*An Canonicus qui de mandato sui superioris celebrat tempore diuini officij, possit distributiones percipere.* 720.

*An pœnitentiarius qui tempore diuini officij confessiones audit, possit distributiones percipere.* ibid.

*Virum alij Canonici, qui tempore diuinorum officiorum confessiones in Ecclesia audiunt, distributiones percipere possint.* 721

*Virum Canonicus qui simul habet curam animarum in alia Ecclesia, possit distributiones lucrari, dum tempore diuini officij abest, vt cura animarum inseruiat.* 722

*Verum absens causa studij, possit distributiones percipere.* 723

*Virum Theologus Ecclesie cathedralis possit distributiones lucrari, si tempore diuini officij à choro absit pretextu lectionis, aut concionis paranda.* 725

*Virum*

# INDEX QUESTIONVM.

- Virum absens à choro possit ex privilegio distributiones percipere.* 727
- Virum Papa possit dispensare, ut absens valeat distributiones lucrari.* ibid.
- An consuetudine induci possit, ut absentes distributiones percipiant.* 728
- An valeat consuetudo, qua Canonicus de foris veniens per duas, vel tres dies domi manere possit, ad res suas commodandas, & tamen pro eo tempore distributiones percipiat.* 729
- Virum distributiones quas Canonici amittunt ob absentiam à divinis officijs, interessentibus accrescant.* 730
- Virum distributiones absentium debeantur non solum actu interessentibus, verum etiam alijs, qui iuris fictione censentur interessentes, ut qui absunt ex causa infirmitatis, &c.* 732
- An vetita sit distributionum remissio.* 733
- An vetita sit distributionum donatio.* 736
- An collusio circa distributiones sit licita, aut valida.* 738
- An qui divinis officijs non interfuit, teneatur non solum distributiones non recipere, verum etiam, & perceptas restituere, ante ullam iudicis sententiam.* ibid.
- Virum beneficiarij sint verè, & propriè usuarij fructuum, & reddituum ecclesiasticorum.* 741
- Virum beneficiarij sint usufructuarij fructuum suorum beneficiorum.* ibid.
- Virum Episcopi, & beneficiarij sint verè, propriè, & simpliciter domini fructuum, quos ex suis beneficijs percipiunt.* 742

# INDEX QVÆSTIONVM.

- Virum beneficiarij arctius teneantur ad dandam elemosynam ex fructibus suorum beneficiorum, quam laici ex suo patrimonio.* 751
- An beneficiarij qui superflua decentia sui status in prauos, vanos, aut prophanos usus expendunt, aut sibi retinent, peccent mortaliter.* 754
- Quodnam beneficium cuilibet clerico ad decentem vi-  
ctum sufficiens censeatur.* 754
- Virum beneficiarij possint de eo disponere, quod sibi  
parcius viuendo subtraxerunt ex portione suis usi-  
bus deputata, an verò teneantur illud pauperibus  
erogare.* 757
- Virum beneficiarij possint de bonis, & redditibus annuis  
suorum beneficiorum testari.* 758
- An beneficiarij Romani Pontificis priuilegio testari  
possint.* 760
- An beneficiarij qui de illa parte prouentuum, que su-  
perest, ad causas prophanas testantur, peccent mor-  
taliter.* 761
- An tale testamentum ad causas prophanas factum  
valcat.* 762
- An beneficiariis consanguinei succedant ab intestato in  
fructibus beneficiorum.* ibid.
- Virum beneficiarius dum est in periculo mortis,  
possit de redditibus sui beneficij aliquid donare.*  
763
- An pensionarius teneatur dare pauperibus quod super-  
est de fructibus pensionis.* 764
- An pensionarius testari possit de fructibus pensionis.*  
765
- Virum clerici collegiatarum Ecclesiarum sint verè,*  
c

INDEX QVÆSTIONVM.

¶ propriè domini quotidianarum distributionum.  
ibid.

An clerici collegiatarum, vel cathedralium Ecclesiarum liberè possint testari de quotidianis distributionibus. 767

An clericis consanguinei succedant ab intestato in quotidianis distributionibus. ibid,

FINIS TABVLÆ.


ANT  
1315700

















6h10

B: 113



